



BIBL. NAZ.  
VITT. EMANUELE III

148



33



101

~~7~~

38



V I T Æ  
Quorundam  
ERUDITISSIMORUM  
ET  
ILLUSTRIUM VIRORUM.

*Quorum Nomina exstant in pagina sequenti.*

Scriptore  
THOMAS SMITHO,  
*S. Theol. Doctore & Ecclesie Anglicanae Presbytero.*



L O N D I N I,  
Apud DAVIDEM MORTIER in Via dicta de Strand ad Insigne Erasmi.  
M D C C V I I.

- I. JACOBUS USSERIUS, Archiepiscopus Armachanus, & totius Hiberniæ Primas;
- II. JOANNES COSINUS, Episcopus Dunelmensis;
- III. HENRICUS BRIGGIUS, Geometriæ in Academia Oxoniensi Professor Savilianus;
- IV. JOANNES BAINBRIDGIUS, Astronomiæ in Academia Oxoniensi Professor Savilianus;
- V. JOANNES GRAVIUS, Astronomiæ in Academia Oxoniensi Professor Savilianus.
- VI. PETRUS JUNIUS, Ser. Regis JACOBI, primi *Britanniarum* Monarchæ, Præceptor, & magnus *Scotiæ* Eleemosynarius;
- VII. PATRICIUS JUNIUS, Ser. R. R. JACOBO I. & CAROLO I. *Britanniarum* Monarchis à Bibliothecis;
- VIII. JOANNES DEE, Mathematicus Anglus.



# LECTORI.

**A**Ntequam ad perlegendas hæc, quæ sequuntur, in hac Sylloge comprehensas Vitas admittaris, ut pauca quedam in antecessum, præmissis hoc brevi prologo quasi galeato, noris, & tua & mea non parum interesse, faciliè mecum pro prudentia & candore tuo judicabis.

Non opus erit, heic laboriosè demonstrare conari, cùm id cuius ex exteris, qui apud nos aliquanto tempore moram facientes, linguæ & moribus nostris assueverint, sit perspectissimum, Gentem *Anglorum* pro genio à natura insito, pro amore & admiratione virtutis, ubiubi eminuerit, proque sensu pietatis & religionis, cives suos, cujuscunque ordinis, gradus, aut professionis, quotquot de patriâ, sive munificentia, sive in pace & bello gestis, sive studiis literarum, sive ingenii longè supra mediocritatem evecti monumentis, sive sapienti propagandæ aut contra quoslibet hostes defendendæ Veritatis zelo, sive pulcherrimis solidæ & ab omni fuco vacuæ sanctimonix exemplis, aut qualicunque modo, præclare meriti sunt, debitis elogiis, non solis orationibus & concionibus, in exequiis solenni ritu habitis, in quibus defuncti pro rostris laudantur, sed iisdem, quæ alioqui inter pronuntiandum penitus evanescerent, aut publica luce donatis, aut justis amplisque interdum commentariis editis, ne diuturnitate tempo-

ris & ex vitio humanæ fragilitatis, cui non aliter succurri possit, ex hominum memoria penitus exciderent, utpote quovis marmore & ære perennioribus, prosequi, famamque in omne ævum duraturam, tum ut ipsis inter cœlites receptis istiusmodi parentationes laudi, tum ut aliis ad eandem metam anhælantibus, ad eandem summas virtutes sive æmulandas, sive attingendas, sive ausu planè heroico superandas, incitamento forent, ad seros nepotes transmittere, egregiisque præconiis illustrare gratissimo mentis affectu consuevisse. Quod non de oratoriis amplificationibus tritisque commendationibus, è communibus locis peti solitis, sed de Historicis notitiis, in quibus illorum prosapia, educatio, mores, & excelsæ animi dotes, studiorum & totius vitæ ratio, erga sanctissimum Numen pietas, in Ecclesiam & Rempublicam literariam merita, dignitates, & memorabilia, quæ ad illos propiùs spectant, brevi compendio, tanquam in tabula, coram omnium oculis repræsentantur, intelligi velim. Hoc, tum conciones funebres propemodum innumeræ, tum enarrationes, illa omnia complexæ, aut separatim editæ, aut illorum operibus sæpenumerò simul collectis præmissæ, testatissimum faciunt.

Interim diffiteri non licet, tum illorum, tum patriæ honori meliùs consuli posse, si ea quoque Latine exstitissent, quo inter omnes gentes, quibus pietatis & eruditionis amor studiumque curæ & cordi sunt, tantarum virtutum fama, non angustis unius regionis limitibus coarctata, sed communi ista lingua, immortalis quidem & mutationis experte, vulgata diffunderetur. Sed nescio quo fato obvenit, quod plerisque nostratum, qui Latine eleganter, & quidem optimè, scribere norint, sive popularium commodo unice intentis, sive alienos plausus, neutiquam, præ modestia vix excusabili, captantibus, cum nos nobis ipsis amplum satis theatrum simus, longè aliter visum sit: sed ut omnibus ingenuis, harumque rerum curiosis, qui summarum virtutum divinatorumque charismatum,

tum, ubi ubi per universum Artium & Scientiarum orbem in quibuscunque extenduntur, imagines, non lividis malignisve, sed lætis placidisque, oculis intuentur, palam fieret, tum in Patriæ decus, tum in commune literarum bonum, officii debiti jus & ratio à grata posteritate exigere videntur, ne fideli descriptore carentes, longa nocte oppressi ignotique jaceant. Hac ex parte de universis penè sui temporis viris, ingenio & doctrina præstantibus, & potissimum de suis *Gallis illustrissimus Thuanus*, de *Italīs Paulus Jovius*, de *Germanis Melchior Adamus*, præclare admodum meriti sunt: ut à cæteris recensendis in præsentī abstineam. Hoc autem opprobrium, quo à rigidis invidisque censoribus aspergimur, amoliri satagebat admodum reverendus in Christo Pater, D. *Joannes Fellus*, Episcopus *Oxonienſis*, de universa re literaria pariter ac de ista celeberrima Academia optimè meritis, quorundam Academicorum, quos isti negotio non impares & idoneos judicavit, in duobus tribusve voluminibus virorum apud nos maximè celebrium, qui in isthoc & superiori seculo floruerunt, vitas complexuris edendis operâ usurus: & sanè id in effectum dedisset ille, cujus entheæ menti ac indefessæ industriæ nihil erat inaccessible, impervium nihil, nisi infausta tempora tunc ex malè sanis seditiosisque Schismaticorum & Democraticorum technis & insultibus ingruentia, ipsiusque mors, quæ paulo post secuta est, viz. x<sup>o</sup> *Julii* die A. M. DC. LXXXVI. ineunte vitæ suæ climacterico, protenus obstitissent: de qua re in præfatione ad D. *Camdeni* Epistolas *Londini* 1691 editas fusè cgi.

Ab illo tempore sanctum istud (sic enim appellabo) consilium, quod tunc penitus interciderat, intimis medullis infixum adeo indivulsè hærebat, ut huic Viri optimi proposito aliquatenus promovendo symbolam meam conferre magis magisque propenderem, post maturam seriamque deliberationem satis animo convictus horas subsécivas non posse aut de-

decentiùs aut utiliùs, quàm in contexendis magnorum Viorum Vitis, collocari.

Horum famæ dum litaverim, conscientia recti, & bonis literis benè pro virili mea merendi desiderio animatus, id melius cessurum, nec temerè quidem, credidi, si eorundem opusculis hætenus ineditis, sed ejusmodi, quæ decus & honorem in Auctores refunderent, & publicæ literarum utilitati essent infervitura, narrationes istæ, quas molitus sum, præfigerentur. In horum enim pretiosis, quæ aut in Bibliothecarum archivis, aut in privatorum Museis latuere, reliquiis eruendis non segnem impendi operam, nec industriam & curiositatem felix destituit eventus. Quo consilio, si non unicè, saltem præcipuè, ductus, inter tot Heroas, quos utraque *Britannia*, major minorque, produxit, omnium seculorum memoria dignissimos, paucorum Vitas, quas jam damus, illustrandas suscepi; ut brevi indicabo, hac unica monitione præmissa, eas non eodem, quo exhibentur, ordine, nec simul, sed aliquot annorum intervallis, prout siverit opportunitas, conscriptas fuisse.

In fronte hujus Collectionis reverendissimi Viri, D. *Jacobi Usserii*, Archiepiscopi *Armachani*, & totius *Hibernie* Primatis, vitam, non ita pridem scriptam, tanquam *πρίστανος τάλαντος*, collocavi, tum ob eminentissimam, quam in ista Ecclesia merito suo adeptus est, dignitatem, tum ob summam doctrinam, quam Christianus orbis dudum agnovit & miratus est: in qua me non pauca ex amplâ Reverendi Viri, *Richardi Parri* S. T. P. D. *Usserio* à sacris domesticis, & cujus fidei & curæ Collectanea vastæ molis, ingensque Schedarum strues à moriente Patrono concredita erant, commentatione, vernaculo nostro sermone exaratâ, Epistolis *Usserianis* A. 1686. *Londini* publicatis præfixa, adnotasse ingenuè & lubens fateor. Sed quàm multa ex iisdem Collectaneis, & præsertim Epistolis, quas, antequam in lucem produ-

ducerentur, accuratè perlegi, item ex Schedis aliis, propria magni Auctoris manu descriptis, in Bibliotheca *Bodleiana* repositis, denique ex istorum temporum Historiis, quæ elucidandæ illius vitæ maximè inserviunt, in *Adversaria* mea, olim in privatum usum, cùm de iis edendis ne vel minima mentem subiisset cogitatio, congesta, addiderim, Tu ex levicula collatione, si sapias, & rectè judicare potes, facilè coram videbis. Et sanè, licèt tot tantisque subsidiis instructus, ab hoc labore quali quali omninò superfedissem, nisi ante quadriennium aut circiter Vir clarissimus, *Jacobus Tyrellus* Armiger, D. *Ufferii* ex filia nepos, famæ Avi sui propagandæ studiosissimus, ut id muneris implere vellem, me exorasset, cujus sualibus precibusque, & iis quidem crebrò repetitis, tandem cessi, quamprimùm à severioribus studiis, quibus tunc implicabar otium, & intermissionem obtinuissem.

Sequitur Vita reverendissimi Viri, D. *Joannis Cosini*, Episcopi *Dunelmensis*, cujus scribendæ hæc origo & causa fuit.

Cùm ineunte anno 1692. illustrissimus Vir *Henricus* Comes *Clarendoniensis*, Viri maximi, *Edwardi*, meritò ad dignitatem & titulum Comitum à serenissimo Rege, *Carolo II.* post restauratam Monarchiam evecti, & Cancellarii *Angliæ*, quorundam Aulicorum, quorum malè sanis consiliis & machinationibus illius inconcussa & incorrupta fides summæque virtutes obstruxerant, invidia prostrati, & à Patria, de qua optimè meruerat, iniquissimè proscripti, filius primogenitus, pro ingenti, quo erga me tunc ferebatur, & adhucdum fertur, affectu, in familiari, quo me dignari solet, sermone, se libellum autographum ejusdem *Cosini* de *statu & constitutione Ecclesiæ Anglicanæ*, Parentis rogatu *Parisiis* 1652. scriptum, in Bibliotheca sua habere retulisset, facilè impetravi, ut usus illius mihi concederetur. Hunc summa cum delectatione lectum relectumque cum venia illius exscripsi, utpote animo, seria deliberatione habita, convictus, illum præcipuè

\*\*

in

in exterorum, quo de nostræ Ecclesiæ politia, disciplina, doctrina, cultu sacro, aliisque cognati argumenti, melius informari possent, gratiam, in publicam lucem edi oportere. Sed fervor iste tunc propediem publicandi ex multis remoris, ab iniquitate temporum injectis, paulatim intermissus est, nec de illo amplius cogitatum. Post aliquot verò annos prius istud studium tamdiu sopitum revixit: & quo meliori & decentiori apparatu prodiret, quædam de Auctoris natalibus, educatione, studiis, muneribus, tum in Academia *Cantabrigiensi*, tum in Ecclesia administratis, de perpeffionibus sub infaustissimis Parlamentariæ rebellionis temporibus, de exilio in *Gallia*, de invicta adversus tum *Romanenses* tum *Puritanos* fortitudine & Veritatis contra utrosque tuendæ zelo, de illius post reditum in *Angliam* promotione ad Episcopalem ordinem, curaque pastoralis planè admiranda, denique de universæ vitæ, quantum expiscari licuit, ratione præmittere, apud me constitui. Harum rerum notitiam qualem qualem reverendus Vir, D. *Isaacus Basirius*, Archidiaconus *Northumbriæ*, in appendice ad concionem funebrem mense *Aprili* 1672. habitam, & sequente anno typis exclusam suppeditavit: sed hisce memoriis non satis contentus, duos tresve nobilissimos viros, aliosque, qui illum tum *Parisijs*, tum postea *Londini* & *Dunelmi*, familiariter norant, consului, quicquid, quod ad hoc propositum faceret, certius pleniusque edocendus. Explorato quoque Testamento, in quo plura memorabilia continentur, quod in Archivis Curiae Prærogativæ servatur, inspectisque & ad incudem revocatis tum libris propriis, vel ab ipso vel post cineres conditos ab aliis editis, tum aliorum, ad eundem quoquo modo spectantibus, observationibus, libertate judicandi, prout Veritatis amor studiumque jusserint, interdum interposita, inde deductis, animo recto & sincero, publicismalis, deplorando Schismate in publicæ pacis & communionis Ecclesiasticæ



sticæ detrimentum investis, obviam eundi, &, si id per Presbyteranorum aliorumque hujus ævi Sectariorum obstinationem licuit, aliquatenus medendi, compendiarium istam, quam jam edere placuit, narrationem contexui. Sed huic longæ & laboriosæ investigationi parcendum fuisset, si, quod admodum serò post historiolum diligentia nostra absolutam cognovi, existisset libellus, ab ipso D. *Cosmi*, compositus sub hoc titulo, *Vitæ meæ ab initio i. e. ab anno 1595. usque ad annum 1665. brevis enarratio*: cujus fragmentum verè aureum *Anglicè* exaratum, de *Marci Antonii de Dominis*, Archiepiscopi *Spalatensis*, primo in *Angliam* adventu, illiusque cum D. *Overallo*, Episcopo *Norwicensi*, collatione, cui jussu Patroni interfuerat, de statu Ecclesiæ *Anglicanæ*, deque fidei & doctrinæ articulis in illa juxta antiquam fidem & religionem Ecclesiæ Catholicæ agnitis assertisque, in palatio *Lambethano* habita, in museo reverendi Viri D. *Joannis Tong*, *Branspethæ* propè *Dunelmum* Rectoris hodie reperitur: quod in mei gratiam unà cum altero *Notitiæ Ecclesiæ Anglicanæ*, qua de agitur, authentico exemplari, *Londinum* secum adtulit, utendum benignissimè & humanissimè permisit. Si integer, inquam, libellus ille mansisset, frustrà mea, frustrà aliorum desudasset industria, nihilque aliud nobis relictum fuisset, præter laudationes, quibus Vir summus esset cumulandus.

Cùm post mortem D. *Cosmi*, de pretio & valore Schedarum, quas reliquit, hæredibus non satis constaret, vel nescio quo infelicitissimo casu, sacre istæ reliquiæ sparæ & distractæ erant, quarum tamen pars in illorum, qui quanti æstimandæ essent benè norant, auspiciatò tandem devenit, ut favore, beneficio & perquam insigni humanitate reverendi & doctissimi Viri, D. *Joannis Smith*, Sacre Theologiæ Professoris Ecclesiæ *Dunelmensis* Præbendarii, quocum frequens hac de re commercium literarum, occasione data, (opportunè intercedente

prænobili & reverendo, D. *Georgio Whelero*, Equite aurato, & Ecclesiæ Anglicanæ Presbytero, ejusdem quoque Ecclesiæ Cathedralis Præbendario) habui, duos libellos (tanquam pretiosas tabulas, ab isthoc infami naufragio servatas) à D. *Cosino*, dum in Gallia exularet, Anglicè conscriptos jam possideam: quorum unus *Vindicias ordinationum Ecclesiæ Anglicanæ* contra exceptiones & cavillationes cujusdam Pontificii Sacerdotis è gente nostra; alter *responsionem ad epistolam*, nobili feminae *Anglae*, ab alio Sacerdote *pro defensione communionis sub unica specie administrandæ* inscriptam, complectitur, unà cum epistola eruditissima D. *Cosini*, tunc temporis Collegii S. *Petri* apud *Cantabrigienses* Præfeti, ad D. *Samuelem Collinsium*, Collegii Regalis Præpositum A. 1635. de *Sabbato*: quo tempore acerrimæ apud nostrates de ista re lites incaluere; quæ inter D. *Cosini* opuscula *Anglica*, si quando nova editio fiet, inferi merebuntur. Nec hic reticendum puto, præclarum libellum, sub *Selectæ Bibliothecæ Historicorum, tam Ecclesiasticorum, quàm Secularium*, titulo, olim ab eodem D. *Cosino Parisiis* exaratum fuisse, quem ab Auctore acceptum mihi Vir clarissimus, *Carolus Hattonus Armiger*, pro veteri amicitia benevolè impertitus est.

Inter Schedas *Gravianas*, de quibus mox dicam, duas, longas quidem, sed eruditissimas, D. *Henrici Briggii*, Geometriæ apud *Oxonienfes* Professoris *Saviliani*, ad *Christianum Severini Longomontanum* de opere illius Cyclometrico, in quo Auctor iste sibi mirè blanditus est, Epistolas, D. *Gravii* manu eleganter & accuratè exscriptas, uti & inter Schedas *Ufferianas*, olim à D. *Tyrello* pro egregia humanitate sua mihi commodatas, quasdam D. *Johannis Bainbridgii*, Astronomiæ in eadem Academia Professoris *Saviliani*, Dissertationes varii argumenti, pridem prelo destinatas, reperi. Hinc ansam lætus arripui in edendis hisce posthumis Opusculis de utrisque disserendi,

ut

ut quales quantique essent, posteritati clariùs innotesceret.

D. *Joannis Gravii* vitam quorundam Virorum doctissimorum è Societate Regia *Londinensi*, in quam ante multos annos, quod hic gratus agnosco, impar licèt & indignus, adscitus fuerim, rogatu, ducentis tantum exemplaribus è prelo exclusis, inter Amicos distribuendis, quorum ne unum quidem in Bibliopoliis vènire justis de causis volebam, sumptibus propriis edendam curavi. Ab illo tempore, quando de nostratibus eruditionis fama ubique inclarescentibus, per ætatem, percepto bonarum literarum gustu, pro modulo meo quali quali iudicium ferre liceret, ingenti erga D. *Gravii* memoriam, ob Scientiarum Mathematicarum, & Linguarum Orientalium, politiorisque literaturæ studia, (quæ omnia in illo non leviusculè aut exiliter aut superficie tenus, sed pari perfectione ad miraculum usque convenerunt) celeberrimum, reverentia, cultu, & admiratione, potenti quasi genio impulsus, ferebar. Quod ut tandem aliquando testatum facerem, felicem obtigisse opportunitatem mihi seriò gratulabar. Cùm enim reverendus Vir, D. *Richardus Stubbessius*, Ecclesiæ de *East-Hamsted* in agro *Bercheriensi* Parochus, & Collegii *Wadhamsensis Oxonii* pridem socius, schedas aliquot nostri *Gravii*, è vidua D. *Nicolai Gravii* fratris, Ecclesiæ Cathedralis *Dromorensis* in *Hibernia* Decani, ejusque hæredis testamentarii, illiusque ultimarum tabellarum, ut nos appellamus, *Executoris*, quæ ex communi patriæ incendio, rebelliumque deprædationibus & rapinis salvæ evaserint acceptas, præstantissimo Viro, D. *Edwardo Bernardo, Gravii*, post summos Viros, D. *Sethum Wardum*, postea Episcopum *Sarisburiensem*, & D. *Christophorum Wrennum*, Equitem auratum, in *Saviliana* Astronomiæ Cathedra tertio successori, communicasset, ille easdem pro amicitia sua, qua ab incunte juven-  
tute eramus conjunctissimi, mihi perlegendas utendasque sta-

tim dedit. Illæ autem jam in Museo *Saviliano*, ad quod, illius & magni *Wallisii*, integerrimi quoque Amici, benevolentia, frequens, prout occasio ferebat, mihi concedebatur aditus, tanquam in æterna, sic enim augurari libet, sede, sapienti D. *Bernardi* cura repositæ, servantur. Sed cùm postea inaudivissẽm, D. *Stubbesium* alias D. *Gravii* schedas, non minoris habendas, apud se retinuisse, illum de hac re literis consului, qui petitioni meæ facilis annuebat, iis ad me promptè & benevolè transmissis, ut inde quicquid ad commune literarum bonum & *Graviani* nominis decus & honorem foret, ad libitum exscriberem. Ex hisce utrisque multa hausi excerptisque, quæ sub *Opusculorum Joannis Gravii* titulo, unà cum D. D. *Briggii* & *Bainbridgii*, lucubrationibus posthumis, quibus sequentes vitæ erant præfigendæ, edere pro certo apud me statuebam. Sed Bibliopolæ, quibus munus istud sine aliqua difficili conditione, imò gratis, obtuleram, planè recusarunt, inter alia, id ex novorum vestigialium impositione, præsertim flagrante, quo commercium transmarinum non parum interruptitur, bello, cum suis commodis neutiquam consistere causati. Ita, ut, quod res est, dicam, hisce speciosis, & planè frivolis excusationibus suam avaritiam & *maximo* texuere. Ideo cùm per hosce homunciones Opuscula ista in lucem publicam protrudere non liceret, ea ad auspiciatiora tempora reservare, tristis & invitus licèt, cogor. Penè hisce minutiis te interpellare dispuderet, nisi justa indignatio compulisset.

Quo pacto quibusque rationibus ad contexendas V V. Cl. D. *Petri Junii* Patris, & *Patricii Junii* filii, quas jam damus, Vitas, fuerim inductus, paucis accipe.

Cùm *Patricii Junii* Epistolæ, puta ad *Frontonem Ducaem*, *Lucam Holstenium*, *Claudium Salmasium*, aliosque magnos, qui orbem literarium scriptorum suorum fama impleverint, Viros, scriptas, (de quibus, ut acceperam, reve-

ren-

rendissimus in Christo Pater, *Guilielmus Sandcroftus* Archiepiscopus *Cantuariensis*, erat non parum sollicitus) cum illorum responsoriis integras adhuc apud Virum Clarissimum, *Guilielmum Atwoodum* Jurisconsultum, ejusdem *Patricii* ex filia nepotem, fervari ex certa fide didicissem, illum in ædibus *Cottonianis* quas codices MSS. ibi repositos inspiciendi causa sæpe adibat, circa annum 1691. conveni, prolatisque hac de re sermonibus, promptè se illas mihi cum reliquis schedis communicaturum spondit. Quod mox pro eximia sua humanitate & benevolentia abundè præstitit, meque novo beneficio ultra votum & expectationem cumulavit. Aperta enim cista ad me transmissa, ingentem schedarum non solius Avi, sed etiam Proavi, in quibus posterioribus, præter Epistolas elegantissimo stylo exaratas, multa Politica & Historica de jure Regum *Scotiae in insulas Orcadicas*, & de legationibus illius in *Daniam & Germaniam*, præsertim de nuptiis inter Regem *Jacobum VI. & Annam Danicam* ineundis, occurrunt, simul congestarum molem lætissimis oculis vidi, quas cum ab invicem, quò faciliori opera majorique cum fructu legerentur, separassem, de hoc thesauro literario reperto, & quasi ex tenebris eruto, admodum ferò triumphare coeperam. Ut verò omnes harum rerum cupidi & studiosi in hujus beneficii partem ope & industria mea admitterentur, multa, quæ rem literariam illustrarent, ex cumulo selecta, in unum volumen collegi, ea tunc temporis edendi consilio, ni mala tempora & Bibliopolarum pervicacia, quo minus voti compos fierem, omninò obtinissent.

Cùm in Commentario de Vita *Joannis Dee*, quem *Devum* Latiniori vocabulo appellare placet, ultimo quidem & recenti laboris nostri foetu, unde præcipuam materiam summaque illius capita, i. e. tum ex ipsius schedis MSS. autographis in Bibliotheca *Cottoniana* & Museo *Ashmoleano Oxonii*

re-

repositis, & libris ab ipso editis, tum ex istorum temporum Historiis aut aliunde, hauserim, passim pro re nata ibi pateat, eademque hic repetere omnino ingratum & tædiosum foret: *Relationis actionum, quas idem Joannes Deus cum quibusdam spiritibus* ab anno 1581. ad finem usque vitæ habuit, fidem & veritatem contra quorundam malè feriatorum hominum, qui existentiam, operationes, & apparitiones Dæmonum in dubium vocantes, istiusmodi narrationes pro fabulis commentisque, aut ex versutia, quâ credulorum menti oculisque illudi solet, excogitatis, aut ex melancholia & læso cerebro ortis, habent, vindicare omninò necessarium videbitur: nec quidem temerè, iniquè, & absque justis causis id à me expectabis: quod quidem paucis, neque enim proluxa defensione opus erit, præstabo, totum hoc negotium tuæ prudentiæ, pietati, & judicio permissurus.

Aliqui, *Kelleum* hæc omnia excogitasse, *Deo*que præversutia & astu fucum fecisse, utpote cui soli apparitiones istæ in Chrystallo factæ erant; & responsa & oracula inde enunciata, dum *Deus* qui totus ex sola hujus Interpretis & Internuntii, quicquid animo adlubuerit, pro more dictantis, fide pendebat, nihil horum aut viderit, aut audiverit, suspicantur; ac ideo omnem fidem & auctoritatem huic *Relationi*, licet propria manu, omnibus temporis, rerumque, quæ in istis actionibus intervenere, circumstantiis accuratissimè notatis, illo ipso tempore conscriptæ, ac si solerti varii impostoris ingenio esset adscribenda, abrogari volunt. Ita nasuti isti homines, temerè re neutiquam seriò perpensa, aut ad severum examen revocata, sibi & aliis, de doctrina Dæmonum perperam sentientibus, ludos faciunt: sed quàm insulse, quàm præter omne jus fasque, brevibus hisce probationibus, quas nemo prudens, aut modestus, ni fallor, nisi Rationi in istiusmodi rebus juxta communes discernendi regulas exerendæ vim facere velit, jam producendis, ostendam.

De-

*Deum* hac ex parte nimium credulum agnoscimus, eò quod ad usque extremum vitæ halitum hos malignos Spiritus, quibuscum per plurimos annos frequens commercium congressumque solennem in modum habuit, pro bonis Dei angelis reputaverit, ab isthoc inveterato, eoque impio, errore nequitiam dimovendus. Sed quod ad fictam *Kellai*, quam venditant, imposturam spectat, multa, quæ suspiciones istas frivolas & omni ratione vacuas funditus subvertere, inque nihilum diffilare possint, intercedunt. *Kellens* enim ille vix aut parum Latinam linguam intellexit, & Græcarum literarum erat penitus rudis. Unde ergo Latinas, Græcasque sententias, easque interdum longas, hisce Actionibus pro re nata, non rarò intermixtas, præsertim in illa, cui *Stephanus* Rex *Poloniae* interfuit, Latinè peractâ? Unde admonitiones, exhortationes, prolixos sermones, interlocutiones, quavis occasione interpositas, revelationes de rebus metaphysicis, & potissimum Theologicis abstrusioris naturæ & argumenti, quæ ipsi in hoc literarum genere penitus inexercitato, aut fortasse cuiquam mortalium in mentem nunquam antea venissent, nec venire potuissent? & denique unde responsiones quæsitis accommodas, nisi aliundè acceptas, illius auribus ab assistentibus spiritibus clam infusas, & quasi secreta inferni halitus insufuratione commissas, expromere, & quidem expeditè & subtiliter, potuit? *Devo* maximè intento, & interdum nova dubia, quibus confestim erat satisfaciendum, pro re nata proponente, qui hæc universa dictata in charta subiecta exceperit. Ad hæc addi possit, tum alia planè mira, intervenientibus hisce spiritibus, quæ passim in Actis adnotantur, à *Devo* conspecta, in quibus cum oculis objicerentur, decipi nullatenus potuit, tum actiones hæc, relicto in *Bohemia Kelleo*, post reditum in *Anglia* fuisse continuatas, adeo ut commentum istud, quasi ille harum fraudum inventor & Architectus fuisset, evanescere necesse sit. Sed in hisce, de

\*\*\*

quibus

quibus fufius in commentario egi, repetendis diutiùs immorari planè piger. Attamen nondum dimittendus es, antequam paucula alia addidero.

Dum nuper præclariffimi Viri, *D. Roberti Hookii*, Geometriae in *Greshamenfi* Collegio Professoris, grande operum posthumorum volumen, paulò ante editum, diligenti manu verfavi, Prælectionem, ab eodem coram Societate Regia olim habitam, ibi infertam reperi, in qua acriter quidem contendit, historicam *Devi* narrationem juxta literalem sensum intelligi non oportere, sed omnes istas apparitiones cum spirituum nominibus, & universo varii vestitus, quem induisse perhibentur, & figurarum apparatu, dialogos, colloctiones, & qualescunque voces, sive articulatas, sive sonos inconditos, à chrystallo sacrato prolatos, item preces & doxologias ad singularum actionum finem additas, aliaque illic memorata, ad Cryptographiam referenda esse; sub hisce involucris *Devum* longè aliud innuisse, & in animo habuisse; quem comminiscitur, (neque enim molliori vocabulo uti licet, cum sit putidissimum commentum) à Regina *Elisabetha*, illiusque Consiliariis, in *Poloniam* & *Bohemiam*, ut arcana istorum Principum, quos adibat, consilia vafre exploraret, missum fuisse: ideo hoc obscurissimo commentandi genere, quo minus, si fortè in illorum manus ipsius schedæ, de quibus jam agitur, incidissent, suspicioni obnoxius foret, sibi pro prudentia sua cavisse; *Kelleum* ab illo in *Angliam* reverfuro, ut idem propositum persequeretur, relictum; chrystallum illud sacram, quod istiusmodi phænomena repræsentare, cæteraque mira ex vi artis Mechanicæ, ut credi voluit, producere statuit, illius summæ in Mathematicis Scientiis peritiæ adscribendum; denique famosum istum *Enochi* librum esse merè Cryptographicum, & Cabbalæ mysteriis refertum, claviumque, quas rimatus est *Devus*, ope, quali acunque arcana in ejus commentariis ubique sparfa, & sive numeris sive mysticis sensibus,



fibus, ultra nimirum, quàm verba præ se ferant, comprehensa, explicari posse. Obstupui sanè, cùm hæc legerem, virum tam profundæ in rebus Physicis & Mathematicis eruditionis, nescio quo malo genio, & æstu animi abreptum, hæc infomnia, mærasque affanias in isthoc sapientissimorum Virorum consensu proferre aut potuisse aut voluisse. De rationibus, quibus ad id audendum inductus fuerit, conjecturam hic facere nolo. Illum autem è sepulchro, ad quod, ad ultimum istud amicitiae officium præstandum ab hærede invitatus, quamplurimisque istius Societatis Adsefforibus ipse quoque immixtus, deduxi, non effodiam, neque Amici mei, de quo, quod præfiscini dixerim, omni tempore; & præsertim quando lethali morbo decubuit, bene mereri studueram, memoriam dura & mordaci censura lædam & exagitabo. Illius verò famæ, ita audacter statuo, longè melius fuisset consultum, si Dissertationem istam, de qua vel ab ipso Auctore, qui mecum de studiis suis familiares miscere sermones non rarò solebat, nec à quoquam alio ne verbum quidem unquam antea inaudiverim, clarissimus Editor perpetuis tenebris aut flammis addixisset. Harum objectionum, quarum aliquæ sunt manifestò falsæ, cæteræ pura putæ ingenii in phænomenis istis obstupescendis, excluso omni spirituum interventu, quasi vulgaris illa hypothesis, licèt divina & infallibili Scripturarum auctoritate firmata, licèt certa neutiquamque infida experientia, millies demonstrata, Philosopho profundioris judicii & indaginis esset prorsus indigna, hac ex parte infelicitè laborantis commenta, vel nuda repetitio ad refutationem abundè sufficere videtur, ut perfectò commentario meo, in quo, istis tunc penitus mihi incognitis, obviam iverim, pro sapientia tua faciliè confiteberis.

Non quicquam valet ad elevandam horum Actorum fidem, quod similia quædam, h. e. quoad numerorum tabulas; barbaras vocès, arcanorumque naturæ ostentationes in Steganographia

graphia *Trithemii*, addant si velint, in *Cornelii Agrippae & Paracelsi* libris, in quibus legendis *Devus* non erat parum versatus, reperiri possint; cum apud istos Auctores, an rectè an falsò Magiæ suspectos, jam non inquirò, ne millesima quidem pars documentorum & probationum, quæ in *Devianis* Actis elegantissimè & accuratissimè continua rerum gestarum serie referuntur, occurrat.

Hæc in genere & quasi tumultuariò, sine omni fuce doloque malo, huic Vitarum Collectioni præmittenda esse duxi. Tu verò, Lector, bene vale, & laboribus hisce nostris, quales quales sint, ad Dei gloriam tuamque utilitatem frui.

Westmonasterii decimo  
Aprilis die A. Ch.  
MDCCVL.

T. S.

---

# CATALOGUS LIBRORUM

Qui venales prostant *Londini* apud DAVIDEM MORTIER  
in via dicta de *Strand* ad Insigne *Erasmi*.

**T**hesaurus Antiquitatum Romanarum, Continens Lectionissimos quosque Scriptores qui Romanæ Reipublicæ Rationem, Disciplinam, Leges, Instituta, Sacra, Artesque Togatas ac Sagatas illustrarunt: Congestus à Jo. Geo. Grævio, cum variis Tabulis *Æneis*. 12. vol. *Fol.*

**T**hesaurus Antiquitatum Græcarum, in quo continentur effigies Virorum & Foeminarum illustrium. Item Variarum Regionum miranda, quæ celebrata apud antiquos faxisque & ære expressa occurrunt; adjecta brevi Descriptione Singulorum, quæ aut in eorum vita aut in horum proprietate spectabilia percipi & intelligi refert, Auctore Jac. Gronovio. 13. vol. *Fol.*

Atlas

# CATALOGUS.

- Atlas Antiquus Sacer, Ecclesiasticus & Profanus collectus ex Tabulis Geographicis Nic. Sanfonis Tabulas ordine collocavit & emendavit Joan. Clericus. *Amst.* 1706. *Fol.*
- Patini (Carol.) Imperatorum Romanorum Numismata & Ære Mediz & Minime formæ. *Par.* 1696. *Fol.*
- Begeri (Laurent.) Thesaurus Palatinus sive Gemmarum & Numismatum quæ exstant in Electorali Cimeliarcho. *Heidelb.* 1685. *Fol.*
- Begeri Regum & Imperatorum Romanorum Numismata. *Colonia.* 1700.
- J. Bapt. Cottelerii, S. S. Patrum qui temporibus Apostolicis floruerunt, Barnabæ, Clementis, Hermæ, Ignatii, Polycarpi, &c. Opera. Notulas dispersit J. Clericus. 2. vol. *Amst.* 1700. *Fol.*
- Cypriani Opera recognita & Illustrata à J. Fello Oxoniensi Epif. Accedunt Annales Cypriani, & Dissertationes Cyprianicæ Henr. Dodwelli. *Amst.* 1700. *Fol.*
- Etmulleri (Mich.) Opera Medica Theoretico-Practica; hoc est Exercitationes & Collegia omnia, ab eodem tam Publice quam Privatum & Privatissime quondam habita. 3. vol. *Amst.* 1696. *Fol.*
- Stucki (Joan. Guil.) Operum circa Antiquitates Conviviales, Libri tres. Sive Hebræorum Græcorum, Romanorum, aliarumque Nationum conviviorum genera. *Lugd. Bat.* 1695. *Fol.*
- Vaillant Numismata Imperatorum, Augustorum & Cæsarum in Colonia, Municipiis & Urbibus jure latio donatis. 1695. *Fol.*
- Vaillant (Joan.) Numismata Imperatorum, &c. à Populis Rom. Ditionis Græcè loquentibus, ex omni Modulo percussa. *Amst.* 1700. *Fol.*
- Vaillant (Joan.) Historia Ptolemæorum Ægypti Regum, ad fidem Numismatum accommodata. *Amst.* 1701. *Fol.*
- Vaillant (Joan.) Nummi Antiqui Familiarum Romanarum perpetuis Interpretationibus illustrati. 2 vol. *Amst.* 1703. *Fol.*
- Vossii (Ger.) Opera in sex Tomos divisa. Tomus I. in quo Etymologicon Linguz Latine. Tomus II. de Arte Grammatica. Tomus III. Tractatus Philologici de Rhetorica, de Poetica, de Artium & Scientiarum natura ac constitutione. Tomus IV. Historicus & Epistolicus. Tomus V. de Theologia Gentili, Physiologia Christiana, de Origine ac Progressu Idololatriæ. Tomus VI. Theologicus. 6 vol. *Amst.* 1701. *Fol.*
- Geographia Sacra ex V. & N. Testamento desumpta & in Tabulas quatuor concinnata, Auctore Nic. Sanfon, Accesserunt Notæ Joan. Clerici. *Amst.* 1701. *Fol.*
- Caroli A S. Paulo Geographia Sacra, sive Notitia antiqua omnium Patriarchalium, Metropolitancarum & Episcopaliū veteris Ecclesiæ in Tabulas X. concinnata, cum Notis Lucæ Holstenii. *Amst.* 1703. *Fol.*
- Arriani Expeditionis Alexandri Magni, Libri Septem, & Historia Indica. Ex Bonav. Vulcanii interpretatione Latina post variam aliorum industriam ita Lacunis vel cognitis vel ignotis etiamnum & obscuris suppletis, ita Auctoris in Græcæ Linguz nativo usu præstantia & facultate restituta ex plurium MSS. & præ-

# CATALOGUS.

& præsertim unius optimi collatione, ut nunc demum prodire hic Auctori videri debeat, opera Jacobi Gronovii. In Charta minori & Charta majori. *Lugd. Bat. 1704. Fol.*

Grotii de Jure Belli ac Pacis cum Commentariis G. vander Muelen, Auctoris, nec non Joh. Fred. Gronovii. 3 vol. *Ultraj. 1703. Fol.*

Imhof. Hist. Italix & Hispanix Genealogica. *Norib. 1701. Fol.*

Limborch (Phil.) Theologia Christiana. *Amst. 1700. Fol.*

Joannis Forbesii à Corsic Opera omnia inter quæ plurima Posthuma, reliqua ab ipso Auctore interpolata, emendata atque Aucta. 2 vol. *Amst. 1703. Fol.*

Grotii (Hug.) Epistolæ. *Amst. 1687.*

Voet (Joh.) Commentarius ad Pandectas in quo præter Romani juris principia ac controversias illustriores. 2 vol. *Hag. Com. 1704. Fol.*

Biblia Sacra ex Seb. Castellionis Interpretatione. *Francos. 1697. Fol.*

Dolzei (Joh.) opera omnia, exhibentia non modo Encyclopædiam Medicam & Chirurgicam rationalem, adjecta nova appendice, de Theriaca celestis observationes Auctoris rariores &c. 2 vol. *Francos. 1703. Fol.*

Præstantium ac Eruditorum Virorum Epistolæ Ecclesiasticæ & Theologicæ Jac. Arminii, Uytenbogardi, Vorstii, Vossii, Grotii, Episcopii; & Barlezi, Charta Major. *Amst. 1704. Fol.*

Martini (Mat.) Lexicon Philologicum cum Notis Grævii, & Joannis Clerici dissertatione Etymologica. Editio Nova. 2 vol. *Amst. 1703. Fol.*

Theatrum Hispaniæ, Exhibens Regni Urbes, Villas ac Viridaria magis Illustrata. *Amst. 1705. Fol.*

Parisi Magnæ Græciæ Numismata accurante Joh. Georg. *Volkmanno. 1683. Fol.*

Desiderii Erasmi Roterodami Opera Omnia, emendatiora & auctiora, ad optimas editiones præcipuè quas ipse Erasmus postremo curavit summa fide exacta, Doctoremque Virorum notis illustrata. In decem tomos distincta, quorum primo, in hac Editione, præfixa sunt Elogia & Epitaphia Erasmi: à Viris Doctis conscripta, nec conjunctim unquam antea sic edita, cum indicibus totius operis copiosissimis. Quid porro huic editioni præ ceteris accesserit, Præfationes singulorum voluminum docebunt. 10 vol. *1703. Fol.*

Gussæii Commentarius Lingux Ebraicæ, in quibus primarius significatus, loca insignia Scripturæ explicantur, parallela Vet. & Nov. Testamenti, cum peculiari discussione, tum mutua collatione firmantur & vindicantur. *Amst. 1702. Fol.*

Bibliotheca Germanica sive Notitia Scriptorum Rerum Germanicarum IV. Præfixibus Absoluta, Erfurt. *Fol.*

Riverii (Laz.) Opera Medica Univerſa. *Lugd. 1698.*

Mischna, sive totius Hebræorum Juris, Rituum, Antiquitatum, ac legum oraliū Systema cum Clarissimorum Rabbīnorum Maimonidis & Bartenoræ Commentariis integris, Latinitate donavit ac Notis illustravit Guil. Surenhusius. 6 vol. *Amst. 1703. Fol.*

## VITA JACOBI USSERII.





V I T A  
JACOBI USSERII

*Archiepiscopi Armachani, & totius  
Hibernia Primatis :*

Scriptore

THOMAS SMITHO,

*Sacra Theologia Doctore & Ecclesie  
Anglicanae Presbytero.*

THE  
LIBRARY OF THE  
MUSEUM OF MODERN ART  
1000 5th Avenue  
New York 17, N.Y.

THE  
LIBRARY OF THE  
MUSEUM OF MODERN ART  
1000 5th Avenue  
New York 17, N.Y.



# VITA JACOBI USSERII

## ARCHIEPISCOPI

### ARMACHANI,

& totius Hiberniæ Primatis.



**I**ACOBI USSERII, viri omnium seculorum memoria dignissimi, vitam literis mandare aggredior, tum summâ erga illum, quem in rostris perorantem olim adolescente ætate sæpe audiui, reverentiâ, tum honesto de Republica literaria, & de Ecclesiis *Anglicana & Hibernica*, quarum omnium ingens erat lumen & ornamentum, aliquantillum, saltem pro virili, benè merendi studio & desiderio incensus. Animum diu reluctantem planè absterrebat difficultas operis propositi, in quo de rebus maximi momenti, tam ad civile regimen, quàm ad Religionem spectantibus, subinde pro necessitate temporum intermiscendis, erit agendum. Verebar etiam, ne meritissimas illius laudes, summasque excellæ mentis dotes ineleganti stilo, frigidis narrationibus, & tenuitate ingenii detererem. Sed tandem vicit pietas, vicere importunæ & crebrò repetitæ Amicorum preces, qui memoriis elogiisque, de *Usserio* Anglicè pridem editis, parum acquiescentes, ut quicquid alii scripserint, quicquid è schedis manuscriptis, aut aliunde propriâ industriâ collectum apud me habuerim, ea omnia in publicos usus depromere, & scæ posteritati, & Latinè quidem, præcipuè in Exterorum gratiam, commendare vellem, impensè expetierunt. Quod utinam satis prodignitate argumenti exequi, inque effectum dare possem! Hoc enim in antecessum quasi præfiscini dicendum arbitror, non ad captandam Lectoris benevolentiam, neque nimio affectu abreptus, sed re seriò perpensa, justisque notitiis instructus, *Hiberniam* in quâ *Usserio* nasci contigerat, ex quo prædicationibus, indefessa vigilantia, sanctissimisque & sapientissimis curis & consiliis *S. Patricii*, jure merito *Hibernorum Apostoli* nuncupati,

cupati, quinto æræ Christianæ seculo, fide & doctrina Evangelii imbuta fuerit, licet innumeros ferè Præsules, aliosque, tum sanctitate vitæ, tum literarum cultu & studiis, ab isthoc tempore, nondum agresti morum feritate introducta, & deinceps, tanquam ex fertili gremio produxerit, inque suo sinu refocillaverit, de nemine aut magis aut melius gloriari posse, quàm de hoc novissimo Alumno suo, in postremis hisce ad finem vergentis mundi temporibus, felicissimè in lucem edito, quem, utpote sacrum ac cœleste depositum, in commodum universæ Gentis *Hibernorum*, si icti monitique sapere suisque bonis uti didicissent, terris faventissimo Numine commodatum, summis quibuscunque ex Antecessoribus illa sine invidia, vel præsens objicere potest. In cujus gestis enarrandis, omni adulatione & partium studio sepositis, proculque habitis, solo diæ Veritatis, quam sacram semper habui, & habebo, amore ductus, probi Biographi munere & partibus fungi conabor: nec quicquam sive laudis, sive censuræ, quod ad res, sive in *Anglia*, sive in *Hibernia*, ipsius vitæ intervallo peractas, attinet, intertexam aut admiscebo, nisi quod ipsa fides, aut tabulis publicis, aut unanimi testium, omni exceptione majorum, consensu firmata, exegerit.

Usserii  
natales.

JACOBUS USSERIUS primos vitales spiritus hausit in parochia *S. Nicolai, Dublini, Eblanæ* veterum, *Hiberniæ* Metropoleos, Januarii quarto die A. MDLXXX. Verbi incarnati, juxta computum Ecclesiæ *Anglicanæ*, parentibus ex antiqua & nobili stirpe prognatis ortus. Quod ut ut fortuitum videatur, inter præclara divinæ Providentiæ beneficia referri meretur. Licet enim viri magni è casis tuguriisque obscuris & humilibus prodire possint, & frequentes quidem prodierint, quod illorum bonæ indoli, sublimi ingenio, industriæque indefessæ, omnia obstacula, quæ res angustæ solent objicere, viam ad perfectam virtutem contendentibus quasi præclusura, perrumpenti, maxime, secundum Deum, debetur: tamen exploratissimum est apud omnes, benè & auspiciatò natis felicioa ab ingenua & accurata educatione petita adipiscendæ eruditionis subsidia, frequentioraque otii literarii intervalla faciliùs quidem succedere, omni tædio, impedimentis, molestisque amotis, quibuscum adolescentibus tenuioris ac plebeix fortis, ineluctabili quadam necessitate sæpenuerò conficiendum est.

Genus  
paternum.

Paterni generis origo deducitur à temporibus R. *Henrici II. debellatoris Hiberniæ*, qui in *Angliam* redux, quò securiùs meliùsque Regulus

ac

ac populum ferocientem, in fide, quam solenni jurejurando unanimes spoponderant, retineret, legibusque æquissimis, cum rigore subinde temperandis, quosdam refractarios, pristinis incultis moribus, agrestique vitæ ferino ritu mordicus adhærescentes, ab omni seditione, tumultu, mutuisque cædibus coerceret, filium suum natu juniorem, *Joannem*, Comitem *Moritonie*, summa omnia disponendi & pro re nata moderandi potestate auctoratum, jure regnandi in illum sub certis conditionibus transcripto, totius Insulæ *Dominum* A. MCLXXXV. constituit. Qua simplici appellatione Reges *Angliæ*, longa serie succedentes, contenti erant utque dum R. *Henricus* VIII. augustiori & sonantiori *Regis* titulo, in Comitibus Parlamentariis *Dublini*, A. MDXLI. qui erat Regni tricesimus tertius, habitis, commutaverit. *Joannem* ad novam hanc & planè exortem dignitatem capessendam, in *Hiberniam* properantem, inter alios viros nobiles comitatus est eximius quidam vir, ex illustri gente *Nevillorum*, in ipsius clientelam pridem admissus, & mox in Aula Admissionalis, (*Huissier*, sive pauxilla mutatione, Anglicè *Usber*) ex favore Principis constituendus, cujus muneris nomen, prout usu antiquo venerat, abjecto altero, in cognomen tum familiæ, quam illic relicto natali solo, instauraturus erat, postea transibat. Supervacanei foret laboris, & à re nostra alienum, in istius familiæ per varias *Hiberniæ* Provincias sparsis propagaginibus indagandis, eque Heraldorum archivis eruendis, sollicitè immorari, aut genealogicam stirpem, sive rectà lineà, sive ex matrimoniis initis descendentem, curiosius scrutari. Ad Parentes igitur *Jacobi* nostri rectà & properanter venio.

Patrem habuit *Arnoldum Usserium*, virum clarissimum qui opes satis amplas jure hæreditario nactus, in artibus, quibus imbui solent pueri generosioris prosapiæ, in scholis probè educatus, se totum, postquam pubertatem excesserat, Legum municipalium *Anglicanarum*, quæ illic quoque ex Statutorum Parlamentariorum vi ubivis obtinent, studio addecebat, in quarum cognitione tantos fecerat progressus, ut illarum profunda penetranti oculo rimatus, matura ætate, unus è sex Clericis Cancellariæ constitueretur.

Mater ipsi erat *Margaritha*, filia *Jacobi Stanibursti*: ille verò insignis Jurisconsultus, in classe Magistrorum Cancellaria recensitus, & Civitati *Dubliniensi* à memoriis & actis publicis constitutus, tanta sapientiæ fama & existimatione inclaruit, ut in Comitibus Parlamentariis, regnantibus R. R.

Mater  
*Margari-  
ta Stan-  
ibursti, fi-  
lia Jacobi  
Stanibur-  
sti.*

*Maria & Elisabetha*, ab Adfessoribus inferioris Camerae communi suffragatione *Orator* ter eligeretur. Mutata, pro varia rerum conditione, Religionis publica professione, *Hiberni*, ne à suis muneribus abdicarentur, minusque dominantium *Anglorum* suspicionibus ac censuris fierent obnoxii, sacris cœtibus, sine scrupulo & offensa Conscientiæ, fiverituum Ecclesiasticorum varietatem puer introductam, pro nihilo habentes, sive ex profunda dissimulatione, secularis commodi causâ, interesse soliti, non aliud præ se ferebant, quàm parem cum cæteris concivibus, sincero pioque animo, Reformatæ Religionis dogmata & cultum amplectentibus, communionem, opinandique rationem; licet antiquæ, & quantum per leges fieri potuit, exterminatæ superstitionis amorem intus in pectore retinerent. In quorum numero, *Stanburstum* collocandum esse ex literis *Edmundi Campiani* (a), postea famosi Jesuitæ, tunc ex *Anglia* profugij, quem domi suæ aluit, & dein illum, ne à satellitibus deprehenderetur, ob violatas regni leges, & præposterum præcipitemque incautos subditos à fidelitate Reginæ debita sub specioso Religionis *Catholicæ*, hoc est, *Romane*, prætextu, abalienandi zelum, in jus vocandus, rure Amico, ubi tutus delitesceret, commendavit, A.Ch.MDLXX. ad eundem scriptis, manifestè liquet. (b) Interim ille pro versipelle, quo pollebat, ingenio muneris demandati partes probè implevisse visus est: neque Proregi neque Senatoribus ullatenus suspectus. Quo tempore cùm inter tot tumultus ac rebelliones, quas quidem Magnates, numerosis clientelis *Hispanorumque* subsidiariis copiis nimium quantum freti, subinde prout frequens occasio sese obtulerit, ciebant, de bonis literis propagandis consulere neutiquam vacaret; cumque scholæ publicæ hætenus deficerent, in quibus, sive in amœnioribus, sive severioribus disciplinis, juvenes pro dignitate natalium institui possent, in exteras Regiones, & potissimum in *Angliam* ad capiendum ingenii cultum non sine ingenti rei domesticæ jactura & dispendio, itum erat: quò meliùs huic incommodo iretur obviam,

(a) Epist. III. in Opusculis ejus selectis à *Silvestro Petra Sancta* S. J. *Antwerpia* editis: A. MDCXXXI.

(b) Illius laudes meritò, tum ob egregiam humanitatem & hospitalitatem, tum ob eruditionem & *Hibernicarum* Antiquitatum cognitionem celebrat idem *Campianus* in Præfatione ad historiam *Hibernia*, quam ex Bibliotheca D. *Jacobi Usserii* quem ibi reverendissimum nostrum & exquisitissimè eruditum Primate[m] appellat, imprimendam curavit D. *Jacobus Warus* Dublini MDCXXXIII. uti & ex eadem Bibliotheca, *Conspectum status Hibernia* ab *Edmundo Spensero* A. 1796. per modum Dialogi descriptum & etiam viri doctissimi, D. *Meredithi Hammetri* *Chronicon*: quod Auctor peste correptus imperfectum reliquit. *ibid.*

viam, de restituenda quam olim, h.e. A. Ch. MCCCXX. *Alexander Bickmorus*, Archiepiscopus *Dubliniensis*, fundandam curavit, veteri Academia penitus everfa in Urbe principe, in generalibus Comitibus circa A. Ch. MDLXIX. habitis, initis consiliis, seriatque deliberatione disceptaretur, *Stanibursus* ille, sive ad captandam Reginæ gratiam, sive verò erga Patriam amore exardescens, primus proposuit, ut libellis supplicibus hac de re serenissimæ Reginæ exhibitis, illius opem & benevolentiam ad sanctum hoc propositum consummandum, commendantibus Concilii sanctioris Adfessoribus, implorare vellent, quo nihil aut Reginæ benignissimæ, bonarum literarum pariter ac Religionis, à sordibus errorum defæcatæ, faultrici & patronæ, gratius, aut universæ *Hibernorum* Genti utilius contingere potuit. Hujus autem monitis suasibusque, quos omnes boni impendiò & certatim approbarunt, utque in effectum darentur, favente Numine, & auspice Regina, summis ingenii & industriæ, quisque pro facultate sua, nervis contenderunt, ut tanti beneficii & felicitatis, in ultimos Insulæ recessus quaquaversum omnibus futuris seculis diffundendæ, fierent compotes, instaurationem suam debet præfens Academia *Dubliniensis*: tandem post aliquot annos, omnibus obstaculis amotis, ex munificentia Reginæ, redditibus, (quos postea auxit serenissimus Rex *Jacobus I.* quibus Præpositus, Lectores Theologiæ, & Philosophiæ, Socii, adolefcentesque Candidati essent in perpetuum alendi) dotata, privilegiisque sub Regii diplomatis auctoramento A. MDXCI. stabilita. Nobilissimum sanè illud est Ecclesiæ *Hibernicæ* seminarium, è quo tot venerandi Præfules, alique, egregiis animi dotibus cumulati, & omnigenæ eruditionis & sanctitatis vitæ studiis maximè insignes, ab isthoc tempore prodierunt &, uti fas est augurari, in æternum prodibunt.

A Patre neutiquam sejungendus videtur *Richardus Stanibursus*, *Jacobus* nostri Avunculus, vir quidem insigniter doctus, & in patriis Antiquitatibus; quæ tanto eguerunt illustratore, eruendis maximè industriis & felix. Hic verò, ut paucis de illo agam, florere juvena, in Collegio Universitatis apud *Oxonienfes* studuit: & non multò post, pro genio istius ævi, quod *Aristotelicam* doctrinam, inutilibus perplexisque difficultatibus mirè obstitam, ex ignoratione melioris saniorisque Philosophiæ, non ex otiosorum hominum, quidlibet prolasciviâ ingenii fingentium cerebellis, sed ex natura rerum eruendæ, deperibat, *Commentarios* sive *Catenam Dialecticam* in *Porphyrianas* Constitutiones *Londini* MDLXX. edidit. Sed maturescente cum annis judicio, ex veterno quasi experges-

Academix Dublinensis restauratio.

*Richardus Stanibursus* Avunculus.

ctus,

ctus, excussis Scholasticorum nugis, poeticisque, quibus se indulserat, præstigiis, relictoque etiam, cui à Patre destinabatur, Legum municipium studio, veterum seculorum historiis, (ut hic omittam *Descriptionem*, quam adornavit, *Hiberniæ*, inscriptam D. *Henrico Sidneio* Proregi, & in Historicis & Chronicis *Raphaelis Hollinsbedi* Collectaneis *Londini* editis A. MDLXXXVI. insertam) majorum gesta stilo inornato & planè barbaro referentibus, legendis, quæcarie, situ & tinea exesæ, in tenebrosis Bibliothecarum recessibus hæcenus delituerant, intenta oculorum & mentis acie invigilavit, quatuorque libros, in eodem volumine congestos, de rebus in *Hibernia* gestis, cum *Hibernicarum rerum appendice*, ex *Silvestro Giraldo Cambrensi* collecta, cum adnotationibus ad finem singulorum capitum additis, Typis *Plantinianis Antuerpiæ* juris publici fecit A. MD. LXXXIV. Nam ante paucos annos, larva, quam induerat, detracta, in *Hiberniam* reversus est; deinde in *Belgium* se subduxerat, & post mortem uxoris sacris ordinibus initiatus, tandem serenissimis Principibus, *Alberto* Archiduci & *Clara Isabella Eugenia*, factus est à sacris, quorum munifica liberalitate nobile otium nactus, vitam jucundè sustentavit; obiitque *Bruxellis* A. MDCXVIII (a). Interim istud sententiarum de dogmatibus religionis divortium non obstabat, quominus cum Avunculo de rebus ad Historias & Antiquitates *Hibernicas* spectantibus literarium exercere commercium sibi licere, pro æquitate & prudentia sua *Usserius* noster judicaverit, uti postea videbimus.

*Usserii*  
mater  
delusa re-  
ligionem  
Roma-  
nam am-  
plectitur.

Non dissimulandum arbitror, matrem *Jacobi* nostri, dum ille aberat in *Anglia*, quorundam Emissariorum versutiis captiosisque technis, quibus retundendis planè impar erat muliebri ingenium, misère delusam ac circumventam, cujus conscientiam diris votis, ne meliùs docta resipisceret, illigaverant, ad Romanæ Ecclesiæ communionem transisse: quod nati pientissimi animo non mediocrem luctum doloremque incussit; eò quidem acriore redditum, cum post reperisset illam, utpote feminam pervicacem & obstinatam, nullis suasionibus, argumentis nullis ad sanam mentem revocari potuisse. Hi quidem zelotæ de victoria, fraudulentis malisque artibus reportata, triumphos egere, & *Usserio* hanc matris obstinationem, quam constantiam inflexilemque mentis firmitatem interpretati sunt, editis libellis exprobrarunt: sed quàm iniquè, quàm absurdè, judi-

(a) De reliquis illius scriptis vide D. *Jacobum Waraun* de Scriptoris *Hiberniæ* pag. 86. & *Usserii Armachani* ad *Stanislausum* Epistolam primam in *Sylloge Londini* edita M. DC. LXXXVI.

judicent omnes æqui bonique amantes & studiosi. Non parum ipsi doluit, quod sacris Ecclesiæ negotiis in Urbe derentur, matri dilectissimæ in agone mortis *Drogheda* ex improvise fatiscenti non adesset, quo abiturientem animam, prius spiritualibus consiliis adjutam, precibus suis Deo commendaret: hoc tamen commodi ex malo domestico Ecclesiæ accrevit, quod ille novo quasi zelo animatus contra Pontificiorum insidias, ne alii, sive sanguinis, sive amicitiae, sive communi Christianæ charitatis nexu conjuncti, quorum salutis maximè consuluit, ab integra fide abducti, ista labe contabescerent, sollicitiore animo satageret.

Unicum habuit *Jacobus* fratrem, nomine *Ambrosium*, qui aliquan- *Ambro-*  
to tempore studiorum causâ apud *Cantabrigienses* commoratus est. Vir *sus Uffe-*  
sanè Linguae Hebraicæ & Arabicæ quoque, admodum peritus, quod *rius fra-*  
testatur, qui, ex intima consuetudine optimè & noverat, & judicare *ter.*  
potuit, *Gulielmus Eyrius*, Collegii *Emmanuelis* in ista Academia socius, in literis (a) ad *Jacobum* circa annum MDCVIII. scriptis; testatissimum verò faciunt magna V. Instrumenti pars ex Hebraico codice in Linguam Anglicanam versa, Surata *Caverna* ex Alcorano Latine reddita, Collectanea Arabica & Hebraica, & Lexicon Arabicum (ut hîc quosdam tractatus & disputationes de variis capitibus Theologicis omit- tam) quæ in Archivis Bibliothecæ Collegii S. Trinitatis *Dublin.* hodie supersunt: à quo, ex editis hisce reconditæ eruditionis speciminibus, uti ex bonis primitiis lætam amplamque segetem, summa quæque, & excelso, quo præditus erat, ingenio perquam digna, expectarunt amici, nisi illum annis juvenilibus mors peracerba præripuisset.

Quod ad propinquos *Jacobi* nostri ex paterno genere ortos spectat, *Henricus*  
patrum habuit *Henricum Usserium*, Theologicis disciplinis *Cantabrigia*  
innutritum, & aliquanto tempore studiorum causâ *Parisis* morantem, *Usserius*  
Deo & Ecclesiæ ex ordinatione sacra devotum, qui tandem cum mul- *Patruus*  
tos annos Archidiaconatum Ecclesiæ *Dubliniensis* administrasset, ut quod *Archie-*  
rarum & inusolitum erat, *Reginæ Elisabethæ* auspiciis & indulgentia, ob *piscopus*  
sapientiam, sanctitatem morum, eruditionem, reliquasque dotes, *Arma-*  
tam excelssæ dignitati pares congruasque, ad primatiales sedem *chan-*  
*chanam*, mense Augusto A. C. MDXCV. promovebatur;

B

obiit

(a) Exstant in Sylloge epist. III. Interrea vero loci, agnosco me valdè obaratum esse, & ibi, & doctissimo patri tuo, Ambrosio, qui perisissima manu sua quadam in mentis usum ex Alcorano Arabica exscripsit. pag. 3.

obiit verò Aprilis II. MDCXIII. Crimen piacularè non immeritò videbitur, si hìc penitus tacerem, quantum de universa Gente & Ecclesia *Hibernica* meruerit vir ille reverendissimus.

*Henrici  
Ufferii  
Laudes.*

Non defuere quidem in *Hibernia*, qui in summis dignitatibus constituti, ad fortunas sive augendas, sive reparandas, latifundiis patrimoniiisque sacris avidissima mente inhiaverint. De Ecclesia Cathedrali S. *Patricii* penè actum fuerat, cujus reditus, sub plausibili & specioso eodè fisco regio addicendi prætextu sibi in proprios usus *Perottus Deputatus*, uti appellatur, convertere studebat; nisi intercessisset Reginæ pietas, & *Henrici Ufferii*, tunc temporis Archidiaconi *Dubliniensis*, prudentia & sedulitas, qui missus à Decano aliisque, quorum maximè intererat, in *Angliam*, istius Ecclesiæ jura adeò dilucidè & tanta argumentorum vi tutatus est, ut dirum istud omen, malis, in pleraque omnes redundaturis, gravidum, penitus averteretur. Sed non multò post sanctior cura, ( si quidem sanctior dari potuit ) longè, ue majoris momenti, illum occupavit. In condenda enim Academia *Dubliniensis* lentè admodum per plures annos processum erat, etiamsi optima Regina id in documentis duobus Proregibus, alteri post alterum, in *Hiberniam* ituris, dedisset; ex difficultatibus, quæ subindè intervenerunt, haud facilè superandis, longæ necessebantur moræ; quarum tandem pertæsum est omnes, quibus hoc sanctum propositum, è quo *Hibernia* felicitas pendebat, curæ & cordi erat, & qui assiduus postulationibus rem istam urere. Ideo Consiliariis *Hibernis*, quicquid hac de re, crebris seriisque consultationibus habitis, hætenus inter ipsos convenisset, Reginæ cum debita commendatione, ut dixi, referre visum est, ut ipsa consentiente ratumque habitura, hisce optimis conatibus, quibus omnes boni benè cupiebant, ingrata cunctatione hucusque productis, felix imponeretur coronis, nec quenquam alium, qui causam istam coram Regina, Consiliariisque *Anglis* ageret, *Henrico Ufferio* tunc temporis, cujus fides & sapientia ipsis erant exploratissimæ, aut digniorem, aut magis idoneum reperiri posse, hi Summates censuerunt. Ille verò itinere in *Angliam* maxima animi cum lætitia, A. MD. XC. suscepto, nullis parcens sumptibus, nullosque labores subterfugiens, ita strenuè & præclarè isthoc munere functus est, ut (a) charitam foundationis tricesimo die Martii A. MDXCII. datam, &

Regio

(a) Vide epistolam CXLV. *Jacobi Ufferii Armachani* ad D. *Gulielmum Laudam*, tunc temporis Episcopum *Londonensem*, in Sylloge.



Regio sigillo munitam, tandem auspiciatissimè impetraverit, cujus certissima spe fretus, in patriam redux, immortalis hoc beneficio jam donandam, summis omnium gratulationibus excipitur. Reliquit *Henricus* filium *Robertum*, paternæ eruditionis & pietatis ex asse hæredem, qui in isthoc Collegio educatus, inque sociorum numerum adscriptus, postea ex commendatione Consobrini sui, *Jacobi* nostri, & insigni elogio illius virtuti debito, & quod ipsa veritas, nullo respectu ad cognationem habito, exegerat, quod dederat (a) in literis ad D. *Landum*, qui multum in rebus ad Ecclesiam Academicarumque disciplinam apud Serenissimum Regem, *Carolus I.* potuit, & unanimi sociorum consensu, præfectura istius, A. MDCXXIX. donatus est. Hic vero, quinquennio elapso, ad Episcopatum *Kildariensem* merito suo evehctus, se sacrâ insulâ fidei pastoralis curæ administratione omnino dignum præstitit. Tandem ex crudelissima & quàm maximè execranda *Hibernorum* Pontificiorum rebellione & laniena eluctatus, in *Angliam*, insanis motibus tunc agitari incipientem, aufugit, ubi summis ob patriam, horrendum in modum desolatam, meroribus confectus, vergente ad finem anno MDCXLII. *Pontabrisleia* in provincia *Salopiensi* diem suum obiit.

Non hic prætereundum est silentio, quod *Jacobus* noster famulari apud amicos sermone, tanquam singulare & rari exempli, commemorare solebat, nempe sibi duas Materteras, an vitio naturæ, an morbo, incertum, ab ipsis cunabulis omni oculorum lumine, & usu carentes, obtigisse, quarum institutione & cura, dum puer erat, legere edoceret. Quod quidem intellectu haud facile videtur, nisi dixerimus, illum, nominibus figurisque literarum, non prorsus incognitis, quomodo in syllabas & verba connecti debeant, ab iisdem, aut vocem moderantibus, aut malam lapsantis linguæ pronuntiationem corrigentibus, didicisse. Illæ verò, quod aliis quoque cæcis frequenti usu venit, adeò felici tenacique pollebant memoria, ut aliquamulta integra sacrarum Scripturarum capita absque aliquo errore & cæspitatione, rogatæ experiundi causâ, repetere valerent. Hisce præloquiis defunctus, ad pressiore m vitæ *Usserii* nostri historiam venio.

Prima fuit cura parentibus, quibus exploratum erat, semina pietatis ac reverentiæ erga sanctissimum Numen exhibendæ, in ipsis primæ puer-

(a) *Ibid.*

Et lite-  
rarum.

ritiæ temporibus, jacta, in bonam frugem maturioribus annis adolescere, characteresque in animo, vanis falsisque præjudiciis & opinionibus vacuo, tanquam in rasa tabula, impressos signatosque, vix, aut ægrè quidem, obduci & obliterari, aut posse, aut solere, ut illius mens sensu religionis, ab omni superstitionis labe purgatæ, quantum tenella ætas ferret, imbueretur: proxima verò, ut doctrinæ, quæ puerilibus annis convenit, rudimentis erudiretur. Cujus exquisitæ educationis fructus postea per universam vitam maximè erat conspicuus. Nemo enim sacræ religionis instituta sanctiori zelo excoluit: nemo bonarum literarum studia impensiori diligentia profecutus est.

Odo an-  
gorum  
puer ad  
Scholam  
Gram-  
matica-  
lem,  
sub cura  
& insti-  
tutione  
Fullertoni  
& Hamil-  
toni.

Octennis, quasi jam domesticis institutionibus superior, ad scholam Grammaticalem, quæ tum in Urbe natali, sub cura & disciplina duorum nobilium *Scotorum*, *Jacobi Fullertoni* & *Jacobi Hamiltoni*, inclarescere cœperat, missus est, linguâ Latinâ erudiendus.

Commodum enim accidebat, ut quo tempore Urbs ista ingenti Ludimagistrorum inopia laboraret, hi Advenæ humaniori literaturâ perpolitenti, quo rem illam maximi momenti, cujus causa ex patria huc migrassent, melius celarent, laboriosum istud docendi pueros & adolescententes munus in se susceperunt; hoc modo, tum industria sua laudabili, tum suavissimis moribus, blandisque artibus, in gratiam *Anglorum* & *Hibernorum*, cujuscunque fortis & conditionis, sese insinuaturi. Vera enim itineris suscepti ratio hæc fuit. Serenissimus *Scotorum* Rex, *Jacobus*, istius nominis sextus, de successione ad *Angliæ* & *Hiberniæ* regna ineunda, quæ post obitum R. *Elisabethæ*, omni jure, tam divino, quam humano, illi competebar, impendiò sollicitus, veritusque, ne aut malefamis technis aut aperta vi & armis Pontificiorum, aliorumve, qui novis rebus studerent, moræ & difficultates, haud facilè superandæ interponerentur, secundum gratiam benevolumque affectum Reginæ, à nominando successore, ut illum magis redderet obnoxium, præfractè quidem abhorrentis, (neque enim, ut sæpe solebat, suo more, h. e. perquam eleganti dicere, *sepulchrale linteamen sibi coram oculis perpetuò obijci* sustinuerit) non solum *Anglorum*, præsertim Aulicorum, animos quoquo modo conciliare, sed *Hibernos* tum veteris tum novæ profapiæ, à quibus non leve ob diversos mores & similitates inter *Scotos* & *Hibernos* olim à longo tempore ortas, & usque productas, & ob durissimam in patriis ritibus retinendis obstinationem, impendebat periculum, in suas partes trahere omni nîsu contendebat. Sub hac larva, *Fullertonus* & *Hamiltonus* in *Dubli-*

miæ

nium tanquam tutelares genii, qui liberis probè & feliciter educandis præessent, recepti, clam Regis sui causam egere & tutati sunt, inita cum nobilissimis viris, sive Romanæ, sive Reformatæ Communions, qui aut propè & in vicinis Regionibus ampla possederant latifundia, aut negotiorum forensium causâ, illuc subinde convenerant, amicitia. Non parum sapientissimis R. Jacobi consiliis in ista Insula promovendis conducebat, illorum explorata fides, solers prudentia, & sagax ingenium: quod benè noverat, & expertus est Rex ipse, illos, prout meruere, longè splendidioribus dignitatibus, quibus sustinendis erant pares, admoturus. D. Fullertonus mox à Rege Jacobo, jam primo Magnæ Britannie Monarchâ, dignitate Equestri ornat. deinde primus à cubiculariis secundi Ordinis serenissimi Caroli, tum Principis Wallie, tum Regis constitutus: inter Antica vitæ pompas & delicias consummatæ virtutis exemplum ubivis dedit, famæ satur, licet non annorum, (non enim senilem ætatem attingebat) magnum sui desiderium reliquit, in sacello Paulino in Abbatiali Ecclesia Westmonasteriensis honorificè sepultus, cujus pene invidendæ laudis in eleganti Marmore ad borealem murum affixo incidi curarunt superstites Amici. Alter verò D. Hamiltonus, primò ad parem Equestrem dignitatem, deinde verò ad titulum, gradum, & honorem Vice-Comitis de Clancabo in Hibernia evehebatur.

Sub hisce Magist. is Discipulus, tam bonæ indolis tantæque industriæ, in bonis literis non potuit non proficere quotidie: nec opus erat stimulis, quibus ad pensum illud diurnum, quod imperatum fuerit, abolverendum incitaretur. Illorum præceptionibus avida aure & mente aliquatenus capaci imbibitis, post comprehensas digestasque Artis Grammaticæ & Rhetoricæ regulas, expeditumque Linguae Latinae usum, classicis Auctoribus, Poetis, Oratoribus, & Historicis assuescere jam incipiens, hisce fundamentis jactis, planam facilemque fore ad eruditionem viam sentiebat: semperque hanc felicitatem sibi gratulatus, illud inter benignioris Providentiæ munera recensere solitus erat, quod in tales Præceptores felicissimo auspicio incidisset, quos, dum vixerint, omni cum debito honore prosecutus est, quorumque memoriam charam habuit, meritissimi que elogii ex grati animi tenerrimique affectus sensu exornavit.

Cum verò integrum quinquennium, in schola, sub sapientissimorum Præceptorum disciplina, acquisita præcoci ingenii laude, explevisset Usserius, inde ad novum, illudque nobilius, altioris doctrinæ seminarium ex consilio eorundem transplantatur.

Collegii  
Dublini-  
ensis Sta-  
tus.

Anno MDXCIII. Fabrica Collegii *Dubliniensis*, de quo supra egi, sanctissimæ & individuae Trinitatis honori & gloriæ dicati, absoluta, cujus præfectura pro tempore primo fungi dignatus est reverendissimus Vir, *Adamus Loftus*, Archiepiscopus *Dubliniensis*. Primus autem Cancellarius *Gulielmus Cecilinus*, Baro *Burghleins*, *Anglia* Thesaurarius, ob summam in rebus maximi momenti administrandis prudentiam, optimè de Regina *Elisabetha* & patriâ meritis, æternis elogiis memorandus. De sociis alumnisque, qui in justam societatem, juxta chartam foundationis, coalescerent, eligendis admittendisque erat deliberatum. Non amplum studiosorum numerum primò illic recipi passus est novellus iste & incompositus Collegii status, qui subinde auctis redditibus, erat augendus. Non plures enim socii, quàm quatuor in ipsis initiis admittebantur, qui Philosophiam, aliasque liberales Scientias docerent; viz clarissimi & doctissimi viri, *Lucas Challonerus*, *Gulielmus Daniel*, *Jacobus Fullertonus*, & *Jacobus Hamiltonus*, quorum duo posteriores nuper, ut paulò ante memini, scholæ fuerant meritissimi Rectores. Cùm verò ad Alumnos substituendos eventum fuerit, Commissarii, penes quos erat harum rerum cura & arbitrium, *Usserium* nostrum admittendum esse, illiusque nomen in matricula, certa & fidei rerum gestarum custode ad feram posteritatem continuanda (a) inter primos inscribendum maxima cum animorum conspiratione statuere: quod quidem ab iisdem consultò factum fuit, tum ut se erga Avi materni, qui hoc Collegium exstrui oportere olim in Comitiiis Parlamentariis proposuit, memoriam, tum erga Patrium, ex cujus indefessa diligentia ad auspiciatissimam hujus sancti propositi consummationem non leve accesserat momentum, gratos præstarent, tum ut nascenti Academiæ novus exurgeret splendor ex tali Alumno, ingenii dotibus longè supra ætatem cumulatissimo, de quo lætam, eamque firmam spem optimæ frugis inde proventuræ ex ejusmodi primitiis primordiisque concepissent, quod Deo Opt. Max. vitam prorogante, non solius *Hibernia*, sed totius etiam *Europa*, lumen & ornamentum esset evasurus.

Inter  
primos  
alumnos  
admissus  
*Usserius*.

*Usserius* jam ex angustis ludi literarii parietibus ad liberiora Collegii spatia subductus, dum Logices & Philosophiæ *Aristotelica* institutionibus, prout ratio disciplinæ exigebat, sub regimine D. *Hamiltoni*, cujus fidei &

(a) V. Epistolam D. *Usserii* ad *J. Hevelium* *Lonlini* Kalend. Novembr. 1650. datam: Epist. CCXL. Hoc autem ordine tres alumni primum soli admissi erant, ut D. *Waraus* in Annalibus suis refert, viz. *Abel Walsh*, *Jacobus Usher*, & *Jacobus Lee*.

& curæ à Parentibus peculiarem in modum erat conceditus, sedulam navaverit operam, lectioni historiarum, ad quam potenti naturæ genio, mirè propendebat, horas subcesivas impendit. Interim celari neutiquam debet, huic pertinaci studio tum poeseos, tum chartarum lusoriarum amorem, sive ex æmulatione sive ex sodalium lenociniis sensim irrepen-tem, frigidam suffudisse: sed mox relectis animi viribus, præstigiaticem istam artem, omnemque lusum, quibus utrisque ab utilissimis maxime momenti rebus serio prosequendis mens planè avertitur, adjutrice divina gratia, penitus excussit, nunquam ad ejusmodi studiorum oblectamenta, vel potius impedimenta, postea reversurus. Dum verò præclarissimam istam Ciceronis sententiam, *Nescire, quid ameqnam navasis, acciderit, id est semper esse puerum*, animo sæpè sæpius volvisset, illiusque veritate percepta, aureum illum *Sleidani, de quatuor summis imperiis*, libellum ingenti cum delectatione legisset, ab isthoc tempore, vitæ secuturæ, si Deus dederit, cursu, reliquis studiis non insuper habitis, omnium seculorum historias, tandem aliquando completi apud se constituit. Prodigio simile videbitur, adolescentem præter propter quatuordecim annorum res maximè memorabiles juxta seriem temporum ex libris historici argumenti, quos nancisci licuit, in facilem synopsis contrahere potuisse; quæ, licet vix quicquam accurati & pensi continere rigidis censoribus habeatur, & cujus fortassè ipsum postea puduit, ipsius tamen solers & acre ingenium, industriam igneumque mentis vigorem, luculento isthoc documento, quod in ista ætate neutiquam erat expectandum, ostendit.

Crescentibus annis, vitæ piæ juxta S. Scripturarum, quas summa reverentia erga istum *Librum Librorum*, uti appellare solebat, impulsus, assidua manu versavit, normam agendæ, studium quoque pariter crevit: quod ex priorum librorum, & præsertim *Meditationum S. Augustini*, frequenti lectione aluit; inde occasione de rebus divinis sacrisque Religionis Christianæ officiis, quod præcipuum erat, recolendi capata, ut dum cæteri, aut lusibus, aut deambulando simul se se recreaverint, ille solus, sive in avia, sive juxta ripam fluminis non raro secessit, cœlestium rerum contemplationi intentus, præcipuè verò, pro more solenni, nec intermittendo, pridie, antequam ad sacram synaxin accedens, sacrosanctæ Eucharistiæ symbola esset percepturus.

Anno

Arrium  
Bacca-  
laureus  
XVII.  
ætat  
anno in  
contro-  
versias de  
dogmati-  
bus The-  
ologicis  
agitatione  
inquirere  
cœperat.

Anno ætatis decimo septimo gradum Baccalaureatûs in Artibus juxta formam statutorum capeſſivit : circa quod tempus & deinceps, haud modica linguarum Græcæ & Hebræicæ cognitione, prius acquisita, de ſententiarum & opinionum, quibus variæ Chriſtianorum ſectæ, in ſacris inter ſe commiſſæ erant, divortiis & diſſidiis cœſtus & ſolicitus, quo melius quale quale judicium, quatenus Veritatis amantem & ſtudioſum in iſta juvenili ætate decuit, libratis rerum momentis, informaret, controverſiarum, quæ tum acerrima cum mentis contentione alterutrinque agitentur, præcipuè notæ libros ſtudioſè pervolutavit. Vix quippiam laudis in ſe continere videbatur, communionis Reformatæ, quam amplexus eſt, profeſſionem ſolis naturalibus, caſui, primæ educationi, aut præceptis & exemplo aliorum, ſine aliqua exploratione, deberi. Veritas quippe, quo ſeverius examen ſubit, eo magis diligitur, mordicusque retinebitur, cùm nihil tam certum ſit, quod omnes experiundo fatentur, quam quod ex dubio certum & teſtatiſſimum eſt. Quod quidem *Uſſerio* opportunè & feliciter admodum ceſſit. Ne verò partium ſtudio admiſſique præjudicii ſibi illuſiſſe, aut nimium facile credere, quicquid animo alluenerit, videretur, Romanarum partium maximi nominis Theologos, & præcipuè *Scapletonum* noſtratem, (cujus librum Anglicè editum, inſcriptumque, *Fortaliſſimum fidei inter Anglos primum plantata*, plusquam ſemel legebat) conſulere non recuſavit, imò potius prompto animo geſtiebat. Non diu animi dubius hærebat, ſed indies confirmator factus, veritatis Evangelicæ dogmata contra eorundem ſtrophas certa ſcientia doctoque zelo ex ſacris ſcripturis ſeriatim meditatione inſtructus, pro re nata tueri non ſegniter detrectavit. Cum verò *Scapletonus* iſte veteris Eccleſiæ Chriſtianæ cum hodiernæ Eccleſiæ Romanæ placitis concordiam & conſenſum in Patrum ſcriptis ubivis comparere venditaſſet, intentato noſtris graviſſimo novaturiendi in rebus fidei & doctrinæ reatu, ille ex cauta & ſapienti ſuſpicionem veritus, ne jaſtabundus iſte Patrum, quos ubivis crepat, teſtimonia, aut falſa pro veris ſupponendo, malè citaret, aut in alienum ſenſum detorquendo pejor interpretaretur, omnium Patrum, quotquot exſtabant, ſcripta, tandem aliquando accuratè perlegere obfirmato animo ſtatuerebat, tam in Doctrinæ Chriſtianæ puritate per continuum ab Apoſtolorum temporibus ſucceſſionem ad Concilium *Tridentinum*, cùm nondum typhus ſecularis & ſuperſtitio in Eccleſiam Occiden-

dentalem fraudibus & tyrannide *Romanorum* Pontificum irrepressissent, exploranda, quàm in Historiis sacris & profanis, Antiquitatibusque *Britannicis* investigandis, futuræ vitæ labores & studia per Dei gratiam impensurus: quod illum optimè fecisse, ex libris in lucem editis, universo orbe Christiano consentiente, abundè liquet. Sed nolo argumentum hoc intempestivè præoccupare, quod commodiori loco tractabitur.

A. MDXCVII. illustrissimus vir, *Robertus*, Comes *Essæx*, à Regina *Elisabetha* ad regendam *Hiberniam* summa cum potestate missus, *Dublinium* appulit. Non multò post, à primoribus novellæ Academiæ, cujus erat Cancellarius, solennibus Comitibus, honoris causâ, indictis, invitatus, facilis annuebat, orationibus utpote gratulatoriis, disputationibus, reliquisque exercitiis Scholasticis, prout par erat, excipiens. Inter cæteros *Usserio* provincia quasdam theses ex interiori Philosophia petitas defendendi erat demandata, quam multa cum Proregis illustrium Auditorum coronæ laude & applausu sustinuit & ornavit, inde ob volubilitatem linguæ, ob disputandi subtilitatem, & denique ob ingenii in profunda sensuum penetrantis acumen, in majore existimatione habitus.

In hoc laudatissimo stadio haud intermissis gressibus procurentem stitit ex improvise casus, qui illum à composito mentis statu penè dejecit, pectusque gravissima ægritudine opplevit. Cùm enim ille clam & secretò, non voto quidem solenni, sed firma destinatione, quantum ipsi, nondum à Parentis tutela & potestate emancipato licuit, se Deo & Ecclesiæ addixisset, Pater ingenii & industriæ illius fama excitus, deque futuris bonis fortunis augendis non parum sollicitus, de illo in *Angliam* mittendo cogitat, ut ibi legum municipalium, quarum accuratior severiorque cultura opes, honores, & adpromittere & largiri solet, studiis, praxique Curiarum incumbens, earumque profunda mysteria subtilissimosque apices septennali mora edoctus, in Patriam redux, Patroni & Advocati in Causis forensibus agendis partes majori tum commodum fama sustineret. In hoc conspectu, quid agier oportuerit, non adeo proclive erat statuere. Propositum sanè istud reluctante animo & aversissima aure primò excepit *Usserius*: sed pietas jussit, ut paternis consiliis monitisque, quibus neutiquam erat obsistendum, obsequeretur. Ideo se itineri *Anglicano*, prout commodum videbitur, accinctum promptumque fore spondet, divina bonitate confisus, aut Pa-

Sed Patre  
mortuo,  
alii vi-  
tæ insti-  
tutum  
eligit.  
In so-  
cium  
Collegii  
electus  
& ad-  
missus.

Hæredi-  
tatem  
relictam  
inter ma-  
trem, fra-  
trem &  
sorores  
dividit.

Disputa-  
tionem  
cum  
quodam  
Jesuita  
mit.

trem mutaturum esse istud consilium, aut res novas, quæ destinatum *istud iter* præcludere possent, inde emerfuras. Interim Pater hoc anno viz. MDXCVIII. ultimum diem suum obiit, non sine magno piissimi filii luctu, qui jam invitus licet, ex hoc peracerbo fato, sui juris factus, post funus elatum, de instituto & professione vitæ non longa aut perplexa deliberatione opus habuit. Jam enim omnibus remotis obstaculis, in numerum sociorum Collegii adscitus est: qua quidem in eruditam istam societatem admissione, in perpetuum, sub æquis conditionibus, duratura, nihil sibi gratius accidere potuit; eò quod jam inde Theologiæ operam navandi, & sacerdotale ministerium præfinito tempore suscipiendum obeundi, quod diu animo infixum habuerat, desiderabilis quædam necessitas illi, ni jure suo cessurus esset, fuerit imposita. Obtrigerat paulò antè ipsi jure primogenituræ lauta hæreditas: in qua herciscenda & administranda, cum sensisset gravissimam istam negotiorum civilium, quibus erat penè obruendus, molem, cum vitæ contemplativæ otio & tranquillitate consistere neutiquam potuisse, litesque de quapiam parte peculii intrincatas, & in foro decidendas, à quibus, si quis unquam, maximè abhorrebat, subinde nascituras reseridè perpensa & cum Amicis communicata, jus suum transcribit in Patrum reliquosque fideicommissarios, ut juxta ultimas Testatoris tabellas matri, fratri, septemque sororibus meliùs commodiùsque provide- retur. Ne verò quippiam hac ex parte temerè, imprudenter, & incon- sultò fecisse, rigidis censoribus, quasi omnem sui ipsius curam abjecisset, videretur, certam annui redditus in proprios usus, tum ad emen- dos libros, tum ad alia vitæ comoda, proportionem reservavit.

Hætenus magnam de se inter amicos & familiares excitavit expecta- tionem *Usserius*: quæ mox apud omnes cives *Dublinenses* magis magis- que crevit, & latè propagata est, ex superveniente hoc, qui sequitur, casu.

A. MDIC, *Henricus Fitz-Simon*, Jesuita *Hibernus* ob spretas viola- tasque regni leges in pervertendis subditorum mentibus à religione pu- blica auctoritate stabilita, occupatissimus, in arce regia tunc temporis detinebatur. Ille verò utpote vir profusæ loquentiæ & projectæ auda- ciæ, atroci & immani Ecclesiæ Romanæ placita propugnandi zelo agi- tatus, inconditis clamoribus & perscripta jactantia quoscunque Reform- atæ Communionis Mystas ad disputandum provocavit: se ipse *Ussè* assimilans, qui *palo depactus*, à *canibus exagitari gestiebat*. Istorum tem-



temporum historiam retexere aut narrationem istam de hisce velitationibus, in Epistola dedicatoria ad *Claudium Aquavivam*, aut in præfatione ante Librum, qui, *Britannomachia Ministrorum in plerisque & fidei fundamentis & fidei articulis dissidentium*, post quatuordecim annos \* editus inscribitur, ab ipso conscriptam, ineptulis cavillationibus, calidis mendaciis, putidisque convitiis in viros clarissimos, quos Antagonistas habuit, effusus, in examen revocare, utpote omnino præter hujusce commentationis, quam aggressus sum, institutum, neque libet, neque convenit. Ea sola, quæ de *Usserio* nostro, nomine licet celato, promit, hæc integra, appositis quidem brevculis stricturis censurisque exhibebo.

\* Duaci  
in 4.  
1614.

*Prodiit quidem semel in summa vocis vulnusque trepidatione, octodecarius præcoci sapientiæ (non tamen male, ut videbatur, indolis) juvenis, nescio, an aures popularis cupidior, saltem de abstrusissimis rebus Theologicis, cum adhuc Philosophica studia non esset emensus, nec ephelis egressus, disputandi avidus. Hunc autem jussi suorum calculos adferre, quibus pugil seu agonista idem renuntiaretur, & vel cum ipso disputationem me inisturum. Sed sicut ipsi cum minime tanto honore dignati sunt, ita me vicissim sua deinceps præsentia dignatus ipse non fuit.* Ita ille, qui in multis corrigendus est. Sic enim res ista se habet.

Cum duo trefve è nostris Theologi, & ætate & dignitatibus Ecclesiasticis venerabiles, quos ille pro modestia sua *Pseudo decanos* nuncupat, experti primo congressu, ex istiusmodi tumultuariis altercationibus cum loquacissimo Sophista habitis aut habendis, non quasi illi certamen hoc inire, quod ille perabsurdè fingit, præ metu detrectassent, vix quicquam commodi fructusve percipi potuisse, illius insaniam castigare, calumniasque refellere apologiis publici juris factis, maluissent, in arenam descendit *Usserius*, juvenis novemdecim annorum, non sibi fidens placensve, non *Juveni rosarius* aut vanæ apud Populares suos captandæ gloriæ cupidus, sed solo Veritatis amore, quo totus ardebat, exstimulatus, cum isthoc *Thrasone* manum conferturus. Quo conspecto, fastu excandescens, præ indignatione infrenduit *Simonides*, exprobrataque illi recenti juvenia, contemptim *Puerum* appellavit: licet illo non pluribus quam undecim aut duodecim annis natu prior fuerit. Sic eadem impotenti ira contumeliosiusque dictis pusillum *Davidem*, fortassis non majoris ætatis, lacessivit *Philistheorum*, qui, *Israelis* agminibus exprobravit, pugil. Sed hunc *Puerum* in hac pugna non terga vertentem,

non segnem ; aut meticulosum invenit Adversarius , sed acrem ; iſtibusque repetitis inſiſtentem , ſed intrepidum bellatorem , cauſam religionis , pari tamen modeltia & vocis moderatione ac lenitate , propugnantem , quam ille *ſummam vocis vultuſque irredationem , invectunde & perversiſſimè* interpretatus eſt. Illius autem arbitrio reliquit , de quibuscunque controverſis Theologiæ articulis , prout à *Bellarmino* erant diſpoſiti , vel qualicunque methodo , ad omnem confuſionem , quæ aliter eſſet oritura , amoliendam , diſputationes futuras inſtituere , ut de veritate illorum , in quam partem ſe inclinaverit , Auditoribus , qui intererant , aut intereſſe diſcuperent , meliùs & dilucidius conſtaret. Inter utroſque primò concordatum fuerat , ut concertationes iſtæ à dogmate de *Antichriſto* inchoarentur , ſemel ſingulis ſeptimanis ex pacto repetendæ. Sed finita primâ , Jeſuita , qui exindè triumphos ſibi ab Agonothetis decerni animo priùs concepiſſet , metuens , uti conjecturam facere videtur , de illo potius triumphandum eſſe , longas moras neſcit. Ideo *Uſſurius* literis , ( utpote quarum apographum apud ſe reſervaverat ) quæ miram proſuſque ingenuam pietatem totæ ſpirant , ad illum ſcriptis , improprium de ipſius *pueritia* impactum diluit , ſe nullam juſtam inde occaſionem , cur hac de cauſa tantopere ſaltidiretur , dediſſe , exemplo *Davidis* cum *Goliatho* pugnaturi , non ſuis viribus fretum , *veniſſe in nomine Domini , qui ex ore infantium & lactentium propter inimicos ipſius perſicere laudem interdum ſolet* : cùm nullas ab illo , prout diſcedenti ſpoponderat , literas hæcenus accepiſſet , jam cupere certioſiorem fieri , an collationem promiſſam ſuſceptamque renovare vellet : ſi minus , quicquid hucusque aterutrinque geſtum fuerit , publici juris fieri oportere. *Simonides* verò jam conſcius , quod audaciſſimis , iſſque crebrè repetitis , provocationibus , ſibi nodos haud facilè explicabiles innexuiſſet , à reſpondendo proſuſ abſtinuit , & quaſi ſaucius à vulnere , nuper inſiſto , ab omni futuro certamine ſe ſubducens , non amplius in ſcenam prodire voluit : ne verò à cauſa cadere , aut propriæ exiſtimationi apud ſuos deſuiſſe videretur , ſe , propoſita , quam ſupra retuli , conditione , & cum illo , h. e. puero , *diſputationem inimicam* , & quidem falſò , obtendit. Quod planè merum erat *ἡρὸς φύγηναι* , non enim opus erat alienis calculis , quod ſubdolè poſtulavit , ut cum minori infamia ex naſſa , in quam temerariis ſuis auſibus , incidiſſet , elaberetur , quibus *Agoniſta idoneus renunciaretur*. Ipſe enim vires illius expertus fuerat , & ſi huic congreſſui omninò impar eſſet faciliorem de

*Puero*

*Puero* reportasset victoriam. Sententiam de *Usserio* haftenus in pectore suppressam dissimulatamque, sequentibus annis, vi Veritatis victus, clare protulit, & *Acatolicorum doctissimum* falsus est. Hinc de istius elo-  
gii ipsi à *Philippo Alegambe*, nimis hac ex parte credulo, in *Bibliotheca Scriptorum Societatis Jesu* adscripti falsitate cuivis candido Lectore judicare licebit, quod ad certamen provocatus à quopiam inter ipsos doctissimo, cum condixisset diem, obtinere non potuit, ut tandem produceret, ad pugnam gloriosus provocator.

A. MDC. Lauream Magistri in Artibus adipiscitur, & post aliquot annos, bene aucto studioforum, ex omnibus regni provinciis *Dublinum* ad capiendos ingenii fructus confluentium, numero, fit, juxta disciplinam regimenque in *Anglia* institutum, primus Academiae Procurator. Cujus muneris administrati, (a) ipse ad supremum dignitatis Ecclesiasticae in *Hibernia* culmen evectus, non sine ingenti lætitiæ & voluptatis sensu meminisse visus est.

Laurea  
magis-  
trali in-  
signitur.  
Primus  
istius,  
Acade-  
miæ Pro-  
curator.

Incunte novo seculo, priusquam vicesimum ætatis annum excessisset, à Primoribus Collegii, è quorum arbitrio totius disciplinæ & regiminis dispositio & ratio pendebat, *Usserio* catechisandi sive juniores Academicos in doctrina & fide Christiana instituendi munus, quod aliter præ humili de se opinione recusavisset, erat impositum: quo, ut majori cum Auditorum utilitate defungi posset, præcipuos sacre Theologiæ articulos, juxta communes locos, pro more istorum temporum, singulis septimanis in facello explicavit. Ita olim (b) *Origenes* ob exquisitam in sacris scripturis peritiam mirabilemque judicii in ipsa viridi juventa sagacitatem, utpotè planè octodenarius in schola *Alexandrina*, eidem sacro Catechumenos instruendi officio ex mandato *Demetrii*, istius sedis Episcopi, admovebatur. Ex hisce Theologicis prælectionibus, uti ex privatis colloquiis, liquidò constabat, *Usserio*, præter solidam rerum sacram divinarumque intelligentiam & sensum, tantam copiam ordinatamque verborum structuram, & facilem expeditumque dicendi usum superpetiisse, ut aliqui ex amicis judicaverint, illum valdè idoneum esse; qui consensu rostris, in sacris cœtibus verba haberet: quorum tamen suavis neutiquam cedens, in publicum pertrahi nolebat. Sed novis argumentis, quibus erat expugnandus, propositis, superiorum voluntati & jussibus

Anno  
MDCI.  
catechi-  
sandi  
munus  
in Colle-  
gio obit  
sustinet-  
que.

C 3

bus

(a) Vide Epistolam ad Archiep. *Landum* in *Sylloge*. pag. 459.

(b) Εὐσεβίου ἐκτελεσθέντος ἀπὸ τοῦ ἱεροῦ καὶ ἐκτελεσθέντος πρὸς τὸν δαδὸν αὐτῶν, *Euseb. Hist. Eccles.* lib vi. cap. 3.

Ille duo-  
que alii  
ur publi-  
co mu-  
nere  
concio-  
natorio  
funge-  
rentur  
selecti.  
Hia u-  
tem  
erant  
*Walshius*  
& *Rich-  
ardso-  
nus*.

bys non amplius obfistere aufus est. Illis enim quantum utilitatis in uni-  
verfam Ecclesiam *Hibernicam*, imò in rem Christianam, in omne ævum,  
ex novæ Academix foundatione redundaturum esset, hoc tempestivo,  
ne dicam, præmaturo specimine, quasi in antecessum demonstrare, è re  
sua fore visum est. Tres igitur Juvenes, magistrali laurea insigniti, ii-  
que pietatis, ingenii, & doctrinæ fama insignes, selecti erant, qui coram  
Prorege, aut, illo absente coram Justitiariis Consiliariisque Regiis,  
(quos Anglicè vocant *the st.ue*) subinde concionarentur, viz. *Usserius* nos-  
ter, *Abel Walshius*, (*Valesius*) & *Joannes Richardsonus*: quorum singulis  
distinctæ partes fuerant demandatæ. *Richardsoni* erat die Mercurii,  
quasdam pericopas Prophetiæ *Isaie*, juxta seriem capitum, quoad lite-  
ralem spiritualemque sensum, interpretari, & corollaria inde deducta ad  
vitæ praxin applicare: de quo pauca hæc referre oportet; quod inter in-  
signissimos sacre Theologiæ Academix *Dubliniensis* Doctores non medio-  
crem obtinuerit locum, & tandem sanctitatis, eruditionis, & sapientiæ  
merito ad Episcopatum *Ardachensem* fuerit promotus. Flagrante im-  
pia & cruenta *Hibernorum* rebellione, perfugium in *Anglia* quæsit,  
& invenit, ibique A. MDCLIV. senio confectus, naturæ concessit.  
Vir sanè longè doctissimus, & in abditis scripturarum sensibus cruen-  
dis, inque sacra (a) Chronologia versatissimus: quod præclarissimæ il-  
lius selectæ observationes & explanationes in V. Testamentum, & præser-  
tim in librum *Genesios* Annotationes, paulò post ipsius mortem, *Londini*,  
MDCLV. Folio, inscriptæ D. *Usserio*: cujus literas ad edendum istud  
opus hortatorias, quasi in auctoramentum præmiserat vir modestissimus,  
faciunt testatissimum. *Valesius*, qui postea doctoratu in facultate Theo-  
logica auctus erat, summa quæque Theologiæ capita, è scripturis sacris  
& ex divinæ illius scientiæ fontibus diebus Dominicis tempore anteme-  
ridiano exposuit & explicavit. *Usserius* verò, post confirmatam dog-  
matum religionis in articulis doctrinæ & fidei Ecclesiæ *Anglicane*, legi-  
bus stabilitæ, veritatem, & errores superstitionesque *Romanensium*, se-  
quioribus seculis introductas, redarguebat, salutaribus verèque Christiani-  
anis monitis, quibus omnes, quotquot interessent, non solum in sancta  
fide

(a) D. *Usserius* in altera *Annalium* parte, editionis *Parisiensis* 1673. pag. 620.  
*Publici Christi ministerii Acta per quatuor Paschasa distincta ex quatuor Evangelio-  
rum harmonia hic exhibemus, à Viro eruditissimo & in Sacrarum literarum studiis  
longè exercitatissimo, Joanne Richardsono, S. Theologia Doctore, & Ardachadenis  
in provincia nostra Armachana, Ecclesiæ Episcopo dignissimo concinnata.*

fide magis magisque instructi, sed meliores, & vita & moribus sanctiores redderentur, in coronide additis. Sed non multò post, mentem valdè dubiam perplexamque habuit, an ipse hanc necessariam sacri Ministerii partem diutius obire salva conscientia potuerit nec ne: ut pote cùm nondum ob defectum legitimæ ætatis ex rigore canonum fuisset sacris ordinibus initiatus. Parum conducebat dixisse illud per modum *probationis & exercitationis*, sive experiendi tum mentis tum corporis vires causa, factu licitum reddi. Ut ergo scrupulus iste, quo distinebatur, animo penitus eximeretur, dispensatione, quam iidem canones casibus extraordinariis, quando nimirum defectus iste reliquis omnibus dotibus requisitis abundè suppletur, indulgere solent, faciliè in ipsius gratiam impetrata, à Patruo, reverendissimo *Henrico* Archiepiscopo *Armachano*, eodem tempore & ad Diaconatum & Presbyteratum, Dominica ante festam Natalis *Christi*\*, tunc solenni juxta institutum Ecclesiæ ordinatione facta promovetur,

*Usserius*  
Diaconus &  
Presbyter ordinatus.  
• Anno MDCL.  
Ab ista, hoc tempore frequens & diligentissimus Concionator.

Hoc Apostolico auctoramento munitus, & quasi cœlesti vigore animatus, ad sacrum istud opus, paulò intermissum, se alacrius fortiusque accingit, lucrandis *Christo* animabus, & Veritati Evangelicæ inter gentes suos, vitæ superstitionis præjudiciis miserè delusos & occæcatos, hoc tempore propagandæ, si quis unquam, impendiò intentus. Ab hoc tempore, & deinceps, per univèrsam vitæ curriculum, ut illud, licèt loco & tempore non suo, assumpta prolepsi, referam, quamlibet concionandi occasionem, sæpe non rogatus, captavit: quo frequenti & assiduo usu posthac ingentem argumentorum vim, quæ, tum ad suadendum morigeris, tum ad revincendos refractarios ab Oratoribus adhiberi solent, prout instituendorum intellectus lumine, ut vitæ Christianæ officia clarè percipiat, aut conscientia stimulis, ut ea præstet, indigere videatur, venustatemque & facilitatem pronuntiandi, vehementi ardore commixtam, sibi comparavit. Hac autem facultate prædicandi, sive *Charismate*, ut quibusdam placet, si tamen hoc ævo ita appellandum sit, quod, divina gratia adjuvante, industria, studio, solertia mentis, arte, methodo, Quorundam Procerum *Hibernorum*, opitu anti-  
bus *Hispænis* rebellio.

Vergente ad finem hoc anno, exardescere in *Hibernia* fœda rebellio, quam quidam Dynastæ Romanæ Religionis, clientelis & opibus præpotentes, artificio fœdè e coeuntes; numerofo milite conscripto, concubaverant, qui, militaribus copiis ex *Hispania* submissis, *Kinsaliam*, aliaque fini-

finitima munimenta, ope & proditione civium, occupantibus elati, *Hiberniam* ex *Anglorum* imperio eripiendi altas spes in pectoribus aluere, & de universa suorum defectione, rebus tunc in præcipiti stantibus, mox secutura, mirifice sibi complacere, & blanditi sunt. Sed aliquanto post tempore, prudentia & fortitudine *D. Caroli Blumi*, Baronis de *Montjoy*, Proregis, rebellium vires erant prostratæ, ac *Hispani* profligati, qui ad deditionem adacti, non minori militum cæde ac ignominia, pactis conditionibus, *Anglicis* navibus recepti ex insula discesserunt. Fortasse memoratu non indignum videbitur, eo ipso die, viz. XXIV. Decembris, quo prælium istud commissum erat, *Vsserium*, quintiduo, postquam ritè ordinatus fuisset Presbyter, coram illustrissimis Consiliariis tunc ad supplicandum Deo pro felici istius expeditionis exitu solennem in modum congregatis, in prima verba Epistolæ ad Angelum Ecclesiæ *Sardensis Apocal. III. I.* directæ: *Scio opera tua, quia nomen habes, quod vivas, & mortuus es*, perorasse.

Ex hac insigni victoria opportunè reportata, post pauculas concussiones, quæ citò evanuerunt, tranquillitas *Hibernia*, utpote Ductoribus & Antesignanis rebellium, aut solum vententibus, aut se ad sylvas, paludes, aliaque latibula præcipiti fuga recipientibus, aut depositis armis, agnito scelere, misericordiam implorantibus, tota pendere videbatur: sed ne exitiale hoc malum ex insano Romanæ superstitionis, quam gens obstinatissima, & hac de causa, ad seditiones & tumultus nimium proclivis, suis licet juribus & possessionibus sub æquissimarum legum moderatione & patrocinio securè gaudens, & ab omni injuria & exactione, pariter ac *Angli*, sive indigenæ, sive advenæ libera & communis, mordicus amplexa est, retinuitque, ortum, denuo recandesceret, maximè erat providendum. Cui penitus excindendo non aliam aut aptiorem aut commodiorem methodum, excogitari potuisse, serìo rem pendenti facillè liquebat, quam ut *Hiberni*, sacrarum Scripturarum penitus rudes, in doctrinæ Christianæ capitibus articulisque, quatenus in Ecclesia Reformata *Anglicana & Hibernica*, à qua ex sola ignoratione tantoperè aufugissent, exhibetur asseriturque, accuratiùs quidem erudirentur. Proinde statutum, quo singuli suas parochiales Ecclesias adire, & publicis precibus & concionibus, diebus Dominicis festisque interesse, sub pœna pecuniaria, quotiescunque abfuerint, exigenda, tenentur, quod in desuetudinem abiisset, in usum revocatur: Deputantur Ecclesiis, per varias Urbis regiones sparsis, idonei viri, quisque in propria

Consiliarii Regii de erudiendis *Hibernis* in articulis religionis solliciti, jubent, ut precibus publicis & concionibus inter sint.

pria statione defixus, qui hisce sacris muniis obeundis incumberent; remque istam peculiarem in modum urgerent. Ecclesia S. Catharina dicata *Usserio* quasi sortitò obtigebat, qui methodum prius inchoatam, quam supra memoravi, repetiit, quam cæteri symmystæ pro virili prosequi deberent. Præcipua uniuscujusque concionis capita & argumenta mox brevi verborum summa, ut memoriæ tenaciùs infingerentur, in quæstiones & responsiones digessit, in quorum exploranda fide & veritate quosdam adultioris ætatis se fisti sequente Dominica examinandos, non sine maximo adstantium fructu, neutiquam pudebat.

*Methodus qua in hoc sacro concionandi ad populum munere*

Ab hisce autem rudimentis origo prolixi, inque magnam molem excrescentis, Catechismi usus familiæ suæ primò destinati, qui postea alienis, ne dicam heterodoxis, additamentis suffertus, sub illius nomine, ipso prorsus invito & reclamante, comparuit, arcessenda videtur; de quo deinceps erit opportunior dicendi locus. *Hiberni* plerique omnes, sive sincera, sive subdola mente conciones istas frequentabant, quorum aliqui, argumentis convicti, relicta *Romana*, in communionem Ecclesiæ *Anglicane* tandem transibant, & ab hisce operariis larga bonæ frugis mellis foret expectanda, nisi zizania inimicus homo clam superfeminasset. Nulla certè gens in Christiano Orbe magis, quàm *Hiberna*, pendet ab ore & arbitrio Sacerdotum, qui in illorum conscientias planè despoticum exercent dominium. Horum enim technis & Optimatum, qui politicis rationibus inducti, in legibus exequendis, segnes & remissi erant, lenitati meritò adscribendum est, quod post hanc illuminationem, mentibus illorum ex assiduâ prædicationibus documentisque inditam, in pristinam pertinaciam & superstitionem prolapsi sint: unde audaciores facti, cum id sibi impunè licere viderint, A. MDCII. conniventibus magistratibus, & multæ subeundæ metu, ex potestate *Curiæ excelsæ Commissionis*, si non sopita, saltem pro tempore suspensâ, adempto, à sacris cœtibus publicis prorsus abstinentiæ. Hoc maxime doluit displicuitque viris Ecclesiastici ordinis, & præsertim *Usserio*, qui in illustrissimo regni Auditorio de hac indulgentia coram publicè queri ausus est: si quippiam ex juvenili impetu, ut ut sanctissimo prolatum proposito, ipsi temerè excidisset, non illud haberem excusatum. Sanè non isti ætati conveniebat, (quod postea infulâ sacrâ ornatus auctoratusque, simili in casu, suo aliorumque Præsalum nomine meliøre jure fecit) ea mala, quæ inde oritura esse me-

*obeundo usus est Usserio.*

*Hiberni ad pristinam superstitionem relabuntur technis Sacerdotum retracti; & ex nimia magistrituum indulgentia.*

*In quam accerrimè invehitur Usserius.*

tuerat, coram iis, penes quos erat summa rerum administratio, & de quorum fide & diligentia Religionem ab omni sive labe sive periculo integram conservandi vel leviusculè suspicari nefas foret, exagitare, aut verba, quæ in visione *Ezechielis de Hierosolymorum Gentisque Judæorum* excidio occurrunt, viz. cap. iv. 6. *Et cum compleveris hæc, dormies super latus tuum dextrum secundo, & assumes iniquitatem domus Juda quadraginta diebus. Diem pro anno, diem, inquam, pro anno dedi tibi*, ad istorum temporum statum referre: addito hoc epiphonemate: *Ab hoc anno peccatum Hiberniæ numerando deducam: ita ut ii, quos jam amplectimini, in vos perniciem illaturi sint; Vos hanc iniquitatem portabitis*: quasi, quod quibusdam credulæ parumque attentæ mentis olim visum fuit, horrendam istam stragem, quæ universam *Hiberniam* inundaverat, post quadraginta annorum ab ista epocha numerandorum terminum expletum, obventuram esse, spiritu Prophetico impulsus, prædixisset. Ita aliqui, quorum temerariam ineptamque credulitatem hîc jam non exagitabo, sensisse videntur. Non hîc sensum verborum divini Vatis, aut literalem aut mysticum, rimari, multò minus temporum minutias excutere inque examen revocare libet. Judicent alii prout libet. Ipse autem *Usserius* ex hisce calculis, sive rectè, sive perperam collectis, *Prophetam* non censebo: nec credo unquam illi in mentem venisse, se, quasi divino spiritu afflatus hæc Dei nomine prænuntiasset, hoc sacro titulo futuris temporibus dignandum esse. Non possum, quin hîc addam, sapientes, regnante R. *Carolo I.* ex irrequietis populorum tum *Anglia* tum *Scotia* mentibus, quas fraudum Architecti subdolis malignisque artibus agitarunt, sparsis ubique in optimum Principem piissimosque Episcopos, tanquam legum religionisque everfores, calumniis, de *Scoticana* & *Anglicana* rebellionibus, longè antequam erupissent, quæ cladem istam *Hibernicam* paulò antè præcesserant, penè certò ominari potuissent: neque tamen quispiam prudens ejusmodi ominationes & conjecturas in censum *Prophetiarum* referri debere audaçter præstabit. Nescio, annon paucis annis elapsis, vafri & seditiosi homines, qui rebus novis tunc maximè studerent, credulæ plebi fucum faciendi ansam hinc arripuerint, supposito altero *Usserii*, cum ex hac vita esset emigraturus, de nostrorum temporum calamitatibus vaticinio: quod per universam *Angliam*, scheda typis expressa, spargi iidem curabant, ut mentes hominum, impendentium malorum metu distractas, sibi



sibi fortius addicere possent : sed ulcus hoc tangere jam non licet.

*Hibernia* pacata à funesti belli , quo diu exercita fuisset , cladibus feliciter admodum emerfis , & novo cum seculo novus ordo naturæ renasci , novaque rerum facies splendescere cœperat. Jus enim per provincias erat æquissimè administratum ; Vice-comites publicæ paci conservandæ ubilibet admoti ; latrocinia repressa , concordia inter *Anglos* , novos veteresque , & *Hibernas* mitioris ingenii ( sylvestres enim in saltibus paludibusque , tanquam in latibulis vix investigabilibus additi , ferino ritu victitantes , ab omni humanitatis cultu adhucdum abhorruerunt ) instaurata , & , si per ingrâtissimorum hominum perfidiam licuisset , æternum duratura ; ingens rerum venalium ad necessarios vitæ usus & delectationem copia aliunde advecta ; artes mechanicæ in usu & pretio habitæ ; agricolationesque in locis neglectis , aliterque incolarum ignavia ad perpetuam sterilitatem damnatis , novis , iisque industriis colonis introductis , adauctæ. Rebus ita auspiciatò gestis stabilitisque , Ductores exercitus *Anglicani* , quorum fide & vigilantia atrox istud bellum sopitum fuerit , prædiis pensionibusque , gregarios etiam milites stipendiis solutis ac donativis sapientissima Regina , & optima meritorum remuneratrix , cumulavit. Illi verò , tum ut se divinæ benignitatis , sub cujus tutela , per tot incertos periculososque bellorum casus , tandem victores evaserint , memores ostenderent , tum ut perennem amoris sui erga bonas literas , fœdæ superstitionis , quæ ex ignorantia & barbarie oriri solet , expugnatrices , apud omnem posteritatem memoriam relinquerent , incertum , quorum consilio inducti , ex pecuniis sibi debitæ partem quisque nimirum pro rata proportionē deducendam esse unanimi consensu certatim voluere , summamque , ad mille octingentas libras sterlingicas excrecentem , Academia *Dubliniensis* dono dederunt , ut in augenda Bibliotheca publica , vix satis tunc temporis isthoc nomine digna , inque libris omne genus in perpetuum Studioforum usum coemendis impenderentur. Ad hæc verò pretiosas merces comparandas , V. Cl. *Lucas Challonerus* S. T. D. & *Usserius* A. M. DCIII. in *Angliam* literarum studiis , & magnorum Theologorum copia tunc maximè florentem , mittuntur. Hic verò negotium istud , à Superioribus injunctum commissumque , tanquam sacrum , læto & prompto animo suscepit : quod iustis de causis credidit , tam sibi ex familiariter cum viris doctis conversatione , inspectisque MSS. codicibus ,

Pacificus  
*Hibernia*  
statusiq-  
eunte  
superiori  
seculo.

Prima  
Biblio-  
thecæ in  
Acade-  
mia *Du-  
bliniensi*  
ocasio.  
*Usserii*  
primum  
in *An-  
gliam*  
iter.

*Bodleius*  
Biblio-  
thece  
publice  
*Oxonien-*  
*sis* funda-  
tor.

tum in Bibliothecis publicis, tum apud quosdam Nobiles ejusmodi cimeliorum possesores, quàm patriæ, investis melioris notæ & perpetui usus omnium facultatum omniumque linguarum libris, fore utilissimum. Quo tempore *Londonium* appulere, D. *Thomas Bodleius*, Eques Astartus, in coemendis quoque libris, quotquot ab ipsis typographiæ incunabulis aut domi, aut in exteris Regionibus ab instaurata, post depulsam Scholasticorum barbariem, humaniori literatura, typis exscriberentur, erat occupatissimus. Ille enim Vir optimus & omni, qualicunque aut quantocunque elogio superior majorque, magna animo molitus, & quæ vires hominis privatæ sortis ac conditionis longè supergredi viderentur, Bibliothecam publicam *Oxoniensem* misère collapsam reficere, vel potius denuò condere dudum apud se constituerat longa maximèque seria deliberatione edoctus, opes, quibus clementissimus Deus illum cumulasset, sive jure hæreditario à majoribus derivatas, sive ex muneribus publicis legationibusque acquisitas, in commune totius Gentis commodum, non meliùs, quàm in bonis literis in omne ævum propagandis impendi potuisse. Hoc verò erat multorum annorum opus & indefessam exigebat industriam, pariter ac munificentiam, quæ pari passu simul incedentes, nunquam se destituere. Nullis enim laboribus, sumptibus nullis parcens, suppellectilem librariam undique per omnes cultioris *Europe* plagas sapienti delectu conquisivit, ut in suo gazophylacio reponeretur, fundis quoque relictis, quibus, præter pensiones annuas. Custodi illiusque Assistentibus assignatas, novorum librorum accessione augetur in perpetuum. Huic Heroi (sic enim jure merito appellandus est *Bodleius*) innotuisse non parùm cedebat *Usserio*, tum viginti trium annorum juveni, cujus monitis consiliisque res ista, ut credi par est, pro qua consummanda huc venisset, ad feliciorē, maturioremque promoveretur exitum.

Rediit in *Hiberniam Usserius*, multiplici, eaque accurata, librorum cognitione instructus, quibus legendis perpendendisque ita invigilavit, ut ne horas quidem subsecivas inerti otio evanescere & elabi passus fuerit. Deinde, quod prius, ut supra dixi, proposuerat, ad lectionem sanctorum Patrum juxta seculorum, quibus floruerit, seriem, h. e. ab primis nascentis Ecclesiæ initiis ad usque mediæ ætatis, imò & sequioris, si quicquam bonæ frugis in se haberent, Scriptores, putà *Petrum Lombardum*, *Thomam Aquinatem*, aliosque istius rixosæ Theologiæ Antesignanos, qui in *Sententias Summasque* Commentarios & disputa-

tione,

tiones edidere, pia serisque mente se accinxit: interpositis tamen, quasi laxamenti remissionisque animi vice, Historiæ & Antiquitatis omnigenæ studiis: quod pensum, laboriosum quidem & planè *Herculeum*, tandem octodecim annorum curriculo absolvit.

Triennio propemodum elapso, ( ut conjectura vero perquam simili inducor, ut credam ) *Angliam* repetiit *Usserius*, studiorum causa, & ardentissimum *Britannicæ* Historiæ, tam civilis quàm Ecclesiasticæ, & manu exaratis codicibus membranisque, illic solummodò reperiendis, eruendæ amore incitatus. Hic verò cum celeberrimis Antiquariis, D. *Roberto Cottono*, *Gulielmo Camdeno*, & *Thoma Alleno Oxoniensi*, arctam, quam sola mors dissolvere poterat, inibat amicitiam, cui thesauros suos literarios apertos voluere, Bibliothecarum item Academiæ *Oxoniensis* & *Cantabrigiæ* forulos tanta sedulitate, quantam breviculæ moræ intervalla fore paterentur, excussit, ut nihil penè illius industriæ ac sagacitati impervium, illiusve oculis penetrantibus & curiosis quasi in exploratum haberetur. Discessurus autem in patriam apud istos tres viros præstantissimos, aliosque acerrimos Judices magnum sui desiderium bonamque existimationem reliquit: utpote de quo certissimam maximorum in *Britannicis* Antiquitatibus indagandis progressuum spem conceperint. *Camdenus* sanè illo tempore de nova *Britanniæ* suæ editione adornanda admodum sollicitus, illum de *Ninio*, veteri Scriptore *Britannico*, edendo, de *S. Patricio*, & *Congallo*, aliisque rebus ad veterem *Hiberniæ* statum & civitatem *Dublinensem* spectantibus consuluit, cui literas eruditissimas non minori judicio, quàm accuratione, compositas, quas ipse (a) olim in *Epistolarum Camdeniarum Sylloge* publici juris feci, Octobris die tricesimo recipiit. Hæ verò isti summo viro sita mirè placuerunt, ut earundem non modicam partem (b) in suum immortale opus, in descriptione *Dublinii* transferri curaverit: præclaro hoc magnificoque elogio insuper adjecto: *Hæc de Dublinio, quorum plurima diligentia & doctrina Jacobi Usseri, Cancellarii Ecclesiæ S. Patricii, qui annos varia doctrina & judicio longè superat, me debere agnosco.*

Cùm gradus Academici, qui studiorum mentibus honestam æmulationem solent infundere, in stimulos industriæ præmiumque doctrinæ à sapientissimis Fundatoribus instituantur, ne statutis Collegii, ne sibi, famæque suæ, decesse videretur *Usserius* A. C. MDCVII, primam in Theo-

D 3

logiæ

(a) Londini, A. 1691. *Epist.* LXI. pag. 76.(b) *Camdeni Britannia*, Londini 1607. folio. pag. 752.

Et  
Ecclesiæ  
S. Patricii  
Can-  
cellarius.

logia lauream ambibat, quam, præstitis pro more suo perquam laudabili exercitiis, facile adeptus est. *Usserius* sorte sua privata abundè contentus, otioque non ignobili, quo fruebatur in Collegio felix, ab omni ambitione opumque cupiditate vacuus, in Museo totus quasi defigebatur; non opima sacerdotia prensavit, neque Magnatum atria frequenti itatione trivit, illorum gratiam & favorem aucupaturus, ut in alta sede collocaretur. Hoc solum egit, hoc illi maximè curæ fuit, ut, si quando aliqua dignitate Ecclesiastica dignandus esset, se isti sustinendæ & ornandæ non imparem, aut inidoneum reipsa ostenderet redderetque. Sed insignem istam eruditionem, tanta cum pietate & modestia conditam, non diutius inhonoratam fore, aut à publico conspectu celatum iri sinens reverendissimus Vir, D. *Adamus Loftus*, Archiepiscopus *Dublinensis*, sub cujus auspiciis oculisque *Usserii* fama magis magisque jam ferè per quatuordecim annos surrexerat, illum Cathedralis Ecclesiæ S. *Patricii* in sua civitate metropolitana Cancellariatu hoc anno donavit. Hæc verò dignitas, cui opulenti reditus annectuntur, ita *Usserio* complacuit, ut, quasi summis votis respondisset, nihil haberet ultrà aut optandum aut expetendum: cujusque erat per plures annos, usquequum ad Episcopatum *Midensem* promoveretur, retinentissimus, non alio excelsiori, sive Archidiaconi, sive Decanitulo affectato aut captato. Veruntamen cum maxima pars istorum redituum ex prædiis decimisque *Finglassie*, quod oppidum est à *Dublinio* unico milliari distitum, accreverit, se vicaria opera, legibus indulta, quam postea annua pensione in omne ævum continuanda honestavit auxitque, utentem, vix à debito munere coram Deo facile absolvi posse, ex scrupulose conscientiæ dictaminibus credens, singulis diebus Dominicis, sæpiusve, quoties per valetudinem majorisque momenti Ecclesiæ negotia liceret, se illuc contulit, ut omnia sacerdotalis functionis officia coram ipse exqueretur. Interim amicos laudè & splendide, egenos verò congrua & decora hospitalitate solebat excipere; parum sollicitus, an quippiam pecuniae è reditibus provenientis, dempta aliqua parte libris emendis destinata, in oculis relinqueretur necne.

Profes-  
sor Theo-  
logiæ in  
Collegio  
constitu-  
tus.

Hoc anno Professorium Theologiæ munus in Collegio illi demandatum erat: quo per tredecim quatuordecimve annos summa diligentia functus est. Habita enim matura deliberatione, operam non posse meliùs aut fructuosius, quàm in dogmatibus Theologicis inter Reformatos & Pontificios controversis discutiendis impendi, primò bis, deinde, ut du-

rus

rus iste labor, cui ferendo vix suffecerint vires, aliquatenus minueretur, semel singulis per totum annum septimanis, solennes contra *Bellarminum* aliosque insignes Romanæ Ecclesiæ scriptores, prælectiones habuit, duobus voluminibus propria manu descriptis comprehensas : quæ in *Academix Dublinensis* archivis exstant, & quæ fortassè in publicam lucem produci merentur.

Denique hoc quoque anno Canonas, prout in prima veteri Col-  
lectione olim exstabant, ordine debito disponere & ad Canonas pri-  
mi generalis Concilii *Niceni*, & quinque Provincialium *Ancyra*, *Neo-*  
*casarea*, *Gangra*, *Antiochia*, & *Laodicea* habitorum, è quibus illi de-  
sumpti erant, reducere usque ad primum *Constantinopolitanum*, (prout  
ex *Dionysii Exigui* epistola, ante suam Græcorum istorum Canonum Lati-  
nam versionem, ad *Stephanum* Episcopum *Salonicianum* præmissa, constat)  
hujus cæterorumque generalium, quæ secuta sunt, Conciliorum,  
canonibus postea additis, instituit. Collectio hæc *Codex Canonum Eccle-*  
*sie universæ* meritò nuncupatur. Sed D. *Leschassierii* industria laudabile  
hoc propositum, illo neutiquam conscio, edito mox opusculo, prius oc-  
cupaverat. *Usserius* verò, licet eandem eosdem digerendi cui alter instabat,  
ex proprio ingenio secutus fuerit, longè fortiori fundamento innixus, cal-  
culum & ordinem stabi lit. Sed observationes suas, siue argumentum  
istud in Bibliotheca Theologica fusè tractaturus, siue nescio qua alia ra-  
tione inductus, in publicam lucem producere prorsus tunc temporis desi-  
stebat, eas doctissimo viro, *Samueli Wardo Cantabrigiensi*, in eadem sta-  
dio decurrenti, in epistola cruditissima, in qua de variis Canonum collec-  
tionibus, earumque Auctoribus, uti & de codice Romano, præclare  
admodum disserit, communicare contentus. *Usserii* Epistola & *Wardi*  
responforia exstant in *Sylloge* Epist. X. & XI. utraque sane, quæ ab om-  
nibus Ecclesiasticarum Antiquitatum studiosis legantur, perquam dignæ.  
Sed hoc ulterius prosequi, à nostro instituto, qui non longas commen-  
tationes, sed compendiarum vitæ & studiorum *Usserii* historiam scri-  
bimus, omninò alienum est.

A. MDCIX. lites forenses agitari cœperant de quibusdam prædiis  
olim vel ad Chorepiscopos, vel ad Ecclesias illarumque Rectores, per-  
tinentibus, vulgò vocatis *Termon-lands* : siue quia, ut aliqui volunt,  
essent terra *Monachorum* (*terre-moine*) siue potius à *Termino* Latine, qua-  
si terra limitibus distincta & separata à terris Laicorum : quas tamen tem-  
poris decursu, homines merè Laici, *Corba* siue *Corbani* & *Horrenachi* compo-  
nunt.

Canonas  
veteria  
Ecclesiæ  
digeffit.

Disserta-  
tio de  
Corbis,  
Horren-  
achis, &  
Termon-  
lands ab  
Usserio  
compo-  
nunt.

nuncupati, ex indulgentia Episcoporum possidebant, concessa, ipsis illas quasi hereditarias, filiis & nepotibus (uxorati enim erant) transmittendi potestate: quorum illi videntur primò fuisse *Chorepiscopi*, ex quo nomen istud contrahitur, aut Ecclesiarum Rectores, aut earundem Patroni & Defensores, & ex iisdem prognati, qui postea longa Usucapione in eas sibi familiisque suis vendicarunt. Hi verò ministri Laici seu Oeconomi Episcoporum, censusque illis debiti Collectores, quorum munus quoque erat, ut agri à colonis benè colerentur, prospicere; deinde ex conventionione sacrilega cum Episcopis iecta, earundem possessio & jus simul transibant, inque eos transferebantur. Terræ hæ ab omni taxatione fisci & jurisdictione seculari erant liberæ: interim tamen servitiis & pensionibus, quas sibi & successoribus solvendas reservaverint Episcopi, obnoxia; quibus non præstitis, instar temporalium-feudatoriorum, ab isto jure, sive acquisito, sive usurpato, cessere. Istorum autem servitiorum ingens ubique varietas continuam litigandi materiam suppeditavit. Hinc *Usserius* iusta occasione arrepta ostendendi; quàm feliciter admodum & accuratè vetustas chartas in Ecclesiarum Cathedralium archivis latentes, & situ & marcore perituras, explorasset: de hisce obscurissimis rebus & nomenclationibus eruditissimum conscripsit tractatulum, à reverendissimo viro D. *Richardo Bancroftio*. Archiepiscopo *Canuariensi*, tanto in honore & pretio habitum, ut planè honorarium munus, quod serenissimo Regi *Jacobo I.* exhiberetur, omninò dignum, pro sapientia sua judicaverit. Cujus præcipua capita nobilissimus Antiquarius, D. *Henricus Spelmannus*, Eques Auratus, in *Glossario* suo legenda selegit, honorifica D. *Usserii* facta mentione ad calcem dissertatiunculæ de *Corbis* &c. *Hæc fusius, ne obscuritati lucem adferam, quod accendit mihi literarum insignis Pharus, D. Jacobus Medienfis Episcopus.* Tantum addo, quæ vir præclarissimus D. *Jacobus Wareus*, Eques quoque Auratus, de eodem argumento differens, habet in *Antiquitatum Hibernicarum* libro cap. XVII. (a) *De hisce plurimum cupidus consulat V. C. Henricum Spelmannum Equitem Auratum in Archaeologo suo, ubi multa scitu digna, beneficio insignis hujus sæculi ornamenti, D. Jacobi Usserii Armachani, communicantur.*

Tertium  
in An-  
giam  
iter.

Hoc anno *Usserius* tertium accessit in *Angliam*: non voluptatis, non otii, non animi relaxandi, sed studiorum gratia: non ut tempus inep-  
tis

(a) *Londini. 1655 in 8°. pag. 80. & in annotationibus ad Egberti dialogum de Ecclesiastica Institutione p. 134. Dublinii. 1664.*

tis blandisque, nihilque ad veros vitæ usus pertinentibus colloquiis, aut otio indulgeret, aut deliciis, ut ut honestis licitisque, mentem pasceret. Longè diversa erat & sanctior itineris sæpè repetiti, & post exactum triennium quadrienniumve repetendi, ratio. Non aliter illa Scientiarum divinarum & humanarum, quæ exardescerat, sitis & cupido erat sedanda, nisi ad ipsos accedendo fontes: Bibliothecas nimirum nostras libris omne genus Historicis, & potissimum codicibus Mss. de re Antiquaria, maxime abundantes. Hisce subsidiis literariis, quæ universæ studiorum, quam proposuit, rationi & methodo satis feliciter responderent, ad votum usque, gaudentem, nulla incescit exteras regiones invivendi cupido: omni cogitatione extrà peregrinandi amota; nec opus habuit, cum Antiquitates *Britannica* non nisi intra fines *Britanniæ* essent investigandæ. Interim licet in Bibliothecis totus abditus videretur, ab Amicis rogatus subinde concionandi munus non detraxit, semelque in sacello Regio coram *Familia*, sive domesticis Aulicis summo mane, quo tempore sacris interesse illis solum vacat, iisdem gratum facturus, perorare voluit: neque enim coram Regia Majestate, consensu sacris rostris, comparuit: sive defuit opportunitas, sive potius à propria modestia inhibitus retractusque. Quicquid verò habuit subcessivi temporis, totum illud virorum, eruditione & literis maxime insignium, commercio dedit impenditque: quorum amicitiam, ut studiosè quæsit, ita meruit, & amantissimè amplexus est semperque percoluit. Inter hosce novos Amicos recenseo *Henricum Bourcierum*, postea Comitem *Bathoniæ*, *D. Henricum Savili-um*, τὸ πρῶτον, *Henricum Briggium*, tunc temporis Geometriæ in Collegio *Greshamensi*, postea in Academia *Oxonien- si* Prælectorem *Savilianum*, *Joannem Seldenum* ex interiori Templo J. C. tunc quoque ob rei Antiquariæ peritiam, indarescere incipientem; insignes Theologos, *Joannem Davenantium*, postea Episcopum *Sarisberiensem*, & *Samuelem Wardum*, postea Collegii *Sidneiani* apud *Camabri-giensēs*, Præfectum, & denique *Thomam Lydiurum*, scriptis variis, & præsertim Chronologicis, contra *Josephum Scaligerum* editis, clarum, sinistra, nedicam, iniquissimâ sorte colluctantem oppressumque, quem secum duxit in *Hiberniam* *Usserius*, ut lautis, saltem honestis, conditionibus, quæ illius meritis a-

Novas  
amicitias  
contra-  
bit.

liquotenus convenirent, procuratis, illic, donec auspicator in *Anglia* Collegii præfec-  
affulserit hora, commodè moraretur.

A. MDCX. ineunte, aut paulò ante: vacante Collegii præfectura, respuit.  
E  
cūm

cum focis, maturis inter se habitis consultationibus, de eligendo *Usserio* convenisset, ille oblatam dignitatem obfirmato animo planè aversatus est, utpote nullis suis precibusque, ut ut blandissimis, argumentis nullis, licet fortissimis, inducendus, ut in unanimum omnium consensum & suffragationem concederet. Facile enim guarus prævicensque, occupationes istas, quas hæc nova dignitas post se tractura esset, fore molestissimas, inque gravissimum studiorum, quibus totus incubuit, damnum cessuras; se prosequendis litibus, quæ tunc imminerent, de prædiis juribusque Collegio integris servandis; si non minus habilem, saltem minimè pronum; illic perpetuò pro ratione muneris administrandi manendum esse, nec in *Angliam* excursionses subinde facere, ibique per sex menses aut plures, prout codicum manuscriptorum in Bibliothecis ubi ubi exstantium inquisitiones exegerint, morari licere; denique universas vitæ secuturæ rationes, quas sibi proposuit, inde maximè turbari, hisce importunis postulationibus surdas aures præbere pergebat. Ut verò quispiam idoneus, qui omnes boni vigilantissimique *Propositi* partes impleret, substitueretur, nemo ardentiori affectu, quàm ille, optabat, nemo fideliorum operam impendebat: cujus commendationi consiliisque maximè acceptum referri debet, quod V.C.L. *Gulielmus Tempel*, in Collegio Regali *Cantabrigia* olim educatus, sapientiæ & doctrinæ laude insignis, posteaque Equestri dignitate ornatus, Collegio, quod per septemdecim annos provida industriaque cura rexit, præficeretur.

Prælectiones  
pro doctoratu in  
Theologia  
quem adeptus  
est habita-  
tæ.  
Edit librum de  
*Christiana  
natura  
Ecclesiæ  
in Occiden-  
te conti-  
nua suc-  
cessione.*

Anno MDCXII. *Usserius* supremum in Theologia gradum consecutus, duas pro more solennes Prælectiones, quarum schedæ levi celerique manu primò delineatæ, adhuc supersunt; unam de *Septuaginta hebdomadibus Danielis*; de *Milennio Apocalypico* alteram habuit: quarum illam in magno opere Historico & Chronologico, hanc verò in libro, quem anno sequente edidit, & de quo mox dicam, absorberi puto verissimissimum. Insignia Doctoratus doctissimo huic Candidato reverendissimus vir, *D. Hamptonus*, Archiepiscopus *Armachanus*, tunc temporis *Academiæ Dublinensis* Vice-Cancellarius, conferre dignatus est.

Nondum quicquam scripti præ modestia in lucem emiserat *Usserius*, utpote muus, quod suscepisset, professorium perquam diligenter & industriè implevisse sibi animo placens. At jam tandem, sive propria sponte, ardentique contra Evangelicæ Veritatis hostes zelo, sive Amicorum hortatibus consiliisque exstimulatus, ne sibi, ne famæ suæ, aut aliorum expectationi, aut Religionis causæ, quod maximè in votis

erat,



erat, vindicandæ deesse videretur, in publicum prodire apud se constituens ut quantum ex pertinaci, omne genus librorum lectione profecisset, luculento documento demonstraret, ineunte anno MDCXIII. in Angliam navigavit: *Hibernia* tunc temporis idoneis typis ad absolvendum justum largumque, quod molitus est, opus, quo decuit nitore, <sup>Quantum in Angliam iter.</sup> destituta, ibique Regio Typographo in consilium operamque adscito, librum magni nixus foetum, partibus suis decorè & affabrè compositum & elaboratum, evulgavit sub hoc titulo:

*Gravissima Questionis de Christianarum Ecclesiarum, in Occidentis præsertim partibus, ab Apostolicis temporibus ad nostram usque ætatem, continua successione & statu, Historica Explicatio:*

*Auctore Jacobo Usserio, S. Theologiæ in Dubliniensi Academia, apud Hibernos, Professore.*

Liber iste serenissimo Regi *Jacobo I.* Regum doctissimo, cui inscribitur, longè erat acceptissimus, tum ob argumenti, in quo illum non parum sollicitè versatum fuisse ex scriptis editis, sublimi Regiæ Majestatis fastigio perquam dignis, cuius intelligenti satis liquet, gravitatem: tum ob methodum disserendi ex fide rerum sententiarumque authenticis Historicorum testimoniis comprobatâ. Hic enim luculenter & eruditè agit de *Millemio Apocalypico*, & de *ligatione Satanae*, à quo tempore inceperit, & quando celebris ista Epochæ esset desitura; & de iis rerum momentis & mutationibus, quæ in isthoc intervallo occurrerent, aut inde consequerentur: ostenditque post sex-seculorum decursum in hisce Occiduis Mundi plagis Religionem Christianam à sua primæva puritate & integritate, illic, ex *Romanorum* Pontificum ambitione, typho, & insatiabili secularis pompæ amore, sensim declinasse: corruptelas supersticiososque ritus fraudibus Sacerdotum credulæ & ignaræ plebi strophis plausibilique orandæ Religionis prætextu illudentium introductos, passim invaluisse, & malè sana dogmata, quæ neque cum sacris scripturis, neque cum veterum Christianorum fide ullatenus convenirent, pro articulis fidei, ad salutem creditu necessariis, pro arbitrio obtrusa fuisse; donec sub temporibus *Sylvestri II. Benedicti*

*nedicti IX. & Gregorii VII. five famosissimi Hildebrandi, mysterium illud iniquitatis*, in immensum accrescens, ad *æmulum* pervenerit, & *Romana* sedes, conculcatis sacris Canonibus, juribusque Episcoporum abolitis, tyrannidem & imperium verè *Antichristianum* in omnes totius Orbis Ecclesias usurpasset, & actu in Occidente exercuisset. Hanc rem esse facti, testibus, omni exceptione maioribus, productis demonstrat: quovis tamen seculo bonos viros, veritatis Evangelicæ amantes ac zelo armatos surrexisse, qui contra hosce intolerandos abusus invecti, novorum dogmatum portenta, quibus nova Religionis forma pristinæ superinduceretur, acerrimè rejecerint, cultuque idololatrico animas pollui noluerint: in hisce verò *Waldenses, Albigeneses*, pluresque alios, qui in mediis flammis & lanienis imperterriti, hisce innovationibus strenuè sese opposuerint, recensens, istorum temporum, in quibus major rerum obscuritas & perplexitas, ex defectu aut mala fide Auctorum inerat, Historiam: item quorundam Paparum ambitum, fastum, secularis pompæ affectationem, simoniam, luxum, scelera, prodigiosamque impietatem graphicè depingit; eo fine, ut Adversantium, præsertim ex nostratibus, obturarentur ora, qui effronti audacia calumniati fuerint, Reformatores, quos insani schismatis & pessimæ hæreseos pro modestia sua postulant, novam planèque seculis antiquioribus inauditam introduxissent doctrinam: illorum verò dogmata à Concilio *Tridentino* sub diro anathematis fulmine sancita, à prima & remotissima antiquitate derivari, eademque & invariata per omne ævum mansisse, sibi que omnes per universum Orbem, ubi viguit nomen Christianum, ecclesias in omnibus consensisse, nihilque in rebus & articulis fidei unquam fuisse immutatum. Non sibi proposuit, neque suarum esse partium duxit *Usserius*, de veteris Ecclesiæ, in sex prioribus annorum centuriis, ista labe vacuæ, aut Christianorum in Ecclesiis *Græca, Hierosolymitana, Antiochena, Alexandrina, Habessinica, Carthaginiensi*, aut alibi locorum, ad extremos *Indos* usque, continua successione & statu differere: sed, si non unicum, saltem præcipuum suæ disquisitionis scopum intra Occidentis limites constrictum fore volebat: quod quidem animosiùs præstitit, ut veteratores isti, qui nobis falsò exprobrant novitatem, melius saniùsque sapere, seseque modestiùs gerere edocerentur.

Horum verò temporum seriem laboriosè & accuratè quidem per-  
texit

texuit *Usserius* usque ad initium Pontificatûs *Gregorii XI.* h. e. ad annum *MCCCLXX.* indè eandem ad *Leonem X.* quando Evangelicæ veritatis lux, è spissis horrendæ superstitionis tenebris eluctata, emicare inceperat, deinceps deducturus. Sed an tertiam hanc partem, quam proposuit edendam, & cujus præcipuorum capitum summa in elencho habetur, sive ex inamœni operis tædio, sive nobilioris argumenti studiis impeditus, unquam absolvisset, non possum quicquam certi statuere; saltem, si (a) quando ab ipso conscripta exstitisset, omninò periisse videtur. Quod hîc adnotandum censeo ad detegendam Bibliopolæ fraudem, qui in nupera editione *Londinensi A. MDCLXXVII.* quo fucum emptoribus faceret, in fronte librum specioso operis integri ab *Auctore aucti & recogniti* titulo adornat. Fortasse hîc Lectores morosi me parum è dignitate illius fecisse censebunt, si meminero, viros clarissimos & doctissimos, D. D. *Isaacum Casaubonum*, & *Abrahamum Scultetum*, quibuscum tunc *Londini* agentibus familiarem inibat amicitiam, quanti Auctorem ejusque elaboratum opus æstimaverint, versibus encomiasticis præfixis, testari voluisse. Ille verò tertius Laudator, *Antonius Martinus*, tunc temporis Collegii sanctæ & individuae Trinitatis apud *Dublinienses* socius, postea D. *Usserio* in sede *Midensi* datus erat in successorem.

Hac clarigatione bellum *ærendu* indixit *Usserius* Pontificiis, ex quibus tamen nemo ad pugnam descendit, cum hoc Pugile æquis legibus & conditionibus decertaturus. Neque enim dicteria apud sapientes arbitros pro argumentis habentur: neque leviculæ cavillationes justæ responsionis vicem supplere aut possunt, aut debent. Prodiit equidem *Duaci A. MDCXV. Richardi Stanihursti*, illius *Avunculi*, libellus, sive Epistola ipsi *Usserio* inscripta, duabus tribusve schedis comprehensa, sub hoc titulo:

*Richardi Stanihursti, Hiberni Dubliniensis, brevis Præmonitio pro futura concertatione cum Jacobo Usserio, Hiberno Dubliniensi:*

*Qui in sua Historica explicatione conatur probare Pontificem Romanum (legitimum in terris Christi Vicarium) verum & germanum esse Antichristum.*

E 3

Ve-

(a) Vi de *Usser. Epist. Syllogon*, Ep. XXXVIII. pag. 69.

Contra  
*Usserium*  
insurgit  
*R. Stanihurstus*,  
illius  
avunculus.

Veruntamen *Stanislaus* in hoc epistolari scripto, quo *Usserius* nepotem (uti parum Latine appellat, pro more tamen vulgarissimo) frigida laudatione fatetur esse *Historiarum belluonem, & plurimorum Scriptorum aetates & tempora haud quaquam sanè indiligenter fuisse persecutum*, non Historicum, non Dialecticum, non probum Advocatum in testimoniis adversæ partis explorandis, inque iustum examen revocandis, occupatum, sed Declamatorem, sed Vitiligatorum, sed Sophistam agit. Cum enim quosdam Romanos Pontifices longa serie sequioribus seculis invicem succedentes sceleratissimis moribus fuisse conspurcatos, ex certissima Historiarum fide constaret, nec id quidem à quoquam absque aut stuporis aut læsæ modestiæ nota negari potuerit, ulcus hoc vel levi manu tangere penè metuuit, criminando, Scriptores, ut maledicos, ut mendaces, ut Principibus, odium capitale aut sanguinolentas cum *Romana* sede lites exercentibus obsequiosos, horumque gratiam turpi assentatione captantes, impacta crimina indebitis exaggerationibus in immensum auxisse: quasi illis corruptelas doctrinæ pariter ac morum non exprobrasset *Usserius*. Sed ad stigma Antichristi hisce præclarissimis Christi Vicariis inusitum, quasi spectro territus, maximè excanduit tetricus senex, nec *S. Petri* successores in ista sancta sede, licet depravata veterum Christianorum fidè, novam doctrinam horrendasque superstitiones, carceribus, exilio, ferro, igni, immanibus laniis & cædibus, & crudelissima Inquisitione tueri & propagare perrexerint, hoc infami titulo dehonestari æquo animo patitur. Sed istiusmodi reliquis rhetoricationibus & cavillis, nihil solidi tinnientibus, nec cuiquam vel mentis paulò attentioris persuasurus sibi respondendum non esse duxit *Usserius*, multò minus atrocissimæ isti calumniæ, qua illum in altera libelli parte infectus est *Stanislaus*, ac si in Epistola dedicatoria serenissimum Regem *Jacobum* in subditos *Hibernos*, in Religionis rebus dissidentes, sævire, Religionemque Pontificiorum aperta vi ac severissimis edictis legibusque exterminare incitasset. Sed quàm prorsus leve, prorsus debile, imò prorsus nullum, cui hæc dica superstruitur, fundamentum! Solùm in fine Epistolæ dixerat *Usserius*: *Unum adhuc superest, quod votis omnibus à Majestate tua repetunt omnes boni, ut populo nostro perenni, propè succurrere, & peste Pontificia misère laboranti facere velis medicinam.*

Quis

Quis verò aut mentis candidæ, aut paulò attentæ, non hic potius perinsigne optimi verèque Christiani erga patriam gentilesque suos affectus indicium & demonstrationem eluxisse penè præceps crederet? Horum enim infelicissimam sortem miseratus, flagrantissimis votis hoc unum, idque maximum, à clementissimo Rege petebat *Usserius*, ut de methodis congruis suavisque modis, quibus gens ista, si qua unquam, obstinatissima, teterrima ignorantæ & superstitionis caligine oppressa & occæcata, infusa nova luce, ad sobriam mentem agnitionemque veritatis revocaretur, præ sapientia sua vellet statuere. Sed fortasse quibusdam me huic controversiæ nimum & omninò præter rem immiscuisse videbor: ideo ad historicam de *Usserio* narrationem redeo.

Dum verò *Londini* manserit *Usserius*, curis typographicis intentus, frequens adibat ædes *Lambethanas*, cum reverendissimo viro, *Sollicitudo ejus*  
*D. Georgio Abbate*, Archiepiscopo *Cantuariensi*, & Academiæ *Dublinensis* Cancellario, de statutis aut novis condendis, aut veteribus *de Collegii statutis stabilis*  
*pridem* conditis corrigendis, inque meliùs reformandis, consultatio-  
*endis*  
*nem*, quantum licuit, initurus. Ab ipsis enim primæ foundationis initiis, Præpositus Sociique Collegii, cui multa adhuc deerant ad perfectam instaurationem, pro sapientia sua quempiam summæ dignitatis, sive in Ecclesia, sive in Aula, virum, & apud Regem gratia pollentem, hoc magnifico titulo dignandum continua successione elegerunt, quò ipsis & consilio & munificentia & favore patrocinaretur. Hisce verò rebus in *Anglia* feliciter peractis, *Usserius* *Hiberniam* patriosque lares revisit, ibique non multò post fit maritus, *Usserius*  
*duçta* in uxorem lectissima Virgine, cui dos opima obtigerat, utpote unica filia & hærede reverendi viri, *D. D. Challoneri*, supra laudati, de novella Academia optimè meriti, qui (a) ultimis tabellis præcaverat, illam non alii, præterquam *Usserio*, quem ille illius bonæ indolis, candoris, doctrinæ, & pietatis amore & admiratione raptus, à multis annis paterno & summo profecutus fuerat affectu, nubere oportere, modò se matrimonii nexu illigare voluerit. Quo admissò, *Usserius* non quicquam otio & desidiæ indulgens, nactusque curarum domesticarum sociam & participem, ad pristina studia alacriori industria quoque reversus est.

Or-

(a) Obiit *Dublinii* 27. Aprilis. Anno 1612.

Convo-  
catio  
Cleri *Hiberni* A.  
1615.  
*Dublinii*  
habita.

Ordinibus regni *Hiberniæ* in Parlamento *Dublinii* A. MDCXV. habito coactis, pro more indicta erat nationalis Archiepiscoporum, Episcoporum, reliquique Cleri *Hiberniæ* Synodus, ut de rebus ad Religionem spectantibus junctis operis consilii-que deliberatio fieret solennior. Liquet autem, Ecclesiam *Hibernicam* à primis Reformationis sub Rege *Edwardo* VI. temporibus, & potissimum regnante Regina *Elisabetha*, ab Ecclesia *Anglicana*, si non totam, saltem aliqua ex parte pendisse, & eidem in omnibus consensisse. Episcopi plerique omnes aut puri puti *Angli*, & ex *Anglia* missi, aut *Angli* parentibus ibi nati: eadem Liturgia, eadem Ordinationum formulæ, iidemque sacrorum ritus. Univerfus Clerus articulis & constitutionibus Ecclesiæ *Anglicanæ* se conformem ex vi legum ex integro reddidit, à quibus, quantum diversæ utriusque regni consuetudines paterentur: nequitiam variare licuit. At jam hanc sive dependentiam sive reverentiam excussuri, altiores spiritus alere, articulosque religionis suo nomine & auctoritate, quibus tanquam proprio ac peculiari caractere ab illa distinguerentur, condendi jus & facultatem secundum vindicias libertatis sibi successoribusque suis asserere cœperant. Cujus incepti hæc videtur fuisse vera origo & causa. Cum aliqui zelotæ hic apud nos, ad finem vergente seculo decimo sexto, immodico zelo abrepti, articulos Religionis, synodali auctoritate *Londini* A. MDLXII. stabilitos, in quibus constituendis moderatam *P. Melancthonis* aliorumque Reformatorum sententiam secuti sunt Adfessores, relicta in quamplurimis abstrusioris Theologiæ capitibus opinandi libertate, aut malè interpretando perverterint, aut dogmata nova, è *Calvini* scriptis hausta, iisdem addenda, aut sub explicationis specie & prætextu, aut supplementi vice, tanquam veram Ecclesiæ *Anglicanæ* doctrinam obtrudere attentaverint, in varias partes & factiones itum est, propugnantibus his, oppugnantibus aliis. Dissidium verò istud apud *Camabrigienses* inter *D. Whitakerum*, Regium Theologiæ Professore & *D. Petrum Baronem*, Dominæ *Margaritæ* alterum Professore, maximè incaluit: nec lites istæ erant de facili sopiendæ. Ideo *Whitakers* *Londinum* properat, non ratione sed auctoritate Adversarium debellaturus, septem theses, crudas quidem, & ad proprias opiniones maximè accommodatas, quibus controversias istas, quarum acerrimus erat fautor, præcisè determinari & decidi voluit, reverendissimo viro, *D. Joanni Whitgifto*, Archiepiscopo *Canthuariensi*, exhibuit. Hic verò ab illo persuasus, ad hoc incendium, quo flagra-

Articuli  
*Lambethani*.

vit

vit ista Academia, extingendum, & ne pax Ecclesiæ in summum adduceretur discrimen, ad se quosdam Præsules & Theologos, de istis Thesibus cum iisdem consultaturus.

Post crebras disceptationes, emollitis quibusdam in Thesibus *Whitakerianis* duriusculis phrasibus, à plerisque (aliqui enim pacatoris ingenii saniorisque iudicii viri sese ab isto confesso subduxerant) in novem Articulos consensum est, inde nuncupatos *Lambethanos*, utpote in Palatio Archiepiscopali Novembri MDXCV. formatos digestosque, ut controversiis istis inauspicatis felicius faciliusque, uti putabant, obviam iretur. Cum verò Regina rei nuperrimè gestæ historiam ex ore sapientissimi & fidelissimi Consiliarii, *Gulielmi Cecilii*, Baronis *Burghleii*, Academix *Cantabrigiæ* Cancellarii, didicisset, satis gnara, quantum vulnus Ecclesiæ, tranquillitati publicæ, & Regiæ potestati, ex istis decisionibus infligeretur, graviter commota, cum Archiepiscopo, in Aulam comparere iussu de hoc ausu temerario, illa planè inscia & inconsulta, expostulavit, in memoriam illius revocans, illum, cui ex hac parte nulla legitima potestas competebat, contra leges deliquisse, & pœnis ex severissima lege, quæ à nostratibus *Premunire* appellatur, infligendis esse obnoxium. Qua objurgatione quasi è veterno expergesfactus Archiepiscopus, vir in reliquis omnibus muneris sui partibus inculpati & laudatissimi exempli, veniam humillimè deprecatus, factum, ex pia tumultus Academicorum, quorum mentes diversarum sententiarum æstu agitantur, componendi & compescendi intentione ortum, excusavit, interposita cautione, se de iis articulis, ne in lucem exirent, suppressendis diligenter curaturum. Sed res ista, schedâ, in *Whitakeri*, paulò post è vivis excedentis, museo, istos articulos complectente, reperta, diu celari non potuit: indeque *Calviniani* Magistri sui *noctius dictus* effatisque quoddam præsidium & firmamentum quæsiere, eoque audaciz processere, ut in collatione coram serenissimo Rege, *Jacobo* primo, in *Hamptoniensi* Curia inter selectos quosdam venerabiles Episcopos & *Puritana* factionis Antesignanos, A. MDCIII. inita, illorum nomine postulaverit D. *Joannes Rainoldus*, ut hi novi Articuli, corpori Articulorum Ecclesiæ Anglicanæ inserti, pro orthodoxis haberentur: cui Rex, aliter ingenio miti, nec ad iram proclivi, animo & lingua indignante, illius propositione tanquam injusta & absurda, nec illius loci aut temporis, penitus rejecta, respondit (a) in *Academiis*, *subtilitates*

F

ejus

(a) Vide summam istius Collationis à D. *Barlowio* editam p. 41.

*eiusmodi scholasticas alterutrinque agitari posse, quibus religionis articuli nemquam suffragiri debent.* Quis autem crederet dogmata illa de *absoluto prædestinationis & reprobationis decreto, & de gratia sufficienti ad salutem universis hominibus non concessa*, cum appendicibus heterodoxis de *inamissibilitate gratia, & de certitudine salutis*, quæ tum divinis perfectionibus, tum naturæ humanæ repugnant, in istis articulis comprehensa, tot fautores reperire potuisse, aut tantoperè valuisse *Calvini* auctoritatem, ut quicquid ille dictaverit, pro infallibili haberetur, veritatisque Theologicæ norma ex illius *Institutionibus* esset petenda? Sed melius rectiusque sapere doctissimi viri, DD. *Overallus, Andraas*, alique magni Theologi, qui licet numero pauciores, præsertim post istiusmodi concertationes in *Belgio* acerrimè agitaras, diligenter excussas, & mente æquâ & à præiudicii liberâ, tanquam balance iustâ, perpensas, sese strenuè tum concionibus, tum scriptis, opposuerit. Idem in *Hibernia* Præsules reliquosque Clerus, *Calvini* effatis addictiores, quàm extra se eorumdum tuendorum zelo quasi abriperentur, tunc inaudito & in omne ævum obstupefando, in hac Synodo, cuius non minima pars erat *Usserius*, congregati, palam ostenderunt. Jubetur inter alios *Usserius*, articulorum, de quibus in Synodo ista deliberandum erat, seriem contexere: in quibus novem famosi Articuli *Lambethani*, omnes penè ad verbum inseruntur. Quod hîc brevi & in genere referre omninò necessarium duxi, ut inde qua de causa *Usserius*, qui in istius Ecclesiæ articulis condendis & stabiliendis præcipuum impenderat studium ac laborem, apud famæ illius æmulos, adversarumque partium sequaces, *Calvinianus* & *Puritanus* audiret, aliquo modo constaret.

*Usserius*  
Purita-  
nistæ  
suspe-  
ctus.

Hinc gravissimæ censuræ impactæ, malæque de *Usserio* inde conceptæ suspiciones magis magisque gliscebant, quasi ex isthoc immodico horumce Theologorum dogmatum studio & amore in aliis longè majoris momenti rebus Puritanorum partibus favisset. Nec defuere, qui privatis delationibus id parum candidè, imò prorsus iniquè serenissimo Regi, qui retoricum istud irrequietumque genus hominum, à quo multa passus est, utpote Regiæ Potestati pariter ac Ordini Episcoporum ritibusque Ecclesiasticis adversum, maximè averfatus est, persuasum vellent. Sed opprobria hæc, magno, ut videtur, animo tulit despexitque. Veruntamen cum A. MDCXIX. versus finem, in *Angliam* transiturus esset, ad amoliendam istius calumniæ invidiam, ne præiudicii gravatus succumberet, literas à Regiis Consiliariis, qui in isthoc regno præfue-

Ab hac  
labe pur-  
gatur.

runt,



tunt, ad *Anglos* Consiliarios in illius favorem & vindicias perscribi procurarunt Amici, in quibus, perinsigni illius innocentiae attestazione adhibita, illum, utpote virum omnino dignum, qui Regio favore cuiquam in Ecclesia dignitati praeficiatur, magnificis elogiis exornant. Deinde *Westmonasterii* mox ad colloquium cum Rege admissus, seipsum à fictis criminationibus purgavit, & ut omnem ex Regis animo scrupulum penitus auferret, sententiam suam de doctrina & disciplina Ecclesiae *Anglicanae* declaravit, quibus & Regi & aliis abunde satisfactum est.

Exeunte A. MDCXX. serenissimus Rex, sive quantum Consiliarium *Dublinensium* commendationi detulerit, ostensurus, sive ex proprio motu & certa scientia sapientiae, pietatis, & exquisitae eruditionis *Usserii*, ad sedem *Midensem*, tunc vacantem, frustra interponentibus quibuscumque malevolis, evexit, quem *suum Episcopum* appellare postea solitus erat.

Ad Episcopalem  
sedem  
*Miden-*  
*sem* desti-  
natur.

Hoc anno, indicto *Westmonasterii* Parlamento, cum rumores à Puritanis ad perterrefaciendum populum (ab illo enim tempore factio ista caput exeruit, subdolisque Demagogorum artibus, sequentibus annis acquisitam, in Comitibus vim planè indomitam, juribus Majestatis Regiae prorsus inimicam circumtulit) spargerentur, quosdam in Adflessores inferioris Camerae, qui Religionis Romanae professionem clam & intus in pectore retinuisent, adscitos fuisse, communi consultatione & decreto ordinatum erat, ut, quò melius quisque ab hisce suspicionibus se purgaret, omnes simul constituto die in templo S. *Margaritae* propè senaculum sacrae synaxi interesse tenerentur: hoc enim criterio censuere, neminem Romanis superstitionibus addictum hæc tremenda mysteria impia mente sacrilegaque manu attingere ausurum. Interim *Usserius*, nominatione illius facta ex suffragatione præviam, rogatur ut in isthoc sacro solennique Conventu concionari vellet. Quod non honoris inde reportandi causa, sed exacerbatas multorum mentes honestis piisque suavisibus & documentis leniendi ansam captaturus, tandem non sine invidia aliorum, nescio an non planè invitatus, admisit. Præbendarii enim Ecclesiae Abbatialis S. *Patricii*, ex qua Parochialis ista vicina, utpote ab omni jurisdictione Episcopali libera, tota penderet, muneris istius sacerdotalis ibi administrandi facultatem, tanquam sibi propriam & peculiarem, vendicabant. Nolebant Senatores à proposito abstinere, aliter in Ecclesia *Templi* (ita pro more nostro appellatur celeberrimum Jurisperitorum Collegium, olim Templariorum sedes) conventuri. Rex, cui

Coram  
Senato-  
ribus  
Parla-  
menti  
ante Sa-  
crum Sy-  
naxim  
celebran-  
dam con-  
cionatur.

hac de re, licèt penè frivola & nullius momenti, supplicatum erat, electionem *Usserii* iteratò factam confirmavit. At ille huiusmodi ordinationis novitate commotus & offensus, veritusque, ne quid mali in se suosque inde derivaretur, quasi ille, tunc temporis de nuptiis unici filii, *Caroli* Principis, cum *Hispanâ* contrahendis non parum sollicitus, Pontificiorum partibus favisset, (ut cæteras criminationes, à quibus erat alienissimus, malo animo impactas, omittam) *Usserium* XIII. Februarii accersendum, ut videtur, curavit: cui inter alia dixit, illum nimirum proximè sequente Dominica, *gregis immorigeri*, & vix facillè in ordinem cogendi, *curam acturum*: se bene intelligere non posse, quomodo tot centeni ex subita ista denuntiatione, cui omninò parendum erat, ante paucos dies lata, cum debita mentis præparatione sacris illis mysteriis participandis aliquo modo digni reddi potuerint, præcipuè post illas gravissimas lites nuper agitas: se quidem ab omnibus domesticis suis, ut sacrosanctis hisce Christiani cultûs ritibus frequentes interessent, non tamen simul, nisi solenni Paschatis festo, exigere: hoc Concionatori ex officio incumbere, ut Auditores ad pacem & concordiam inter sese ineundam & redintegrandam, ad Dei, deinde Regis & Patriæ, amorem hortaretur, coramque oculis deplorandum rerum publicarum domi & orbis Christiani foris statum proponeret. Hisce regiis consiliis monitisque præmunitis *Usserius*, prima Quadragesimæ Dominica, XVIII. Februarii, in hæc verba S. *Pauli* in prima Epistola ad *Corinthios* cap. X. v. 17. *Quoniam unus panis, & unum corpus, multi sumus: nam omnes de isto uno pane participamus*, perorans, sacrum istud argumentum, pari pietate & eruditione, utraque verò summa, in isto magnifico nobilium virorum confesso explicavit. Dum verò in primo articulo de communionem sanctorum, & de mystico Ecclesiæ corpore, *Christo* capiti unito, agit, ad pacem, tum civilem, tum Ecclesiasticam, tam domi servandam & redintegrandam, quàm ad concordiam inter nosmet exterosque, eodem fidei & communionis nexu copulatos, fovendam nervosè suadet, & præsertim, ut alienæ calamitatis sensu affecti, illis opes suppetiasque ferrent, hortatur: dum verò in altero articulo de communicatione corporis & sanguinis *Christi* copiosius disserit, Ecclesiæ *Anglicanæ* doctrinam de vera & reali præsentia *Christi* in Sacramento Eucharistiæ solidè explanat, *Romanensium* tum dogmate de substantiali elementorum mutatione, tum idololatræ cultu everfis & damnatis. In utrisque sanè oranes piissimi & sapientissimi Concionatoris partes implevisse mihi videtur.

tur. Sacra hæc oratio auditoribus, judicio pollentibus, mirè placuit, illorumque gratulationes, & aliorum, postquam illis jubentibus in lucem edita fuerat, maximo jure merita est, & sanè in perpetuum merebitur.

A. MDCXXI. in *Hiberniam* redux D. *Usserius* Ecclesiæ & dioceseos *Conse-*  
*Midenfis*, cui regendæ illum REX *Jacobus* anno superiori, ut dixi, desti-  
 natasset, Episcopus, *Pontana*, quæ vulgo *Drogheda* appellatur, solenni *Drogheda.*  
 consecratione à reverendissimo viro, D. *Hamptono Armachano*, duobus  
 ejusdem Provinciæ juxta antiquorum Canonum normam assistentibus,  
 ordinatur. Verùm in illa sublimi Ecclesiasticæ dignitatis fastigio posi-  
 tus, tantum aberat ab otio & remissione vitæ genere, ut potiùs diligen-  
 tiæ in gregem ipsi commissum impensæ ardentius, sacras Scripturas pu-  
 blicè interpretandi & Evangelium *Jesu-Christi* prædicandi novas quidem  
 & majores curas superaddere sui officii esse duxerit: cujus ut memo-  
 riam semper in mente & oculis haberet, tremendam istam *S. Pauli* sen-  
 tentiam, *va mihi, si non evangelizavero*, in Episcopali sigillo, quam  
 retinuit, ad summos in Ecclesia *Hibernica* honores erectus, incidi voluit.  
 Adedò autem erat in concionibus frequens, ne dicam singulis diebus  
 Dominicis, solennioribusque anni festis, assiduas, quando nimirum aut  
 valetudo, aut opportunitas vel quæsitæ, vel majora Ecclesiæ negotia  
 permiserint, ut inter celeberrimos maximique nominis *concionantes Epis-*  
*copos* jure numerari mereatur. Dum verò tristis viderat, plerosque om-  
 nes ex *Hibernis Romane* communionis in diocesi sua, uti & in reliquis  
 Provinciis per universam insulam, horrendæ superstitionis tenebris op-  
 pressos, vitis sanctorum, absurdissimis fabulis portentosisque insomniis  
 scætentibus, legendis addictos, interim tamen omni verâ sacrarum Scrip-  
 turarum intelligentiâ vacuos, fatale illud, quo laborant, præjudicium,  
 contra omnem vim argumentorum objicere consuevisse, se nimirum Pa-  
 trum suorum Religionem & instituta sequi, & ab iisdem ista de causâ  
 neutiquam discessuros; ut errorem hunc ex illorum animis evelleret,  
 librum de veterum *Hibernorum & Britannorum religione* Linguâ Anglicanâ  
 scripsit A. MDCXXII. in quo corruptelas in sacro cultu & nova dogmata,  
 jam pro articulis fidei agnita, ex fraude & superstitione sequioribus secu-  
 lis sensim irrepsisse, (puta officium *Romane* Liturgiæ paulò ante quin-  
 gentos annos à *Gilleberto, Malachia, & Christiano, Romane* sedis apud  
*Hibernos* Legatis, in usum inductum; uti & baptizandi juxta morem  
*Romane* Ecclesiæ post tempora *Augustini* Monachi; sacramentumque

Liber de  
veterum  
Hiberno-  
rum &  
Britanno-  
rum reli-  
gione ab  
illo edi-  
tus.

Eucharistiæ olim sub utraque specie administratum fuisse : longè aliter veteres de Chrismate sacramentali, de confessione, de nuptiis Sacerdotum , de tempore celebrandi Paschatis sensisse ; Regesque habere jus nominandi Episcopos, nec Papam spiritualem jurisdictionem ibi antiquitus, multò minùs temporale dominium exercuisse, ( ut alia levioris momenti omittam ) ac proinde Nepotes à pristina majorum fide mirum quantum hac ex parte descivisse , prolatis ex antiquorum Gentis suæ Scriptorum auctoritate & testimonio, luculentis documentis ostendit. Liber sanè eruditissimus, in quo Patriæ suæ antiquitates è codicibus MSS. summa cum industria & fide illustrat, erroribus *Campiani* Jesuitæ & O. *Sulle-vani* subinde castigatis, clarissimo viro, D. *Christophoro Sibirporo* Equiti, & uni ex Justitiariis communium placitorum in *Hibernia*, amico singulari, inscriptus, & ad calcem libri à D. *Sibirporo* de eodem argumento conscripti *Dublini* MDCXXII. in 4<sup>o</sup>. editus, & postea A. MDCXXXI. denuò *Londini* impressus.

Fit Re-  
gius  
Consilia-  
rius.

Mox inter Regios Consiliarios adscitus *Usserius*, quanta sapientia & quàm solido judicio polleret, in re magni momenti, præclaro exemplo demonstravit. Cum quidam *Hiberni*, *Romana* communionis muneribus publicis admoti, *Suprematùs*, uti appellatur, *juramentum*, in quo, agnita Regis summa in quosvis subditos, & in omnibus causis, tam Ecclesiasticis quàm Civilibus, auctoritate, dilucidè & circa omnem verborum aut sensus amphiboliam, nullum exterum, sive Principem, sive Prelatum, aut quemcunque alium, habere, aut jure sibi posse vindicare qualemcunque spirituales & Ecclesiasticas in regnis & ditionibus Regie Majestatis jurisdictionem asseritur, suscipere recusassent, tum ut legum sacrosancta auctoritas constaret integra, tum ut publicæ tranquillitati prospectum foret, illustrissimus vir D. Vice-comes *Falcolandia*, à Rege ipsius *Deputatus* tunc temporis constitutus, aliique è sanctiori Concilio Magnates in hosce pertinaces Magistratus animadverti oportere, maturis deliberationibus habitis, statuerunt. Quibus in arce Regia, indicto die, viz. XXII. Novembris MDCXXII. comparere jussis, postquam Judices istius juramenti naturam, rationem, & æquitatem, itemque penas renuentibus ex vi legum irrogandas, exposuissent, D. *Usserius* oratione gravi, tam ad errores ex intellectu malè instructo & informato, quàm ad scrupulos è mentibus infirmis eximendos, composita, de Rege, utpote unico & supremo in regnis suis gubernatore, de potestate clavium, & potestate gladii, quæ neutiquam cum priori pugnat,

Judices,  
uti etiam  
*Usserius*,  
de juramento  
suprematùs in  
Concilio  
sanctorum  
differunt.

pugnat, & ex ordinatione Dei ad res sacras, spirituales & Ecclesiasticas moderandas pertinet, denique de jurisdictione *Romani* Pontificis, falsò & injustè in universam Ecclesiam arrogata, fundamento, cui innititur, penitus everso, summatim egit. Aliqui ex reis præsentibus, vi argumentorum persuasi convictique, se se lubenti animo submiserunt. Reliquis verò Auditoribus nervosa ista oratio maximè placuit, & præsertim postea Serenissimo Regi, ad quem brevi, ut videtur, exemplar transmissum erat, qui literis undecimo die sequentis Januarii in Palatio *Westmonasterienſi* exaratis, gratias D. *Usserio*, tanto cum judicio & doctrina pariter ac zelo, legitimum jus Regium strenuè vindicanti, agere dignatus est. Hæc verò literas, tum honoris tum prædicii causa, ad calcem Orationis in publicam lucem prodeuntis apponere *Usserio* visum est.

Serenissimus Rex *Jacobus* tum ex auditu & ex consentiente omnium A Rege fama, tum ex speciminibus à se visis, D. *Usserium* in eruendis Ecclesiasticarum *Britannicarum* Antiquitatibus gnavam operam impendisse conficius, ut in iis prosequendis continenter, quantum illius munus Episcopale, studiaque Theologiæ, quibus ex peculiari vitæ instituto solennique voto addiceretur, essent permixtura, pergeret, impensè voluit jussitque. Cum verò desideratissimum istud opus, inconsultis inexploratisque Manuscriptis, qui in Bibliothecis *Angliæ* sparsim latuere, codicibus, hæc de perfici nequiverit, optimo Regi literas ad Consiliarios *Hibernos* transmittere placuit, ut D. *Usserio* hac de causa abfuturo in *Angliam* divertendi ibique aliquanto tempore moram faciendi, commeatus sub formula juris concederetur. Ille rebus omnibus in Diocesi, ne quid mali detrimentive ex illius absentia inde oriretur, providè ordinatis, exeunte anno MDCXXXIII. *Angliam* remeavit, *Londinum* appellens, ad Aulam properavit, humillima & maximè debita augustissimo Patrono, optimè merito, obsequia delaturus. Cum verò Rex more solito, tum ad Urbis molestias immodicosque calores vitandos, tum ad serenioris cæli amenitatibus & deliciis fruendum, *Wanstedia* (toppidum illud, in Agro *Essexiensis* situm, *Londino* sex circiter milliaribus distitum est) cervorum venationi intentus substituerit, D. *Usserius*, illò accersitus, coram illo Aulicisque, qui Regem pro ratione officii in istis æstivis rusticationibus comitari soliti erant, concionem in hæc verba S. *Pauli* ad *Ephes.* iv. 13. *Donec occurramus omnes in unitatem fidei & agnitionis filii Dei, in virum perfectum, in mensuram ætatis plenitudinis Christi:* 24<sup>o</sup>.

Junii

Junii habuit, in qua solidè, eruditè, & sapienter quidem de *universalitate Ecclesiæ Christianæ & unitate fidei Catholica*, ab omnibus veris Christianis solenni professione agnita, prout magnum decebat Theologum, dissevit. Regis jussu edita erat, ut quam ille optimo cum fructu & voluptate animi, audiverit, in publicam omnium utilitatem per universas *Britannias* typis exscripta spargeretur.

Respon-  
sio ad  
provoca-  
tionem  
cujus-  
dam Je-  
suitæ.

Hoc anno D. *Vsserius Londini* edidit librum hoc titulo insignitum, viz.

*Responsio ad provocationem, à quodam Jesuita in Hibernia intentatam, in qua antiquæ Ecclesiæ judicium in dogmatibus controversis verè traditum habetur, & præsentis Romanæ doctrinæ innovationes clarè & manifestè deteguntur.*

Hujus elaborati Operis, non alium Patronum quærere & adsciscere aut potuit aut debuit, quam serenissimum Regem, *Jacobum*, cui hanc *pro fide Sanctis semel tradita*, cujus erat & re & titulo strenuus defensor, concertationem longè acceptissimam fore habuerat comperit. Origo autem hujus controversiæ paulò altius arcescenda est. Ante sex annos cùm *Gulielmus Malonius, Hibernus Jesuita*, schedam, in qua, propositis quæstionibus de invariata Religionis Christianæ à primis seculis ad hodiernos *Romanenses* derivatæ ratione, & de quibusdam fidei & doctrinæ articulis, à Reformatis, ut blaterat, penitus rejectis oppugnatisque, pertinacissimè urget, ut iis satisfaceret, ubique sparsisset, ad deprimentum hujusce Provocatoris fastum & gloriationem, in arenam descendens *Vsserius*, mox breve & generale responsum, doctum herculè, & refellendis criminationibus impactis, si quod unquam, maximè proprium, quod in primo capite hujus novæ editionis continetur, in lucem extrusit: neque enim illius erat de istiusmodi articulis in charta provocatoria, quasi per saturam, nudè absque aliqua probatione, sive ex S. Scripturis, aut antiquorum Patrum (quorum unanimem cum ipsis consensum crepuit) scriptis allata, recensitis in specie & particulatim agere: cum solius Respondentis partes suscepisset, cum Adversario, quandocunque ad novam pugnam proritaretur, pressiori pede congressurus. Obmutuit verò Provocator, nec quicquam ultra hac ex

parte

parte per aliquot annos actum fuerat : & fortasse hujus litis memoria penitus intercidisset , nisi quidam Magnates utriusque regni preces & postulationes suas apud *Usserium* interposuissent , ut Ecclesiæ primitivæ de hisce articulis illic memoratis judicium , testimoniis prolatis , inque longum productis , exhibere vellet , ut inde cuivis Lectori cordato , an *universi Doctores , Pastores , & Patres Ecclesiæ primitivæ* , quod suave erat arrogantissimi Jesuitæ infomnium , hodiernis *Romanensium* placitis consensissent , certius meliusque constaret.

Hunc Commentarium quispiam cum Auctore jure appellaverit Dogmaticam Historiam , sive Dissertationem , de hisce sequentibus articulis : viz. *de traditionibus , de reali præsentia , de confessione , de Sacerdotali potestate remittendi peccata , de purgatorio , de orationibus pro mortuis , de limbo Patrum , & de descensu Christi ad inferos , de orationibus ad Sanctos , de imaginibus , de libero arbitrio , & de meritis*. In hisce explicandis D. *Usserius* se , licet aliorum opiniones & sententias pro re nata recitaverit , solam doctrinam in Ecclesiâ Anglicanâ publicè agnitam & stabilitam , inque libro Articulorum , de quibus in Synodo Londini MDCXII. habita convenerat , comprehensam , tueri profitetur. Quod verò aliqui è nostratibus , æstu disputationum nimium quàm abrepti , illum in paucis à vero Ecclesiæ sensu aliquatenus aberrasse contenderint , cùm res istiusmodi mihi quidem parvi admodum momenti esse videantur , ab iis recensendis penitus abstinere. Interim verò omnes uno ore consentiunt , D. *Usserium* in lectione Patrum , tam *Græcorum* quam *Latinorum* , & Historiæ Ecclesiasticæ , item & Scholasticorum post *Lombardum* , & Theologorum adversæ partis , qui controversias tractarunt , optimè versatum esse , neque cuiquam in hac peculiari Scientiâ ( non enim ex subtilibus ratiociniis Dialecticisque strophis , sed consentientibus Anriquorum testimoniis agendum erat ) aut ingenii aut judicii solertia cessisse. Ad calcem libri Auctorum à se supra citatorum Catalogum juxta seriem temporum , quibus singuli vixerint , addendum curavit , quorum tamen omnium ætates accuratiori examine explorare , ac quid de illorum libris , eorundemque argumentis , deque scribendi ratione , censendum sit , & quomodo genuini à dubiis & supposititiis distingui debeant , & denique quicquid ad illorum historiam illustrandam quoquo modo necessarium videretur , omni , qua potuit , diligentia excutere , in grandi opere , quod sub *Bibliotheca Theologica* titulo in usum illorum , qui præclaro hoc doctrinam & ritus veteris Ecclesiæ cognoscendi studio tenerentur , dudum molitus est , si Deus

Bibliotheca  
Theologica.

vitam otiumque dederit, edendo, apud se constituit. Sed quominus id operis, quod impensissimè voluit, omnibus partibus numericis integrum absolvere potuerit, tum studiis diversi generis, tum turbatissimis temporibus, & misera rerum in *Hibernia* & *Anglia* catastrophe, impeditus, vastam Collectaneorum molem viro doctissimo, & Amico fidelissimo, D. *Gerardo Langbaino*, Ecclesiæ *Reginensis Oxon.* Præposito, paulò antè mortem commendavit, ut ea omnia limato illius iudicio perpolita, inque debitum ordinem digesta, tandem aliquando in publicam lucem ederentur.

Dum verò ille schedarum *Usserianarum*, quas mures arroserant, lacunis suppleendis, operique utilissimo, singulis partibus ad examen revocatis, additamentisque ad sua loca adductis, laboriosissimum impenderet operam, morbo correptus, quem ex intenso frigore contraxerat, curandæ valetudinis, quam hiemalis rigor permiserit, negligentior, in eunte Februario A. MDCLVII. juxta Ecclesiæ *Anglicanae* computum, piam efflavit animam. Autographum postea ab hæredibus *Usserii* magno pretio redemit vir eruditissimus D. *Edwardus Stillingfleetus*, Decanus Ecclesiæ Cathedralis S. *Pauli Londini*, Exemplar duobus crassissimis voluminibus, in folio, ut loquuntur, constans: quod quidem D. *Langbainus*, à me non sine debito honore & observantia commemorandus, utpote benignus studiorum meorum, quando ad Academiam primùm accessi, fautor, eleganti & accurata manu describendum curavit, in Bibliothecæ *Bodleiana* Archivis reponitur (a). Utinam verò quispiam inter *Oxonienſes*, huic negotio idoneus, desideratissimam illius editionem denuò aggrediretur! Sed fortasse aliqui, post reverendi & eruditissimi Viri, D. *Gulielmi Cavei*, Regiæ Capellæ *Windſorienſis* Canonici, *Scriptorum Ecclesiasticorum Historiam Literariam*, hanc minus necessariam fore censebunt.

Replicatio Malonii ad Usserii Responsionem.

A. MDCXXVIII. librum adversus D. *Usserium* Anglicano idioma-  
te *Duaci* edidit *Malonius* Jesuita, hoc titulo prænotatum, viz. *Replica*  
*contra Responsionem Usserii pro antiquitate dogmatum fidei Romane.*  
Sed cum famosus iste liber non minus vernilibus dicacibusque dictæriis &

(a) *Jacobi Usserii Collectanea & judicium de SS. Patrum scriptis genuinis & suppositis.* 2. vol. Vide Catalogum Codicum MSS. *Anglia & Hibernia Oxon.* MDCXCVII. pag. 176. Horum *Collectaneorum* præclarum specimen, viz. de antiquis S. *Chrysostomi* Interpretibus, de editionibus variis operum S. *Chrysostomi*, & de Scriptoribus vitæ ejusdem, uti & eruditissimam præstantissimi viri, D. *Henrici Savillii* de Scriptoribus rerum *Chrysostomi* Admonitionem V. Cl. D. *Caveus* in *Historia Literaria* edidit.



& spurcis mendacibusque calumniis, quæ & Christianum & Religiosum planè dedecebant, quam sophisticis cavillationibus maleque consutis detortisque Patrum sententiis ubivis scateret, *Usserius* Amicorum, hunc *Thersitem*, qui cum *Achille* congrediretur, prorsus indignum esse judicantium, monitis & consiliis obsecutus, nolebat bonas horas in hoc impudentissimo *Rabula* resellendo disperdere: & eò quidem minus ægrè, cum tres Theologi *Dublinenses*, *Hoylenus*, *Singus*, & *Putians*, illi in rebus longè majoris momenti occupatissimo vicarias operas addixerint; quod postea singuli seorsim cumulatim præstitère.

Dum in *Anglia* subliterit *Usserius*, reverendissimus D. *Christophorus Hamptonus*, Archiepiscopus *Armachanus*, & totius *Hibernia* Primas ultimum diem suum obiit, nempe Januarii tertio, stylo Anglicano, MDCXXIV. De substituendo Successore in aula Regia multum serioque deliberatum erat. Rex verò serenissimus, post remoras amotas, D. *Midensem*, cum vix quenquam è Naucleis, qui istius Ecclesiæ clavum aut fortiori manu aut intensiori oculo regeret, reperiri posse sensisset, ad istam eminentissimam dignitatem paulò antè mortem ipsius promovit, XXI. Martii, eodem stylo ejusdem anni. Centesimus autem erat *Usserius* à S. *Patricia*, si calculus ritè ineatur, istius supremæ sedis Antistes. Nuncium hoc, quod velox fama citò in *Hiberniam* pertulit, ibi summa cum lætitia accipiebatur; inde crebræ gratulatoriæ epistolæ, summâ reverentiâ & cordatissimo affectu refertæ, ad D. *Usserium* missæ, quem Ecclesiæ istius bono natum fuisse gratulantur, ipsius celerem in patriam reditum ardentissimis precibus exoptantes. Sed illis tam citò esse felicibus non licebat; quippe mox febri quartana per novem menses in *Anglia* moram facere invito planè animo *Usserius* cobeatur.

Anno hoc ad finem vergente D. *Usserius* solennem cum quodam Jesuita disputationem, cui, licèt se non ingesserit, illam tamen lumbenti suscepit animo de quibusdam controversis Religionis capitibus habuit, cujus occasio hæc fuit.

Cum vir nobilissimus, *Jeanes Baro Mordantius* Communionis *Romana*, postea tertio R. *Caroli* primi anno, ad titulum, honorem, & dignitatem Comitum *Petroburgensis* erectus, lætissimam feminam, *Elisabetham Howardam*, uxorem suam, natalibus quoque nobilissimam, utpote *Gulielmi Howardi*, Baronis de *Effinghamia*, filiam & hæredem, &

exillustriſſima *Howardorum*, Ducum *Norſolciæ*, gente oriundam, ad eandem amplectendam diu multumque allicere pertentaſſet, illa quò ab iſtiusmodi crebris moleſtiſque interpellationibus decentius liberaretur, profeſſa, ſe de multis Romanæ fidei articulis dubitare, nec Eccleſiam *Anglicanam*, in qua nata & educata fuerat, relinquere aut poſſe aut velle, niſi coñvictam, in illa ſibi non manendum eſſe, niſi cum periculo ſalutis, petiit, ut amicæ inter eruditos utriuſque partis viros collationes in illius præſentia haberentur, quò victrix Veritas inclinaret, quanta potuit animi ſolertia, dijudicata. Cujus æquiſſimis poſtulationibus cum facile fuiſſet aſſenſum, Baroniffa, conſentiente marito, re D. *Uſſerio* communicata, literis blandis illum, ut in Veritatis, pariter ac ſui ſubſidium venire dignaretur, invitavit. D. *Uſſerius* verò opem ejus aut fruſtra implorari, aut diu deſiderari, neſcitum paſſus, menſe Novembre, valetudine vix redintegrata, ad *Draytonam* in agro *Northamptonienſi* properavit, ibi omni reverentia ac cultu, quem ejus ſumma dignitas merita eſt, ab utriſque nobiliſſimis hoſpitibus exceptus. Illic reperit quandam Societatis Jeſuiticæ, *Bellomontium* nuncupatum, potius *Rookwoodum* nuncupandum (nomen iſtud in Hiſtoria Proditionis Pulverariæ ſatis notum eſt) Baroni à confeſſionibus, cum quo certamen hoc religioſum, procul omni faſtu, & quaſi depoſita dignitate, inibat. Triduo diſceptationes iſtæ de *transſubſtantiatione*, de *invocatione Sanctorum*, de *imaginibus*, & de *viſibili Eccleſia*, & *in genere*, an religio, ex auctoritate publica tum civili tum Eccleſiaſtica in Eccleſia Anglicana ſtabilita, eadem eſſet cum *Primitiva*, an verò *Romana*, nec ne: in quibus articulis excutiendis D. *Uſſerius* partes Opponentis ſuſtinuit, libris antiquorum Patrum ex inſtruſtiſſima Baronis Bibliotheca prius in medium productis, ſi qua foret illorum ſententias & teſtimonia explorandi occaſio. Quarto die cum vice verſa articulos Religionis Anglicanæ impugnare Jeſuitæ ex condiſto incubuiſſet, ille nolebat amplius in arenam prodire, hac excuſatione ſubmiſſa, *argumenta*, quibus inter opponendum uſurus erat, juſto Dei judicio è memoria penitus excidiſſe, eo quod cum viro tam profunde & conſummate eruditionis, licet in tuenda Catholica Veritatis cauſa, injuſſu Superiorum, congreſſi auſus fuiſſet. Quod quidem turpe effugium illi apud ſuos Symmiſtas, & potiſſimum ſeculares, uti vocant, *Sacerdotes*, maxime in opprobrium & infamiam cedebat. Sed in hujusce diſputationis, cujus fama ubilibet percrebuerat, fructum eventumque! D. *Mordantia* in Eccleſiæ Anglicanæ communionem magis magisque fir-

ma-

matur: Maritus verò vacillare primò cœperat, disiectisque sensim, quibus intellectus offuscaretur, præjudiciis, admissoque S. Scripturarum lumine, & liberiori Rationis hætenus oppressæ usu, relicta Ecclesia Romana, in *Anglicanam*, ubi purior viget Christianismus, illuminata mente transibat. Illustrissima Heroïna immortalem hujus beneficii memoriam apud se grato animo retinuit istud quantum quantum omni tempore, si daretur occasio, reipsa repensura. Cujus bonæ voluntatis in effectum dandæ non deerat opportunitas: cùm in calamitosissimis temporibus, flagrante tum in *Anglia* tum in *Hibernia*, impiissima rebellionē, D. *Usserium*, omnibus fortunis suis penè exutum, per novem decemve annos ad mortem usque illa in suis ædibus, tum *Londinensibus*, tum *Sur-regiensibus*, summo cum honore & benignitate exceperit.

Tandem negotiis in *Anglia* confectis, integraque valetudine gavissus *Usserius* ex porta *Leverpoliensis* apud *Lancastrienses* Augusto mense <sup>redit in</sup> MDCXXVI. solvens in *Hiberniam* prosperè navigavit: cujus longam <sup>Hiberniam</sup> absentiam quò ægriori animo tulerint, præfens jam & redditus patriæ effusiori gaudio lætioribusque auguriis à Magnatibus, Episcopis, & universo Clero, sub illius sapientissimo regimine certius Ecclesiæ præsidium majusque apud indigenas *Hibernos*, quantum illorum obstinatio pateretur, religionis incrementum, sibi spondentibus, excipiebatur.

Benignè in *Usserii* gratiam providebat ante mortem serenissimus Rex *Jacobus I.* literis in *Hiberniam* missis, ne quicquam de temporalibus si-ve redditibus istius Sedis, prout usu, contra omne jus fasque venire solet, ab iis, qui eorundem *custodiam*, ut verbo municipali utar, & administrationem procurant, in privatum commodum nimum quam intenti, licet abfuerit, minuendum: rationem accepti & dati ipsi ex debito reddendam, pecuniaque omnes, prout ille ordinaverit, solvendas & disponendas esse, ac si ibi præfens constitisset. Rex verò *Carolus I.* quo nemo Regum Ecclesiæ *Anglicanæ* unquam amantior, meliorve Patronus, pro cuius fide juribusque tuendis martyrium fortissimè subibat, paterni & verè augusti exempli æmulus, memorque, quanti ille D. *Usserium* ob reconditissimam eruditionem & fidem in rebus magni momenti præf-<sup>Summa</sup> titam æstimaverit, benignitatem munificentia auxit, & in verè regii <sup>Usserii</sup> affectûs & bonæ voluntatis arrham, quadringentas libras sterlingas illi <sup>munere</sup> statim post reditum ex fisco istius regni numerari jussit. <sup>Ecclesiastico ad-</sup>

In hac sublimi specula positus D. *Usserius*, dum oculos circum circa <sup>minif-</sup> per totam *Insulam* flectit, ante omnia & primum sibi ex officio incumbendo <sup>trando</sup>

bere duxit, ut propriam Dicecesin, utpote peculiari subditam jurisdictioni, lustraret, si qui defectus & errores, & quicquid perperam factum fuerit, id omne emendaturus, ut illa nimirum esset reliquarum, saltem in ista Provincia, concurrentibus ad idem sanctum opus promovendum Suffraganeis, regula & mensura. Indicta igitur solenni *Vsitatione*, convocatisque per partes ad ordinatas stationes Presbyteris, in illorum mores & doctrinam sedulus inquirat, instanter monet, obtestatur, jubetque, ut quisque omnibus instituti sacerdotalis partibus prudenter & strenue fungatur, & potissimum, ut in Scripturis sacris & Liturgia juxta canones publicè legendis, sint assidui, & ut vita professioni respondeat: denique cum plerisque ex infima plebe sive in cultioribus oppidis confertos, sive agrolationi, & pecudibus alendis additos, seorsim per campestria, aut propè lacus & sylvas sparsos, spissa rerum sacrarum divinarumque ignoratione laborare, olim & adhuc dum tristis comperisset, urget quàm acerrimè, ut diligenti S. Scripturarum lectioni, frequentique prædicationi, Auditorum tenuioris tum fortunæ tum intellectus captui accommodandæ, & mentem & operam intendant. Istis enim fundamentis jactis, de illorum profectu in vitæ & civilis & Christianæ officiis melius esset sperandum neque aptior efficaciorque methodus iniri potuerit, qua mentes plebis intactæ & ab omni vel Pontificiæ superstitionis vel læsæ pietatis labe immunes servarentur.

Abusus  
in Curiis  
Ecclesiasticis  
grassantes  
reforma-  
re &  
tollere  
nititur.

Cum verò nimium clarè constaret, graves corruptelas in Curiis Ecclesiasticis, quas vetustas malæque consuetudines sensim introductæ firmaverant, irrepsisse, sententiasque Adfessorum interdum ex potestate, perperam arrogata, præter jus & æquum, licet sub specie & umbra juris, latas, vi penè despotica executioni mandatas fuisse, illos omnes, qui qualicumque nomine & gradu inde pependere, utpote illius Administratos, ac sola potestate delegata, non arbitrario jure præditos, coram se citari & advocari jussit, regulas, quibus exterius illud regimen, probè & honestè, & absque querela & gravamine administrari posset, præscripturus. Multa quidem reformavit, inque meliorem redegit ordinem: Sed cum ex longo annorum decursu, & praxi roboratæ altas radices egissent, vix quidem evellendas, lucrosæ quædam jurisdictiones, quas possidentes nolebant relinquere, & objectæ difficultates, ac si longus communisque usus fecisset jus, planè insuperabiles viderentur in præsens, licet omnino inivitus, cessit, malis istis remedium opportunitiori tempore adhibiturus.

Dum



unanimo consensu apud se constituerunt, formulamque *Protestationis*, opportuno tempore proferendam, XXVI. die Novembris nominibus subscriptis signarunt: Solenni Comitum, Baronum, aliorumque nobilium utriusque communionis conventu, ut de hoc negotio disceptaretur in magna aula arcis *Dublinensis* XXIII. Aprilis A. MDCXXVII. indicto, coram D. *Depuato*, aliisque primariis viris, in Ecclesia *Christi* pro more congregatis. D. *Georgius Downam*, Episcopus *Derenfis*, concionem habuit, in qua occasione captata de malè subjienda artibus politicis secularibusque commodis Religione & conscientia, & de gravi scandalo ex hac animarum, ob pecuniæ inde colligendæ aucupium, licitatione, orituro disserendi, dicens *hanc non solam sui ipsius sententiam & iudicium, sed omnium Archiepiscoporum & Episcoporum istius regni esse*, chartam supra memoratam protulit, & clara voce publicavit; quæ sic se habuit:

*Judicium quorundam Archiepiscoporum & Episcoporum  
Hiberniæ de toleratione religionis.*

*Religio Papistarum est superstitiosa & idololatrica: illorum fides & doctrina erronea & heretica: illorum Ecclesia respectu utriusque Apostatica. Ideo ejusmodi tolerationem indulgere & consentiri, ut facultas istam Religionem exercendi, fidemque istam proficendi, illis daretur, grave peccatum esse hoc duplici nomine liquet:*

I. *Hoc modo nos ipsos accessarios prestamus (h.e. facinorose si non consilio, saltem silentio subvenire videbimur) non solum illorum superstitiosis, idololatriis, & hæresibus, & in summa, omnibus Papismi abominationibus, sed etiam, quod inde sequitur, animarum seductarum, quæ in Catholica apostolicæ alluvione peribunt, perditioni.*

II. *Hanc tolerationem concedere ob pecunias dandas, contributionesque ab illis colligendas, idem est, ac religionem, & unâ cum illa, animas populi, quas Christus Salvator noster pretiosissimo suo sanguine redemit, venum exponere. Ut verò hoc ingens flagitium est, ita multa mala inde consecutura esse non minus periculum. Hæc sapientibus & judicio pollentibus perpendenda commendamus: obsecrantes Deum Veritatis, ut omnes, qui publicis muneribus admoventur, sanctissimi Numinis gloria & augmenti vera Religionis studiofissimos reddat: item pariter zelantes, firmos, & fortes adversus omnem Papismum, superstitionem, & idololatriam: Amen.*

Cef-

Cessante Auditorum Amen concinentium acclamatione, extemplo subdidit Concionator, *hoc ab ipsis non malo animo aut in Reipublica detrimentum & incommodum dictum aut factum fuisse, sed ex amore Patriæ & Religionis, quarum utramque in omne ævum salvam fore impendit cuperent, se quidem velle, ut numerosior exercitus stabiliretur: interim tamen multiplicis istius GRATIÆ, Pontificis nuper ea de causa oblata, cujus plurimam partem non sine divini nominis, etiam & regii, contumelia & Ecclesiæ Hibernicæ incommodo indulgeri posse pro certo credebant, distributionem soli Regi, reservandam esse, atque hoc publica necessitatis tempore unumquemque, si boni civis & Christiani famam integram servare velit, laboranti patriæ succurrere oportere.*

Sequente Dominica coram iisdem Magnatibus idem argumentum pari zelo pertractavit D. *Usserius*, in illos, si qui fuerint, *qui ex secularis commodi intuitu, instar proditoris Jude Christum pro triginta denariis argenteis vendere in animo habuerint, potissimum invecus.* Verum tam flagranti zelo efferbuere Præsules, ut nobilibus Reformatæ communionis in eandem sententiam facile pertractis, conditionibus in gratiam Pontificiorum propositis nullatenus assensum fuerit: hi verò, nisi iisdem concessis sanctisque, onus istud subsidiorum sibi impositum iri obstinatò recusarunt.

Dum autem hæc lites acerrimâ animorum & vocis contentione alter- *Usserius*  
utrinque agitata, pro sapientia sua D. Deputatus & Consiliarii suavi- de pecu-  
bus modis, h. e. suavis & argumentorum è rationibus politicis petito- niis pro  
rum vi componere studerent, D. *Usserius* ab utrisque partibus conten- defension-  
dentibus magno honore habitus, illorum jussu in Camera arcis Regiæ, ne regni  
uti appellatur, tricesimo die Aprilis A. MDCXXVII. gravem habuit suppedi-  
orationem, in qua debilem regni statum, quam repellendis hostibus tandis in  
publicæque paci conservandæ omninò impares essent, stragesque belli camera  
omnes absque aliquo discrimine inexplicabilibus malis obruturi, quod arcis Re-  
exercitus sub severis disciplinæ militaris regulis aut prævertere aut sopire gix per-  
solus potuit, sub oculos ponens, ostendit necessitatem quasi inevitabi- orat.  
lem urgere, si suæ, si suorum salutem consulere vellent, ut citra omnem  
moram, subsidia in commune bonum patriæ expetita promptissimè ab-  
que omni prævia stipulatione darentur: nubes atras ingruere & cogi in-  
cipientes, ni dissiparentur, in fulmina & tonitrua erupturas esse: de  
exteriorum hostium insultibus, uti etiam de domestica rebellione metuen-  
dum esse: intertextis tamen Pontificiorum fidei qui ex stirpe *Anglica*  
H pro-

prognati, aut prædia à Rege, supremo Domino, sub certis annexis servitiis sibi & hæredibus derivata possident, laudibus : (cujus insigne specimen in nupera rebellione Comitris *Tirania*, regnante Regina *Elisabethâ*, dederant, utpote nullis Regis *Hispania* blanditiis & promissionibus allekti, nullis Papalibus Brevibus & Bullis, nullisque Academiarum *Salamanicensis* & *Vallisolitana* declarationibus territi aut convicti) simul de communi salute providendum esse : exceptiones ex mutuo sibi contradicendi studio arreptas, nequiquam valere : nullamque justam metuendi causam, quasi illorum aut posterorum libertas inde læderetur, aut voluntarium istud subsidium in jus coronæ deinceps transfret : tandem obnixissimè monet, ex principiis religionis & conscientiæ, quibus omnes boni subditi tenentur, ut præstare, quod fas & æquum exegerint hoc in articulo præstandum ; nullaque conditionum mentione facta, totum illud, de quo controversum fuerat, serenissimi Regis sapientiæ & prudentiæ relinquere vellent. Sed mentes altercantium, qui suis freti opinionibus, ad varios fines collimarunt, nulla eloquentia, rationibus nullis, sive ex Theologiæ, sive ex sanioris Politicæ adytis ab *Usserio* depromptis conciliari potuere.

Serenissimus Rex orationem hanc, in qua pii admodum Episcopi & fidelissimi Consilarii officio & munere pari laude, & præclarissimè quidem, functus est *D. Usserius*, sibi in *Angliam* à Consiliariis *Hibernis* transmissam gratiofo affectu excepit & approbavit.

Inter istas multiplices curas, quibus distinebatur *Usserius*, ex quo sacrum Episcopale munus isti concreditum fuerit, studium literarum, quo ab ipsa juventute incaluerat, novo fomite superaddito redacensum, latius se diffudit. Non enim libros omne genus, ubi ubi typis exscriptos, in Bibliothecam congestisse contentus, additos *Syria*, *Palestina*, & *Mesopotamia* recessus, nullis parcens sumptibus, investigari curavit, ut codices manuscripti melioris notæ, & quantivis pretii, inde eruerentur, in Christianum orbem invehendi : ubi linguarum Orientalium cultura florere, inque non mediocri honore haberi, nuper incepisset. Hac de causa ope & diligentia reverendi viri, *Thoma Davisi*, qui tum Mercatoribus *Anglis*, *Halebi* degentibus, erat à sacris, per quadriennium usus est, & quidem felicissimi. Non hic omnium librorum mēnu exaratorum, procurante industrio isto proxenetâ, indicem, si daretur, proferre libet ; cum ii, quoad maximam partem in Bibliothecis *Oxonienſi* & *Dublinienſi* dudum repositi, ex magno opere Catalogorum *Oxonii*.  
A..

Libros  
MSS. ex  
Oriente  
magno  
impen-  
dio pro-  
curat ad-  
vehi.



A. MDCXCVII. publicato peti possint. Horum de præcipuis paucissimos, qui vetustissimas S. Scripturarum versiones complectuntur, pauculis adnotationibus infertis, memorabo.

Imprimis vero recensendus venit Pentateuchus Samaritanus, quem licet Hebræicæ veritati millies postponendum censuerit, tamen tum ob singularem raritatem, cum (a) vix aliud exemplar, si fortè illud, quod *Petrus a Valle*, *Patricius Romanus*, ex Oriente tulerat, excipiamus, in *Europa* antea comparuisset, tum ob uberrimum fructum sacrosque usus, in explicando Hebræico textu & Græca versione, inde depromendos, ingentis thesauri loco habuit. Ille verò primus omnium, Hebræico & Samaritano textibus simul accuratè collatis, variantes lectiones collegit, quas Reip. literariæ communicasset, si quispiam ex nostratibus Typographis, certiori lucro inhiantibus, id operis, cujus beneficium & momentum pauci aut intellexerint, aut ritè & satis pro dignitate æstima- verint, edendum suscepisset. Qua opportunitate neglecta, V. Cl. *Joannes Morinus*, è Congregatione Oratorii Presbyter, post paucos annos, primæ editionis gloriam sibi soli asseruit. Sed vir amplissimus & doctissimus, *Joannes Seldenus* noster, de apparatu Chronologico ad Epochas veterum Græcorum, in vetustissimo marmore, nuper maximis illustris- simi Viri, *Thoma Comitæ Arundellie*, sumptibus, unà cum multis aliis ex *Græcia* in *Angliam* in vecto, in quo, ut hoc obiter addam, Historiæ mille trecentorum annorum per intervalla, h. e. à *Cecrope*, primo *Athe- nionsum* Rege, ad tempora paulò ante *Alexandrum* magnum, compen- dium continetur, repræsentatas; item de Chronologia sacra, & præser- tim de ista, quæ in *Samaritanorum* Pentateucho hodiè exstat, maximè sollicitus, D. *Usserius* literis rogavit, ut integrum quintum caput *Ge- neseos*, & partem undecimi, quanta nimirum ad Patriarcharum Post-di- luvianorum annos refertur, exscribi curaret; quod ille integerrimi Amici precibus faciliè obsecutus, typis summa cum accurate descriptionis de- lineatisque abundè præstitit: mantissæ loco (b) Epistola addita, in qua *Samaritanorum* computum, à *Josepho Scaligero* publici juris factum, & quicquid de eodem apud *Julium Africanum*, *Ensebiu* *Cæsariensem*, & *Georgium Syncellum* occurrit, ad examen revocat, summoque cum judicio expendit, Periochas istas de Patriarcharum annis ex hoc codice,

H 2

bene-

(a) V. Epistolam D. *Usserii* ad *Ludovicum Capellum* in calce ad *Syntagma* de *Græca LXX. Interpretum versione*, Londini 1655. 4o. pag. 215. & in *Sylloge* epist. CCLXVII. pag. 576.

(b) Edita est in *Sylloge* Epist. CXXII. pag. 383.

Penta-  
teuchus  
Samaritanus.

A.  
MDCXCVII.

beneficio reverendissimi nostri Antistitis transumptas fuisse *Seldenus* in Prolegomenis ad Marmorum Arundellianorum Inscriptiones *Londini* MDCXXXVIII. editas gratus, adjectisque magnificis elogiis, agnovit. Hoc ipsum verò Exemplar nobilissimi viri, & arcta amicitia conjunctissimi, D. *Roberti Cottoni*, Bibliothecæ, inscriptione propria manu exarata, dedicavit, quam hic paulò correctiorem Lector curiosus, cui istius incomparabilis Bibliothecæ catalogus, à me *Oxonii* antè octennium editus, ad manum non est, iterum, & fortasse cum nova voluptate perlegere non dedignabitur.

*Pentateuchum Samaritanum à decem tribuum reliquiis, post regni Israelitici excidium, primo acceptum, à Dositheo, Samaritarum Pseudo-propheta, temporibus Apostolorum, postea interpolatum, ab Ecclesiasticis Scriptoribus (Eusebio, Diodoro, Hieronymo, Cyrillo, Procopio, Anespero, Georgio Chronographo) identidem citatum, atque à Cuthæis hodiernis demum redemptum, Bibliothecæ Cottonianæ (quæ amicissimi Domini summa humanitate semper mihi patuit.)*

L. M. D.

JACOBUS USSERIUS  
*Armachanus, Hibernia Primas.*

*Infra: (a) Ex Librarii notatione ad calcem Geneseos colligimus, exemplar hoc sexcentis scilicet argenteis (h. e. libris Anglicanis 75.) emptum fuisse mense Rabie anni 792. regni Ismaelis, circa Martium viz. mensem anni ære Christianæ 1390.*

JACOBUS ARMACHANUS.

Hoc

(a) *Franciscus Taylerus* in Epist. ad D. *Usserium*. In Sylloge CLXXXIII. p. 475. Peculiarem insuper Dominationi vestræ gratiam debet hoc opus, cuius sumptibus & cura Exemplar Samaritanum nobis in *Anglia* primò communicatum fuit, & in Bibliotheca *Cottoniana*, in doctorum seculis etiam venturis commodum reconditum.

Hoc monumento sacro non parum, ut videtur, delectatus *Usserius* plura alia exemplaria sibi à *Sichemo* comparavit, quorum alterum Vi-ro maxima (a) D. *Gulielmo Lando*, Archiepiscopo *Cantuariensi*, in archivis, illius nomini sacratis, in Bibliotheca *Bodleiana* repositum, alterum verò viro clarissimo (b) *Ludovico de Dieu*, dono dedit. Hic verò amplissimum istud munus, quo beatus erat, verba ipsius sunt, longè acceptissimum fuisse, in epistola dedicatoria ad D. *Usserium* animadversionibus in *Acta Apostolorum*, *Lugduni Batavorum* MDCXXXIV. editis, præmissa, submississimo affectu & obsequio testatur.

Accedit (ut à memorandis S. *Ephremi* Opusculis, (c) & quibusdam fragmentis Samaritanis prorsus superfedeam) *Pentateuchus Syriacus* ex *Ebrai-*  
Pentateuchus Syriacus, & alii codices.

H 3

Ebrai-

(a) *Pentateuchum* hoc Samaritanum, in principio & sine mutilatum, antiquissimum Phœnicum literis descriptum, ab Ecclesiasticis Scriptoribus, Eusebio, Diodoro Tarfensi, Hieronymo, Cyrillo, Procopio, Gazzo, Georgio Syncello, & aliis sapius est citatum, à Cuthæis verò hodiernis, una cum aliis aliquot eorum monumentis, redemit.

JACOBUS USSERIUS *Armachanus*,  
*Hibernia Primas.*

Paulò infra propria manu subscripsit D. *Laudus*;

*Qui librum hunc mihi dono dedit,*

W. CANT.

In fine additur: Folia postrema hæc sex, jussu reverendissimi Præfulis, *Gulielmi Laud*, Archiepiscopi *Cantuariensis*, descripta sunt ex vetusto, eoque integro, Bibliothecæ *Cottonianæ* exemplari: quod anno *Ismaelitarum*, sive Hegiræ *Mahomedana* DCLXIV. id est, salutis reparatæ. A. MCCCLXII. junctis operis in Oriente exararunt *Ithamar ben Abaron* atque *Abraham ben Abi Nitzaiion*, nomine seu auspiciis *Semoki Tobi Isaak*, *ben Semoki Selomoh*, *ben Jacob*, ex familia *Ishuriana*, summo in agro *Damasceno* principatu insigni: Sic *Abraham* ille ad *Numerorum* calcem in memorato exemplari subnotavit. Hæc, & alia non pauca, juxta indiculi, quem subinde & pro re nata *Oxonium* transmisseram, directionem & normam, elogيا & testimonia, ex libris impressis, olim à me in Bibliotheca *Bodleiana* consultis inspectisque, frustra autem in hac Urbe quæsitis, non minus promptè, quam benevolè, accurata & eleganti manu, nec rogatu exscripsit vir pereruditus, *Thomas Hearnus*, Artium Magister, ex Aula S. *Edmundi*: cujus egregiæ humanitati me multum debere agnosco.

(b) V. Epistol. CXLVI. D. *Usserii* ad *Ludovicum de Dieu*: in *Sylloge* pag. 413.

(c) De hisce aliisque libris ex Oriente, ipsius cura & sumptibus procuratis, vide D. *Usserii* Epistolam ad *Ludovicum de Dieu* A. 1632. scriptam in *Sylloge*. Epist. CLXXIV. pag. 462. & Epist. CLXXV. pag. 464.

Ebraico textu versus, liber venerandæ antiquitatis, majoris æstiman-  
 dus, eò quod vix in Christiano orbe antea aut visus aut cognitus  
 fuerit, qui olim reverendissimi viri, *Jesu Fabi*, Patriarchæ *Jacobita-*  
*rum*, tunc temporis *Amide*, urbis, magnæ in *Mesopotamia* celebra-  
 tis: ad *Tigrim* sitæ, residentis, erat peculium. Ecclesia enim Chris-  
 tiana *Syrorum* duplici SS. Scripturarum versione olim usæ est, hac  
*simplici*, ut appellant, *Thaddei* Apostoli, ut volunt, vel, ut alii sin-  
 gunt & mentiuntur apud (a) *Gregorium Abulpharagium*, *Solomonis &*  
*Hirami* temporibus factam; & altera juxta Græcam 72. LXX. ver-  
 sionem, cujus exemplar habuit, uti & Arabicum: Codex item N.  
 Instrumenti, qui alia, quæ in editionibus viri præstantissimi, *Alber-*  
*ti Widmanstadii*, Cancellarii *Austriæ & Guidonis Fabricii Boderii*  
 deerant, viz. secundam epistolam S. Petri, & secundam & tertiam E-  
 pistolas S. Joannis, Epistolam S. Jude, & *Apocalypsin*, hanc pridem  
 à *Ludovico de Dieu* è MS. exemplari *Josephi Scaligeri*, *Lugduni Ba-*  
*taurorum* A. MDCXXVII. illas verò à Cl. V. *Edwardo Pocockio*, è  
 codice Bibliothecæ *Bodleianæ* MDCXXX. ibidem editas, uti etiam  
 historiam mulieris in adulterio deprehensæ: quæ sanè in antiquissi-  
 mis codicibus desideratæ, aliùs, & quidem longè recentioris Inter-  
 pretis fuisse videntur, continebat: item *Psalterium Syriacum*, à *Ga-*  
*briele Sionita*, doctissimo *Maronita*, *Roma* prius quoque editum, uti &  
*Arabicum*. (b) Vetus Testamentum *Syriacum* ipse edere decreverat:  
 qua de causâ quandam in *Hollandiam* ad coemendos typos dedita  
 opera misit; sed nescio, an difficultate, an magnis sumptibus, in  
 magno isto opere impendendis, à proposito penitus cessavit. Hos ve-  
 rò omnes sacros libros, quàm primum sanctum istud edendi Biblia  
*Polyglotta* propositum ipsi innotuisset, celeberrimo viro, D. *Briano*  
*Waltono*, utendos dedit D. *Usserius* (c) è quibus non parùm utilita-  
 tis & momenti incomparabili isti in difficillimis temporibus sub ty-  
 rannide *Cromwelliana* procuratæ, editioni accrevisse, omnes in hisce  
 libris tractandis paulò versati norunt, & qui optimè novit, doctissi-  
 mus

(a) In *Historia Dynastiarum*, pag. 100.

(b) V. illius Epistolam ad *Ludovicum de Dieu* in *Sylloge* pag. 488.

(c) Ex his sex post mortem utriusque hæredibus restitutos pecuniis numeratis  
 redemerunt Bibliothecæ *Bodleianæ* Curatores. Vide Catalogum codicum MSS.  
*Angliæ & Hiberniæ*. A. MDCXCVII. pag. 156. b.

mus (a) Editor, tum in præfatione, tum in Prolegomenis, & in Apparatu, summa cum *Usseriani* nominis reverentia & debitissimo grati animi sensu proficitur. Nemo sanè thesaurum cujusvis generis literarium aut ardentiori studio & cupiditate investigavit & acquisivit; nemo liberaliori manu & benigniori animo viris doctis, tam in *Anglia*, quàm extra *Angliam*, in commune Religionis & bonarum literarum bonum, communicavit.

Circa A. MDCXXVIII. D. *Usserius* literarium commercium cum reverendissimo viro D. *Gulielmo Laudo*, tunc temporis, Episcopo *Londonensi*, summa gratia apud Serenissimum Regem *Carolus I.* qui illius consiliis prudentissimis in rebus ad Ecclesias *Britannicas* quoquo modo spectantibus moderandis usus est, pollente, iastituere cœperat, quod duravit per duodecennium usque ad Rebellionem *Scoticanam*, quo tempore in *Angliam* Ecclesiæ & studiorum causâ remeavit. Nec illum destituit D. *Laudi* industria, maximèque benevolus erga tum Academiam *Dublinensem* in statutis ad meliorem disciplinæ administrationem, fructuosiusque Collegii, de cujus perpetua felicitate & commodo omni tempore fuit maximè sollicitus *Usserius*, incrementum, tum Ecclesiam *Hibernicam* affectus, si quid enim incommodi, sub quo ingemuit Clerus, præsertim, ut cum honore dicam, *Russicannus*, esset amovendum, si qui abusus in externo Regimine Ecclesiæ per Commissarios, Registrarios, aliosque Spiritualium Curiarum Officiales admissi irrepsissent; si quæ sacrilegæ prædiorum Ecclesiasticorum invasiones (hoc enim infami titulo *impropriationes* istæ, uti appellantur, notari debent) sub Magnatum nobiliumque, ea, aut vi aut fraude simoniaca malisve artibus occupantium, præsidio invaluissent; si glebæ & decimæ, sustentandis Parochis Presbyteris à piis Benefac-

(d) In Prolegomenis XI. p. 81. de Samaritanis & eorum Pentateucho ejusque versionibus.

*Secunda versio est Arabica, literis Samaritanis exarata, quam simul cum textu Ebraico Samaritano, inter alia MSS. exemplaria, nobis communicavit reverendissimus Armachanus.*

*Prolegom. XIII. De lingua Syriaca & Scripturæ versionibus Syriacis, pag. 29.*

*Exemplaria MSS. quibus usi sumus, duo nobis suppeditavit reverendissimus Usserius, quorum unum solum Pentateuchum complectitur. Liber veneranda antiquitatis, & accuratè scriptus. Aliud totum continebat V. T. exceptis Psalmis: (quos antea evulgaverat *Sionia*). quod magnis sumptibus ex codice Patriarchæ *Alexandrimi* transcribi curavit.*

D. Wentworthus de Ecclesia Hibernica optime meritus.

factoribus destinatae, in Laïcorum transiissent possessionem; de hisce & hujusmodi rebus maximi momenti consultus D. *Laudus*, auspiciis Regis, remedia malis istis, aut inveteratis, aut ingruentibus, curandis idonea adhibere annisus est. Et adhibuit quidem quantum in se erat. Nec enim duorum triumve annorum opus erat, utpote longè majoris molis, ut expilationibus istis, quæ longissimo temporis tractu corroboratae, istam Ecclesiam penè pessumdedissent, sublati, pristinus rerum status, quantum intricatissimæ vices sine- rent, in integrum restitueretur. Hanc insignem gloriam, hoc maximum decus post paucos annos sibi meritissimo jure vindicavit illusterrimus Heros, *Thomas Wentworthus*, Comes *Straffordiae*, qui à Rege *Carolo* supremus istius Insulae Gubernator & Prorex constitu- tus, de Corona sive Monarchiâ *Angliae*, cui hactenus fuerat damno- sa *Hibernia*, jam non mediocre ex auctis vectigalibus, proventibus- que annuis, è mercatura & industria Advenarum incrementum per- cepturæ, & de universa Ecclesia *Hibernica* præclarissimè meruit. Il- le enim Vir excellentissimus, sacro ingentique zelo percitus, primo in *Hiberniam* accessu hoc aggressus est, quem D. *Usserius* in episto- la (a) A. MDCXXXV. ad D. *Laudum*, tum factum Archiepisco- pum *Canuariensem* scripta, appellat novum Zerobabelem à Deo ad rui- nas istius collapsæ Ecclesiae reparandas suscitatum, forti animo publicè professus, se iis vel maximi nominis, qui sancta devorantes, dissipantur Ecclesiae patrimonium in hereditates filijs & filiabus transmittendas, conver- terunt, adversari. Inter *Laudum* & *Straffordium*, arctissima interces- sit necessitudo & amicitia: ambo autem, ut hoc, licèt extra locum, interferam, jurium, tum Regiæ Majestatis, tum Ecclesiae *Anglicanae* contra Schismaticos ministellos, factiososque Proceres, & cives, quo- rum illi famosis libellis, concionibus, calumniisque quaquaversum spar- sis, hi verò subdolis artibus & machinationibus, falsissimoque pub- licæ pacis & tranquillitatis tuendæ prætextu, quasi Religio reformata & libertates populisterissent in præcipiti, plebem, miserimum in mo- dum delusam, primò ad obmurmurationes & querelas, deinde ad se- ditiosos tumultus, tandem ad arma incitarunt, studiosissimi: ambo cruenta morte, contra omne jus divinum & humanum, à rebelli Se- natu Parlamentario, hic duodecimo Maii A. MDCXLI. ille verò de- ci-

(a) In Epist. CLXXXIII. pag. 460. in Sylloge.

cimo die Januarii A. MDCXLIV. stylo *Anglicano*, in colle juxta Turrim *Londonensem* preempti.

Mortuo D. *Georgio Abbotto*, Archiepiscopo *Cantuariensi*, mense *D. Laudus Aca-*  
 Augusto A. MDCXXXIII. ad primatiam istam dignitatem illicd<sup>us</sup> promovetur D. *Laudus*, quem mox ex commendatione & hortatu D. *Dublin-*  
*Usserii* in Cancellarium Universitatis *Dublinensis* elegerunt Præpositus, & *Dublin-*  
 Socii Collegii S. Trinitatis, penes quos jus & arbitrium eligendi erat; *ensis Can-*  
 de quorum, uti & Successorum, in seculis venturis, felicissimo & *cellarius.*  
 prosperrimo statu, ut nemo antea sollicitior, ita ut Religio ab omni  
 tum superstitionis Papisticae; tum Puritanismi labe & fermento intacta,  
 solidæ doctrinæ & disciplinæ severiores studia ibi perennarent, introduc-  
 tis, cum illorum consensione statutis, sapientissimisque consiliis pro  
 occasione subinde repetitis, indefesso labore omni Cancellariatus sui  
 tempore animum advertit: nec minorem sedulitatem apud Regem &  
 Proregem adhibuit, ut viri pietate, eruditione, & prudentia insignes,  
 sive illic, sive in *Anglia* educati, quantum humana sagacitas in pro-  
 funda & secreta hominum penetrare posset, ad Episcopales reliquasque  
 præcipuas Ecclesiasticas dignitates promoverentur. Hisce verò in rebus  
 D. *Laudus* semper habuit D. *Usserium* fidelem Amicum & Consultorem.  
 Sedè diverticulo ad viam redeo.

A. MDCXXIX. Vir nobilissimus, D. *Hemicus Cary*, Vice-comes *D. Vico-*  
*Falcolandiae*, qui *Hiberniam* summa cum fide & prudentia per septem *comes*  
 annos rexerat, à quibusdam Adversariis Pontificæ Religionis, quasi in *Falcolan-*  
 multis contra pacem publicam & Regis honorem & commodum iniquè *dia, in*  
 & perperam egisset, postulatns, abrogata potestate, jubetur in *Angliam*  
 reverti. Criminationes verò istæ hinc originem habuere, quod sacrifici- *reversus,*  
 culis nimium quantum insolentibus; concessaque indulgentiæ limites *vindica-*  
 audaci protervia supergressis, tum hi, tum *Hiberni* populares, ex sua  
 levitate ad seditionem proclives, sed longè illorum impulsu procliviores  
 facti, severis edictis, juxta tamen legum normam, editis, in ordinem  
 cogerentur. D. Deputatum ad littus marinum honoris testandi causâ  
 comitari Consiliariis placuit: quos dum egregia comitate, jam jam na-  
 vem conscensurus, promiscuè complexus fuerit, oratione ad D. *Uss-*  
*erium* conversa, illius benedictionem flexis genibus rogavit, & quidem  
 tenerimo cum affectu, utpote illi longâ amicitia, mutuis benevoli af-  
 fectus officiis alterutrinque cultâ, conjunctissimus. Pauca cum venia  
 Lectoris ad viri nobilissimi famam & honorem tutandum mihi addere  
 liceat.

liceat. Hac lite coram Rege in sanctiori Concilio agitatâ sui ipsius innocentiam à fictis calumniis & criminationibus illâsam præstat, productisque literis ex *Hibernia* transmissis, solidis documentis demonstrat, vix quenquam ex Antecessoribus aut benigniori animo aut clementiori equitate, salvis Regia auctoritate & legum reverentia, cum *Hiberni* egisse: neminem pro arbitrio oppressum, aut bonis aut libertate multatum: justitiam omnibus pari jure, prout quisque vendicaverit, administratam: nihilque ex auctoritate sua, quod minus æquum videretur, nisi quod publica regni salus exegerit, ordinatum fuisse: tandemque universis calculis absolvitur.

R. Caroli  
de abusi-  
bus in  
Ecclesiæ  
*Hibernicæ*  
regimine  
tollendis  
cura.

Serenissimus Rex *Carolus* à Dominis Commissariis sanctioris Concilii, quibus cura rerum *Hibernicarum* in *Anglia* concedita erat, graves & mali exempli abusus in istam Ecclesiam, non solum apud inferiorem Clerum, in muniis sacris obeundis non satis diligentem, sed etiam apud quosvis Præsules, utpote sibi inque privatos suos usus dignitates Ecclesiasticas & sacerdotia, quorum collationis arbitrium, quando vacaverint, jure sedium ipsis competeat, minus rectè & præter decorum arripientes, irrepsisse, satis edoctus, literas ad D. *Usserium*, uti & ad cæteros Archiepiscopos, sub eodem verborum tenore & formula conscriptas XII. die Aprilis MDCXXX. sexto regni anno transmitti curavit, in quibus, quò majus auctoritati legibus stabilite momentum & pondus inde accederet, jussit, ut, sublatis istis corruptelis, singuli, quod sui muneris esset, illis urgentibus insipientibusque, gnaviter præstarent. Quod sanè consilium à piissimo Rege duplici nomine institutum erat, tum ut *Romana* superstitionis, quam sacerdotes, infano zelo acti, indulgentia concessa, majori protervia an insipientia, incertum, abutentes, ubique inter *Hibernos* disseminarunt, incremento iretur obviam, tum ut in mediis Puritanorum in *Anglia* semina seditionis clam in plebis animis jaecientium factionibus, hic & in *Hibernia* publicæ tranquillitati securius provideretur. Auctoramento hoc Regio munitus, acerrimisque monitis incitatus D. *Usserius*, (quod de reliquis pariter dicendum est) novis viribus conscientie & pastoralis curæ obligationi inde superadditis, ad sanctum opus sese alacrius accingens, quod in Provincia & Diœcesi sua, perperam & præter canones Ecclesiasticos actum fuerit, iterum reformare, inque integrum restituere sollicitè studuit: deinde viros nobiles aliosque, *Romana* communionis, quibuscum amicè & familiaritèr conversatus est, lenissimis colloquiis & argumentis



è scripturis sacris, Patribus, principiisque revelatæ Religionis & sanæ Rationis petitis, à fœda ista superstitione & erroribus, quibus ab incunabulis fuissent innutriti, in viam Evangelicæ Veritatis reducere aggressus est. Nec huic methodo (quam Suffraganeis reliquoque Clero sequendam proposuit) utpotè in Christianæ charitatis & sapientiæ regulis fundatæ, felix defuit successus. Denique cum numerosis è *Scotia* in *Uloniam* coloniis introductis, quamplurimi disciplinæ Presbyteranæ essent addictissimi, quibus non pauci ex advenis *Anglis*, eodem schismate infames, relictisque Ecclesiis in conventiculis coeuntes, mordicus adhæresere, hos immorigeros & pertinaces Sectariorum, ut oves in deviis errantes ad caulam communem bonus benignusque Pastor, redigere, tum crebris collationibus cum illorum Ministris habitis, illorum scrupulis & objectiunculis respondendo, tum blandissimis sermonibus & paterno amore illos omnes ad unitatem Ecclesiæ servandam invitando, omni occasione captata, maxima cum industria continenter laboravit. Sed pervicacissimi isti homines, paucissimis exceptis, omnibus argumentis suasibusque impervii, licet obmutescerent & planè animo convicti, in sinum Ecclesiæ atque ad publicos sacros cœtus nolebant reverti.

Eodem anno cùm Serenissimus Princeps *Wallia*, magna *Britanniarum* Princeps spes in palatio S. *Jacobi* XXIX. die Maii nasceretur, Rex optimus & *Wallia* piensissimus ex sensu divinæ bonitatis erga se subditosque suos, hoc clarissimo indicio palam omnibus ostensæ, ut Deo solennes gratiæ ob hoc auspiciatissimum futuræ felicitatis in Regia sobole stabiliendæ omen statò die, ex præscriptis precum formulis, ubique per universam *Angliam* agerentur, jussit. Nec famæ veloci, ultra mare citò transituræ, nudisque literis fidendum erat, nisi majoris tum benevolentia tum honoris causâ, ministri, ejusmodi muneribus obeundis deputati, hoc ipso nomine, huc illuc, prout expedire visum erat, ex auctoritate publica legantur. Quidam igitur è *Fecialium* Collegio, *Presfomus* nomine, titulo verò *Porticullis*, h. e. à *Cataracta* sive à porta dimissoria, nuncupatus (singuli enim titulis distinctis gaudent) literis Regiis munitus, mittitur *Dublinium*, Justitios & Consiliarios Regios hoc lætissimo nuncio de Principe recens nato impertiturus. Hi maximo gaudio perfusi, literis Regiis mox è prelo publici juris factis, rem universæ Genti communicant, speciatim verò D. *Usserio*, qui rure aberat, nondum integro robori à periculosa, qua decubuerat, ægritudine restitutus; si-

Ea de mul petentes, ut indicto die festo, quem ubique per universam Insulam magna cum solennitate celebrandum jusserant, *Dublinii* non solum adesse, sed & concionari vellet, si per valetudinem liceret. Ita suæ causa dic-  
festo *Usserius* ita D. *Usserius* bonæ existimationi consultum ivere Magnates isti. Ille  
lennem verò onus istud perquam honorificum, cui sustinendo imminutæ  
concio- quassatæque vires vix pares viderentur, maxima cum animi luben-  
nem ha- tia & alacritate in se suscepit & in ista augusta panegyri compa-  
bet. rens, in illa verba Psalmographi Regii Psalm. XLV. 16. Pro pa-  
tribus tuis nati sunt tibi filii: constitues eos Principes super omnem ter-  
ram, in Ecclesia Christi *Dublini* præclarissimè peroravit.

Cum vexatissimæ istæ de prædestinatione, præscientia, gratia, libero  
Gottschalei & arbitrio, reliquisque connexis articulis, quibus Ecclesia Catholica  
contro- olim gravissimè affligebatur, quæstiones diu sopitæ, à quibusdam  
versis xiosis Theologis, qui dogmatibus, subtilitatibusque scholasticis,  
Prædes- longè extra essentiam fidei positis, ex intemperanti zelo, mordaci  
tinatio- protervia, & nimio disputandi pruritu, indulgere, quàm ad sobrio-  
næ His- tatem sapere maluissent, ante seculum, potissimum in *Bavaria*, refu-  
toria ab scitatæ & acerrima animorum contentione ab utrisque partibus, quasi  
*Usserio* pro summa Christianæ Theologiæ pugnantibus agitæ fuerint, *Usserius*  
edita. *rius*, in hisce mediis digladiationibus non otiosus spectator stabat, sed harum eventum communi Religionis causæ funestum fore, tristi animo præfagiens, de iis placidè componendis non parum erat sollicitus. Ideo severa in harum controversiarum originem & progressum inquisitione facta, (a) post editos *Joannis Lasii de Pelagianis & Semi-Pelagianis* commentarios, ab anno DCXL. *Joanne IV. Pontificatum Romanum* ineunte, quo ille desit, eandem telam pertexere aggressus, ingentem observationum molem in Adversariis suis coacervavit, ut, singulis methodo perspicua dispositis, juxtaque temporum seriem accuratè digestis, quid Majores his in rebus senserint statuerintque, ad oculum quasi pateret, & repræsentaretur. Sed mox viri doctissimi, *Joannis Gerardi Vossii*, in lucem prodeunte (b) *Historia Pelagiana*, licet multa ab isto diligentissimo Auctore occupata fuisset reperisset, non tamen sibi à proposito superfedendum esse duxit; cum non modica aut continenda controversiæ Prædestinationis pars, aut omnino intacta, aut non satis diligenter discussa, relinqueretur, in qua

(a) *Hardewici. A. 1617.*

(b) *Lugduni Batav. 1618. 4o.*

qua illustranda penè infinitæ lectionis, indefessæ industriæ; solidique judicii vires explicaret. Qua de causâ librum (& primum quidem, ut ille alibi retulit, preli *Hibernici* partum Latinum) *Gotteschalci & Prædestinatiana controversia Historiam* continentem, eidem *Vossio* inscriptum, *Dublinii* A. MDCXXXI. edidit: in quo, omnes, licèt in hisce controversis articulis maximè diversi, consentiunt, multa lectu dignissima è codicibus MSS. & aliundè eruta, & quæ vel oculatissimos hæcenus lætuissent, reperiri, novamque inferri lucem disputationibus, ubique per *Galliam & Germaniam*, pro vario partium studio, à viris summæ dignitatis, & maximæ ob reconditissimam, ut illa ferebant tempora, eruditionem famæ: (quales certè fuere, *Hincmarus Remensis*, *Remigius Lugdunensis*, *Rabanus Maurus Moguntinus* Archiepiscopi; *Prudentius Tricensis* Episcopus, *Joannes Erigena Scotus*, *Rairamus*, Monachus *Corbeyensis*, *Florus*, *Lugdunensis* Diaconus;) & in multis synodis, putà *Moguntina*, *Carisiaca*, *Valentina*, *Lingonensis*, aliisque, tempestatis istius sedandæ causâ habitis, flagrantissimo zelo agitatis, quibus originem dederat *Gotteschalci* iste, *Orbacensis* Monasterii Monachus, circa A. DCCCXL. utpote qui sibi totam vel intricatissimam de hisce dogmatibus (a) S. *Augustini* doctrinam imbibisse visus est. In calce ejusdem *Gotteschalci* duas *Confessiones*, nunquam antea in lucem editas, adjici curavit D. *Usserius*, ipsi ab eruditissimo viro, *Jacobo Sirmondo*, S. J. communicatas: breviorē quidem ex MS. codice Abbatiz *Corbeyensis*, nunc in Bibliotheca Monasterii S. *Germani* apud *Parisinos* reperendam, alteram verò prolixiorē, ex quodam pervetusto codice exscriptam, quod in grati animi erga D. *Sirmondum* testimonium, publicè quoque, (sicut in privatis literis ad Amicos beneficium illud D. *Sirmondi* benevolentiz deberi agnovit) agnovisset Editor, nisi à modestissimo viro, ne in illius damnum & præjudicium apud zelotas *Romanenses* cederet, ut verisimillimum est, omnino fuisset inhibitus. Unde cuivis candido Lectori perpendendum relinquo, an censura ista à D. *Gilberto Mangano* in \* *Vindiciis suis Prædestinationis & Gratia*, rectè & probè D. *Usserio* impacta sit necne, quasi delusisset *Sirmondum*, quem fingit illarum copiam illi, ut sola privata lectione gauderet, fecisse. Quod planè nugatorium est, & vix à quoquam, aut ingenioso, aut prudente, admittendum.

A. MDCXXXII. Antiquitatum Patriarum, & præsertim Ecclesiasticarum, amore & studio incensus D. *Usserius*, veterum Epistolarum ab *Usserio*

I 3

(a) V. Epistolam CX. *Usserii* ad G. *J. Vossium*, in *Sylloge* p. 483.

\* Pag.  
90.

Veteres  
Epistolæ  
Hibernica  
ab *Usserio*  
ditæ.

*rum Hibernicarum Syllogen, quæ partim ab Hibernis, partim ad Hibernos, partim de Hibernis vel rebus Hibernicis sunt conscriptæ, nimirum à tempore Gregorii I. Pontificis Romani, ad finem duodecimi sæculi, Dublini edidit: quarum quidem aliæ in libris variis sparsæ, ad fidem codicum MSS. recognitæ, & inde emendatiores redditæ, occurrunt: aliæ verò hætenus ineditæ, quæ rerum curiosarum veteris ævi notitiam complectuntur, è Bibliotheca Cottoniana, & aliundè, erutæ; in quibus multa de controversia Paschali, quæ Britonibus & Hibernis, hac de causâ communionis Ecclesiasticæ violatæ & Quartadecimanorum hæreseos postulatis, de tempore, quo solenne istud Paschale festum esset celebrandum, cum Romana Ecclesia intercesserat, habentur: ad cujus consuetudines ritusque observandos non nisi post laboriosissimas disceptationes longum protractas, ægrè tandem persuadebantur. Quibus autem sopiendis non modicum pondus & momentum attulisse videtur erudita illa Cummiæ Hiberni ad Segienum, Huensem Abbatem, (a) Epistola circa A.C. DCL. scripta, è membranæ Cottonianis exscripta, & quæ hodiè ibi sub hoc titulo, Epistola Cummiæ directâ Segieno Abbati de disputatione Luna, unâ cum aliis venerandæ antiquitatis libellis, in eodem volumine comprehensis, sub Vitellio A. XII. exstat Epistolæ sanè hæ, quæ, ab omnibus veterem statum, regimen, jurisdictionemque istius Ecclesiæ penitus nosse cupientibus, legantur perquam dignæ sunt: in quarum recensione doctissimus Editor iudicium acre & solidum cum varia & multiplici lectione conjungit.*

Lites inter Archiepiscopos Armachanum & Dublinensem de præcedentia orta.

A. MDCXXXIV. non ita pridem renovabatur per duas trefve annorum centurias propemodum extincta, contestatio de *præcedentia inter Archiepiscopos Armachanum & Dublinensem*. Dum enim hic honorem primæ sedis Metropoli regni deberi contendebat, *Usserius*, non nisi averfissima mente in arenam, & quidem jussu Proregis, protractus erat, ne Primitialis dignitatis jura quæ tempore Antecessoris, amore Veritatis & justitiæ incensus, olim vindicaverit, jam deferere, & sibi successoribusque deesse videretur. Quò Antagonistæ ambitiosam vendicationem melius iret eversum, re ista ab antiquitate remotissima & ab ipsis Ecclesiæ *Hibernicæ* sub S. Patrio, istius Gentis Apostolo, stabilitæ initiis, ex archivis Ecclesiæ *Armachanæ* & regni Tabulariis, Historicè deductâ, quicquid documentorum controversiæ elucidandæ haberetur necessarium, in compendium redegit; quod licet in publicam lucem exire præ modestia

(a) Epist. xi. pag. 24.

destia noluerit, in Magnatum Præsulumque manibus versabatur, ut, quod iudices integerrimi & solent & debent, ex allegatis & probatis sententiam juxta æqui & iusti regulas pronuntiarent. Sed ne quicquam incommodi in Parlamento & Convocatione mox indicendis ex hac inficeta lite, licet omni cum decore alterutrinque agitata, Ecclesia caperet, Serenissimus Rex, illius indulgentissimus Patronus Nutritiusque, intercedens, firmato sedis *Armachane*, quod per tot secula obtinuisset, jure, controversiæ, nullo prætextu seculis venturis rursus fuscitandæ, literis in *Hiberniam* missis, finem imposuit, ac novo & majori honoris gradu superaddito, ex Regio jussu, ut Cancellarium Regni publicis congressionibus, in futurum antecederet Antistes *Armachanus*, ut hac ex parte Archiepiscopo *Cantuariensi*, isthoc jure in *Anglia* fruenti, par quoque redderetur.

Hoc anno ad finem vergente, illustrissimo viro, *Thoma* Vice-comite *Wentworthio*, summis fidei, sapientiæ, & fortitudinis elogiis *Hiberniam* gubernante, indicto Parlamento, simul pro more indicebatur generalis Episcoporum & Cleri Synodus, in Ecclesia Cathedrali S. *Patricii Dublini* celebrata, in qua Articuli Ecclesiæ *Anglicanæ* A. MDLXII. *Londini* conditi, facili, placida & penè unanimi (paucissimi enim in alterutra domo dissidebant) suffragatione recepti erant: non quidem disertim conceptaque verborum formula, abrogatis aut sepositis rejectisque, de quibus in anno MDCXV. convenerat, articulis, sed tamen ex consequenti, cum deinceps nullius essent auctoritatis & usus. Hoc autem ab Adfessoribus eo nomine factum erat, ut suam concordiam & *ipsius* cum Ecclesia *Anglicana*, quam si non, uti matrem & Magistram, saltem ut sororem natu seniore & nutricem, revereri oportuit, omnibus facerent manifestum. Ita se habet primus Canon, (quem D. *Usserius* totidem verbis composuit.)

Altera  
Episco-  
porum &  
Cleri *Hiberni*  
Convocatio  
*Dublini* in-  
dicta.

## I.

*De concordia Ecclesiæ Anglicanæ & Hibernicæ in professione ejusdem Christianæ religionis.*

Ob manifestationem nostra concordia cum Ecclesia Anglicana in professione ejusdem Christianæ fidei, & in doctrina Sacramentorum, nos recipimus & approbamus librum Articulorum Religionis, de quibus conveniunt  
inter

inter Archiepiscopos & Episcopos & Clerum universum in Synodo Londini A. MDLXII. ad tollendam opinionum dissensionem & consensum in vera Religione firmandum: Si quis igitur posthac affirmaverit, nullum ex istis articulis in aliqua parte esse superstitiosum aut erroneum, aut ejusmodi, ut illi bona cum conscientia subscribere non possit, excommunicetur ille, neque absolvatur, antequam suum errorem publicè revocaverit.

Ab isthoc tempore Articuli Anglicani pristinum suum robur, quod olim in Ecclesia Hibernica obtinuerant, repetière. Neque enim dubitandum videtur, quin omnes, quotquot sacris ordinationibus initiandi, & ad qualescunque dignitates Ecclesiasticas, aut curam animarum essent promovendi, iidem, post quartum Reginæ Elisabethæ annum, cum Hibernia, tam in sacris, quàm in civilibus, sub moderamine Regiæ majestatis, ab Anglia tota dependeret, quasi ex debito officio subscripserint. D. Usserium subscripsisse, ipse dilucidè testatur in \* concione habita coram Senatoribus Parlamentariis supra memorata, in qua omnes ad unitatem & pacem Ecclesiasticam acerrimè urget; ex hac justa hypothesi, istos nimirum articulos communionis nostræ mensuram, regulam, & basin haberi debere & esse. Quibus articulis jam subinductis, & cum alteris Hibernicis simul receptis, horum, si qui sint contrarii, discordes, planè novi, duriores, & neutiquam cum illorum sensu conciliandi, vim cadere, alii dixerint. Non enim hanc controversiam meam facio. Satis tamen constat, reverendos viros; dum res hæc ageretur, qui articulos istos in antecedente Convocatione stabilire ex nimio quorundam Calvinianorum dogmatum amore & studio curarunt, hac ex parte parum sibi cavisse, sive id ex subreptione, & minimè perpenſa consequentiarum vi, sive ex Theologorum diversæ partis sagaci industria & ingenio, qui unicam fidei Confessionem in utrisque Ecclesiis sub eodem Monarcha florentibus, admitti debere, longè consultissimum esse duxerunt, accidisset.

Quo famæ & existimationi apud suos læsæ aliquo modo consultum esset, D. Usserius, alique ejusdem sententiæ fautores, à sacri Ministerii Candidatis, ut utriusque Ecclesiæ articulis subscriberent, primò exegerunt: sed mox cessatum est: cum id periculum, ne dicam, scandalosum, videretur, duas Confessiones, in variis dogmatibus Theologicis discordantes, in eadem Ecclesia haberi, aut fidem

fidem & doctrinam Ecclesiæ *Anglicana* magna cum solennitate nuperimè receptam & probatam, istis prioribus dogmatibus admissis, denuò rejiciendam & improbandam esse. Cùm ergo vix quicquam præsidii in hoc effugio reperiendum esset, D. Proregem supplici oratione rogarunt, ut illius auspiciis, ope, & cura, articuli *Hibernici*, ante novendecim annos conditi, lege & sanctione Parlamentaria rati haberentur: ille autem huic propositioni inconcinnæ aurem aut facilem, aut patientem, præbere nolebat, imò, cùm illam paci publicæ maximè nocituram esse pro sagacitate sua præsensisset, summa cum indignatione averfatus est, & denique si fides *Scotis* Commissariis in acerbissimæ criminationis, Parlamento *Anglicano* A. MDCXLI. adversus D. *Straffordium* exhibitæ, articulis, sit adhibenda (a), D. *Usserio* aliisque, se, ni ab isthoc proposito abfisterent, ut articuli isti infami publici Carnificis manu flammis traderentur mandaturum, comminatus est.

Certissimè constat, quod ab illius Ecclesiæ Episcopis & Presbyteris sæpè sæpius accepi, à tempore restauratæ Monarchiæ & Ecclesiæ sub R. *Carolo* II. A. MDCLX. solos Ecclesiæ *Anglicana* articulos jam apud ipsos agnitos & in usu esse: *Hibernicos* verò dudum obsolevisse, & ab omnium memoria penè excidisse, & incognitos latere, ac si nunquam exstissent.

In eadem Synodo, five suggerente five proponente Viro doctissimo & præstantissimo, D. *Joanne Bramhallo*, nuper D. Proregi à sacris domesticis, Episcopo *Derenfi* & postea Archiepiscopo *Armachano*, & de Ecclesia *Hibernica*, si quis unquam, uti etiam de *Anglicana*, optimè merito, de integro Canonum & Constitutionum in Synodo, *Londini* A. MDCIII. & primo R. *Jacobi* I. anno celebrata, conclusarum corpore in usum istius Ecclesiæ admittendo, disceptatum erat: sed strenuè admodum intercessere D. *Usserius* aliique: tandem verò, litibus istis cessantibus, pacis causâ, omnes in unam hanc sententiam accessere, multos ex prælaudato libro *Canonas* seligi oportere; reliquis qui politeiæ Ecclesiæ *Hibernicæ*, & Gentis istius genio, indoli, moribusque magis convenirent, communi consultatione adjectis; è quibus simul commissis, novus ille *Constitutionum & Canonum Ecclesiasticorum* conflatus liber *Dublini* prodibat A. MDCXXXV. à Regia Majestate approbatus, & ejusdem

K

dem

(a) apud *Rushworthum* in historia judicii & sententiæ feralis in D. *Straffordium* latæ, pag. 775.

dem auctoritate sub magno *Hiberniæ* sigillo munitus & promulgatus, uti ex præfixo Instrumento liquet.

Non negandum est, D. *Laudum*, Archiepiscopum *Canuariensem*, virum sanè pacis & unitatis Ecclesiasticæ, inter universos Regiæ Majestatis subditos ineundæ, amantissimum & studiosissimum, in ista Synodo causam Religionis, consiliis, studiis, literisque maximè juisse, qui omnia à D. *Usserio* edoctus, in literis responsois decimo die Maji A. MDCXXXV. (a) scriptis, ipsi & Ecclesiæ, tum de meliori Cleri provisione auctoque redivit, tum de rerum in Synodo canonica & pacifica determinatione, sincerissimo cum affectu gratulatur: bona spe inde concepta, *Ecclesiam* Hibernicam, *novis hisce subsidii & intus & extra roboratam tandem iterum florere incepturam*. Nolebat interim opinionem suam in pectore celare, sibi longè melius & consultius fuisse videri, si integros canones, paucis emendationibus additis, coopassent. Sed cum illis aliter visum fuisset, in illorum placitis acquiescens, sanctissimum Numen exorat, ut cœlestem suam benedictionem iis impertiri dignaretur.

A. MDCXXXVIII. D. *Usserius* libellum ex concionibus, prius de eodem argumento habitis, digestum, mole quidem exiguum, sed usu magnum, de *Mysterio incarnationis* Filii Dei, sermone vernaculo *Dublinii* edidit. In quo sacro-sanctum illud Mysterium, neglectis Scholasticorum argutiis, & absque omni abstrusæ subtilitatis afflictatione, ex puris putis divinarum scripturarum fontibus haustum dilucidè explicatur, ut pii Lectores, vel mediocris captus, in doctrina & vita Christiana, facili sapientique documentorum, quæ passim suggerit, applicatione, ad praxin uberius erudiantur.

Egregius Anno MDCXXXIX. post longas moras, partim ex ignavia, partim liber de ex defectu typothetarum ortas, desideratum opus, cui per multos annos, Ecclesia nos, pertinacem operam impenderat D. *Usserius*, felicissimè *Dublinii* in lucem prodit: viz. de *Britannicarum Ecclesiarum primordiis*. In originibus Christianarum Ecclesiarum, in hisce occiduis mundi à *Palestina* & *Syria* tanta intercapedine dissitis regionibus, ab ultima antiquitate repetendis difficilis admodum ponitur labor, tum ob veterum historiarum defectum (extincto, enim illo lumine, omnia spissis tenebris sepulta jacent) tum ob sublestatam traditionis fidem, quæ fabulosa veris miscet, (ne quicquam de mentiendi & ab omni vero alienissima fingendi libidine, à scriptoribus Monachisque sequioris ævi arrepta, dic-

cam).

(a) V. in *Sylloge Epist.* CLXXXIV. pag. 476.



cam) ut nihil certi, quod mentem priscorum seculorum gesta cognoscendi desiderio anxiam sublevare possit, relinquatur. Quicquid verò Antiqui Scriptores, quicquid Recentiores de fide Christiana in hæce *Britannicas* insulas primò introducta enarraverint, superstitionis putidisque fabulis rejectis, utpote otiosorum hominum commentis, quod speciosiore similitudinem veri præ se ferat, Lectori dijudicandum relinquit. Sed postquam difficultates hæce eluctatus, perruptisque dumetis in liberio rem patentioremque campum transisset, ubi undique prospicerelicet, h. e. ubi fides rerum ex historiis constare poterit, reliquias Antiquitatum ex omni librorum, sive typis exscriptorum, sive in membranis latentium, genere, ubicunque & qualitercunque sparsas indefessa industria & defæcato iudicio in unum corpus collegit; adeo ut opus istud universæ Ecclesiasticæ Antiquitatis *Britannicæ* gazophylacium meritissimo jure appellari mereatur. Ne illud aliqua defloratione deturpare videar, meminisse tantum oportebit, integram *Pelagii Britanni* hæreseos, ab ipso introductæ, sequaciumque suorum, Historiam illic optima fide insertam fuisse: item de *Pictorum* ex *Scythia* & *Scotorum* ex *Hibernia* in *Britanniam* deductis Coloniais, de illorum ad fidem Christianam conversione, deque illorum Doctoribus: tum denique de *S. Patricio*, aliisque *Hiberniæ* sanctis, quamplurima, hæctenus aut parum, aut perperam cognita occurrere, quæ ex tenebris cruta nova luce illustravit. Quò verò hæc Collectanea, in *Saxonicis*, *Anglicis*, & *Scoticis* ad A. DCCCCXXXVII. in *Hibernicis* ad A. DCLXXVIII. passim producta, Legentibus utiliora fierent, ad calcem Indicem Chronologicum apposuit diligentissimus Auctor, cujus beneficio, quid quovis seculo gestum fuerit, vel leviusculè inspicienti patet. Dum verò ea frequentibus annis sub incudem revocaverit, quod in recensione miscellaneorum frequenti usu venit, multa emendavit, multa quoque ex noviter repertis propria manu addidit, quæ in editione *Londinensi* A. MDCLXXVII. reperiuntur. Hoc immortale opus Serenissimo Regi *Carolo I.* illius augustissimi Parentis *Jacobi I.* jussu & auspiciis susceptum, inscribit D. *Usserius*, quod in omnem seculorum memoriam illius celeberrimum erga Patriam amoris & observantiæ monumentum perdurabit.

A. MDCXL. (a) D. *Usserius* cum familia venit in *Angliam*, sed cum animo revertendi, utpote *Hibernia*, ut ille putavit, *pacatissimo statu*, iter.

K 2

(a) V. Epist. ad L. de Dien CCIII. pag. 499.

Ulti-  
mum  
Usserii in  
Angliam  
ita,

Impia &  
cruenta  
Hiberno-  
rum re-  
bellio.

In Scotia  
& Anglia  
sedition-  
es.

Purita-  
norum  
de refor-  
manda  
Ecclesiæ  
consilia.

Usserii  
de Litu-  
rgia & re-  
gimine  
Episco-  
pali sen-  
tentia.

in, relicta : quem non multò post facilitas suæ serió, & quidem do-  
lentissimè, poenituit, ibi nimirum erumpente scèdissima rebellionè  
XXIII. die Octobris A. MDCXLI. qua centena millia hominum re-  
formatæ Religionis, planè inermium & promiscuè cum vicinis Pontifi-  
ciis securè & tranquillè degentium, crudelissimè & immanissimè inte-  
riere. Sed in *Anglia*, quo appulerat, partim *Londoni*, partim *Oxonii*,  
partim *Cantabrigiæ*, studiorum causa, commoratus, Puritani seditiosi  
res novas molienti opportunitatem diu expetitam tandem laxi arripuerunt,  
confœderatis *Scotis*, quibuscum clam inierunt consilia, *Angliam* nume-  
roso exercitu invasuris. Hisce difficultatibus pressus Serenissimus Rex  
ordines regni iterum hoc anno *Westmonasterii* Novembris tertio conveni-  
re iussit, concepta spe, illorum ope & subsidio *Scoticanam* rebellionem  
extingui, tumultusque domesticos & exacerbationes populi, à Minis-  
tellis Presbyteranis, horrendum in modum delusi, sedari potuisse ; sed  
per horum & per Demagogorum in Senatu nefandas artes, pacificis op-  
timi Principis consiliis in ludibrium versis, omnia in pejus abiere, &  
ingruentia mala remediis nullis, aut sisti aut sanari poterant.

Puritana fæctione in inferiori Camera Parlamenti, dominante, de re-  
formanda Ecclesiâ sæpè deliberatum erat. Aliqui integrum Episcopale  
ordinem, tanquam disciplinæ veteri Apostolicæ adversum, imò  
Papisticum & Antichristianum, penitus eradicandum & evertendum es-  
se, fanatica rabie perciti contendebant : alii verò, de Puritanis loquor,  
( nam multi aderant, licèt numero inferiores, qui fidem erga Regem  
& Ecclesiâ intemeratam servavere ) sed longè moderatioris mitiorisque  
ingenii, jurisdictionem & potestatem Episcoporum, quam gravamen  
onusque intolerabile caussati sunt, minuendam, & intra arctiores ter-  
minos cogendam esse voverunt. Et fortasse hac ex parte boni quidem  
viri & strenui Ordinis Episcopalis assertores, ad malum istud fatale,  
quod nequitiam aliter evitari poterat, averruncandum, quippiam  
concedi posse censuere : in quorum numero *Usserius* recensendus  
est.

Cùm verò hac de re, sive à Serenissimo Rege, aut à Senatoribus  
consultus rogatusque, sive propria sponte sententiam dixisset, male fe-  
riati quidam homines, Presbyteranæ irruptionis & paritatis introducendæ  
studiosi, non modicum robur & auctoritatem in se suamque causam deri-  
vaturi, libellum ex apographo surreptitio scèdè exscriptum & interpola-  
tum sub illius nomine publicarunt : viz. *Archiepiscopi Armachani Consilia*

lia ( *Directions* ) Parlamento exhibita de Liturgia & regimine Episcopali. Archiepiscopus verò de hac violatione juris & læsa fama apud Adfessores inferioris Cameræ acerrimè questus est, qui de exemplaribus jam exstantibus, aut exstituris, ne divulgarentur, supprimendis brevi consulto providerunt, illos, qui secus fecerint, *cenſuræ ejusdem Camere obnoxios fore* statuentes. Sed hac ex parte D. *Uſſerium*, ex vehementi ineundæ pacis & concordiæ studio, schismaticis nimium indulſiſſe, ex genuino exemplari, quod in gratiam Presbyteranorum ex autographo A. MDCLVIII. edidit D. *Bernardus* hoc titulo : *Reductio Episcopatus ad Synodici regiminis in veteri Ecclesia recepti formam A. MDCXLI. à reverendiſſimo & doctiſſimo hujus Ecclesiæ Patre, D. Jacobo Uſſerio, Archiepiſcopo Armachano, & totius Hiberniæ Primæ, fatiſ liquet* : in quo, quatuor propositiones regimini & disciplinæ Presbyterali, à *Knoxio* reliquisque furiosis istius Ecclesiæ Reformatoribus introductæ, maximè conformes, nisi quod suffraganeos sive Chorepiscopos, Decanatibus ruralibus numero pares, juxta statutum XXVI. anno R. *Henrici VIII.* sancitum, & postea primo R. *Elisabethæ* renovatum, restituendos vellet conciliator, utrumque regimen Ecclesiasticum in unum conjuncturus, continentur. Sed annon, potestate, sive ordinis, sive jurisdictionis, ipsis peculiari, exuti Episcopi, merum & inane nomen & umbra fiunt? utpote solo sive Episcoporum sive *superintendentium* (sic enim illos promiscuè nuncupare ad libitum licebat) sive *Præsidum* sive in Synodis Ecclesiasticis *Moderatorum* titulo relicto. Ita indebita hac *εὐκαταβόητος Uſſerius* se in istis turbulentissimis temporibus Episcopalis Ordinis, quæ imminabat, & mox secuta est, subversioni obviam iturum sperabat, quem, hoc pio proposito candidè admiſſo, omnes æqui rerum æſtimatores excuſabunt. Hæc verò tum serenissimi Regis tum illius pacifica consilia, tunc temporis, uti & postea in Collatione in *Velli* Insula, cui Regio jussu, ille cum aliis reverendiſſimis Episcopis & Theologis itidem illuc accersitis, interfuerat, A. MDCXLVIII. ad finem vergente inter Regem & Commissarios Parlamentarios habita, sprevit rebellium schismaticorum furor, qui eversa, quantum in illis erat, Ecclesia *Anglicana*, triumphatisque Episcopis, soli regnare, imò nefariam tyrannidem exercere cupiebant: quod, Deo permittente, tristissimus rerum eventus mox demonstrabat. Hæc autem, quibus Episcoporum dignitas imminuebatur, concessionibus ex necessitate temporum or-

ta, *Usserio* rigidè imputari non debent. Quàm enim erecto animo, quanta eruditione, & quàm sincerissima mente hoc ipso tempore Apotolicam Episcoporum originem & institutionem ille propugnauerit, ex libris editis, mox videbimus.

*Usserius*  
coram  
Dominis  
superio-  
ris Ca-  
meræ  
Parla-  
menti  
concio-  
natur.

Indictio solenni jejunio, die Decembris vicesimo secundo A. MDCXLI. coram Dominis superioris Camera Parlamenti concionem habuit *Usserius*, in qua, quin ille officio suo probè functus fuerit, vix dubitandum videtur: quam cum Bibliopola quidam *Londinensis*, notis compendariis ab ipsius ore exceptam lucris causa publicaverit hoc titulo: *Vox Hibernie*: sed crasse, imperfectè, & sine debita aut verborum aut sensus connectione; ille de turpi hac injuria, ipsius famæ inflicta, querelas, libellis supplicibus comprehensas, apud Magnates, qui interfuerant, interponere, sua interesse duxit; quibrevi scito edito, Præfectis societatis Bibliopolarum *Londinensium* injunxere, ut supposititius iste libellus supprimeretur. Hæc duo scita in sui vindicias *Usserius* ad calcem *Disquisitionis de Lydiana Asia* A. MDCXLIII. *Oxonii* impressæ publici juris fieri curavit.

Quomodo se gesserit *Usserius* in causa *Straffordiana* ostenditur.

Cum fatale internecinumque odium sibi apud Puritanos factiososque *Anglos*, & *Scotos*, illustrissimus D. Comes *Straffordia Hibernia* Prorex, Vir excelsi animi, & constantissimæ & inconcussæ erga Regem & Ecclesiam fidei, forti, ne dicam, rigida rerum *Hibernicarum* administratione, conscivisset, partium adversarum, in Camera inferiori *Corryphæi* Monarchiæ jura minui, aut Ecclesiæ sacros ritus, cultum, & disciplinam pessundari non faciliè posse, nisi post extinctos perditosque D. *Straffordium* & D. *Laundum*, Archiepiscopum *Canuariensem*, pro comperto habentes, ambos horrendis criminationibus oneratos oppressosque, quasi inductis arbitraria potestate & *Romana* superstitione, fundamentales regni constitutiones & jura essent everfuri, in Comitibus Parlamentariis tertio Novembris A. MDCXL. indictis, læsæ majestatis reos peregere. Comes verò numerosis articulis coram *Paribus* suis, ad quorum tribunal in foro *Westmonasteriensis*, maximo cum apparatu, Rege

Rege & Regina præsentibus, permultos dies sistebatur, promptis animo & lingua, prudentissimè respondens, sese criminibus, ab inferioris Cameræ Commissariis objectis intentatisque, purgat, & si quid peccatum fuisset, quod vix humana sapientia præcaveri poterat, dum *Hiberniam* summa potestate regeret, totum illud in censum læsæ majestatis venire neutiquam per leges aut posse aut debere ostendit. Rejecta igitur hac methodo, aliam, si non omninò novam, saltem per centum annos desuetam & perniciosiorem, Actores isti iniere, viz. per *billam attinelluræ*, ut phrasi nostra municipali utar, ex vi legislationis: quam tandem, post acerrimas concertationes, malis artibus, majori suffragiorum numero obtinuerunt. Hæc quoque ad alteram Dominorum Cameram delata plures ibi, aut odio & invidia perciti, aut blanditiis iretiti, aut minis consternati, cessere. Sed utriusque Cameræ scita absque Regio assensu, in quo summa, propria, imò & unica potestatis legislativæ ratio consistit, nihil valent: cui procurando intercessere difficultates non adeò faciliè superandæ. Rex enim fidelissimum ipsius Administrum, istius criminis, quod nos vernacula lingua nuncupamus *High Treason*, non ritè, imò & perperam insinulatum fuisse, animo & conscientia convictus, *Bille* calculum suum adjicere nolebat. Quomodo verò ad id, à quo tantoperè abhorruit, adigi potuerit, explorare Demagogorum erat labor & opus. Primò igitur cives, alique ex infima fæce populi incitati, inconditis clamoribus *Straffordium* ad eandem adpostularunt, quasi esset hominum scelestissimus, & universæ Gentis *Briannica* piaculum, libellis editis, illo superstite, publicam pacem periclitari, omnia ad interitum ruere, & de Republica protenus actum iri, congestisque in piissimum & clementissimum Regem spurcis convitiis, vociferantes, de ipsius, deque Regiæ familiæ salute non aliter esse prospiciendum. Quid autem in hac difficillima rerum perplexitate agendum erat? Non enim illius conscientia verbis minacibus, atroci violentia, insipientisque plebis ad portas Aulæ & ubique in plateis comminationibus, sed gravissimis rectæ Rationis & Theologiæ sanæ, & ab omni seculari politica integræ, principiis sedari potuit. A *Paribus* igitur ad Regem mittuntur quatuor Episcopi, *Usserius* Armachanus, *Morrisonus* Dunelmensis, *Guilieimides* Lincolnensis, & *Potterus* Carleolensis, qui ex ipsius animo scrupulos eximerent; abludit enim ab omni verisimilitudine, Regem unum & alterum ex his, præsertim *Guilieimidem*, quem maximè infesto erga *Straffordium* animo esse, auraque populari post nup-

pe-

peram ex diuturno carcere liberationem tum temporis afflatum noverat, inter Consultores nominari voluisse. Nono die Maji, qui Dominicus erat, tres Episcopi convenerant, quibus Rex *Juxonum Londinensem* adjungi jussit, absente *Usserio*, quem quidam ex domesticis Regiis ad accersendum missus, in Ecclesia *S. Pauli Convent-Garden* in media concione perorantem (ibi enim diebus Dominicis sacro isto munere fungi consuevit) reperit: sed redit incomitatus: *Usserio* respondente, se jam *Dei negotiis occupatum, iis confectis, ad Aulam properaturum*. Potuit sane *Usserius*, ut ego facile inducor, ut credam, sine offensa Dei & bonorum hominum scandalo, imò debuit, relictis rostris, stitisse cursum orationis, in re maximi momenti, qualis erat anxie mentis pientissimi Principis tranquillitas, procuranda. Cum in argumentis propositis, tanquam inanibus *Apoxyritus*, Rex minime sibi acquiescendum esse pro pietate sua duxerit, res ista ad disceptationem alteram vespere habendam prorogatur. *Usserius* tunc aderat, una cum reliquis, qui, inter se consultationibus prius habitis, Regi porismata hæc, de quibus convenisset, D. *Juxono* suam sententiam non interponente, ut *rem facti & legis esse distinguendam & discernendam: quod ad rem facti spectat, de illo Regem posse judicare, si ipsi constet; istorum criminum Comitum non esse rem, sententie ferali nullo modo consentiri jure posse: quod verò ad rem legis spectat, h. e. de natura & ratione criminis læsæ majestatis, an hoc aut illud factum in isto reatu involveretur, illum in sententiis Judicum, quorum est interpretari legem, & qui jurejurando adstringuntur, ut justos & æquos arbitros erga omnes, nullo discrimine habito, sese gerant, acquiescere oportere*. Hinc postea in infamiam *Usseriani* nominis spargebatur calumnia isthæc, quasi ille ex similitudine in mente olim contra *Siraffordium* ob rejectos ex consequenti per articulorum Ecclesiæ Anglicanæ admissionem articulos *Hibernicos*, olim concepta, Regi ad consentiendum cædi *Siraffordiana* persuasisset. Quod ille præfractissimè negavit omni tempore, & præsertim instante periculo mortis, dum in *Wallia* circa A. MDCXLV. moratus sit, à D. *Parro*, ipsi à sacris domesticis, an res ita se haberet, interrogatus, appellavitque ad Regem, qui illum, ut dixit, ab hoc crimine impacto vindicare potuerit, si vellet. Et sanè voluit Rex, quod *Usserius* exspectavit. Cum enim de morte *Armachani* rumor *Oxonii* brevi percrebuisset, dixit Rex, hoc nuncio audito, non sine debitis pietatis & meritum illius elogiis admittis, se dolere: cui cum quidam ex præsentibus Aulicis respondisset, se quoque doliturum, si Majesta-

tem

tem vestram ad *signandam* contra D. *Siraffordium* *billam* suasionibus suis non induxisset, Rex non parum commotus, *id esse falsum* replicavit; addens, Archiepiscopum, illum mox adeuntem, lachrymis obortis interrogasse: *Ab Domine, quid fecisti! vereor, ne scitum hoc ingentem conscientia vestra molestiam deinceps sit illaturum: Deumque veneror, ne ex hoc consensu* (extorto planè) *quippiam mali, inde oriuri, Majestati vestra contingat.*

Non conveniebat ingenuis, placidis, sanctisque D. *Usserii*, quo nemo erat ab omni dissimulatione alienior, moribus inimicitiam in imis præcordiis reposuisse, & per tot annos tempus vindictæ opportunum præstolari: in quo convitio planè ficto & perperam supposito, post invictum istud D. Regis testimonium, quod nemo sanus in quæstionem vocare poterit, refellendo, non est, quod multis laborem. Ab isthoc tempore, dum ambo in *Hibernia* manserint, sincera inter Proregem & Archiepiscopum intercessit amicitia, sine vel minima læsæ bonæ voluntatis suspicione alterutrinque orta. Postea autem, cum in ipsis motuum civilium, in cruentam rebellionem citò erumpentium, initis illustissimus Comes sub prætextu auctoritatis Parlamentariæ, & libertatis populi vindicandæ in Turrim *Londinensem* conjiceretur, illum ibi sæpe tum ad testandum affectum, tum honoris & veteris amicitiae causa, piis salutaribusque consiliis illum ad cruentam mortem Christianæ & fortiter oppetendam adjuvans, & in animæ solatium cœlesti viatico & sacerdotali absolutione muniens, invilere solebat, & cum fatalis hora instaret, ad ferale istud pegma, illum comitatus est, illius mentem adversus mortis metum, in isto extremo agone, si opus fuisset; sed non opus erat: (nemo enim è veteribus *Romanis* heroibus, nemo è Christianis, aut majori constantia & fortitudine, aut meliôri pietatis sensu tristissimæ isti ac immeritæ neci succubuit) Christianis documentis firmaturus.

A. MDCXLI. Cùm famosi libelli, insulsi, indocti, & spurcissimi mendacissimisque convitiis sufferti, contra sacrum Episcopalem ordinem, quem Schismatici Ministelli radiciter evellendum esse, tanquam Antichristianum, fanatica rabie efferati, cupiebant, per universam *Angliam* volitarent, venerandi Præsules, omnesque benè morati Ecclesiæ *Anglicanæ* filii, libris editis, concionibus, colloquiis, suavisque cum omni mansuetudine adhibitis, populum, ad insaniam usque miserè delusum, ad pacem & unitatem Ecclesiasticam servandam

Hac ex parte vindicatur *Usserius*.

Libri in defensionem ordinis Episcopalis à multis editi.

Etiam  
& ab Uffe-  
rio, viz.  
de Epifco-  
porum &  
Metropo-  
litanorum  
origine:

&

Disquifi-  
tio de Ly-  
phica &  
Hiftorica  
Disquifi-  
tio de Lydiana  
five  
Proconfulari  
Asia.

allicere pro virili ftuduerunt. Sed fruftra: peftis enim immaniffimè fæ-  
viens nullis remediis erat expugnanda. Inter quam plures alios didacti-  
cos, fuaforios, & apologeticos libros pro Epifcopatu editos, quorun-  
dam Opusculorum à viris, tam pietatis & orthodoxæ fidei, quam eru-  
ditionis fama insigniffimis, putà *Richardo Hookero*, *Lancelotto Andrea*,  
Epifcopo *Wintonienfi*, & *Edwardo Breerwoodo*, conſcriptorum Sylloge  
prodiit *Oxonii*; in qua etiam comparent duo D. *Ufferii* tractatus, quo-  
rum unus infcribitur: *De Epifcoporum & Metropolitanorum origine*, præ-  
miſſis quibusdam breviculis ex *Martino Bucero* & *Joanne Rainoldo* de  
eodem argumento excerptis. Ille enim à reverendiſſimo viro D. *Joſe-  
pho Hall*, tunc *Oxonienſi*, mox *Norwicenſi* Epifcopo, qui non minus  
nervofè & ftrenuè, quàm argutè & ſcitè ſacram Epifcoporum cauſam  
contra tumultuantes ſchiſmaticos tutatus fuerat, rogatus, in priori ſe-  
riem & ſucceſſionem Epifcoporum à temporibus Apoſtolorum deducen-  
dam eſſe, ex veterum Patrum, ſecundi nimirum & tertii ſeculi, ſcrip-  
tis clarè oſtendit: item Angelos ſeptem Eccleſiarum *Aſiæ* fuiſſe viros  
ſingulares, qui iſtis Eccleſiis præſidebant, & Epifcopos propriè &  
diſtinctim à Presbyteris ſecundi ordinis dictos: hæc denique ſeptem  
urbes, ubi primævii iſti Epifcopi ſuas ſedes habuere, fuiſſe metropo-  
les, quibus vicinæ urbeculæ & oppida ſubjacebant, aliasque ſedes me-  
tropoliticas per *Romayum* Imperium ſparſas, juxta formam & distribu-  
tionem civilis juris legibus imperatoriis ſtabiliti, olim obtinuiffè memo-  
rat, ut nulla juſta de hac ſupereminenti Archiepiſcoporum dignitate &  
poteflate, ad canonas Eccleſiaſticos exigenda, in animo oriri poſſit du-  
bitatio. Alter verò, huic connexus, hoc titulo inſignitur, *Geogra-  
phia & Hiftorica Disquifi-  
tio de Lydiana five Proconſulari Aſia, & de  
ſeptem Metropolitanis Urbibus in illa comprehenſis*: & poſteà novis curis  
recognitus & amplior redditus, *Oxonii* MDCXLIII. cujus compen-  
dium olim à me Anglicè ſcriptum, & in vita ipſius grandi Epiſto-  
larum collectioni præfixa *avardæi* inſertum, hic Latinè interpretabor.

Poſtquam reverendiſſimus Auctor, admirandam planè in Geogra-  
phia veteri & Legibus imperialibus peritiam, ut melius iſtorum  
temporum hiftoriæ Eccleſiaſticæ & civiles intelligerentur, utpote ex  
quibus varias minoris *Aſiæ* provincias, puta *Aſiam*, *Cariam*, &  
*Lydiam*, (ſub quarum poſtrema vicinæ *Ionia* & *Æolidis* regionès  
erant comprehenſæ) definivit & determinavit, in initio hujus Opusculi  
oſtendiſſet, ille ſtatim demonſtrat:

1. *Aſiam*



1. *Asiam* in Novo Instrumento memoratam intra limites *Lydiae* contineri, unamquamque ex his septem Urbibus fuisse Metropolim; & ideo juxta hanc civilis regiminis partitionem, in sedes eminentissimarum *Asie* Ecclesiarum fuisse adaptatas.

2. *Romanas* provincias non semper fuisse easdem, sed prout ratio politices exigebat, & ut facilius & securius administrarentur, sæpe variasse, & varias subinde mutationes admisisse: certum est enim partitionem imperii sub *Augusto* longè aliam esse ab illa, quæ sub *Constantino* obtingebat: quo tempore *Asia* Proconsularis soli *Lydiana Asia* astringebatur: grandi ista jurisdictione, quam olim obtinuerat, jam valde contracta, & discrimine inter Proconsularem *Asiam* jurisdictioni Proconsulis subditam, & *Asie* Diocesin, à Vicario seu Comite *Asia*, sive *Asiana* Diocesanos administratam, invecito: in temporibus etiam sequentium Imperatorum novas quoque mutationes contigisse, in illa verò dispositione sub *Constantino* ordinatum fuisse, non nisi unam metropolim in singulis distinctis provinciis admitti debere: cum earundem numerus antea fuisset multiplex. Dicendum est tamen, legem hanc sub illius successoribus non semper invariata mansisse: hi enim interdum, ne quorundam Episcoporum, acriter de titulo isthoc ob opulentiam & amplitudinem civitatum, quibus præsidebant, contententium, ambitioni satisfaceret, duos Metropolitanos in una provincia nuncupari & esse permisisse.

3. Respectu ad hanc *Constantini* constitutionem, *Ephesum* (ubi Deputati istarum provinciarum, *Asia τὸ κοινὸν* sive *Commune Concilium* constituentes, solennes conventus habuere, & quæ olim præcipua Urbs habita fuisset) hujus novæ Proconsularis *Asie* factam fuisse solam metropolim: cujus Proconsul ab auctoritate & jurisdictione Præfecti Prætorio erat immunis. Ac proinde in Ecclesiastica rerum administratione, ad conciliandum majorem huic inclytæ sedi splendorem, Episcopum *Ephesi* non solius Proconsularis *Asie*, sed etiam omnium Provinciarum in totius *Asiana* Diocesanos (de qua amplum in modum differit) ambitu comprehensarum Primatem sive Exarchum habitum fuisse, illumque quandam jurisdictionem Patriarchalem, ipsi ex consequenti collatam, interdum exercuisse.

Denique non modicam inter civilem & Ecclesiasticam jurisdictionem harmoniam fuisse, & proinde ex justa illatione cujusque Provincie Episcopos Metropolitanis, i. e. Archiepiscopo, subditos & sub-

ordinatos fuisse, sicut reliquarum inferiorum civitatum Magistratus Præfidi, sive summo iustius Provinciæ Rectori, subjacebant.

MDCLXI.  
Rebellio  
Hiberno-  
rum.

Exeunte hoc anno, frequentes ex *Hibernia* advolarunt nuncii de scēdissima illa *Hibernorum* Pontificiorum rebellione nuperrimè exorta, de lanienis & cædibus Protestantium, de rapinis, de incendiis, deque horrendis stragibus ubique perpetratis, adeò ut de ista Insula, excusso *Anglorum* imperio, omninò actum videretur. In istis Patriæ ruinis gravissima mala perpessus est D. *Usserius*. In *Ullonia*, ubi teterrima ista pestis maximè grassata est, prædia ædesque illius ferro & igni vastatæ, frumentum præteritæ messis in horreis repositum, boumque & ovium ingens copia perduellibus in prædam cessere: redditus, quos ad sumptus in *Anglia* faciendos à Colonis Tenentibusque ipsius solvendos expectaverat, intermissi, imò, & perdit, nec deinceps percipiendi; nihilque jam in *Hibernia*, quod sui juris esset, relictum, præter Bibliothecam, de qua postea dicendum erit, non nisi singulari divinæ bonitatis indicio, integram servatam: nec in *Anglia* quicquam ad alendam familiam in peculio habuit, præter suppellectilem argenteam gemmasve, quas aut vendere, aut saltem oppignerare cobeatur. Omnia hæc incommoda forti & verè Christiano animo sustinuit *Usserius*. Sed cum D. *Potterus* Januario sequente è vivis excessisset, serenissimus Rex, ad damnum illud aliquo modo sublevandum, Episcopatum *Carleolensem* jam vacantem à D. *Usserio* in *Commenda*, uti Jurisperiti loquuntur, *tenendum* concessit. Sed *Scotis* militibus, post nuperam in *Angliam* irruptionem, provincias istas septentrionales insidentibus, quorum continuis deprædationibus erant obnoxii, nec longè aberat exercitus Regius, vix quicquam certi aut magni emolumenti percipere potuit. Post, ordine Episcopali penitus everso Patrimonioque sacro à sacrilegis schismaticis occupato, & suis sequacibus vilissimis conditionibus & longè infra valorem, distracto & vendito, D. *Usserio*, quem ob suam pietatem, eruditionem & moderationem, revereri præ se tulerint, quadringentas libras sterlingicas ex fisco in annuam pensionem assignari curarunt: Sed non diu duravit hæc quasi extorta liberalitas.

Scribit *Bernardus*, circa hoc tempus D. *Usserium*, in tanta rerum perplexitate positum, à Cardinale *Richelio*, qui res istius regni summa, ne dicam, arbitraria, potestate, & penè solus moderaretur, in *Galliam* invitatum fuisse! ut *Anglia* jam motibus intestinis agitata, illic ab omni periculo & molestia liber, nulla vi conscientie in sacris illata, Regia munificentia

nificentia suffultus, animum studiis intenderet. Sed nescio qua fide hoc ille asseruerit. Non vanus autem suspicor, errorem inde profluxisse, quod idem amplissimus Cardinalis post acceptum D. *Usserii* de *Ecclesiasticarum Britannicarum primordiis* librum, ante duos annos editum, honoris & observantiæ causa, illum numismate aureo, cui incisumerat ipsius caput, donaverit. *Usserius* verò gratum hoc & insigne munus canibus Leporariis, quales *Hibernia* parit, utpote ubivis gentium famigeratos, rependendum, fortasse id rogatus, curavit. Constat sanè (a) serenissimam Reginam *Annam Austriacam*, illum ad regnum istud florentissimum post decennium vocasse: sed quibus conditionibus, id mihi planè inexploratum est. Penes eundem Auctorem fides esto, an eodem quoque tempore Curatores Academiæ *Lugduno-Batava* *Usserio* Professoris honorarii munus obtulerint, nec ne: quod licet summi viri, *Josephus Scaliger* & *Claudius Salmasius* suscipere & amplecti non dignati fuerint, ille supereminentem istam, quam nactus est in Ecclesia, dignitatem inani isthoc titulo dedecorare nolebat. Quævis gens de tanto hospite excipiendo meritò contenderet: in istis tamen turbulentissimis temporibus apud interioris admissionis amicos domi latere & consensescere, quam prodire foras, & quasi in Theatro comparens, exterorum plausibus excipi, longè potius & expetibilis duxit.

MDCXLII. Rege ab Urbe, in qua per seditiosos ferocientesque ci-  
ves, citra periculum diutiùs morari non licebat, discedente, nullaque  
spe dissidia, inter Regem & Senatum *Westmonasteriensem* orta, aut pa-  
candi aut tollendi jam relicta, *Usserius*, impetrata venia, *Oxonium* pro-  
peravit, ut ibi mentem publicis malis fauciam repetitis literarum studiis  
leniret & solaretur.

Vergente versus finem anno, post prælium in campis *Keintonianis*  
prope *Edgehill* in provincia *Warwicensi* inter Regios & Parla-  
mentarios commissum, Rex, comitante exercitu, rectà *Oxonium* petiit;  
ibi castra stativa habiturus. Sequentè Dominica coram Regia Ma-  
jestate concionatus est D. *Usserius*, qui argumentum sacræ orationis  
ad res in turbatissimis istis temporibus subinde enatas attemperare no-  
rat: nec semel tantum, sed frequenter, Rege jubente, isto sacro  
munere isthic defungi consuevit.

L 3

Iisdem

(a) V. D. *Usserii* Epistol. CCCVI. ad *Arnoldum Boetium*, Londini 29. No-  
vembrii 1651. scriptam, in *Sylloge* pag. 622.

R. Caroli  
ius propo-  
sitionis ad  
Papif-  
mum in-  
troducendum  
falsissi-  
mè postu-  
latus.

MDCXLIII. Iisdem artibus ac strophis, quibus pōpulum, contra ejusmodi insidias præstigiisque non satis cautum, ad arma contra Regem fumen-  
da primò induxerunt rebellionis Architecti, usque & usque uti perrexere :  
Regem nimirum de religione, legibus, & jurius Parlamentorum totiusque  
populi Anglicani evertendis arcana consilia in pectore suo olim habuisse,  
adhucque alere : quo convitio, ut ut mendacissimo, & ab omni spe-  
cie veri alienissimo, nulla potentior machina ad quassandam subditorum  
fidem excogitari potuit. Licet autem innocentiam suam publicis edictis  
sæpè sæpius, invocato Dei nomine, testatus fuerit optimus Rex, ean-  
dem tamen dicam toties confossam falsique convictam, majori impuden-  
tia, ad denigrandam illius famam impigere impii, perjuri, & sacrilegi  
calumniatores. Cui ut magis magisque obviam iretur, novam innocent-  
iæ suæ ascendæ methodum inire pientissimo Principi placuit.

R. Caroli  
protesta-  
tio.

Rex sacrosancta corporis & sanguinis Christi in sacello ædis Christi  
Oxon. flexis genibus percepturus, dum D. Ufferius, ea exhibiturus, ac-  
cesserit, indicto facto, ut brevem moram faceret, surrexit ex pulvinari,  
& erecto corpore stans, illum clara voce ita affatus est.

## MY LORD,

*I espy here many resolved Protestants, who may declare to the world, the  
resolution I do now make. I have to theut most of my power prepared my soul  
to become a worthy Receiver : and may I so receive comfort by the blessed  
Sacrament ; as I do intend the establishment of the true Protestant religion ,  
as it stood in its beauty in the happy dages of Queen Elisabeth, without  
any connivence of Popery. I bless God, that in the midst of the publick  
distractiōns. I have still liberty to communicate ; and may this Sacrament  
be my damnation, if my heart donot joyn with my lips in this Protec-  
tation :*

hoc est,

## MY LORD,

*Video hic multos benè firmatos Protestantes, qui propositum illud, quod  
jam profero universis declarare possim. Ipse, pro viribus meis, quantum pos-  
sem, animam meam preparavi, ut dignè communicem : & ex hoc benedicto  
Sacramento solamen eatenus percipiam, prout apud me statuo veram Protec-  
tanticam religionem sicuti in felicibus Regina Elisabethæ temporibus in pulchri-  
tudine*

*indine sua floruit, stabilire, sine aliqua Papismi coniventia. Benedico Deo, quod in mediis hisce publicis rerum confusioibus, adhuc fruatur libertate communicandi : & in damnationem meam cedat hoc Sacramentum, si cor meum labiis meis in hac professione non conveniat.*

Protestatio hæc solennis D. *Armachano* coram aliquammultis Proceribus, aliisque celebrioris notæ viris tunc præsentibus, facta, mox typis exscripta erat : quam in hoc Commentariolo inferendam duxi, ne memoria ejus unquam intercitat : & eò quidem lubentiùs, quod ne millesimus quidem illorum, qui hodiè vivunt, de illa vel fando audiverit. Et faciliè quidem & justis de causis crediderim, neminem præter rebelles schismaticos, & impios flagitiosissimorum Regicidarum nepotes, R. *Carolo I.* quo nemo fuit sanctissimi Numinis reverentior, ita sub diris obtestanti diffidere, reclamare, & refragari posse.

Hoc anno suppressa publico edicto, sive *ordinatione*, ut appellant, *Synodus Anglicana*, ab ipsis Reformationis initiis sapientissimè institutis, ne omnem religionis curam abjecisse viderentur Parlamentarij *Westmonasterienses*, *Conventionum Anglicæ*, an *Assembly*, Theologorum ibi celebrandum indixerunt, quorum arbitrio, ipsis tamen approbaturis, commissum erat, ut novam fidei & doctrinæ confessionem, novamque sacri cultûs formulam. Quales verò fuerint istius novæ & hætenus in *Anglia* inauditæ Synodi, ex Clericis Laicisque constata, Adfessores, non parùm interesse puto, ut posteri norint. Plerique classicum ad bellum contra Regem gerendum ejurata fide, in pulpitis cecinerant, & in Hierarchiam, ab omni tempore in Ecclesia Catholica stabilitam, impudentissimis spurcissimisque libellis, apud vulgus quaquaversùm sparsis, & procacissimis concunculis furore fanatico perciti, fuerant debacchati. Præclari quidem Mystæ istis egregiis muniis obeundis maximè idonei ! Non negandum est, versutos homines ad quandam sive gratiam sive auctoritatem sibi conciliandam, quosdam ex Episcopis, Presbyterisque, qui nondum ab illorum bona existimatione excidissent, intermisceri voluisse. In quibus, ut alios taceam, D. *Usserius* venit nominandus. At ille, quod de cæteris venerandis Præfulibus dicendum est, satis gnarus, intolerandum schisma inde enasciturum, multasque prodigiosas in detrimentum, imò & perniciem, veræ Religionis & Ecclesiæ mutationes ex necessitate suborituras esse, illos ne præsentia sua vel semel dignari voluit, & ab isto malignissimo

*nantium* cœm prorsus abstinuit. Detracta enim sanctimoniz, qua scelestata consilia prius obtexerant larva, *Usserius Oxonii* sub castrorum Regiorum præsidio tutus, rebellionem jam aperta facie ubique grassantem ex animo execratus est multosque concionibus assiduis, colloquiis, hortatibus, solutionibus dubiorum & casuum conscientiz, scriptisque ad absentes transmissis, nutantes in fide erga Regem præstanda confirmavit, lapsosque restituit. Nec id diu factiosos rebellesque *Westmonasterienses* latere potuit, qui ex communi suffragatione lata illius nomen ex albo Adfessorum expungendum iussere: quod honori & beneficii loco *Usserius* duxit. Sed non hic substiterunt Presbyteranorum furor & indignatio; mox enim luebat pœnas, licet maximè immeritas, constantiz ac probitatis suæ. Commissarii *Delinquendum* (ita enim quotquot ex sensu religionis & conscientiz Regias partes in istis fatalibus dissidiis secuti fuerint, pro modestia sua nuncuparunt) prædiis bonisque mobilibus, ubicunque tyrannis ista sub dominante exercitu, illorum jussu conscripto, extendi potuerit, diripiendis, inque suum usum convertendis, deputati, ingentem, & quidem selectam, librorum copiam, aut secum ex *Hibernia*, cum reliqua sepellectile ad domesticos usus necessaria, comportatam, aut pecuniis, rebus adhuc prosperis, nuper redemptam, in Collegio *Chelciano*, prope Urbem sito, tanquam in Sanctuario ab omni militum violentia immuni, uti sacrum depositum, relictam, armata vi occuparunt: quam publica auctione essent venundaturi, nisi D. *Featleys*, vir perdoctus, orthodoxusque Theologus, nondum ex ista Synodo, ob fidem, quam erga Regem & Ecclesiam clam retinuit, exauktoratus, & D. *Seldenus*, tunc temporis magni nominis Adfessor, sive precibus, sive pecuniis numeratis, intercessissent: quorum utriusque junctis operis & cura, thesaurus ille literarius, licet non integer, (exspoliatus enim erat & codicibus quibusdam impressis & schedis manuscriptis mutilatus) conservabatur, D. *Usserio* aliquanto post tempore restituendus.

Epistolæ Ante multos annos *Usserius* Epistolas S. *Ignatii*, Episcopi *Antiocheni*, S. *Ignatii* edere apud se constituit, quas miserè corruptas, minisque interpolatio-  
*Antioche-* nibus, quæ sanctissimi Martyris genio, pietati, moribusque itidem &  
*ni ab Uss-* veterum Christianorum fidei & doctrinæ, & temporum rationi & calculo repugnant, & novitatem planè sapiunt scædatas vidit, tristisque agnovit, in quibus defendendis, Scriptorum primæ classis *Romana* communionis, qui eas, prout in vulgatis codicibus exstant, pro integris & ab omni alienæ manus admixtione & adulteratione liberis haberent, judicium

cium desideramus. De hisce autem genuinis Epistolis, quas à S. *Polycarpo* collectas, & ab *Ireneo*, & *Origene*, & deinde ab *Athanasio*, *Theodoro*, aliisque veteris Ecclesiæ Patribus frequenter citatas, *Eusebius Casariensis* in specie & nominatim memoravit, pristinae simplicitati reddendis, licet operæ esset difficillimæ, & vix à quoquam, solis nudis manibusque conjecturis freto, cum aliqua justa boni successus spe tentandum videretur, (neque enim illo tempore Exemplar Græcum ab istiusmodi assumentis integrum & purgatum comparuit) non desperavit *Usserius*, qui sublimi ingenio & admiranda sagacitate illud primus aggressus est. Cùm ergo harum Epistolarum veterem Latinamque versionem, à tribus *Anglis* Theologis olim citatam, in Archivis Bibliothecæ *Caio-Gomvillani* Collegii apud *Canabrigienses* latere è catalogo codicum MSS. in utraque Academia repositorum *Jamesiano* A. MDC. typis *Londini* edito, didicisset, maxime sollicitus erat, ut in illius usum integra omni cum accuratone exscriberetur: illique etiam geminam in Bibliotheca reverendissimi & doctissimi viri, *D. Richardi Momanii*, Episcopi *Norwicensis*, repertam postea felicissimè nactus est. Qua perlectâ & diligentissimè collatâ, quantum inter hanc & vulgatos Græcos codices inesset discriminis, plenè edoctus, sententiâ istas, contra quarum veritatem & *adversarias*, exceptiones legitimæ, & quidem insuperabiles, à Reformatæ Communionis Theologis fuissent factæ, penitus abesse, & loca à Patribus inde excerpta, & præsertim testimonium illud à *Theodoro* ex epistola ad *Smyrnaeos*, quod in omnibus codicibus vulgatis desideratur, reperiri, lætis oculis vidit animadvertitque. Ut ergo antiquissimum istud Christianæ pietatis & doctrinæ monimentum à læcinis corruptorum fraude & mala mente infertis, quantum fieri potuit, emendatum & integrum in lucem produceretur, summis ingenii & industriæ viribus collectis contendit: quod illo quidem tempore fecit eò libentiùs, quo Presbyterani sub rebellis Parlamenti auspiciis elati, contra sacrum Episcoporum ordinem, in illis Epistolis, quatenus à Presbyteratu distinguuntur, assertum, luculentissimisque argumentis demonstratum, non solum calamo & petulanti lingua, sed & gladio tormentisque bellicis pugnarunt. Tandem post longas moras desideratissimum & auro contra non charum opus prodiiit *Oxonii* A. MDCXLIV. cum hoc titulo:

*Polycarpi & Ignatii Epistola: una cum veteri interpretatione Latina, ex trium manuscriptorum codicum collatione integritati suæ restituta: Accedit & Ignatianarum Epistolarum versio antiqua alia, ex duobus manuscriptis in Anglia repertis nunc primum in lucem edita. Quibus præfixa est, non de Ignatii solum & Polycarpi scriptis sed etiam de Apostolicis Constitutionibus & Canonibus Clementi Romano tributis, Jacobi Usserii Archiepiscopi Armachani Dissertatio.*

Post hanc verò Dissertationem Usserius adjicit Veterum testimonia de S. Ignatio & ejus Epistolis, & etiam de Polycarpo. Ad calcem apponuntur ejusdem Usserii in Polycarpianarum Epistolarum Ignatianarum Syllogen, diffusissimæ eruditionis, Annotationes: in quibus Græcorum Ignatii exemplarium, & inter se, & cum utraque veteri Latina interpretatione, comparatio continetur.

Hanc Polycarpianarum Epistolarum Syllogen sequuntur Epistolæ, in generali titulo quidem omissæ, B. Ignatio adscriptæ, à media ætatis Græcis sex (in quibus illa ad S. Polycarpum, Smyrna Episcopum, perperam recensetur) simul cum veteri vulgata Latina Versione: item à recentioribus Latinis additæ alia tres, quibus præmissa est Mariæ Cassobolitæ, posterioribus subjuncta S. Mariæ Deiparæ nomine ad Ignatium edita Epistola; unâ cum Ignatii elogio, ipsius in sede Antiochena successoris, Heronis titulum præferente.

In qua editione lacinix ab Interpolatore Græco textui insertæ, quas vetus hic Interpres non agnovit, utpote longè meliori & sinceriori usus exemplari, distinctionis causa minio signantur.

Quàm præclarissimè autem de S. Ignatio, de Rep. literaria, de Ecclesia Anglicana, imò & de universa Christiana, hinc meritis fuerit D. Usserius, eruditissimi illius ævi scriptores cumulatissimis elogiis certatim testati sunt, & grata posteritas cum immortalis Usseriani nominis celebratione mirabitur.

Penè nefas hîc reticere puto; eodem anno, quod non sine singulari Dei providentia factum videtur, S. Ignatii Martyris Epistolas genuinas Græcè, ex codice Bibliothecæ Mediceæ Laurentianæ, unâ cum Episto-



la S. *Barnaba*, curâ summi viri, D. *Isaci Vossii*, *Amstelodami* prodiiſſe; qui veterem versionem Latinam *Uſſerianam*, Græco textui conſonam reſpondentemque, ex adverſo curavit apponendam.

De Appendice verò *Ignatiana*, ab *Uſſerio Londini* A. MDCXLVII. edita, in qua, inter cætera Antiquitatis maximi pretii monumenta, genuinæ iſtæ Epistolæ Græcè quoque continentur, poſtea ſuo loco dicendum erit.

Syriacum Epistolarum *Ignatianarum* Exemplar quantovis pretio redemptum voluit *Uſſerius*, qua de cauſa literas ad *Chriſtianum Ravium* (a) tunc *Conſtantinopoli* agentem, cui annuam viginti quatuor librarum Anglicarum penſionem, dum in Oriente moram fecerit perquam benevolè aſſignavit, Septembre menſe A. MDCXXXIX. datis, ex *Hibernia* tranſmiſit, ut inter alios rariffimæ notæ codices ibi notatos, exemplar iſtud, ſi reperiri poſſet, à *Maronitis* compararet. Sed conatus iſte perquam laudabilis planè in irritum cecidit; nec minus infelicitè poſt quadraginta annos ſucebuit V. Cl. D. *Roberti Humingtoni* induſtria, qui eaſdem Epistolas Syriacè verſas à Patriarcha *Antiocheno*, aliſque, tum per *Syriam*, tum per *Paleſtinam*, *Meſopotamiam*, & *Aegyptum* ſparſis, diligentiffimè quæſivit, & inveſtigavit. Sed omninò fruſtra; ut in illius vita fuſè oſtendi. Nec tamen hic ſubſtitit in iis perquirendis anxia *Uſſerii* cura; quin volupe fuiſſet, eaſdem quovis idiomate, ſive *Arabico*, ſive *Perſico*, ſive *Armèno*, conſcriptas, acquiſiſſe: ex quibus non parum emolumenti ad perficiendam, quam adornaturus eſſet; Græcam editionem ſe conſecuturum ſperabat. Ita intimis medullis fixus inhæſerat *Ignatii* ſui amor.

Dum hoc opus ſub prelo adhuc ſudaret; mox tamen in dias lu-  
minis auras ex iſtis tenebris anguſtiſque exiturum, de quo præcla-  
riffimè & optimè ſentiebant Primores Academiæ *Oxonienſis*, utpote  
quibus *Uſſerii* pietas, ſumma eruditio & candidiſſimi mores, à mul-  
tis annis, & jam longo apud illos incolatu, familiari conſervatione, &  
convictu coram erant perſpectiſſimi, in ſolenni Dôctorum & Magiſ-  
trorum convocatione, decimo Martii A. MDCXLIV. juxta com-  
putum *Anglicanum* celebrata, decretum erat, ut publico Academiæ  
*Oxonienſis* ſumptu & nomine, *Uſſerii effigies* Ignatianis Epistolis, ab  
illo illuſtratis, præfigenda, una cum elogio, illius, quàm fieri poteſt,  
meritiſ

(a) V. Epist. CCCV. in *Sylloge*, pag. 623.

meritis pari, nec non hac Academia digno incidereetur. Sed ii quorum intererat, ut liber ille, ab operis Typographicis consummatus, citra omnem diuturniorem moram, quàm citissimè publicaretur, de ista effigie parùm solliciti erant, perito chalcographo destituti: quam postea seorsim excudendam curarunt. Elogium verò illud, quo inter quosdam insignes viros, huic rei procurandæ deputatos, convenerat, ita se habet:

*Jacobus Usserius, Archiepiscopus Armachanus, totius Hiberniæ Primas, Antiquitatis primævæ peritissimus, orthodoxæ Religionis vindex, errorum malleus, in concionando frequens, facundus, præpotens, vitæ inculpatæ exemplar spectabile.*

R. O. B. P I N K, Vice-Cancell.

Ita nimirum illustre hoc reverentiæ, honoris, & observantiæ suæ erga Usserium monumentum ad posteros transmittere, inque omnem ævum propagare Academici Oxonienses voluere.

S. Barnaba Epistola.

Hoc anno etiam primùm prodiiisset S. Barnaba Epistola, quam prelo paratam S. Ignatii Epistolis annexuisse destinaverat Usserius, nisi casus maximè deplorandus intervenisset. Exemplari enim manuscripto, cum reliquo apparatu, apud Typographum deposito, ferali incendio in civitate Oxoniensi de subito & rapidissimè erumpente, ipsius ædes & officina, cum omni supellectile libraria, flammis absumptæ erant: nec quicquam ereptum servatumque relinquebatur, præter pauculas schedas, typis nuperrimè exclusas, in quarum prima Usserii Præmonitio de istius Epistolæ ratione, argumento, contextura, antiquitate, auctoritate, & vero Auctore continetur. Hanc in præfatione editionis ejusdem Epistolæ Oxonii è Theatro Sheldoniensi MDCLXXXV. vir præstantissimus, D. Joannes Fellus, Episcopus Oxoniensis, de Rep. literaria, & de illa Academia optimè meritis, inferendam curavit: sed in fine mutilatam. Quem defectum cum ex iisdem schedis in oculum manumque fortè incurrentibus supplevissem, desideratam istam clausulam illi mox communicavi, ut in nova editione Præmonitio ista integra legeretur. Cùm verò supplementum

tum illud è paucis lineis constet, nepenitus intercidat, cum venia eruditi & curiosi Lectoris, hic apponendum duxi.

Ποστ Δίνα Βασιλεὺς ἀναστρέφεται καὶ ὁπίσω, addo πρὸ τῆς ἀναστρέφεται ἑταίρος, & ὁπίρῳ καὶ οὖς πάντας τὸς ἑμπροσθεν, καὶ τρεῖς Βασιλεὺς ταπεινῶσι. Quod & ipsum non leve est antiquitatis argumentum.

Quare quod de duobus locis, altero (a) ex Evangelio juxta *Hebraeos* de Salvatore à Joanne baptizando, de nequitia *Apostolorum* altero (b) ex ipso Barnaba (licet Ignatii, ut dictum est, substituto nomine) à sè producto usurpavit olim Hieronymus, quibus testimoniis, si non meritis ad auctoritatem, utere saltem ad antiquitatem, id in universam hanc epistolam accommodandum censemus: ejus antiquitatem ita suspicientes, ut auctoritatem tamen (c) sententia illi Apostolica subjiciendam esse non abnuamus: omnia probate, quod bonum est, retinete.

A. MDCXLV. Appetente vere, cùm Serenissimus Rex, ipsius Relicto rebus jam inclinat, inque pejus quotidie labentibus, Principem *Oxonio Wallia*, primogenitum suum, sapientissimis Consiliariis & numerofo equitatu stipatum, versus occidentales *Anglia* plagas, tum illius saluti, ne in manus Rebellium, qui de obsidendo *Oxonio* consilia iniere, incidere, consultaturus, tum nobiles viros in istis Provinciis fide integros, praesentia illius copiisque subsidiariis roboraturus, dimittere statuisset, *Usserius*, quem in castris *Oxonienfibus* commorantem, perpetuis ferocientium Militum clamoribus interesse magis magisque tædebat, felici hac opportunitate arrepta, relicto *Oxonio*, cheu l musis depulsis, in sedem *Bellone* converfo, serenissimum Principem *Bristoliam* usque comitatus est. Inde in *Walliam* postea se recepit, asylum apud Amicos, ubi Deo & sibi vacaret, in mediis montibus quaesiturus.

Superato freto *Sabriniano*, appulit *Cardiffam*, oppidum in comitatu *Glamorganiensi*, in Australi *Wallia* prope mare, tum situ, tum propugnaculis, contra quosvis subitaneos hostium impetus, munitum satis: quò confugerant etiam multi Nobiles ex propinquis vicis, qui Regiis partibus adhaeserant, Parlamentariorum-depraedationibus insultibusque expositi & obnoxii: cujus erat Praefectus, vir antiquae fidei & excelsi animi, D. *Timotheus Tyrillus* Eques auratus, qui illius unicum filiam, virginem lectissimam, D. *Elisabetham Usseriam*, in uxorem duxerat:

M 3

Hæc

(a) V. Cl. *Salmasium* de fenore trapezitiico p. 32.

(b) Hieron. l. 3. adv. *Relag.* cap. 1.

(c) *Ihes.* V. 21.

Hæc incredibili cum lætitiâ à dignissimo genero & filia exceptus , ad desueta studia ( cistulas enim librorum , pro more , quocunque iverit , attulerat ) lætus rediit , condendis *Annalibus* maximè intentus. Dum in hoc secessu per dimidium anni securus delituerit , Serenissimus Rex , post prælium *Nasebeienſe* inauspicatissimè initum , ex ista clade tandem ad arcem *Raglandianam* , antiquam illustrissimi viri , Marchionis *Wigernia* , sedem salvus evasit : deinde rebus suis , quoquo modo compositis , *Cardiffam* venit , ædibus Gubernatoris excipiendus. *Ufferius* verò eodem , quo antea , benignissimo vultu & sermone à Rege excipitur , ad frequens colloquium , jam sub eodem tecto hospes , admittitur : & concionem coram illo , istorum temporum circumstantiis , ut credi oportet , maximè accommodatam , die Dominico habuit. Post paucos dies discedens Rex , annona , armis , pulvere pyrio , reliquisque bellicis provisionibus exinde sublatis , milites præsidarios secum duxit , ut oppidum illud , jam planè incustoditum , non amplius defendi potuisset. Postquam autem Regi valedixisset *Ufferius* , redux tristissimum Ecclesiæ *Anglicanæ* fatum , & periculosissimam , ad quam pientissimus Princeps impia rebellium subditorum rabie , hæctenus fuisset redactus , & deinceps videretur redigendus , conditionem non sine horrore & summa animi tristitia deploravit.

Dubius animi , quò se verteret , planè nescivit. Omnis enim spes redeundi *Oxonium* , adhuc , invicta præsidiorum virtute servatum , quò Rex per ambages tandem incolumis pervenisset , præcludebatur. Facilis equidem erat ex isthoc portu in *Galliam* aut *Hollandiam* navigatio : sed credo multa intervenisse , quæ cogitationem istam , si in animo suborta fuisset , omninò averterent. In hac verò rerum , qua distinebatur , perplexitate , sensu reverentiæ erga D. *Ufferium* tacta , illustris femina , Domina *Stradlinga* , dotaria , illum cum filiâ , paucisque famulis , ad ædes suas , *Castrum S. Donati* nuncupatas , humanissimis literis invitavit. Sed ad proficiscendum promptisparatisque nova remora injecta est. Certissima enim fama percrebuit , rusticos ad multa millia , correptis , uti præ se ferebant , pro Rege armis , ubique per globos coeuntes , viis publicis infedisse , ita ut iter istud ingredi temerarium videretur. Utunque ductores , qui per vias invias à nemine calcatas , aut saltem minus frequentatas , in lateribus montium illos absque periculo pertransire posse , fide data , spondissent , ab instituto itinere , Amicorum consiliis ad id persuasi , abstinere noluerunt : quos citò temeritatis suæ

suæ pœnituit. Nam quidam palabundi illac fortè transeuntes, illos, immanium latronum ritu, equis, pecuniis, & pretiosa suppellectile abreptis, spoliare nequaquam contenti, cistis effractis, libros omne genus, mox per multorum manus distractos, prout quisque in prædam incidisset, abstulere. Opportunè quidem intervenerunt duo tresve, qui militibus hisce, potius confusè, licèt ingenti numero congregatis, quàm in justum exercitum, sub disciplinæ militaris regulis aptè conscriptis, præsuere, quorum jussu & auctoritate, equis & suppellectile restitutis, ab omni alia barbarie cessatum est. In ædibus cujusdam viri nobilis, non procul dissitis, quò se receperat *Usserius* pernoctaturus, dirissimo mœore penè confectus, de miseranda ista sorte, permittente Deo, cuius divinæ voluntati se morem gerere æquo animo debere agnovit, maximè dolebat, eo quod ingens ista Collectaneorum, viginti annorum labore & industria congestorum, moles, quæ tandem aliquando in publicum Ecclesiæ & literarum commodum esset producturus, jam coram oculis pauculis momentis periisset. Nec videtur bonorum jacitura, quam à rebellibus *Hibernis* ante paucos annos passus fuerit, ipsius animum acrius pupugisse. Sequenti die, vicini Nobiles & Patrochi illum adeuntes, se de hoc damno, quantum in illis erat, reparando, sollicitè curaturos, interposita fide polliciti sunt, quod & abundè præstiterunt, publicis enim denuntiationibus, tum in vicis oppidisque, tum in ecclesiis passim factis, ita cum colonis, sibi jure clientelari, aut qualitercumque obnoxiiis egère, ut spoliū illud literarium non integrum quidem (solebat enim dolens inter deperditos, duos codices manuscriptos de *Waldensibus*, catalogum Regum *Persie*, Persicè, ipsi ab *Elchmanno* communicatum, & denique (a) volumen de variis novi Testamenti lectionibus, recensere) post duos tresve menses restituendum curarent.

Mox ventum est ad *castrum S. Donati*, in quo, tanquam in centro quietis, ob omni militum injuria immunis & illæsus, suavissimisque vitæ delinimentis benignissimæ Hospitiæ munificentia perfusus, hanc novam & insperatam felicitatem sibi gratulatus est, quod ingentis copię librorum optimæ notæ usus jam suppeteret. Olim enim Viri splendore natalium & titulis illustres, *D. Edwardus Stradlingus*, regnante *Elisabetha*, Eques auratus, & filius *D. Joannes*, postea sub Rege *Jacobo I.* ex ordine Baronetorum, sed omnigenæ antiquitatis, præsertim

Bri-

(a) Epist. CCXLVI. D. *Usserii* ad D. *Hammondum* in Sylloge p. 543.

*Britannica*, studio longè illustriores, quorum utriusque V. Cl. *Gulielmus Camdenus* in *Britannia* sua, in descriptione *Glamorganie*, non sine debitis meminit elogiis, Bibliothecam instructissimam ad seros nepotes transmittendam magnis sumptibus illic condidere. In istud sacrum illico admixtus *Usserius*, membranas chartasque antiquas, Historias, Annales, & quicquid veteris ævi monumentorum ibi exstabat, frequenti & diligenti manu versavit; ex quibus non mediocriter accessit auctarium, illustrandis Ecclesiarum *Britannicarum* Antiquitatibus non ita pridem editis destinatum. Sed post mensem, sive id ex immodicis laboribus, sive ex inveteratis supervenientis senectæ malis, evenisset, acutissimis tum stranguriæ, tum ischuriæ doloribus correptus jacuit, quos postea sanguinis ex naribus fluxus, neutiquam per multas horas sistendus, excepit, ut jam de illo, viribus exhaustis, in extremis mortis agonibus laborante, ipsis medicis quoque despondentibus, penè conclamatum fuerit. Undique percrebescere rumor, illum morti succubuisse, quem Regis adhuc *Oxonii* moram facientis aures attigisse supra retuli: & quasi extra omne dubium positum fuisset, Vir doctissimus & *Usserio* perquam charus, *Joannes Gravius*, Astronomiæ apud *Oxonienfes* Professor *Savilianus*, ad testandum tum luctum, tum reverentiam & amorem suum erga reverendissimum Antistitem, Inscriptionem sepulchrali marmori incidendam, quam inter illius schedas manu exaratas, reperi, paravit. Sed Deo Opt. Max. misericorditer ordinante, post diuturnos languores, & lentè admodum, non sine gaudio omnium bonorum, tandem convaluit, quod reliquum erat vitæ, Deo, Ecclesiæ, Patriæ, & Reip. literariæ consecraturus.

*Londinum* repetit,  
à Comitissa *Petroburgensi* invitatus.

Sesquianno propemodum in *Wallia* expleto, incertus adhuc, ubi pedem & lares figeret, an in *Anglia*, an aut alibi terrarum, tandem viatico, pecuniisque, quas vicini Nobiles benevolè suppeditarunt, instructus, & salvo conductu à Parlamentariis, qui devicto Regio exercitu, rerum potiti sunt, ægrè impetrato, *Londinum* contendit, in amplissimis ædibus illustrissimæ Dominiæ, Comitissæ *Petroburgensis*, de qua olim optimè meruerat, recipiendus. Illa enim spondebat & fidejubebat; ex gratia cum quibusdam Magnatibus adversarum partium jam dominantibus, quos cognatione attingit, inita, ut nihil mali ille, futurus domesticus, ex Presbyteranorum aliorumque Sectariorum malevolentia, odio, & invidia pateretur.

Utunque, consultum, imo necessarium videbatur, id Commissariis,

riis, ad explorandum omnes, qui Regias partes secuti, urbem accesserint, Deputatis protenus repræsentare. Coram hisce Inquisitoribus comparere jussu *Usserius*, tortuosis quæstionibus pro sapientia sua ingenue respondit, fide adhibita, se, præsentibus tunc *Oxonii* Agentibus, à Confœderatis Rebellibus de toleratione Pontificiæ religionis in ista Insula post inducias procuranda missis, Regiam Majestatem humillimè interpellasse, ut nihil in rebus ad Religionem spectantibus, illo inscio, ageretur: quod & Rex benignissimè pollicitus est: nec apud Regem aliud consilium se interposuisse, neque eidem tolerationi propositæ Regem ipsum vel minimum fuisse; sed è contrario, eandem, cum res ista in Concilio sanctiori disceptaretur, strenuè impugnasse. Postquam verò Præsidem *juramentum*, uti appellabant, *negativum* obtrudentem, ut de re tanti momenti apud se paucis diebus interpositis, deliberaret, rogasset, abiit impunis, nec, utpote *D. Seldem* aliisque ex inferioris Cameræ Adfessoribus, quos habuit amicos, sese in illius gratiam interponentibus, iterum comparebat, ab ejusmodi impiis postulationibus, quas execratus est, omnino liberatus.

Ab isthoc tempore, rarissimè, nisi justis de causis, ab illustrissima femina reliquo vitæ tempore avellebatur, ad mortem usque; ædibus illius, sive in urbe, sive rure, in Provincia *Sarciensi* affixus, & incredibili istius comitate, quasi vi placidissima detentus, tanquam in propriis & sui juris ædibus, ibi mansit.

Ineunte A. MDCXLVII. venia à Parlamentariis ægrè admodum In Sacello impetrata, in sacello Jurisperitorum Collegii, quod *Hospitium Lincolnienſe* nuncupatur, in suburbiis *Westmonasteriensibus*, juxta illorum desiderium munere concionatorio fungi cœperat, quasi id, si non unicum, saltem præcipuum vitæ Ecclesiasticæ habendum esset propositum & finis: in quo quidem longo usu exercitissimus, ingenio & memoria expedire per omnes positivæ ac practicæ Theologiæ articulos communisque locos percurrentibus, quicquid in mente absque aliquo laborioso cerebri nixu concepiſſet, id facili oratione, nec tamen incompta, parturivit: nec pensum istud hebdomadarium, durantibus terminis h. e. quando nimirum lites causæque forenses aguntur, ferè per octo annos continuatum, obſtabat, quominus libris, quos dudum composuit aut composurus erat, edendis strenuam navaret operam. Quò autem commodius apud ipsos, quotiescunque adlubitum fuerit, diversaretur *Usserius*, hujus societatis Pri-

mores, ( inter quos vir insignissimus & jurisconsultissimus , D. *Matthæus Halesius*, post instauratam Monarchiam , primarius *Angliæ* Justitiarius à R. *Carolo II.* constitutus, maximè memorari debet) amplas cameras, omni cum decora & utili suppellectile instructas, illi assignarunt , eò sanè expetibiliores, quod jam commodissimum penu, quo reponerentur libri , non nisi propitio Numine servati, quibus uti frui pridem negatum fuit, ibi esset reperturus.

Bibliotheca ipsi restituta.

Bibliothecam enim selectissimam & omne genus libris refertissimam in ædibus suis *Drogheda* reliquit, ex *Hibernia* egressus. Hanc verò Urbeculam Rebelles arctissima cinxerunt obsidione, tumida spe elati, imò securi, opimam istam prædam ab illorum manibus eripi non potuisse. Sacrificuli de Bibliotheca ista ditissima inter se propria & peculiari sorte partienda, vel saltem igni devovenda, frequentes sermones consuerunt. Sed impia illorum consilia cruentasque machinationes evertit justissimus scelerum vindex, Deus. Immissi enim milites, civesque, quò majoribus cladibus pressi, eò obstinatiores rediti, licet fame penè enecti, nullis blanditiis pellicendi, nullis minis vel crudelissimæ mortis ad deditionem perterrefaciendi, hostes cum ingenti strage & dedecore sese turpi fuga subducere coegerunt.

Mox *Nicolaus Bernardus*, S. Theologiæ Doctor, & Ecclesiæ *Ardaughensis* Decanus, Bibliothecam istam, cui concredita fuerat, primò *Cestriam* in *Angliam* avehendam, & inde, deserviente bello, viisque publicis à militum rapinis & concussionibus, liberatis, tandem *Londinum* vero possessori, qui de hoc pretioso peculio triumphos egit, reddendam curavit.

In hoc sacro munere obeundo alacri, prompto, inconcussoque animo perrexit, usque dum affecta ætas permiserit. Caligantibus enim oculis & voce præ defectu dentium ita deficiente, ut illa vix in tanto Auditorum consensu percipi potuerit, non longè ante mortem, admodum tristis & invitus cedere cogebatur.

Appendix Ignatiana ab Usserio edita.

A. MDCXLVII. *Londini* edita est ab *Usserio Appendix Ignatiana*, in qua continentur.

- I. Ignatii *Epistola genuina*, à posterioris *Interpolatoris* assumptis libera, ex *Græco Mediceo exemplari expressa*, & nova versione Latina explicata.
- II. Ignatii *Martyrium*, à *Philone*, *Agathopode*, & aliis, qui passioni illius



*illius interfuerant, descriptum, ex duabus antiquis Latinis ejusdem versionibus, nunc primum in lucem editum.*

III. Tiberiani, Plinii Secundi & Trajani Imperatoris, de constamia Martyrum illius temporis Epistola.

IV. Smyrnenſis Eccleſiæ de Polycarpi Martyrio Epistola, cum antiqua Latina ejusdem Metaphraſi, integre nunc primum edita.

V. In Ignatii & Polycarpi Acta, atque in Epistolas, etiam Ignatio perperam adſcripta, Annotationes.

Acta Martyriorum S. Ignatii & S. Polycarpi, præclara Antiquitatis maximi pretii monumenta, (unà cum Actis Barnabæ, consobrino ipsius, Joanni Marco ineptè affixis) ante tres annos in publicam lucem Oxoni protulisse destinârat Uſſerius, ut ex synopsi totius operis, superstitibus Epistolæ S. Barnabæ schedis præmissâ, liquet, nisi grave illud incendium supra memoratum fataliter obstitisset. Licet verò aut illius in Wallia absentia, aut publica mala longiorem moram, quam speraverit, indulgissent, tamen bonas inceptum illud absolventi in animo spes alebat, quod jam tandem factum fuisse orbis literatus gratulatur. Interea temporis, omni mala Vossiane industriæ & fidei suspitione posthabita, ex summa serenissimi Principis Ferdinandi, Magni Ducis Hetruriae, benevolentia & gratia, V. Cl. D. Americo Salveto, ipsius apud Regem Carolum I. Ablegato, operam & commendationem interponente, exemplar istud Medicæ, quod ad Epistolas genuinas spectat, exscribi, & denuò hic etiam imprimi curavit: criticis tum ipsius, tum D. D. Patricii Junii & Isaaci Vossii conjecturis & emendationibus margini appositis, doctissimaque præfatione, in qua Claudii Salmasii & Davidis Blondelli exceptiones de verbo ex ſige producto sumptæ, quasi post Valentini hæretici tempora à quodam Impostore sub S. Ignatii nomine excogitatæ fuissent, contra illarum auturiam intentatæ, refelluntur, præfixa.

Prodiit etiam anno Uſſerii de Romane Ecclesiæ Symbolo Apostolico vetere, aliisque fidei formulis, tum ab Occidentalibus, tum ab Orientalibus, in prima catechesi, & baptismo proponi solitis, Diatriba.

De Symbolo Apostolico, aliisque fidei formulis Diatriba.

### Accesserunt.

I. Athanasii Symbolum, à Græcis interpolatum.

N 2

II.

II. *Symbolum aliud, eidem etiam à quibusdam tributum.*

III. *Hymnus Matutinus & Vespertinus veteris Ecclesie.*

IV. *Hildeberti Cenomanensis de confessione Trinitatis Hymnus, & Oratio ad Dominum.*

Hoc opusculum inscribit *Usserius* clarissimo & doctissimo viro, *Gerardo Joanni Vossio*, qui, uti olim in Historiæ Pelagianæ elucidatione, ita nuper, Dissertatione de tribus Symbolis edita, in hoc argumento illustrando, absque communicatis sibi invicem consiliis, illum antevertisset. Multa verò hic occurrunt à *Vossio* aliisque synchronis Scriptoribus, intacta, aut saltem leviter tacta, & multa nova ex obscurissimis Bibliothecarum adytis in lucem eruta, doctisque scholiis & observationibus illustrata. Novum verò illud, amplas nimirum de Spiritu Sancto explicationes, cum sequentibus articulis, quas communis opinio à Patribus Concilii *Constantinopolitani* contra *Ennomii* & *Macedonii* τῶν πρὸς τοὺς μαζαχας hæresin additas asserit, à primariis quibusdam Synodi *Nicene* Adessoribus, post solum Concilium eidem Symbolo adjunctas fuisse, vix admittendum aut probandum videtur. Rationes autem, quibus hanc sententiam suam tuetur, hic in examen non revocabo: dispiciant alii.

De Macedonum & Asiano-  
rum anno  
Solari  
Dissertatio.  
Cum omnis historia planè manca sit, & confusa obscuritate laboret, absque explicita & accurata temporum designatione, *Usserius* idè quò faciliori opera res omnium seculorum aptiori ordine connecterentur, ab intima antiquitate replicandæ, Chronologiæ studium sibi graviter esse excolendum pro prudentia sua duxit: quali autem successu, breviculum quidem, sed tamen perinsigne specimen (inter alia posthac memoranda) anno MDCXLVIII. *Londini* editum, in omne ævum testabitur, sub hoc titulo: *Jacobi Usserii Armachani de Macedonum & Asianorum anno Solari Dissertatio: cum Græcorum Astronomorum Paraegmate, ad Macedonici & Juliani, anni rationes accommodato.*

In hoc libello eruditissimus Auctor de mensibus solaribus à *Macedonibus* in communem *Græcorum*, qui lunaribus hætenus assueverint, usum, utrorumque collatione cum *Julianis*, uti & aliarum Gentium mensibus, facta, & de tempore, quo Martyrium subiit *S. Polycarpus*, disserit: & deinde postquam de integra *Macedonici* & *Asiani* anni dispositione & methodo egisset, canones certos fixosque ad inveniendum *Cyclos Solis & Lunæ*, tempusque celebrandi *Paschalis* modo didactico sub-

Substituit; curiosis quibusdam adnotationibus de cœlestibus motibus juxta veterum *Græcorum* Astronomorum, putà, *Metonis*, *Calippi*, *Eudoxi*, & aliorum observata, subindè intermissis. Ad calcem apponitur pulcherrima & utilissima *Ephemeris* totius anni, in qua, utpote ex diversis eorundem Astronomorum Parapegmatibus summo cum labore collecta, stellarum ortus & occasus, & tempestatum præsagia, quæ in istis climatibus accidere solebant, κατὰ πλάτος indicantur. In ista perplexa parumque tunc temporis explorata Chronologiæ parte, ut *Usserii* conjecturæ scopum semper attingerent, id quidem humani ingenii vires supergredi videtur. Atque hanc laudem apud omnes ingenuos saltem meretur, quod viris doctissimis & præstantissimis, in eodem stadio postea secundiori pede decurrentibus, tanquam dux & monstrator viæ, vel invidia teste, prævit.

In solenni ista collatione inter Regem captivum & Parlamentarios Deputatos de revocanda pace, sopiendisque illis cruentis, sub quibus *Anglia* magis magisque fatiscebat, propemodum expiratura, dissidiis in Insula *Vecti* mense Septembri hujus anni haberi cœpta, inter alias iniquissimas condiciones, postularunt Presbyterani, ut Episcopatus ex Ecclesia *Anglicana*, ipso consentiente, & scitum illud, prius ab illis latum, ratum habituro, exterminaretur in perpetuum. Hoc pientissimi Regis animum acerrimè urebat, qui ordinem illum sacrum, ab ipsis Apostolis in primis nascentis Ecclesiæ Christianæ initiis fundatum, armis licèt infelicibus, adhuc tamen invictò calamo & lingua, propugnavit. Si in moderando Episcoporum, salvo ordine, potestate, adhibitis in gravissimis causis Ecclesiasticis Presbyterorum consiliis & suffragiis, Schismaticorum furor sese stitisset, haud invitus consensisset. Sed omnes indebitas *concessionēs* omniaque pacifica consilia cum ritu & contumelia rejecerunt hi Demagogi & Ministelli, qui in Ecclesia dominari cupiebant, nullius jurisdictioni & jussibus obnoxii. Inter Theologos magni nominis, quos bonis, dignitatibus, redditibusque exutos, Regis partibus fidelissimè adherentes, Rex accersiverat, ibi præsentēs, adebat quoque *Usserius*, qui ad Presbyteranorum contumaciam expugnandam, sciagraphiam novi regiminis Ecclesiastici, maxime in juris Episcopalis diminutionem cessuri, exhibuisse fertur, ejusdem planè cum illa supra memorata, ad disciplinam Ecclesiæ *Scoticana*, primò à *Knoxio* & *Melvino* introductam & ante paucos annos sub *Carolo I.* rebellibus Confederatorum armis stabilitam, nimium quam adaptata, formæ: hoc

solo nomine excusandus, ut hoc iterum repetam, quod illorum exacerbatas mentes non aliud malorum impendentium remedium admissuras esse credidisset. Sed omnis spes ineundæ concordæ citò evanuit, cessantibus post duos menses fraudibus & perfidia *Cromwelli, Iretoni*, aliorumque è factione & secta Independentium, qui in Senatu pariter, ac in exercitu, superiores partes tulerint, colloquiis. Inde, expulsis Presbyteranis, tragica optimi Principis cædes mox secuta est, quod norunt omnes : neque istorum temporum Annales replico.

Summus  
*Usserii*  
dolor ob  
immanissi-  
mum. R.  
*Caroli*  
parri-  
cidium  
à Per-  
duelli-  
bus per-  
petra-  
tum.

Cùm inauspicatissimus iste dies, tricesimus Januarii, instaret, quando innocentissimæ vitæ & afflictissimæ virtutis Princeps, *Carolus* primus, quo nemo aut sancti Numinis reverentior, aut legum observantior, aut populi illius curæ commissi amantior fuerat, nefando & post homines natos inaudito impiissimorum Perduellium scelere morti adjudicatus, cruentum pro Ecclesia & pro legibus martyrium subibat, ædium Comitissæ *Petroburgensis*, in quibus hospitabatur *Usserius*, relictum, unde facilis versus fatale pegma in spatiosa area juxta Palatium Regale, quod *Whitchall* nuncupatur, erectum, pateret prospectus, invitatus & reluctante animo, aliorumque repetitis postulationibus potius, quam sibi indulgens, tandem ascendit, ut longum vale clementissimo Domino suo diceret, illo ipso tempore, quo Rex ad circumstantes orationem habuit : interim precibus intus conceptis, quas lachrymæ ab oculis ubertim manentes, suspiria & gemitus exceperere, apud Deum fufis, ut illius animum Spiritus S. gratia in istis ultimis agonibus firmaret, & solaretur. At cùm finita oratione vidisset Regem sibi exuisse diploidem, ut securi cervicem commodiùs submitteret, totus contremuit, ingentique oppletus horrore, deliquium pati cœperat : inde citra vel minimam moram à famulo in cubiculum ductus, lecto decubuit, ibi aut extremum expiraturus, aut saltem applicitis corroborantibus remediis refocillandus. Nemo sanè immanissimum illud & maxime execrandum flagitium aut acriori doloris sensu luxit, aut parricidas majori odio infectatus est, aut pientissimi Martyris memoriam grandioribus elogiis celebravit, cujus natali die, quo victima cecidit, recurrente, per reliquos vitæ annos, se precibus, sacris meditationibus, jejuniis, & merori totum devovere, iramque provocati Numinis, ne in universam Gentem communi clade inardesceret, importunis intercessionibus deprecari solitus est.

Annales  
mundi  
ab *Usserio*  
editi.

Cùm *Usserius* diligentissimam Historiæ universali omnium seculorum

ab

ab orbe condito ad ultimum *Hierosolymorum* excidium, quantum ex sacris Scripturis, librisque Ebræis, Græcis, & Latinis, quotquot hodie exstant, aut in bibliothecis manu exarati reperiuntur, exhauriri potuit, sive longè antè, sive post religionem Christianam in universum orbem terrarum prædicatione Evangelii introductam, juxta veros calculos justa & concinna serie conscribendæ operam diu adhibuisset, de edendis istis Annalibus, incredibili industria, sudore, vigiliisque elaboratis, præcipua illi jam septuagenario cura fuit: & meritò quidem: quicquid ille senserit, non tam ipsius, quàm posterorum plurimùm interesse, ut hi accuratissimi omnigenæ Antiquitatis Commentarii, manu propria elinati, & absque alienis admixtionibus integri, ipso adhuc vivente, legerentur. Felicissimè ergo *Londini* A. MDCL. prodiit *Annalium pars prior, à temporis Historici principio, usque ad Maccabaicorum initia producta: una cum rerum Asiaticarum & Ægyptiarum Chronico*: quam postea A. MDCLIV. secuta est *Pars posterior, in qua, præter Maccabaicam & Novi Testamenti historiam, Imperii Romanorum Caesarum sub C. Julio & Octaviano ortus, rerumque in Asia & Ægypto gestarum continetur Chronicon, ab Antiochi Epiphanis regni exordio, usque ad Imperii Vespasiani initia atque extremum Templi & Reip. Judaica excidium deductum*. Hisce vero Annalibus posterioribus addendum primo instituit, *Ecclesiastici Chronici Breviarium, usque ad quartum post Christum natum seculi exordium*. Quod utinam absolvisset! Postea Annales hi veteris & novi Testamenti simul editi erant *Parisijs* A. MDCLXXIII.

Quantis plausibus exceptum fuerit hoc desideratissimum opus & maximi in omni historia usus, cum id omnibus in harumce literarum studiis paulò versantibus sit compertissimum, non opus est, ut hic multis ostendam. Quidni tamen dixerò, chronologiam, tam sacram, quàm civilem, quæ hætenus spissa obscuritate & incertitudine laboraverit, jam ad certam facilemque methodum redactam; Epochas celebriores tum *Judaorum*, puta orbis conditi, diluvii, exitus *Israelitarum*, ex *Ægypto*, eorundemque ex captivitate *Babylonica* reditus, tum aliarum Gentium, uti *Olympiadum*, *Nabonassar*, *Roma* conditæ, quarum anni jam ordine imperturbato decurrunt: (ex harum enim originibus evolutis monstratisque pendet luculenta rerum ubique gestarum cognitio, ut nullo negotio in communi periodi *Juliana* mensura simul coniungi, comparari, & conciliari possint, fixas & determinatas, denique tem-

temporum rationes, successionesque Regum *Judeorum*, *Aegyptiorum*, *Assyriorum*, & *Perficorum* ritè compositas; item *Romanorum* peragrationes, itinera, victorias, triumphos, reliquaque in *Asia*, *Syria*, *Palæstina*, *Aegypto*, & alibi, sive foris, sive domi præclare acta, cum N. Testamenti historia suis locis & tempore inserta esse? Inter præcipua & celebratissima stupendæ eruditionis monimenta, quæ superior ætas produxerit, *Annales* hosce jure meritissimo recenseri oportere, non vanus auguror, omnes proba mente & judicio præditi promptè fatebuntur.

*Usserii* ad  
*Cappellum* Epistolæ de  
variis Ebraicis  
textibus  
lectionibus.

Cùm acerrimæ lites, verbosa protèrvitate gravidæ, inter *Ludovicum Cappellum*, doctissimum *Critica sacra* Auctorem, & *Arnoldum Bootium*, Ebraicè peritissimum, de variantibus Ebraici textus lectionibus, an mirum ex Græca τῷ LXX. versione, aut aliunde, colligi aut possint, aut debeant, agitentur, ambo suarum opinionum invicem repugnantium vi nimium confisi, Epistolis ad *Usserium*, tanquam ad æquum idoneumque Arbitrum scriptis editisque publicè appellarunt. Ille verò silentio sibi indicto, ejusmodi concertationibus, à quibus mentem habuit averissimam, intermisceri diu nolens, tandem *Cappelli* repetitis, iisdemque importunis, epistolis provocatus, sententiam, non præcipitem quidem & temerariam, aut ex studio partium dictatam, sed gravem, modestam, & ex sano judicio, libratis rerum momentis, prout sibi videbatur, derivatam, epistola ad eundem A. MDCLII. edita, dixit. Veruntamen an ille omnibus *Cappelli* argumentis probè & ad plenum satisfecerit, & an conjecturæ illius scopum semper attigerint, ego non inquiri: alii judicent: qui faciliè interim dabunt, multa tum ad Græcam versionem, tum ad *Samaritanum* Pentateuchum, quem à *Dositheo*, ortu & genere *Samaritano*, & supparis cum *Simone* Mago ætatis, interpolatum, correptum, & depravatum fuisse ex decreto Synodico *Eulogii Alexandrini* apud *Photium* statuit, pertinentia, curiosâ indagine eruta, & lectu dignissima, illic reperiri.

*Usserium* ad se vocat  
*Cromwellus*, cum illo consilia vafferè initurus.

*Usserii* fama per universam *Angliam*, & potissimùm in Urbe, tum ob concionum in sacello *Lincolniensis* *Hospitii* habitatum frequentiam, tum ob libros recens editos, magis magisque inclarescente, scelestissimus *Latro*, *Oliverus Cromwellus*, qui infamibus rebellis Parlamenti reliquiis (quæ vulgatissimo scommate *Uropygium*, Anglicè *The Rump-Parliament*, erant nuncupata) mense Aprili expulsis, summam rerum potestatem, imperio planè despotico sibi arripuisset, ut majorem populi pri-

plausum captaret, *Usserium* accersitum obvia comitate excepit, & inter alia colloqui argumenta, sub falsa fictaque pietatis specie de *augendo & stabilizando tum in Anglia, tum alibi terrarum, communi Protestantium commodo*, ( sic ad fallendam incautam plebem sceleribus suis melius securiusque obtegendis religionis *Protestantica* causam prætexere solent Invasores ) disseruit: sed quicquid sani consilii dictaverit prudentissimus & piissimus Archi-Præsul, enthusiasticus iste, quo exagitatus erat, furor, id planè irritum reddebat. Utcunque benignè dimissus erat *Usserius*, quem, licet fanatico æstro percitus, Ordinem Episcopalem, Liturgiam, sacrosque Ecclesiæ *Anglicanae* ritus, Clerumque Orthodoxum, fortunis & dignitatibus suis ob fidem in Regem Martyrio coronatum, Filiumque exulantem præstitam, exutum capitaliter odisset, nondum resecta hypocrisis larva, revereri & diligere præ se tulit: & ut id luculentiori documento constaret, suggerente, quod vero non absimile videtur, *Bernardo*, olim *Usserio* à sacris, jam verò *Cromwello* ab eleemosynis . . . libras ex pecuniis à *Deo dandis*, h. e. ex animalibus aliisve rebus dividendis, quæ aliquo modo ad mortem cujuspiam inferendam conduxerint, crescentibus, utpotè ex veteri lege Regio Eleemosynario cessuris, pioque in usus erogandis, illi numerandas permittit. Nemo sanè *Usserio* pusillanimitatem exprobrare debet, quod pensionem istam non optanti, nec teruncium quidem expectanti oblatam, ne dicam, obtrusam invito animo acceperit: cum præcipitis consilii damnosæque imprudentiæ fuisset redarguendus, si secus fecisset. Hac autem prudentia faciliorem sibi parabat viam intercedendi apud Tyrannum alias infestum, pro fratribus oppressis afflictisque, si quando nova persecutio oriretur, quæ mox secuta est, ut statim videbimus.

D. *Joanne Seldeno*, viro summo, cujus fama, ob excelssimas animi dotes consummatamque eruditionem, nunquam interibit, neque ex hominum memoria delebitur, quamdiu literis constabit honos, tricesimo Novembris A. MDCLIV. è vivis excedente, clarrissimi viri, D. D. *Mattheus Haleus* & *Joannes Vaughanus*, hic postea regnante *Carolo II.* summus Communium placitorum, ille summus totius *Angliæ* Justitiarius, alique, ultimarum tabellarum Executores, impensè rogarunt *Usserium*, ut amico jam fati functo concione funebri parentaretur; utpote satis gnari, neminem, qui laudaret, quàm *Usserium*, digniorem habitum iri. Ut suum erga Vi-

*Usserius*  
solen-  
nem in  
funere  
*Seldeni*  
concio-  
nem ha-  
bet.

rum arctissima per quadraginta annos & ultra necessitudine ipsi conjunctissimum testatum faceret affectum & amorem, facile adensus est, & die decimo quarto Decembris, quo corpus in Societatis, cujus *Seldenus* erat ingens lumen & decus, Jurisperitorum Templariorum ædes occupantium, Ecclesia terræ mandabatur, consensu sacris rostris, perorans, non sibi, non amplissimo illustrium virorum, qui splendidissimis maximèque solennibus interfuere exequiis, cœtui, non *Seldeno* defuit. Inter elogia, quibus dilectissimum suum *Seldenum* cummulavit, hoc maximum meritò videbitur, quod se vix dignum, qui, phrasi apud nos usitatissima, *illius libros portaret*. h. e. nullo in pretio, si cum illo conferatur, habendum esse putaverit. Ita præ modestia propriæ dignitatis oblivisci visus est *Vsserius*, dum summam *Seldeni* doctrinam, quasi in altissimo humanæ industriæ fastigio collocatam, præconiis penè fidem exsuperantibus, extollere studuerit.

*Vsserii de  
Græca  
LXX Interpretum  
versione  
Syntagma.*

Quò, senecta jam indies ingravescente, & propemodùm confecta, se propius ad ultimam vitæ metam accedere sensit *Vsserius*, eò impensiori studio, quod prelo habuit paratum, in publicam lucem protrudere cupiebat. Sui ipsius ergo jussu & cura prodiit *Londini* MDCLV. *De Græca Septuaginta Interpretum versione Syntagma: cum libri Esthæra editione Origenica, & vetere Græca altera, ex Arundelliana Bibliotheca, nunc primum in lucem producta.* Fatendum est, *Vsserium* quasdam *magis dicitur* & sibi peculiares, de quibus meritò dubitari potest, in hoc Syntagmate protulisse, quas tamen mira ingenii subtilitate adstruere conatus est. Prætermisso enim, quod solos quinque libros *Adols* ab illis Interpretibus Græcè, & quidem accuratissimè, conversos fuisse dixerit, quæ erat *Aristæ, Josephi, Hieronymi*, totiusque Scholæ *Judeorum* sententia, statuit, veterem istam interpretationem, in Bibliotheca *Ptolemæi Alexandriæ* repositam, incendio periisse: illam verò, quæ non multò post loco illius substituta, omnium tum Græcissantium *Judeorum*, deinde ab hisce Hellenistis ad Apostolos & primitivæ Ecclesiæ Doctores derivata, quam Christianorum in manus & sub oculis veniebat, reliquos veteris Testamenti libros complectentem, ab aliquo *Judeo* post quartum *Ptolemæi Philometoris* annum factam fuisse: hunc obscurum homuncionem textum sacrum, aut addendo, aut detrahendo, aut mutando, aut pro lascivia ingenii & dedita opera perperam interpretando, adulterasse, illiusque fraudibus & perfidiæ miram instantiam, quæ inter *Ebræicos* & *Græcos* codices intercedit, discrepantiam



tiam adscribendum esse. *Judeos* Sacerdotes & Levitas, tunc in *Aegypto* commorantes, qui, desertis *Hierosolymis*, in novo *Onia* templo, in agro *Heliopolitano* condito, sacris operari consueverint, ex oscitantia, turpique ignavia hanc novam versionem corruptam fecerantque, temerario ausu, absque aliqua exploratione admissam, in publicos usus adhibuisse, aliaque gratis dicta, à quibus recensendis abstineo: quæ ad rigidum examen vir doctissimus, *Henricus Valesius*, in Epistola *Lutetia Parisiorum* idibus Novembris anno MDCLXV. scripta, & in calce illius adnotationum in *Eusebium* edita revocavit. Longè tamen plura, miræ curiositatis, quæ sacrum textum, istius Græcæ versionis varias editiones, illorumque temporum historiam illustravit, illic reperiri, omnes, qui de hisce literis rectè judicare norunt, facillè concedunt, & inter illos ipse animadversor *Valesius*; qui in limine Epistolæ memoratæ ita *Usserium* alloquitur. *Volo hic Tibi laudes tuas ingerere. Neque enim id modestia tua, nec amicitia nostra paritur: Dicam tamen ingenuè, quod censeo, in plerisque quidem, quæ illic à te scripta sunt, assentior tibi: tuamque eximiam eruditionem & acumen ingenii magnopere demiror. Sunt tamen nonnulla, in quibus abs te dissentire cogor invitus.*

Huic Syntagmati acceperunt ob argumenti cognationem, de *Cainaane*, De *Cainane* in vulgata LXX. editione superaddito, ex illius *Chronologia sacra* nondum edita, *Dissertatio: una cum ejusdem edita ad Ludovicum Cappellum de variantibus textus Hebraici lectionibus*, anno 1652. & altera à *Gulielmo Eyrio ad ipsum A. 1607. data Epistola.*

Sed de hac *Chronologia sacra*, aliisque libris, quos *Usserius* reliquit ineditos, quorum tamen aliqui post mortem prodire, uti & de ingenti schediorum illius & Collectaneorum mole, postea opportuniùs dicam.

*Cromwellus* mala & tetra conscientia, quæ illum suspiciosum & inquietum reddiderat, exagitatus, & de summa potestate, quam cædibus pessimisque artibus usurpaverat, retinenda valdè anxius, jam resecta simulatæ misericordiæ larvâ, in nobiles aliosque, qui Regias partes flagitante rebellionē & funestissimo bello secuti sunt, præsertim verò in Ecclesiæ Anglicanæ Presbyteros (nam Præfules despectui habuisse videtur propter paucitatem) qui omnium bonorum jacturam jurisjurandi reverentiæ & conscientię tranquillitati firmissima mente postposuerint, ferocire, imò & sævire cœperat. Horum plerique omnes ex utriusque

*Cromwellus* in Presbyteros Episcopales furiosè grassatur: quem, pro illis intercessurus addit *Usserius*.  
Aca-  
rins.

Academiæ Collegiis, & Ecclesiis Parochialibus, quas sacrilegè invaserant Ministri Presbyterani & Independentes, crudeliter ejecti, aut in ædibus conductis, aut in Nobilium familiis, aut in privatis sacellis sacrum juxta Ecclesiæ Anglicanæ constitutionem Ministerium obibant, aut pueros & adolescentes in rudimentis doctrinæ, & erga legitimum Principem fidei, inque sanæ Theologiæ articulis instituendi munus suscipiebant: alii aliter, prout quisque animo propendebat, in mediis hisce angustiis amicorum benevolentia & liberalitate adjuti, vitam tolerarunt. *Londinum* autem erat reliquorum Confessorum asylum, ubi in tanta civium multitudine tutius securiusque delituerunt, & majori libertate gavisii sunt. Hoc limis, imò indignabundis furentibusque, oculis videns *Cromwellus*, & animo ferens iniquissimo, *Declarationem*, uti appellant, (nam conculcatis legibus, omnia pro arbitrio administrari voluit) primo die Januarii A. MDCLV. juxta stylum & computationem nostram, publicavit, in qua sub severis pœnis jubetur, ne quisquam ex illis in privatis scholis pueros doceret, aut in ædibus Nobilium exceptus, aut in Oratoriis, in quibus sacri conventus haberi solebant, aliquam sacræ functionis partem administraret, rapiendis in carcerem, qui contra fecerint. Ut ab hisce molestiis periculisque melius & honestius sese eriperent Episcopales Theologi, multi ex his celebrioris notæ *Londini* commorantes, dira hæcenus passi, diriora jam passuri, ut par est credere, (licèt sibi soli gratiam hanc deberi asseruerit *Bernardus*, quem juxta laudem hac ex parte, si rem ita se habuisse certò mihi constaret, neutiquam fraudandum censerem) ab *Usserio*, tunc rure agente, literis petiere, ut *Cromwello* pro gratia & bona existimatione, qua apud illum valere ferebatur, interposità suâ operâ, iret supplicatum, ut libertas conscientiæ, omnibus sectis tum effusè concessa, ipsis quoque concederetur: & cum in publicis Ecclesiis, è quibus detrusi fuissent, sacri cultus causâ convenire non liceret, id saltem illis impunè conveniendi in Oratoriis privatique ædibus daretur facultas. Ut afflictissimis viris, ejusdem sacræ communionis Mystis, in summo periculo constitutis, quoquomodo, quantum in illo erat, opitularetur *Usserius*, relicta *Rigata* in provincia *Surreiensis*, ab urbe quindecim circiter milliaribus distita, animo penè despondente, de itineris successu malè ominatus, *Londinum* repetit, bonaque causâ fretus, sacraque hac quasi fungens legatione, ad *Cromwelli* præsentiam admisus, rem propositam piè & tenerrimo cum affectu urisit, tamque justis ac solidis rationibus & argumentis corroboravit, ut victor evase-

evaserit, *Cromwelli* pertinacia, licèt agrè quidem expugnata, qui pollicitus est, nullam iis molestiam facessendam esse, *modo rebus civilibus & ad presentem adusum spectantibus sese non ingesserint*. Sed nudis verbis absque aliquo fortiori auctoramento licèt mille testes adfuissent, neutiquam fidendum erat. Ideo *Usserius* altera vice illum adibat, petiturus, ut priori *Declaratione*, si non penitè revocata, saltem pro tempore suppressa, promissum istud scripto publico firmaretur. Facile in cubiculum introductus, & sedem capeßere jussus, ibi Chirurgum ulceroso tuberculo in *Cromwelli* pectore excrescenti emplastrum apponentein reperit. Aliquantillo post tempore, ad novum colloquium ventum est. *Cromwellus* autem auditis, quæ proponerentur, replicavit, *se de re ista melius & exploratius cum Consiliariis suis deliberasse, qui illius quàm maxime interesse judicarunt, neutiquam ejusmodi hominibus, novis motibus quotidie intentis, qui erant ipsius, presentisque rerum administrationis infestissimi hostes, libertatem petitam concedi oportere*. Quo brevi colloquio finito, urbanè quidem dimissus est *Usserius*. Tristis admodum rediit domum, & clam apud suos de *Cromwelli*, qui promissis non steterit, perfidia gravissimè questus, ultra addidit inter alia, quod *Cromwelli* potentiam vix stabilem fore, aut permanfuram, aut saltem illius vitam ad multos annos prolongari non posse, illud nimirum ex turbatissimo rerum statu, hoc verò ex ægritudinibus perpetuaque illius mentis agitatione, quæ est miserrima fors Tyrannorum, ut puto, pro sagacitate sua præsensisset, *extorrem Regem tandem in Angliam, reversurum esse*.

Circa medium Februarii, Urbe relicta, rus repetens, licèt acerrimus dolor menti, ob persecutionem, quam intercessione sua apud flagitiosissimum Tyrannum avertere non poterat, jam adversus Episcopalem Clerum passim grassantem, altùm iafederit, quantillum erat edere vitæ quod supererat, pro more quasi in naturam verso, dum solus esset, nullisque innexus negotiis inter studia doctrinæ ac pietatis officia partitus est. Relectis inque novum adductis examen schedis, quas de *Chronologia sacra* prius apparaverat, quicquid ad opus istud absolvendum defuisse videretur, addidit & supplevit: quod non modicum erat mentis solamen. Prælagire enim visus, sive ex viribus in istà confectà ætate penè absumptis, sive aliundè, ultimum vitæ suæ terminum non procul distare, nec longè prorogandum: ad diem natalem in *Ephemeride* istius anni adnotans, quotum ætatis suæ annum tunc attigisset, subjunxit, *dias meos completos esse*, & deinde literis majusculis scripsit,

RESIGNATIO. Properabat quidem ultima hora, illo quidem expectante, Amicis non item. Viceſimo enim die Martii, ad vesp̄eram, fataliter ægrotare cœperat, ischiade primò laborans, quam proximo mane secuta est pleuritis. Inde dolor magis magisque augebatur, remediis nullis à Medico, qui, sive ex ignorantia, sive errore, non benè, ut ex dissecto corpore liquebat, partes suas impleverit, præscriptis expugnandus. Interim per quatuordecim plus minus horas, ingenti, licet non æquali, intentione & violentia, cruciatu distineretur, cui serendo, vires imminutas vix aliquandiu suppetere posse, faciliè sentiens, Deo se totum effusis precibus commendavit, assistente Comitissæ Sacellano. Circa lectum adstantibus pia suggessit consilia de præparatione ad benè sanctèque moriendum, etiam dum robur, dum valetudo adesset: illustriſsimæ verò Comitissæ, ob insignem illius benignitatem, quam per multos annos summa cum animi lætitia & voluptate expertus est, solennes egit gratias. Tunc paulò ante mortem petens, ut jam sibi privatifque suis orationibus & meditationibus vacaret, in hoc unicè intentus, Deum, ut propter *Jesu-Christi* passionem & mortem illius misereri pro infinita sua misericordia dignaretur: *Condona mihi*, inquebat, *ô Domine, peccata mea omissionis*. Hæc erant illius ultima verba, nec quicquam aliud postea ab illo prolatum fuisse, qui aderant, audivere. \* Mox enim piam efflavit animam *Usserius*, Vir summus, & propter pietatem, eruditionem, & dignitatem eminentissimus: postquam septuaginta quinque annos, tresque, dempta una septimana, menses vixisset.

XXI.  
Martii  
MDCLV.

Sepultus  
in Eccle-  
sia Abba-  
tiali *West-*  
*monasteri-*  
*ensi*.

Convenerat inter V. C. D. *Timotheum Tyrrellum*, *Usserii* generum, & illustriſsimam Comitissam *Petroburgensem*, de illo sepeliendo, cum omni debito decore, sed sine sumptuosa pompa & strepitu, in Ecclesiæ Parochialis crypta, ad familiam istius propaginis *Howardorum*, è qua erat oriunda, pertinente. Sed quod verisimillimum est, procurante *Bernardo*, qui se se in gratiam & favorem *Cromwelli*, utpote cui vitam debuit in ista horrenda strage, post expugnatam ferro ignique *Droghedam*, in qua, paucis admodum, ne mulieribus quidem exceptis, parcitum fuerit, insinuaverat, *Cromwellus* artis dissimulandi peritissimus, literis transmissis intercessit, non ex amore pietatis aut reverentiæ camitiei sacrarumque insularum venerandi Archipræsulis, sed vafriſ aribus politicisque rationibus inductus, voluit, ut sacræ istæ exuvie in Abbatiali Ecclesia *Westmonasteriensi* publicè illius sumptibus conderentur. Ille enim satis gnarus, quantum decoris, quamque insignem

nem gloriam, non tantum domi, sed per univcrsum orbem Christianum, & potissimum apud Ecclesias Reformatas in Gallia, Belgio, Germania, & alibi gentium, sibi peperisset *Usserius*, id pro versipelli suo ingenio dedita opera & sedulo egit, non modicam laudis partem in se ex hoc magnifico funere derivaturus. Cui igitur apparando ducentas libras Anglicanas è fortuitis *Deo dandorum* pecuniis eximendas solvi iussit. Non enim majori pretio egregiam istam, quam ab Exteris captaturus esset, laudem, censuit redimendam Parricida sceleratissimus, & in omne ævum execrandus. Exequiis ex improvviso dilatis, corpus condiri oportuit: quod tandem indicto die, viz. XVII. Aprilis A. MDCLVI. curui, pollatis pannis lugubrem in modum, cum reliquis appendicibus, ornato, impositum, magno Nobilium numero comitante, prout in Magnatum funeribus fieri solet, *Londinum* deferretur. Cum ventum esset ad ædes *Sommersettanas*, serenissimæ Reginæ *Henricæ Mariæ*, augustissimi Regis *Caroli I.* viduæ, palatium, *sequestratis* (ut verbo forensi utar) Presbyteri Ecclesiæ *Anglicanæ*, qui testandæ reverentiæ & obsequii erga *Usserium* causâ, illic ex pacto convenerant, sese immiscensibus, ni malè, post quadraginta octo annos, memini, paucis ex Ministris Presbyteranis *Londinensibus*, inde egressi, bini longo rectoque ordine *Westmonasterium* processerunt, ut de confertissima aliorum, qui aderant, multitudine sileam. Deposita aliquanto tempore in Ecclesiæ choro sandapila, *Bernardus* consensu rostris concionem, cui interfui, habuit in hæc verba 1. Sam. XXV. 1. *Mortuus est autem Samuel, & congregatus est universus Israel, & plauerunt eum nimis, & sepelierunt eum in domo sua in Ramatha*; qua ad finem perducta, proceditur ad sepulchrum, in *S. Erasmi* sacello à latere magnificæ Capellæ *R. Henrici VII.* effossum, in quo, *Bernardo* officium istud in Liturgia præscripturo, juxta ritus Ecclesiæ *Anglicanæ* isthic peragente, recondebatur, usquedum resurrectionis auroa illuxerit. custodiendum.

Hac compendiarie vitæ *Usserii* historia defunctus, ea, prout in contemendis describendisque corporis, *idoneus* vires, ingentesque animi doctes, aliaque mixti generis propius spectant, paucis ex industria (neque enim Panegyristen in celebrandis illius laudibus fusiori stylo superflue excurrentem ago) referre, & quasi coarctata tabella representare, & demum scripta, quæ reliquit, sive perfecta, post mortem in lucem edita, sive affecta tantum, à quibus absolvendis, aliis studiis impeditus, manum absti-

abstinuit, recensere jam, ut Lectorum curiositati pariter ac profectui & commodo hac ex parte simul prospiciam, aggredior.

Forma  
habituf-  
que cor-  
poris.

Statura erat aliquantulum procera, & corpore benè composito, cæsarie, præsertim in juvenilibus annis, subnigra, temperie paulò ad sanguinem inclinate, vultu gravi & serio, bonæ indolis sedatæque mentis indice, incessu, etiam in senectâ, erectus, robusta valetudine, licèt semel febre quartana, iterumque stranguria immodicoque sanguinis effluxu quassata: rarò admodum capitis dolori obnoxius, nunquam verò aut calculo, aut podagra vexatus: parvus vini, in cibo absque condimentis reliquisque gulæ irritantis cocto paratoque moderatus: ita ut, sive id ipsius temperantiæ sive facili bonæque concoctioni adscribendum sit, nihil inde mali sentiente aut stomacho aut cerebro, è mensa repente, quamprimum per hospites licuit, in museum studiorum gratia valuerit reverti.

Mores  
dotes-  
que ani-  
mi.

Dein genio sublimi, omniumque scientiarum, tam divinarum, quàm humanarum capaci, & de indefessa, quæ illum, exporrecto totius vitæ spatio, nunquam destituit, industria, non est, quod hîc quicquam denuò repetam, quod apud omnes notissimum est, quibus *Ursii* nomen non ignotum, & quod etiam libri, in omne ævum victuri, luculentissimis documentis testabuntur.

Pietas sincera & absque omni fuco & ostentatione, quam ab ineunte adolescentiâ à corde, amore Dei cœlitus accenso, fluentem, à turpitudine & opprobrio per gratiam *Christi* integram servavit, in omnibus vitæ actionibus officiisque religionis, sive clam, sive publicè peractis, illuxit. Non pecuniarum avidus, non opum corrasor, effusæ in pauperes, præsertim in juvenes Academicos angustioris fortunæ, assignatis annuis pensionibus, ut studiis animum alacrius intenderent, liberalitatis: orphanorum aliorumque, quos impensis suis in scholis educandos curavit, fautor & patronus. Sed inter Christianas, quas exercuit, virtutes, mira humilitas potissimum eminebat, quæ illum supra omnes titulos reddidit maximè venerabilem: non sui amans, non aliorum contemptor. In tam alto dignitatis & famæ fastigio positus, cunctos, etiam mediocris fortunæ & ingenii, obvia comitate excepit, amicos verò perquam benignè & familiariter, semper tamen sub justo veræ prudentiæ moderamine: sibi minimè placens, relicta cuiquam opinandi libertate; non rigidus alieni operis censor: in Adversarios, licèt læcissus, non contumeliosus: in congressu facilis, & ab omni morositate

va-

vacuus, à quo neminem aut elato supercilio aut fastuoso sermone repellebat, ne Presbyteranos quidem Ministros, qui, licet implacabili in sacrum Episcoporum ordinem, illorum technis furoribusque hinc eversum, odio adhuc ferrentur, illum tamen revereri, & non mediocri observantia & obsequio prosequi præ se tulerunt.

Sed celari non oportet, illum inde sibi apud suos non parum invidiæ conflagrâsse, quasi illorum schismati pariter ac sententiis in quibusdam dogmatibus Theologicis controversis nimium quantum indulgisset, ne dicam, in præjudicium Episcopalis Ecclesiæ, oppressæ licet & oppugnatæ, nondum tamen per horum fidem, constantiam in durissimis rebus patientiam & zelum ab hostibus triumphatæ, favisset. Multi enim *Usserium* lenitatis & benignitatis erga istiusmodi homunciones, qui indicto contra Regem & Ecclesiam Anglicanam bello, res sacras civileseque perjurii, rebellione & cadibus sub larva reformationis commiscuissent, ostensæ, excessu peccasse censuerunt.

Quisquis in memoriam revocat, ut Catechismum, conciones (quædoque enim cum de *Arminianorum* dogmatibus coram Rege aut ad populum peroravit, non abstinuit ab acribus censuris) Epistolâ editas, & *Gottschalci* Historiam omittam, quàm magnam in condendis Ecclesiæ *Hibernicæ* articulis partem olim sustinuerit *Usserius*; illum quibusdam *Calvini* placitis addictissimum fuisse facile sibi persuadebit; de quo, cum disputationes ejusmodi iterum paulò post mortem ipsius incallescere, Presbyterani, quibus nimirum disciplina *Genevensis*, pariter ac doctrina, cordi erat & in deliciis, spondentes, non parum præsidii ex tanti nominis auctoramento in causam *Calvinianam* derivandum esse, tanquam de magno earundem opinionum Patrono & Fautore, seriò gloriati sunt. Esto. Quid ergo? Num cuiuspiam vitio verti debet, si in istis perplexis dogmatibus Theologicis, neutiquam ad doctrinam fidei spectantibus, quæ meræ sunt argutiæ, & de quibus, pro varia lascivientium ingeniorum inclinatione & indole, rixæ litæque nunquam cessaturæ movebuntur, aut amplectendis aut rejiciendis, judicium suum, unitate Ecclesiæ salva & integra manente, secutus fuerit? Absit: Nemo enim aut pius, aut prudens; aut modestus id dixerit. De qua re utique proforsu siluisssem, si in eadem sententia, quam pridem amplexus fuerat *Usserius*, tuenda perseverasset. Illum verò ante mortem, quod ad hosce articulos de Electione & Reprobatione, de gratia, de libero arbitrio, de redemptione

ne humani generis per mortem Christi Salvatoris; reliquosque omnes spectat, aliam à priori, mutata mente, suscepisse, & in gratiam cum Episcopo Overallo, consummatissimo Theologo, rediisse, ex trium magnorum Virorum, omnique fide dignissimorum, D. D. D. *Briani Waltoni, Petri Gunningi, & Herberti Thorndikii* testimoniis, propria singulorum manu signatis, adversus quorum veritatem nulla legitima exceptio admitti potest, luculentissimè, quicquid contra dixerit *Bernardus*, liquet. Hæc verò, quod ex intuitu nostratum, qui hæc schedas legerint, addo, in præclara de hoc argumento appendice, ad librum, cui titulus, *'Eavortipapéuatos'*, ab eruditissimo *Vidice*, in victo Ecclesiæ Anglicanæ contra istius temporis schismaticos vindice, D. *Thoma Piercio*, postea dignissimo & integerrimo Collegii B. *Maria Magdalena Oxonii* Præsidente, & Ecclesiæ Cathedralis *Sarisburyensis* Decano, contra quendam famosum Presbyteranum Ministrum *Londini* A. MDCLVIII. Anglicè editum, exstant.

In *Usserianum* insurgit *Heylinus*.

A nepote defenditur.

*Usserius* Episcopos & Presbyteros solo gradu, non ordine differt.

Hæc multis fortasse levia quidem videntur, ac ne hili æstimanda. Sed longè severiori dica intentata, *Usserium* aculeato scripto præstringit D. *Petrus Heylinus*, jurium, doctrinæ, disciplinæ, rituumque sacrorum in pessimis & difficillimis temporibus, Ecclesiæ Anglicanæ, ringentibus indignantibusque Puritanis, strenuus admodum Adversator, quasi ille in multis religionis capitibus explicandis à vero Arsertor, quasi ille in multis ordinibus initiandi subscribere tenentulorum, quibus omnes sacris ordinibus initiandi subscribere tenentur, sensu, & ab Ecclesiæ mente abiisset, imò & contraria dogmata invexisset. Adversus has exceptiones breves *Avi sui*, longo post tempore Actoris convitiis, ut putabat, irritatus V. Cl. D. *Jacobus Tyrrellus*, ex filia nepos, vindicias edidit. Sed nolo hisce controversiis dudum sopitis me ingerere, nec singulatim iis recensendis immorari: (utpote quod scopo & instituto Historiæ narrationis, quam suscepì illustrandam, neutiquam convenit) unum aut alterum ex articulis objectis, qui præ cæteris censuræ obnoxii sunt, quasi in transitu memorare contentus.

Ab ingenti isto, ne dicam, immodico, quo ferebatur erga Ecclesias Reformatas, sive in *Gallia, Belgio*, aut alibi gentium in transmarinis Regionibus, quæ Episcopis carent, affectu, ne ordinationes, à quibus Sacramentorum totiusque muneris Ecclesiastici administratio uni-pendet, apud illos factæ, irritæ & nullæ haberentur, *Usserius* jux-



ta quorundam Scholasticorum, qui otio & ingenio ad deprimendam legitimam Episcoporum auctoritatem, hac in re à primis æræ Christianæ seculis derivatam, & optimo jure vindicatam, abusi sunt, effatum, heterodoxæ novitatis arguendum, rotundo ore & expressissimi quidem verbis asseruit, *Episcopum & Presbyterum gradu tantum, non ordine differre*: in qua sententia (uti in multis aliis dogmatibus Theologicis controversis) habuit sibi consentientem & *impulsor* (a) D. *Davenantium* Episcopum *Sarisenensem*, cujus de Prædestinatione & reprobatione Prælectiones Academicas edendas procuravit. Hac decretoria sententia, nequaquam admittenda, acerbissimas Pontificiorum censuras & opprobria, quasi nulli essent Sacrorum Ministris in illis Ecclesiis ritè constituti, retundi & elidi posse putabant. Alii autem viri doctissimi, ex Præsulibus & Sacerdotibus, essentiali inter Episcopos, quibus solis ordinandi jus ab ipsis Apostolis, quorum sunt successores, per omne ævum ad illos transmissum & demandatum competit, & Presbyteros, quoad distinctos ordines, discrimine studiose retento, de isthoc gravi defectu, quo laborant Ecclesiæ Protestanticæ extra *Angliam*, mitius & benignius sentientes illas, præsertim *Galliam*, ubi *Romana* Religio sub civilis potestatis præsidio dominata est, adhucque dominatur, (nam diversa *Belgiæ*, introducta post abdicatum R. *Philippum* II. libera Republica, videtur esse ratio, quæ inde, *Usserio* censente, minus excusabilis, quàm altera redditur) ex necessitate sola, quam induxit temporum, quibus illorum Majores ab Ecclesia *Romana* secessionem fecerint, iniquitas, si non defendi, saltem excusari, & inter membra mystici corporis *Christi*, recenseri posse longè melius statuunt. Qua egregia animi moderatione jura Catholicæ Ecclesiæ integra & intemerata, & Christianam charitatem & benevolentiam illæsam, simul servant: licet cum illis in sanctiori Eucharistiæ mysterio participando vix communicaverint: quod tamen *Usserium*, si in *Gallia*, ac etiam in *Belgio* sedem fixam habere contigerit, se facturum, omni dissimulatione & metu sepositis, professus est. Ne verò de hoc *Usserii* indulgentia & candore triumphos agant Presbyterani, sive *Angli*, sive *Scoti*, meminisse oportet, *Usserium* illorum aut ordinationes calculo suo nunquam approbasse, aut sacris interfuisse, utpote qui perjurii & rebellionis adversus Episcopos, quibus fidem canonicaque obedi-

(a) Determinat. Q. 42.

tiam solenni juramento addixerant, suscitatae manifesti, nulla necessitate, sive reali & insuperabili, sive ficta praetensaque, adacti, flagitioso schismate conspurcati, quod alieni esset juris, longèque superioris auctoritatis, sacrilegè invaserunt. Ne verò quispiam suspiciones ale-  
ret, quasi *Usserius*, sententia de *Episcoporum & Metropolitanorum origi-  
ne*, quam olim scriptis eruditissimis tutatus est, mutata, jura sui ordinis violare aut imminuere in posterioribus vitæ annis hac *εὐκαταστάρι* pro-  
posuisset, sciendum est, illum simul eodemque tempore asseruisse, *eminentem istum spiritualis potestatis, qua Episcopi antistant Presbyteris*, gradum, neutiquam, ex Principum & Synodorum arbitrio pendere, aut à consuetudine Ecclesiastica ex communi consensu introducta deri-  
vari, sed ab ipsis Apostolis, à primis nascentis Christianismi initis fuisse institutam & stabilitam, *Presbyteros subesse Episcopis*, & Presbyterano-  
rum, qui ab Episcopis *Anglicanae* Ecclesiæ se separantes, in illud no-  
vum regimen, novamque disciplinam impia vi rebellibusque armis in-  
troduxisset, ordinationes à *schismatis reatu excusari non posse*: ita mol-  
liter loqui amavit vir placidissimi ingenii: quas tamen proflus irritas,  
inanes, invalidas, & nullas esse ex ipsius principiis, dicendum foret:  
nec quidem ipso invito & repugnante: cum in istiusmodi sacrilegis or-  
dinationibus, formula, in Ordinali *Anglicano* penitus omissa, nulla  
potestas munus istud sacrum administrandi ordinatis in ipso impositionis  
manuum actu conceditur: quod ille idem esse *ac si quispiam charta mu-  
da & rase sigillum apposuerit*, dicere consuevit. Ille autem à præ-  
laudato Ordinali, quod tanquam omnibus absolutum maximi  
æstimavit, se nunquam abduci passus est.

Quid de  
Liturgia  
Ecclesiæ  
Anglica-  
na sen-  
serit *Usserius*  
ostenditur.

Cum sparsi rumores per ora multorum volitarent, quasi ille, decli-  
nata ætate, si non malè, saltem minus honorificè de Liturgia sensisset,  
atrocem istam criminationem indignabunda mente & ore repulit *Usserius*,  
& epistola ad quandam nobilissimum virum transmissa, & isthoc con-  
vicio sese purgavit; nec id fecisse contentus, ad famam apud posteros  
hac ex parte vindicandam, duobus circiter ante obitum mensibus, in  
pugillaribus, in quibus memorabilia, præsertim ad se spectantia, adno-  
tare solitus erat, signatis J. A. literis scriptum reliquit, *se Liturgiam  
magno in pretio & honore semper habuisse*, inque convitium istud, ac si  
illam *Idolum* aliquando appellasset, tanquam impudentissimum ac men-  
dacissimum, ab insita lenitate penè abreptus, severe animadverit: quod  
praxi sua, postquam illius publicus usus in Ecclesiis Parlamentario  
de-

decreto interdictus fuisset, abundè refutavit, utpotè in ædibus Dominae *Petroburgensis*, uti & alibi, sacris religionis officiis à Capellano quotidie perlectis, semper præsens.

Sed hisce omissis, proximo in loco de posthumis *Usserii* libris brevissimè edisserendum est, quos sequens indiculus exhibebit.

*Chronologia sacra, seu annorum & patriarcharum maximè Israelitarum in Ægypto, annorum etiam Judicum, Regum Jude & Israelis ætate.* *Chronologica Oxonii 1660.* Edidit V. CL. D. Thomas Barlovius, Collegii *Reginensis* in illa Academia Præpositus, & postea Episcopus *Lincolniensis*. Usserii opera posthuma. Chronologia sacra.

Liber sanè quantivis pretii, & maximi ad intelligendam penitusque perscrutandam V. I. historiam usus, quem tanquam basin & firmamentum Annalium suorum, tum ut certior firmatioque sacre Historiæ in rebus gestis enarrandis, illic continua annorum serie dispositis collectisque, constet fides, tum ut quando inceperint celebriores sacre Epochæ, è quibus subsequentiæ temporum cognitio pendet, ritè, subtratis demonstrationibus, singularumque ratione reddita, calculis accuratè subductis, statuatur, se editurum, si vitam Deus & vires dedisset, in præfatione ad secundam Annalium partem, pollicitus fuerat. Huic sacro operi maximè intentum ex inopinato mors occupavit, quod maximè dolendum est, antequam ad finem perduxisset: sed illius tamen maximam partem (ab initio enim liber ille mutilus est) in qua perplexas difficultates, dubiaque Problemata, quæ vel in hisce studiis versatissimorum ingenia hæcenus torserint, admiranda sagacitate solvit & explicavit, tanquam pretiosissimas reliquias ex incendio aut naufragio ereptas, supereffe & servari literatus orbis sibi gratulatur. Huic operi annectendum proposuit tractatum *de anno primitivo & veterum Hebraeorum Calendario*, ni mors intercessisset. *Historia Dogmatica Contraversiæ inter Orthodoxos & Pontificios, de Scripturis & sacris vernaculis. Accesserunt Eiusdem Dissertationes duæ, de Pseudo-Dionysii scriptis, & de Epistola ad Laodicenos.* Londini MDCXC.

Historia dogmatica de Scripturis & sacris vernaculis.

In ista Historia doctissimus Auctor, tam veterum *Hebraeorum* ante Christum incarnatum, quàm Patrum *Græcorum & Latinorum*, aliorumque Scriptorum cujusque seculi, usque ad A. MDXX. quo tempore lumen veritatis Evangelicæ spissis ignorantie superstitionisque tenebris in Ecclesiis Occidentalibus per multa secula obvolutæ, emergens, orbi Christiano illucescere & emicare incepit, uti & Conciliorum testi-

monia, sententiis prolatis, aliasque probationes ex jure civili & Canonico ductas, item Imperatorum, Regum, *Romanorumque* Pontificum decreta fusè recenset: deinde de Scripturis in varias linguas in usum populi Christiani, tum ad ingenerandam fovendamque pietatem, tum ad illorum mentes clariori rerum divinarum, prout summè misericors Numen per Prophetas, Evangelistas, & Apostolos Spiritu sancto afflatos eas revelaverit, intelligentia illuminandum, conversis, multis variæ eruditionis argumentis subministratis, agit: insertis subinde persecutionibus, præsertim in *Anglia*, in quibus sequioribus seculis, istiusmodi versionibus, ne in vulgus spargerentur, obviam ire, illasque penitus suppressimere, omnibus viribus, imò ingenti cum furore & sævitia, pessimis rationibus inducti, malefani homines annisi sunt: item, de origine erroris Pontificii, ampla narratione, ut de aliis cognati argumenti capitibus in præsens fileam.

Quod verò doctissimæ tres istæ Dissertationes luce publica donarentur, id pietati & curæ viri reverendissimi D. *Gulielmi Sandcroftii*, Archiepiscopi *Canuariensis*, maximè debetur. Ille enim Autographum, inter innumeras ferè illustrium & eruditorum virorum schedas, quas maxima industria collectas, in Bibliotheca sua instructissima reponendas curavit, ab *Usserii* hæredibus, procurante reverendo viro D. *Parro*, nactus, sapienti ac pio benè de Ecclesia *Anglicana*, cui summa cum laude præfuit, & de religione Christiana merendi zelo incensus, & maximè sollicitus, ut istud in communem utilitatem ederetur, pensum verè sacrum & honorificum eruditissimo Viro D. *Henrico Whartone*, Sacellano suo, quo harum rerum nemo erat intelligentior, ut varia illius scripta testantur, sed non nisi summa cum lenitate, blandissimisque verbis imposuit. *Whartonus*, sive jussibus, sive precibus benignissimi Patroni promptissimo animo obsecutus, laboriosum istud Opus maxima cum laude tandem absolvit, schedas *Usserianas*, propria manu exscriptas, scrupuloso examine expendit, defectus & lacunas supplevit, loca luxata, nondumque probè digesta, restituit & redintegravit, & si quid minus elaboratum & accuratum inibi reperiendum esset (neque enim librum hunc posthumum repetitis curis eliminasset *Usserius*, in Annalibus digerendis, inque Chronologia sacra, cui immortalis est, elucidanda, per multos annos totus occupatus) ad incudem revocavit, & præclarissimo locupletavit Auctario. Suis partibus optimè defunctus,

rus, alium non potuit nec debuit querere aut addiscere Patronum, ejus nomini lucubrationes istæ, tot egregiis accessionibus adornatæ, inscriberentur, quàm *vis patris & manus Sandrosini*.

A. MDCLVIII. Bernardus librum edidit sub hoc titulo : *Judicium Archiepiscopi Armachani, nuper defuncti : in quo continentur sequentes tractatus* : Opuscula quædam Theologica Anglicè edita.

I. *De vera intentione seu proposito, & de extensione moris Christi & satisfactionis in cruce facta.*

Scriptit autem hunc, rogatu cujusdam Amici, ut ipse notavit, mense Martio A. MDCXVII. h. e. paulò ante Synodum Dordrechtii habitam.

II. *Responsio ad quasdam exceptiones contra hunc tractatulum factas.* Quidam enim ex istiusmodi Adversariis, ex Anglia missis, exemplar, quod secum, illo planè inscio, tulerat, aliis ibi communicavit, quorum aliqui, quibus moderata Usserii, mediâ viâ, ne alterutrinque devius, in præceptum feratur, incedentis, sententia, ac si Pontificiorum, Remonstrantium, & cujusdam Heterodoxi *Culverwelli*, errores stabilitum ivisset, non parum displicuit, in illam acriter animadverterunt. Hinc, justa sententiam propositam latius & clariùs explicandi occasione sumpta, illorum criminationes refellere innocentiamque suam tueri necesse habuit.

III. *Epistola ad D. Gulielmum Twissum de Sabbato, & diei Domini observatione sive cultu : scripta circa A. MDCXL.*

IV. *Fragmentum Epistolæ ad D. Legum de Sabbato.*

V. *Fragmentum aliud Epistolæ ad quendam nobilem Virum, non longè post Historiam Sabbati a D. Heylino editam, scripta, in qua etiam ejusdem errores de Articulis Ecclesiæ Hibernicæ A. MDCXV. stabilitis admissos acerrimè vellicat impugnaturque Usserius.* Sed cum in hisce Epistolis multa essent, quæ Puritanis Sabbatizantibus nimium favere D. Heylino, expresso nomine reprehensio, & jam palam in partes vocato viderentur, ille ira exardescens, & hac lite de Sabbato per multos annos sopita, jam reviviscente, hac nova provocatione irritatus, in sui defensionem, Usserii epistolam ad Twissum, varia eruditione refertam, amplo commentario refutare aggressus est.

VI. *Epistola ad D. Bernardum de Ministrorum in Reformatis Gallia & Hollandia*

*landia Ecclesius ordinatione.*

VII. *Episcopatus ad Synodici regiminis formam in veteri Ecclesia receptam Reductio.* A. MDCXLI. *proposita.*

Longè melius D. *Usserii* famæ consulisset *Bernardus*, si ab hac *Sylloge*, uti & à sequente, edenda prorsus abstinuisset. Nemo sanè illius sacros cineres nuperrimè conditos tunc temporis temerasset: nemo illi acerbam de aberrationibus istis intentasset litem. Sed cùm *Bernardus*, adjectis quoque Apologiis & sententiæ *Usserianæ* de dogmatibus controversis, de disciplina Ecclesiastica, aliisque argumentis, ex proprio ingenio explicationibus, multa in favorem Presbyteranorum, quos nimis officiosè, nedicam, turpiter palpare solebat, immiscuerit, ipsius imprudenti zelo imputandum est, quod D. *Usserius* Episcopaliū Theologorum censuris & cavillis objiceretur.

A. MDCLIX. idem *Bernardus* alium sub eodem titulo librum edidit, continentem D. *Usserii* *judicium de Babylone* Apoc. XVIII, quam de hodierna Romana Ecclesia interpretatur, uti & D. *Bedellus*, Episcopus *Kilmorensis*, in concione annexa, in Ecclesia Christi *Dubliniensis* coram D. Deputato & Parlamento *Hiberniæ* A. MDCXXXIV. habita: & de *bestia Apocalyptica*: Capp. XVII. & XVIII. Hæc brevia fragmenta parum digesta videntur, nec digna, quæ sub illius nomine in publicam exirent lucem, quod versutia Bibliopolæ factum videtur, ut liber magnifico titulo, tanquam *ταλαιγιῇ προσώπῳ* munitus ornatusque plures alliceret emptores.

Quæ sequuntur, viz. de *impositione manuum*, de *forme verborum in Presbyterorum ordinatione sensu & usu*, & de *prestitis precum formulæ usu*, *Bernardum* habent Auctorem; in quibus se *Usserii* iudicium & sententiam fusiùs explicare & firmare nescio quam verè affirmat. Sed viderint alii. Non autem tam imbelli in hisce Articulis, qualis erat, *Bernardus*, defensore egebat Ecclesia *Anglicana*.

De potestate Regum & obedientia subditorum lib.

A. MDCLXI. prodit D. *Usserii* de *potestate Regum*, & obedientia subditorum liber, augustissimo Regi, Carolo II. à Nepote dedicatus, & doctissima plurimum reverendi & ob penitissimam & exploratissimam Causasticæ Theologiæ cognitionem, & ob merita laboresque Ecclesiæ *Anglicanæ* contra schismaticorum insultationes tuendæ per universam vitam impensos, nunquam satis laudandi viri, D. *Roberti Sanderfoni*, Episcopi

pi *Lincolniensis*, præfatione, in qua, postquam illius, utpote ex originali autographo descripti, *diuturnitas* ostendisset, Democraticorum, qui omnigenæ potestatis originem à populo pendere insulſè contendunt, principia, solidissimis, quibus nihil ritè opponi possit, argumentis convellit, munitus.

Partus sanè *Usserianus* ingenio, pietate, & solertia perquam dignus, & qui parentem probè resert. Ansam scribendi dedere *Scotorum*, qui impio sœdere sociati sub reformandæ Ecclesiæ & libertatis vindicandæ specie & prætextu adversus Regem *Carolus I.* arma sumpſissent, motus: de quibus *Usserius*, ut sententiam judiciumque suum è sacris rostris proferre vellet, ab illustrissimo Comite *Siraffordia*, Prorege, si quis unquam, meritissimo, rogatus, duas conciones apud augustum Proregis Regiorumque Consiliariorum confessum in Ecclesia Christi *Dublinensi* in verbis hæc *Ecclesiasticis* cap. VIII. 2. *Præstitutum meum, præstitutum Regis observæ; sed pro ratione juramenti Dei*, non sine summa Auditorum approbatione & applausu habuit. Porro iterùm rogatus ut aut conciones istas in publicam lucem edere, aut saltem librum de eodem argumento, h. e. *à quo auctoritatem suam derivent legitimi Reges, & quomodo Regibus subditi obedire oporteat*, majori apparatu & ampliori rerum enarratione è sacris scripturis, è veteris ævi Christianorum exemplis & praxi, è Patrum testimoniis, è sanioris Philosophiæ, juxta rectæ Rationis dictamina, placitis, & ex Ethnicorum Scriptorum consensu, quam temporum angustię paterentur, instructum evulgare vellet, posterius, re benè pensitata, malebat. Hisce consiliis facilè inductus, ad præsens opus scribendum se accinxit, tandemque absolvit, rem hoc pacto, tum serenissimo Regi gratam, tum suis civibus, ne illorum animi Demagogorum, rebus novis studentium technis irretiti, à fide erga Regem præstanda abalienarentur, maximè utilem facturus. Postquam autem in *Angliam* venisset, librum istum, eleganter & accuratè exscriptum, Epistola dedicatoria præfixa, Regi, qui illius usu & lectione delectabatur, curavit exhibendum. Exemplar verò *Londinum*, ab *Usserio*, ut typis ibi mandaretur, prout Rex jusserat, transmissum, sive ex negligentia, sive ex perfidia illius, cui sacrum istud depositum fuerit concredutum, non amplius comparuit, ex oculis omnium sublatum. Archetypum verò, ad jacturam istam refarciendam inter sarcinas ingentemque librariæ suppellectilis struem investigavit: sed omninò frustra, veritus, istud quoque in crebris istis migrationibus, quas obibat, perditum fuisse. Doluit verò

& ingemuit, tot tantosque labores & vigilas in isto elaborando impensas periisse. Sed dum, post animam ejus in cœlos receptam, cistas, schedas, codices manuscriptos, fasciculosque literarum diligenti admodum & curioso examine explorant hæredes, ut quicquid ad D. *Usserium* pertinebat, in inventarium, si ita loqui liceat, referretur, archetypum istud ex tenebris post tot annos sepultum, emicabat: de quo, tanquam de thesauro, ex crypta effosso, omnes, qui illius pretium usumque noverint, sibi invicem gratulati sunt.

Duo denique schediola, quæ sanè absque piaculo prætermitti non possunt neque debent, utpote planè aurea & magni usus, à D. *Parro* edita quorum alterum piæ eruditæque admonitiones & consilia ad juvenes Theologos sacris Ordinibus initiatos, alterum responsiones ad varia quæsitæ, an quovis prætextu arma contra Regem sumere liceat, & ejusmodi, tempore flagrantis rebellionis Parlamentariæ scriptas, complectitur.

Concio-  
nes.

Post mortem, *Londini* semel, iterumque editæ erant viginti Concionæ, quas *Usserius Oxonii*, dum illic studiorum causâ degeret, A. MDCXL. habuit, à quodam Academico ab ore notis tachygraphicis exceptæ: inelaboratæ quidem, & omni quæsito orationis fuco & artificiali compositione nudæ & vacuæ: in quibus tamen perspicuitas cum pietate certat. Non enim elegantiam sermonis, non Rhetoricæ colores, non minimam quidem eruditionis speciem in concionibus ad populum habitis affectavit ostentavitque; neutiquam sibi indulgens placensve; in subtilibus perplexisque Theologiæ speculativæ articulis excutiendis, aut in sententiis S. S. Patrum aliorumque minorum gentium citandis, orationis cursu absque omni linguarum Græcæ & Latine admixtione, ne Auditorum mentes, obstaculis hisce impeditæ, labascerent, continuato. Si quod sacrum argumentum tractandum esset, selecto *Textu*, uti appellamus, congruo, de quo erat dicendum, sola futuræ concionis præcipua capita, quasi compendiarium illius summam, perquam seria meditatione præmissa, chartæ illevis, explicationibus, quas tenax memoria, sagax judicium, facilitasque & copia fandi, ex sacris scripturis communibusque Theologiæ locis, utrisque ipsi maxime familiaribus, pro re nata suppeditaverint, inter scribendum omisiss. Cujus methodi ope & subsidio, assiduum istum munus concionatorum, parum intermissis reconditoris literaturæ studiis, facillè quidem & absque tædio & anxietate sustinuit: ad quod obeundum nunquam si ali-



aliquot horarum daretur interstitium, accessit imparatus. Si quod spirituales commodi, quod aliquomodo animarum salutem conducere posset, Auditor perceperint, si qui inter presentes illius documentis monitisque, concitato affectu raptim effusis, meliores sanctioresque redderentur, hoc sane magno solatio fuit; nec quicquam mentem, dum in vitæ mortisque confiniis steterit, ad cœlites avolaturam, cumulationi voluptate perfudit. Sed cum ab ejusmodi concionibus edendis semper animum habuerit *Usserius* averisissimum, ab avaris istis manonibus, qui lucro intenti, ex mala Notariorum, multa pro libitu aut interpolantium, aut omittentium fide pendentes, illas contra mentem Auctoris in publicam lucem protruserint, magnam injuriam *Usserianam* nomini & famæ illatam fuisse declaramus, & cum iusta indignatione querimur.

Quod pari jure censendum est de libro, qui *Corpus Theologiae*, sive *Corpus summa & substantia Christiana Religionis*, inscribitur, quem pro suo, Theologo quo tempore *R. V. D. Barlovio*, à quo ante triginta annos id accepi, <sup>812</sup> exemplar dono dederit, non agnovit. Sed non opus est, ut alios testes ad fidem faciendam huc advocem: ipsum *Usserium* in epistola ad *D. Joannem Dornamum* editorem, Maio mense A. MDCXLV, scripta, id asserentem habemus, quædam nimirum, quæ, adhuc juvenis nondumque studiis Theologicis imbutus, in *Adversariis* concessisset, illic reperiri, eandemque methodum, quam olim inibat, servari, multa autem alia ex Cartwrighti & Croki *Catechismis*, aliorumque nostratium Theologorum institutionibus, ad verbum desumpta; multa quoque ipsius mentis & judicio prorsus contraria & dissona, & quæ sanam doctrinam haud sapiunt, quasi per saturam inserta fuisse, de cujus editione, illo in *Walia* tum commorante, procurata, cum primum audivisset, non parumangebatur.

Cum verò non multo post *brevis Catechismus de principiis Christianæ religionis*, majoris operis tumultuariò congesti summa & epitome, in suo-<sup>Brevis Catechismus.</sup> aliorumque neophytorum, gratiam & usum, in studiorum Theologorum tyrociniis conscriptus, & mox in *Hibernicam* linguam versus, ex surreptitio apographo, multisque in locis deformato, sub ipsius nomine editus fuerit, sua interesse duxit, ut interpolationibus expunctis deletisque, in commune bonum pristinae integritati restitueretur, cui, in iterata editione, distinctionis causa, ne incautis emptoribus deinceps fraudi fieret, præfationem, subscripto nomine, A. MDCLIV. præfigendam curavit.

Alii libri  
ab Usserio  
elabora-  
ti sed i-  
nediti.

Delitefcunt adhuc in privatorum manibus fequentes libri, quos à D. Ufferio florentibus annis compofitos fuiſſe mihi certò conſtat.

I. *De Corbis, Herenachis, & Termor-lands*, de quo vide, quæ ſupra memoravi, qui non ita pridem erat penes reverendiſſimum D. *Gulielmum Sandcroſium*, Archiepiſcopum *Cantuarienſem*, quo nemo iſtiusmodi cimeliis juſtum pretium ſtatuerè melius norat. Colleftanea autem in Adverſariis raptim & feſtinante calamo ingeſta, ex quibus, tanquam ex rudi indigeſtaque materia, pulchrum hoc ſurrexit opuſculum, artiſci manu concinnatum, in Bibliothecæ *Dublينيensis* archivis hodiè proſtant.

2. *De primis fidei Chriſtiane in Hibernia propagatoribus*, h. e. de S. Palladio, S. Patricio, ejusque in Sede *Armachana* ſucceſſoribus, quem, ut ipſe in epiſtola ad V. Cl. (a) *Gulielmum Camdenum*, A. MDCXVIII. data, refert, rogatu D. *Hamptoni*, Archiepiſcopi *Armachani*, ſcripſit. Sed de hoc opuſculo non adeo ſolicité laborandum videbitur; cum quicquid inibi exſtat, procul omni dubio in ampliſſimo de *Eccleſiarum Britannicarum primordiis* opere longè majori apparatu & accuratiori examine reperendum ſit.

3. *De jure primitialis dignitatis, ſedi Armachanæ à S. Patricii temporibus annexæ*, quem ex lite de præcedentia inter illum & Archiepiſcopum *Dublينيensem* orta, animo prorfus invito A. MDCXXXV. compoſuit. Variæ ſchedæ de hoc argumento, ex Eccleſiarum regiſtris regnique tabulariis propria ipſius manu conſcriptæ, è quibus multa de Eccleſiaſticis *Hiberniæ* antiquitatibus, in iſto libello omiſſa, & prorfus à quoquam intacta, crui poſſint, in iſdem archivis *Dublينيensibus* etiamnum ſuperſunt.

Memini me ejusdem *brevem Joannis Hæriſſoni*, ultimum mundi ex-cidium A. MDCXXX. fore, ſcripto, prout ſanatici Euthuſiaſtæ ſolent, mira quadam audacia aſſerentis, *Elenchum* olim vidiffè: in quo non ſolum hujus deliri calculatoris ineptiæ, ridiculis abſurdiſque hypotheſibus fundatæ, èque perverſa annorum ab orbe condito & ſcripturis ſacris diſpoſitione, & peſſima & inſulſiſſima interpreta-tione loci *Apocalypſici* cap. XIV. 20. de mille ſexcentis ſtadiis, ( juxta illum pro periodo durationis mundi habendis, quæ pro to-ti-

(a) *Camd. Epiſt.* CLXXXVIII. p. 233. & in *Epiſt. Uffer. Sylloge* Ep. XXXIII. pag. 64.

tidem annis, à baptismo S. Joannis, cùm Christus quasi triginta annorum esse incepisset, inchoandis, & superioris seculi tricesimo anno terminandis sumit) exsculptæ; sed etiam crassi *Matthæi Beroaldi*, in *Chronico*, quod S. Scripturæ auctoritate se constituisse somniavit, errores solidis demonstrationibus refelluntur.

Multa alia, & magna quidem, animo agitabat D. *Usserius*, vir Elenchus aliorum operum, quæ ag-gressus est Usserius. omni literarum genere excultissimus, & sublimi ingenio, ad omnia apto & composito, pollens: cujus igneo vigori, vires corporis, si non profligatæ, saltem assiduis laboribus imminutæ, haud responderunt, & apud se seriò constituebat, præter (a) *Institutionum Chronologicarum* libros tres, in publicam lucem edere.

1. Canonem regnorum *Ptolemai*, ab ipso è codice MS. in Museo *Saviliano Oxoni* exscriptum, variis notis Historicis & Chronologicis illustrandum, nudè quidem à V. Cl. *Joanne Bainbridgio*, Saviliano in ista Academia Astronomiæ Professore, ad calcem *Procli de Sphæra, & de hypothesisibus Planetarum* Londini MDCXX. editum.

2. Commentariolum de annis magnis Romanorum, in quo de lustris, agonibus Capitolinis, indictionibus, seculis, & ludis eorum secularibus disseritur.

3. Observationes in fastos Magistratum & triumphorum Romanorum, ab urbe condita usque ad excessum *Cæsaris Augusti*, ex fragmentis marmoreis è foro Romano effossis, & à doctissimis nostri temporis Chronographis suppletis.

4. *Mariani Scoti Chronicon*: Exemplar autem suum ex codice *Cottoniano* transumptum, & illius deflorationem seu Epitomen *Roberti Lotharingi*, Episcopi *Herefordensis*, cum alio apparatu ad (b) V. Cl. *Cierardum Joannem Vossium*, ejusdem Chronici editionem eodem tempore molientem, literis interpellatus, admodum generoso & benevolò affectu transmisit.

5. Novum Testamentum Græcè (c) cum Scholiis variisque lectionibus, è multis MSS. codicibus, & præsertim codice *Alexandrino* in Bibliotheca Regia, accuratè collectis, quas postea (d) viro præ-

Q 3

(a) Vide Epist. Uss. ad S. Wardum anno 1630. scriptam, Ep. CLIX. p. 435.

(b) Ibid. p. 435. & epist. 193. ad Vossium A. 1632. scriptam p. 483. vide etiam de *Mariano Scoto* D. *Langbainii* Epist. ad Usser. 225. p. 523.

(c) V. Epist. 235. p. 535.

(d) V. Epist. 246. p. 543.

præstantissimo & eruditissimo, D. *Henrico Hammondo*, tum Paraphrasin & amplos in N. T. commentarios, adornanti, uti etiam postea (a) D. *Briano Walton* benignè communicavit.

(b) 6. Libri *Jobi* Latinam versionem S. *Hieronymi*, ex Græca *Origenis* editione factam, obeliscis & asteriscis distinctam.

7. Veteres Epistolas Paschales, ut ex sequenti titulo, olim è schedis autographis à me exscripto, liquebit :

*Paschasii Lilybetani, Proterii Alexandrini, Dionysii Exigui, & Bonifacii, primicerii Notariorum, Paschales Epistolæ, quibus computi Ecclesiastici, ex præscripto Concilii Nicæni, à Patriarchis Alexandrinis promulgati, & in universo orbe Christiano ante Gregorianam reformationem fontes aperiantur, ex vetustissimis MSS. codicibus in lucem edita, & notis illustrata à J. U. D.*

Hiscæ Epistolis quinque cyclos *Dionysianos*, cum quinque aliis sequentibus A. DCXVII. à Continuatore quodam *Dionysii* adjectis, & argumenta titulorum Paschalium, *Ægyptiorum* investigata solertia, addere proposuit. Epistolam istam *Dionysii Exigui* cum duobus aliis MSS. codicibus, quorum alter in Bibliotheca *Bodleiana*, alter olim ad Monasterium *Whitbeiense* pertinens, in museo doctissimi viri D. *Thomæ Alleni*, exstat, variis lectionibus margini appositis, summa accurate contulit: quod de cæteris quoque dicendum est.

8. Epistolas *Alcuni*, sive *Albini*, *Magistri*, uti appellatur, *Caroli magni Imperatoris*, hæcenus ineditas, quas ex variis codicibus MSS. in Bibliotheca *Cottoniana* repositis, exscribi curavit.

9. Epistolas *Lanfranci*, Archiepiscopi *Cantuariensis*, ad diversos missas, quas etiam è codicibus *Cottonianis* accuratè collegit.

10. *Anastasi* Bibliothecarii librum de vitis Romanorum Pontificum, olim, viz. MDCII. Moguntia excusum, cum additionibus & emendationibus.

Collectanea,

Præter hæc ingentem quoque, imò & planè obstupescendam Collecta-

(a) In præfatione ad Biblia Polyglotta. Quod ad textum Græcum N. Testamenti attinet collegit etiam reverendissimus *Usserius* ex aliis libris XVI. MSS. antiquissimis, ex *Academiis* utrisque & alibi conquisitis, loca variantia, qua nobis benignè communicavit.

(b) V. D. *Usser.* Epist. ad Capell. p. 206.

taneorum, partim propria ipsius manu, partim Amanuensium, quos in ædibus suis aut alibi lauto stipendio aluit retinuitque diligentia exscriptorum, ex quibus duo grandia volumina, præsertim de rebus Chronologicis, jam in archivis Bibliothecæ Jurisperitorum Hospitii *Lincolniensis* servata exscribi curavit D. *Matthæus Halesius* supra memoratus, molem reliquit *Usserius*, quorum pars magna, quam olim celeri manu versavi, penes hæredes manet, reliquæ in Bibliothecarum tum *Oxonienfis* tum *Dublinensis* archivis reponuntur.

Jam per superioris seculi dimidium, ex quo nomen ipsius inclarescere cœpisset, arctam cum plurimis viris, dignitate & eruditione insignissimis, amicitiam habuit, sanctæque, præstitis omnibus officiis, coluit: quales erant, præter illos, quos in hoc commentarioli vitæ & studiorum ejus passim pro re nata memoravi, *Thomas Mortonus*, Episcopus *Dunelmensis*, *Joannes Prideauxius*, Episcopus *Wigorniensis*, D. *Henricus Spelmanus*, cujus præclarum de Conciliis Britannicis opus, antequam ederetur Auctoris rogatu ad accuratum examen revocaverat, multisque paralipomenis suppleverat, *Joannes Bainbridgius*; ad quem inter alia, exemplar Synodi à S. *Patricio* olim indictæ & postea à D. *Jacobo Waræo* publicatam misit: *Joannes Bainbridgius*, Astronomiæ in Academia *Oxonienfis* Professor *Savilianus*, *Joannes Gravius*, ejusdem in cathedra Astronomica Successor, *Thomas Jamesus*, *Gulielmus Gilbertus*, *Abrahamus Whelocus* & *Arnoldus Bootius* inter nostrates: inter verò exteros *Gerardus Joannes Vossius*, hîc iterum nominandus, quem juxta secum in *Hibernia* habere voluit, & Ecclesiæ *Armachane* decanatu donandum, licet irritò conatu, maximè cupiebat: *Christophorus Justellus*, *Isaacus Vossius*, τῷ πατρὶ τοῦ παλίου, *Claudius Sarravinius*, *David Blondellus*, *Fredericus Spanhemius*, *Jacobus Goarvus*, alique, quibuscum commercium verè literarium & eruditum instituit, ut abundè ex ingenti Epistolarum Sylloge, *Londini* MDCLXXXVI. publici juris facta, constat. Diffiteri non oportet, multas ex iis deperditas, multas ab Editore pro prudentia sua subductas & suppressas fuisse: nihilo secius thesaurum doctrinæ multi generis, magni æstimandum, jure appellaverim: in quo variæ rerum curiosarum in Theologia, Historia, & Chronologia notitiæ & documenta occurrunt. Ex his Lector *Usserium* tam in suis quæsitis, quàm in responsis, ingenium, solertiam, judicium, sapientiam, & promptissimam aliorum, quos hîc nominare omnino superfluum videbitur, studia ad-

Amici  
familia-  
res.

Epistol-  
arum Syl-  
loge.

ju-

juvandi & promovendi, consilio, commendatione apud Magnates & Præsules, liberalibus largitionibus, codicibusque MSS. commodatis, voluntatem magis magisque mirabitur. Sed in hisce communibus elogiis, quæ tamen magno in pretio haberi debent, referendis longiorem moram facere tædio foret.

Usserii  
Biblio-  
theca in-  
structis-  
sima.

Pauca de Bibliotheca illius, non sine magna industria sumptibusque magnis per quinquaginta annos & ultra collecta, restant dicenda, quæ uti à suscepti operis ratione neutiquam aliena & dissona, ita ingenuo, & candido Lectori non ingrata, uti spero, censibuntur.

Olim, dum florente Ecclesia, res domesticæ integræ starent, *Usserius* selectissimam hanc Bibliothecam, è decem millibus libris, tam impressis, quàm (a) manu exaratis, conflata, Collegio *Dublinensi*, in quo educatus fuerat, in perpetuum observantiæ & grati animi testimonium & monumentum, post mortem dono dare apud se constituerat: sed mutatis temporibus, novaque rerum facie, ubique per universas *Britannias* inducta, de filia, cujus virtus, pulcherrima forma, ingenium, modestia, reliquaque muliebris sexus decora, quando nupserrat, amplissimæ dotis vicem supplebant, ejusque numerosa prole, aliquo modo providendum esse jussit potentior paternæ curæ & pietatis ratio. Dum enim post exortam *Hibernorum* execrandam rebellionem & lanienam, omnibus redditibus, fundis, fortunisque expoliatus, angustii rei familiaris opprimeretur, vix aliud quicquam, quo erat donanda, illi suppetebat. Omnes verò, quibus harum rerum erant aliquis usus, cura amorque, ne in multorum manibus distraheretur, in publicos literarum & literatorum usus alicubi integram servari cupiebant: quam ex certa fide constat, tum serenissimum Regem *Daniae*, tum Cardinalem *Mazarinum*, singulos nimirum in suum peculium, redimere voluisse. Sed intercessit *Cromwellus*. Quis autem crederet hominem, enthusiasti furoribus subindè correptum, & humanioris literaturæ osorem, cavisse, ne thesaurus iste extra *Angliam*, non sine summa injuria genti inurenda, exportaretur? Interim commodum accidebat, ut Ductores copiarum, quæ duce *Cromwello* *Hiberniam* expugnaverant, perquam laudabili æmulatione incitati, pecuniis ad bis mille & ducentas libras sterlingicas excrecentibus, tum ex suis, tum ex gregariorum in exercitu

(a) Vide Catalogum librorum MSS. apud Dublinium qui præter alia, Viri optimi & fama sempiterna, Jacobi Usserii, totius Hiberniæ illustrissimi Primatis, Bibliothecam selectam explicat: in magno opere Catalogorum Oxon. 1697. in voluminis secundæ parte altera pag. 16.

citu militum stipendiis simul collectis, ut in Bibliotheca *Dublinensis* primum condenda factum fuerat, de libris *Usserianis*, ut nobilis eidem Bibliothecæ fieret accessio, redimendis convenerunt. Sed postquam in *Hiberniam* advehi fuissent, rejecto isthoc proposito, ne tali admixtione quippiam exinde gloriæ, quam captabant, decederet, de novis conclavibus alibi extruendis, in quibus ad majorem munificentiam ostentationem seorsim reconderentur, deliberarunt. Nondum constituta ista re, in quasdam arcis *Dublinensis* cameras, quibus propeinodum incustoditis, nimium facilis patebat aditus, detruduntur; malorum hominum, qui multos, uti fertur, tam excusos, quam manuscriptos optimæ notæ, codices clam surripuerant, fraudibus obnoxii. Post instauratam Monarchiam, viz. anno MDCLXI. quo tempore excellentissimus & illustrissimus Princeps, *Jacobus*, Dux *Ormondie*, summa prudentia & fortitudine *Hiberniam* gubernabat, serenissimus Rex *Carolus II.* ad quem omne illud jus devolutum erat, Prorege & Ordinibus regni petentibus, communi Bibliothecæ, quotquot supererant, inferri pro benignitate sua jussit.

In Basilica *Westmonasteriensis*, quod mortale erat *D. Usserii*, reconditum jacere supradixi, sed ibi inter tot Regum Magnatumque Mausolea, tumultum illius, utpote nullis notis insignitum, quispiam curiosus frustra quæret, quem hæredes, sive quia ille vetuit, sive potius ad declinandam invidiam, in istis calamitosis temporibus condidisse neglexerunt. Sed isthoc adscritio, licet maximè debito, honore non eget ille, qui monumentum, omnibus sepulchralibus titulis gloriosius, & quovis marmore & ære perennius, scriptis immortalibus sibi vivus posuerat, quorum perpetua utilitate & beneficio fama per omnium seculorum memoriam usque ad ultimam perituri mundi ætatem propagabitur. Quantis verò elogiis præconiisque condecorari meruerit, vir præstantissimus, *Joannes Gravins*, quicum illi magnus amicitia: usus & necessitudo intercesserat, pro summo erga illum affectu, ingenti reverentia, & justissima illius virtutum & consummatissimæ eruditionis admiratione (a) olim hac sequenti epigraphe, digna, quæ tabellæ deauratæ, ad murum Sacelli, juxta quem situs est. appendendæ, inscribatur, posteris testatum voluit.

R

M. S.

(a) A. MDCXLV.

M. S.

## JACOBUS USSERIUS,

Archiepiscopus Armachanus,

Hic situs est.

Ob

Rerum eruditionem,

Ingenii acumen,

Dicendi &amp; scribendi facilitatem,

Morum gravitatem suavitate conditam,

Vitæ candorem &amp; integritatem,

Æquabilem in utraque fortuna animi constantiam,

Orbi Christiano &amp; piis omnibus charus;

Omniumque judicio, præterquam suo,

Præful verè magnus:

Qui Ecclesiam veterem institutis,

Clerum suo exemplo,

Populum concionibus,

Assiduè instruxit:

Qui scripturas Veteris ac Novi Fœderis

Commentariis ex ultima

Et recondita antiquitate illustravit,

Chronologiam sacram pristino nitori restituit,

Bo-



Bonarum artium Professores, inopia afflictos,  
Munificentia sublevavit.

Denique qui hæreses repullulantes calamo erudito  
contudit.

His ingenii dotibus, his animi virtutibus ornatus,

Antistes optimus, piissimus, meritissimus,

Inter bella civilia, & patriæ suæ & Ecclesiæ funesta,

Sibique luctuosa,

Cum nec Patriæ nec Ecclesiæ diutius prodesse poterat,

In Christo pacis auctore placidè obdormivit.

Anno Christi . . .

Ætatis suæ . . .

XXI. Mar-  
tii MDCLV.

LXXVI.

## E L O G I A

E T

## T E S T I M O N I A

illustrium &amp; Doctissimorum Virorum

DE D. JACOBO USSERIO,

Archiepiscopo Armachano.

**J**OANNES BRAMHALLUS, Archiepiscopus *Armachanus* in fine Dissertationis de Sabbato & die Dominico, illum appellat *eruditum suumque reverendissimum Metropolitanum*, sub cujus pio & moderato regimine per aliquot annos Episcopus in provincia Ultoniæ vixit: pag. 934. & denique in extrema conclusione, addit *that he was an honour to his native country, an ornament to the Reformed Church, a conscionable Preacher, and an exemplary pattern of piety.* pag. 938. in editione operum illius, *Dublinii*. MDCLXXVII.

BRIANUS WALTONUS, Episcopus *Cestriensis*, in præfatione ad Biblia Polyglotta, *Londini*. Inter quos primas merito tenet Primas ille *reverendissimus Hiberniæ*, Jacobus Usserius *Armachanus*, cui inter alias virtutes, hæc propria laus erat, nil proprium habere, sed ex effusa bonitate omnia in Reip. literaria bonum communicare, qui ex instructissima sua Bibliotheca libros plurimos MSS. & impressos variorum idiomatum nobis libenter commodavit, consiliumque suum, quando ipsam convenirem, impertivit: quo in multis me adjutum profiteor: haud iniquè tamen tulit, quo eras animi candore, si in quibusdam dissentum liberè profuerer.

JOANNES PEARSONUS, Episcopus *Cestriensis*, in epistola dedicatoria ad Gilbertum Archiepiscopum *Canuariensem* *Vindiciis Ignatiani* præfixa, *Canabrigiæ* 1672.

Quid felicissimos eruditissimi Primatis *Armachani* conatus, quid conspi-

*spirantem originalis Græci codicis à doctissimo Vossio peropportune procuratam editionem, quid Hammondi viri optimi consummatissimique Theologi, lucubrationes commemorare?*

In procæmio :

Jacobus Usserius, *Archiepiscopus Armachanus Hiberniæ Primas, Kirmira in his rebus perspicacia fideique.*

JOHANNES DAVENANTIUS, *Episcopus Sarisburiensis, in adhortatione ad fraternam communionem inter Evangelicas Ecclesias restaurandam Cantabrigiæ 1640. pag. 84.*

*Rectè observavit reverendissimus Archiepiscopus Armachanus, Vir singularis pietatis & omnigenæ eruditionis laude cumulatus. Quod si quis &c. in concione coram Rege pag. 28.*

JOHANNES PRIDEAUXIUS, *Episcopus Wigorniensis, in Læctione XIII. quæ est de mille annis Apocalypsicis pag. 209. Oxonii 1648.*

*Infinita hic congeri possent ad hoc firmandum testimonium, sed ista non capis mei institui compendium : peri possunt à locupletissimo solide eruditionis & totius Antiquitatis gazophylacio, Archiepiscopo Armachano, de Christianarum Ecclesiarum successione & statu : cap. 3. 4. 5. 6.*

JOSEPHUS HALLUS, *Episcopus Norwicensis, in epist. ad D. Usserium Maio 1647. in Sylloge pag. 516.*

*Gratulor vero ex animo, te, Anistitum decus, S. Ignatio tuo : gratulor tibi, imo universo orbi Christiano, Ignatium, meritissimè tuum, sed quidem & tuo beneficio nostrum. Gratiorem profectò operam navare Dei Ecclesiæ nullus unquam potuisset, quàm tantum, tam antiquum pietatis exemplar ab injuria temporis vindicando.*

In epistola ad eundem Julio 1650. p. 554.

*Accepi à te pridem, honorandissime Præsul, munus egregium, teque uno dignum, Annales sacros veteris Testamenti accuratissimè digestos.*

D. JOANNES FELLUS, *Episcopus Oxoniensis, in præfatione ad epistolam S. Barnabæ : Oxonii 1685.*

*Hec postquam per plurima secula in Bibliothecarum pluteis delituisse, reverendissimi Usserii Armachani Primatis studio & auspiciis prelo hoc in loco subijciatur anno 1643.*

Deinde — *quæ de opere ipso dicenda supersunt, ut viri magni memorie librem, verba illustrissimi Primatis prædicti, quæ flammæ evaserant, exhibebo. — Quid autem eruditissimus Hiberniæ, juxta & melioris literaturæ Primas de Epistola hujus auctore senserit, quanquam non ex dictis liqui-*

do apparent; inducia tamen sunt satis clara, quæ fidem faciant, propendisse eum in hanc sententiam, ut crederet, opus hoc Scriptori ignoto deberi.

HENRICUS HAMMONDUS in epistola ante Dissertationes quatuor de juribus Episcopatus Londini 1651. editas.

Alii interim, nec pauci nec contemnendi Theologi ad tutelam Episcoporum æquariorum operas & Symbolas suas contulerunt, singuli singulis & justis voluminibus rem integram exorti: quibus ut fas erat, reverendissimus Archiepiscopus Armachanus, Hiberniæ Primas, suis de origine Episcoporum & Metropolitanorum, & de Asia Proconsulari eruditissimis Diatribis, faciem prætulit.

In Dissertatione secunda de S. Ignatio cap. 2. pag. 57.

Taceo lubens, quid in hac re reverendissimus Primas Armachanus præstiterit, & quam feliciter ille (nec sine peculiari Dei providentia sic disponente) Latinam, licet barbaram, versionem, Vossiano Græco exemplari per omnia respondentem, eodem serè tempore (ipsoque sanguinariæ sæculi, Episcopis adeo inferni, articulo) ex vetustissimis Angliæ codicibus etiam Oxoniæ lucem videre jussit.

ABRAHAMUS WHELOCUS in epist. dedicatoria, Bedæ Historiæ Ecclesiasticæ Gentis Anglorum præfixa, Cantabrigia 1644.

Ea (historiæ Ecclesiasticæ Britanno-Saxonum professio) mihi destinata à viro nobili, nunc non sine detrimento literarum hac in terris vita defuncto, antiquissima, dum vixeras, literarum & fidei, D. Henrico Spelmanno, & (quod me alias huic oneri planè imparem plurimum confirmavit) sub auspiciis reverendissimi Armachani, totius Hiberniæ Primaris, qui Londino hac ad majora Comitia Cantabrigiam 1640. veniens, voluntatem patris & incliti Senis — explicuit, ubique ipse Præsul amplissimis Saxonica Evangelia Auditoribus, ex idiomate Saxonum antiquo aperienda tunc quidem proposuit.

In epist. ad Lectorem.

- Historicum opus commendationes historicas desiderat has, si reverendissimi Armachani Britannicarum Ecclesiarum primordia, ( quibus quid addere conari, esset Iliadas, post Homerum scribere ) ad manus habeas, ex illis pete.

Idem in præfat. in Evangelia Persica cap. vi. S. Matthæi ver. 13. Londini 1652. qui operi immortuus sola priora XVIII. capita excuderat.

Quin & cum patriam Gothicam Persæ ex parte pro sua agnoscerent, clausulam hanc è Gothicis à Cl. Grutero, ut vir summus in Ecclesia, reverendissimus Armachanus, Jacobus Usserius, mihi indicavit, etiam, à grege Christi sub Ulphila Episcopo circa annum Christi plus minus CCC. recitari solitam, hic describere non supervacaneum duxi.

Gu-

GULIELMUS CAVEUS in *Scriptorum Ecclesiasticorum Historia literaria*: in S. *Chrysolomo*. Lond. 1688. pag. 269. *Præter ea, quæ ad scripta Chrysolomi enucleanda hactenus observavimus, cum plurima incredibili plane diligentia undique collegere noveritque in puro Usserii in Bibliotheca Theologica MS. placet in Lectoris gratiam pauca inde flegere, & in certa capita distribuere.*

HENRICUS WHARTONUS in præfat. ad *Jacobi Usserii Historiam dogmaticam controversiæ inter Orthodoxos & Pontificios de scripturis & sacris vernaculis* Londini 1690. *Norum quotquot literas meliores colunt; norunt & semidocti, quanta fuerit Usserii, & quam diffusa eruditio, quam infinita lectio, quanta judicii gravitas. Inter tot certe literaturæ instantiores & orthodoxæ religionis popules, quos sæculo postremo inde orbi Britannicus, istum præ aliis habemus, quem nobismet ipsi gratulamur, & in re literaria amicum statuamus.*

DRAXUS apud Eyrum in epist. ad Usserium in Sylloge, epist. XXVIII. pag. 59.

*Lumen illud Irlandiæ & in Academia Dublinensi Professor Regius, Theologus tum præcipuus, ut siue scripta siue dissertationem requirās idoneus est, qui cum tota Papistarum natione concurret.*

D. JOANNES MARSHAMUS in *reperendis ad Monasticon Anglicanum*. Londini. Anno 1655. & recensum Anno 1682.

*Set quis ego spicilegium post uberrimam messem? De Britannicarum Ecclesiarum primordiis usque ad Augustini missionem, non ita pridem, summa cum laude, scripsit Jacobus Usserius, Archiepiscopus Armachanus, vir ob eruditionis immensitatem, morumque sanctitatem toti orbi venerandissimus, ob benevolentiam mihi colendissimus.*

JOANNES SELDENUS in *Prolegomenis ad Marmorum Arundellianorum Inscriptiones*. Londini 1628.

*Codicem, qui hac nobis suppeditavit, Samaritanum, magnis impensis ante quadricennium aut circiter ex Oriente sibi comparavit reverendissimus Antistes, Jacobus Usserius, Archiepiscopus Armachanus, vir summa pietate, judicio singulari, usque ad miraculum doctus, & literis severioribus promovendis natus. Mecum exemplar, quod vetustius est, & charactere Samaritano, scilicet vetustissimo, & Ebraeis in usu ante Esdræ tempora, descriptum, pro humanitate sua, cui plurimum me debere semper agnosco, in Anglia circa id tempus communicavit. In Hiberniam secum postmodum transfecit, priusquam is, quæ volui inde exscribere, adversaria mea*

mea distasset. Literis igitur nuper rogatus, eas capitum V. & X. Genesios partes, quæ Patriarcharum tempora designant, ex eodem ad me ex Hibernia transmisit exscriptas, seu potius accuratissime depictas.

JOANNES GRAVIUS, Astronomiæ in Academia Oxoniensi Professor Savilianus Londini MDCL. 4<sup>o</sup>. reverendissimo Presuli, Jacobo Usserio, Archiepiscopo Armachano, pietate, doctrina, cæterisque animi virtutibus maxime conspectuo, binas Abulfedæ tabulas, unam Chorasmi, alteram Mawaralnahræ, summa observantia D. D.

In Epistola ad D. Georgium Entium ante D. Joannis Bainbridgii Canicularia, ab illo edita, Oxonia 1648. 8<sup>o</sup>.

Eruditos hos, vir doctissime, de anno Caniculari commemorarios scripsit non ita pridem Joannes Bainbridgius, suavis ac impulsu reverendissimi Archiepiscopi Armachani. — Ne autem viri eruditi factis unâ cum Parente exspiraret, idem reverendissimus Antistes me convenit, rogans efflagitansque, ut id negotii susciperem, Parni non invidus, tum, Presulis undique doctissimi auctoritate commotus, tum studio memoriam Viri mihi, dum vixit, amicissimi, conservandi adductus.

D. HENRICUS SPELMANNUS in præf. ad Concilia Britannica. Londini. 1639.

Claros multos Episcopos (fautores hujus operis) intelligo me dicere: reverendissimos in primis tres Metropolitas, (liceat eos omni cum honore & humilitate nominasse) D. D. Georgium & Gulielmum Cantuarienses, atque D. Jacobum Armachanum.

In notis ad Synodum aliam S. Patricii pag. 59.

Secundum hanc S. Patricii Synodum ex Andegavensi Bibliotheca transscriptam, ad reverendissimum Patrem, D. Jacobum Armachanum Archiepiscopum, Primatem Hiberniæ, misit aliquando Jacobus Sirmondus: & eandem mihi Presulidem, eruditione & pietate spectatissimus, 1 Aprilis. 1628.

D. ROGERUS TWISDEN in præf. ad Historiæ Anglicanæ scriptores antiquos: Londini 1652. de Alredi Scriptis — quod & dignissimo Armachano debemus, in quo cum incredibili doctrina & rara purioris antiquitatis cognitione, quam

norunt

Et Tagus & Ganges, forsitan & Antipodes,  
 morum eximius candor, & in instrumendo imperitiores mira suavitas, seria  
 quadam & Episcopali mixta gravitas, certare dignoscuntur: à quo non  
 parum me in hoc opere provehendo adjuvium profitear, nupte qui imo heren-  
 tem sapiens exitavit; & deviantem in viam reduxit.

GI-

GULIELMUS SOMNERUS in præfatione ad Dictionarium Saxonicum Oxonii 1659. sect. 6.

*Hujus autem generis liber ille Medicus in Bibliotheca quondam Regia, Paraphasis etiam Saxonica, cujus usum reverendissimo totius Hiberniæ Primati, Jacobo Usserio, Archiepiscopo Armachano, viro quidem incomparabili & seculorum omnium memoria dignissimo, me debere gratus fateor.*

D. JACOBUS WARÆUS, Eques Auratus in Antiquitatibus Hibernicis: Londini 1654. cap. XV. pag. 67.

*De hac re (i. e. de Academiis sive Scholis insignioribus Hiberniæ) qui plura scire avert, consulat profunda eruditionis virum, D. Jacobum Usserium Armachanum in opere suo eximio, de Britannicarum Ecclesiarum primordiis.*

In præfatione ad S. Patricii opuscula. Londini 1656.

*Librum ejus (i. e. de tribus Habitaculis) hætenus ineditum mihi communicavit D. Jacobus Usserius, nuper Archiepiscopus Armachanus, vir ob eruditionem cum moribus suavissimis conjunctam celeberrimus. Ejus suavis, & ex illius bibliotheca instructissima, nec non è nobili codicum MSS. thesaurio Cottoniano, & aliis, in annotationibus nostris passim citatis, Bibliothecis, conquisitis subsidiis, hoc pensum aggressus sum, eo fine, ut bono publico infervias, cui quidem nostram in ea parte industriam prodesse is olim existimabatur.*

In annotationibus p. 137.

*Atque hæc hætenus — quorum plurima è Britannicarum Ecclesiarum Antiquitatibus à D. Jacobo Usserio, nuper Archiepiscopo Armachano editis Anno 1639. me hausisse libens agnosco.*

In notis ad Synodum S. Patricii pag. 116.

*Canones hujusmodi debemus apographo ex antiquo codice MS. Andegavensi descripto, quod jam olim ad D. Jacobum Usserium, nuper Armachanum Archiepiscopum, è Gallia misit doctissimus Jacobus Sirmondus.*

In notis ad alios novem canones S. Patricio adscriptos. pag. 121.

*Quintum & sextum edidit jam pridem doctissimus Jacobus Usserius, nuper Archiepiscopus Armachanus.*

In præfat. ad librum de Scriptoribus Hiberniæ. Dublini. 1639.

*Ex his, ut de MSS. musei mei taceam, plurimos suppeditavit mihi illustrissimus Præsul, Jacobus Usserius, Archiepiscopus Armachanus.*

*Idem in libro de Præsulibus Hiberniæ, pag. 29.*

*Jacobus Usserius &c. vir propter exquisitam eruditionem, facundiam,*

vita sanctimoniam, moresque humanissimos, meritò celeberrimus.

ARTHURUS DUCKIUS, LL. D. de usu & auctoritate juris civilis Romanorum, Londini 1679. lib. 2. cap. 8.

Constantinum magnum fuisse in Britannia ex Helena matre Britannarum, constanter asserunt, non soli Historia nostra Scriptores, sed & exteri; idemque contra Julium Firmicum & Justum Lipsium strenuè defendit reverendissimus Jacobus Usserius Armachanus, qui suo merito ob insignem literarum omnium scientiam inter Britanniarum nostra ornamenta annumerantur.

FRANCISCUS TAYLERUS in Epistola dedicatoria ad D. Usserium ante Capitula Patrum, Hebraicè & Latinè edita, Londini. 1651. 40. Libellum hunc ut claritatis suae patrocinio committerem, multa persuaserunt. Insignis tua eruditio per totum orbem Christianum divulgata, pietas egregia, ubique terrarum celebrata, benevolentia in me eximia, per plurimos annos continuata. In libro hoc transferendo, si opera mea tibi placeat, aliis prosit, mercedem me satis amplam recepisse libens lubensque profitebor. Interim Deus optimus maximus te, literatura ornamentum peculiare, in Ecclesia emolumentum singulare diuissimè seruet incolumem.

ARNOLDUS BOOTIUS in calce Epistolæ ad D. Usserium Armachanum, Parisiis editæ 1650.

Ut scias, Amice Lector, quàm vera sint, quæ paragrafo hujus Epistolæ duodecimo memoravi, de D. Armachani mente super veritate Hebraica, & ut ibi constet, quàm diversa ille sentias à Capello in ea controversia, quam hic contra ejus Criticam agnavi, ac quantoperè illi displiceat improbus istius viri conatus, varias Hebraici textus lectiones ex LXX Interpretum discrepantiis atque ex codice Samaritano procedentis: visum est hic attexere litteras, quibus venerabilis ille Praesul, non magis eximii pietatis morumque sanctitatis & Episcopalis muneris sedula executione, verbi-que Divini annuntiatione indefessa, quàm omnigena ac recondita eruditionis laude, linguarumque Orientalium peritia planè singulari inclitus, ad istam meam contra Capellum epistolam respondi, ac quibus eam publico donandi auctor mihi ac impulsor fuit.

In appendice ad Buxtorfium. ib. p. 97.

Et quomodo in me sibi semper asset, quum in ipsum Praesulem Armachanum, illud venerabile toti Europæ caput, & tot tamque eximiis dotibus ac virtutibus conspicuum, hand obscure incurrat.

p. 98. Quum Capellum, medullitus ureret, profanam ipsius immolationem damnari à tanto talique viro, niti omni virtutum genere, ac verà sapientia



ita præfulgenti, ita in cunctis tum Theologiæ, tum reconditoris literaturæ partibus, inque linguis Orientalibus onsummarissimo.

HUGO GROTIUS in prolegomenis p. 60. ad Historiam Geshorum &c. *Amstelæd.* 1655.

—— *Archiepiscopus Hiberniæ, Usscherius, magne diligentie judicii vir.*

HENRICUS NORISTUS Cardinalis, in *Cenotaph. Pisan.* Dissert. 11. cap. 5. p. 121. *Venetis* 1681.

Usserius in rebus Chronologicis summa cum laude versatus.

—— De *Epochis Syro-Macedonum.* Dissertatione prima cap. 2. editionis *Lipsensis* 1696. p. 21.

Proponendum est diagramma anni Macedonum Asianorum, quod omnium primus, Jacobus Usserius, præformavit; à quo Langius Ricciolius, alique idem exscripserunt.

HENRICUS VALESIUS in epistola ad D. Usserium Decembre 1654. *Parisiis* data in *Sylloge* epist. 294. pag. 613.

—— Ac primum ago gratias, quantas possum maximas, ob illud literarium munus ( *Annales Veteris Testamenti* ) quo me honorandum esse censuisti. Sunt quidem omnes libri tui eruditissimi & accuratissimi: Sed hic præ cæteris abunde testatur, quantus sis in omni genere doctrinæ. Atque ut ejus lectione multum me profecisse ingenue fateor, ita etiam ex secunda parte ejusdem operis, quam à te editam esse nuper accepi, spero non mediocrem fructum me esse capiturum.

In præfatione ad Eusebii Historiam Ecclesiasticam. *Paris.* 1659.

Tertius codex fuit Henrici Savilii, viri doctissimi, ad me missus ex Anglia, à Jacobo Usserio Armachano. Nam cum in Usserii notis ad martyrium B. Polycarpi manuscriptum Eusebianæ Historiæ codicem ex Bibliotheca Saviliana laudari animadvertissem, eumque codicem optima nota esse, ex aliquot locis, ab Usserio prolatis, deprehendissem, postulavi ab eo per literas, ut varias ejus codicis lectiones (integrum enim ab eo collatum esse existimabam) ad me transmitteret. Ille verò codicem quidem ipsum, in charta scriptum bombycina, Bibliotheca Oxoniensi, à Savilio donatum fuisse mihi rescripsit. Cæterum editionem Roberti Stephani statim ad me misit, in cujus margine Savilius emendationes ex suo illo manuscripto codice depromptas adnotaverat. Quoniam tamen conicere potui, non omnes scripti codicis lectiones ad laus editionis illius apposuit Savilius, sed eas tantum, quas bonas certasque esse existi-

timabat. *Quadam enim lectiones ab Usserio è scripto illo codice proferruntur, quas à Savilio prætermittas esse postea deprehendi. Præterea idem Savilius ad oram illius editionis multas adscriptis emendationes ex codice Joannis Christophorsoni, quem scilicet Christophorsonus cum aliquot manuscriptis exemplaribus consulerat.*

GERARDUS JOANNES VOSSIUS, de Scientiis Mathematicis cap. 66. sect. 16. p. 391. 392.

A. 1648. Jacobus Usserius, *Archiepiscopus Armachanus, & totius Hiberniæ Primas, de Macedonum & Asianorum aino solari dissertationem edebat, cum Græcorum Astronomorum paraepemate, ad Macedonici & Juliani anni rationes accommodato. Quo de viro rerum divinarum humanarumque peritissimo, nihil possim dicere tam sublime, quin ejus id virtus superet.*

P. 446. in addendis.

*Præusquam verò abeam à Ptolemæo, aliquid addam de tot. paraepematis, quæ tribuunt Ptolemæo. Faciam verò id verbis Jacobi Usserii, Archiepiscopi Armachani, & Hiberniæ Primatis, viri vastæ eruditionis, nec sine laude nominandi.*

Idem in libro de vitiis Sermomis lib. vi. cap. 10. pag. 44. loquens de Thoma Dempstero, qui pro Scythici apud Martialem, legit Scotici, antepenultima syllaba producta:

*Atque hoc etiam observatum reverendissimo Jacobo Usserio, Armachano Archiepiscopo, & universæ Hiberniæ Primati, in laudatissimo opere Antiquitatum Britannicarum, cujus ego in re majori meminisse malim, quam iis, quæ ad pulverem pertinent Grammaticalem: sed enim & isthoc occasione meliori non eo minus fiet; summa enim summi Viri, & undecunque doctissimi, merita de Ecclesia & tota Rep. literaria, nunquam sinent, ut non æternum ab omnibus literarum amantibus memoria grata celebretur.*

In epistola ad D. Usserium p. 529.

*Accepi Dissertationem tuam de veteri Romana Ecclesia Symbolo, sanè eruditam: quam cum iis, quæ summo bono publico adtexuisti, vocare possumus æquib; æquidū. Quod verò illa nomini meo inscripseris, nimium quantum obstrinxisti: Nam quantillus ego sum, qui tanto à viro eximium hoc beneficium accipio? Equidem gaudeo, gratiasque ago immortales.*

ISAACUS VOSSIUS, in epistola ad D. Usserium, Holmiæ scripta Octobre 1650. in Sylloge pag. 556.

Si non planè ignores eruditionem & magnitudinem Christianæ, dubitare non possis, vir reverendissime, opus innum Chronologicum longè ei fuisse gratissimum. Bidui tantum effluxit spatium, quod ad manus ejus pervenerit: plurimum utrò temporis effluxit spatium, ut existimo, ex quo nullum ei tam clarum contigit munus. Placuit ei supra modum, cum ipsius operis ordo & æconomia, tum etiam illud, quod res Ægyptiacas & Asiaticas, a nemine hactenus in unum redactas, diligenter adeo & copiose tradideris. — Legit illa non sine maxima voluptate Acta illa d: Polycarpo, quæ Ignatianis tuis adfixisti. Nunc verò, quod alia ejus generis plura à te expectet, facit Bibliotheca tua recepta, quam flammis esse absumptam constans jam olim ad nos detulerat rumor. Multum itaque & tibi & literis gratulantur, quod iam insignis thesaurus saluus ad te sit reversus.

— In notis ad Barnabæ Apostoli Epistolam Catholicam Londini 1680. p. 307.

Dum Angliam lustrò, alia sese obtulit occasio, qua scriptum illud, quod jam diu lucem merebatur, tandem aliquando divulgaretur. Parabat tum novam Ignatii editionem reverendissimus Hiberniæ Primas, Usserius Armachanus. Illi itaque postulanti, & offerenti, ut una cum Ignatianis hæc quoque Barnabæ excunderetur Epistola, non tantum libenter id concessi, sed etiam maximopere gavisus sum, in illas manus incidere antiquissimum istud monumentum, à quibus immensum quantum splendoris mutare sibi posset. Et nisi ingens isthoc incendium, quod non exiguam partem Urbis Oxoniensis vastavit, omnia quoque exemplaria absumpisset, pulcherrimam ejus Auctoris editionem jam diu habuissemus.

FRANCISCUS JUNIUS in observationibus ad Willeramii Abbatis Francicam paraphrasin Cantici Canticorum Amstelod. 1655. pag. 248.

— Initium, item origo, h. e. illud ex quo alia resorum trahunt. Priore modo accipitur in illa Geneseos ac præcipuarum V. Testamenti historiarum paraphrasi poetica, cujus mihi copiam benigne prorsus fecit vir maximus, Jacobus Usserius, Archiepiscopus Armachanus, & totius Hiberniæ Primas.

Idem in Gothico, Runico, Anglo-Saxonico, aliisque Alphabetis, quæ Gothico Glossario præmisit pag. 14.

Injuncta interim Commentarioli hujus (i. e. de literis & lingua Getarum sive Gothorum, quem edidit Bonaventura Vulcanius Lugduni Batavorum 1597.) mentione, opportune quoque venit in mentem ejus epistola, quam super Auctore præfati opusculi, pluribusque aliis rebus hæc spectantibus; olim ad me dedit magnus ille ac multe lectionis Antistes, Jacobus Usserius,

serius, *Archiepiscopus Armachanus, totiusque Hiberniæ Primas.*

Idem in præfatione ad paraphrasin *Geneseos* Saxonice *Amstel. 1655.*

*Supervacaneum esset, Lector benevole, pluribus verbis hoc in loco repetere, quæ non ita pridem de Paraphraseos hujus Auctore attingi pag. 248. observationum nostrarum in Willeramum, ubiqueque præclarum hunc recondite antiquitatis thesaurum acceptum sero summo Prasuli, & nunquam non infra merita sua laudato, Jacobo Usserio, Archiepiscopo Armachano, & totius Hiberniæ Primati.*

CLAUDIUS SARRAVIUS in epistola ad D. Usserium *Ostobre 1647. pag. 521.*

*Dudum tibi obstrictum pro honorifica in Ignatio nominis mei mentione, novo rursus beneficio devincire voluisti. Dono enim tuo accepi eximiam tuam Diatribam de Symbolis veteris Ecclesiæ. Pro tuis istis erga me meritis debitam rependo gratiarum actionem. Magna cum voluptate, nec sine fructu legi, pyxidea hæc tua opuscula, in quibus igneum ingenii vigorem & eruditionem reconditam, abstrusissima quæque rudentem, & bono publico eruentem, ex animi sententia dico, sum admiratus.*

FRIDERICUS SPANHEMIUS in epistola ad 3. partem *Dubiorum Evangelicorum Genevæ 1639.*

*Ingentes tuæ virtutes, summe Usseri, non vestro tantum orbi notæ sunt, sed & nostro, & ubicunque pietati suum decus, eruditioni suum pretium constat. Sacrum sanè munus illud, ad quod divina bonitas te evexit, per se magnum est & splendidum, sed cui major à te dignitas, accedit. Nec cum sede Armachana nunquam felicius actum, quam ex quo tu illam omnium applausu occupas, & Ecclesiastica rei in amplissimo regno præes. Non Hibernorum hoc tantum & Britannorum vestrorum judicium est, sed bonorum omnium, qui eximias illas virtutes tuas in te suspiciunt. Victura eruditionis tuæ monumenta hæc quaquam intra Hiberniæ vestre littora coercentur, sed magna cum nominis tui gloria, ubique terrarum terminur. Quam eruditè & solide Orthodoxæ veritatis antiquitatem, & Romæ sequioris novitatem contra personatum quendam Emissarium asserueris, ne illa quidem Societas non sensit, quæ te, omnia alia cogitantem, in cristicam illam arenam temerè pertraxit, quæ tuum vident. Nec ignorare voluisti orbem Christianum, quam parum præfci Hiberni & Britones vestri se abjecerint coram Vaticana sede, immo quam alieni fuerint à novitia illa Theologia, quam pro veteri obtru-*

*dunt*

dunt scrutorum Gibeoniticorum institores & propola. Quod tam apertis documentis à te probatum constabilitumque, immo iis etiam testibus, quibus ne Romæ quidem fides derogari potest, ut contra niti, non nisi illorum sit, qui prorsus depudere. Quantam insuper magno tuo merito laudem consequutus sis in juramenti fidelitatis aequitate Hibernis persuadenda, ne serenissimus quidem Rex Jacobus, cujus regii spiritus & erudita sapientia orbi nota, ignorari voluit, quem ipsum fidei & prudentie tue praconem habuisti.

Et quamvis publica illa cura, quæ amplissimo muneri tuo annexa sunt, totum sibi hominem vindicent, & vastissimum etiam pectus implere possint; inens ille tamen & sublimis animus tuus sibi inter negotia ipsa otium facit, sed otium eruditum, & cujus fructus ultra Oceanum vestrum porrigitur. Testes hujus rei sætus illi tui eximii, Goteschalci & Predestinarianæ controversiæ Historia, ut & veterum Epistolarum Hibernicarum Sylloge, & alia id genus scripta tua, quæ summa cum cura ex antiquitate eruta, multa etiam avicta prius, a blattarum & tinearum, quo pulverabantur, imperio, orbi Christiano per te vindicata passim leguntur, nec eruditionis tantum tuæ monumenta sunt, sed & judicii & pietatis. Et sane eo ipso laudi tuæ non exigua sit accessio, quod illa demum tibi eruditio probeatur, quæ cum pietate conjuncta est, & cujus fructus ad illius gloriam pertinet, cui omnis nostra debetur Bibliothecam tuam Theologicam, & veterum Scriptorum Ecclesiasticorum Criticam, omnes antiquitatis genuinae studiosi à subactissimo judicio tuo summo cum desiderio expectant.

Qua vero tu integritate sublime illud munus tuum sustineas, quo zelo, quæ vigilantia, in amplissimi gregis tuæ fidei commissi salutem incumbas, quæ assiduitate omnes fidei Episcopi partes exequaris, non Armachana tantum Diæcesis noruit, & reliquæ tuis curis obnoxie, sed & tota Britannia vestra, immo & illi, qui toto Oceano à vobis disjunguntur. Ea certe pietatis tuæ, ea eruditionis apud nos est existimatio, ut Usserii nomen pietatis nobis & virtutis nomen sit, quibus fama constans frequenter ingerit tot ingentes illas dotes, quibus te Deus ad tantum munus instruxit. Et quamvis summa cum laude, voce doceas & calamo, plus tamen exemplo doces inter illos, qui in vitam tuam & integerrimos illos mores tuos quotidie inveniunt. Vident illi in te non anxiam, non affectatam pietatem, sed gravem & seriam, & quæ in illum solum fertur, cui soli debetur. Vident raram humilitatem, per quam è fastigio tuo descendis, nec quicquam infra dignitatem tuam esse existimas, quod ad promovendum Dei regnum facit.

Vi-

*Vident charitatem & summam in egenos & extorres liberalitatem, quâ in sacros usus confers, quæ sacris usibus jam olim destinata fuere. Aedes tuæ eruditiorum collegium sunt, vita sancta, mores inculpati, oculi vigiles, cura publicæ; animus celestis, & qui unum Deum spirat, unum Deum loquitur. Bibliotheca tua non tam tua, quam orbis literati Bibliotheca est, quæ à te ingenti ære instructa, omnibus in publica commoda patet, & eruditiorum hominum usibus prostat, à quorum candore tuus candor publicam commendationem jam pridem impetravit. Spirans ista veri Episcopi imago te merito Hibernis tuis pretiosum, Britannis venerabilem; ceteris omnibus admirabilem facit.*

*Non mirum itaque foret, vel has causas solas satis mihi fiducie addere, ut ad te accedam, & publice profitear, quanta Genævæ nostræ nominis tui sit claritudo, quantus apud nostros honor, quanta apud me privatim veneratio. Sed novum mihi argumentum tui compellendi humanissima tuæ literæ fecere, quibus ex ima Hibernia mihi testari voluisti, Dubiorum Evangelicorum partem primam, non visam tibi duntaxat, sed & accuratissimo judicio tuo probatam, cæptique operis continuationem à te avidè expectari. Laudationes, quas in primum istum conatum pro tua comitate concessisti, tuæ bonitati in solidum debentur. Quàm impensè verò honorifico tuo suffragio, quàm singulari candore, quàm affectu delectatus fuerim, quàm excitatus in insulto meo persequendo, publico documento constare volui.*

LUDOVICUS DE DIEU in præfatione ad Commentarium in IV. Evangelia Lugd. Bat. 1631. loquens de edendo in IV. Evangelia, præfatum Syriacè versa commentario:

*Quo in instituto paucis post septimanis factus fui confirmator, quum eorundem illarum, quas dixi, Epistolarum, simul & Apocalypses exemplar aliud MS. elegantissimo charactere Syro exaratum, addito etiam divino Beati Ephremi tractatu de amore sapientiæ, ab ornatissimo, doctissimo, & æterna memoria digno Prasule, Jacobo Usserio, Archiepiscopo Armachano, qui & ante biennium me Pentateucho Samaritano beaverat, ex Hibernia allatum fuit.*

— Ad S. Matthæi cap. XIX. v. 5.

*Neque hic tantum, sed & in aliis plurimis Pentateuchi locis LXX. interpretationem ad Samaritanum magis, quàm Hebræum, exemplar accodere, alias fortasse, si vitam Deus otiumque concefferit, beneficio reverendissimi, amplissimi, ingenio, virtute, eruditione cultissimi Prasulis,*

Jacobi Usserii, Archiepiscopi Armachani, à cujus liberalitate exemplar Samaritanum penes me habeo, ostendere dabitur.

BERTIUS in Geographicis Tabulis Amstelodami 1616.

Quam quum ista scriberemus, ornat Jacobus Usserius, Theologus, eruditione & pietate & scriptis in primis clarus: ei patria Dublinum.

MORANEZIUS, in Anti-Jansenio suo :

Non ipse primus excogitavi, sed à Calvinistis accepit, præcipueque à Jacobo Usserio, insigni Calvinista, Hiberno, qui anno 1631. librum edidit, inscriptum, Gotteschalci &c. neque sensum duntaxat, sed verba etiam fere ipsa transcripsit Jansenius; neque tamen, ut equum erat, ullam ejus mentionem facere dignatus est. Diss. XI. § 1.

ALEXANDER MORUS, dedicat D. Usserio Orationem suam, cui titulus Calvinus, Genevæ habitam 1648. Epistolam in Lectoris Usseriani nominis studiosissimi gratiam hic exscribo.

Diu questum inveni tandem Patronum Calvino dignum, Reverendissime Vir Dei, nec diu questum inveni tamen ΑΝΤΙΔΩΡΟΝ te non indignum, si materiam spectas, non industriam. Nec tam inveni, quàm reperi. Quod enim absque divina quadam virgula contigisse non equidem putaverim, quo die proditura eras in lucem publicam hæc mea, qua Calvinī laudes ac vindictas complexus sum, Oratio, illo ipso die tuis me literis beāsti summa humanitate conditis, & Ignatiana à te edita, nisi libri moles obstitisset, eodem tempore missurum te fuisse significasti, ac leviculam, qua tua est modestia, æstimatione meā prorsus auream, de veteris Ecclesiæ Symbolis, ne prorsus ΑΣΥΜΒΟΛΟΝ, ut tu scire loqueris, ad nos scilicet accederes, Diatribam literis tuis, Diatribæ Iconem tuam comitem adjunxisti. Nempe nos Epitotæ, qui nec faciem tuam nec te loquentem (nam sic quoque melius te videndum præbes) vidimus unquam, ne desideremus expressissimam effigiem animi tui, calamus tuus effecit, ne dignissimam ideam oris tui & instar, effecit cælum. Ego certè, qui te seculi nostri Athanasium vocare soleo, ΠΕΖΟΝ ΤΟΥΣ ΤΑΠΕΙΝΟΤΕΡΟΙΣ, ΥΨΗΛΟΤΕΡΟΝ ΤΟΥΣ ΜΕΤΕΩΡΟΤΕΡΟΙΣ, ΦΙΛΟΨΕΝΟΝ, ΪΚΕΪΟΝ, ΑΠΟΤΡΟΠΑΙΟΝ, sic de illo veteres, nos de te loquimur, qui juxta cum illo duorum admirabilium lapidum navram imitatis, & percutientibus Adamas, dissidentibus Magnes occurris: ΤΟΙΣ ΠΑΓΟΤΕΙΝ ΑΔΑΜΑΣ, ΤΟΙΣ ΔΕ ΕΤΑΣΙΪΖΟΥΣΙ ΜΑΓΝΗΤΙΣ; faciam id ipsum paulo libentius, posteaquam te novi ΪΨΗΛΟΝ ΤΟΥΣ ΕΨΟΙΣ, ΤΑΠΕΙΝΟΝ ΔΕ ΤΩ ΦΡΟΝΗΜΑΤΙ, ΚΑΙ ΤΗΝ ΜΕΝ ΑΨΕΤΗΝ ΑΠΡΟΪΤΟΝ,

T

ΤΗΝ

ΤΗΝ ΕΝΤΥΧΙΑΝ ΔΕ ΚΑΙ ΔΙΑΝ ΕΥΠΡΟΣΕΙΤΟΝ: ac denique ( liceat hoc enim cum ceteris encomiis, quod Nazianzenus tribuit Athanasio, tibi red- dere, ΑΓΓΕΛΙΚΟ'Ν ΤΟ' ΕΙ'ΔΟΣ, ΑΓΓΕΛΙΚΩΤΕΡΟΝ ΤΗΝ ΔΙΑ'ΝΟΙΑΝ. Sed quid rependam? Esi nec tua fors desiderat redhostiendi vicem, nec mea suppeditat remunerandi facultatem. Accipe tamen observantia in te mea Symbolum, sed benigno & qualem tua praeferi vultu, à me delineatam ima- ginem Calvinii, qua, nisi fallor, identidem ostendes tibi te. Quas enim laudes ille meruit, cum apicibus vestris prope major libenter carente existit, pariter ii merentur, qui quo celsiori honoris fastigio supra ceteros mortales eminent, eo majori virtutum beneficio Eccle- sia commodant, & Solis instar lucent, ne prosint. Neque verò summis dignitatibus ad privatas militates aut seculi typhum abnut- tur, nec dominationem in Christi gregem usurpant, quod Petrus in- terdixit, Petrus ille, cuius interea Successores proficiunt, qui doctri- nam respuunt. Usserius profectò ad id nihil tale molitur, ut aurea Ecclesia tempora nobis referat, nec infra se quicquam putet, quod ad edificationem fidelium, quibus Angeli ministrant & Archangeli, pertineat. Sic est, Vir maxime: Quacunque via nobis occurris in- gens, nunquam tamen ingentior, quam cum ex illa, in qua te Deus collocavit, sublimi specula descendis ad Pastoritiae cura laboriosa mu- nia, ut propius afflictis opem feras, & commodius innascentem agro Domini horrendam filicem ac infelix tolium avellas. Non te ma- iorem unquam ipsa sedes Armachana vidit rebus florentibus, quam nunc Londinum in mediis aramnis, quas insularum loco habes. Tanti penè fuit sua Praesulibus decora & opes adimi, ut nobis hoc equabi- lis in utraque sorte animi specimen proderes. Multò minus debes dig- nitatis tuae calumni, quam tua dignitas virtutum tuarum celestium splendori. Sed inter omnes virtutes tuas ista praecipue micat animi moderatio, dicam, an magnitudo, quia dum te nimio plus demit- tis, longè altius assurgis, quam fastu & pompà tot alii toto passim or- be.

Quos tulit ad scenam ventoso gloria curru.

Multum profectò Ecclesia dederas, quamvis nihil ei dedisses prater exemplum. Quamvis nec viro Apostolico dignarum concionum frequen- tia, nec scriptorum non astimanda militate cis & ultra Oceanum nobis & Posteris profuisses; quamvis nec errorum novitatem, ac veritatis an- tiquitatem fortiter asseruisses, nec tot veteris Ecclesiae thesauros felicissimè eruisses



ernisses industria; quamvis nec opus illud idiomate patrio dedisses, nuper à nobis avidè lustratum, quo Theologia Summam, sed quàm illustri brevitate, quàm nervosa simplicitate ! complexus es; quamvis nec tantum pectus foret Bibliotheca spirans, nec Bibliotheca tua Muscum obambulans, ut vetus dictum detorqueam: quidni enim obambulas, cuius pretiosa supellex tam saepe mare transas, & eruditio totius orbis Europæ veteris ævi memorias, & Orientis opes tam effusè dilargiuntur, & æcumenica suo quodam jure dici mereatur? Mirari tamen oporteret, ut nihil esset in te aliud, extremam in supremo dignitatis & eruditionis fastigio modestiam. Nam cum hæc dua res, licet singule, licet modice, sui plenos & vesanos homines reddere soleant, dignitas & eruditio, meritò stupemus in te felici nexu copulatos atque ad summum perductas nihil ex illa divina tua virtute delibare: humilitatem dico, quæ, tamesi repugnante apud Latinos vocabulo, virtutum omnium apud Christianos altissima est; sed cum hæc ipsa virtus plura dicere nos vetas: laudes enim spernis, quibus non est ullum aliis acroama jucundius: tum epistola modus tuas non capit. Voto finienda prefatio est. Deus immortalis Pater Domini nostri Jesu Christi Ecclesie sue laboranti velut è cœli machina opportuno tempore succurrat. Insulis vestris Fortunatarum elogium & Alcyonia reddat, adeoque te perdis rebus afflictis grande solatium interesse patiantur. Sera sit, & nostris demum nota nepotibus, dies, quæ cœlo tradat, quo mundus non est dignus, Usserium. Hæc semper sit Britannicæ, quod Augustinus Hipponi, nec illa unquam, sic hæc olim, Præsulem ademptum sentiat. Vale, maximum Britannicæ Decus, & à nobis oblatum non illibenter suscipe Genevæ Decus maximum. E musco meo. III. Non. Jul. An. vulgaris Ære Christiana MDCXLVIII.

Auctor Vindiciarum Hiberniæ adversus Dempsterum Scotum:

Quod si adverse religionis homines inferere voluisset, verè affirmare possem, quod Usserium alterum nunquam viderit Scotia: cuius utinam sublimè ingenium atque humanissimos mores infansla inter Sæctarios educatio nuncata non fuisset.



V I T A

reverendissimi & eruditissimi Viri,

JOANNIS COSINI,

Episcopi Dunelmensis:

SCRIPTORE

THOMA SMITHO,

*S. Theologiae Doctore & Ecclesiae Anglicanae  
Presbytero.*



1

# V I T A

## JOANNIS COSINI

### Episcopi Dunelmensis.

JOANNES COSINUS in lucem editus erat tricesimò die Novembris, memoriz S. *Andreae* Apostoli sacro, anno divini Verbi incarnati MDXCV. *Norwic* præcipuæ *Norfolciæ* urbis, quæ licèt inter celebriores *Angliæ* civitates ob ædificiorum elegantiam, civiumque copiam, industriam, & opulentiam merito recensetur, maximam tamen sui à sede Episcopali, ante sexcentos annos & ultra, illuc translata, decoris partem derivat. Patrem habuit *Egidium Cosinum*, melioris notæ civem, & ob lautiorē fortunam, egregiam probitatem, candidosque mores apud suos valdè celebrem: matrem verò *Elisabetham Remington*, ex antiqua nobilique familiâ oriundam; utrosque religiosos doctrinæ rituumque Ecclesiæ *Anglicanæ* cultores, ut inde ab ipsâ pueritia fidem istam verè Christianam & Catholicam profiteri, sacrisque Ecclesiæ *Anglicanæ* institutis, quæ postea contra Pontificios Puritanosque sapienti zelo & imperterrito animo strenuè tutatus est, assuefieri didicerit. Primogenitus hic dilectus filius illorum curâ rudimentis Grammaticæ, aliarumque artium institutionibus, quibus ætas puerilis imbui solet in schola publica istius civitatis probè perceptis, ita ut altioribus disciplinis capeſſendis, præ bonâ indole, ingenio, & industria, optimis futuri in literis progressus indiciis & quæ magna de tantæ spei juvene præſagebant, omninò (a) par haberetur; desinente ætatis anno decimo quarto *Cantabrigiam* alterum *Angliæ* lumen, & sæcundissimam ingeniorum omnigenæque eruditionis altricem, missus, primo accessu inter Alumnos, deinde post exactum studiorum tyrocinium, in numerum Sociorum Collegii *Cajæ-Gorvillani* adoptatur. Fama verò illius virtutis & eruditionis non modicæ, ex sedula industriâ, quam solidum direxit inque melius auxit iudicium, partæ, ubique spargebatur. Anno MDCXVI. tum à reverendissimo viro, *Lancelloto Andrea* tunc temporis Episcopo *Eliensis*,

A

(a) A. Ch. MDCX.

si, tum à D. *Joanne Overallo*, Episcopo *Lichfeldensi*, neutris istius consilii & propositi, de quo seorsim convenerant, conscis, ut Bibliothecarii munere apud ipsos fungeretur, invitatus: suasu nuperi sui Tutoris, se in posterioris clientelam dedit. Ille autem elogiis de *Cosino* sparsis fide adhibita, tantarumque virtutum, quas nobile eximii Juvenis ingenium præ se ferebat, coramque oculis quasi præfentes sistebat decora facies, ex eleganti beneque compaginata totius corporis structura commendatior, amore captus, illum inter Domesticos suos, ut sibi etiam à secretis & epistolis esset, benignissimè admisit. Quod munus, alteri superadditum, omni ex parte præstitit, non ob solam καλλιγραφίαν (litteras licèt optimè formare & pingere cognovisset: hoc enim vix in censum laudis venire debet) sed ob sagax ingenium, subtilioremque intelligentiam, rem qualemcunque, sive civilem, sive Ecclesiasticam, quæ disceptaretur, vasto ambitu complectentem, unde Patrono indies charior redditus, illius gratiam inire magis magisque mereretur.

Qualis quantusque fuerit D. *Overallus*, vix quispiam sacri ordinis, paulò elevatioris ingenii, è nostratibus, citra culpam magnæ stupiditatis, ignorare potest, nec exteri id quidem ignorabant: inter quos duos instar omnium nominare sufficit, viz. *Hugonem Grotium*, & *Gerardum Joannem Vossium*, qui illum summâ cum observantia & veneratione prosecuti sunt. Meritissimo enim jure inter maximos istius ævi, ne dicam, superiorum seculorum, Theologos recensebatur: utpote quo nemo in rimandis abstrusioribus Theologiæ scholasticæ articulis sagacior: nemo in ejusmodi litibus, quæ tum in *Belgio* oriri cœpissent, componendis felicior, magisque idoneus: nemo pacis Ecclesiasticæ studiosior, modo ipsius monitis & determinationibus, sive ex cathedra, sive ex rostris, sive ex prelo sapè dictatis, adversarum partium Antesignani consensissent, & ad sobrietatem sapere voluissent. A Professorio munere, quo *Camabrigiæ* præclarissimè defungebatur, à serenissimâ Regina *Elisabetha* paucis ante obitum annis, incunte superiori seculo ad decanatum Ecclesiæ *S. Pauli*, quæ est *Londini*, primò evectus; mox sub initiis regni *R. Jacobi* in inferiori domo synodi Provincialis *Canuariensis*, de rebus ad religionem, disciplinam, regimenque Ecclesiasticum Ecclesiæ *Anglicanæ*, ad normam sacrarum Scripturarum & primævæ Antiquitatis, contra sacrilegos impiosque schismaticorum & Monarchomachorum ausus moderandis coactæ, electus Prolocutor: tandem anno MDCXIV.

ad

ad Episcopatum *Coventriensem* & *Lichfieldensem* nominatus, ubi postquam quatuor annis summâ cum laude sedisset, Ecclesiæ *Norwicensis* Præsul, uti dixi, constituebatur.

Tali Patrono, tali Magistro felix *Cosinus*, adhuc juvenis viginti quatuor annorum, & hæcenus amœnioribus politioris literaturæ studiis innutritus; illius paternis consiliis & sapientissimis amantissimisque adhortationibus facile victus, animum disciplinis sacratoribus diligentia indefessa, nec ab hoc tempore unquam cessaturâ, applicuit, habituque sacerdotali indutus, se Deo & Ecclesiæ totum deinceps consecravit. Sed bonam istam spem, aut singulari hoc exemplo coram quotidie spectato, in solidæ sinceræque pietatis officiis, & frequentibus colloquiis in doctrinâ melius proficiendi, aut opulentioris fortunæ ex isthoc læto augurio ortam, subito intercisa mœstus videt & experitur. (a) Anno enim sequente non sine omnium bonorum, & potissimum *Cosini*, luctu ad Beatorum in cœlis sedes migrat Vir optimus. Sed divinæ voluntati, absque murmurationibus & querelis, submisso animo & invicta patientia, obsequi oportet. Imaginem autem tantæ sapientiæ, eruditionis, & pietatis, quæ in illo præluxere, memoriamque istius miræ benignitatis, quam ipse expertus est, nunquam oblescere, aut ex animo excidere passus est *Cosinus*: quod præclaro documento publicè ostendit. Nam, ut ipsius pietatem & gratitudinem erga Patronum, de se optimè meritum, testaretur, restauratis, sub serenissimi regis *Caroli* secundi reditum, Monarchiâ & Ecclesiâ, magnificum elegansque monumentum, in Ecclesiâ *Norwicensi*, ad columnam prope locum, ubi sepultus jacet, erigi curavit.

Hoc funesto casu *Cosinum* planè attonitum fuisse, & penè inconsolabilem redditum, quisque violenti humanorum affectuum impetûs sibi conscius, facile opinabitur: sed hanc jacturam, licet gravissimam, citò reparavit benignior providentia. Receptus enim in clientelam magni Præsulis, *Richardi Neli*, tunc temporis Episcopi *Dunelmensis*, illi factus est à sacris domesticis: cujus favore & patrocinio suffultus, facilem sibi ad opima sacerdotia & dignitates, quas longa annorum serie, non sine vendicatione meritum, postea adeptus est, viam stravit.

Ab hoc tempore omnia ex voto, imo supra votum fluxere. Gratiâ optimi Patroni pollens *Cosinus*, promovetur circa A. MDCXXIV. ad archidiaconatum Orientalis regionis in provincia *Eboracensi*, cedente

V

re-

(a) A. MDCXIX.

reverendo Viro, D. *Marmaduco Blakeston*, cujus filiam *Franciscam* con-  
nubio sibi junxerat: (a) feminam piam, prudentem, conjugis aman-  
tissimam, & in utraque fortuna, tam adversa, quàm prospera, juxta  
institutum divinum, à primis rerum exordiis ordinatum, adjutricem:  
paulò post opulento Ecclesiæ Cathedralis *Dunelmensis* canonicatu, &  
XX. Julii MDCXXVI. opimo *Branflethe* rectoratu & Sacerdotio  
auctus. Tantùm verò aberat, ut hac eximiâ statione positus otiaretur,  
vitamque ageret desidem, ut potius dignitates hæ illius industriz  
novos fortioresque subderent stimulos, tum ut iis se neutiquam indig-  
num, sed omninò parem ostenderet, tum ut ad altiora lentis gradibus  
methodisque honestis, quas nimirum non ambitio, non opum cupido,  
non artes adulatoriz, sed quas amplificandæ gloriæ sanctissimi Numinis,  
& benè de Ecclesia & religione merendi desiderium & prudentia verè  
Christiana solent suggerere, favente Deo, tandem aliquando, seniori-  
bus annis, facilius & securius ascenderet. Interim satis gnarus, quan-  
tùm honoris viris verè eruditis ex titulis Academicis accedat, *Cama-  
brigiam* repetiit, ut præstitis exercitiis gradu Baccalaureatus in Theo-  
logiâ ornaretur; quibus quoque de causis postea tempore debito sum-  
mam in eadem sacra facultate dignitatem jure meritissimo assecutus est.

Anno 1626. *Londoni* in ædibus D. *Neli*, *Dunelmensis* Episcopi, tan-  
quam in Collegio & sacro confessu, venerabiles viri, D. D. D. *Lan-  
dus*, Episcopus *Barthoniensis* & *Wellensis*, *Wivius*, mox Episcopus *Car-  
leolensis*, *Richardus Montacutus*, alique pietate, doctrina, & flagranti  
Ecclesiæ *Anglicanæ* contra tum Pontificiorum, tum Puritanorum insi-  
dias & impetus tuendæ zelo insignes, de rebus ad Ecclesiam & reli-  
gionem spectantibus consultaturi, convenire soliti erant: quorum collo-  
quiis *Cosinus*, licèt annis & dignitate longè inferior, præsens aderat.  
Hoc Puritanos, odio & invidia, adversus moderationis æquiorisque  
animi Theologos, qui non pariter insaniissent, exæstuant, diu latere  
non potuit; hinc convitia atrocisque calumnias in vulgus spargendi an-  
sam captantes, quasi res *Romanensium* illic clam agerentur, cum nulli  
illorum aut errores aut superstitiones pejor odissent, aut de defectibus  
à communione Anglicana inclementius ominarentur.

Quod mox insigni exemplo ostenderunt. Cùm femina & natalibus

&c

(a) Obiit illa xxv. Martii MDCXLII. & sepulta jacet in Ecclesia *Petroburgensi*,  
monimento in illius perpetuam memoriam illic condito, in quo femina præ-  
stantissima & generosa & piensissima conjux nuncupatur.



& conjugio nobilissima, cujusdam Sacerdotis Pontificii fraudibus artibusque sophisticis circumventa, ad Romanam Ecclesiam transisset, de illa in viam Veritatis, ex qua præceps aberraverat, reducenda, tum familiari sermone, tum scriptis, maxime solliciti, cum omnibus argumentis suasibusque cedere præfractè recusaverit, de periculo animæ, quod incursum erat, acriter monent, præsertim *Montacutus* & *Cosinus*; ille ingerendo, si in ista apostasia ex hac vita decederet, vix spem salutis fore reliquam; hic verò, illam lethaliter peccasse, quæ Ecclesiæ, in qua nata, baptizata, & educata fuerat, temerè & inconsultis nostris Theologis, communionem deseruisset. Sed cum pervicax mansisset, argumentis in lachrymas, misericordiam, & preces conversis, illam solius conscientie arbitrio sapientioribusque cogitationibus, in mente sobria, sedato æstu, posthac orituris, tristes reliquere. Quam verò largam triumphandi de hisce venerabilibus Viris, illisque probro vertendi materiem Puritanis dederit infelix iste unius femine lapsus, videre est in (a) epistola *Alexandri Coci*, Viri non ineruditi sed illorum sermone non parum imbuti, ex inanibus incertisque narrationibus corrasa, ad D. *Usserium Armachanum*. Sed quàm iniquè, quàm protervè, quàm absurdè, judicent omnes æquitatis & moderationis Christianæ studiosi & amantes.

(b) Cum serenissimus Rex *Carolus I.* sæpè observasset in famulantium R. *Maria* consorti, præsertim seminarum, quæ in vicino conclave manserint ad obsequia suæ Dominæ paratæ, manibus versari *Horas B. Virginis* aliasque precum formulas, quas, ut fallerent tempus, alias tædio futurum, & ne penitus otiosi viderentur, subinde legere solebant, ille non potuit non laudare istud institutum, quod sanè maxime laudandum foret, si superstitioni indebitusque sanctorum cultus hisce sacræ religionis officiis non sese admiscuissent. Rex verò pro summa sapientia pariter ac pietate, quò tam proprix, quàm aliorum in Aula aut alibi degentium saluti magis consuleret, libellum mole exiguum, in sinu circumgestandum, è sacris scripturis, Liturgicis veteris

(a) In Sylloge Epistolarum *Usserii Londini* edita 1686. Epist. CXII.

(b) Hujus rei historiolum primum familiari sermone, deinde scripto configuratam, mihi communicavit V. C. *Joannes Evelynus* Armiger, notissimæ & celeberrimæ apud Nobiles *Anglos*, ob sublime ingenium, ob insignem Philosophiæ naturalis culturam, ob denique strenuum felixque politioris literaturæ studium, prout libri ab illo editi faciunt testatissimum, famæ, eam ab ore D. *Cosini* ante quinquaginta annos *Parisiis* edoctus.

ris Ecclesiæ Christianæ, tum *Græcæ*, tum *Romane*, libris, Patrumque antiquorum scriptis collectum, qui, stylo & lectu & intellectu facili, tam Christianæ doctrinæ summam, & vitæ piæ ac sapienter juxta Evangelii normam ordinandæ regulas, quàm precum domesticæ & privatæ pietati fovendæ maximè conducibiles formulas, præstitutis horis, uti in solennioribus religionis exercitiis recitandas, complecteretur, condi voluit. Communicatis cum duobus tribusve, qui regali pollebant gratia, Episcopis, hisce pientissimis consiliis, ex commendatione D. *Francisci White*, tunc temporis Episcopi *Norwicensis*, Eleemosynarii Regii, jubetur *Cosinus*, quem prorsus idoneum judicassent, ejusmodi opusculum aggredi: tum ut enthusiasticis Puritanorum furoribus publicè obviam iretur, tum ut nostratum animi in fide verè Catholicâ retinendâ, & in Christianarum virtutum praxi firmiores redderentur. Quam autem probè & accuratè sacrum istud pensum absolverit *Cosinus*, hîc paulò fusiùs indicabo.

Ille Regio jussu auctoratus & communitus, ad partes suas exequendas se accinxit: & alacriori quidem animo, eo quod spiritali eorum, qui in sancta Ecclesiæ *Anglicanæ* communione vixerint, hoc præsertim pacto, in colligendis istiusmodi pietatis subsidiis & documentis profectui optimè consuli posse præsensisset. Propositum sanè erat in se verè Christianum & Rege piissimo & Christianissimo perquam dignum, & si illorum temporum statum rectè perpendamus, maximè necessarium. Puritani, qui regimine Episcopali, quod à primis nascentis Christianismi initiis continua neūtiqumque intermissa successione ubivis locorum obtinuerat, rejecto, ritibusque sacris & Liturgiâ repudiatis, à publicis coetibus sese deplorando schismate subducentes, calumnias inter plebem, prætextu simulatæ sanctimonix, ab iis miferè delusam, spargebant, de *coarctato*, uti loquuntur, statis istiusmodi precibus, *spiritum* oggantes, non inde privatorum hominum profectui fuisse satis consultum. Hinc extemporaneæ istæ apud hosce sectarios preces, distorto vultu, spumæ ore, inconditisque clamoribus, temerè & festinanter, prout singulis libitum erat, effusæ, quas cerebri parum sani fervor, zelusque enthusiasticus suggessere, ab omni bono sensu sæpenumerò vacuæ, & quæ divini cultus officiis immiscerentur, prorsus indignæ, olim duxere originem. Non defuere quidem ab omni tempore pietatis clam & seorsim exercendæ subsidia, à Viris doctis piisque subinde edita, in quibus tamen genium suum mentemque potius, quàm

quàm veteris Ecclesiæ ac Patrum normam secuti sunt. *Cosinus* verò, non improbatis horum sanctis conatibus, aliâ methodo uti oportere, pro pietate & prudentia sua, prout ordinatum & injectum fuerat, apud se statuebat, tum, ut Puritanorum strophis technisque, tum, ut *Romanensium* de *novâ fide* apud nos introductâ, de religione majorum abolitâ, de sacris divini cultûs ritibus, quasi cuncta, nulla aut decori aut ordinis ratione habita, peragerentur, sublatis, & de debita cura instituendi populum in rebus ad religionem Christianam perquam necessariis neglectâ, insuperque habita, criminationibus & puris putidisque calumniis commodiùs ac manifestiùs iretur obviam, in omnium *Anglorum* usum, *privatarum precum*, è *sacris Scripturis*, ex *Antiquorum Patrum scriptis*, ex *veteribus Liturgiis*, èque *Liturgia Anglicana desumptarum*, juxta *veteris Ecclesiæ praxin*, in *determinatas horas distinctam*, *Syllogen*, juxta formam & exemplum earum, quæ olim Latine ex (a) auctoritate Regia sub temporibus R. *Elisabethe* anno hominum salutis reparatæ MDLX. editæ erant, edendam, celato licet nomine, *Londini* MDCXXVII. curavit, approbatione D. *Georgii Montaine*, Episcopi *Londinensis*, præmissâ. Aureus liber & Ecclesiæ *Anglicanæ* alumnis, imo omnibus sobria mente præditis, solâ Puritanorum factione exceptâ, longè acceptissimus. Hi enim, eò quod preces quædam illic juxta horas, Veterum ritu, digererentur, quasi totus liber superstitionem Papisticam inde sapsuisset, cæstro perciti, in illum, illiusque Editorem, tum lingua tum calamo debacchari sunt: præsertim verò duo, viz. *Henricus Burtonus*, Parochus quidam *Londinensis*, in libro (b) qui *Examen Privatarum precum*, sive *Horologium pro horis orationis* inscribitur, convitionum calumniarumque pleno, ac si antedictus Auctor viam ad unionem cum Ecclesiâ *Romanâ* in superstitiosis divini cultûs ritibus, cæremoniisque ex industria stravisset; (hic verò, ut hoc obiter addam, ex sententia Adfessorum Curia stellatæ, præcis auribus mulatus, postea A. MDCXXXVII. ob quasdam seditiosas, scandalosas, infameque conciones, eructatas & in lucem editas, adversus Aulam Regiam & Ecclesiam *Anglicanam*, perpetuo carceri addicebatur; ) & *Gulielmus Prynnius*, Jurisconsultus,

V 3

non

(a) *Horarium* Regiâ auctoritate editum *Londini* 1560. & postea-recusum sub hoc titulo, *Preces privata in studioforum gratiam collectæ*, & *Regiâ auctoritate approbatæ*, noviter impressæ, & quibusdam in locis etiam auctæ. *Londini* excudebat *Gulielmus Seres*. A. D. 1573. cum Privilegio Reginz.

(b) *Londini* 1628. 4o.

non infimus ex schismaticorum primpilariis, postea ob virulentos ac infames in serenissimum Regem *Carolus I.* & Reginam *Mariam* libellos multatus erat auribus, collistrigio damnatus, & carceri ex sententia eorundem legitimorum judicum quoque mancipatus, edito in lucem publicam scripto, (a) cui inficetus titulus, allusione ad *Cosini* cognomen facta, præfigebatur, censuram, spurcis convitiis oppletam, in illum, tanquam dogmatum *Arminii* fautorem, quasi à *Calvino* & à Synodi *Dordracena* placitis in istis articulis controversis, tunc temporis nimio & planè intemperanti ab utrisque partibus zelo agitatis, in crimen hæreseos venisset, petulantissimè strinxit. Sed istiusmodi vociferationes & calumniæ compendium istud è manibus Lectorum excutere non poterant, imò iisdem magis commendabilem reddidere; prout ex editionibus crebrò repetitis abundè constat. In tanta autem fibrorum ejusdem sacri argumenti, quantivis pretii, & maximi usus, à reverendis Præfibus & Presbyteris ad quosvis sanctioris vitæ æternæ & beatitudinis fruendæ studiosos, in viis veritatis, pacis, & sanctitatis quasi manu ducendos, ab A. MDCLX. post nimirum extinctam impiam rebellionem, ad hunc usque diem compositorum copia, hic quoque adhuc magni æstimatur legiturque, & cum fructu legetur in perpetuum.

D. *Matthæo Wrenno*, qui olim serenissimo Principi *Carolo I.* dum ille in *Hispania* de nuptiis cum Domina *Maria*, Infanta R. *Philippi IV.* sorore contrahendis præsens egerit, erat à sacris domesticis, ad præfultum *Herefordensem* A. Ch. MDCXXXIV. evecto, illius in præfecturâ Collegii S. *Petri* memoriæ dicati *Canabrigiæ* successor communibus fortiorum suffragiis renunciatus est *Cosinus*. Idem animi vigor in tutandis ritibus & disciplinâ Ecclesiæ *Anglicanæ*, idem in promovendis bonis literis studium illi constabat. Præfectis Collegiorum utriusque Academiæ cedit in perpetuæ laudis argumentum, quod illorum vigilantia & fide factum erat, ut perpauci illic tunc temporis degentes Puritanismi labe, quæ per *Angliam* fraudulentis seditiosorum hominum artibus grassari incepisset, inficerentur. Cum verò *Cosini* pietas, eruditio, & summa in rebus Ecclesiasticis moderandis prudentia, illum maximè commendabilem ubivis reddidissent, à serenissimo Rege *Carolo I.* cui erat à sacris, optimo meritorum æstimatore & remuneratore, dignus habitus erat, qui magno Theologo, D. *Thoma Jacksono*, Collegii *Corporis Christi* in A-

ca-

(a) Briefe survey and Censure of Mr. *Coxens* cozening devotions. London. 1628.

cademia *Oxonienſis* Præſidi, in decanatu Eccleſiæ Cathedralis *Petroburgenſis* ſuccederet, anno nimirum MDCXL. ut illius aliorumque conſimilium operâ ſchiſmatis, quod tum paſſim gliscebatur, ſi quo modo fieri poſſet, obex poneretur. Sed gens occæcata ad ſobriam mentem nolebat reverti, nullis conſiliis, ſuaſibus nullis, imò ne legibus quidem, in ordinem cogenda, quod erat triſtiſſimum futuræ calamitatis omen.

Dum autem *Cosinus* in hiſce laudatiſſimis inſtitutis juxta Canones Eccleſiaſticos, legitima auctoritate ordinatos, dum tranquillitati publicæ, dum honori & utilitati Eccleſiæ *Anglicanæ*, damnum qualicunque innovandi pruritu aliter paſſuræ, dum divini cultus reverendiſſimorum Antifritum, in hoc unicè intentorum ut ab omni conſuſione & labe purus & integer ſervaretur, exemplo & juſſu, honori & ſplendori conſuluerit, Pueritanorum atroces calumnias & odium irreconciliabile in ſe derivavit: qui ſub prætextu introducendæ purioris diſciplinæ, ritus ſacros, quaſi ſuperſtitionem redolentes, univerſamque Eccleſiaſticam hierarchiam funditus evertere & delere animis exacerbatis ſummisque viribus annifi ſunt: quod tandem ſatiam plebem, cives *Londonenſes*, aliquoſque exceſſivis notæ, Eccleſiaſticis redditibus, utpote opimis ſpoliis, ſacrilegè inhiantes, ad arma ſub Parlamenti *Weſtmonaſterienſis* auſpiciis inſtigantes, junctis cum rebellium *Scotorum* Antefignanis conſiliis, illorum proſpero ſcelere animati, non ſine totius Chriſtiani orbis ſtupore, & maximo Chriſtiani nominis ſcandalo dederunt effectum: *Scotis* conſcripto exercitu, poſt fanatico furore abolitum epiſcopatum, *Angliam* invadentibus, R. *Carolus I.* dum arma parat, ut vim vi repelleret, ſpe tamen melius ſopientiæ funeſtæ iſtius rebellionis, ope ſubditorum noſtræ Gentis, menſe Aprilis A. MDCXL. Ordines regni, triſti neceſſitate compulſus, convocavit: ſed ſucceſſu planè irritò. Obſtabat enim quorundam novis rebus ſtudentium perverſitas, ne huic ingruenti malo opportunum remedium adhiberetur. Cùm ergo vix quicquam ſubſidii contra rebelles *Scotos* ſibi eſſet expectandum, Parlamentum illud diſſolvi juſſit, copiis militariſus ſuo ære conſcriptis conſiſus. Interim recrudelcentibus publicis malis, militibusque *Scotis* contra fidem promiſſorum non exauctoratis, ſequente Novembre novum indicitur Parlamentum. Puritani opportunitatem toties expetitam jam naſti, facta per univerſam *Angliam* conſpiratione de hominibus furioſis, ſuarumque partium fautoribus, in numerum Senatorum, qui inferiorem Cameram conſtituunt, eligendis pertinaciſſima induſtria ubivis laborant. Ab hiſce infauſtiſſimis initiis, ſtra-

strages illæ, quæ *Britanniam* mox superobruerant, fluxère. Hi verò, quò suis electoribus gratificarentur, de quorundam Procerum, eodem fermento imbutorum, subsidio & suffragiis securi, reformandæ religionis maximam præ se ferunt curam: zelotis *Londinum* undiquaque confluentibus, ut supplices libellos & querelas contra Episcopos & Presbyteros proximæ dignitatis, qui Ecclesiæ salutis promptius invigilassent, contra Curias *excessæ*, uti vocantur, *Commissionis* & *Camera stellatæ*, olim sapientissimè stabilitas, quibus illorum vesania fuerat suppressa, contra denique Regios Consiliarios, Judices, aliosque Magistratos, quorum fidei civile regimen concredebatur, exhiberent. Commissarii hisce querelis promiscuè audiendis, merè Laici, deputantur. Coram hisce Inquisitoribus, inter alios viros verè venerabiles sistitur *Cosinus* noster, hac de causa.

Quidam nomine *Smartus*, olim Ecclesiæ *Dunelmensis* Præbendarius, ob contumeliosas seditiosasque conciones in Ecclesia Cathedrali A. MDCXXVIII. habitas, in quibus cæremonias ritusque Ecclesiæ *Anglicanæ*, tanquam foedæ superstitionis manifestos, malefano indoctoque zelo actus, gravissimè debacchatus est, ab ista dignitate, cum palinodiam canere præfractè recusasset, deturbatus, & omni sacro munere per degradationem exutus, carcerique mancipatus, jam quasi *dies retributionis ac vindictæ*, uti loquebantur, advenisset, *Westmonasterium* properat, mox porrecto supplice Libello, putidissimis mendaciis & convitiis in *Persecutores* suos, uti appellavit, ingestis gravido, & præsertim in D. *Cosinum*, quem primo præ aliis omnibus loco nominat. Criminationes hæcæ & querelas, absque omni examine avidè admittas, quidam Commissarius ex ordinatione reliquorum Dominis superioris Cameræ defert, oratione, in quâ *Smartum* indebitis elogiis tituloque *Protomartyris Angliæ* in hisce ultimis persecutionis temporibus, exornat, præmissa. Quantas pœnas luiturus fuisset *Cosinus*, si vera narrasset infamis schismaticus; quam multis pecuniis multandus, quam perpetuo carceri addicendus! Ab hisce malis capiti impendentibus, quo pacto sese extricare posset, summa prudentia opus erat. Quid ergo? singulis articulis tum scripto, juramento prius interpolito, tum viva voce, cum responsa adaptasset, innocentiam suam, allatis ex fide rerum & testimoniiis argumentis & probationibus, adeò luculenter tutatus est, ut illarum vi convictus Adversarii Advocatus, causâ, quam defendendam susceperat, protenus abrenunciata, palam dixerit, se *harum criminationum à Clieute viris in-*

tegerimis impatiarum, omnino puduisse nec salva conscientia illius partes amplius sustinere potuisse: multis quoque ex Baronibus, ad quorum tribunal ista gerebatur, clarâ voce affirmantibus, Actorem inferioris Camerae Adfessoribus ejusmodi querelis frivolis nullique fundamento innixis fucum fecisse. Disceptationes istæ ad quintum usque diem producebantur: nec ultra contra *Cosinum* actum erat. Inde demissoria charta faciliè impetrata, *Canabrigiam* redeundi libertas conceditur, interposita tamen cautione se modo esset accersendus, iterum compariturum. Sed ab omni molestia deinceps erat cessatum. (a).

In hisce difficillimis temporibus h. e. A. MDCXL. *Cosinus* Academiæ *Canabrigiensis* Vice-Cancellarius constituebatur, quod egregium munus summâ cum prudentia & fortitudine administravit: Postea verò, cum serenissimus Rex ob seditiosos civium aliorumque tumultus Urbem relinquere cogeretur, omni præsidio, quo Majestatem Regiam tueretur, vacuus, pecuniis utpote publicis, arcibus, tormentis, pulvere pyrio, reliquoque bellico apparatu in armamentariis reposito, à Senatu *Westmonasteriensis* occupatis, destitutus, ut hisce necessitatibus, quantum in illis erat, subveniretur, *Canabrigienses* vasa argentea aliamque pretiosam suppellectilem, & pecunias numeratas illi circa annum MDCXLII. deferri curarunt.

Quanti verò hæc fides, hæc debita in Regem, omnium rerum egenum, liberalitas illi constaret, tristis eventus demonstravit. Nam rebellione adulta cum militares Parlamentariorum copiæ, numero longè superiores, vicinos comitatus in suam potestatem redegissent, de visitanda Academia sub *Mancestria* Comite statim decretum erat. De illorum violentia, crudelitate, rapinis & sacrilegiis, non est, quod hic multa referam. Venerabiles Collegiorum & Aularum Præfecti & Socii, qui fidem integram & intemeratam servavere, Ministellorum & mili-

X

tum

(a) Videat curiosus Lector, si libet ipsius *Cosini* literas Apologeticas, scriptas *Parisius* Aprilis VI. A. MDCLVIII. contra *Fulleri*, qui hæc omnia nimio erga Presbyteranos affectu abreptus, non mala fide, saltem iniquè prorsus parte inaudita altera, repræsentavit, cavillationes, & à D. *Petro Heylino*, strenuo Ecclesiæ Anglicanæ Pugile, in appendice examinis & animadversionum in Ecclesiasticam *Britannia* Historiam ejusdem *Fulleri*, Rhapsodiam potius nuncupandam, indoctam, ineptam, omni judicio, profundâque rerum indagine vacuam, foedisque erroribus scatentem A. MDCLIX. editas.

tum fannis & infectionibus expositi, citra omnem humanitatem malè habiti, & contra jus fasque muneribus suis vi armatâ exuti, aut in Regia castra non sine ingenti periculo transferunt, aut apud amicos clam latuere, Patriæ malis ingemiscetes, aut de vertendo solo cogitarunt. Hoc est juxta Presbyteranos *reformare Ecclesiam & Academias*. Eandem enim horrendam sortem, Rege debellato, subire cogitur Academia *Oxoniensis*. Non aliter cati homines, rerum potiti, credebant, se securos fore de schismate propagando, de anarchia introducta, de sacrilegis possessionibus, & Præfulum Ecclesiarumque Cathedralium redditibus impie arreptis, aut prosperæ rebellionis fructu & beneficio diu posse frui, quod maximè cupiebant, nisi hisce præclarissimis veræ & antiquæ, tum erga Deum & Christum, tum erga Regem fidei seminariis, hoc modo, uti blaterabant, *purgatis*. Mox post diram hanc cladem *Cantabrigiensem*, funestissimo bello magis magisque exardescente, rebusque deploratissimis, *Cosinus*, omnibus suis dignitatibus & fortunis expoliatus, cum sibi nullum præsidium ab schismaticorum insultibus & infectionibus fore, satis perspectum habuisset, relicta *Anglia*, A. MDCXLIII. *Galliam* aufugit, quem nimirum horror carceris in exilium coëgit.

*Cosinus* fixas sedes habuit *Parisus* jussu serenissimi Regis, *Caroli* primi, præcipuè ut viris sceminisque clarissimis è familia Reginæ consortis, qui erant Protestanticæ communionis, domesticis, in sacris & spiritualibus ministraret, ibique primò in privatis ædibus, postea confluentibus *Anglis*, à patria extorribus & Parlamentariorum tyrannide expulsis, in sacello amplissimi & optimi Viri, D. *Richardi Bruni*, Equitis Aurati & Baronetti, à Serenissimo Rege *Carolo* I. ad *Ludovicum* XIII. Regem *Gallicæ*, ad publica negotia procuranda, quibus ob prudentiam politicam, subacto judicio firmatam, fidemque integerrimam, erat, si quis alius, maximè idoneus, Ablegati, omnia sacre religionis munia juxta Ecclesiæ *Anglicanæ* institutiones, subindè obire solebat, quo tempore *Angli* zelotæ *Romana* communionis, versipellis ingenii homines, omnia loca vociferationibus, tum irrisoriis, tum orantibus, complebant, ut nostros incautos, *Parisios* potissimum tanquam ad asylum confugientes, facilius & plausibilius fallerent, eosdemque à fidei Catholicæ, in Ecclesia *Anglicana* retentæ & assertæ, doctrina & professione seducerent, jam actum esse de Ecclesia *Anglicana*, nec quicquam spei de ipsius restauratio-



ratione amplius relictam; omnia, hæreticis pravisque opinionibus apud nos in *Anglia* introductis, & sacro regimine Episcopali penitus everso, illic vacillare & confundi; & ipsius constitutionibus sublatis, ad sinum Ecclesiæ *Romane* sibi redeundum esse oportere, si salvi esse vellent: sed ejusmodi argumenta ab horrendis rerum vicissitudinibus ducta, qui paulò perspicacioris erant ingenii, contra universos Christianos sub *Decii*, *Dioclesiani*, aliorumque Imperatorum, in illos ex infano idololatriæ amore sævientium, lanienis, & præsertim sub *Constantio* & *Valente*, *Ariana* hæreseos fautoribus, dira passos, pariter valuisse, facile viderunt. Ecclesia *Anglicana* nunquam erat gloriosior, quam sub cruce. Milleni illius alumni, nullis minis, persecutionibus nullis succubuerunt. Conventus sacri, ringentibus schismaticis, clam ubique habiti, omni metu aut carceris aut multarum abjecto, qui cum Episcopis Sacerdotalibusque ritè ordinatis in sacris integram retinere communionem. Ecclesiam *Anglicanam* gravissimè afflictam & externum illius splendorem periisse veris lamentis deplorabant omnes boni, sed non penitus destructam fuisse, quod illis exprobrabant Adversarii, tantus exilium in *Anglia* relictorum numerus, etiam hoc facellum quod exules sub fide publica & jure gentium muniti, singulis festis ac Dominicis diebus frequentes adierunt, fecit testatissimum. In immortalem laudem cedit admodum reverendis D. D. D. *Bramballo*, *Cosino*, *Erlo*, aliisque fortissimis Confessoribus, quorum pietati, constantiæ, ac indefessæ in concionibus habendis, in Liturgicis sacris celebrandis, in disputationibus, si qua provocatio cum nostratibus adversæ partis Patronis, intervenisset, denique in scriptis edendis industriæ, adstipulante divina gratia, adscribendum est, quod Ecclesia *Anglicana*, licet domi miserrimum in modum oppressa & sub jugo Presbyteranæ tyrannidis ingemiscens, foris in exteris plagis, & præsertim in *Gallia*, sub D. *Richardo Bruni* Equitis aurati, Viri nunquam satis laudandi, qui per novemdecim annos usque ad restauratam anno MDCLX. Monarchiam ista Legatione ibi summa cum laude functus est, auspiciis & tutelâ, quasi triumphos ageret & quod perpauci vacillantes & infirmæ mentis ad Pontificios, illa relictâ, deficerent.

In horum censu (neque enim illud celandum arbitror, quod ille in summæ infelicitatis loco posuit,) numerandus venit *Cosini* filius, in Grammaticali Jesuitarum schola, prout apud alios Protestantes moris erat, ut linguarum *Græcæ* & *Latine* cognitione imbueretur, Patre ni-

mium facile id concedente, educatus, juvenis sanè incautus, & in abstrusis Theologicis dogmatibus malè intellectis & pro judicii defectu inexploratis nimium sibi placens, fraudibusque Præceptorum, fide violata, irretitus: qui contra omne jus divinum humanumque à Patre mox abreptus, nullis, ut ut blandis, interpellationibus & monitis, argumentis suavisibusque nullis, præ perversa ipsius obstinatione & subdolis fallacibusque seductorum artibus, ad sobriam mentem tunc temporis revocari potuit. Ad alios ergo confirmandos, ne hoc domestico exemplo ad similem defectionem pertraherentur, majori industria advertit animum. Cùm Serenissima Regina, *Henrica Maria*, Regis *Caroli I.* uxor, famulos nostræ communionis, qui illam, prout debita fides exigebat, in *Galliam* secuti sunt, apud se retinuisset, illorum intercessionibus, effectum erat, ut *Cosmo* hoc modo in clientelam benignissimæ Dôminæ adscribendo, quem Patrem ac Directorem in spiritualibus voluere, ædiculæ, illi illiusque familiæ recipiendis satis commodæ, unâ cum qualiquali annua pensione, in *Lupara*, Palatio Regali, ubi illi habitarent, assignarentur: quod non parum ad sublevandam rerum, qua laborabat, inopiam conducebat.

Anno MDCXLV. cùm Emisarii pro versutia illorum machinas novas ad fidem nostrorum expugnandam adhibuissent, quasi, ex quo tempore, integra Reformatione introducta & legum civilium sanctionibus stabilita, Papismum ex *Anglia* expulisset Regina *Elisabetha*, nulli essent apud nos Episcopi & Sacerdotes, utpote ut more solito calumniati sunt, non debita consecrandi sacra elementa, sive ut veteratores isti loqui amant, *conficiendi Corpus Christi*, ob verborum in Ordinationis formula defectum, potestate pollentes, neque juxta Ecclesiæ Catholicæ Canonas ritè ordinati, *Cosmus* ad hanc novam palæstram lacesitus (non enim, ut dixi, temerè & præcipiti zelo sese istiusmodi litibus ingessere Theologi nostri in alienis terris, ubi Religio Romana dominatur; ne in τῶν Ἀποστόλων offensam & censuram incurrerent) acrem habuit cum *D. Robinsono*, *Anglorum* Benedictinorum Priore, modo illo nomine & titulo nuncupandus sit, de *ordinationum Ecclesiasticarum in Angliâ factarum validitate* disputationem, postea scriptis pro tempore continuatam, donec à respondendo abstinuisset iste Monachus: (cujus summam & compendium ad reverendum Virum, *D. Georgium Morleium*, αὐτῷ ἀδελφῶν καὶ συγκαταστάτῃ τῇ ἐκείνῃ, tunc in *Belgio* exulantem, scriptis, nondum in lucem publicam productis, postea complexus

plexus est) ex qua hunc fructum commodumque lætus, ut accepi-  
percepit, quod nobilissimus ille vir, cujus importunis precibus ista  
concertatio inita erat, in communione nostra confirmatio redderetur.

Post fatale illud & funestum prælium inter *Scotorum* exercitum &  
*Cromwellianos* tertio Septembris MDCLI. apud *Wigorniam* commissum,  
Serenissimus Rex *Carolus II.* qui imperterrito animo interfuerat, à mil-  
le periculis, per tot tantosque itinerum circuitus & ambages, magna  
*Angliæ* parte peregrata, viis publicis ab armato milite, aliisque scelera-  
tis hominibus, infestis, proposita ingenti ad illum, ne elaberetur, in-  
tercipiendum mercede, obstupefcentia faventissimi Numinis providen-  
tia, ereptus, post trimestre spatium tandem, à littore *Suxsexiano* sol-  
vens, maritimas *Gallia* oras salvus appulit, moxque se *Lueticam Parisi-*  
*siorum* recepit, summa lætitiâ à Regina matre, fideliumque subditorum  
gratulationibus exceptis: quò, inter alios, nobilissimi Viri, fidelissi-  
mi & sapientissimi Consilarii, D. *Jacobus* Marchio, postea Dux,  
*Ormondia*, *Hibernia* Prorox, & D. *Edwardus Hydus*, olim Scaccarii,  
deinceps merito suo magnus *Angliæ* Cancellarius, paulo antè ex *His-*  
*pania*, post peractam legationem, in *Flandriam* reversus, extemplo  
properarunt. Memoratu dignum censeo, Regem, dum illic ferè per  
triennium manserit, diebus ordinariis in sacello privato *Luparao*, die-  
bus festis & dominicis in ædibus Ablegati sui, sacris religionis officiis,  
*Cosino* & *Erlo* illic quoque publicè alterna vice ministrantibus, assidue  
interesse consuevisse, omnibus proposito constantiæ in Ecclesiæ *Angli-*  
*cana* fide & doctrina exemplo, pro quibus tuendis augustissimus Pa-  
rens, triumphata Parricidarum rabie, ferali pegmate obruncatus, uni-  
verso orbe Christiano, impiissimum istud execrante facinus, glorio-  
sum passus est Martyrium. Quo tempore, h. e. circa A. MDCLII.  
D. *Hydi* qui honori, saluti, ac juribus Ecclesiæ *Anglicana* pari zelo in  
exteris regionibus, prout occasio tulerit, ac olim, & postea domi,  
consultuit, rogatu, *Cosinus* illius religionem Catholicam, castam, & à  
Pontificiorum corruptelis defœcatam, disciplinam, regiminisque for-  
mam, universum denique statum, quem ne centesimus quidem è Cle-  
ro *Gallicano*, sive ex ignorantia, sive ex præjudiciis injustis maleque  
fundatis intellexerit, brevi compendio, quod ex autographo jam pu-  
blica luce donare operæ pretium duxi, demonstravit: cùm politicæ  
quædam rationes in causâ essent, quod in ista urbe tunc temporis non  
imprimeretur. Hujus sanctissimæ & verè Christianæ religionis se stre-

nuum propugnatorem & pugilem præstitit, inque illius vindictis, omni bona occasione captata, contractis omnibus ingenii & industriæ nervis, nulli labori pepercit. Nec longum ab ejusmodi concertationibus, oppugnationibusque induciarum aut quietis dabatur tempus. Rex enim *Carolus*, vi fœderis inter *Gallos* & *Cromwellum*, absque illa conditione, non aliter ineundi, ut Cardinalis *Mazarinus*, qui omnia tunc sub juvene Rege *Ludovico XIV.* despotica plane potestate moderabatur, in tam terræ atrocitatis, contra omnia hospitalitatis jura, perpetratæ defensionem, caussatus est, è *Gallia* exire coactus, novas, in quibus aliquantisper quiescendum erat, in *Germania* sedes quæsit: quem in istis peregrinationibus comitari sapienti ac pia apud se deliberatione habita, præfractè statuit *Cosinus*. Sed Rex ipse intercessit, noluitque Protestantes subditos, quibus jam per multos annos utilissimam impenderat operam, illius præsentia orbari: cujus jussibus sibi obsecundari pro pietate sua, invitus licet & quasi reluctante animo, fas duxit. Sed non diu altera de novo exsurgens illum de rebus gravissimis ad religionem spectantibus consulendi deerat occasio. Dum Rex extorris *Colonia Agrippinae*, vicinisque regionibus huc illuc discurrens, ageret, Jesuitæ, præsertim *Angli*, Principum, sub quorum ditione erat, monitis & instigationibus acti, sive ex infano suo zelo, insidias, quibus illum fidelissimosque Affectas ad fidem suam pertraherent, indefinenter parabant, vana ac fallaci spe, se in hoc certamine religioso tandem aliquando fore victores. Dum, inter alia, dogma Transsubstantiationis, quod nostrates, ut planè novum, & monstruosum, & ab omni sensuum fide & experientia, à Philosophiæ placitis, à principiis denique Christianæ Theologiæ, & ab omni sacrarum scripturarum auctoramento alienissimum, ingenti cum horrore rejecerint, per omne ævum inter Christianæ fidei articulos fuisse admissum, more solito mirâ quadam confidentia clamorè admodum jactaverunt, rem totam cum *Cosino*, quem in scriptis Patrum legendis & in omni historia Ecclesiastica versatissimum pro comperto habuerant, communicare consultissimum videbatur, ut quod hisce strophis & versutiis opponeretur, sibi in subsidium præsidiumque haberent. Quorum ut justis piisque satisfaceret desideriis, ille sine morâ figmentum illud esse, primis ac sequioribus quoque seculis inauditum, malisque artibus introductum, discussa Papalis istius transsubstantiationis universa historia, inibi tamen tum S. Scripturæ, tum veterum Patrum, & Reformatarum Ecclesiarum, doctrina

trina Catholica de sacris symbolis & præsentia Christi in sacramento Eucharistiæ assertâ, adeò luculentis invictisque argumentis, libello illuc transmissio abundè refutavit, ut hac ex parte non amplius impeterentur. Dissertationem hanc historicam, postquam in paucorum manibus, quasi sepulta jacuisset, utpote dignissimam, quæ clara luce ab omnibus legatur, venia ab ipso Auctore paulò ante obitum impetrata, Vir reverendus & apprime eruditus, D. *Durellus*, Ecclesiæ *Dunelmensis* Præbendarius, & postea Decanus *Windsoriensis*, A. MDCLXXV. *Londini* edendam curavit.

Horis subsecivis studiis Theologicis non minus animum intendebat *Cosinus*, tum ut de universa religione Christiana, tum speciatim ut de Ecclesia *Anglicana* scriptis in omne ævum victuris benè quidem mereretur. Quò huic sancto proposito meliùs satisfieri posset, observationibus, quas ex Patribus Historicisque Ecclesiasticis cujuslibet seculi jam à longo tempore collegerat, methodo felici digestis, *scholasticam canonis sacra Scripturæ*, sive certorum indubitatorumque librorum, prout in *Ecclesia Anglicana recipimur*, *Historiam*, amploque apparatu absolutam, & sermone vernaculo scriptam, opera Viri eruditissimi, D. *Petri Gunningi Londini MDCLVII.* (uti postea A. MDCLXXII.) edi curavit: quam admodum reverendo Patri, D. *Matthæo Wrenno, Eliensi* Episcopo, olim ob fidem erga Regem & Ecclesiam præstitam à senatu *Westmonasteriensi* in turrâ *Londinensem* coniecto, ibique tunc temporis sub arcta custodia detento, non sine maximis elogiis, inscribi impensè voluit. Opus sanè summo cum judicio elaboratum, omnibusque numeris perfectum: in quo tum veteris Judaicæ Ecclesiæ, tum Christianæ & Apostolicæ, testimonia recensentur, producta nimirum per omnia secula, usque ad A. MDXLVI. h. e. ad tempus Synodi *Tridentine*, quæ novum Scripturæ Canonem arrogantissimè tum condidit, de quo, neque ipsam Romanam Ecclesiam, neque quancunque aliam, ubi Christianum nomen vigeat, unquam antea audivisse ille nervosè probavit. Omittendum hic non est, *Cosinum* istius Historiæ calci *Auctorum*, quorum testimonia inibi produxerat, brevem *Tabulam chronologicam*, juxta illorum particulares uniuscujusque seculi ab ipsis æræ Christianæ initiis annos subjecisse: contra quam acerbam censuram præter omne jus & æquum strinxit *Philippus Labbe* Jesuita, in appendice in alteram partem Dissertationis de *Scriptoribus Ecclesiasticis* editæ *Parisiis* A. MDCLX. pag. 81 f. cavillationibus nimirum: prorsus ineptis de quibusdam illic

illic perperam signatis, de ætate præcisa, in qua aliqui dicuntur floruisse, ad calculos non rigidè exacta, & de uno aut altero ex Scriptoribus illis Ecclesiasticis non debito & recto ordine dispositis, illaudabili industria affatim congestis: interim oblitus, quàm multos gravesque errores longè majoris monumenti ab ipso paritèr admissos, postquam librum suum sedato animo relegisset, corrigere suarum esse partium duxerit: & cardinem controversiæ, quam intactam reliquit, in istis temporum minutiis excutiendis neutiquam verti aut posse aut debere. Sed non opus erit in ejusmodi exceptionibus, ne dicam convitiis, quæ in *Cosinum* aliosque Reformatæ Communionis magni nominis Scriptores, pro genio suo & ex prætextu *Catholici zeli* evomuit, in apricum explicatius producendis, cum id à nostro proposito sit prorsus alienum, diutius immorari.

Erubescant jam schismaticorum filii de parentum avorumque convitiis, mendaciis, & calumniis in *Cosinum*, aliosque præclaros hujus Ecclesiæ Confessores, ubique per populum ex industria sparsis, quasi sub pientissimi & fortissimi Martyris, G. *Laudi, Cantuariensis* Archi-Præsulis, auspiciis, ductu & præsidio, Papismum in *Angliam* essent introducturi; quorum innocentiam ab hisce Presbyteranorum criminationibus & maledicentiis prorsus immunem intactamque fuisse, integramque fidem, innumeri libri, adversus Pontificios ab iisdem editi, in æternum testabuntur.

Multa alia opera Theologici argumenti, puta *Annales Ecclesiasticos, Historiam Conciliorum, & Chronologiam sacram*, congesta observationum mole, condere & Latine edere constituit: hæc verò sive sacris functionibus, quæ omne illud tempus, hisce studiis aliàs impendendum, occupaverint, sive ægritudinibus malisque ex calculo, præsertim ingravescente ætate, supervenientibus, impeditus, imperfecta reliquit: ut varios tractatus MSS. *Anglicè* scriptos, ab ipso climatos, repetitisque curis excussos, (quorum meminit vir reverendus & doctissimus D. *Isaacus Basirius*, Ecclesiæ *Dunelmensis* Præbendarius, & Archidiaconus *Norlumbrie*, qui defunctum, egregia funebri concione habita, pro rostris laudavit) de controversiis cum Pontificiis, dum in *Gallia* maneret, agitat, omittam, à quibus edendis licèt ille ex modestia abstinendum duxerit: vix tamen illud ultimi Testamenti Executoribus, quod in Ecclesiæ *Anglicane* commodum & honorem, & publicam utilitatem nondum in lucem exiisse passi fuerint, in excusationem cedere posse arbitror: quod illos vel quoscunque alios, in quorum scriniis adhuc delitescent, tandem factu-

facturos, acri hac contestatione monitos rogatosque, ardentissimis votis opto precorque.

Celari neitiquam aut decet aut debet, quod postea crimini & probro objiciebatur, ut mox videbimus, illum longa apud *Parisienses* mora arctam cum viris reverendis & doctissimis, D. D. D. *Amyraldo*, *Dalleo*, *Gacheo*, alisque, ut nuncupantur, Ecclesiæ *Carentoniana* Pastoribus amicitiam coluisse, & ad testandam illam, qua erga illos ferebatur, charitatem, eorundem concionibus interdum interfuisse: nec obstabat iste in ritibus formaque regiminis Ecclesiastici ante sesquiseculum introducti dissensus, quominus illos, in præcipuis Catholice religionis capitibus & articulis unanimes & concordēs, fraterno affectu complecteretur, qui reciprocante affectu erant ad omnia officia paratissimi. Horum enim permisso virum clarissimum D. *Guilielmum Carnabeum* Equitem auratum, superpellicea linea veste indutus, juxta ritus in libro Liturgico præscriptos, in cœmeterio *Carentoniano*, frustra indignante & opponente Parocho Pontificio, sepulturæ mandavit: ut & plures in altero juxta *Parisos*, in sterquilinia, fossas, aliaque immunda loca, pro effero Pontificiorum zelo cæteroquin abjiciendos. (a) Illorum infantes, subinde & occasione data, illis petentibus, sacro tinxit baptisinate, alios connubio junxit juxta ritus nostros, approbantibus quoque Ministris, & ad sacram Eucharistiam admisit, quosdamque Theologiæ studiosos, sacroque ministerio destinatos, ab Episcopis communionis *Anglicane*, siqui forte ibi aderant, Diaconos & Presbyteros, distincta collatione, juxta Ordinale nostrum, fieri & ordinari, pro more, ad majorem solennitatem, Concionatoris munere fungens, curavit. Cum verò *Galli* Protestantes in istis temporum angustiis, dirissimisque, quibus majores involuti essent, circumstantiis *ordinationibus* *Episcopalibus* destituerentur, misericordia & charitate uti, putabat, verè Christiana erga illos incensus non se nimio & præcipiti æstu abripi passus est *Cosinus*, quasi non veri fuissent sacrorum Ministri, nullaque esset legitima apud illos sacramentorum administratio. Ideò à D. *Cordello*, viro pio, qui istiusmodi scrupulos in mente dubia aluerat, *Blessis* tunc agente, an cum iisdem integra conscientia communicare posset, A. MDCL. consultus, hac re accuratissimè perpensa, literis responsoriis, quarum *Apographum* apud me retineo, pari judicio ac pietate exaratis, salvo tamen Ecclesiæ *Anglicane* jure, illud, præsertim in casu

Y

ne-

(a) V. literas Apologeticas supra citatas.

necessitatis, & etiam aliàs, sub certis, interposita protestatione, conditionibus, admitti posse, non dictatorio more statuit, sed sub moderamine inculpatæ tutelæ, concessit, permisitque. Veruntamen hac prudenti moderatione, hac pia charitate, hac restricta indulgentia, non modicam apud unum & alterum è Confratribus, in *Gallia* tunc religionis & fidei causâ exulantibus, quorum nominibus parco, invidiam & odium, imo & acerrimam censuram sibi conscivit, quasi hac ex parte Ecclesiæ, tum Catholicæ, tum Anglicanæ, jura tradidisset, indeque ex consequenti Presbyteranis *Anglicanis*, seipsos, abdicatione, à quo tanquam à fonte, reliqui sacri ordines canonicè fluunt & derivantur, Episcopatu, ab impii schismatis, quod scelestissimam rebellionem, horrendasque istas clades, quæ postea securæ, induxit, reatu tuendi ansam dedisset. Quid ille interim? Equidem satis sibi conscius, multisque argumentis convictus, longè dispirem *Gallorum* & nostratium rationem haberi oportere, & quotidiana conversatione & experientia compertum habens, illos ordinem Episcopalem venerari, calamitatibus Ecclesiæ afflictissimæ indolere & miserescere, ritus, quibus in divini cultus officiis utimur, innocentes & ab omni superstitione Papisticâ puros, approbare & Liturgiam *Anglicanam* juxta primitivæ Ecclesiæ formulas compositam esse patente ore promptoque animo fateri; à quibus omnibus quàm maximè abhorrent Sectarii nostri, nullo aut necessitatis aut justæ secessionis à communione Ecclesiæ prætextu excusabiles, hæc impropria censurasque, quas nimis exacerbata mentis fervor dictarat, ne dicam, invidia & æmulatio, quæ viris optimis quandoque ex humanæ infirmitatis vitio solent irrepere, patienti, imo & forti, animo, tulit contemptisque, nec unquam, uti videtur, hujus Christianæ & pacificæ *εὐχαισθήσεως* se poenituit. Interim tamen Presbyteranorum, Independentium reliquorumque Sectariorum sacrilegam alieni juris usurpationem, perfidiam, perjuriam, & impudentiam in sacris ministeriis ex propria auctoritate, quæ planè nulla est, sibi arrogandis, flagranti & justissima quidem indignatione usque ad extremum vitæ halitum detestatus est.

Monarchia A. MDCLX. conspirantibus universi populi *Britannici* animis, restituta, post septendecim annorum exilium in patriam reversus est *Cosinus*, qualem qualem publicæ felicitatis fructum modicamque partem percepturus. Cum verò omnes illum summos quosque honores ob consummatam sapientiam, eruditionem, fidelitatemque ubivis testatissimam meruisse

ruisse



ruisse concorditer censuissent, ille, omni ambitione vacuus, perpeffiones suas Ecclesiæ *Dunelmensis*, cui primùm designabatur, Decanatu, abundè compensari pro egregia animi æquitate existimavit: nec aliud redhostimentum aut petiit, aut expectavit. Serenissimus verò Rex, cui illius ingentia merita & excelsæ dotes erant à multis annis perspectissimæ, longè aliter sentiebat, neminemque, qui ad istius Ecclesiæ Episcopatum, præcipuè post *Londinensem* dignitatis, ob jura regalia ad comitarum Palatinum pertinentia, amplamque civilem jurisdictionem illi antiquissima consuetudine annexam, amplissimisque redditibus dotatum promoveretur, digniorem esse pro prudentia sua judicavit. Mox canonica electione jussu regio pro more peracta prima Dominica Adventus, secundo die Decembris ejusdem anni, in Abbatiali S. *Petri Westmonasteriensis* Ecclesia, una cum sex aliis, ritè consecratus est, ipsius Sacellano, D. *Guilielmo Sandcrofto*, postea merito suo ad sedem Metropolitanam *Canuariensem* evecto, viro optimo & sapientissimo, cum summis istius sacri & maximè venerandi Confessûs laudibus concionem habente: quam Patrono suo, cujus jussu edita erat, magnificâ inscriptione præmissâ, dedicavit.

Quamprimùm per publica regni negotia licuit, venerandus noster Præsul, *Dunelmum* se contulit, ingenti gaudio obsequiosisque gratulationibus, à vicinis generosioris prosapiæ civibusque in urbem, ubi magnum sui desiderium olim reliquerat, decora pompa deducenibus, exceptus. Jam prima cura instabat, omnia, quæ in turbatissimis temporibus miserè distracta & confusa jacuissent, pristino nitore, quantum fieri poruit, restituendi, & divinum cultum disciplinamque in Ecclesia Cathedrali, impia sectariorum rabie nuper polluta, juxta veterum statutorum normam, additis quoque novis, redintegrandi: - viris & piis & doctis, in partem curæ venientibus, in locum Præbendariorum pridem defunctorum, quos fanaticus furor exegerat, itidem successis. Deinde universam Dioccesin sapienti consilio visitavit, ut contra fanaticos Ministros, qui aliorum beneficia Ecclesiastica, Rebelligum patrocinio suffulti, occupaverant, populo à Deo, Rege, & Ecclesia sibi commisso, melius provideretur. Sed hac illius aliorumque Præfulum diligentia non satis ab ista labe purgata erat Ecclesia *Anglicana*, donec anno sequente, viz. MDCLXII. ex decreto Parlamentario de uniformi in precum publicarum formulis, sacramentorumque administratione, praxi & consensu, aliorumque rituum & cæremoniæ usu, cujuspiam mu-

neris sacri incapaces, poenisque obnoxii redderentur, nisi qui haftenus vafre & dissimulanter egerint, bonis legibus morem gesserint. Non aliter aut regni tranquillitas, aut Ecclesiæ salus salva & integra servari poterat. Civiliū igitur legum sanctionibus pariter ac potestate Episcopali munitus, in iis, quæ deerant, corrigendis, rebusque componendis & moderandis, contra schismatis, nondum penitus sopiti, licet publicis legibus damnati, reliquias, alacriore animo perrexit. Inferiorem Clerum omni cum paterno affectu, sine supercilioso fastu, sine tetrica asperitate, non tanquam Dominus, sed Frater in *Christo*, excipere & amplecti solebat: interim tamen de singulorum vita, moribus, exemplo, doctrina, diligentia, & disciplinæ Ecclesiasticæ rituumque observantia maximè sollicitus, & si quid aliqua ex parte deliquerint, monitis primùm & oburgationibus, deinde in incemandos & perversos acri censura animadversurus. Inter alia statuebat, ut quotidiana religionis officia bis singulis diebus publicè legerentur, ut quotquot erant ad pietatem propensiores, à necessariis vitæ occupationibus liberi, sacro cultui simul adesse possent; insuperque nolebat illos pro nuperorum temporum licentia, sive conceptas, sive extemporaneas preces, in quibus malas de religione opiniones dementatæ plebis animis vafri homines sub ferventioris zeli & sanctimonix specie & prætextu plausibilius & facilius instillare consueverint, concionibus, præmittere: revocato in usum Canone nostræ Ecclesiæ quinquagesimo quinto: quo brevi & in genere omnes monendi sunt, pro quibus & in quorum gratiam Deo supplicare oportuerit. Exploratissimum est, & à nemine quoque negandum, olim cautum fuisse, ne preces privatæ, cujusque arbitrio & lascivienti ingenio relictæ, in sacris publicis cæti-  
bus recitarentur. Ferunt, & fortasse quidem non dubia fide, *CARIN-  
VIUM*, Puritanorum sub temporibus R. *Elisabethæ* Antesignanum, e-  
arum usum in suis conventiculis, inhonestis quidem de causis & con-  
culcata Ecclesiæ auctoritate, primò introduxisse.

Tanta verò tamque assidua sedulitate, quantum humanæ vires pas-  
sæ sunt, Clericis, illius spirituali ditioni subditis, invigilavit D. *Cos-  
INUS*, ut nullibi terrarum fortean aut sanctius aut prudentius sacrum  
istud munus præstaretur, sed in illius laudes nimium effusus vide-  
bor; nolo quippiam meritissimæ reliquorum venerabilium Episcopo-  
rum, qui partibus suis laudatissimè perfuncti sunt, famæ detractum  
iri: quorum omnium eximia pietate, indefessa industria, pastoralique

cu-

cura optimè administrata, *Anglia*, perpetua pace & tranquillitate, fuisset beata, si per vafra primùm, deinde palam vi apertà erumpentes, Presbyteranorum & Democraticorum machinationes licuisset.

Nemo magis pro dignitate, quam adeptus est, vixit, illamque melius sustinuit. Nemo vicinos nobiles, quosvis peregrinantes, civesque ad mensam admissos (ut illius effusam in egenos largitatem præteream) majori hospitalitate & animi promptitudine excepit. Sed absque omni vana profusione & luxu, prout Episcopum Christianum, juxta mandatum Apostolicum, maximè decebat: cujus, à tempore, quo ante triginta annos Præbenda primùm auctus fuerat, dum res domesticæ manerent prosperæ, erat retinentissimus: ad quam etiam (uti & ad canonicam residentiam sine quæsitis impetratise quovis prætextu dispensationibus) uti olim exemplo suo, jam repetitis monitis publicisque adhortationibus frequens extimulavit.

Opimum Episcopatum invenit D. *Cosinus*: sed longè opimiorum relinquit: annui nempe oneris octingentarum octoginta librarum sterlingarum post mortem Reginæ matris, ob ablatum jus tutelæ pupilorum isti sedi antiquo jure annexum, nec à se neque à successoribus suis deinceps exigendi, remissione à benignissimo Rege procurata.

A Rege Magnatibusque ob pietatem morumque gravitatem, ob judicii firmitatem & acumen, ob sapientiam denique multiplici lectione, diligenti studio, longoque rerum usu, acquisitam magni habitus. Ordinibus regni Regio jussu convocatis, in Superiori camera Parlamenti, cujus non modica pars fuit, si quippiam magni momenti quoquo modo ad Ecclesiam, resve Ecclesiasticas spectans, in disceptationem venisset, illo perorante, illustrissimi Proceres, avidis auribus oculisque intenti, ejus sententiæ non sine quadam delectatione & reverentia auscultare visi sunt. Cujus hoc insigne exemplum dabo. In acerrima lite inter illustrissimum quendam Virum & uxorem illius, violati connubialis thori manifestis indiciis ream, de nuptiis post divortium contrahendis agitata, ille tandem sententiam rogatus, non temerè & leviusculè, sed deliberato animo, libratisque alterutrinque argumentorum momentis, longa, eaque gravi, oratione, discruit, se quidem opinari, vinculum illud matrimonii adulterio dissolvi, & ex consequenti maritum, qui tantam injuriam, introducta spuria prole, passus est, ad secundas nuptias admitti debere, nec illud liberis ex nova

sponsa procreandis, in cernenda hereditate fraudi fore. Cùm verò per Ecclesiasticas leges *Anglia* id fieri non liceret, reliquos omnes Præfules, si unum & alterum excipias, sibi adversos & dissentientes habuit. Post multos dies, collectis suffragiis, numerosioribusque ad sententiam, quam tutatus est D. *Cosinus*, propendentibus, prius illud matrimonium ab omni vinculo solvi, & planè irritum fore, ac si nunquam fuisset initum, aut morti succubuisset scœmina, lege Parliamentaria decernitur. Hoc maximè solenni decreto præeunte, (exempla enim neque consistunt, neque consistere possunt, ubi primum incepere) idem ter quaterve eadem auctoritate factum fuisse in consimilibus causis ante paucos annos vidimus. Ne typis publicis exscriberetur hæc Dissertatio, omnem cautionem, uti videtur, adhibuit D. *Cosinus* : veruntamen multis post ipsius obitum annis, versuta eorum, quorum intererat, industria, emerfit in lucem, ut alteri congeneris argumenti causæ in eadem suprema Curia patrocinaretur. An rationes illæ, quæ ibi proponuntur & exstant, invictam cogendi mentem ad assentiendum vim habeant, nec ne, judicent alii. Hoc tantum addam, quod à quodam illusterrimo viro me olim accepisse memini, D. *Cosinum*, strenuum hujus causæ patronum & vindicem, illo ipso die, quo res hæc gravissima, sine ulteriori aut disceptatione aut appellatione esset absolvenda, tunc abfuisse, nec suffragium aliquantulo tempore antecedente, aut vivâ voce aut scripto dedisse.

In hac eminente dignitate constitutus, & omnium rerum copia cumulatique opibus felix, probè in mentem revocans, hujus villicationis à supremo Domino sibi concreditæ rationem tandem reddendam, sacrosque redditus non ad ditandas privatas familias, ut inde in feros nepotes amplæ hereditates derivarentur, à piis munificisque Benefactoribus Deo & Ecclesiæ donatos fuisse, sed in majorem Dei gloriam, divini cultus, illiusque Ministrorum, splendorem & decus, ac pietatis bonarumque literarum incrementum, impendi debere, quibus modis divinæ benignitati, quæ ipsi centuplum in hac vita reddidisset, votisque omnium respondere posset, quaquaverfum oculos animumque seriò intendit. Ante omnia verò de castellis sive palatiis, antiquis Decessorum sedibus *Dunelmæ* & *Auklandiæ*, uti etiam *Darlingtoniæ*, sacrilego Fanaticorum ausu & furore dirutis, ac omni apparatu nudatis, post instauratam Ecclesiam Cathedralē, quod sibi proprium erat, cogitavit; & quod auspiciatò aggressus est, post paucos annos auspiciatissimè absolvit; sedecim ferè mil-

millibus nostrarum librarum in illorum integra fabrica & ornatu impensis; facella inibi, (quorum illud *Auklandia*, flagrante rebellione Parliamentaria, pulvere pyrio eversum, è fundamentis exstruxit & consecravit A. MDCLXV.) argenteis vasis deauratis, libris sacris & Liturgicis, organis musicis, reliquoque decore apparatu, non in sui solius, sed successorum usum instrui curavit: quorum omnium valor ad mille libras exsurgebat. Ad egenos in omne ævum alendos cum proxima accesserit cura, duo Xenodochia ibidem quoque fundavit & dotavit, duasque quoque Scholas sub nupera rebellione dirutas in viridario juxta palatium *Dunelmi*, iterum exædificavit; itemque prope Scaccarium ibi situm Bibliothecam publicam, in communem Literatorum usum condidit, librisque suis, (saltem quoad maximam partem) quos ingenti sumptu & industria per quinquaginta annos collegerat, refertam, addito fundo, ut novis accessionibus aliqua ex parte magis magisque inclaresceret; & vicariam parochiæ *Auklandiæ* sedecim librarum stipendio in perpetuum augeri voluit: nec tacendum duco, licet id ineluctabilis quædam necessitas exegisse videretur, illum octingentas libras in ripis prope mare, quo agrorum suorum prædialium fines pertigerint, contra aquarum furentium impetus reparandis reficiendisque expendisse, fundum quoque tunc temporis *Collegium* nuncupatum, quem turbulentissimis temporibus occupaverat infamis iste rebellis, *Haſlerigus*, à Rege *Carolo* ipsi & hæredibus datum, successoribus suis ultimis tabellis consignari & largitus est. Sed non angustis unius urbis aut comitatus limitibus munificentiam suam circumscribi & coarctari passus est. Præsulibus *Anglicanis* tunc temporis crebræ dabantur effusæ liberalitatis exercendæ occasiones. Inter hos *D. Dunelmensis* trecentas libras pro redimendis nautis aliisque, è nostratibus à prædonibus *Algirensibus* in mare mediterraneo captis, contulit, quingentas etiam ad inopiam militum, qui Regiis partibus stetissent, quibus aliunde non erat proviſum, sublevandam, ducentas item libras & quod excedit, instaurandæ *S. Pauli Londin. ecclesiæ*. Non unum verò amoris sui ac benevolentiæ in Collegium *S. Petri Cantabrigiæ*, cui olim præfuerat, indicium ac testimonium, quamdiu ædes sacræ bonæque literæ à barbarorum invasionibus intactæ & integræ perstabunt, existare quoque voluit. Hoc Sacellum novum, ipsius pecuniis pulcherrimè reſectum, hoc Alumni quinque, singuli nimirum perpetuo decem librarum stipendio donati, hoc denique Bibliotheca, mille libris ab illo illuc transmissis, aucta, & cista communis testabuntur. Munificus quoque erat, licet non pari proportionem,

tione, in Collegium ubi olim fuerat socius, in quo præter annuam pensionem communi cistæ addendam, tres Scholares perpetuo viginti librarum redditu alendos esse constituit, qui, uti & priores, *Episcopi Dunelmensis Alumni* omni tempore erant nuncupandi: dumque facellum Collegii *Emanuelis* de novo condendum esset, pro amore, quo erga sacras ædes ferebatur, symbolam qualem qualem, quinquaginta libris dono datis, contulit. Hæc alique minoris momenti, quæ à me in hac compendiarie retensione omittuntur, ille in ultimas tabellas quasi in acta publica, referri curavit, non ostentationis & jactantiæ causâ (hoc enim averfissimo animo ibi expressissimè deprecatur) quasi rem magnam fecisset, sed tum ut se ab omni avaritiæ nota & labe purgaret, tum ut ingentes istas pecuniarum, quas ex elocatis terris suis per septem annos perciperet, summas, non in suos privatos usus, conversas & abalienatas fuisse in omnem memoriam in Archivis Curiz Prærogativæ *Canuariensis* luculentius constaret.

Post tot tantaque benefacta nemo mirabitur, aut invidabit, aut probro & vitio illi vertere jure poterit, quod filias quatuor Viris generosioris prosapiæ, lautis patrimoniis gaudentibus, congruis dotibus assignatis, prout bonum & amantissimum decebat parentem, sapienti delectu elocaverit: quarum natu minimam dedit in uxorem D. *Dionysio Granvillo*, illustrissimi Viri, *Joannis* Comititis *Bathoniæ* fratri, tunc temporis Ecclesiæ *Dunelmensis* Præbendario, & mox Decano. Unicum habuit filium, cujus iterata à communione Ecclesiæ *Anglicanæ*, ad quam redierat, secessio perennem dolendi Patri, quoad vixerit, materiem suppeditavit: interim tamen paterna misericordia erga immorigerum filium, qui se per quatuor annos subduxisset, non amplius visendus, annuam centum librarum pensionem, ut quod reliquum erat vitæ sine alienis subsidiiis, omnique egestatis aut periculo cuto aut metu procul amandato, toleraret, solvi jussit. Cùm jam ex acutissimis calculi doloribus, hydrope pectorali, malisque aliis, senectuti admodum provectæ quotidie accrescentibus moriendi tempus non procul abesse, imò potius instare videri sensisset, tabulis testamentariis renovandis condendisve & ultima manu signandis confirmandisque, intellectu, judicio, & memoria illæsis, sensibusque manentibus integris, animum operamque applicuit Decembris undecimo A. MDCLXXI. in quarum prima parte, Latine à se scripta, fidei Christianæ & verè Catholicæ adversus infames veteris ævi hæreticos, item doctrinæ & disci-

pli-

plinæ Ecclesiæ Anglicanæ, contra Pontificios pariter ac sectarios, professionem, quam in Appendice edendam curabo, piè & animosè exhibet: in altera de sui ipsius exequiis & supultura, itemque de bonorum temporalium, quæ supererant, dispositione amplum in modum agit. Sed cum tædiosum & tum nostratibus tum exteris, in quorum gratiam commentarium hunc scribo, prorsus ingratum foret huic specialius insilire, summam dicam, quod post legata filiabus illarumque liberis, etiam filio immorigero, cognatis, affinibus, amicis, & famulis relicta, pauperibus *Dunelmi*, *Anklandia*, *Petroburgi*, & *Norwici* degentibus, aliisque illic aut *Camabrigia* ære alieno oppressis, & in carceribus detentis, ducentas libras in partem solaminis distribuendas ordinavit: cavique non sine ingenti sollicitudine, ut quæsitis repertisque, quotquot supersessent, liberis & nepotibus D. Joannis Haynard, olim Præbendarii *Lichfeldensis*: singuli viginti librarum honorario donarentur: quod proficetur se in grati erga Parentem animi *impulsu* & indicium jam facturum, ex cujus commendatione potissimum in D. Overalli familiam clientelamque primis juventæ annis adscisceretur.

Hujus testamenti quatuor Executores, ut verbo nostro forensi utar, constituit, quos honoris causa hic nominabo, viz. D. Thomam Orby, Equitem Auratum & Baronettum, D. Joannem Durellum, Præbendarium *Windsoriensem* & *Dunelmensem*, Georgium Davenportum, Virum doctissimum, ipsi à Sacris domesticis, & Milonem Stapiltonum, Armigerum, ipsius Secretarium, quorum omnium fides, probitas, amicitia & prudentia erant ipsi longo usu exploratissimæ.

Hæc sarcina deposita, ad solam cœlestium divinarumque rerum contemplationem se componit, & ad portum æternæ quietis & tranquillitatis, post tot tantasque in hac vita, tanquam in procelloso mari, aberrationes & jactationes, anhelans, animam, ad Beatorum sedes avolaturam, procuratis omnibus religionis juxta Ecclesiæ institutiones officii, cœlesti viatico munivit: & jam mox expiraturus, Deo Opt. Max. pro pace Ecclesiæ & divini cultus puritate ferventissimis precibus exorato, liberis, & nepotibus, Presbyterisque, qui humillimè rogârunt, circum adstantibus, benedictionem suam impertitus est. Ita reverendissimus Pater, postquam Ecclesiam *Dunelmensem*, summa cum laude & sanctissimis vereque Pastoralibus curis, undecim annos rexisset, satur dierum in ædibus conductis in vico vulgo vocato *Pel-mel* in suburbiis *Westmonasteriensibus*, placidè obdormivit in

*Christo*, (quem verbis divini Apocalyp̄tæ, *veni Domine J̄esu, veni cito*, extremo vitæ halitu invocavit) septuagesimo octavo ætatis anno, XV. die Januarii anno reparatæ hominum salutis, juxta computum Ecclesiæ Anglicanæ, millesimo sexcentesimo & septuagesimo primo.

Per inclementiam hiemis lutosasque vias difficile istud longumque iter in Septentrionales *Anglia Scotiam* versus plagas cito ingredi non licebat: sed adulo vere admodum solenni pompa ex Urbe elatum est funus, præeuntibus, quò exequiæ fierent honoratiores, duobus Heraldis *Auklandiam* usque, ubi corpus sepeliendum jussisset Antistes noster. Illic concurrente ingenti spissaque virorum omnium ordium, viz. Cleri, nobilium, civium, & plebeiorum multitudine, D. *Bafiro*, uti antea dixi, concionem funebrem habente, & admodum reverendo Viro, D. *Guidone Carletono*, Episcopo *Bristolienfi*, istius Ecclesiæ Præbendario, officium sepulturæ juxta Ecclesiæ nostræ ritus celebrante, XXIX. die Aprilis A. MDCLXXII. in crypta sacelli ædium Episcopaliū reconditus est. Monumento, marmoris nigri, quod sibi in medio facello vivus erigendum curaverat, hanc Epigraphen, relictis lacunulis, quæ hic suppleantur, sine omni affectatione & fastu à se scriptam, incidi voluit:

*In non morituram memoriam Joannis Cosini, Episcopi Dunelmensis, qui hoc Sacellum construxit, ornavit, & Deo consecravit, anno Domini MDCLXV. in festo S. Petri: obiit XV. die mensis Januarii anno Domini MDCLXXI. & hic sepultus est, expectans felicem corporis sui resurrectionem, ac vitam in cælis æternam.*

*Requiescat in pace.*

Uti & in ambitu minoris saxi ad quatuor latera hunc S. Joannis Apocalyp̄tæ versiculum in quatuor incisa divisum.

*Beati mortui, qui moriuntur in Domino:*

*Requiescunt enim à laboribus suis.*

Post simplicem hanc rerum, quam solo amore & reverentia Veritatis incitatus, brevi hoc compendio scripsi, narrationem, neutiquam opus erit, ut elogiis magni hujus & optimi Viri aut quærendis



rendis aut ampliandis, me solitiùs & importuniùs ingeram. Cùm *optimum* appellaverim, facessat omnis obrectatio, quasi illum ab humanæ vitæ aberrationibus, quibus cuncti mortales urgentur, aut subitaneis effervescentis bilis correptionibus prorsus immunem & eximendum fuisse credidissem. Exagitent, si velint aut possint, illius nomen & famam iniquissimi censores, sive *Romanenses*, sive *Sectarii*: at cessantibus calumniis, invidia, & partium studio, (si tamen per illorum immortale odium, irreformabilemque perversitatem cessantibus) nullus dubito, quin omnes boni & cordati Lectores, veri Ecclesiæ *Anglicanæ* filii, in eandem sententiam mecum ituri sint, D. *Cosinum* nimirum de Religione, de Ecclesia, de Patria, deque bonis literis, tam scriptis, constantia, & fide in temporibus periculosisimis usque ad omnium bonorum temporalium jacturam servata, quam exemplo, & fidelissima sacri muneris, cùm Presbyter esset, & postea in supremo Sacerdotii ordine constitutus, administratione, & denique munificentia, præclare admodum meruisse, & inter eminentissimos Ecclesiæ *Anglicanæ* Præfules, in Historiæ Ecclesiasticæ Gentis nostræ fastis & annalibus æternitati consecrandos, jure merito recenseri debere.

R E G N I  
ANGLIÆ RELIGIO  
CATHOLICA,

Prisca, casta, defœcata:

Omnibus Christianis Monarchis,  
Principibus, Ordinibus ostensa.

Anno MDCLII.

Auctore JOANNE COSINO, tunc temporis  
Ecclesiæ Cathedralis *Petroburgensis* Decano, &  
postea *Dunelmi* Episcopo.

31

R E G N I  
ANGLIÆ RELIGIO  
CATHOLICA,

Prisca, casta, defœcata:

---

C A P U T I.

*Perpetua Religionis norma.*

**P**erpetua nobis in Ecclesiâ *Anglicanâ* religionis & fidei nostræ *norma* hæc est:

Unus canon, à Deo in duo Testamenta relatus.

In iis enim, quæ apertè in S. Scripturâ posita sunt, continentur illa omnia, quæ fidem spectant, moresque vivendi.

Post illa, Instrumenta nobis authentica sunt

Tria Symbola,

Quatuor priora Concilia,

Quinque secula, &

Catholicorum Patrum per ea series ac consensus.

In his enim invenitur & explicatur Fides illa prima sanctis semel tradita, prisca, casta, & defœcata, absque hominum corruptelis & assumentis novis.

Ea denique, quæ in sequioribus seculis huic primæ non repugnat, Theologia.

C A P. II.

*Sacra Dei Scriptura.*

**R**ecipimus & amplectimur omnes Canonicas Scripturas, tum Veteris, tum Novi Testamenti.

Quas semper ante oculos habemus, ne vel humanâ fraude, vel insidiis Dæmonum, ad errores & fabulas abduceremur.

In illis solis posse hominum animos acquiescere; in iis omnia, quæ sunt ad salutem necessaria, inveniri; eas esse fundamenta Prophetarum

& Apostolorum, in quibus ædificata est Ecclesia Dei; normamque certissimam, ad quam omnis doctrina Ecclesiastica debeat revocari; & contra quam nec legem, nec traditionem, nec consuetudinem ullam sequendam vel audiendam esse, profitemur & firmâ fide credimus.

## C A P. III.

*Antiqua fidei Symbola.*

**E**A fides nostra & doctrina est, quam complectitur  
 Symbolum Apostolicum,  
 Symbolum *Nicenum*,  
 Symbolum *Constantinopolitanum*,  
 Symbolum *Athanasianum*;  
 Confessio *Ephesina*, &  
 Confessio *Chalcedonenfis*.

Quæ omnia firmissimis S. Scripturæ testimoniis comprobari possunt.

Ista autem Symbola non modò continent, quæ credere Christianum hominem oportet, sed omnibus etiam eandem *ἐκ τῶν αὐτῶν ὁμολογῶν λόγων* præscribunt.

Novum igitur fidei Romanæ Symbolum, quod nec in S. Scripturâ legitur, neque inde per ullam evidentem aut solidam consequentiam probari possit, quin & ab eâ prorsus alienum est, totique Antiquitati penitus incognitum, procul à nobis amandavimus.

Neque enim verum est, (imò à *veritate & verbo Dei* quàm maximè abhorret) fidem sive *Tridentinam*, sive *Lateranam*, esse Catholicam, aut extra nuperam professionis fidei formulam, à Papa Pio IV. & *Tridentinis* excogitatam, neminem posse esse saluum.

## C A P. IV.

*Quatuor prima Concilia.*

**M**agnam in Ecclesiâ & saluberrimam Conciliorum auctoritatem esse dicimus, sed eorum, quæ à Catholicis, doctis & piis Viris celebrata sunt, quæque à sanâ & infallibili S. Scripturarum doctrinâ nullatenus recedere aut deviare prohibentur.

Qualia sunt Vetera Concilia, quæ sancta & Universalis Ecclesia recepit,

cepit, quatuor illa prima Oecumenica, & quæ ab illis approbata, quæque iis postea fuere consona.

Ea enim omnia unice amplectimur, atque in tantum venerati sumus, quod (quoad substantiam quidem dogmatum) etiam legum illis vim in publicis regni Comitibus conciliandam curavimus: adeo ut nemini apud nos liceat eis publicè contradicere.

Reliqua verò, quæ sequioribus seculis à Pontificiis habita sunt, Concilia, & vel contempto vel prætermisso verbo Dei celebrata, (quibusque illi maximè nunc nituntur) in nos missa facimus. Sicut enim Oecumenica ea non fuisse, certò scimus, ità in multis non minimi momenti decretis, tum à doctrinà Apostolorum, tum à regulis sanctorum Patrum aberrasse, nimis manifestum est.

Porro summum Concilii cujusvis Præsidentem, alium, quàm *Christum* querere aut agnoscere nefas ducimus. In Oecumenicis autem *negotius* Papalis non usus magis quàm jus olim penes Romanum fuit Pontificem, qui nec illis præfuit, nec interfuit, neque suà unquam auctoritate ea indicendi aut cogendi potestatem habuit, uti ex antiquissimorum Conciliorum Actis & Historià Ecclesiasticà vel cuivis non profus excæcato evidentissimè liquet.

## C A P. V.

### *Quinque priora Patrum secula.*

**S**cripta sanctorum Patrum in mysteriis fidei consentientium, (qualia multa recta & salubria nobis reliquerunt) tum ob sublimem illorum eruditionem & Spiritus sancti gratiam, quæ præ cæteris eos imbutos esse constat, tum propter ipsorum pietatis ac veritatis testimonium, non solum atramento obsignatum, sed multorum quoque sanguine sancitum, meritò magnam apud nos existimationem & auctoritatem habent.

Quò enim propius ab Apostolorum temporibus abfuerunt, tantò rectius *veritatis* doctrinam intellexisse, puriusque & incorruptius explicuisse creduntur, præsertim ubi unanimes sunt, & in rebus fidei idem sentientes.

Idcirco quia testantur inprimis universi de origine & auctoritate S. Scripturæ Canonice, plurimi etiam utilissimos sacrorum Librorum Commentarios scripserunt, *hæreses* suorum temporum strenuè profligarunt,  
Histo-

Historiam de Ecclesiâ Dei laudabili diligentia consignarunt, & nervosis sententiis studium pietatis inflammant, ad frequentem eorum lectionem (non sine prudentiâ tamen & judicio exercendam) nostros omnes in sacris Ordinibus constitutos, literisque imbutos sedulo adhortamur.

Quinetiam ut toti simul orbi Christiano constaret, nos nullam in Angliâ vel religionem fovere, vel fidem profiteri, nisi quæ verè Catholica & communi priscorum Patrum consensu recepta, atque ex S. Scripturis firmata fuerit; hujusmodi decretum verè quidem aureum, in Ecclesiâ nostra sancitum est, ac unâ cum Articulis religionis promulgatum A. D. MDLXXI. cap. de Concinatoribus.

*In primis videbunt, nequid unquam doceant, quod à populo religiose teneri & credi velint, nisi quod consentaneum sit doctrinâ Veteris ac Novi Testamenti, quodque ex illâ ipsâ doctrinâ Catholici Patres & veteris Ecclesiæ Episcopi collegerint.*

Nempe ita animati sumus, ut nec quidquam à quoquam credi cupimus, nisi de quo constet ex sacro Dei verbo in scriptis tradito, & quod consensu Apostolicæ primæque Antiquitatis probari possit.

Sacræ igitur Scripturæ ita traditionem subjungimus, ut hæc illi semper subordinata sit, & per omnia congrua.

Quod enim Apostoli vivâ voce prædicârunt, hoc ipsum scriptis (quæ suâ naturâ doctrinæ rerumque memoriæ fideliter conservandæ maximè sunt idonea) posteris suis tradiderunt. Et vicissim, quæ ad hunc modum ab illis tradita fuere Viri Apostolici veterisque Ecclesiæ Episcopi quotidie sermonibus & continuata prædicatione inculcabant, & praxi ipsâ exprimebant; atque adeo sincerum Christianismum & qua doctrinam, & qua ritus, & qua mores, ad posteros propagârunt.

Traditiones autem de quibus neque Apostoli neque Episcopi, ab Apostolis instituti, horumque successores proximi nec quicquam testantur, nobis *traditiones* legitimæ non sunt, & quod illi neque docuerunt, neque cognoverunt, *Apostolicum* aut Catholicum censi non debet.

Antiquitatis consensus patet à Symbolis potissimum & Confessionibus, quas prisca Ecclesia unanimiter in Conciliis edidit, & ætas postera universim (quâ latè patet orbis Christianus) recepit. Quicquid autem non unus aut alter tantum, sed omnes pariter uno ore eodemque consensu apertè, frequentèr, perseverantèr tenuisse & docuisse cognoverimus, id nobis quoque pro indubitato ratoque habetur. Quicquid verò, quam.

quamvis ille sanctus & doctus, quamvis Episcopus, quamvis Confessor aut Martyr, sibi extra sacram *Scripturam*, & *consensum Ecclesie* arrogaverit, posteris tradiderit, quod ipse à Patribus & Christi Apostolis non recepit, id inter proprias occultasque & privatas opiniones à communis, publicæ, ac Catholicæ sive universalis sententiæ auctoritate secretum esto; cui equidem non sine magnæ arrogantæ, & temeritatis notâ quisquam derogaverit.

C A P. VI.

*Hæreses repudiate.*

**D**OCTRINAM Catholicam, quam in Ecclesiâ Apostolicâ, in Oecumenicis & veteribus Conciliis viri Deo dilecti professi sunt, etiam & nos profitemur; quam rejecerunt, velut ab eâdem religione Catholicâ alienam, etiam & nos rejicimus; hæreses, quas illi damnârunt, & nos damnamus; earumque Magistros pariter & Discipulos universos detestamur: viz. *Cerinthianos*, *Gnosticos*, *Montanistas*, *Novatianos*, *Arianos*, *Photinianos*, *Manicheos*, *Pelagianos*, *Donatistas*, & eorum propagines, quibuscunque tandem nominibus appellentur.

Quin & si forte erumpant uspiam, ac sese vel blasphemos in Deum, vel seditiosos in Principem, Ecclesiam aut Rempublicam ostendent, eos tum legitimis censuris Ecclesiasticis, tum civilibus suppliciis, coercendos esse, omni, quâ possumus, diligentia curavimus.

C A P. VII.

*Novitates rejectæ, superstitiones depulsæ, & religionis corruptela sanata.*

**Q**UÆ sive temporum vitio, sive hominum nostrorum incuriâ, sive *Romanensium* improbitate in Ecclesiam nostram irreperant, aut palam introductæ fuerant intolerandæ penitus ineptiæ, doctrinæ novæ, & praxes peregrinæ, eæ apud nos ex verbo Dei præscripto, in Synodo legitimè congregatâ, publicisque Regni Comitibus, jamdudum reformatæ sunt.

Nulla nobis Romana nunc fides non scripta, nulla *Novatorum* quorumcumque religio. Vanas enim hominum traditiones, & nuper nata dogmata (quæ testimonio, cum sacræ Scripturæ, tum piæ antiquitatis;

tis, omnino destituta sunt) procul à nostris amandavimus, & in *unâ Catholicâ veritate, religione, ac fide*, primitus nobis traditâ acquievimus.

Coram pictâ, sculptâve, & vestibus ornâ, similitudine nosmetipsos non *incurramus*.

Id quod nescimus, in Reliquiis, adeoque in Hostiis & Imaginibus, nequaquam adoramus.

Eâ, quam non intelligit *populus, linguâ* sacra nostra non celebramus.

Illos, in quos non credimus, non invocamus.

Sacram Eucharistiam mediâ parte non mutilamus.

Romanam Ecclesiam nec aliarum omnium Ecclesiarum, nec nostrâ, Matrem aut Magistram esse agnoscimus.

Figmentum Transubstantiationis, fumum Purgatorii, fermentum *meriti*, iteratum Christi Sacrificium, à quovis Sacerdote pro vivis & defunctis quotidie offerendum, auctoritatem Romani Episcopi in omnes omnium per universum Christianorum orbem Ecclesias, Papalium Conciliorum decreta, & Synodi *Tridentina* anathemata, (quæ sub iacturâ æternæ salutis pro articulis *fidei*, extra quam nemo potest esse salvus, inauditâ à seculis audaciâ, Papa *Pius* quartus recipienda esse mandavit) tanquam carcinomata & spongiosa religionis avitæ tubera, penitus ab Ecclesiæ nostræ corpore rescavimus; atque adeo sanitatem & nativam pulchritudinem eidem restituiamus.

## C A P. VIII.

*Religio prisca, verè Christiana Catholica & stabilis.*

**A**B avitâ Patrum & Antecessorum religione, quâ Christianâ, quâ Catholicâ, nullatenus recedimus; neque ab ullâ uspiam Ecclesiæ Catholicæ parte (in hac ipsâ religione & fide adhuc permanente) secessionem aut scissuram facimus.

Eandem enim religionem, curam, cultumque Numinis divini retinemus, qualem ipse nobis Christus verbo suo, Apostoli, eorumque vestigiis inhærentes *Patres*, exemplo suo & praxi commendârunt.

Disciplinam Ecclesiasticam, quantum maximè potuimus, ad antiquioris *Ecclesiæ* mentem revocavimus, omnemque vitæ licentiam & morum dissolutionem, quâ par erat severitate, latius legibus compescuimus.

Regni statum eo quo accepimus loco, & supremam Principis Majestatem



ratem Regiam sine ullâ vel imminutione, vel mutatione incolumem conservavimus; externæ verò dominationis Romanæ (cui nec divinis nec humano jure obstricti eramus) indebitam auctoritatem & jugum excusimus.

De omnibus denique religionis Christianæ dogmatibus, quæ tum ad pacem Ecclesiasticam & Civilem spectabant, tum ad salutem æternam erant necessaria, uno ore, unoque spiritu, cum aliis quibuscunque hominibus, Deum Patrem Domini nostri Jesu Christi ritè colentibus & invocantibus, firmiter convenimus.

Fundamentis salvis, diversitatem ut opinionum, ità quoque rituum & cæremoniarum circa res juxta enatas & minus necessarias, in aliis Ecclesiis, quibus nobis præsidendum non est, amicè, placidè, & pacificè ferre possumus, atque adeo debemus.

Quinetiam reliquis ubicunque terrarum Ecclesiis Christiano nomine cælis, & verè Catholicam religionem fidemque profitentibus, si nos actu aliquando jungi prohibet sive distantia regionum, sive dissidia hominum, sive persecutio & dissipatio fidelium, sive aliud quodcunque obstaculum; semper tamen animo & affectu jungimur, (id quod de Protestantium præsertim Ecclesiis intelligi cupimus) reapse eum demonstrare parati, cum justâ aliquâ ratione demonstrandi occasione obtulerit. Qualem ab illis vicissim animum & affectum nobis etiam demonstrandum instantèr deposcimus.

Eis verò, qui malè consulti nos iniquis odiis & convitiis insectantur, ignoscat Deus, & meliorem mentem inspiret.

Dandam enim nobis existimamus operam, quantam ex Dei gratia possumus, ut pacem scitemur cum omnibus & sanctimoniam, sine qua nemo videbit Dominum.

Denique, exercemus nos ad conscientiam habendam sine offensâ apud Deum & homines.

Atque hæc est summa nostri Christianismi.

Convitium, quod quandoque Lutherani sumus, quandoque etiam Calvinistæ protritum jam est. Fuit *Lutherus* Vir doctissimus, singularibus donis eximioque animi robore à Deo instructus, ut veritatem Evangelii, errorum tenebris passim ferè in hisce Occidentalibus Ecclesiis obstructam; in lucem apud suos exterosque multos clariorem revocaret. Infallibilis verò haud fuit, nec sine verbo Dei & testimonio Antiquitatis (cujus erat scientissimus) ipsi aliquid assenti credimus. Habet &

*Calvinus* laudes suas meritissimas: nemo tamen nostrum eum pro Magistro habet, aut in illius verba jurare (sicut in *Pontificis* effata quilibet *Papista*) paratus est. Tanti ille apud nos est, quanti esse debet apud omnes, hoc est, quanti rationes, quas in qualibet pro se affert, nec pluris. Quod si non magis *Paparum* dictatis decretisque addicti essent, qui nunc à nobis appellantur *Pontificii*, quàm nos vel *Luthero* vel *Calvino*, vel cuicumque tandem mortalium, non essent, qui jam nunc sunt, atque meritò à nostris audiunt.

Definant igitur nobis tum *Lutherum* tum *Calvinum* exprobrare. Tàm non *Lutherum* vel *Calvinum* sequimur, quàm nec ipsum Papam, ubi hic vel illi à S. Scriptura & veterum Patrum in fide Catholicâ consentientium vestigiis discedunt.

Ex his omnibus manifestum est, novam in orbem aut Ecclesiam nostram *Anglicanam*, religionem inventam non esse, nec ex principiis nostris invehi potuisse vel debuisse, quin & integram & illibatam mansisse; atque retentam esse eandem religionem Christianam ac Catholicam, quâ substantiam suam, quæ pridem fuerat, quæque sola nos & Antecessores nostros in gremium Ecclesiæ introduxerat, salvosque reddere poterat. Abusus enim corruptelæ, errores, & dogmata quæ partim incitia & temporum injuria, partim præposteris quorundam zelus, partim, & potissimum quidem, avaritia hominum & ambitio adjecerat, partes religionis non sunt, nec ad essentiam aut corpus Ecclesiæ magis pertinent, quàm ad corpus hominis tubera & ulcera eidem accrescentia; quibustandem sublati, non in aliud mutatur corpus, sed idem ipsum manet, quod antea fuit, pristinæ interim sanitati & pulchritudini suæ naturali restitutum.

Summa est: Quæ perspicuo & certo Sacrarum Scripturarum, & his subjunctæ primorum seculorum secularum traditionis Ecclesiasticæ testimonio ac consensu comprobari poterant, apud nos steterunt inconcussa, reliquis suapte imbecillitate corruentibus, & à majoribus nostris diligenter eliminatis. Quod autem ad ritus & cæremonias attinet innoxias, eæ, quæ ad decorem & ordinem maximè facere videbantur, retentæ nobis atque constitutæ sunt.

## CAP. IX.

*Ordo Ecclesiasticus.*

Q UOS omnis agnovit & venerata est Antiquitas, ritè ordinatos de Clero habemus, Diaconos, Presbyteros, & supra utrumque ordinem, Episcopos. Presbyteros de mediâ plebe, nec in Clero positos, Apostolis & Veteri Ecclesiâ inauditos, non novimus; non Diaconos sacris nunquam initiatos, annuos bimulosve, pòst munere exuendos; non mutilum Episcopis Clerum, quorum series nullo unquam tempore apud nos interrupta est, nec in eis consecrandis Canon antiquus Apostolicus aut *Nicens* violatus.

Ordinem enim amplectimur tuemurque verè Ecclesiasticum, & ab Apostolorum temporibus per totum Christianum orbem receptum, quo nihil equidem cum S. Scripturæ regulis & exemplis, tum Ecclesiæ & Reipublicæ statui magis consentaneum.

## CAP. X.

*Consecratio & munus Episcoporum.*

C onsecratio Episcoporum ( omni sublatâ superstitione ) à tribus ad minimum Episcopis, ordine prius Episcopali constitutis, per invocationem Spiritûs Sancti, & impositionem manuum peragitur, præmissâ tamen tum solenni Liturgiâ, ( quæ lectionum ac precum formula est eidem negotio congruenter aptata ) tum sacrâ concione de Pastoris in gregem munere & officio; subsequente verò sacrâ Eucharistiâ ab omnibus Episcopis & Clero tum præsentî, frequentique gravissimorum hominum cœtu celebratâ.

Porro Episcoporum sive Pastorum munus apud nos non nudum tantum nomen, sed res est, Presbyteros & Diaconos ordinare, Curatos Ecclesiarum instituere; Clerum & populum in rebus sacris dirigere, diligenter concionari, ignaros instruere, immorigeros punire, contumaces & graviter delinquentes excommunicare, hæreticos pertinaces condemnare, Clericos inertes, facinorosos, & inobedientes ab officio & beneficio suspendere, deprivare, deponere, & pro delicti magnitudine degradare, universam Diecepsin quolibet triennio visitare, in blasphemos,

phemos, idololatrias, sortilegos, schismaticos, simoniacos, ebriosos, incontinentes, adulteros, incestuosos, & id genus alios, si qui reperti fuerint, animadvertere, initiatos in fide confirmare, Ecclesias & loca sepulturæ dedicare; causas denique matrimoniales & testamentarias cognoscere, atque in omnibus, quæ jura spectant Ecclesiastica, quæque ad pietatem, justitiam, & sobrietatem pertinent, omni, quò possunt, nisu, officium suum præstare & adimplere.

## C A P. XI.

*Ordinatio & munus Presbyterorum.*

**P**resbyterialis potestatis in Ecclesiâ propagandæ Minister inde ab Apostolorum temporibus semper fuit Episcopus.

Apud nos igitur sacram Antiquitatem, quantum possumus, per omnia sequentes, Presbyteri postquam examinati, atque ad tantum munus idonei reperti fuerint, ab uno Episcopo per invocationem Spiritûs Sancti, impositionem manuum sacri Codicis traditionem & verborum Christi (*Accipe Spiritum S: quorum peccata &c.*) prolationem solenni more ordinantur, assistentibus eidem Episcopo in impositione manuum Presbyteris tum præsentibus.

Præmittitur verò Liturgia sacra, unâ cum concione & subsequitur Eucharistia.

Presbyterorum in Ecclesiâ nostrâ munus & officium est, populum illorum fidei curæque commissum, omni adhibitâ industriâ, ad veram Dei cognitionem & vitæ sanctimoniam perducere, diebus Dominicis & Festis Evangelium prædicare, preces matutinas & vesperas quotidie recitare, sacris lectionibus diligenter attendere, sacramenta religiose & reverenter administrare, ægrotos visitare, afflictos consolari, pœnitentes absolvere, aliaque quæ illis incumbunt, divina officia peragere, ad omnem denique sese sobrietatem & pietatem componere; decenti & Clericali habitu incedere, moresque & vitam universam ad normam sacrarum Scripturarum ac receptæ apud nos disciplinæ regulas instituere.

C A P. XII.

*Ordinatio & munus Diaconorum.*

**D**iaconi à solo Episcopo per impositionem manuum & nominis divini invocationem ad obeundum, quod iis incumbit, officium ordinantur.

Ad illos autem pertinet sacras Scripturas & Homilias publicâ auctoritate editas diligenter populo perlegere, in celebratione divinorum officiorum ac distributione Sacramenti coenæ Dominicæ Presbyteris assistere, juniores in articulis fidei & Catechismo erudire, infantes baptizare in absentia Presbyteri, de conditione pauperum & ægrotantium inquirere, aliquando etiam prædicare, si ad id munus ab Episcopo censeantur idonei; denique omni studio sic vitam moresque suos ad regulas Christianæ religionis & Ecclesiasticæ disciplinæ dirigere, ut quantum in illis fuerit, salutaria aliis exempla semetipsum præbeant.

C A P. XIII.

*Liturgia.*

**I**N ordinatione Liturgiæ hoc inprimis observatum est, quod per omnes hujus regni Ecclesias una jam & eadem divinarum Lectio- num, canticum, & precum publicarum forma habetur, cum antea plurimis retrò annis alii *Salisburiensem*, *Eboracensem*, aut *Lincolniensem*, alii alios usus sequerentur; ex quo cum æmulationes parvæ, tum rixæ & contentiones, nimium sæpè inter ipsos oriebantur.

De multitudine otiosarum cæremoniarum, quibus Ecclesia nostra plus satis erat onerata, magnum numerum rescavimus.

Retinuimus tamen, arque etiamnum colimus, non tantum ea, quæ ab Apostolis scimus fuisse tradita, sed etiam alia quædam, quæ sine Ecclesiæ incommodo & religionis detrimento fieri posse videbantur; ea verò omnia, quæ cum sacris literis pugnant, & sobriis hominibus indigna essent, merito repudiavimus.

Porrò constitutum est, ut omnia eâ linguâ psallantur & legantur, quam

quam nostri intelligunt ; quæ veteres universi sub utroque Testamento & precati sunt ipsi & populum precari docuerunt.

## C A P. XIV.

*Officium Matutinum & Vesperinum.*

**D**Ivinorum officiorum celebratio, tam manè quàm vespere, nobis quotidiana est. In Ecclesiis *Cathedralibus & Collegiatis* consuevimus omnia voce sonorâ & cantu Musico peragere, in *Parochialibus* verò & *Capellis* minoribus simplici tantum lectione ea recitare.

Presbyter, veste Ecclesiasticâ indutus, incipit matutinas & vespervas à selectissimis S. Scripturarum sententiis, quibus Auditorum animi ad poenitentiam & pietatis affectum excitantur.

Excipit illas gravis admodum ad populum exhortatio, quâ moventur omnes errata sua coram Deo publicè confiteri, ut absolutionem ab iisdem consequantur : simul invitantur ad agendas Deo gratias pro suis in nos maximis collatis beneficiis, ad debitas ipsi laudes in Psalmis & Hymnis decantandas, ad auscultandum sacris lectionibus, ex ipso verbo depromptis, atque ad ea piis precibus efflagitanda, quæ tum ad corporis, tum ad animæ salutem sunt necessaria. Hæc enim summa est totius *Officii*.

Sequitur Confessio ab omni populo humiliter genuflexo post Presbyterum recitata, atque Absolutio ab ipso tantum Presbytero generali verborum forma, & erecto corpore pronuntiata.

Deinde Sacrorum Minister altâ voce orditur orationem Dominicam, quæ omnium Officiorum, Laudum, & Precum subsequentium fundamentum est.

Post usitatos versiculos, ( *Domine labia nostra aperias* &c. ) unâ cum responsis, & *Gloria Patri* &c. cantatur Alleluia, & Psalmus XCV. ad laudes Dei invitatorius, quem & alii sequuntur, singulis eo ordine & numero ita dispositis, ac per singulos dies distributis, ut infra mensis spatium totum Psalterium finiatur.

Psalmos alternatim recitados sequuntur Lectiones binæ, è Veteri Testamento prima, quam ad matutinas excipit Hymnus, qui dicitur S. *Ambrosii*, *Te Deum Laudamus*; ad vespervas verò Canticum B. *Mariæ* Virginis, è Novo Testamento altera, post eam ad matutinas Hymnus *Zachariæ*, ad vespervas Canticum *Simeonis*.

Lec-

Lectiones autem ita ordinatæ sunt, ut Testamentum Vetus singulis annis absolvatur, Novum verò ter in anno perlegendum sit.

At in Dominicis & Festis habentur Lectiones propriæ, & in Festis majoribus Psalmi de mysterio celebrato Prophetici.

Deinde altis vocibus & corporibus erectis Symbolum fidei Apostolicum ab omnibus recitatur; in quibusdam verò Festis Symbolum quod dicitur S. *Athanasii*.

Postea genibus flexis dicuntur preces & responsa pro diverso hominum statu, unà cum tribus Collectis, prima de tempore secundum anni ordinem, altera pro pace, tertia pro gratiâ & Dei in omnibus nostris actionibus adjutorio atque moderamine.

C A P. XV.

*Litania.*

**D**iebus Dominicis, feriis quartis & sextis, atque aliis temporibus, cum ab Episcopo requisitum fuerit, post matutinas recitantur aut decantantur Litanie, ab omni invocatione hominum mortuorum desectatæ, plurimisque piis petitionibus auctæ, quæ tandem precatione S. *Chrysostomi*, & verbis Apostoli votivis terminantur.

C A P. XVI.

*Officium Eucharistia.*

**S**ummâ cum reverentia & religione celebratur apud nos Eucharistia, tam festis majoribus, quàm singulis primis cujusque mensis anni Dominicis. Quod si reperti fuerint, qui eandem sæpius postulaverint, & dignè communicare potuerint, aliis etiam temporibus, Dominicis, festis, & feriâ qualibet celebrare licet, atque aded oportet.

Servantur autem antiquitus usitatæ cæremoniæ, ordo Lectionum, Orationum series, vestitus Ecclesiasticus, & alia similia, quæ vel ad ædificationem, vel ad decorem pertinent.

Fit initium ab Oratione Dominicâ, Collectâ pro puritate mentium, & recitatione Præceptorum Dei, in fine cujusque Præcepti misericordiâ ejus ab omni populo genuflexo imploratâ. Subjungitur precatio pro Rege, utriusque scilicet Tabulæ à Deo constituto custode.

Hanc precationem excipit Collecta de anni tempore, Collectam Epistola,

pistola, Epistolam Evangelium, Evangelium verò Symbolum fidei *Nicano-Constantinopolitanum.*

Sequitur Homilia sive Contio facta ad populum; atque initio concionis publicantur preces ab omnibus publicè privatimque faciendæ, primò, pro Ecclesiâ Christi Catholicâ per totum terrarum orbem disseminatâ, ut qui nomen Domini confitentur, in verâ fide & charitate ad præscriptum S. Scripturæ consentiant universi; deinde pro omnibus Regibus, Principibus, ac Gubernatoribus Christianis, ut inter se concordēs vivant; pro Rege nostro, verâ fidei Defensore, & supremo Subditorum suorum tam in causis Ecclesiasticis, quam Secularibus, Gubernatore post Deum unico, pro familiâ & Consiliariis Regis; pro omnibus, qui sub illo magistratum gerunt; pro regni Nobilibus, Episcopis, Clero, & populo universo, ut eorum unusquisque officium suum præstet, veram religionem promoveant, & vitam piè, justè, sobrièque instituunt; denique pro his, qui sunt in angustiis, aut infirmitatibus constituti, ut illis Deus succurrere dignetur. Nec vivi tantum ei commendantur, sed gratia etiam aguntur pro iis, qui in Christo obdormiunt, & requiescunt in pace, laudabili imprimis Patriarcharum & Prophetarum numero, sanctissimæ Apostolorum Choro, candidato Martyrum, exercitu, & pro aliis omnibus, qui fidem Christi servarunt integram, ac religionem illibatam; simul oratur Deus, ut tam illis quàm nobis propitiis beatam à mortuis resurrectionem indulgeat, perfectamque absolutionem in die supremo, atque eternam in regni sui gloria felicitatem concedat. Clauditur autem ista precum & gratiarum actionis publicatio oratione Dominicâ.

Habitâ demum & finitâ concione (quæ partem aliquam vel Evangelii vel Epistolæ vel alterius loci S. Scripturæ & explicare & applicare solet) dies festi atque jejunaes, siqui sint proximâ septimanâ observandi, indicantur omnes, atque unâ excitantur omnes, (quibus est copia) ad elargiendam elemosynam, quâ pauperum egestas sublevetur.

Subsequitur Offertorium (delectis & recitatis in hanc rem S. Scripturarum sententiis) quod supplet vicem veterum oblationum. De pane itidem & vino in Eucharistiâ consecrandis prospectum est, quæ super Altare sive mensam Domini decenti ornatu paratam, mundisque lineis coopertam, in patina & calice argenteis, ac plerumque deauratis, collocantur.

Peracto offertorio, rursus oratur ad Altare Dei: pro statu Ecclesiæ Catholicæ, in hoc sæculo militantis, pro Imperatoribus & Regibus, pro



verum quiete, pro Episcopis & Clero, pro pauperibus & infirmis, atque insuper ut rata & accepta apud Deum sint oblata à nobis munera.

Postea, qui nobiscum communicaturi non sunt, emittuntur foras; jubet etiam Sacrorum Minister, nequis blasphemia, adulterii, odii, aut ira flagrantis, alteriusve sibi criminis reus, nobiscum maneat, aut ad mensam Dominicam audeat accedere, priusquam peccata sua digna penitentia desolverit & absolutionem consecutus fuerit.

Reliquos autem omnes adstantes monet, ut in quem finem sanctissimum hoc Sacramentum à Domino nostro institutum sit, in animos suos revocent, ut passionis & mortis Christi memores, gratias humillime agant; ac denique, ut quilibet, qui juxta præceptum Apostoli seipso præbuit, ita de pane illo edant, & de calice bibant, ut Christi simul corpus manducare & sanguinem haurire possint, ad animarum suarum spirituale, vivificum, & efficax nutrimentum, atque tandem sacrorum mysteriorum vere participes fiant.

Finità exhortatione communicaturi chorum ingrediuntur, atque in genua procumbunt.

Sequitur Confessio & Absolutio; una cum sententiis aliquot Conso-latoriis, è S. Scripturâ selectis.

Ad hunc modum paratis omnibus, sacrorum Antistes orditur præ-fationem communem in Ecclesiâ universâ à primis usque seculis usi-tatam de cordibus suis habendis, & gratius Deo habendis, sicut dignum & justum est &c. cui in festis quibusdam solennioribus proprias etiam præfationes subnectit, atque has Hymno Trisagio claudit.

Tum ad Altare genitlexus omnium nomine precatur, ut sic carnem Christi manducemus, ejusque bibamus sanguinem, ut corpora nostra per mundissimum suum corpus purificentur, animæque nostre pretioso suo sangui-ne laventur.

Deinde, sese erigens, per preces solemnes institutionem Sacramenti, & ipsa Christi instituentis verba continentes, papem in manus acceptum frangens vinumque in calicem effundens, utrumque Symbolum benedi-cit, atque in Sacramentum corporis & sanguinis Christi consecrat.

Absolutâ benedictione, primò seipsum, flexis genibus, communi-cat, deinde reliquos (si qui adsint) Ministros; postea populum præ-sentem; quibus omnibus & singulis utrumque sacrum porrigens, clarâ voce ait, Corpus Domini nostri Jesu-Christi custodias corpus tuum & ani-mam tuam in vitam æternam. Accipe, & manduca sacramentum istud

in commemoratione mortis Domini, & de illo pascit seipsum in corde tuo cum fide & gratiarum actione. Similiter, Sanguis Domini, qui pro te effusus est &c. Ipsi autem interea dum accipiant, atque adeo usque ad finem totius sacrae celebrationis, in genua procumbentes, Christum non Sacramentum, adorant.

Post communionem recitantur ab omnibus Oratio Dominica.

Eam verò comitatur solennis Ecclesiae Eucharistia sive Sacrificium laudis in commemorationem Sacrificii Christi propitiatorii, semel in cruce peracti, Deo Opt. Max. oblatum.

Subjungitur oblatio nostrarum omnium animarum & corporum in hostiam vivam, sanctam, & rationalem, una cum oratione, ut rata haec omnia atque accepta Deo habeantur, ita ut per merita & meritum filii sui, Jesu-Christi, nos & universa ejus Ecclesia remissionem peccatorum, caeteraque passionis illius beneficia consecuti, caelesti sua gratia & benedictione repleamur.

Deinde, dicitur aut canitur Hymnus, *Gloria in excelsis Deo* &c: & postremo, post unam aut alteram Collectam, populus cum solenni Sacerdotis aut Episcopi, (si praesens sit) benedictione dimittitur.

## C A P. XVII.

### Baptismus.

**S**acramentum Baptismi Dominicis festisque diebus, quum maxima populi frequentia confluerit, tempore vel matutini vel vespertini Officii à Sacrorum Ministro, surpelliceo & stoli induto, ad Baptisterium, non procul ab ingressu Ecclesiae collocatum, administratur.

Quòd si tamen necessitas urgeat, nihil prohibet, quominus alio five loco, five tempore, per eundem aut alium quemcunque Ministrum idoneum, infantes baptizentur.

In administratione verò hujus sacramenti adhibentur preces & lectiones, eidem actioni congruentes. Subjiciuntur quaestiones & responsa de abrenunciando diabolo, & omnibus ejus operibus, una cum mundi & carnis illecebris; atque de fidei articulis credendis in Symbolo Apostolico comprehensis. Infans in manus Ministri traditus, ab eo vel cautè immersus vel aqua tantum tinctus, in nomine Patris & Filii & Spiritus sancti baptizatur, Signo crucis fronti illius impresso.

Post

*Religione, Disciplina, Sacrisque Ritibus.* 47

Post gratiarum actionem Patrimi à Ministro admonentur, ut eundem infantem ( quamprimùm ad ætatem pervenerit ) in eadem ipsâ religione & fide Christi, in quam baptizatus est, diligenter instruant, atque instructum ad Episcopi confirmationem adduci curent.

C A P. XVIII.

*Confirmatio.*

C Onfirmatio purâ tantum prece & manuum impositione, absque aliis ritibus, nuper à superstitionis hominibus inaniter excogitatis, ab Episcopo perficitur.

C A P. XIX.

*Matrimonium.*

S Olennizatio matrimonii, quod S. Apostolus in omnibus honorabile esse pronuntiavit, more antiquo, ( præmissis per tres dies Dominicos aut Festos promulgationibus ) cum precibus & benedictionibus peragitur.

C A P. XX.

*Visitatio infirmorum.*

Q Uando infirmi & moribundi visitantur, à Sacrorum Ministro adhibentur preces & exhortationes, huic Officio maximè congruæ. Recitantur articuli symboli Apostolici; interrogatur infirmus, num illos omnes firmâ fide credat; num in eadem fide & charitate cum omnibus moriturus sit; num testamentum condiderit; & an pauperum memor fuerit; denique, num de omnibus, quæ perpetraverit, peccatis seipsum poenituerit; & spem suam unicam in Christi meritis collocaverit? Quod si conscientiam in re quilibet gravatam sentiat, monetur, ut de illâ privatam & specialem confessionem Deo faciat. Finitâ verò confessione, Presbyter eum consolatur, & ab omnibus peccatis suis illum ( verè poenitentem ) solenni verborum formâ absolvit, & tandem ultimò munit Viatico sacro.

## C A P. XXI.

*Sepultura mortuorum.*

**E**Lato corpori mortuo, Sacrorum Minister it obviam ad ingressum Cœmeterii, & euntibus, qui cum ipso sunt, Clericis aliisque ad sepulchrum, recitantur primò sententiæ sacræ de mortalitate & miseriâ hominum; deinde de resurrectione & vitâ æternâ fidelium.

Dum cadaver terrâ injectâ operitur, *cum certâ spe resurrectionis ad felicitatem cœlestem*, dicitur Antiphona, *Audivi vocem de cœlo, beati mortui, qui in Domino moriuntur; amodo requiescunt à laboribus suis.*

Postea legitur XV. Caput primæ Epistolæ ad Corinthios, *Christus resurrexit à mortuis, primitiæ dormientium &c.*

Finitâ lectione, & omnibus genuflexis, dicitur *Kéçi iheros.* unâ cum Oratione Dominicâ & duabus Collectis, quibus tum gratiæ Deo aguntur pro felici defuncti fratris aut sororis exitu, tum preces fiunt, *ut & nos & idem frater noster, unâ cum omnibus aliis in verâ fide & confessione Christi demortuis, perfectam consummationem & beatitudinem tam corporis quam animæ in cœlis consequamur.*

Ex his autem sive votis sive precibus, sive gratiarum actionibus, quas pro mortuis juxta universalem antiquæ Ecclesiæ consuetudinem fundimus, Purgatorium, quod vocant, nullatenus imus stabilitum.

Novitèr enim inventa, neque inter credenda nobis, neque agenda ponimus.

# A P P E N D I X.

## C A P U T I.

### *Dies Festi.*

**S** Acrati Deo apud nos sunt  
Omnes totius anni dies Dominici.  
Dies festus circumcisionis Christi.  
Dies festus Epiphaniæ ejusdem.  
F. purificationis B. *Maria* Virginis.  
F. Annunciationis ejusdem.  
F. Sancti *Matthia* Apostoli.  
F. Sancti *Marci* Evangelistæ.  
F. SS. *Philippi & Jacobi* minoris, Apostolorum.  
F. Ascensionis Domini.  
F. S. *Joannis* Baptistæ.  
F. S. *Petri* Apostoli.  
F. S. *Jacobi* majoris, Apostoli.  
F. S. *Bartholomei*, Apostoli.  
F. S. *Matthæi*, Apostoli & Evangelistæ.  
F. S. *Michaelis*, & omnium Angelorum.  
F. S. *Luca* Evangelistæ.  
F. SS. *Simonis & Jude* Apostolorum.  
F. Omnium Sanctorum.  
F. S. *Andrea* Apostoli.  
F. S. *Thome* Apostoli.  
F. Nativitatis Domini.  
F. S. *Stephani* Protomartyris.  
F. S. *Joannis* Apostoli & Evangelistæ.  
F. SS. Innocentium.  
Feria secunda & tertia post Pascha.  
Feria secunda & tertia post Pentecosten.  
præter  
Diem conversionis S. *Pauli*, &

Diem

Diem S. Barnabæ.

Quibus omnibus divinis officiis & rebus sacris attenti sumus.

## C A P. II.

### *Dies Jejuniorum.*

**V**igilæ sive dies antecedentes  
Dominicam Paschatis;

Dominicam Pentecostes:

Festum Nativitatis Domini:

Festum Ascensionis ejusdem:

Festum purificationis B. *Mariæ* Virginis:

Festum Annunciationis ejusdem:

Festa Apostolorum: ( exceptis tantum diebus S. *Joannis* Evangelistæ, & S. S. *Philippi* ac *Jacobi* minoris ) &

Festum omnium Sanctorum, apud nos in operibus pietatis & exercitio jejunii transigendæ sunt.

In his enim sumptionem cibi ultra consuetam horam differre, & per integrum diem solâ frugali cœnâ, aut saltem solo prandio, contenti esse jubemur.

## C A P. III.

### *Dies Abstinemia.*

**T**otum tempus Quadragesimæ.

Feria sexta & septima uniuscujusque hebdomadis: ( nisi in eas festum Nativitatis Domini inciderit. )

Feria quarta, sexta, & septima quatuor anni temporum.

Tres dies Rogationum ante Ascensionem Domini.

Omnesque præfatæ Vigilæ tempora nobis sunt ad majorem sobrietatis, moderationis, ac temperantiæ exercitationem constituta.

Quibus ( nisi nonnullorum corporis ratio evidentè & necessariò aliud exegerit ) à communi carniûm esu ( vi legis etiam Politicæ ) abstinere oportet.

Interea tamen in mero ciborum delectu vel minimam religionis partem collocare nefas ducimus, nisi quatenus liberio rem gulam compescat.

C A P. IV.

*Anglia divisio in suas partes Ecclesiasticas.*

**T**otum *Anglia* regnum ratione Ecclesiasticæ jurisdictionis in duas Archiepiscopales Provincias, *Cantuariensem* & *Eboracensem* dividitur.

Utraque autem Provincia in suas Episcopales Diœceses.

Singulæ Diœceses, præsertim quæ majores sunt, in suos Archidiaconatus.

Isti in Decanatus, qui Rurales sive Regionales appellantur.

Atque hi quidem in suas Parochias dispescuntur.

Parochiæ verò per universum Regnum computatæ nonies mille sunt & amplius.

Sunt & Ecclesiæ Cathedralæ XXVI. præter Collegiatas aliquot, & Hospitalia quamplurima.

C A P. V.

*Cantuariensis Provincie Diœceses sive Episcopatus.*

1. **I**psa Diœcesis *Cantuariensis*.
2. *Londonensis*.
3. *Wintonensis*.
4. *Eliensis*.
5. *Wigorniensis*.
6. *Salisburyensis*.
7. *Lincolniensis*.
8. *Norwicensis*.
9. *Batho-Wellensis*.
10. *Herefordensis*.
11. *Exoniensis*.
12. *Coventrio-Lichfeldensis*.
13. *Gcestrensis*.
14. *Roffensis*.
15. *Glocestrensis*.
16. *Oxoniensis*.

17. *Petroburgensis.*18. *Bristolensis.*19. *Menevensis.*20. *Asaphensis.*21. *Bangorensis.*22. *Llandavensis.*Quæ omnes *Canuariensi* Metropolitano subditæ sunt.

## CAP. VI.

*Eboracensis Provincia Diocesis sive Episcopatus.*1. **I**psa Diocesis *Eboracensis.*2. *Dunelmensis.*3. *Carlisleensis.*4. *Cestrensis.*5. *Sodorensis.*Quæ Metropolitano *Eboracensi* subjiciuntur.

## CAP. VII.

*Ecclesia Cathedralis.***I**N his plura sunt membra.

1. Lectores Epistolæ &amp; Evangelii.

2. Cantores Symphoniæ.

3. Presbyteri subcanonici, qui studio Sacrarum Scripturarum incumbentes, matutinas &amp; vespers quolibet die in choro celebrare tenentur.

4. Presbyteri Canonici, seu Præbendarii, quorum alii sedem tantum habent in choro, alii etiam suffragium ferunt in Capitulo, &amp; statim suis vicibus omnes in Ecclesia concionantur.

5. His omnibus præest Decanus, qui verbum Dei sæculò prædicare, hospitalitatem exercere, &amp; festis majoribus sacra celebrare obstringitur.



C A P. VIII.

*Synodi Provinciales.*

**S**ynodi apud nos ex sunt legitimæ, quæ ex licentiâ & mandato Regis ab Archiepiscopo indictæ, veris & genuinis suis membris constant.

Vocantur ergo ad Synodos Provinciales, tam Episcopi, Decani, & Archidiaconi, quam bini Presbyteri ex singulis Dioecesebus, totidemque à Cathedralibus Ecclesiis communibus suffragiis electi.

A quibus cum de religionis dogmatibus vel Canonibus Ecclesiasticis maturè deliberatum & definitum aliquid fuerit, Regi auctoritate & confirmatione accedente, censetur ratum, & ex statuto regni vim legis obtinet, modo nihil ibi definiatur, quod vel sacræ Scripturæ vel iuribus publicis contrarium sit.

C A P. IX.

*Secta Regni & Religionis hostes.*

**M**agno Ecclesiarum & Regnorum omnium detrimento enati olim sunt Anabaptistarum & Perduellium greges. E quorum reliquiis & scelerum & seditioforum hominum multitudo maxima non ita pridem apud nos in apertam rebellionem, cruentas cædes, barbara latrocinia, universæ religionis Christianæ contemptum, & ( quod vel dictu horribile nimis est ) in ipsum Regicidium eruperunt. Sunt enim genus hominum tum Divinis tum humanis legibus (inauditâ à seculis audaciâ atque infernali prorsus superbiâ & iniquitate) maximè repugnantium; qui, nisi Principum ope tempestivè supprimantur, omnia passim, quæ latè pateant Christianorum regna & Ecclesiæ, brevi pessundabunt. Quamquam satis jam ex Religionis & Reipublicæ nostræ constitutionibus orbis terrarum videt, nos quidem nec ipsos peperisse, nec aluisse, nec docuisse, sed lolium faciliè nimis cum frumento nasci solet, & palea cum grano.

Interim, aliud est, quod docemus, aliud, quod sustinemus; & donec emendare valeamus, tolerare compellimur.

## INDEX CAPITUM.

CAP. I. <i>Perpetua Religiois norma.</i>	Pag. 31
CAP. II. <i>Sacra Dei Scriptura.</i>	<i>Ibid.</i>
CAP. III. <i>Antiqua fidei Symbola.</i>	32
CAP. IV. <i>Quatuor prima Concilia.</i>	<i>ibid.</i>
CAP. V. <i>Quinque priora Patrum secula.</i>	33
CAP. VI. <i>Hereses repudiata.</i>	35
CAP. VII. <i>Novitates rejectæ, superstitiones depulse, &amp; Religiois corruptela sanata.</i>	<i>ibid.</i>
CAP. VIII. <i>Religio prisca, verè Christiana &amp; stabilita.</i>	36
CAP. IX. <i>Ordo Ecclesiasticus.</i>	39
CAP. X. <i>Consecratio &amp; munus Episcoporum.</i>	<i>ibid.</i>
CAP. XI. <i>Ordinatio &amp; munus Presbyterorum.</i>	40
CAP. XII. <i>Ordinatio &amp; munus Diaconorum.</i>	41
CAP. XIII. <i>Liturgia Sacra.</i>	<i>ibid.</i>
CAP. XIV. <i>Officium Matutinum &amp; Vespertinum.</i>	42
CAP. XV. <i>Litania.</i>	43
CAP. XVI. <i>Officium Sanctæ Eucharistiæ.</i>	<i>ibid.</i>
CAP. XVII. <i>Baptismus.</i>	46
CAP. XVIII. <i>Confirmatio.</i>	47
CAP. XIX. <i>Matrimonium.</i>	<i>ibid.</i>
CAP. XX. <i>Visitatio infirmorum.</i>	<i>ibid.</i>
CAP. XXI. <i>Sepultura mortuorum.</i>	48

## IN APPENDICE.

CAP. I. <i>Dies festi.</i>	49
CAP. II. <i>Dies fejuniorum.</i>	50
CAP. III. <i>Dies Abstinentie.</i>	<i>ibid.</i>
CAP. IV. <i>Anglia divisio in suas partes Ecclesiasticas.</i>	51
CAP. V. <i>Canuariensis Provincia Diæceses.</i>	<i>ibid.</i>
CAP. VI. <i>Eboracensis Provincia Diæceses.</i>	52
CAP. VII. <i>Ecclesiæ Cathedrales.</i>	<i>ibid.</i>
CAP. VIII. <i>Synodi Provinciales.</i>	53
CAP. IX. <i>Sectæ Regni &amp; Religiois hostes.</i>	<i>ibid.</i>

U L.

# ULTIMUM TESTAMENTUM JOANNIS COSINI,

Episcopi *Dunelmensis*, ita incipit.

*Adjutorium nostrum in Nomine Domini , qui fecit  
cælum & terram.*

*In nomine & honore ejusdem Domini Dei nostri, Pa-  
tris, & Filii, & Spiritus sancti, summæ ac indi-  
viduæ Trinitatis. Amen.*

**Q**Uoniam statutum est omnibus semel mori, & corpus unius cujusque dissolutum iri, tempus verò dissolutionis meæ cum incertum sit, de qua tamen quasi in propinquo esset, assiduâ animi meditatione sollicitus, & frequenti corporis infirmitate pulsatus, subinde cogito; Ego *Joannes Cosinus*, humilis Ecclesiæ Dei Administer, & modò, permissione altissimi, Episcopus *Dunelmensis*, non ponens spem meam in præsentī hac vita, sed ad alteram (quæ futura est) in cælis æternam, ex divinâ tandem misericordiâ, adipiscendam semper anhelans, & humiliter orans pro salute animæ meæ, ut per merita *Jesu-Christi*, Filii Dei vivi, & Redemptoris ac Mediatoris nostri unici, omnia mea mihi remittantur delicta, hoc Testamentum, continens ultimam voluntatem meam, sanâ mente & puro corde condo, ordino, & facio, in hac formâ, quæ sequitur.

Ante omnia, Domino nostro Deo Omnipotenti gratias ago, quas possum, maximas, quod me ex fidelibus, & bonis Parentibus in hanc vitam nasci, atque in Ecclesiâ suâ, per sanctum Baptismi Lavacrum ab ipso institutum, ad vitam æternam renasci voluerit, meque à juventute meâ in doctrinâ sanâ erudiverit & sanctorum suorum participem effecerit, fidemque non fictam vel mortuam, sed veram & vivam in animo

meo impreſſerit , unâ cum adjunctâ ſpe firmâ fore poſthac , ut perducar ad vitam ſempiternam. Quæ quidem fides in eo conſiſtit, ut adoremus & veneremur Deum, in eumque credamus, &, in quem miſit, Filium ejus dilectiſſimum, verbum æternum, ante ſecula genitum, *Jeſum Chriſtum*, Dominum noſtrum, qui propter nos noſtramque ſalutem, ex beatiffimâ Virgine *Mariâ*, ſuperveniente in eam Spiritu ſancto, carnem in ſeculo ſumpſit, & homo factus eſt, deinde natus, paſſus, crucifixus, mortuus ac ſepultus, & poſtquam ad inferos deſcendiſſet, ex ſepulchro ſuo reſurrexit, & captivam ducens captivitatem, aſcendit in cœlos, ubi ad dexteram Dei Patris ſedet, & regnat in æternum; indè verò, Spiritum ſanctum (in quem pariter nobis credendum eſt) miſit, à Patre Filioque procedentem, per quem largiſſimè dona diſtribuit hominibus, & Eccleſiam ſuam Catholicam in communione ſanctorum, in divinis Sacramentis, in verâ fide, in doctrinâ ſanâ, ac moribus Chriſtianis inſtituit; unâ cum remiſſione peccatorum piis omnibus, & dignos in eadem Eccleſiâ poenitentiae fructus proferentibus, impertiendâ; quibus etiam quum in ſupremo ſeculi die de cœlis rediturus, ut mortuos reſuſcitet, & omnes judicet, collaturus eſt æternam beatitudinem; reliquis verò infidelibus, aut qui ſecundum carnem vixerint, & converti, ſive poenitentiam agere, nolentibus æternum ſupplicium irrogaturus. In hac fide, quæ totius ſacræ Scripturæ ſumma eſt, & abſolutiſſimum compendium, ſanctis ſemel tradita, & ab Apoſtoliſ, eorumque ſucceſſoribus propagatâ, atque ad nos uſque derivata vivere me proſiteor & ut in ea ad ultimum vitæ ſpiritum conſtanter ac ſine hæſitatione perſeverem & moriar, affiduis, quantum poſſum, precibus à Deo contendo; unitatem interea colens, & ſervans vinculum pacis ac charitatis cum omnibus ubique Chriſtianis, qui inter tanta Eccleſiæ mala, diſtractiones, & calamitates, (quibus equidem non poſſum non illachrymari) hanc fidem integrè admittunt, nullamque ejus partem in dubium vocant. Spero etiam, quæ eſt Dei Chriſtique *Σωτήριον*, Servatoris noſtri, benignitas, omnes eos, qui hæc à Deo revelante tradita ſimpliciter nobiſcum crediderint & piè vixerint, in magno illo die Dominis ſalvos fore, etiamſi ſingulorum rationem reddere, vel modum exponere, vel quæſtiones circa ea exortas ſolvere, vel, dum fortè fatagunt, allucinationes aliquot effugere, & penitè ab errore immunes eſſe nequiverint.

Sed quæſcunque olim Hæreſes & quæcunque etiam Schiſmata, quibuſcunque

buscunque tandem nominibus appellentur, prisca & universalis sive Catholica *Christi* Ecclesia unanimi consensu rejecit & condemnavit, ego pariter condemno & rejicio; unà cum omnibus earundem Hæresium fautoribus hodiernis, Sæctariis, & Fanaticis, qui Spiritu malo acti mentiuntur sese spiritu Dei afflari. Horum omnium, inquam, hæreses & Schismata, Ego quoque Ecclesiæ nostræ *Anglicanæ*, imò Catholicæ, Symbolis, Synodis, & Confessionibus additissimus, pariter improbo constanterque rejicio atque repudio. In quorum numero pono non tantum segræges Anabaptistas, & eorum sequaces (proh dolor) nimium multos, sed etiam novos nostrates Independentes & Presbyterianos, genus hominum malitiæ, inobedientiæ, & seditionis spiritu abreptum, qui inaudita à seculis audaciâ & perfidiâ, tanta nuper perpetrarunt facinora, in contemptum & opprobrium omnis Religionis & Fidei Christianæ, quanta quidem non sine horrore dici ac commemorari queant. Quin etiam à corruptelis & ineptis nuperque natis, sive Papisticis (quas vocant) superstitionibus, doctrinis, & asumentis novis, in avitam ac primævam laudatissimæ olim tam Orthodoxæ & Catholicæ Ecclesiæ religionem ac fidem jam dudum contra sacram Scripturam, veterumque Patrum Regulas ac mores introductis, me prorsus jam alienum esse, atque adeo à juventute mea semper fuisse, sanctè & animitus adsevero.

Ubicunque verò terrarum Ecclesiæ, Christiano nomine censæ, veram, priscam & Catholicam religionem fidemque profitentur, & Deum Patrem, Filium, & Spiritum sanctum uno ore & mente invocant ac colunt, eis, si me uspiam actu jam nunc jungi prohibet vel distantia Regionum, vel dissidia hominum, vel aliud quodcunque obstaculum; semper tamen animo, mente, & affectu conjungor ac coalesco; id quod de Protestantibus præsertim, & benè Reformatis Ecclesiis intelligi volo. Fundamentis enim salvis, diversitatem, ut opinionum, ita quoque rituum circa res juxta enatas, & minus necessarias, nec universali veteris Ecclesiæ praxi repugnantes, in aliis Ecclesiis (quibus nobis præsidendum non est) amicè, placidè, & pacificè ferre possumus, atque adeo perferre debemus. Eis verò omnibus, qui malè consulti quoquomodo me iniquis calumniis infectati sunt, vel adhuc infectari non desinunt, ego quidem ignosco, & Deum ferò precor, ut ipse quoque ignoscere, & meliorem eis mentem inspirare velit. Operam interim & mihi, & aliis omnibus fratribus, præsertim

fertim Episcopis, & Ministris Ecclesiæ Dei, quantum ex illius gratiâ possumus, dandam & conferendam esse existimo, ut tandem sopiantur, vel saltem minuantur, Religionis dissidia, atque ut pacem sectemur, cum omnibus, & sanctimoniam. Quod ut fiat quàm ocysimè, faxit Deus Pacis Auctor, & Amator concordiæ. Cujus immensam misericordiam oro & obtestor, ut me in peccatis & iniquitatibus conceptum ab omni humanæ infirmitatis labe & corruptela repurget, dignumque ex indigno per magnam clementiam suam faciat, mihiq; passionem & immensâ merita dilectissimi sui Filii, Domini nostri *Jesu-Christi*, ad delictorum meorum omnium expiationem applicet : ut quum novissima vitæ hora non improvisâ venerit, ab Angelis suis in sinum *Abrahe* raptus, & in societate sanctorum & electorum suorum collocatus, æternâ felicitate perfruar.

Hæc præfatus, quæ ad Religionem & Animæ meæ statum ac salutem spectant, quæque Latino Sermone à me dictata atque exarata sunt; reliqua, quæ ad sepulturam corporis, & bonorum meorum temporalium dispositionem, attinent, sermone patrio perscribi faciam, ac perorabo.

REVERENDO  
IN CHRISTO PATRI, AC DOMINO  
D<sup>NO</sup>. MATTHÆO

ELIENSI EPISCOPO,  
ANTIQUÆ FIDEI VIRO,  
ET IN REBUS SACRIS  
EXERCITATISS.<sup>mo</sup>  
DOCTR. ET RELIG. IN ECCL. ANGL.  
ADSSERTORI AC CONFESSORI  
MAXIMO  
VERÆ INVICTÆQUE MAGNANIMITATIS  
PRÆSULI,  
ET COLL. S. PETRI IN ACAD. CANTABR.  
PATRONO:  
JO. COSINUS DEC. PETROB.  
EJUSD. FIDEI, DOCTR. RELIGIONIS,  
ECCLESIAE, ET COLL.  
ADMINISTER,  
HANC SUAM HIST. SCHOLASTICAM  
E SACRIS PAGINIS  
VETERIB. QUE AC RECENTIOR. SCRIPTIS  
ADORNATAM,  
ATQUE VIRIS RER. DIVIN. PERITIS  
LECT. ET APPROBATAM,  
L.M.D.D.D.

Epigraphæ in sepulchrali marmore  
 reverendissimi Viri, D. Joannis Overalli, Episcopi Norwicensis, incisa.

MEMORIÆ NON INTERITURÆ

R. Patris ac Domini, D. Joannis Overalli, Viri  
 undequaque doctissimi, & omni encomio majoris :  
 qui in Regia Cantabr. Academiæ Cathedra, & Pro-  
 fessione S. Theologiæ D. D. Whitakero successit, Au-  
 laxque S. Catharinæ ibidem præfuit. Postea Decana-  
 tum S. Pauli London. Episcopetum etiam Litchfield.  
 ac tandem hanc sedem Norwicensem rexit : & sexa-  
 genarius obiit XII Maii, Anno Domini MDCXIX.  
 atque ad pedem hujus columnæ sepultus est.

Posuit Joannes Cosinus, ejusdem R. P. D. D. O-  
 veralli olim Secretarius domesticus, & devo-  
 tissimus Discipulus, nunc verò Episcopus  
 Dunelmensis A. D. MDCLXIX.



R E V E R E N D O  
 I N  
 C H R I S T O  
 PATRI AC DOMINO.  
 D<sup>NO</sup>. JOANNI EPISCOPO  
 D U N E L M E N S I,  
 EOQUE NOMINE JURA

HABENTI COMITIS PALATINI,  
 SACRÆ THEOLOGIÆ PROFESSORI,  
 VETERIS SCRIPTURARUM CANONIS  
 ADSERTORI ET VINDICI;

PETROBURGENSIS (EX) DECANO.

	DUNELMENSIS	{	DECANO DESIGNATO, DIU. CANONICO, JAM ETIAM CANONI,
ECCLESIE	ANGLICANÆ ET	FILIO . ET PATRI OPTIMO.	
	ROMANÆ	{	HODIERNÆ ET NUPERÆ OP. PUGNATORI STRENUO, VETERIS, ET PRIMITIVÆ, UT &
	CATHOLICÆ	{	ADMIRATORI PERPETUO, CULTORI DEVOTISSIMO
			<i>Ὁμολογῶ, καὶ ἐμμένω:</i>

## V I R O

QUI, IN UTRIUSQUE FORTUNÆ SEU DURIS, SEU LUBRICIS,  
 EODEM ANIMI TENORE USUS,  
 NONDUM PAR ANIMO PERICULUM INVENIT:  
 CUI, BONÆ, MALÆQUE FAMÆ MEDIO PERGENTI,  
 NEC AB EA, QUAM FIXERAT ECCLESIA,  
 VERITATIS LINEA RECEDENTI USPIAM,  
 (UTPOTE NEC HUIUS CONVITIIS TERRITO,  
 NEC ILLIUS ILLECEBRIS DELINITO:)  
 UBIQUE SUI SIMILI, UNDIQUE *τρυφήν*,  
 CESSIT TANDEM CALUMNIA,  
 NON VICTA SOLUM, SEDET TRIUMPHATA,  
 ET QUANTUMVIS GARRULA, OBMUTUIT:  
 HANC CONCIUNCULAM,

EJUS { JUSSU CONCEPTAM,  
 NATAM AUSPICIIS,  
 HORTATU, ET MANDATO;  
 IN LUCEM EDITAM,  
 PERPETUÆ OBSERVANTIÆ PIGNUS ET *ἀντίδοτον*

L. M. Q. D. D. C. Q.

GUILHELMUS SANCROFT,

PRESBYTER INDIGNUS,

PATERNITATI EJUS A SACRIS.

COMMENTARIOLUS  
DE  
VITA ET STUDIIS  
Clarissimi & doctissimi Viri,  
D. HENRICI BRIGGII,  
Olim Geometriæ in Academia  
Oxonienſi Profeſſoris Saviliani.

SCRIPTORE  
THOMA SMITHO,  
*Sacrae Theologiæ Doctore, & Eccleſiæ Anglicanae  
Presbytero.*

THE  
JOURNAL OF  
THE  
ROYAL ANTHROPOLOGICAL INSTITUTE

# COMMENTARIOLUS

## DE VITA ET STUDIIIS

# HENRICI BRIGGII

Olim Geometriæ in Academia Oxoniensi.  
Professoris Saviliani.

**M**AGNOS viros ex humilibus casis interdum prodire felix omnium seculorum experientia comprobavit, ipsa etiam invidia agnovit, & in perpetuum iustis elogiis agnita est grata & æqua postoritas. In horum censu meritò collocandus est HENRICUS BRIGGIUS, qui, licet à parentibus proletariis, tenuiorisque fortunæ, progenitus, magnum decus intulit Patriæ, & Mathematicas Scientias sublimi ingenio, & sagacissima solertia illustravit. Circa annum MDLX. in subobscuro propè *Hallifaciam* in Comitatu *Eboracensi* viculo, nuncupato *Worlewood*, in lucem editus, cum in puerilibus annis ingenii bonæque indolis in schola igniculi emicuisset, & jam adolescens in *Græci Latini*que literis magnos fecisset progressus, Amici pariter ac parentes illum ad mechanicum aliquod artificium damnari, primitiasque illas, quæ opimam lætamque frugem auspiciatò spondebant, aut arescere, aut suffocari nolentes, de illo, altioris disciplinæ maximè capaci, ad Academiam *Cantabrigiensem* mittendo, in commune consularunt. In collegium D. *Joannis* Evangelistæ memoriæ sacrum, in quo de selectis quibuldam istius amplissimæ provinciæ adolescentibus educandis à piis Benefactoribus peculiari cura provisum erat, decimo septimo ætatis anno admissus, non multò post, cum id beneficii gratiæque ejus mira industria & probitas vendicaverint, inter (a) alumnos recensebatur,

(a) E privatis Collegii & publicis Universitatæ Registris mihi hæc perquam benignè communicavit reverendus, doctissimus, sagaxque Historiæ Antiquitatum, tum Ecclesiæ Anglicanæ, tum Academiz *Cantabrigiensis* indagator, *Thomas Barnes* S. T. B. ejusdem Collegii socius.

Admissus Discipulus 5. Nov. 1579  
Baccalaureus Artium. 1585  
Magister Artium 1585  
Electus socius 1585

& Magistri in artibus gradu & titulo A. MDLXXXV. insignitus ; tandem post tres annos elapsos in numerum Sociorum adscitus est. Sui juris jam redditus, otium istud beatum Mathefi excolendæ, ad quam naturali quadam propensione ferri videbatur, geminata industria, impendit, nec in illarum Scientiarum cortice & superficie hæsit, sed in medullam & abstrusiora arcana penetravit. Hisce disciplinis excultus, magis magisque non tantum apud Collegas suos, sed etiam per universam Academiam inclaruit, & circa A. MDXCII. (a) in Mathematicum Examinatorem ac Prælectorem, & mox in Lectorem Medicinæ ex fundatione Doctoris *Linacri* eligebatur. Sorte hac sua privataque in Collegio vita contentus, imò maximè lætus, & ab omni fastu, ambitione, & invidia liber, Deo, sibi, studiisque severis vacavit, nullis opimioris fortunæ blandimentis per aliquot annos inde abstrahendus : sed divinæ providentiæ ductum sequi, illique, prout pietas & prudentia jubent, morem gerere oportet. Evocatus enim ex umbris Academicis ad publicum mundi theatrum, *Londinum*, A. MDXCVI. quicquid animo prius statuerat, lubens latusque contendit, ibi primus Geometriæ Professor constituendus in Collegio *Greshamensi*, quod Vir præstantissimus, & sempiterna laude dignissimus, D. *Thomas Greshamus*, Eques Auratus, ante paucos annos in ædibus suis *Londinensibus* fundarat : ille, ille *Greshamus*, qui magnificum illud Forum, primò *magna Britannia Bursam*, more *Flandrorum*, apud quos olim vixerat, nuncupatum, brevi longè augustiori titulo, qui hodie retinetur, *Excambium Regale* i. e. *The Royal Exchange*, insignitum, regio planè animo, magnisque sumptibus exstruendum curavit, ubi Mercatores & Navarchi de rebus suis in universo orbe terrarum, qua patet, oceano circumambiente disponendis acturi, conveniunt : ex cujus redditibus, inde provenientibus, pensiones, pro isto quidem tempore non contemnendæ, septem Professoribus sequentium Facultatum & Scientiarum, viz. Theologiæ, Medicinæ, Juris Civilis, Geometriæ, Astronomiæ, Rhetoricæ, & Musicæ, in perpetuum solvendæ assignantur.

Hic primò edidit *Briggius* tabulam ad calcem libelli (b) *de fabrica, descriptione, & usu duorum instrumentorum à D. Gilberto excogitatorum*, ad inveniendam latitudinem cujusvis loci, nocte tenebrosissima, absque Solis, Lunæ, & Stellarum ope, nempe per declinationem acûs Magneticæ,

(a) Ex iisdem Registris.

(b) V. Theoricæ Planetarum per *Blundevillum*, Londini. 1603.

ticæ, Anglicè editi A. MDCII. ex doctrina Triangulorum constructam, ut ex ista declinatione altitudo poli erui & cognosci posset. Subtilitèr quidem pro seculo isto, quo nondum arcana variationis erant plenè detecta.

Anno MDCIX. *Briggus* arctam cum eruditissimo Viro, D. *Jacobo Usserio*, postea Archiepiscopo *Armachano*, inibat familiaritatem & amicitiam, quam uterque literis amœbæis de rebus Astronomicis & Chronologicis per multos annos excoluit. Dolendum est, illas omnes, duabus exceptis, quæ in Epistolarum *Usserianarum* Sylloge continentur, periisse. Non enim ita se subtilitatibus Geometricis totum addixerat, quin interdum in indagandis quoque *Uranie* arcanis, animi causa, tanquam in aliena provincia, diverteretur. Hinc seriem eclipsium ex tabulis *Pruenicis*, si modo, uti putabat, supputationes istæ accuratè cum cœlestibus motibus convenissent, ad calculos revocare & pertexere proposuit: sed sive nova *Kepleri* de revolutionibus Planetarum hypothesi, quam licet multum culpæ non ausus sit, illam tamen ingrata, quæ tædium parit, prolixitate, affectata obscuritate, & aliquo defectu ex industria omisso, & ex tabulis *Rudolphinis*, quas tunc molitus est Vir ille doctissimus, postea supplendo, laborare queritur, sive postea *Nicolai Mulerii* Tabulis Lunæ-Solaribus *Friscis* accuratius subductis, qui *Pruenicarum* fidem & auctoritatem convellit, ab isthoc opere instituto, utpote propriæ, quam adornandam susceperat, professioni non prorsus congruo, cessavit, & eò quidem lubentiùs, quod sese nobile argumentum, quo majori cum fructu & utilitate summas ingenii & solertiæ vires explicare posset, ex inopinato & felicissimè obtulisset.

Circa initium superioris seculi & deinceps, crebris navigationibus versus Septentrionalis *America* oras ex spe viam ingressumque vel aperto liberoque mari, vel æstuante angusto freto, in Australem Oceanum inveniendi conceptâ, à nostratibus susceptis, apud Mathematicos variè disceptatum erat, an ratione aliqua è Geographiæ principiis petita, quâ ad tot discrimina infaustosque casus necessariò intercurrentes, si non cum laude prudentiæ, saltem cum venia & justa ab omni nota temeritatis excusatione subeundum nautæ inducerentur, constaret. In re dubia & toties frustra tentata, solis argumentis à verisimilitudine ductis utendum erat. Hoc sibi præsidio fore, adversus difficultates objectas insignes quidam viri, nauticæ artis admodum periti, qui multis malis, quæ perpeSSI fuerant, absterriiti, an talis trajectus daretur,

tur, usque & usque experiri cœtatim cuperent. In horum verò gratiam & vindicias, libellus cujusdam Anonymi *Anglicè* conscriptus, *de circumferentia terre, sive de menu inter Septentrionis & Occidentis littora ad mare pacificum pervio*, communissimè à nostris nuncupato, *the North-West Passage*, cis nimirum sexagesimum sextum gradum borealis latitudinis, *Londini* A. MDCXII. prodiiit. An hæc Dissertatiuncula, varia quidem eruditione referta, & insigni Mathematico prorsus digna, D. *Briggium* habuerit Auctorem, quod aliqui suspicantur, incertum est: imò potius contrarium constat, origine erroris petenda ex confusione hujus libelli cum altero ejusdem argumenti, sive eodem tempore, sive paulò post à *Briggio* conscripto, quem literis nominis initialibus subscriptis à se agnitum V. Cl. *Samuel Purchassus* in *Collectaneorum* tertio volumine pag. 852. unà cum illius Mappa Septentrionalis *America*, præmissis miris elogiis, *Londini* MDCXXV. publicavit sub hoc titulo, *A treatise of the North-West passage to the south sea thro' the continent of Virginia and by fretum Hudson*. Vel potius, ut ille in contextu tractatuli explicatius dicit, *per summum D. Thoma Buttoni Equitis avarati*, qui ibi in portu *Nelsoniano*, CX. Leucis magis ad occidentem vergente, ubi polus borealis quinquaginta septem gradibus attollitur, hibernavit. Hujus *Briggiani* opusculi etiam meminit *Lucas Foxus* navarchus in navigationis suæ ad viam, hucusque ignotam & inaccessam, versus *Sinas & Japoniam* per easdem maritimas plagas eodemque sinus aperiendam, *Diario*, Pag. 160. *Londini* MDCXXXV. edito. Sed horum virorum doctissimorum rationes & argumenta in utrisque libellis comprehensa, mihi in hoc Commentariolo in medium proferre, aut in rigidum examen vocare neutiquam convenit: neque id jam agitur. Tantùm dixero, Mathematicorum in museis, doctè licèt, mugnantium speculationes & conjecturas in rebus claræ demonstrationis haud capacibus, ut ut ingeniosissimas, non semper navigantium periculis & explorationibus quadrare & respondere. Ad hæc, eum Vir præclarissimus, *Edwardus Wrightus* novam libri nunquam satis laudandi *de corrigendis erroribus in arte navigandi hætenus admissis* cum egregiis additamentis editionem pararet, D. *Briggius* pro insigni artem nauticam facilius, tutius, & accuratius excolendi studio, summoque erga Amicum integerimum, sub negotiorum mole penè fatiscentem, affectu, etiam post mortem duraturo, impulsus, non modica laboris parte in se derivata, tabulas *declinationis ecliptica in singulis gradibus, mi-*

nuiis



mnis primis & secundis, prosthapheresum Solis, æquationum ephemeridum Solis, & declinationis Solis pro quinque annis h. e. ab anno MDCVII. ad A. MDCXII. inclusivè; item tabulas, quarum ope altitudinem polæ altitudine Stella polaris exquirere & invenire licet, calculis summa cum industria & cura subductis, condidit: quod in præfatione gratus agnovit Auctor.

Anno MDCXIV. *Edinburgi* prodiiit nobilissimi Viri, D. *Joannis Neperi*, Baronis *Merchistonii*, *Mirifici*, *Logarithmorum Canonis descriptio*, ejusque usus in utraque *Trigonometria*, ut etiam in omni *Logistica Mathematica*, amplissimi, facillimi, & expeditissimi explicatio. Percrebuit olim fama, licet incerta, de cujus veritate merito dubitandum videtur, D. *Craigium Scotum*, è *Dania* reducem, quo tempore illum honoris & amicitiae causa invisebat, enarrasse, *Christianum Longomontanum* methodum invenisse, vel saltem de nova methodo inveniendâ, quâ numerosæ perplexæque multiplicationes & divisiones, quarum usus in Astronomicis supputationibus hætenus non sine summo tædio & labore obtinuit, in breve compendium facili operâ redigi possent, idque proportionalium numerorum ope, sollicitum esse. Illud quidem fortasse illi, summisque Astronomis, *Joanni Mullero Regiomontano*, *Nicolao Copernico*, *Tychoni Braheo*, aliisque, quibus compertissimum erat Astronomiam absque accuratissima doctrinæ triangulorum cognitione non posse instaurari, maxime in votis & optatis fuisse videtur, & si quid hac ex parte conarentur, post frustra tentatas investigationes, pro deplorato habitum, & quasi supra humanum captum, vix ingenio & solertia cujusquam superandum, abjecisse. An verò quicquam simile aut quovis modo analogum, hac ex parte præstiterit celeberrimus ille *Tychonis* discipulus, aliter famæ in se ex scriptis editis & inventis derivandæ cupidissimus, nullibi ab illo memoratum reperio. Inventum hoc prorsus mirabile cœlesti ingenio *Neperi* unice debetur. Splendidissimo autem titulo optimè & plenissimè respondet aureus iste liber, præstatque, quod ille in epistola ad serenissimum *Carolus*, *Wallie* Principem, unicumque Regis *Jacobi I.* filium, dedicatoria, verè & absque omni jactantia spononderat, ut illius adminiculo plures *questiones Mathematicæ* nnius horæ spatio, quam pristina & communiter recepta forma sinuum, tangentium, & secantium vel integro die absolvantur.

Quamprimum comparuit liber, præclarissimi quidam Mathematici, viz. *Benjaminus Ursinus*, *Joannes Keplerus*, *Frobenius*, *Baischius*,

alique, arrepta hac expedita & compendiaria Logistica, nondumque in meliorem methodum redacta, quam secuti sunt, illum magno cum honore exceperunt: sed nemo magis quàm *Briggius* noster, qui canonem, res tantas paucis pagellis adeò subtiliter & artificiosè complexum, in omnem partem versavit, & etiam, ac si ipse proprio Marte invenisset, in profundiora illius arcana penetravit. Hunc in deliciis habuit, in sinu, in manibus, in pectore gestavit, oculisque avidissimis, & mente attentissima iterum iterumque perlegit, (a) literis ad D. *Usserium* scriptis, nullum librum ipsi melius placuisse, animumque uberiori perfudisse voluptate, aut in veriore excelso Auctoris ingenii, cui nihil impervium aut inaccessum videbatur, admirationem abrupuisse, seridè professus. Hinc in illo illustrando, novisque augmentis in ultimum perfectionis statum provehendo, aut in Museo, aut in lecto, omnes cogitationes advertit, nec studia aut fructuosius, aut pulchrius, aut gloriosius, quàm in hoc præclarissimo instituto, cæteris vice *παρρηγυ* deinceps habendis, impendi posse duxit. Hunc familiari apud Amicos sermone summis laudibus extulit: hunc Auditoribus suis ex cathedra explicavit: interim tamen re accuratissimè & sæpè sæpius quidem perpensa, *longe commodius futurum judicavit*, si pauxilla mutatione admissa, si o esset logarithmus unitatis, totius verò sinûs 1000. de qua literis obsequii plenis inventorem monuit, nec hoc officioso affectu contentus, proxima ætate, anno videlicet MDCXVI. ut colloquiis & aspectu illius frueretur, deinde etiam iterum sequente anno, in *Scotiam* contendit, tertium profecturus, nisi D. *Neperi* mors intervenisset, de hisce communibus studiis elaborandis simul cum illo consultaturus. Hic dum per integrum mensem omni cum humanitate exceptus moram fecerit, de illa, cujus in epistola meminisset, mutatione D. *Neperum*, in illius sententiam promptissimo assensu concedentem, idem dudum sensisse, gratulatus est, coram dicentem se, quominus istos numeros reformaret, valetudine & negotiis impeditum fuisse, quod ille anno proximo in præfatione Rhabdologiæ *Edinburgi* MDCXVII. editæ faciendum monuit. Reversus *Londinum* Logarithmorum tabulam sive Chiliadem primam, utpote omnium numerorum ab unitate ad mille excurrentium logarithmos complectentem, quasi

(a) V. Epist. XVI. pag. 36. in Sylloge Epistolarum *Usserianarum*. *Londini* 1616.

πείρουσαν ad sedandam discipulorum sitim, edendam curavit, donec magnum illud opus, quod jam condere inceperat, absolveretur.

Hanc Canonis Logarithmorum descriptionem idiomate *Anglicano* in usum nostratum donavit V. Cl. *Edwardus Wrightius*, de quo pauca supra inferui, longinquis navigationibus susceptis, & Mathematicos artisque Nauticæ peritia perquam insignis, quod præclarissimi libri ab ipso conscripti faciunt testatissimum. Versionem verò istam, antequam prelo mandaretur, in *Scotiam* honoris causa ad Auctorem, ut ille exploraret, si in omnibus ipsius menti probè & fidelitè respondisset, prius transmissam, illiusque calculo approbatam, dum typis excludere parat, non sine luctu omnium bonorum, quibus eximix illius animi dotes erant compertissimæ, inopinato fato ex hac vita ereptus est. Mox, amicis propositam editionem suppressi nolentibus, & de posthuma Interpretis fama sollicitis, filius *Londoni* MDCXVI. fieri procuravit: *Briggius* verò, facilè se ad id induci, tum amicitix & benignitatis erga defunctum, tum argumenti causa, passus, præfatione erudita quidem, quò utilitatibus Lectorum, quod impensè cupiebat, consuleretur, tabulam triangularem à D. *Wrighto*, nulla, ne minima quidem, descriptione relicta, aut modo utendi, nudè delineatam, excogitatam, ut videtur, ad inveniendam quamlibet partem proportionalem, pro ubertate & solertia ingenii, quasi numerorum quovis artificio congestorum mysteria & complicationes ex intuitu intellexerit, in calce libri, addito egregio commentariolo, explicavit.

Post annum unum & alterum fatis concessit D. *Neperus*, vir sanè omnium seculorum memoria dignissimus, cujus opera posthuma *Edinburgii* A. MDCXIX. à clarissimo Viro D. *Roberto Nepero*, filio & hærede, publici juris facta erant: viz.

1. *Mirifici ipsius canonis constructio, & Logarithmorum ad naturales ipsorum numeros habitudines.*
2. *Appendix de alia atque præstantiore Logarithmorum specie construenda, in qua scilicet unitatis Logarithmus est 0: prorsus eadem cum illa, quam Briggius suggessit.*
3. *Propositiones quædam eminentissima ad triangula Sphærica mira facilitate resolvenda.*

In hanc appendicem quasdam lucubrationes, uti & in propositionibus istas Trigonometricas aliquot annotationes adjecit doctissimas D. *Briggius*, à clarissimo Editore in præfatione magnis laudibus celebratas: cujus verba hic apponam.

*Lucubrationes etiam aliquot Mathematici excellentissimi, D. Henrici Briggii, publici apud Londinenses Professoris, in memoratas propositiones, & novam hanc Logarithmorum speciem, typis mandari curavimus: qui novi hujus canonis supputandi laborem gravissimum, pro singulari amicitia, quæ illi cum Patre meo intercessit, animo libentissimo in se suscepit, creandi methodo & usum explanatione Inventori relictis. Nunc autem ipso ex hac vita evocato, totius negotii onus doctissimi Briggii humeris incumbere, & sparta hæc ornanda, illi sorte quadam obigisse videtur.*

Hoc eodem anno viz. MDCXIX. cum Vir summus, D. *Henricus Savilius*, Eques auratus, Collegii Regalis *Ætæna* Præpositus, & Collegii *Mertonensis* apud *Oxonienfes* Custos, duas Lecturas, alteram Geometriæ, Astronomiæ alteram, pro intensissimo, quo ardebat, Scientias Mathematicas in *Anglia* promovendi amore & desiderio, lautis pensionibus in omne ævum duraturis, in ista Academia instituisset, professionem Geometriæ ab illustri Fundatore ipsi oblatam, magna cum animi lubentia amplexus est *Briggius*, qui non longè post, rebus in urbe compositis, munereque, quod in *Greshamensi* Collegio per viginti tres annos multa cum laude sustinuit, relicto, *Oxonium* se recepit, inter Convictores apud *Mertonenses* admissus, ubi omne illud vitæ spatium, quod restabat emetendum, magno cum omnium Academicorum applausu & amore continenti labore transiegit.

Hic quasi in transcurso memorabo, quod fortasse à re præsentī non omninò abhorret, D. *Savilius*, exemplo suo præire volentem, tredecim Prælectiones in principium Elementorum *Euclidis* A. MDCXX. publicè habuisse, quas anno sequente in lucem exire passus est, quaium ultimam hoc Epiphonemate concludit.

*Exolvi, per Dei gratiam, Domini Auditores, promissum, liberaui fidem meam, explicavi pro meo modulo definitiones, petitiones, com-*  
*mn.*

*munes sententias, & octo priores propositiones Elementorum Euclidis. Hic annis sexus Cyclis artemque repono. Succedent in hoc munus alii fortasse magis vegeto corpore, virido ingenio. De nobis Senibus verissimum est illud apud Herodotum ἡλικία καὶ ἐμπειρία συνεργάζονται ἐν φρονίῳ: Senescente corpore una consenscunt & animi vires: omninoque stat sententia nunquam posthac in aeternum hanc dicendi cathedram conscendere. Itaque irado lampadem Successori meo, doctissimo Viro, qui vos ad intima Geometria mysteria perducet.*

Ita hac debita commendatione huic inquilino benevolentiam Academicorum conciliare D. Savilius, pro sapientia sua, mundo pariter ac Academiae mox valedicturus, studuit.

Briggiius in ipsis Professorii muneris initiis, ad demerendam tum D. Fundatoris, miro, etoque sapienti, erga veteres Græcos Mathematicos, putà Euclidem, Apollonium Pergæum, Archimedem, Pappum, quos explicandos iusserat, affectu nimium quantum quasi abrepti, tum studioforum Geometriæ, quod magni illius Magistri mentem, verbis ipsius expressam, melius intelligerent, gratiam, VI. priores libros Elementorum Euclidis secundum vetera exemplaria restituit, ex versione Latina Frederici Commandini, aliquam multis in locis castigata, Londini A. MDCXX. publici juris fecit: Sed in nova hac, perpulchra, & accurata editione præ modestia nomen celandum voluit, utpote ex hoc mustaceo laureolam neutiquam quærens: utinam verò in cæteris hujus præclaræ scientiæ fundamentis similem impendisset operam! Sed ad alias subtiliores Geometriæ & Arithmeticiæ partes, quibus à multis annis affluerit, & utilissimas quidem, studia, cogitationes, labores, & vigiliis convertere illi placuit; uti mox videbimus.

A. MDCXXIV. Briggiius librum, cui titulus, *Arithmetica Logarithmica*, Londini publici juris fecit, & Serenissimo Carolo Principi Walliæ, unico Jacobi I. filio, dedicavit; siphra pro logarithmo unitatis, prout inter ipsum & Inventorem convenisset, constituta. Opus sanè, ut subtilissimi, ita penè immensi laboris, in triginta Logarithmorum Chiliadibus accuratè supputandis, quæ tabula sive canone comprehenduntur impenſi, h. e. pro viginti Chiliadibus numerorum absolutorum ab unitate ad viginti millia naturali serie crescentium: deinde à 90. 000. ad 100. 000, superaddita centesima prima chiliade: cui præ-

præfigitur ampla de natura & constructione canonum logarithmicorum eorundemque usu Dissertatio, in qua facilem chiliades interjectas, consultò præ tædio calculandi omittas, inveniendi & supplendi methodum inferendam curavit. Ipse verò, ut in præfatione dicit, sparium illud intermedium inter vicesimam & nonagesimam nimirum, postquam vires diuturna intentione animi & vigiliis fractas recuperasset, explere ferriò proposuit. Sed ab hoc novo labore subeundo D. *Adrianus Vlacque* illum liberaturus, pro amore erga hoc admirandum Logarithmorum inventum, integrum canonem, juxta regulas à D. *Briggio* propositas & repræsentatas, capitibus XI. & XII. complevit.

Prodiit ergo *Goudæ* post octennium opus recoctum auctumque cura ejusdem *Viaci*, cum hoc insigni titulo, quem hic integrum, cum venia candidi Lectoris, exhibere non gravabor.

*Arithmetica Logarithmica, sive Logarithmorum chiliades centum pro numeris naturali serie crescentibus ab unitate ad 100000. una cum canone triangulorum, seu tabula artificialium sinuum, tangentium, & secantium ad radium 1000000. 00000. & ad singula scrupula prima quadrantis.*

*Quibus novum traditur compendium, quo nullum nec admirabilius; nec utilius, ad solvenda pleraque problemata Arithmetica & Geometrica.*

Hos numeros primus invenit clarissimus Vir, Joannes Neperus, Baro Merchistonii: eos autem ex ejusdem sententia mutavit, eorumque ortum & usum illustravit Henricus Briggs in celeberrima Academia Oxoniensi Professor Savilianus.

*Editio secunda aucta per Adrianum Vlacq Goudanum.*

*Goudæ MDCXXVIII.*

Quid vero mutaverit, omiserit, adjunxeritque doctissimus Editor, clariùs ex illius præfatione edisci possit.

Hicce studii maximè intentus D. *Briggs*, quasi hoc unicum ad justam debitamque muneris Professorii dignitatem abundè suffecerit, ad fidem, quam in fine *Arithmetica Logarithmica* dederat, liberandam, se strenuè, quantum ingravescens ætas senilis pateretur, accinxit. Adhuc enim supererat, uti ille fatetur, *Logarithmorum usus nobilissimus & maximè necessarius in doctrina triangulorum Sphæricorum*, quem seorsim, volente Deo, peculiari libro exhibere apud se constituit. Postquam

quam igitur maxima cum accuratione & industria canonem trigonometricum, sive tabulam naturalium sinuum, tangentium, & secantium ad gradus & centesimas graduum in numeris, sese ad quindecim loca extendentibus, composuisset, illi alterum Logarithmicorum sinuum, & tangentium, omissis secantibus, utpote hac ex parte non magni usus, canonem, pari locorum numero constantem, adtexuit, præmissa de constructione eorundem canonum Dissertatione, in varia capita, ordine & methodo, juxta Mathematicæ demonstrationis leges, congruis, distincta: ad alteram partem propo-  
 siti operis de usu & praxi, qua canon iste in resolvendis triangulis, præsertim sphaericis, adhiberi possit, absolvendam processurus. Sed jam cum septuagesimum ætatis annum attigisset, fractis & de subito concidentibus viribus, quas hætenus sapienti cura, temperantia, & robusta corporis constitutione & crasi, coelebs sustentaverat, sentiens ultimum vitæ terminum non procul abesse, imò & propemodum instare, egit cum Viro clarissimo & doctissimo, D. *Henrico Gellibrando*, Astronomiæ in Collegio *Greshamensi* Professore, inter quos ex morum & studiorum similitudine arctissima per multos annos intercesserat necessitudo, ut in se prius suscepta in publicam lucem edendi schedas de hoc nobilissimo argumento ab ipso elaboratas, quas reverendissimis, illustrissimis, & clarissimis Dominis, Professorum Savilianorum in Academia *Oxonienſi* Electoribus, in perpetuum illius observantiæ ~~perpetuorum~~ inscribendas obnixè rogabat, cura; ille, qui optimè potuit, quod intactum, appropinquante morte impeditus, esset relicturus supplere & perficere vellet. Hujus autem precibus æquissimisque postulationibus, ex sensu religionis, & amoris, pariter ac ex reverentia erga moribundum Amicum, quem *seculi hujus Mathematici planè stuporem* merito jure nuncupat, facili morem gerens D. *Gellibrandus*, suis partibus omni debita cum fide & sedulitate post paucos annos functus est, præclarissimumque istum librum, sub magnifico *Trigonometria Britannica* titulo, *Gouda* MDCXXXIII. à Viro clarissimo, & in hisce studiis exercitatissimo, D. *Adriano Vlacco*, communi utriusque Amico, qui, pauculis quibusdam, sive detractis, sive mutatis, paucula etiam, prout licebat, subinde inferuerat, edendum curavit. Immortale hoc obstupeſcendi ingenii, subtilissimæ solertiæ, indefessæque industriæ monumentum, *Brigiani* nominis famam & celebritatem in omne ævum, quamdiu

honor Scientiis Mathematicis salvus erit, sic enim spondere ausim, propagabit.

Rebus ita compositis, *Briggius* placidissimis sanctisque moribus polens, nemini molestus, omnibus accessu facilis, omni arrogantia, fastu, morositate, invidia, ambitione, avaritiâ vacuus, opum contemptor, sorte sua felix beatusque, utpote qui tranquillitatem animi in umbris Academicis & Museo captavit, & invenit, tandem cum ab adolescentia ad provectam senilem ætatem, continenti studio parumque intermissa industria disciplinis Mathematicis, in Patriæ, Reipublicæ literariæ, universique generis humani commodum, promovendis se totum applicuisset, vitalibus spiritibus penitus exhaustis, animam placidè & piè efflavit, in ædiculis suis *Mertonensibus*, quas per undecim annos tenuerat, obdormivitque in Christo vicesimo sexto die Januarii, die Mercurii, paulò post horam octavam matutinam, uti in Ephemeride eujusdam Viri doctissimi nimium curiosè annotatum reperi, A. MDCXXX. juxta computum *Anglicanum*. D. Vicecancellarius Academiæ, Præfecti Collegiorum & Aularum, reliquique Doctores, affectum & observantiam, quibus illum, dum in vivis esset, prosecuti fuerint, jam mortuo etiam deberi præsentia sua testaturi, triduo post solennibus exequiis confertim interfuere; quo tempore viri clarissimi, *Guilielmus Sellarus*, & *Hugo Cressæus*, *Mertonensis* Collegii Socii, ille in concione sacra, hic in oratione funebri, in facello, ubi corpus erat conditum, ibidem habitis, in meritis defuncti laudibus celebrandis perorarunt.

Quanti verò D. *Briggium*, tum ob eminentissimas virtutes, summamque eruditionem, tum ob diuturnum, eumque suavissimum, magni honoris & beneficii loco habendum, apud ipsos conceitum, cum alibi in Academia morari pro libitu integrum fuisset, fecerint *Mertonenses*, ex hoc insigni elogio, quod rogatu meo ex Registro Collegii, exscribendum curavit Vir doctissimus, D. *Joannes Baerman*, Collegii Medicorum *Landinensium* jam, uti olim *Mertonensis* Collegii, Socius dignissimus, abundè constabit.

*Januarii 26. 1630. Obiit apud nos Commensalis Magister Henricus Briggs, Vir quidem moribus ac vita integerrimus, quem in rebus Geometricis, quarum studiis primum Cantabrigiæ in societate Collegii S. Joannis sese à juveniute sua addixerat, deinde publicus Prælector Londini in Collegio Greghamensi multos per annos sustinuerat, omnium sui temporis eruditissimum D. Henricus Savilius, ut primò ex fundatione sua Geometriae, Præfessoris*



foris munere fungeretur, Oxonium evocavit: cujus exequias 29. die proxime sequente, concione habita à Magistro Sellar, & oratione funebri à Magistro Cressly, una cum Primoribus Academia celebravimus.

Defuere superstites Amici, (neque enim illos hac ex parte excusandos arbitror) qui in memoriam illius monumentum marmoreum, debita epigraphe insigniendum, quod curiosorum peregrinantium, pulcherrimum istud & magnificum sacellum invisere solitorum, oculis observaretur, erigere neglexerint. Licet enim nemo tali apud posteros representatione minus indigeret, nemo tamen magis meritis est. Cui elegantissimo Græco Epitaphio, pro ingenti illa, qua erga nomen memoriamque D. Briggii ferebatur, veneratione Vir doctissimus, D. Henricus Jacobinus, Collegii Merionensis Socius, parentavit: quod hic apponam.

## E P I T A P H I U M D. HENRICI BRIGGII,

*Ob Mathesin & pietatem famigerati.*

Βενιγιάδης ζωτὴς γαίης, καὶ σὺνδρομος αἴρει,

Ἐυκλείδην φρονίον, καὶ Πτολεμαίων ἄρχον

Ἢς ἔτι τεχνίβιος (μάλα γὰρ πόλον ἀντοφάνης τις)

Ἦδεν σὺνματρός, φροντίδας ἄσπινος.

Πᾶσι δὲ μοι τέχνης ἄδ, ἰόντι μοῖρῳ θανόντι

Ἀστρονομίῃ ψυχῇ, σῶμα γυμνασίῃ.

Frustra quæsi vi multiplices Prælectiones, Epistolas ad superioris seculi Mathematicos scriptas, aliasque schedas ab ipso elaboratas, quarum maximam partem in tanto amorum, quod ab illius morte decucurrit, intervallo intercidiisse nimium quantum verisimile est: eò magis quidem dolendum, quod quicquid ille dictaverit scripseritque, à solidissimo judicio & à profunda rerum contemplatione profluxisse videatur. Interim pauculas quasdam pretiosas tabulas ex isthoc tristi naufragio salvas subductasque adhuc servari, orbi literato gratulari mearum esse partium duco: duas intelligo longas, & quidem eruditissimas,

epistolas, quas D. Briggs ad celeberrimum Virum, *Christianum Severini Longomontanium* hac occasione scripsit. Hic enim libro suo, cui titulus, *Cyclometria verè ac absolūtè in ipsa natura circuli cum rectilineo inventa*, *Hamburgi* A. MDCXXVII. edito, in *Angliam* ad D. Briggs transmissa, ejus sententiam & judicium de hoc opere, in quo se circuli quadraturam, cujus problematis solvendi ingenia Mathematicorum per mille nongentos annos exercuerat difficultas, invenisse & demonstrasse gloriatur, sollicitè admodum exquisivit. Ne verò Amico roganti imò exigenti, ne Veritati, ne Geometriæ, ne sibi defuisse censeretur, Epistolam primam *Oxonii* Septembre ejusdem anni datam reponens, penè invitus, paratissimus quippe ad illi in omnibus assentiendum, qua non cum ipsa veritate pugnare, & ipsius Geometriæ fundamenta convellere videntur, clarè tamen & candidè in hypothesebus & calculo errores ab illo admisso & paralogismos ostendit. Nemo autem magis instructus & paratus ad istud examen ritè instituendum accedere poterat, utpote qui penè nimia diligentia integrum sinuum canonem, ad centesimas graduum, unà cum tangentibus & secantibus, supputatum, circa annum MDCIV. absolvisset, inventa annis plus minus triginta per trisectionem & quinq̄sesectionem peripheria, qualem numeris determinatis ibi statuit. Post responsorias *Longomontani* literas acceptas, vel librum potius, in secundis pridie Calend. Quintilis A. MDCXXX. scriptis, se aliosque Analystas, uti ille per contemptum quasi appellavit, à criminatione injusta & homine Mathematico indigna, quasi Geometriam, lineas irrationales numeris explicare conantem conspurcassent & inquinassent, impacta acriter vindicans, de eodem argumento fusiùs disseruit: addito, se quidem Geometriam nisi Arithmeticam conjunxeris, penè mortuam existimare: quod sine illa perexiguum præbeat usum, si Mechanica & Architecturam excipias: nec multùm interesse sintne numeri, quibus nimirum, rationales an irrationales, si veritatem aut usum spectemus. Sed sublime D. Briggsii ingenium, undique in his Epistolis emicans, aliqua rudi desolatione ampliùs non deteram, quas integras, cum calculis & schematistimis tandem aliquando, si Deus dederit, in publicam lucem dabo.

Ex quibus, uti & libris editis, nullus dubito, quin omnes harum rerum intelligentes, D. Briggsii inter summos istius seculo Geometriæ Magistros numerari oportere mecum sensuri sint.

*Trigonometria Britannica, sive de doctrina Triangulorum libri duo: Quorum prior continet constructionem Canonis sinuum, tangentium, & secantium, una cum Logarithmis sinuum, & tangentium ad gradus & graduum centesimas, & ad minuta & secunda centesimis respondentia:*

*A clarissimo, doctissimo, integerrimoque Viro D. HENRICO BRIGGIO, Geometria in celeberrima Academia Oxoniensi Professore Savilia, no dignissimo, paulo ante inopinatam ipsius è terris emigrationem composuit.*

*Posterior verò usum sive applicationem Canonis in resolutione triangulorum, tam planorum quam Sphericorum, è Geometricis fundamentis petita, calculo facillimo eximisque compendiis exhibet.*

*Ab HENRICO GELLIBRANDO, Astronomia in Collegio Greshamensi apud Londinensis Professore constructus.*

Goudæ MDCXXXIII.

## MATHEMATUM CULTORIBUS HENRICUS GELLIBRAND

S. D.

Quàm immatura semper & damnoſa Reipublicæ literariæ sit mors eorum, qui immortale aliquid parant, utinam aliunde, quàm ex doctissimi nostri *Briggii* (seculi hujus Mathematici planè stuporis) sentiretur. Ita quidem nec posterì luce hac sua orbari fuissent, neque humeris meis parum validis tantæ molis incubuisset onus, aut tanta in pertexenda hac tela disparilitas deprehensa foret. Quod si Auctori laboriosè anteaquam in Matheſi vitam hoc nobilissimo epilogo cohonestare, si inchoatum hoc opus absolvere contigisset, non defuissent Gratix, quæ monumentum istud auferrent, atque in coelis reponerent: vix quidem in alium omnibus suis numeris tam absolutum cadit opus, quàm in *Alamem* hunc nostrum, virum in Arithmeticis Geometricisque consenscentem. Cui invenire præclare, nervosè proponere, disponere concinnè, adeò feliciter datum fuit, ut de inchoato hoc opere affirmari possit, quod Antiqui de *Veneris* imagine, quam præmatura *Apellis* mors imperfectam reliquerat, neminem, qui secundum perſcripta ab ipſo lineamenta reliquum absol-

veret, inventum fuisse: nedum ut nobis æternitatis penicillum post talem tantumque arrogemus. Deo autem moderatori omnium sapientissimo visum est *Apellem* hunc nostrum septuagenarium, in ipso quasi operis hujus vestibulo, sibi è terris evocare. Cum enim ante annos plus minus triginta, Canonem hunc sinuum, ad quindecim loca per æquationes Algebraicas, & differentias ipsis sinibus proportionales, à primis fundamentis accuratè exstructum absolvisset ac continuis Amicorum efflagitationibus fatigatus, ut Canonis unà cum constructione & usu editionem meditaretur, (quam propter negotia publica, quibus implicatus erat, vix licuit) tandem operi manum ægrè admovens, in ipso, ut obstetricum more dicam, puerperii quasi nisu vitam simul cum libro primo terminavit, ne vestigia quidem fabricæ libri secundi post se relinquens.

Jussu itaque Auctoris jam beati (cui adhuc in vivis nihil justum & æquum denegare religio mihi fuit) hortatu deinde clarissimorum ac Mathemata egregiè callentium Virorum, D. *Christophori Gardineri Halingensis*, Armigeri, D. *Joannis Welleſi Deptsfordiensis*, Armigeri, D. *Joannis Leverii Londinensis*, Generosi, & aliorum, quibus plurimum debeo, ornatissimi denique nec non eruditi viri, D. *Adriani Vlacci*, rogatu, qui suis sumptibus Canonem typis primò mandaverat, permotus, pro modulo ac tenuitate nostra Canonis illustrationem aggressus sum, lineamenta *Neperiana & Briggiana*, quoad potui, secutus.

Lectores exoratos velim, ut hæc nostra, qualiacunque sint, candidè interpretentur, & errata, quæ occurrunt, (Typographo enim transmarino adesse non potui) emendent. Quod si in rebus majoris momenti numerus aliquis Canonicus erroris suspectus sit, poterit per differentiarum differentias non difficulter explorari. Valete. E Collegio *Greshamensi* ante diem tertium Calendas Novembris anno salutis MDCXXXII.

COMMENTARIOLUS

DE

VITA ET STUDIIS

Clarissimi & doctissimi Viri,

D. JOANNIS BAINBRIDGII,

Medicinæ Doctoris, & *Saviliani* Astronomiæ  
Professoris in Academia *Oxonienſi*.

SCRIPTORE

THOMA SMITHO,

*Sacrae Theologiæ Doctore, & Ecclesiæ Anglicanæ  
Presbytero.*

THE  
OFFICE OF THE  
SHERIFF OF THE COUNTY OF  
SHERBORN  
SHERBORN, ENGLAND

# COMMENTARIOLUS

## DE

### VITA ET STUDIIS

## JOANNIS BAINBRIDGII.

**J**OANNES BAINBRIDGIUS probis clarisque parentibus in celebri Provincie *Leicestriensis* oppido, nuncupato *Ashby de la Zouch*, anno Verbi incarnati MDLXXXII. natus, ibique in schola publica *Græcis Latinisque* literis imbutus, *Cambrigiam* mittebatur, auspiciis & cura Cognati sui, D. *Josephi Halli*, postea Episcopi *Norwicensis*, severioribus disciplinis in collegio *Emanuelis* instituendus. De tam bona & præclara indole & ingenio à natura insito, quibus pollebat, omnes, qui illum propius norant, benè quidem ominati sunt, nec illorum aut spem, aut expectationem, aut iudicium frustratus est. Curriculum Dialecticæ & Philosophiæ ingenti cum laude confecto, quamprimum in virum maturefcere incepisset, de peculiari vitæ instituto, quo tum sibi tum aliis prodesse posset, eligendo sollicitus, tandem seria apud se deliberatione habita, genium naturæ secutus, artem Medicam sibi excolendam constituit, in cujus variis partibus discutiendis, non neglectis interim insuperque habitis amœnioris literaturæ studiis, ad scholæ cujuscumque, quam paucis annis tenuit, præfecturam invitatus, sedulam navavit operam, ut gradum titulumque Doctoris in ista facultate, quem postea tempore juxta normam statutorum Academiarum præfinito, cepessivit, absque omni gratiæ aucupio mereretur. Reversus ad propinquos & familiares, artem istam salutarem, quam professus est, apud viros nobiles aliosque circumcirca degentes, tum ob insignem medendi peritiam, tum ob obviam humanitatem, placidissimosque mores, utpote ad opitulandum ægris vel tenuioris fortunæ paratissimus, omni morositate vacuus, & ad quem quavis occasione data cuiquam facillè erat accedendum, ab omnibus tanquam tutelaris genius loci magno in pretio habitus, per multos annos exercuit. Sed cum subsecivas horas sibi in Museo relictas omnino perire veruisset igneus animi vigor, quantum quantulumcunque illud otii esset, in arcanis Scientiarum Mathematicarum, & præsertim Astronomiæ, cujus amore & desiderio ab adulta ju-

ventute flagraverat, rimandis sedulò impendebat. Amicis autem, quibus egregiæ illius animi dotes erant compertissimæ, indignantibus, virtutem magis magisque, crescentibus annis, emicantem, quæ in longè ampliori & patentiori theatro explicari debuerat hætenus nimium diu celatam, & angustis sordibusque ruris oppressam fuisse, illorum consiliis & hortatibus obsecutus, *Londonium*, omnium Artium Scientiarumque emporium, non tam certioris majorisque lucri captandi, quàm studiorum, quæ in deliciis habuit, & amicitia cum viris eruditissimis, tum Medicis, tum Mathematicis, conciliandæ causâ, sese contulit, illic quâliacunque literarum subsidia, sive ea ex libris, sive ex faciliore & copiosiore instrumentorum ad cœlestes observationes accurandas apparatu, petenda sint, nullo negotio reperturus. Mox in ordinem numerumque Sociorum celeberrimi Collegii Medicorum *Landinensium* adscitus est.

Illuxit A. MDCXVIII. in cœlo nova stella ex genere Cometarum, qui, ut plurimum inveterato errore, ex superstitione & ignorantia orto, abreptorum mentibus terrorem metumque incutere solent, quasi essent mortis Principum, aut ejuspiam horrendæ stragis, sive bello, sive peste; sive qualitercunque infligendæ, prænuntii; sic Astronomis & Philosophis amplam & idoneam, tum infinitam omnium rerum Conditoris sapientiam & potentiam contemplandæ & suspiciendi, tum horum mirabilium insolitorumque phænomenon naturam, qualitates, figuras, variosque per vastâ ætheris spatia motus, illorumque periodum & durationem explorandi materiem & argumentum affatim subministrant. Inter hosce egregios Viros, quibus hæc cœlestia maximè curæ erant, jure merito recensendus est *Bainbridgius* noster, qui observandis hujus Cometæ motibus singulis noctibus, quando cœlum serenum permiserit, h. e. à decimo octavo die Novembris ad decimum sextum insequentis Decembris, quo sese ab humanis oculis subduxit, invigilavit: quorum ordinatam seriem accuratè digestam, libelloque *Anglicè* conscripto comprehensam, anno sequente serenissimo Regi *Jacobo*, primo *Britanniæ* Monarchæ, dedicavit.

Quod verò ad Astronomicam hujus Cometæ descriptionem spectat, delineationes istæ juxta Opticæ normam in plano, eclipticam in vicesimo gradu dodecatemorii Libræ tangente, projiciuntur. Linea verò illius proprii motus, magni circuli arcu comprehensi, qui erat retrogradus in antecedentia signorum, eclipticam in decimo quinto gradu & dimidio aut circiter Scorpionis intersectabat; deinde pertransiens



siens Libram, via transversa prope Arctophylacem, usque ad Ursæ majoris caudam, nimirum continenter sursum, Polum Arcticum versus, pauxillula variatione, tendens. Dein, *Bainbridgius* ex perpetua illius declinatione, quibus nostri orbis habitabilis regionibus singulis diebus verticaliter immineret, uti & omnes illius, tam in suo circulo, quam inter sydera inerrantia vias transitusque ostendit. Post vulgari *Aristotelis* ejusque sequacium, quasi omnes Cometæ essent infra Lunam deprimentidi, hypothesei ex regulari & ordinato illorum motu refutata, stellam hanc plusquam sexcentis terræ semidiаметris ab illa distare ex irrefragabili Parallaxeos doctrina demonstrat: ut multa alia, quæ illic occurrunt, curiosa omittam. In hisce verò observationibus conficiendis Geometrica quædam instrumenta, pro modulo istorum temporum satis accurata, sibi in usum adhibuit, qui hac ex parte parum famæ suæ consuluisse visus est, quod observata hæc lingua *Latina* non edidisset; quod postea se in *Cometographia*, quam tunc omni cum diligentia molitus est, (cujus hic libellus erat brevis epitome & synopsis, ut nostratum importunis precibus & curiositati aliquo modo responderet & gratificaretur, in lucem maturius æquo protrusa) facturum animo constituit, veruntamen an Cometicum hoc opus unquam absolveret, nec ne, me penitus latet. Celandum non arbitror, *Bainbridgium* vulgi opinionibus de hisce terrificis apparitionibus ab ultima antiquitate conceptis nimium quantum indulgentem, in calce *Prognostica quadam*, ut appellat, *moralis*, ut Lectores celestium rerum prorsum inanes sapientiores & meliores redderentur, ingeniosè admodum addidisse.

Hac erudita lucubratione *Bainbridgius* non modicam sibi laudem & gratiam apud quosvis nobiles ingenuosque Viros, & præcipuè apud summum Virum, D. *Henricum Savilem*, conciliavit. Hic autem, cum pro flagrantissimo Scientiarum Mathematicarum in *Anglia*, ubi Benefactorum munificentia & patrocinio destitutæ per tempore penè neglectæ & incultæ jacebant, promovendarum amore incensus, isthoc anno duas Lecturas in Disciplinis Mathematicis, quarum altera erat Geometriæ, Astronomiæ altera, in Academia *Oxoniensi*, amplis latifundiis in perpetuum duorum Professorum usum & emolumentum, juxta municipalis nostri formulas transcriptis, mense Augusto MDCXIX. fundasset, quanti *Bainbridgii* doctrinam fecerit, illustri documento testatus est, utpote dignissimum censens, cui publica ista Astronomiæ Professus primò demandaretur. Honorificum hoc munus, omni cum læ-

titia amplexus est *Bainbridgius* : & eò quidem lubentiùs, tum quod sine ambitu & prensatione oblatum esset, tum quod in isto amœnissimo Musarum secessu procul ab omni strepitu & tumultu, & à negotiosæ vitæ molestiis, in urbe populosissimâ vix fugiendis, liber, severiori rerum cœlestium contemplationi se totum foret impensurus. Relicta igitur Urbe, *Oxonium* profectus est, A. MDCXX. in nova sua Professione inaugurandus, ibique in Collegio *Mertonensi*, cujus dignissimus erat *Custos* (sic enim Præfectus nuncupatur) illustris *Savilius*, in quo præclarissimi Astronomi, *Richardus de Wellingsford*, *Joannes Manduis*, *Rogerus Suicer*, quem alii appellant *Swineshead*, *Joannes de Killingworth*, *Joannes de Eshendon*, *Joannes de Chilmark*, alique, suorum temporum miracula, superioribus seculis vixere, recipitur, facta per multos annos, usque dum laxiores aëdes vicinas, majoris commoditatis causa conduxisset. Postea (a) A. MDCXXXI. in juniorem, & A. MDCXXXV. seniore[m] Prælectorem *Linacriani* in isthoc Collegio electus est.

Hoc autem nobile & felix otium nactus, dum de sparta ornanda seriò cogitaret, veterum *Græcorum* Astronomiam, ex illorum scriptis, aut ineditis in lucem producendis, aut editis, ex manuscriptis codicibus collatis, novo & defæcatori lumine donandis, eruendam, redintegrare, non minimam sui muneris partem duxit, Fundatoris consiliis & statutis hac ex parte libentissimè morem gerens, *Savilius* enim cùm pro sapientia sua optimè perspectum habuisset, sideralem hanc Scientiam non meliùs, ut cum venia dicam, ad suam apsidem pervenire posse, quàm si præclarissimis illustrium Virorum, *Georgii Purbachii*, *Joannis Mulleri Regiomontani*, *Nicolai Copernici*, *Erasmi Reinholdi*, & *Tychonis Brahe*, (quibus heroibus illa, spississima antecedentium barbarorum seculorum caligine sepulta, suam

&amp;c

(a) E. Registro Collegii Mertonensis. Ad A. 1643. In superiore[m] Linacrianam Lecturam, vacantem ob mortem clarissimi doctissimiq[ue] Viri D. Bainbridge, M. D. & in Academia Oxoniensi Astronomiæ Professoris, qui paulò ante cum summo omnium eruditorum desiderio & lætitiâ à vivis excesserat, electus est Doctor Greaves à Collegio omnium Animarum. Sciat Lector, insignissimum & doctissimum Virum, D. Thomam Linacrum, olim regnante R. Henrico Octavo, cujus fuerat Medicus, duas in Facultate Medicinæ Lecturas in Academia Oxoniensi, jam Collegio Mertonensi assignatas, unamq[ue] in Academia Cantabrigiensi, jam Collegio S. Joannis Evangelistæ affixam, prædiis in Professorum emolumentum ex jure transcriptis, fundasse & instituisse.

& instaurationem debet) antiquissimorum, quos *Aegyptus, Chaldaea, & Græcia* olim produxerint, divinæ Matheseos Magistrorum primæ explorationes conatusque felicissimi adderentur, *Græcos* codices optimæ notæ manuscriptos, quos, *Germania, Italia, & Gallia* peragratīs, magnis sumptibus & diligenti investigatione comparaverat, in Museo in omne ævum asservari curavit, ut illorum scita, placita, observationes, & hypotheses felicius certiusque inde possent exhauriri. Hoc igitur auctoramento & præsidio munitus, (munificus enim Patronus adhuc erat in vivis) horumque codicum manu exaratorum copio & subsidio instructus; quo facilius in *Ptolemæi μαγνὰν σύνταξιν*, quam explicandam susceperat, pateret aditus, *Procli Sphæram*, in qua primæ Astronomiæ, quatenus nimirum ad doctrinam Sphæricam refertur, elementa clariùs & luculentius explicantur, *Græce* cum sua *Latina* versione hoc ipso anno *Londini* edi voluit, Lectorem monens hanc *Introductionem*, sub *Procli* nomine editam, Gemino, peritissimo tum Geometrarum tum Astronomo, potiori jure adscribendam esse, utpote ex illius in *ἑκείνην* *Isagoge* totam absque aliqua variatione à *Proclo* exscriptam. Accessere (a) *Ptolemæi μαγνὰν σύνταξιν*, sive de hypothesibus Planetarum, liber nunc primùm in lucem editus, illic, ut in priori, figurarum delineationibus insertis, & ejusdem *Ptolemæi κατὰ Βασίλειον*, sive *Canon regnorum*. Sed fortean longè præstat, in majorem eruditi Lectoris utilitatem, integram Auctoris Præfationem, in qua de ratione hujus editionis eruditè differitur, hîc exhibere.

## LECTORI CANDIDO

ἰνυαίται.

*Duas in Artibus Mathematicis professiones liberalibus stipendiis instituisse, non magni estimavi magnificus & prudentissimus noster Mæcenas,*  
Gg 3 *nisi*

(a) *Joannes Gravins* in præfatione ad Astronomica quædam ex traditione *Shah Cholgi Persæ*, unâ cum hypothesibus Planetarum, *Londini 1652.* loquens de *Ptolemæo* jam senes:

*Qui postquam μαγνὰν σύνταξιν feliciter absolvisset, sive memoria sua sullevanda gratia, sive ut tyrannis prodesset, huic etiam ἰνυαίται tanquam coronidem adjunxit. Sed alta nocte jacebans involuta, vix ipsi Græcis nedum Latinis, cognita, donec clarissimus Joannes Bainbridgius eas non ita pridem à senobris suisque vindicavit.*

nisi antiquos etiam, eosque optimos, *Matheſeos Magiſtros* in *Cathedras* ſuas, unde prioris ſeculi barbarie, huiusque faſtu, turpiſſimè deturbati ſunt, reſtitueret: comparatis in hunc ſinem variis *Antiquorum exemplaribus* Græcis manuſcriptis. Ad quorum regulam & normam *Euclidem* τριτάτου δι' αὐτοῦ Ψύχου, fecit facietque doctiſſimus meus *Collega*, *H. Briggsius*. Eorundem etiam radiis *Ptolemæus* à me tandem ſpero, illuſtrabitur. At cum diſſiſilis admodum & obſcurus ſit, in *Magnam* illam *Syntaxin* aditus, hanc duplicem ἱερωτάτην faculas præferemem, præmiſſere placuit. Alteram titulo quidem *Procli*, jure tamen *Gemini*, *Geometria* & *Aſtronomi nobiliſſimi*, ex cujus in *Περὶ ἡμετέρας Ἱſtaſεως* eam totam & ad verbum λογίſſατος excerptis *Proclus*; Alteram *Ptolemæi* & nomen præferentem, & ingenium geniumque referentem, *Sphæram* longo uſu, aut potius neglectu, mutilatam & diſtortam, duobus *Gemini* codicibus *MSS.* uſus, jam integram & accuratè ſphæricam exhibeo: locis reſtituiſis, parentheſeos clauſura in Græco textu indicatis: nam reſtaſſus à me in ipſo *Gemino* nonnullas à nobis, emendatas libens prætereo, inanem illam gloria umbram Criticis captandam relinquens. Ad *Hypotheſes*, reconditiſſimas *Aſtronomiæ* theſas, venio, quas, annos ſerè *M. D.* à ſortu viduæ ætatis, ex eodem tandem *Matheſeos ſacrario* felici quodam aſtro deſumptas, in lucem meliorem primus profero: & quanto labore, quanta cura eas reſturgari! Ex tribus enim exemplaribus *MSS.* ne unum quidem integrum aut incorruptum fuit, omnibus ſimiliter inquinatis, eademque ſerè conſpurcatis labe. Multas lacunas, parentheſi incluſas, explevi. Omnes periodos & epochas ad *Magna Syntaxis* leges & numeros, analyſi non ita facili, reſtexi, plurimaſque viciatas reſtitui.

In latitudinem verò hypotheſibus nihil mutare volui: hic enim *Ptolemæus* prudens, ſi quid iudicio, ab illis in *Syntaxi* conſtitutis deſciſciſ, aliasque faciles, expeditas, longèque veriores candide proponit. His tandem adiunxiſſimus antæcum illum, ex pulcherrimo *Karini* περὶ ἡμετέρας volumine *MS.* deſumptum, *Regnorum Canonem*, in motibus cœleſtibus ad antiqua illa ſecula ſupputandis, ut *χρονολογίαν* prætereo, pernecceſſarium: quo ad *Antonini Pii* regnum uſus eſt ipſe *Ptolemæus*. Reliquum à *Theone*, *Ptolemæi* interprete, additum fuiſſe mihi valde perſuadeo. *Tralationem Sphære* & *Hypotheſium* Latinam feci planam, & plenam, atque, ut *Aſtronomi*cè loquar, diſtinctam. *Figuras* denique ubique deſideratas appoſui eas, quæ res ipſas clariſſimè ante oculos ponerent. Qui hæc carpit mordeſque, μωμώματα τῶν ἡμετέρων ἢ μωμώματα. Tu, *Lector benevole*, conatus meos aequi bonique conſule, &

annos

annos Nestores nostro Matheseosque Mecænatæ optimo excepta felicissimos.

Hunc sanè Canonem cum D. Abrahamus Scultetus, Londini agens A. MDCXIII. à viro summo, D. Joanne Overallo, Decano Ecclesiæ Cathedralis S. Pauli, acceptum, mox post reditum in Germaniam Sebo Calvisio, alteram Operis Chronologici editionem adornanti communicavit. Hic verò illum pro admirabili mentis in instauranda Chronologia post Josephum Scaligerum solertia, præcipuè subsidio celestium characterum, & civilium annorum cum annis astronomicis in singulis Epochis comparatione, rectè nec quisquam isthoc ævo melius potuit, omni auro pretiosiores esse judicans, in Isagoge præmissa, primus edendum curavit.

Sed, ut de hoc *Mathematico Canone* pauca; à te præcipi, dicam:

Hunc sanè summi Chronologi antecedentis seculi, præter Calvisium, maximo in pretio habuerunt, quem, ut certissimam normam & ducem in Regum Assyriorum Persarumque gellis & annis, spinosis perplexitatibus aliàs involutis, statuendis secuti sunt, & cujus ultimum utraque Historia, tum quæ in sacris Scripturis, tum quæ in ultimæ antiquitatis Scriptoribus, Herodoto, Ctesia, Diodoro Siculo, aliisque existat, facili methodo rectoque ordine simul connectitur: utpote qui seriem & successionem annorum Regum, ut dixi, *Babylioniorum, Medorum, Persarum, Græcorumque in Ægypto*, & deinde *Romanorum*, ad Theodosii Magni obitum productus, exhibet & repræsentat. Non à veritate aberrabo, si dixerò, vix quicquam simile tabulis reconditis, quod illustrandis temporibus antiquissimis magis conducatur, hæctenus erutum fuisse. Nemo enim prudens celeberrimam Nabonassaræ æram, à qua eclipsium, quas memorat, recensioem & calculum iniit Ptolemaus, hujus ipsissimi canonis, quem, ut verisimillimum est, præ oculis indefinenter habuit, fide frētus in dubium vocaverit. Si qui errores, & quidem paucissimi, in numerorum, literis Alphabeti signatorum, adnotatione, sive in hunc aureum Canonem, sive apud Ptolemaum irrepperint, id neutrius auctoritati ullatenus detrahi oportet, cum in reliquis ferè omnibus mira sit connexio & convenientia. Frustra ergo ex pauculo dissenso fidem canonis convellere videtur D. (a) *Comringius*. Sed hæc disquisitio non est hujus loci; alii, qui Chronologiam ex professo tractant, viderint. Interim non possum, quin candorem in Viro doctissimo desiderem, qui ad-

(a) In Adversariis Chronologicis cap. XII.

adversus D. *Bainbridgium*, hujus Canonis continuationem *Theoni Alexandrino* adscribentem, distatoriè nimis, pronuntiat, eò quod illic *Julianus* Imperator *Παγεβάρης* nuncupatus sit, quod homini pagano, qualis erat *Theon*, excidere posse parum verisimile videretur. Sed certissimè constat, illum in τῶν πρὸς τὴν Κωνσταντίνου libros, uti & postea Imperatorem *Heraclium*, ubi istud quantivis pretiè cimetium occurrit, sicut etiam in *Ptolemai τῶν μεγάλων Σύνταξι*, commentarios scripsisse; & par est credere, ab aliquo Christiano, canonem sequiori seculo exscribente, cognomentum illud, quo tanquam nigro stigmate ab omni Christiano populo communissimè sermone inurebatur, ex veteri adversus Apostatam odio in suo exemplari additum fuisse. Eandem, quam primò iniiit, viam insistens *Bainbridgins*, de edendis veterum Astronomorum scriptis fragmentisque genuinis, & præsertim de auro *Hipparchi* *πρὸς μνηστῆς ἱναυρίῳ*, sive de anni solaris quantitatè libello maximè erat sollicitus: de quo reverendissimum virum, D. *Jacobum Usserium*, Archiepiscopum *Armachanum*, quocum illi arctissima intercesserant necessitudo (a) consuluit, ut ipsius ope è Bibliothecis, aut *Scorialensibus*, aut *Vaticanis*, in quarum utrisque exstabat apographum, quod doctissimi Viri, *Dionysii Petavii*, S. J. in *Uranologio* suo diligentiam fugerat, inde in *Angliam* transmitteretur. Sed nec illi neque (b) Viro præstantissimo, *Joanni Gravio*, quem postea ejusdem nanciscendi par desiderium tenuerat, contigit esse tam felicibus. Hoc tamen mihi constat, illum, *Historiam Astronomicam*, in qua, ut ipsius verbis utar, nonnullas antiquæ Astronomiæ reliquias, tanquam ex naufragio tabulas, collegerat, composuisse; ultra gravissimè dolentem, antiqua illa Astronomiæ monumenta, (quæ nimirum à *Ptolemao* memorantur) non sine maximo hujus Scientiæ damno aut periisse, aut Bibliothecarum quarundam quasi carcerum vinculis & tenebris damnatas esse. Sed vereor, ne præclarum hoc opus idem quoque triste fatum subierit: saltem, ubi thesaurus iste literarius adhuc delitescat, frustrà quæsiui.

Verùm intra hosce angustos Astronomiæ literaturæ apud *Græcos* servatæ limites non se stitit *Bainbridgii* improbus labor. Cùm enim multos *Arabum*, qui hæc studia, potissimum sub *Almamonis* præsidio & auspiciis, mirabili industria coluerant, æmulorumque *Persarum* libros MSS. de hac sublimi Scientia conscriptos, tabulasque de moribus Solis & Lunæ, de longitudinibus & latitudinibus sive inerrantium

stella-

(a) V. Epistolam CXXV. ad *Usserium* in Sylloge pag. 390.

(b) V. Epist. *Gravii* CCXI. pag. 509.

Stellarum, sive civitatum in orbe terrarum, quâ Oriens, quâ Occidens longè latèque ipsis patebat, longè ante *Americam* audacibus *Hispanorum* navigationibus periculissimè detectam, maximè celeberrimè, vidisset, tanto ardore, quid in Canonibus Observatores adnotaverint, (nam tabulas frequenti inspectione & usu accuratè intellexisse videtur) penitus explorandi inflammatus, quadragenario major, linguæ *Arabice* addiscendæ operam impendit, nulla difficultate objecta absterendus. Sed hæc fuisse videtur peculiaris laurea præstantissimi Viri, D. *Joannis Grauii*, qui tunc temporis in numerum Sociorum Collegii *Mertonensis*, sive consilii, sive exemplo *Bainbridgii* incitatus, Scientiarum Mathematicarum studio accuratissimam linguarum *Orientalium* cognitionem ab ipsa juventute summa industria conjunxit. Utcunque res ista à *Bainbridgio* sapienter suscepta, non adeo feliciter ceciderit, non possum, quin illius tentamina debitis elogiis commendem, qui rectè judicabat, neminem, licet *Arabice* benè peritum, interim rerum istarum non satis intelligentem, boni, cui fidendum est, Interpretis munere defungi posse: nec evitandum, quin multos, eosque crassos, errores in versionibus subinde sint admitturi. Ideo suis oculis non aliorum videre impendio cupiebat, ut *Zorabii Mathematicorum*, quam tunc instituebat, *observatis Arabum*, uti loquitur, *sicquam tot pretiosis lapillis ex Arabia felici erutis adornatam* locupletaret. In quo opere facilem istam expeditamque, quam se exco-gitaturum in literis ad D. *Usserium* dicit, calculandi eclipses methodum, uti par est credere, reposuit.

Quò verò cælestes istæ observationes, quibus oculorum mentisque aciem assidue intendeat, certiores accuratioresque fierent, instrumenta, sive ex ære, sive ex buxo conficienda, magni ambitus & minutissimarum divisionum capacia, quorum usum necessarium fore quotidiana experientia edocebatur, fabricare in animo habuit. Sed cum sumptus in iis accurandis impendendi privatum ipsius censum superaverint, suppetiis & ope Magnatum, quod non sine luctu & indignatione memorandum arbitror, post mortem Patroni, destitueretur, instrumentis, quæ absque rei domesticæ detrimento & jactura sibi comparare licuit, neutiquam tamen inde imminuta diligentia, aut sub istis angustiis fatigante, contentus esse adigebatur.

Mirari subit, quibus de causis, ab istis lucubrationibus, quas apud se habuit, in lucem producendis, tempore Professionis Astronomicæ, per viginti quatuor annos continuato, prorsus abstinuisset: nec in illas

H h

curio-

curiosius inquiram. Frustrà & injustissimè rigidi censores, si qui sint, hanc omissionem desidii imputabunt, neutiquamque crimini vertere ea de causa debent: cùm indefessæ industriæ tot luculentos in Academia *Oxonienſis* habuerit testes: nec opus erit aliqua excusatione aut apologia, postquam varia illius scripta ad illustrandam Astronomiæ Scientiam spectantia, quæ adhuc supersunt, ab illo relicta, statim in indicem retulero.

Emigravit, & placida quidem morte, Vir optimus & doctissimus, ex rerum cœlestium in terris contemplatione ad cœlos ipsos, ut sperari fas est, propius & penitus inspicandos, in ædibus suis *Oxonii* tertio die Novembris, hora sexta matutina A. MDCXLIII. ætatis verò LXII. Mox solennes exequias, tanto verò debitas, peregit Academia *Oxonienſis*, funere omni cum decora pompa elato. In Schola Theologica, quò corpus erat paulò antè clam deportatum, Vir florentissimi ingenii, D. *Guilielmus Sirodus*, publicus Orator, post-miduum viz. 6<sup>to</sup> die ejusdem mensis, præsentibus Vicecancellario, Professoribus, reliquis omnium Facultatum Doctoribus, cōsuetissimæque Magistrorum corona, in laudem defuncti elegantissimè peroravit. Inde longo ordine bini post saphirilam incedebant ad Collegii *Mertonensis* sacellum, in quo, post sacrum officium, juxta Liturgiæ Anglicanæ formulam, præstitum, propè conjunctissimi sui Collegæ, D. *Henrici Briggii*, tumultum, maximo cùm honore & luctu deponebatut. Non longè post elegans monumentum erigendum curarunt Amici superstites, hac Epigraphæ insignitum:

*Si cupias Viator, quis & quantus, hic jacet,*

*Alibi queras, oportet, dicere suis nequeo:*

*Britannia tota Viri famam non capit.*

*Ne cætera tamen ignôres, in rem tuam pauca hec accipe.*

JOANNES BAINBRIDGIUS,

*Vir fane integerrime, & doctrina incomparabilis,*

*Medicinæ Professor & Matheseos,*

*Morborum tam felix expugnator moruorum,*

*Quam sagax indagator siderum:*

*Quem primum Astronomiæ Professore,*

*Et dignum Collegam,*

*In Mathematicis Prælecturis, quas magnifice crexerat,*

*Præ-*



*Prudens hominum & librorum estimator elegit,  
Savilius :*

*Quem Cantabrigiæ educatum,  
Academia Oxoniensis fovit, ut suum,  
Defunctum publicè deservit, ut par utriusque ornamentum :*

*Qui Scaligerum feliciter correxit,*

*Quam Scaliger*

*Tempora :*

*In non levem literarum jacturam immanis obiit,*

*MDCXLIII.*

*Ati jam, caetera quare vel ab Exteris.*

An Epitaphium hoc D. J. Gravins ejus in Astronomiæ Cathedra Successor, amicitiae, observantiae honorisque testandi causa, quod aliqui asserunt, composuerit, mihi saltem non liquet. Sequens verò ex ipso Gravii autographo, ex illius schedis propria manu conscriptis, in quibus multa ejusmodi commiscuit, olim exscripti, quod hic meritò apponendum, tum in Bainbridgii honorem, tum in Lectoris gratiam, nec forsitan temerè quidem, censeo.

*Quod superest*

*Clavissimi Viri,*

D. JOANNIS BAINBRIDGE,

*In Academia Oxoniensi*

*Publici Astronomia Professoris,*

*Sub hoc marmore clauditur.*

*Quod verò amavimus,*

*Quod suspeximus,*

*Quod moesti desideramus,*

*Frustra hic queras :*

*Illud cælo, cui vivus animo*

*Cogitationeque incubuit,*

*Receptum est.*

*Obiit. A. D. CIO. GIO. XLIII.*

*IX.bris III. ætatis suæ LXII.*

*Hora sexta matutina.*

V. Cl. *Joannes Gravins* commentarios *Bainbridgii de anno Caniculari*, h. e. de *Aegyptiorum* anno naturali, à Caniculæ ortu heliaco incipiente, suâ ac impulsu reverendissimi Archiepiscopi *Armachani* conscriptos, A. D. MDCXLVIII. *Oxonii* edidit: in quibus etiam de diebus canicularibus, ortuque istius splendidissimæ stellæ, & de periodo *Sothiaca*, non sine varia amœnioris literaturæ ex *Græcis Latinisque* veteribus Auctoribus, quorum sententias exponit & castigat, admixtione, agitur. Hos verò *Bainbridgius*, sive turbatissimis illis, flagrante rebellionē Parliamentaria, rebus impeditus, sive mōte in ipsis viridis senectæ initiis præreptus, imperfectos reliquit, ad istius stellæ ortus heliaci demonstrationem, *quod unicum erat*, uti *Gravins* loquitur, *istius Diatribe columen*, neutiquam progressus. Præcipuam autem illam partem apodicticam maximè desideratam pro parallelo inferioris *Aegypti*, rogatu ejusdem reverendissimi Antistitis, eruditissimis de obliquitate Zodiaci, de longitudinibus & latitudinibus, uti & ascensione recta & declinatione stellarum observationibus, ex Astronomiorum *Arabum, Persarum, Indorum, Græcorumque* scriptis, insertis, adjecit supplevitque *Gravins*.

Ab isthoc tempore nullum aliud *Bainbridgii* opusculum hætenus in lucem exiit. Sanè proximo post mortem illius anno, aliæ Dissertationes, Vice-Cancellarii *Oxonienfis* permissu & approbatione, prelo paratæ & mandatæ erant: sed multiplex iste industriæ ingenique *Bainbridgiani* scetus in primis nixibus inauspicatissimè quasi suffocatus, nondum benignam *Lucinam* expertus est. Harum titulos hic dabo:

*Antiprognosticon, in quo parvus Astrologica, celestium domorum, & triplicitatum commentis, magnisque Saturni & Jovis (cujusmodi anno 1623 & 1643. conigerunt, & vicesimo ferè quoque deinceps anno, raris natura legibus, recurrent) conjunctionibus innixa, vanitas breviter detegitur.*

*De Meridianorum suo longitudinum differentiis inveniendis Dissertatio.*

*De stella Veneris Diatriba.*

*Accessit & in funere ejus à D. Gulielmo Strodo, Academiæ Oxoniensis, Oratore publico, brevis Oratio habita.*

Cùm verò eruditæ hæc lucubrationes mihi in manus felicissimo casu inciderint, ne penitus interirent, quantum in me erit, & si per Bibliopolarum avaritiam liceat, tandem aliquando curabo.

Spe-

Specimen cœlestium observationum, quas Oxoni fecerat Bainbridgii, intueri est apud V. Cl. *Ismaelem Bullialdum* in *Astronomiæ Philosophicæ* \* libro XII. pag. 467. ubi exstant.

Sed quantula hæc sunt, si cum reliquis ineditis, quæ inter D. *Usserianum Armachani*, cuius fidei & curæ olim ex legato, mi fallor, Auctoris testamentario commissa erant, MSS. codices, in Archivis Bibliothecæ Collegii S. Trinitatis *Dublin.* hodie supersunt, conferantur: cuiusmodi sunt, (neque omnes illius lucubrationes illic reperiendas recensere lubet)

*Solis Theoria.*

*Lunæ Theoria.*

*De anni quantitate.*

*Observationes Astronomicæ. 2 Vol.*

*Miscellaneorum Mathematicorum novem aut decem Volumina.*

Operæ pretium & magni usus foret, si quispiam ex *Hibernis Mathematicis*, quibus facilis est horum librorum copia, si quid eximium & bonæ frugis, quod huic cœlesti Scientiæ illustrandæ conducatur, inibi exstet, de quo dubitare nefas merito censetur, inde excerptum digestumque cum orbe literario communicare vellet. Licet enim nemo, nisi harum rerum imperitissimus, diffitebitur, quamplurima nova & prorsus admiranda *Urania* arcana, per sexaginta subsequentes annos, sagacissima mente, ingenio, & industria præclarissimorum Virorum, *Gassendi, Hevelii, Riccioli, Bullialdi, Cassini*, nostratium *Wardi, Hookii, Flamsteedii, Halley*, aliorumque detecta fuisse, quæ illum latebant, tamen quid Astronomi tempore priores observaverint, quibusque mediis, ratione, & methodo fideiis hæc Scientia ad culmen assurrexerit, ex illorum scriptis deducere, id quidem non soli studiosorum voluptati, sed commodo inservire possit: ansa ex illorum imperfectis notitiis, conjecturis, & suggestionibus, plura, quibus non aliter venisse in mentem, inveniendi & excogitandi inde arripienda.

Post hæc referre penè piget, *Bainbridgium*, ut ex epistola ad R. *Jacobum I.* dedicatoria, supra memorata, liquet, *Monarchia Britannia historiam, panegyricam, & propheticam*, verba ejus sunt, *descriptionem*, tribus columnis distinctam, aggressum fuisse, eo fine, ut ex illa auspiciatissima regnorum *Angliæ & Scotiæ* sub uno eodemque Mo-

natam, & ad hunc finem, ut universos subditos æternæ, uti sperari fas erat, felicitatis, immo salutis, tum ad piissimum, sanctissimæ & maxime misericordis Numinis, cujus benignissima providentia id effectum erat, pervenirent, tum ad hoc, ut Regi communi debitam, mercedemque inter se conferant, immo illam omnes æquum servandam, hincbæ cum animi affectu innotaret, & si diu sub hanc vincula liba, & celsus, argumentum, si quis alius, prædigeret, non minus esset, adhuc dum desideratur, nec unquam posita, quod si jam, sive ab ipso derelicta, sive suppressa, comparuit.

Pauca hæc in memoriam D. Bainbridgii in hoc brevi commentario, lo, ex justo eruditionis virtutumque illius sensu, tumultuaria quasi opera, collegi, ne qualis quantusque fuerit, seros in sæculis nepetes lateat, ne dicani in vindicias illius famæ, quanti, licet in re levicula, læsit mendacissima quorundam obtestatio, quasi in prælectione habita contra Grammaticæ Syntaxeos regulas ex ignorantia semel peccasset, quàm, utpote scemina absurdum, ridiculumque, & quod serio refutetur, prorsus indignum, penitus omissem, nisi insignis quidam fannio in nupero libello Epigramma istud infictum, rhythmis *Anglicanis* olim conscribillatum, ad captandum puerorum plausum, irrisorium, planè in modum inferuisset. Persuadissimum autem habeo, nec dubito, quin omnes æqui rerum arbitri mecum hac ex parte consensuri sint, Bainbridgium, tam ob Scientiarum Mathematicarum amœniorum, quæ literarum, studium, & peritiam, quàm ob pietatem suavissimosque mores, quibus, dum vixit, omnium bonorum amorem & gratiam sibi in hunc conceperat, inter magnos sæculi proxime elapsi viros perennibus clogiis celebrari, prout meritus est, debere.

*Clarissimi ac doctissimi Viri,*

JOANNIS GRAVII,

Olim Astronomiæ in Academia Oxoniensi Pro-  
fessoris Saviliani,

V I T A:

I N Q U A

De illius Studiis, Itineribus in *Italiam*, ad *Constanti-*  
*nopolim*, & in *Aegyptum* susceptis,

E T

Libris editis ineditisque, fusè differitur.

Scriptore

T H O M A S M I T H O,

*S. Theologiæ Doctore & Ecclesiæ Anglicanæ  
Presbytero.*



## V I T A

Clarissimi &amp; doctissimi Viri ,

## JOANNIS GRAVII,

Astronomiæ apud Oxonienses Professoris  
Saviliani.

JOANNES GRAVIUS in lucem editus erat *Colmore* propè *Alresfordam*, oppidum non incelebre, in Provincia *Hantonensi*, anno hujus seculi secundo, sapientissimæ & gloriosissimæ Reginæ *Elisabethæ* emortuali. Patrem habuit *Joannem Gravium*, istius Ecclesiæ Rectorem, mascula prole perquam felicem. Vidit enim admodum provectæ ætatis senex quatuor filios, quorum natu maximus *Joannes* noster, pati industria & honesta æmulatione ad literarum studia in adolescentia contententes, jam adultos viros factos, famæ longè latèque propagandæ & opimioris fortunæ, si summis virtutibus & doctrinæ debita constarent præmia honorque, quam ille angustis viculi limitibus circumscriptus, privata licèt forte sua contentus, obtinuisset, fundamenta jecisse. Ille verò, sive insito liberorum amore, sive benè merendi de Viris generosioris prosapiæ aliisque, qui in vicinia habitarent, studio incitatus, erudiendæ juventutis in se citra sacræ functionis præjudicium laudabilem curam suscepit: quali autem peritiam quantaque diligentia professionem suam exercuerit, felicissimi, quos filii præsertim postea fecissent, progressus luculenter satis in omne ævum testabuntur. *Joannes* Græcis Latinisque literis probè instructus, decimoquinto ætatis anno, mittitur *Oxonium*, gravioribus Philosophiæ disciplinis instituendus. Non eguit consiliis & hortatibus parentis aut amicorum, ut vitæ Academicæ institutum seriò persequeretur; quippe bonam mentem, contra desidiæ & luxum, lubricæ adolescentiæ pestes, satis obfirmatam, acce ingenium, maturumque, quantum ista fert ætas, judi-

1621.

dicium, secum illac attulit, ab isthoc studio, quod ingressus est, nullis objectis aut voluptatibus aut impedimentis, dimovendus, donec optatam metam attigisset. Pro more (neque enim præcocius ingeniis quicquam hac ex parte indulget Academia) quadriennio exacto, Baccalaureatum in artibus adeptus est; deinde Magistri gradu & titulo post tres annos insigniendus: nisi quippiam magni momenti, & ex quo futuræ vitæ felicitas penderet, ex insperato intervenisset. Cùm enim expletum istud tempus instaret, nempe anno 1624. accidebat, ut Custos & Socii magnifici Collegii *Mertonensis* jam de novis Sociis in defunctorum aut honestis de caulis cedentium vicem substituendis apud se deliberarent. Hoc prudenti illorum curæ & probitati permisit munificentissimus Fundator, *Gualterus de Merton*, Episcopus *Roffensis*, & bis Cancellarius *Angliæ*, primò in posterioribus annis Régis *Henrici* tertii, ac iterum regnante Rege *Edwardo* primo: nihil certi de tempore, quo electio fieri debet, statuens. Inde mora quatuor aut quinque annorum quandoque interponitur, prout res domesticæ postulabunt. Quamprimùm autem ejusmodi propositum propalatur, Baccalauri (omnes enim alii, sive Magistri, sive nondum ad gradum promoti, excluduntur) per Academiam sparsi, eruditione & ingenio præstantes, quibus non ita felicibus esse contingit, ut ex Fundatorum Benefactorumque latifundiis alantur, potissimum qui in Academia per plures annos aut per integram vitam degere studiorum causa cupiunt, istius beatæ sortis, qualis revera est, si votorum compotes illa rectè uti nossent, adipiscendæ desiderio incenduntur, rigidissimum examen subituri. Inter hosce candidatos comparens *Gravius*, primus merito suo eligebatur, jam severa disciplina, nunquam intermissa, nunquam intermittenda, per quam oriari & segnescere absque acri censura non licet, & qua forsàn vix severior alicubi gentium in qualicunque Seminario exercetur, per quatuor annos ab ipsa prima admissione numerandos exercendus. Hæc tot præclaros Viros & in omni literarum genere præstantissimos peperit, puta *Thomam Bodleium*, *Henricum* & *Thomam Savilios*, *Joannem Chamberum*, *Franciscum Masonum*, *Georgium Carletonum*, *Isaacum Wakum*, *Johannem Halesum*, *Theodorum Gultonum*, *Joannem Earle*, *Richardum Brunum*, *Guilielmum Berkeleium*: ut à cæteris tum superiorum temporum tum hujus ævi recensendis abstineam, quorum omnium fama universum Orbem pervagata est.

Manente hac studendi necessitate, quam sibi, ut arbitrari æquum videtur, gratulatus est *Gravius*, ex qua durus improbusque labor longo usu



usu & consuetudine primò fit toleratu facilis, deinde transit in delicias, post lectos relictosque classicos omne genus Auctores, sive *Græcos* sive *Latinos*, animum ad Philosophiæ naturalis, tum veteris tum novæ, quæ, instaurante magno *Bacono*, florere & magno in pretio haberi cœperat, & Scientiarum Mathematicarum culturam studiumque seriò admovebat: tanto literarum amore inde contracto, intimisque medullis infixo, ut in naturam conversus videri possit, nunquam, ne quidem quando ademptæ libertati restitutus, licentiùs pro arbitrio ad industriæ viriumque relaxationem agere potuisset, evellendus. Tandem verò laboriosum hoc nimisque restrictum vitæ institutum, cui tamen doctrinam, famam suam, reliquaque vitæ præsidia & ornamenta illum debuisse cettò constat, feliciter emensus, mense Junio A. C. 1628. Magistri laurea donatus est: mox inita cum Viris doctissimis, D. D. D. *Henrico Briggio* & *Joanne Bainbrigio*, primis Professoribus *Savilianis*, altero Geometriæ, & ad mensam Sociorum convictore, Astronomiæ altero, ejusdem quoque Collegii Prælectore *Linacriano*, & *Petro Turnero* confocio, insigni quoque Mathematico, amicitia, qui illum tanquam omnino parem, licet ætate longè inferiorem, mira de se ex hisce præclarissimis initiis tacitè spondentem, pro innata, qua viri solidè docti & egregia virtute præditi erga sui similes feruntur, bonitate, sinu suo humanissimè exceperunt. Ex ista familiaritate honorifica pariter ac utili studium istud, quasi ex sponte naturæ mentisque insita propensione priùs in pectore accensum, Mathesin majori cum sedulitate excolendi magis magisque ardebat. Ille verò *Copernici*, *Regiomontani*, *Purbachii*, *Braheii*, *Kepleri*, aliorumque insignium Astronomorum hujus aut superioris sæculi lucubrationes diligenti manu versasse non contentus, veteres Mathematicos, non solum *Græcos*, sed & *Arabicos Persicosque*, in hac præsertim fiderali Scientia optimè exercitatos, sibi reddidit familiares, accurata linguarum Orientalium, quibus, tanquam tot clavisbus Scientiarum, illarum gentium, quæ sub *Almamone Chalipha* literarias *Græcorum* opes in suas regiones transfudissent, arcana & inventa aperiri & explicari solent, cognitione priùs acquisitâ: quanto autem cum fructu, qui in rempublicam literariam esset redundaturus, libri ab ipso editi, quos post memorabo, satis clarè docebunt. Jam vita facilis, expedita, omnibus præfidiis subsidiisque ad eruditionem necessariis instructa, & abs omni inertia aut læsæ modestiæ & probitatis labe pura decurrebat; nulli quoque certæ facultati, sive Theologiæ, sive Medi-

cinae, five Jurisprudentiae, ex indulgentia statutorum alligata. Socii enim peculiari hoc privilegio gaudent, ut hanc, illam, istamve, aut qualemcumque aliam ingenuis viris dignam, tanquam provinciam suam, pleno jure possedam, prout libitum est, ornare liceat. Inde noster nobili otio abundans, non ex levitate mentis, quod sciorum vaneque πολυμαθείας famam affectantium est, qui quippiam tenue & pusillum, quasi solam superficiem radendo, nunc ab hac, statim ab altera solent excerpere, sed solerti ingenio in profunda & ima rerum penetrabar, adhibiraque indefessa industria, vasto mentis capacissimae ambitu, quicquid in Scientiis naturalibus, & praesertim in Mathesi, rarum, aut curiosum, aut eximii in communi vita usus exstitisset, post aliquot annos facile complexus est.

Circa A. 1630. fama ipsius etiam apud *Londinenses* percrebrescente, in Collegio, quod insignissimus Vir, D. *Thomas Greshamus*, equestri dignitate ornatus, de civitate *Londinensi*, de universa *Anglia*, imò de universa Rep. literaria optimè meritis, ad promovendas propagandasque naturales Scientias, olim regnante *Elisabetha*, illic fundavit amplisque dotavit redditibus, Geometriae Professor cooptabatur, integro jure, quod in Collegio *Mertonensi* habuit, servato.

Inter omnes verò illos extra Academiam, quorum amorem & benevolentiam sibi conciliavit *Gravius*, maximè & primo in loco recensendus est reverendissimus *Guilielmus Laudus*, Archiepiscopus *Cantuariensis*, & Academiae *Oxonienfis* Cancellarius, quo nemo retroactis seculis de Ecclesia Anglicana, nemo de illa Academia melius meritus est: quod omnes boni sapientesque grato ore agnoscent & sempiternis laudibus praedicabunt: omnes, inquam, praeter exulceratæ mentis Presbyteranos, horrendi & in perpetuum lugendi schismatis fautores, reliquamque insipientium Sectariorum, tanquam tot vermium ex ista gangræna enascentium, colluviem. Ille Vir maximus *Gravium* pro summo, quo literas literatosque fovebar, amore, suum esse voluit, & favore & patrocinio suo dignatus est. Praesentat enim, nil nisi eximium, verè magnum, & admirandum ab illo expectari potuisse. Non potuit sanè dari major acriorve ad virtutem & industriam stimulus, quam à tali tantoque Viro amari & æstinari.

Sed ignea vis mentis angustis *Londini* & *Oxonii* limitibus neutiquam erat coercenda. Licet enim diligentissimè excussis Bibliothecarum nostrarum forulis, & frequenti familiarique eruditissimorum virorum conversatione domi sapere didicisset, & *Anglos* suos nullis Gentibus in qua-

licunque literarum genere hac ex parte cessuros probè habuisset comper-  
tum; longinquas tamen regiones invivendi pectus adeo forti desiderio  
percussum quotidie sentiebat, ut illi resistendo omnino impar videretur.  
Consilium laudaverunt amici, & præsertim reverendissimus Archipræ-  
sul. An verò circa hoc tempus, hoc est, circa annum 1636. quod verissi-  
milius videtur, an post reditum ex *Oriente*, *Parisis* adierit, (certò  
enim constat ex Epistola dedicatoria, de qua postea, ad D. *Claudium*  
*Hardy*, illum ibidem aliquantisper moratum fuisse) deinde *Lugdunum*  
*Batavorum*, ubi cum Viro celeberrimo *Jacobo Golio*, amicitiam con-  
traxit, vix pro certo statuere possum, utpote omni ope, qua hæc alia-  
que, licet non magni momenti, erui queant, post dimidium seculum  
& ultra elapsum, destitutus. Non longà autem deliberatione opus ha-  
buit, quò destinatum illud iter esset dirigendum, cum universa studio-  
rum, quibus assidue erat intentus, ratio semitam longè antè pate-  
fecisset. Voluit nimirum ipsos fontes, ex quibus omnis doctrina ad nos  
emanavit, *Orientem* & *Aegyptum* invivere, ut locis, quos antiqui Scien-  
tiarum inventores præsentia suà nobilitarunt, perlustratis, illorumque  
observatis ad novum examen revocatis, passim disjectas antiquæ erudi-  
tionis reliquias colligeret. Jam non mediocri curæ erat quadrantes, sex-  
tantes, automata, reliquumque instrumentorum, quorum in stellarum  
altitudinibus & distantis, latitudinibus urbium, eclipsiumque momen-  
tis explorandis, & in pyramidibus dimetiendis usus est necessarius, ap-  
paratum suis sumptibus comparare; cum Magistratum *Londinensium*,  
quorum honori & commodis in hoc itinere suscipiendo erat quoque  
consulturus, patrocinium frustra expetiisset. Verisimillimum tamen vi-  
detur, (neque enim id negaverim) illum à D. Archiepiscopo aliquo-  
modo adjutum fuisse, qui discessuro traditis in manum literis ad illus-  
trem Virum, D. *Petrum Wichium*, *Constantinopoli* nomine Serenissimi  
Regis *Caroli I.* legationis munere fungentem, in illius gratiam conscrip-  
tis, manuscriptos codices bonæ notæ, sive Arabicos, quovis pretio  
redimendi plenam potestatem dedit: qualem ille verè Φιλόβιβλος, de  
Bibliotheca *Bodleiana* istiusmodi gazis locupletanda pro paterno in Aca-  
demiæ *Oxonienfem* affectu maximè sollicitus, doctissimo Viro *Edwar-*  
*do Pocockio*, in *Syriam*, linguæ Arabicæ inter indigenas Arabismi ma-  
gistros excolendæ causâ, eunti, paulò antè dederat.

Ita olim magno animo intimos *Aegypti* recessus penetrarunt *Pytha-*  
*goras*, *Eudoxus*, *Democritus Abderites*, *Plato*, *Strabo*, *Diodorus*  
*Siculus*, alique ex vetustissimis ἑδοκίμοις, incolarum mores artesque,  
lacr.

sacri cultus ritus & ceremonias, Hierophantarum scientias & symboli-  
cam sapientiam, sub mysticorum characterum involucris absconditam  
atque vulgari usu remotam, telluris dotes, fecundissimarum *Nili* un-  
darum fermentationem, prodigiosas Pyramidum, Obeliscorum, alia-  
rumque substructionum inoles, ceteraque, quibus à primis post gene-  
ralem cataclysmum seculis tellus ista inclauverit, admirando pernoscenti  
studio: quorum exemplum sequi proposuit *Gravius*, illorum vestigia  
lento & sollicito pede relicturus: utpote subsidiis ab universa Mathesi  
petitis, quam in *Petro Bellonio*, *Prospero Alpino*, *Nicolao Christophoro*  
*Radzevilo*, *Georgio Sandio* nostrate, aliisque Viris clarissimis, quo-  
rum itinerariis & descriptionibus *Aegypti* qualis qualis notitia, penè ru-  
dis ac valde imperfecta, primo post renatas literas debetur, meritò de-  
sideramus, instructissimus.

Hoc modo animatus A. C. 1637. ille navim in *Troamefino* flumine ad  
*Liburnum*, celebre emporium in litore *Tuscia* situm, jamjam rectà ten-  
dentem firmo vegetoque corpore alacrique mente petit: ubi exsensione  
in terram factà, *Romam* properat, ibi aliisque in *Italiae* urbibus, ut fa-  
miliarem sermonis istius politissimæ Gentis, qui omnium *Francorum*  
aliorumque in maritimis oppidis ditionis *Turcicae* emporiisque degen-  
tium communis est, nancisceretur, per semestrem spatium moram trac-  
turus.

Dum *Rome* aderat, postquam palatia, basilicas, Collegia, Monaste-  
ria, columnas, porticus, aquæductus, hortos, reliquaque egregia or-  
namenta, quæ Urbi novæ ex Pontificum, nullis sumptibus aut operæ  
ad summum istius gloriæ & pulchritudinis apicem absolvendum parcen-  
tium, magnificentia jam per duo secula accrevissent, curiosis oculis non  
sine ingenti voluptate lustrasset, statim venerandæ antiquitatis reliquias,  
quæ in ruderibus adhuc latent, penitus rimari indefesso studio & incre-  
dibili mentis alacritate perrexit: nec quisquam facillè reperiendus erat,  
tantis præfidiis aut à Veterum scriptis historiisque, aut à Scientiis Ma-  
thematicis, aut à sagaciori genio paratus & instructus, qui id melius  
aut accuratius præstare potuisset. Hoc tantum in genere dicam, quod  
mihi codicillos ejus & adversaria versanti compertissimum est, *Gravium*  
quicquid veterum monumentorum reliquum est sæpe sæpius penetranti-  
bus oculis investigantem, non tantum epigrammata exscripsisse, sed in  
iisdem marmoribus & columnis metiendis & figuris delineandis, ut  
veteris architecturæ accuratio inde melius repræsentari possit, maximè  
verò in explorandis tum *Cestii* pyramide, tum Pantheo *Marci Agrip-*  
*pa*,

pe, quod, *omnium Sanctorum* memorie jam consecratum, la *Rotonda* nuncupant, summam curam adhibuisse. Cryptas quoque subter-  
 raneas ingressus, diuque, quantum per caliginem crassosque halitus inde  
 expirantes licuit, illic moratus, multa, quæ aliorum ad res ejusmodi  
 minus attentorum oculos solent effugere, digna cognitu observavit: nec  
 quicquam ferè in scriptis adnotavit, nisi quod curiosam & eruditam in-  
 daginem saperet. Numismatibus reliquæque supellectile literariâ, in  
 Principum virorum aut Collegiorum Museis repositis, non neglectis,  
 imò diligenter quæsitis, antiqua pondera, vasa, aliasque mensuras,  
 quotquot supererant, sedulò examinavit, ut inde de pede, ex quo tum  
 veterum ædificiorum concinnitas & pulchritudo juxta proportionem Ma-  
 thematicas Artisque perfectissimas regulas, tum locorum intervalla pen-  
 dent, & de numismatum sibi invicem collatorum valore certius consta-  
 ret. Nec *Rome* tantum, sed quocunque fors fausta illum tulisset, puta  
*Genue, Liburni, Pisis, Senis, Florentia, Constantinopoli, Alexandria,*  
*Cahire,* alibique, quasi is esset non minimus itineris finis, pro more  
 solenni in hisce instrumentis communis justitiæ, quæ gentium commercia  
 ex æquo moderatur, perscrutandis diligentissimè versatus est. Loca  
 etiam olim celebria, regionesque circumcirca jacentes, ad *Terracinam*  
 usque, antiquitatis eruderandæ studio, adiit: & quidem cum eodem  
 felici successu. Harum observationum quantilla pars edita! Ex hac au-  
 tem vasta congestæ materiæ mole, quàm pulchrum & magnificum ex-  
 surrexisset opus, si quæque argumenta, quæ brevi verborum dimensio-  
 numque compendio, annexa rudi sciagraphia, ad adjuvandam memo-  
 riam, promiscuè coacervantur, suo ordine ille, qui solus potuit, cum  
 debito ornatu & amplum in modum, prout moris est, disposuisset! Hic  
 amicitiam iniiit cum Viris clarissimis & eruditissimis, *Luca Holstenio,*  
*Athanasio Kircherò, & Gasparo Bertio,* celebri Astronomo, à quo edoc-  
 tus erat, altitudinem poli *Rome,* juxta observationes ope ingentis in-  
 strumentum *Clavianum* olim factas, iterumque repetitas, fuisse quadraginta  
 unius graduum & quadraginta sex minutorum.

*Gravius* se *Roma Paduam* transtulit, mox *Venetias,* maris dominam,  
 & propter situm in mediis lacunis planè admirandam urbem, visitus.  
 Inde amor imo & veneratio Patriciorum *Venetorum,* quos ob sapientis-  
 simas leges, justitiæ & æquitatis studium, patriæ amorem, & ejusdem  
 tutelam contra universas *Turcici* imperii vires non satis mirari potuit,  
 illius animo adeò altas egerant radices, ut eo usque creverint, nunquam  
 evellenda, adeo ut insigne quoddam testimonium illius cordatæ obser-

vantiæ erga præclarissimam Rempubicam in perpetuum exstare in *Angliam* redux curaverit.

Cum eodem genio animati videantur Viri verè eruditi, & optimarum Artium callentes, amorque ex similitudine studiorum oriri & conciliari soleat, nec longis ambagibus quæsitisque parariis opus sit, ut sibi invicem innotescerent, familiaresque redderentur, sese in magnorum Virorum, ubicunque accesserit, amicitias prudenti quodam consilio innuavit *Gravius*; illi vicissim, quanti esset amandus & æstimandus, pro amore literarum & pro sagacitate sua facilè compertum habuerunt. Inter *Paduanos* Profellores, quos maximè amicos expertus est, eminuerunt *Franciscus Ursatus*, *Joannes Rhodius Dantus*, & *Andreas Moretus*, quorum egregiam humanitatem deprædicavit. Sed ab illorum familiari consuetudine illum *Orientis* visendi desiderium, quod præcipuum erat hujus suscepti itineris institutum, citò abripuit. Ideo longum charissimis amicis valedicens, *Liburnum*, postquam per paucas septimanas *Florentia* alibique substitisset, petiit, inde primo tempore *Constantinopolim* navigaturus.

Circa mensem Aprilem 1638. appulit Constantinopolim, ibi ab illustri Viro, *D. Petro Wichio*, tunc temporis Regis *M. Britannia* Legato, benignissimè, prout illius singularis virtus & commendatio Viri maximi, *D. Laudi*, Archiepiscopi *Cantuariensis*, meruere, exceptus, uti etiam mox à reverendissimo Patriarcha *Cyrillo Lucari*: quorum utriusque ope & patrocinio in procurandis Græcis codicibus MSS. multum adjuvabatur. Sed amicitiam cum hoc sanctissimo Viro, & *Græcam* Ecclesiam à sædis dogmatum rituumque corruptelis, quas sequiorum seculorum superstitione induxerat, purgandi studiosissimo pariter ac cupientissimo, quasi in semine exstinxit illius tristissimum acerbumque fatum, quod ex malevolentia artibusque calumniatoriis quorundam *Græcorum* Antistitum, quos ad hoc scelus perpetrandum Jesuitæ, odio internecino contra *Cyrillum* perciti, stimularunt, jussu Imperatoris *Amurathi* quarti, tunc in expeditione *Bagdadina* occupati, non multò post subire cogitur, utpote in *Propontide* non procul à litore à barbaris *Turcis* funiculo strangulatus. Audiverat *Gravius* aure quidem faventissimà, quod aliqui è *Græca* gente de Bibliotheca, quæ Imperatorum Christianorum olim fuerat, in Palatii *Constantinopolitani* conclavibus ad istum diem servata ipsi coram retulissent. Sed nemini nostræ religionis Symmystis loca ista inaccessibleia ingredi licet, ut certò constet, an thesaurus ille literarius illic exstet nec ne: & ab istoc tempore latet, &, uti vereor, in sempiternum

num latebit. Neque enim incertis inanibusque *Græcorum*, qui ex vanitate affectata & studio placendi res supra modum exaggerare, ne dicam susque deque habita veritate excogitare, solent, rumusculis fidentum esse puto: neque quicquam hac ex parte, dum in ista Urbe degere, diligenti exploratione expiscari potui, quod vel leviusculam illorum sententiæ fidem conciliaret. Sed forsân quod in *Byzantio* desideramus, *Athos* suppedabit, cum mons ille sacer, longè ante eversum *Græcorum* imperium, à solis Monachis, rerum cœlestium contemplationi deditis, & orationibus lectionibusque sacris horas impendentibus, quorum discipuli & alumni, longo ordine succedentes, in illius arduis editisque jugis, hodie ab omni strepitu, tumultu, & rapina immunes, & quasi à mundo seclusi, degunt, incoleretur: ubi fas est credere, nec id à verisimili omnino abhorret, codices vetustos, si qui olim fuissent, à rapacibus *Turcarum* manibus intactos, integros hodie superesse & relinqui. Hoc tulus opibusque, quibus fruuntur, dignum præstabunt magni aut Principes aut Præfules, si, quibuldam Viris idoneis ad istos secessus explorandos missis experiri vellent, an damnum istud, quod Christianus orbis dudum luxit, &, nisi isti malo hisce præclaris aulibus obviam eatur, usque & usque lugebit, ex defectu codicum inanuscritorum, maximi usûs & momenti, præsertim in rebus Ecclesiasticis, quorum veteres Scriptores, putà *Eusebius*, *S. Hieronymus*, & *Photius* meminere, ortum, illinc reparari possit. Illo sibi eundem esse proposuit *Gravins*: sed nescio quis infelix casus consilium istud primò interturbavit: & post planè irritum reddidit. Quod de meipso quoque dicendum morens habeo. Quædam verò, licet perpauca, digna ingenio, solertia, & sedulitate suâ, quæ, dum per quinque aut sex menses *Constantinopoli* egerit, collegisset, ex ingenti observationum acervo delibata, tandem aliquando edenda curabo.

Ineunte Septembre, *Constantinopoli* relicta, navim adscendit, *Alexandriam* rectâ petiturus: sed cum live ventis adversis acti, sive potabili aqua destituti, *Rhodium* appulissent, ille exscensione in terram facta, sumpto *Gemma Frisii* astrolabio, cum ampliori instrumento uti non auderet, ne essetis *Turcis*, malas suspiciones qualicunque prætextu alentibus, calumniandi, remque istam, cujus erant imperitissimi censores, male interpretandi daretur occasio, polum supra horizontem triginta septem gradibus & quinquaginta minutis illic attolli observavit.

Tandem mare istud interjectum emensus, *Aegyptum*que auspiciatò pettingens, in urbe ista celeberrima ab *Alexandro Macedone* condita,

inque magnificis ipsius ruinis venerabili, per quatuor aut quinque menses, paucis excursionibus subinde interruptos, moratus est, ubi quicquid in cœlo, quicquid in terra, vel subtus terram in cavernis cryptisque, rarum aut eximium esset, erudita & sapienti diligentia exploravit: qualem quoque *Cabira* alibique in tellure istâ rerum mirabilium, sive earum ad naturam, indolem, & constitutionem soli & climatis, sive ad artem veterumque Regum & incolarum ingenium referantur, abundè feraci constantissimè adhibuit. Supervacanei foret laboris hic quasi anticipando recensere observata ejus de obliquitate Zodiaci, de altitudine poli, de temperie aeris, de variis meridianis tum solis tum quatuorundam stellarum è fixis celeberrimum, puta Spicæ virginis, Canobi, & aliarum altitudinibus, maculis Solis ejusque diametro, de eclipsi Lunæ, ejusdemque à quibusdam fixis stellis distantia, de declinatione actus magneticæ, de alveis *Nili*, de obeliscis illorumque figurationibus hieroglyphicis, de puteis, de cadaveribus ante bis mille annos conditis, de nitro in eremo *S. Macarii*, lapide *Ætite*, aliisque, quæ ad Astronomiam, Geographiam, naturalemque Historiam spectant: ea enim omnia in appendice novæ editionis opusculorum illius longè commodiùs & meliùs collocabuntur.

Nondum exstabat accurata vel quoquam modo laudabilis Pyramidum, quas veteres *Græci* inter septem mundi *œdificata* seu *Spektacula* (quo vocabulo uti etiam maluerat *Vitruvius*, optimus artis Architectonicæ magister & instaurator) meritò recensuere, descriptio. Hactenus volupe fuerat peregrinantibus insanas istas substructiones giganteasque moles oculis attonitis coram intueri, illarumque ambitum passibus, quantum progredi aut circumire licebat, crassè admodum metiri, & gressus, quibus ascenditur ad fastigia, numerare, reliquæque obvia, quæ cuiusvis vel incuriosi oculis sese solent ingerere, tum quoad externam illarum fabricam, tum quoad internas cavitates, in suis itinerariis adnotare, quibus Philosophorum Mathematicorumque curiositati & expectationi neutiquam erat satisfactum. Ex illorum enim periculis hoc tantum consecuti sunt, Pyramidas, quarum meminere *Herodotus*, *Diodorus Siculus*, *Strabo*, *Plinius*, alique, ab edacitate temporis & terræ motibus per tot secula servatas adhuc in solitudinibus *Libyæ*, non procul à *Memphi*, superesse; interim quales sint; quibusque dimensionibus revera constent, penè omnino nescii, inexploratis utpote calculis modulisque, nullaque exquisita delineatione præstitâ, quorum subsidio debitaque applicatione iudicium de illarum constitutione, pulchritudine, & artificio

ri-



ritè formari possit. Hoc quicquid est gloriæ, quicquid est utilissimi operis, industriæ & ingenio *Gravii* relinquebatur consummandum, qui quod desideraverint eruditi, benè noverat, & id in effectum dare optime potuit. Hæc igitur de causâ, relicta *Alexandriâ*, *Kahiram* profectus, tres illas celebriores Pyramidas adversâ parte *Nili* semel tantum vidisse & lustrasse non contentus, post mensē unum & alterum iter istud remensū est, <sup>1638.</sup> ut observationes prius factas secundis curis ad rigidum examen revocatas, severiori limâ perpoliret, paritèr in utraque indagine diversis instrumentis, potissimum verò radio decem pedum in decies millesimas partes summa cum cura diviso, instructus. Quàm præclarè autem hanc præcipuam itineris in *Ægyptum* suscepti partem consiliumque impleverit, id post itatam Pyramidographiam neminem latere potest, nisi qui omnis politioris literaturæ expers sit, aut vix quippiam de obstupescendis istis sepulchralibus Regum *Ægyptiacorum* monumentis vel fando in-  
audiverit.

Codicibus manuscriptis, *Græcis*, *Arabicis*, *Persicis*que (quorum saltem præcipuorum catalogum ad D. D. *Hardy* & *Golinum* illorum rogatu postea misit) gemmis sculptilibus, icunculis, numismatibus, aliisque spoliis literariis, quæ ex barbarorum manibus redemerat, auctus onustusque, *Liburnum* circa solstitium æstivum anni 1639. reversus est, moxque *Florentiam* repetivit, ubi Serenissimo Principi *Ferdinando* secundo, magno Duci *Hetruriae*, cui carmen pareneticum, paulò ante in *Alexandria* musis faventibus conditum, ut ultimos istos maris mediterranei recessus, Piratarum huc illuc myoparonibus trîremibusque suis undique excurrentium infestationibus obnoxios, pacare vellet, inscripserat, gratus, & ab Aulicis ob ingenii & eruditionis, quas non ita pridem explicaverat, opes, & præcipuè ob felicissimum itineris *Ægyptiaci* successum, in honore erat habitus. Inter illos autem maximè coluit amicitiam illustis Viri, D. *Roberti Dudleyi*, (qui in *Italiâ* communissimè Dux *Northumbriae* nuncupabatur) plurima apud *Ferdinandum* polleutis gratia, & ab eodem amplis aucti redditibus, quo majori cultu titulum istum eminentium tueretur, studiisque Astronomiæ, Geographiæ, Artis Nauticæ, aliarumque Scientiarum, quas vasta mente complexus est, absque aliquo rei familiaris incommodo promovendis pertinaciùs incumbere. Cum illo frequentes de re literaria sermones miscuit *Gravins*, mora, quam in ista urbe pulcherrima fecerat, inde jucundiori reddita. Nescio, an sit adnotatu dignum, D. *Dudleium* coram retulisse, possum, diligenti observatione habita, refractionibusque & parallaxi juxta

methodum *Tychonianam* admissis, gradibus quadraginta tribus, & quadraginta sex minutis illic elevari. Post, relicta *Florentiâ*, *Romam*, *Reginam Urbium*, remeavit, ibi quoque antehac observata novis curis recogniturus, & plura aliquot mensium morâ additurns. Sed desiderio revivendæ patriæ, hisce placidissimis speculationibus ac innocentissimis deliciis, quibus consuetudo cum Viris sapientibus eruditisque, in transmarinis regionibus contracta, studioforum virtutis & literarum mentes perfundit, sæpe sæpius intercurrente, de reditu in *Angliam* cogitat, quò, nave in portu *Liburnensi* conscensa, & trajecto iterum freto *Herculeo*, æstate anni 1640. felix salvusque appulit, gratulationibus amicorum, qui longam tam chari capitis absentiæ non sine anxio animi æstu tulere, tum *Londini*, tum *Oxonis*, exceptus.

Sed en fatalem quasi remoram ipsius studiis injectam, mentisque ardori frigus affusum! Tristis vidit, omnia turbari cœpisse: *Scotos* rebelles, impio scedere contra clementissimum Regem sociatos, nuper,cripto milite, *Angliam* invasisse, nec post *pacificacionem*; inanissimis cavillationibus arreptis, diu quietos fore: quosdam è Proceribus *Anglis*, populari aura tumentes, malisque affectibus percitos & exacerbatos, novis quoque rebus studere: cives *Londinenses* aliosque, præstigiis *Puritanorum* à doctrina, fide, & ritibus Ecclesiæ *Anglicanæ* abalienatos, variisque terriculamentis extra se raptos delusosque, fremere, quasi illico de Religione Protestantium, ni vi armata ipsi vindicandæ succurreretur, actum esset: horrenda mendacia diabolicaque calumnias in optinum Regem, quasi Pontificiorum partibus favisset, legibusque, quas nemo unquam è Decessoribus aut solitiùs aut sanctiùs coluit, conculcatis, ad imperium despoticum adspirasset, ubique sparsas: murmurationes inde excitatas, seditiososque tumultus passim grassari, cæteraque prænuntia & signa apertæ & non amplius celandæ rebellionis, quæ contra omne fas jusque divinum & humanum, sub fallacissimo religionis reformandæ juriurque populi *Anglicani* tuendorum prætextu, auspiciis Parliamentariis, protinus erupit: reverendissimum denique *Laudum* spurcissimis convitiis & criminationibus ab efferata plebe vilissimisque Ministrellis, horrendi schismatis; quod adhuc luimus, auctoribus, qui clam in conventiculis suis latebrosis, mox ex sacris rostris ore impudentissimo classicum ad bellum hoc tanquam sacrum contra Regem Episcoposque incundum publicè cecimissent, impactis primo impetitum; mox carceri addictum, & deinde conspirantibus Presbyteranis, *Anglis Scotisque*, utriusque infensissimis Ecclesiasticæ hierarchiæ osoribus, capi-

tc

te plexum, in quo maximum studiorum suorum præsidium collocaverat *Gravius*: hæc omnia ille, inquam, tristi oculo & anxia mente vidit, ut per hæc perturbatissima tempora de libris, quos meditatus est, in lucem producendis vix cogitare licuerit. Alio animum avocabant pericula, quibus Regiarum partium, quas ille integerrima fide tuitus est, sequaces erant obnoxii. Cum verò Rex *Carolus* cum exercitu *Oxonium*, ubi per tres quatuorve annos castra stativa habuit, & quo securitatis causa Regina, serenissimi Principes, *Carolus* & *Jacobus*, celsissimi Principes, *Rupertus* & *Mauritius*, ac Nobiles quamplurimi cum suis familiis à Parlamentariis copiis fugati, convolarunt, pervenisset, Academici, togas sagis militariis commutantes, librisque abjectis, gladii & sclopetis armati, pro Ecclesia *Anglicana*, pro religione, præque aris & focis strenuè dimicarunt, literarum studiis, quæ solis pace & otio aluntur, si non penitus cessantibus, saltem per hæc obstacula valdè imminutis ac intermissis.

Inter hosce bellicos tumultus vitam in suis ædibus *Oxonienfibus* mense Novembri 1643. explente viro doctissimo, *Joanne Bainbrigio*, Medicinæ Doctore, & Astronomiæ Professore *Saviliano*, non diu inter illusterrimos Dominos Electores, à D. *Savilio* constitutos, quotquot tum in Aula Regia aderant, maximis regni muneribus admoti, de substituendo Successore diu erat disceptatum. Illorum oculis penè quotidie intercorrebat *Gravius*, quo neminem, aut ob fidem intemeratam Regi servatam, aut ob universæ Matheseos peritiam, qui cathedram vacuam impleret, digniorem, unanimes judicarunt. Illum ab his nominatum & electum eodem mense ad præclarum istud munus Professorium, solenni more, juramenti juxta legum & statutorum Universitatis normam prius præstitis, admisit Vicecancellarius. Sed cum flagrante rebellionem proventus è latifundiis quotannis à colonis, ex rapinis & excursionibus militum plurimum damni passis, percipiendus valdè imminueretur, illius Amici à serenissimo Rege, qui τὸ ἀκριβοῦς καὶ οὐκ ἐκ τῆς ἀρχῆς temperare, & mollius, quod æquum suadet, interpretari ex vi prærogativæ debitæ & à corona indivulsi jure potuit, facultatem impetrarunt, ut jus istud in sodalitia *Merionensi* olim acquisitum, & per tot annos productum, quo aliter post sex menses ex rigore statutorum *Savilianorum* fuisset exuendus, ipsi sartum tectum & illæsum constaret: quod quidam rigidissimi Censores, in rebus maximi momenti tum vitæ tum conscientiæ solutioris merito postulandi, nullo temporum discrimine, nulla circumstantiarum ratione habita, malè criminati sunt.

Cum

Cum sermones inter Viros magni nominis & apud Regem auctoritatis de emendando Calendario Juliano familiari conversatione, quasi animi laxandi causa, agerentur, *Gravius*, posthabitis cæteris, quibus isti incommodo occurrendum esse olim putaverint, methodis, confusionis vitandæ causa, & ut qualescunque lites, decem diebus simul exemptis, inde ex versutia vitiligatorum oritura, tollerentur, proposuit, ut nullus per quadraginta annos continuos, qui omnes forent æquabiles, bissextilis dies intercalaretur. Consilium istud, quod compendio descriptum exhibuit, (quale etiam *Gregorio XIII.* Pontifici Romano à quibusdam eruditissimis Mathematicis olim proponebatur) Regi & Consiliariis mitè placuit: sed res ista longè alia tempora postulat. Tum enim de vitæ & salute Regis & Regiæ familiæ, de tutela Ecclesiæ Anglicanæ & Academiarum, deque juribus fidelium subditorum tuendis contra rebelles & schismaticos agebatur, nec istiusmodi minutiis vacare licebat. Sed ut rem paucis contraham: neque enim Annales aut Historiam istorum temporum scribo, quam hic captivæ & ὡς ἐν παρόδῳ attigi, quatenus inde vita *Gravii* elucidanda videbitur.

Postquam optimi Regis, Deo, summo rerum arbitro, *cujus judicia sunt incomprehensibilia, & via ininvestigabiles*, ita permittente, copiæ militares in funestis præliis prope *Eboracum* & in Campis *Nasebeyensibus* infelicissimè initis accisæ & fractæ concidissent, nunquam postea instaurandæ, & ipse Rex, alieno amictu indutus, noctu relicto *Oxoniæ*, ineunte Maio, A. 1646. ad suos *Scotos* (utinam suos! qui postea illum, numeratis pecuniis, confœderatis rebellibus perfidissimè tradiderunt) confugisset, Regi, provida & sapienti cura, ne Bibliotheca *Bodleiana* Scholæ publicæ tormentis à vicino monte explosis solo æquarentur, neve exercitus *Fairfaxianus*, è colluvie Sectarum conflatus, irruptione, quam interminati sunt, facta, pro innato in bonas literas & Academiam odio, omnia ferro & igni miscerent, cum ne minima quidem Urbem ab obsidione liberandi spes affluerit, illam, honestissimis, & quas viros belliciæ virtute præstantes in istiusmodi angustiis constitutos non decebat amplecti, conditionibus impetratis, invitissimi licet, oppugnantibus 24. Junii 1646. dederunt. De malis in Academicos certò casuris, & penè imminentibus, non uno tristi omine erat augurandum. Senatores enim *Westmonasterienses*, quorum auctoramento, quod plane nullum erat incitati malefani cives, in legiones & turmas dispersendi, ad arma furibundum in modum concurrissent, cum antea Ecclesiæ Anglicanæ liturgiâ, jurisdictione, & ritibus omnino evetis, & episco-

pa-

patu abrogato, in sacrum patrimonium involassent, ut sibi suisque sacrilega ista praeda, insulsisque in rebus sacris innovationibus utendi fructuque securitatem præstarent, tandem de reformanda, si Dis placet, Academia *Oxonienſi* decretum, jam, captivo innocentissimo Rege, rerum potiti, condidere. Commissarii, quos *Viſitatores* nuncupant, armatâ potestate instructi, *Oxonium* amandantur. Hi verò in imperatis faciendis neutiquam segnes, plurimos Collegiorum Præfectos, Professores, Socios, aliosque inferioris gradus, suis muneribus, ædibus, fundis contra omne jus exuunt: & quidem non sine insultatione & fer-  
 A. 1648.  
 ritate maximâ: aliis sub custodia militum detentis, aliis carceribus mancipatis, aliis denique indictâ horâ tympani pulſu extra Academiam & Urbem exire jussis: aliter cum ipsis tanquam exploratoribus & malæ fidei in hostico suspectis militariſus pœnis agi oportere. Si interrogaverint Exteri, quale crimen, quam grande & atrox, hisce *Oxonienſibus*, (nec mitius fatum subiere *Cantabrigienſes*) vera & solida pietate, Religionis Reformatæ juxta cíviliſus & ecclesiasticarum legum normam sanctitæ amore & zelo, morum probitate, & summa eruditione insignissimis & perquam venerandis, fuerit impactum, bona fide referam. Nolebant nimirum fidem Regi datam ejurare, & animas voluntario perjurio polluere: nolebant *ſolemnis*, ut appellatur, *liga & fœderis*, quod erat perfidiæ & iniquitatis vinculum, articulis fictâ subscriptione assentiri: nolebant denique tyrannicam istam, quam arripuerant Rebelles, dominationem, & impiissima quæque facinora, contra Regem, *Unctum Domini*, contra Ecclesiam, & contra concives perpetrata, inhonestâ submissione approbare. Inter hosce egregios Viros, qui fortunas suas, libertatem, imò & vitam illibatæ fidei integræque conscientiæ paci postposuerint, eminuit *Gravius*, cui, ne in illum absque aliquo prætextu lavire viderentur, frivola quædam, putâ de pecuniis in Collegii ærario repositis, ipso indicante & procurante, Regi, ferè ad summam inopiam redactò, qui fide interpositâ mutuo acceperat, cum fœnore redditurus, traditis; de familiari conversatione cum quibusdam Sacerdotibus, qui Reginæ in isto Collegio degenti erant à sacris, eo nimirum, quod unum aut alterum convivio exceperit, & Bibliothecam subinde intrandi studiorum causâ dederit licentiam, habitâ: de litibus cum *Brento* Custode, ob læsam fidem Regi debitam ejectò, & cum Confociis Presbyteranæ factionis, mox in castris Parlamentariis transfugis, non ita pridem agutis, & ejusmodi, obiecte, ut mirandum sit, hosce Censores suæ stultitiæ & futilitatis pariter ac nequitiz nullatenus puduisse.

Rebus post *Oxonii*, jam inde Presbyteranis, Independentibus, cœterisque Sectariis oppleti, deditionem maximè deploratis, ad amolendam animi ægritudinem *Londinum* profectus est *Gravius*, libris edendis tunc admodum intentus: quos hic juxta seriem temporis, quo editi erant singillatim recensebo, additis interspersisque subinde quibuldam observationibus, quæ singulorum argumentis explicandis & illustrandis forsitan non inutiles parumve necessariæ videbuntur.

I. *Pyramidographia, sive Descriptio Pyramidum in Ægyptia*. Londini 1646. in 8<sup>o</sup>. Anglicè.

Libellus hic verè aureus ab omnibus, qui literaturam politiorē studiumque Antiquitatum *Ægyptiacarum* excoluere, erat impensè expectitus, summoque cum applausu exceptus. Hunc nemini inscribendum voluit, utpote verè magno Archiepiscopo, D. *Laudo*, funesta morte perquam nefariè multato, cui, honoris, observantiæ, & gratitudinis causâ, illum, ut puto, destinaverat. Antequam verò summa hujus præclarissimi libri, in quo multa curiosa quidem, & *Europæis* antea planè incognita continentur, capita in breve compendium retulero. Lectorem præmonendum duco, doctissimum *Gravium* solas tres istas celebriores Pyramidas in arenosis *Libyæ* solitudinibus ad occidentale *Nili* litus collocatas, & à Veterum *Memphi* quatuor aut quinque milliariibus distitas, quarum meminere *Herodotus*, *Diodorus Siculus*, *Strabo*, *Plinius*, *Mela*, alique, in hoc Opere describendas suscepisse. Multa enim aliæ in ista inculta sterilitate planitie hinc inde longa à se invicem intercapedine, prout, si mihi *Ægyptum* nunquam ingressio conjecuram interponere cum venia liceat, laxum, cui imminere, permittebat, (neque enim positura & situs alia ratio videtur) disjunctæ hodiè quoque comparent: admirandi quoque operis, licet minores, si unicam ad austrum paulò occidentem versus inclinantem, magis introrsum, viginti millium passuum intervallo, conditam excipiamus, quæ maximæ harum trium meritò æquiparanda, omni memoria perquam digna videtur. Hanc verò cæteraque omnes, infra viginti, (neque enim plures oculis undiquaque vagantibus ac circumrotatis numerare potuit) à longinquo intruere contentus, tempus, ingenium, & industriam solis his tribus explorandis impendebat. De harum præcipuè aliarumque, quas vetustas absorpsit, conditoribus, ex *Græcis*, *Latinisque* vetustioris ævi, item ex *Arabiciis* Scriptoribus (hi enim omnes de illis, quas in *Libyæ* solitudine, qua ad austrum terminatur *Ægyptus*, hodie

die exstare dixit, si non prorsus silent, saltem parcissime loqui videntur) primo agit: innox de tempore, quo erant conditæ, interspersis multis de Regum *Aegyptiacorum* chronologia, de *Josephi & Moysi* temporibus, de *Israelitarum* exitu ex *Aegypto*, Regumque *Indaicorum* à jactis templi *Solomonici* primis fundamentis ad usque excidium ab *Affyris* invecutum successione, ex Scriptorum Gentilium historiis illustrata, reliquisque cognati argumenti, ut inde plausibilibus conjecturis ductus, sententiam suam in assignandis dynastiis, quando stupendæ istæ moles primum erigerentur, hac de re, si non omnino certam, saltem quæ minus à vero abest, firmaret. Demum, veram causam finemque, quam in exstituendis hisce pyramidibus sibi proposuerint Reges *Aegyptiaci*, subtili ingenio rimatur. Neutiquam verò vana inutilisque hæc disquisitio & cura haberi debet, imò potius perquam digna visa est, quæ à tanto Viro sedulo exerceretur. Nemo enim harum rerum paulò intelligentior facile *Plinio* concesserit, hanc Regum pecunia otiosam ac stultam ostentationem fuisse, multò minus illos laboriosas millies millium subditorum manus pro sapientia sua ac securiùs dominandi studio conduxisse, ne si otiantur, sibi que solis domi in urbibus oppidisque vacarent, gens utpote levis, pendula, & ad omnia fame momenta volitans, ut de *Aegyptiis* sui temporis loquitur *Hadrianus* Imperator in epistola ad *Servianum* Consulem apud *Vopiscum* in *Saturnino*, excusso servitutis iugo, turbatisque rebus, tumultus ac seditiones cierent, quasi non aliter vi, armis, disciplina, aut legibus in ordinem fuissent cogendi. Sed commenta hæc inania, mero inter recitandum spiritu distanda, nulla refutatione egent. Rectius ergo plerique omnes Scriptores, tum *Græci* tum *Arabes*, hæc esse sepulchralia Regum & Reginarum *Aegypti* monimenta, quæ vivi faciendæ curarunt, ut in illis repositi, immortale decus sibi suisque conciliarent. Sed hæc vulgaria mentis parùm attentæ inque profunda rerum haud penetrantis cogitata neutiquam placere *Gravio*, qui ex *Aegyptiorum* Theologia ostendit, juxta hos animam non alio transfiguram, quamdiu corpus ossibus & carne integrum, & à mucore, vermibus, putredine intactum perdoraverit, indeque, ut perpetuo & indivulso nexu sibi invicem hi duo comites adhererent, morem istum condiendi cadavera originem duxisse videri. Hanc mortuos medicandi methodum attemque, quæ *Aegyptiorum* peculiaris erat, juxta *Herodotum* & *Diodorum* fuscè explicat *Gravins*, additis doctissimis Commentariolis, in quibus quoque de idolis seu imagunculis diversæ materiæ, de istis medicaminibus, de fasciis, de pani-

niculis linteis, de characteribus sacris sive figuris hieroglyphicis, & de sandapilis suo more doctè & soletter disserit. Veruntamen nil miri est, quod *Aegyptiis*, & potissimum Reges Magnatesque, hac superstitione imbuti, & ne aliqua labe, qua corporis integri compages corrumpi posset, maximè caventes, ejusmodi conditoria, quæ regii nominis gloriæ & majestati aliquatenus responderent, extruxissent, ut in omnem posteritatem, quasi extra vim fati temporumque vicissitudines posita, permanerent; nec minor aliorum, licet gradu longè inferiorum, mentibus, tum corpora simili conditura ab omni marcere & vicio integra conservandi, tum domicilia in hypogæis sive cryptis, quas Christiani nuncupant *Mumias*, in eadem solitudine excavatis ab omni violentia muniendi insidebat parilis sollicitudo. Quod verò ad figuram Pyramidalem, quâ surgunt constantque istæ moles, spectat, de illa multæ apud *Pierium* exstant putidæ hariolationes ex illius proprietatibus desumptæ, quasi sacra quædam religionis & Philosophiæ arcana in se continuissent: quas tamen vel maxime religiosus ipsis conditoribus nunquam in mentem venisse certa fide juraverit. Hisce rejectis, *Gravius*, unam & alteram conjecturam, ingenio suo usus, substituit, hoc modo illud ab *Aegyptiacis* Regibus ordinari & fieri, vel quod ejusmodi structuras, contractis nimirum diminutisque, donec in angusto fastigio conicæ desinant, lateribus, superincumbentibus saxis minus premi, minusque pluviis facilius inde defluentibus obnoxias fore putaverint, vel quod infanda idolomania occæcati, quædam Numina ab ipsis culta, aliarum gentium, quæ columnas & obeliscos Dis suis dedicarunt, ritu, ita representari voluerint. Sed mihi longè suspiciore ratio assignanda videtur, hoc figuræ genus, citra qualecunque mysterium, quod aut pro mentis solertia, aut pro fingendi libidine aliqui excogitaverint, juxta proportionem Geometricam adaptatum, cæteris omnibus ab Architectis matura deliberatione antepositum fuisse, rum ut amplioris area à quadrata base occupata, ab omni latere moles, pulchrior inde paribus angulis exsurgens, à longinquo videretur, rum præcipuè, quod, cum esset prodigioste altitudinis, illa non nisi lateribus sibi invicem sensim inclinatis probè sustentari potuisset. Sed judicent, prout lubet, peritiores.

Cum verò ex fide & auctoritate veterum Historicorum & rei ipsius veritate, quam oculati testes, inspectis in interiori recessu subitus dispositis conclavibus, firmarunt, has celeberrimas substructiones Regum sepulchris destinatas fuisse omnibus hæcenus sit persuasissimum,



mun, unicus repertus fuit (a) *Hervartius*, qui solus hac ex parte si-  
bi sapere visus, omni antiquitate spreta, Pyramidas ad reprimendas  
*Nili* eluviones, ne fecundæ illius aquæ ab agris fertilibus, aliter in-  
gens damnum passuris, in arenosum illud solum, cui inædificantur,  
impetu suo ferrentur, illic exstructas fuisse contendit. Sed num cuiquam  
credibile videbitur, Pyramidas vice aggerum exundantibus undis oppo-  
sitas objectasque fuisse, & in illis extruendis Reges *Ægyptiacos* hunc  
solum in finem, qui absque istis immodicis sumptibus facile obtineri  
potuit, regni opes exhaustisse? unde ista relinquitur inter pyramidas &  
alveum intercapedo? cum prope ripas continua pilarum aut tumulorum  
terre faxis munitorum series faciliiori opera melius successisset. Sed quo  
pacto præstabit, æquas unquam eo usque cucurrisse? unde fit, quod  
nulla aquarum in istis intermediis relictisque solitudinis *Libyæ* spatiis,  
ubi liber patet ingressus, huc usque fiat inundatio? Ita nimium immo-  
dicus iste novarum opinionum amor viros doctos interdum extra se solet  
abripere, ut iudicio sobrio in erroribus suis, nimio calore conceptis tem-  
mereque effusis, castigandis uti neque possint neque velint. Sed repri-  
mo me, & ad *Gravium* redeo.

Præmissis hisce dissertationibus, ad distinctam harum trium Pyrami-  
dum sciographiam & descriptionem, quod erat præcipuum hujus Opus-  
culi institutum, summa industria, ingenio, & solertia persequitur, cu-  
jus nullam deflorationem hic dabo: quicquid enim spectat ad singulo-  
rum laterum à base quadrata, triangulis pari intervallo mutuo propen-  
dentibus, surgentium in longum extensionem: summi fastigii altitudi-  
nem, illiusque latitudinem: (neque in puncto, Pyramidum Mathematicarum ritu, terminatur) graduum mensuras, & inter se intercapedi-  
nem non semper æqualem: crassitiem lapidum politorum, ex quibus  
singuli consistunt: internas maximæ Pyramidis cavitates & partitiones,  
de quibus aut penitus silent, aut parcissimè loquuntur veteres *Græci*  
*Latini*que Scriptores, superstitione & metu impediti, ne arcana ista  
mortuorum conditoria, aut ingressu, aut propalatis in vulgus narratio-  
nibus, temerare viderentur: vestibulum, vias omnes quasi cunicula-  
res, illarumque varios descensus & ascensus: porticus, puteos, came-  
ras seu cryptas arcuatas, cum illarum pavementis, parietum incrustatio-  
nibus, & lacunaribus: & præcipuè illam maximè insignem, arcam ex in-

Ccc 3.

te-

(a) *Joannes Fridericus Hervartius* in admirandis ethnicæ Theologiæ mysteriis pro-  
palatis. cap. xxi. *Ingolstadii* 1623. 4°.

tegro marmore excavatam, in quâ Regis *Cheopis* corpus recondebatur, continentem: diversas marmoris species: cameras ex rupe excisas, iuxta duo latera secundæ pyramidis parallelis lineis procurrentes, denique quibus modis, quali arte, quibus machinis ferramentisque laxa tam vaste molis gravitateque ad tantam altitudinem erigi potuerint: hæc omnia, inquam, aliæque curioso eruditoque Lectori perpendenda pelliculis. *Gravianam* hanc descriptionem Gallicè verſam primo magnæ suæ Itinerariorum & Observationum tum mari tum terra factarum Collectionis tomo, V. V. Cl. *Haerliis* & *Purchassii* nostratium industriam sapienter æmulatus, præfigendam voluit D. *Thevenatus*. Dolendum sane est, doctissimum Auctorem præclarissimum hoc Opusculum & alterum, de quo mox dicturus sum, vel auro contra æstiguandum, Latine non edidisse, aut neminem saltem publicæ utilitatis studiosum operam vicariam hac ex parte hæcenus præstitisse. Ne verò desideratissimo hoc Opere usque destituatur cultior *Europa*, fortasse ipse tandem aliquando curabo: neque enim quicquam tertii, in re licet levicula & haud magni laboris, ausum promittere, cum per ætatem, per valetudinem, per avaritiam & *unpo-luxlav* Bibliopolarum, per denique funesta, quibus cum mihi configendum est, tempora id quidem vix liceat.

Tantum in genere & summatim dicam, *Gravium* omnibus Scripto-ribus, (ne Antiquis quidem exceptis) qui ipsum præcessere, & qui jam per sexaginta annos secuti sunt, palmam, quamplurimis, quæ aut neglecta aut inobservata antea latuissent, in lucem productis, novo ingenii ac solertiæ exemplo omnibus in longinquas regiones, naturæ aut artis humanæque industriæ admiranda invivendi causâ, profecturis proposito, hæc ex parte præcipuisse.

Non hic celandum arbitror, Virum quendam doctissimum, quem honoris causâ non nomino, mox post editam *Pyramidographiam*, breves in illam animadversiones, in quibus observationes *Gravianas* reddere incertas, illarumque fidem, quasi aut instrumenta aliquatenus laborassent, aut circumstantiis, quas summa accurate exegerit, omisiss, non rectè fuissent applicita, in dubium vocare magno nilu contendebat, scripſisse. Has quidem cavillationes, quas apud me habeo, non quidem indoctas, sed planè injustas fuisse auctacter pronuntiabo: quas Animadversori, in Amici famam hinc apud omnes merito crescentem invide grassanti, excidere potuisse obtuſescerem, nisi ex conjecturis haud incertis, ex istorum temporum historia depromendis, mihi penè confuisset, illum ex ambita dignitate, qua exciderat, & cui procurandæ opem

operam suam, in alterum animo incliniori, denegaverat *Gravius*, hanc injuriam sive gratiam male repensam, ut putavit, ulcisci voluisse. *Gravius* verò hac censura sive provocatus sive exasperatus, librum suum seridè & accuratè denuo recognovit, & quidem sumis quasi oculis & acuti judicio, ipse quoque in proprios errores, si qui fortè ex festinatione irrepressissent, animadvertens: excussisque pugillaribus, comperto ex calculis saepe in se ductis reductisque, se maximæ pyramidi altitudinem justo minorem assignasse, cæteris omnibus manentibus immutatis, tandem istam pyramidem ad quadringentos nonaginta novem pedes assurgere pro certo statuit: quod ex literis illius hac de re ad V. Cl. D. *Carolus Scarborough*, insignem quoque Mathematicum, conscriptis, & à me postea edendis, enucleatius patebit.

II. *Syntagma de Pede Romano & Denario, ex quibus, tanquam ex duobus principiis, mensura & pondera Antiquorum deduci possint.* Londini 1647. 8o. Viro celebratissimi nominis, *Joanni Seldeno*, honoris, observantiæ, & amicitiae causâ inscriptum.

Si libellus hic solus superfuisset, ab Auctore editus, harum rerum periti idoneique iudices inde sagacissimum illius ingenium mirabilemque in antiquitatibus indagandis subtilitatem ac solertiam & certò explorare & rectè æstimare potuissent. Ille verò, cum re sapienti cura sagacique animo pensitata comperisset, certam constantemque esse inter mensuras & pondera analogiam, & iusta comparatione habita, utraque simul posse patet fieri & indicari, hac ratione (neque enim aliam aut certiorē aut faciliorem excogitare licet) illa omnia pristinae integritati restitutus, authenticas originalesque mensuras & pondera, quotquot *Rome* alibi que in celebrioribus *Italiae* urbibus à *Gothorum Vandalorumque* barbarie & ab edacitate temporis integra & inviolata mansissent, propriis oculis intueri & diligenti manu versare impendit voluit. Nec id temerè fecit; licet ante illum quidam insignes Mathematici & Antiquarii idem quoque fecissent, cum levis inter illos intercesserit discordia. Ideo instrumentis accuratissimè fabrefactis instructus, pedes in monumentis, tum *Statili*, tum *Cossutii* in hortis *Colonianis*, repræsentatos, multosque alios ex rudibus *Rome* effossos; item antiquas structuras summa elegantia & arte olim ab optimis architecturae magistris conditas, puta *Capitolium*, *Vespasiani Amphitheatrum*, *Turi*, *Severi*, & *Constantini* magni *Arcus Triumphales*, & præcipuè *Pantheon Marci Agrippæ*: ipsissimum *Vespasiani* congium, & decempedas apud *Terracinam*, Veterum

rum *Anxur*, in rupe excelsa prope mare secus viam *Appiam*, juxta feriem numerorum decupla proportionem continuatam, characteribus pene cubitalibus descriptas, sedulo examinavit. Quibus omnibus exploratis, *Colossianum* istum esse verum antiquorum *Romanorum* pedem, multis argumentis prolatis statuit. Huic Dissertationi duplicem tabellam, quæ pes, tum *Romanus* tum *Anglicanus*, cum variis aliarum Gentium mensuris comparatur, in fine addendam curavit.

In altera, omnium antiquorum ponderum rationem à Denario pari judicio exquirat, præmissis de ejusdem valore, quatenus nummus erat apud *Romanos* in commerciis instituendis usus communissimi, doctis observationibus: quapropter centenos hosce denarios argenteos, tam Consulares, quam Cæsareos in ista longa variaque seculorum successione ad ultique *Justinianum* (post cujus obitum barbararum Gentium, quas *Scandinavia* ceteraque regiones Septentrionales immensis fere copiis effudissent, colluvies universam propemodum *Europam* inundaverat) signatos, item quinariorum seu victoriatos, aureorum ingentem vim, nummos *Græcorum*, præsertim *Atheniensium*, puta stateras aureas, tetradrachmas drachmas, cum suis minutionibus partibus: siclos *Ebraeorum*, uncias denique & libras æneas exactissima bilance, vel octogesima grani parte ad oculum deprimendâ, trutinavit, inde pretium & valorem nummorum antiquorum, quorum sola in libris, rebus ipsis publicis everfis delectisque nomenclatura superest, iuxta proportionem collecturus: addita quoque tabella, in quâ aliarum Gentium pondera, & aurea & argentea, ad modulum denarii constituuntur.

Ut verò in omnem posteritatem ipsa mensurarum, quæ hodie apud nos obtinent, veritas & certitudo absque aliquo detrimento integra & intemerata derivari possit, optimam eas cum antiquissimorum & celeberrimorum monumentorum, quæ hæcenus per tot secula perduraverint, & fortè in omne ævum, donec pereunte mundo universa rerum dissolvatur compages, sint duratura, partibus quibusdam insignioribus, (cujusmodi sunt primæ & maximæ *Egyptiacarum* Pyramidum, quæ magis ad orientem vergit, linea, post ostium quadrati descensus, ex duorum politorum lapidum junctura supra procurrens: basis columnæ ordinis *Corinthiaci*, non procul ab *Alexandria*, versus austrum: rupes illa, quam superius memoravi, ad *Terracinam*, *Tyrrheno* mari imminens; porta Panthei *Agrippæ*: & denique porta sancta basilicæ S. *Petri Romæ*) comparandi, indeque ad certissimam ponderum explorationem vas cubicæ figuræ, juxta proportionem in tabella proposita assignatas, ef-

effingendi methodum excogitavit. In extrema appendice observationes quasdam, ex longo rerum & frequenti antiquorum numismatum pen-  
satione collectas, de statuendis hodiernorum nummorum valoribus,  
dum inter se, pro moribus collybistarum hujus seculi, comparantur,  
proponit, quæ tum Antiquariis, tum iis, qui in longinquas regiones  
peregrinantur, magni usus forent. Ex hoc compendio, ineleganti li-  
cèt, & valde imperfecto, quod non invitatus fateor, Exteris, *Anglica-*  
*no* idiomati minimè assuetis, quorum præcipuè in gratiam hanc memo-  
riam scribo, quæquale de hujus doctissimæ lucubrationis excellentia &  
utilitate judicium formare licebit.

III. *CL. V. Joannis Bainbrigii Canicularia : unà cum demonstratione*  
*ortus Sirii beliaci pro parallelo inferioris Egyptii. Auctore Joanne Gra-*  
*vio. Oxoniæ. 1648. 8o.*

Tractatulum hunc, quem doctissimus *Bainbrigi* infandi belli furo-  
ribus eo usque impeditus, donec morte opprimeretur, præcipua sui par-  
te imperfectum reliquerat, rogatu quoque reverendissimi *Usserii Arma-*  
*hani*, qui id prius *Bainbrigium* rogaverat, cum supplemento ad argu-  
mentum istud absolvendum perquam necessario, ut Amici sui & in As-  
tronomiæ cathedra Decessoris famæ & memoriæ litaretur, edendum cu-  
ravit: occasione justa inde arrepta Virum eruditissimum, *Georgium En-*  
*sum*, M. D. postea celeberrimi Medicorum *Londinensium* Collegii Præ-  
sidem, & dignitate equestri merito suo insignitum, prævia epistola com-  
pellandi. Eximia utriusque virtus & summa eruditio *Patavii* primum il-  
los arctis veræ amicitiz nexibus conjunxerat, quam in *Angliam* redu-  
ces mutuis amoris & benevolentiz officiis deinde foverunt. Nemo au-  
tem, ut id obiter, nec tamen prorsus extra scopum, hic interferam,  
amicitias, cum magnis Viris initas, aut religiosius coluit, aut justius  
& honorificentius æstimavit, quàm *Gravius* noster, qui tot præclara  
nomina suis libris, non ex vanæ ostentationis aut stultæ ambitionis vi-  
tio, sed religionis studio & grati memorisq; animi sensu ductus, tan-  
quam debitum istiusmodi pro variis rerum momentis, aut veneratio-  
nis, aut observantiz, aut affectus causa, *μνημόσυνον*, sive Patronis si-  
ve familiaribus Amicis dedicatum, præfigi pro more voluit, hac piete-  
te, hoc morum candore pariter ac doctrina posteritati non parùm com-  
mendandus.

Accesserunt *Insigniorum aliquot stellarum longitudines & latitudines*  
*ex Astronomicis observationibus Ulug Beigi, Tamerlanis magni nepotis.*

Illas verò , ad principium anni 841. Hegiræ accommodatas , ad calcem hujus libelli adicere placuit , tum ut iste in paulo majorem concinnioremque molem inde exurgeret , tum ut Astronomis *Europæis* exhiberetur Specimen integri operis , quod molitus est & absolvit : de quo inferius agam.

IV. *Elementa lingua Persica.* Londini 1649. 4o. vel potius 1648. Typographus enim , ut puto , pro more non modicam anni partem anticipavit , ut gratia novitatis ipsi libro constaret magis. Hæc , facili justaque methodo tradita , olim suasu & rogatu D. Seldeni , cui inscribuntur , ante susceptum in *Orientem* iter conscripsit *Gravius* , eodem , ut videtur , tempore , quo V. Cl. *Ludovicus de Dine* ejusdem linguæ rudimenta condidisset , utrisque simul , licet consiliis hac de re non invicem communicatis , auspiciò conspirantibus , ut studiosis prodesse , ne , cum expeditus facilisque ex ingenti Grammaticarum copia ad perfectam linguæ *Arabica* cognitionem pateret aditus , omnem viam , quæ ad thesauros literarios in *Perside* latentes erat penetrandum , salebris objectisque scopulis vix superandis adhuc obseptam esse amplius quererentur. Ab hisce autem institutionibus non alienum , nec professioni Scientiæ Astronomicæ , quam , licet à publico illius docendæ munere abdicatus , ex scriptis *Orientalium* illustrandam susceperat , incongruum putavit , si ibi adderetur.

*Anonymus Persa de siglis Arabum & Persarum Astronomicis.* Quorum in eorundem Tabulis Astronomicis frequentissimus & penè necessarius est usus. Hujus commentationem , quam *Constantinopoli* comparaverat , annotatiunculis oppidò eruditus in marginem conjectis auctam , nobilissimo & eruditissimo Viro , D. *Claudio Hardy* , qui etiam , dum *Parisiis* ageret *Gravius* , ut , quod D. *Seldenus* domi fecisset , ejusdem Linguæ institutiones adornare scriptisque mandare vellet , hortatus est , in perpetuam veteris amicitiae memoriam dicavit.

V. *Epocha celebriores, Astronomis, Historicis, Chronologis, Chataiorum, Syro-Grecorum, Arabum, Persarum, Chorasmiorum, usitata, ex traditione Ulug Beigi, India citra extraque Gangem Principis. Persicè & Latinè, Londini 1650. 4o.*

Liber *Europæis* hæctenus incognitus , recondita *Orientalium* eruditione plurimum refertus : inunusque dignum , quod serenissimæ invictissimæque *Venerorum* Reipublicæ offerretur : cujus laudes ibi post magnificam

cam Inscriptionem elegantissimo carmine celebrat *Gravius*. Ut verò istæ epochæ, quarum assiduo usu & tractatione innumeri errores, in libris nostrorum hominum Chronologicis scædentes, emendati possint, facilius intelligerentur, illas ad periodum *Julianam* & epocham *Christi* vulgarem *Dionysianam* in annis expansis sive tabulis continua serie à primo Hegiræ anno sive *Christi* sexcentesimo vicesimo secundo usque ad annum istius æræ *Mohammedanæ* millesimum quadringentesimum septuagesimum, h. e. æræ Christianæ bis millesimum quadragessimum septimum, ingenti cum labore, summaque accuratione compositis constructisque reduxit: addita tabularum praxi, lemmatibus exemplisque congruis illustrata. Sequitur

*Chorasmiæ & Mawaralnahræ, hoc est, regionum extra fluvium Oxum, descriptio: ex tabulis Abulfedæ Ismaelis, Principis Hamah: quam reverendissimo Præsuli, Jacobo Usserio, Archiepiscopo Armachano, sacratam esse voluit. Hæc verò tabulas Geographicas, mira diligentia summaque fide cum quinque exemplaribus manuscriptis collatas, tanquam portionem exiguam, licet non contemnendam, imò magni faciendam, hac de causa edidit, ut regionum istarum urbes ibi descriptæ, Græcis verò Latinisque Scriptoribus, sive antiquis sive recentioribus, pleraque ex parte ignotæ, melius paterent, indeque de integri operis excellentia & utilitate certius judicaretur.*

VI. *Astronomica quedam ex traditione Shiah Cholgii Persæ: una cum hypothesebus Planetarum, & cum excerptis quibusdam ex Alfergani elementis Astronomicis, & Ali Kushgii de terra magnitudine & spherarum caelestium à terra distantis. Londini. 1652. 40. Inscriptis Viro nobilissimo, Joanni Marshamo, tum ut hoc monumentum sinceri affectus illibataque amicitiae, cum illo in istis calamitosis patriæque maximè funestis temporibus initæ, posteritati relinqueret, tum ut hac quoque ex parte eidem parem gratiam referret, qui Diatribam Chronologicam sub Gravii, doctissimi sui Amici, nomine in lucem prodire, ipsius consilio importunisque precibus, ut id faceret, inductus, ante triennium permisit. Liber iste Astronomiæ studiosis valdè utilis, qui prima Mathematicos elementa, originesque, & significatus vocum, Magni & frequentissimi in explicandis Ptolemai, quas Indi, Persæ, Arabesque sequuntur, hypothesebus, usus, clarè pandit.*

Adduntur

*Bina Tabulæ Geographicae, una Nassir Eddini Persæ, altera Ulug Bei-*

Ddd 2

gi

gi Tatar: Viris doctissimis *Edwardo Pocockio*, & *Thoma Gravio*, fratri suo, dedicata. Hæ nimirum tabulæ civitatum, earum præsertim, quæ in remotissimis *Asia* regionibus, ubi *Græci* vix unquam penetraverint, sitæ sunt, longitudinem ab *Insulis Fortunatis*, solenni *Arabum* *Perfarum*que ritu, numeratam, & latitudinem ab *Equatore* representant referuntque, singulis climate assignato.

Cùm pridem *Constantinopoli* libellum, à *Roberto Witherfo Anglo* conscriptum, de *Palatio Imperatoris*, iisque omnibus intra septimum istud Regium conclusis, & illorum muneribus accepisset, non indignum judicavit, qui communi luce *Londini* 1650. donaretur, utpote in quo, ut ille in nuncupatoria ad V. Cl. *Georgium Tookium* epistolâ testatur, multa arcana & argumenti perquam curiosi, quæ in libris, qualicunque lingua *Occidentali*, quantum scivisset, antè editis, frustra quæsieris, ubi vis occurrunt.

De reliquis *Graviana* eruditionis monimentis, quæ aut absolvit, aut imperfecta reliquit, (semper enim quippiam grande, inusitatum, & ingenio suo & sapientia dignum pertinaci studio molitus est) hoc in loco ut paucis agam, non inconcinnum videbitur.

VII. *Lemmata Archimedis apud Græcos & Latinos jam pridem desiderata è vetusto codice manuscripto Arabico à Joanne Gravio traducta* (a), & cum *Arabum Scholiis* publicata. Hæc edidit, & suis animadversionibus correxit & illustravit in *Miscellaneis* suis V. Cl. *Samuel Forsterus*, Astronomiæ in Collegio *Greshamensi* Professor, *Londini* 1659. folia.

VIII. *De modo pullos ex ovis in fornacibus lento & moderato igni colescentibus apud Kahirenses excludendi*. Schedam hanc in Actis Philosophicis pro mensibus *Januario* & *Februario* A. 1677. juxta computum Anglicanum excusam, Regiæ Societati, una cum figuris, impertitus est Vir doctissimus, D. *Georgius Enius*. Fortasse ad hoc peculiare *Egyptiorum* sive institutum sive praxin (si tantam præ se ferre possit antiquitatem: neque enim id acriter contendam) alludit *Hadrianus Imperator* in epistola prælaudata ad *Servianum* Consulem, de iis ita loquens: *Nihil illis opto, nisi ut suis pullis alantur: quos quemadmodum faciunt*,  
pu-

(a) Vide epistolam *Gravii* ad *Jacobum Usserium Armachanum*, Epist. ccxi. in 57. b. 1. pag. 309.



*pudet dicere.* Hæc autem olim observarunt *Aristoteles* Historiæ Animalium lib. vi. capite secundo, & *Diodorus Siculus* Antiquit. lib. ii. Huc enim certissimè alludit. V. *Bellonius* in Observationum libro secundo, cap. 31.

IX. *Epistola de latitudinibus Constantinopoleos & Rhodi, ad reverendissimum Usserium Armachanum directæ*: ubi multa præclara de cælestibus cognati argumenti tum *Græcorum* tum *Arabum* observationibus habentur. Hanc olim è schedis *Usserianis* depromptam iisdem Actis promense Decembri A. 1685, inferendam curavi.

Libri, quos prælo paravit, hi sunt:

I. *Tabula integra longitudinis & latitudinis stellarum fixarum juxta Ulug Beigi observationes*: quas cum quinque manuscriptis codicibus, ut quàm emendatissimè (sic enim planè statuebat) in publicam exirent lucem, diligenter contulerat. Cui operi nemo magis idoneus digniorve illo erat habitus aut habendus; utpote, qui præter linguarum *Arabica* & *Persica*, quam adeptus est, cognitionem, in rimandis *Uranis* arcanis stelligue observandis tum in *Egypto* tum in *Anglia* assidue versabatur. Librum hunc, tanquam sacrum pretiosumque depositum, apud D. *Usserium Armachanum* reliquit. Easdem verò observationes universas postea, D. *Thomas Hydus*, linguarum *Orientalium* callentissimus, tanquam opus novum & à nemine attentatum aggressus, omnino nefcius, *Gravium* totum id absolvisse, versione sua *Latina* donatas commentariisque illustratas, D. *Sethi Wardi*, tunc temporis *Exoniensis*, & post *Sarisberienfis* Episcopi, qui *Gravio* nostro, ob fidem erga Serenissimum Regem *Carolus* I. beatissimæ memoriæ servatam, munere isto publico, ut supra dixi, à Parlamentariis Visitatoribus exuto, successisset, rogatu & auspiciis, *Oxonii* A. 1665, edi curavit.

II. Paratam quoque habuit *Gravius* versionem *Georgii Chrysococcæ* ex manuscriptis *Persicis* *Gracæ* factam, prout repererat in codice MS. in archivis *Baroccianis* Bibliothecæ *Bodleianæ*: tum tabellam longitudes & latitudes stellarum insignium xxv. continentem: tum alteram sive *Κανόνιον τῆ μήκης καὶ πλάτους τῶν ἐπισήμων πόλεων*. Easdem Viz optimus & magnum *Gallia* lumen, *Ismael Bullialdus*, (cujus erga me benignitatem dum ante viginti tres annos paucis septimanis *Parisis* agerem, grata mente recole) in appendice ad *Astronomiam Philolaicam*, *Paris*

*sis* 1645. publicavit. Variantes lectiones à *Gravio* in codicis sui collati cum impresso margine adnotatas memini me olim vidisse.

III. *Descriptio Peninsula Arabica ex Abulfeda, cum descriptione maris Persici & Rubri. Arabicè & Latinè. Ejusdem Descriptio ex Ptolemaeo. Græcè & Latinè. Addit Gravius, Græca sunt è codice MS. clarissimi doctissimique Viri, D. Seldeni. Latina à Gerardo Mercatore edita sunt, & nonnullis in locis opo codicis MS. Palatini à P. Bertio castigata. Numeri Græci in editione Bertiana, quæ optima censetur, depravatissimè leguntur. Hæc edere statuebat A. 1645. sed intestina bella omnino intercefferunt. Exemplum istud propria illius manu descriptum, apudque fratrem suum doctissimum, Thomam Gravium, relictum una cum aliis hujus codicibus MSS. pecuniis suis redemit Academia Oxoniensis, inque Bibliotheca publica reponi curavit.*

IV. *Narratio Geographica de montibus terra juxta Arabes ex Abulfeda; Anglicè: in qua de marmoribus rubri coloris, maculis candidis nigrisque intermissi, prope montem Sinam effossis, quædam præclaræ observationes. Peregrinantibus aut non satis obvix, aut præ fastidio & imperitiis neglectæ, inseruntur.*

V. *De Tataris seu Mogolensibus, ex Teixeira Hispano, qui plurima ex Emircondo Persâ mutuatus est; cum ejusdem compendiarie præcipuarum in Perside regionum descriptione: Anglicè.*

VI. *Commentarii in Epochas supra memoratas, nescio quo infelici casu in ista editione omissi. Horum enim mentionem facit in titulo libri, & ad eisdem post tabulas Chronologicas Lectorem remittit de embolismo Persico & Gelalao diligentius inquisiturum. An perierint, nec ne, penitus ignoro: neque enim illos in schedis Gravianis aut Ufserianis reperire hæcenus contigit.*

VII. *Versio integra tabularum Geographicarum Abulfedæ: quæ pariter latet. Hanc autem ab ipso consummatam fuisse ex præfatione Chorasmia & Mawaralnahre descriptioni præfixa satis constat. Cum enim dixisset, Ramusium iis fuisse usum, & præcipuè Castaldum, insignem Geographum, illarum beneficio errores ab aliis in describendis Asia regionibus, & potissimum in signandis locorum longitudinibus & latitudi-*

dinibus admissos sustulisse, ac denique Viros doctissimos, *Thomam Erpenium* & *Gustelimum Schickardum*, de iis edendis cogitasse, mox subjungit, *Quod itaque à tantis Viris susceptum, & à doctis hodie ferè omnibus efflagitatum, tandem favente Deo Opt. Max. in hac nunquam satis deploranda Patria mea calamitate, in maximo fortunarum naufragio, summaque animi inquietudine, consummatum est.* Non possum igitur, quin deplorem triste illud, quod illustri huic ac utilissimo istius Syri Principis libro adhuc incubat, fatum, nec facile, ut videtur, averruncandum, ni Principum Magnatumque hisce literis patrocinantium munificentia infelix istud infaustumque avertat omen. Post enim *Gravium*, Viri clarissimi & eruditissimi, *Samuel Clericus* & *Gustelmus Gufius*, ambo *Oxonienfes*, &, ut accepi, *D. Thevenotus*, *Gallus*, idem quoque opus summa cum industria moliti sunt, quos tamen in medio opere occupatos mors abripuit.

VIII. *Elementa omnium Scientiarum, præsertim Mathematicarum*, in libello, quem synopsis & compendium τῆς Ἑγκυκλοπαιδείας jure appellaverim, comprehensa. Multa quoque, quæ ad Astronomiam, Geographiam, & Chronologiam è Scriptoribus Arabicis Persicisque collecta, unà cum præclaris quibusdam cælestibus observationibus à se aliisque hoc seculo factis, ibi occurrunt: quas tandem aliquando, si Deus dederit, publicabo. Libellus enim iste, propria illius manu descriptus, quem Frater ipsius *Nicolaus Gravius* Viro celeberrimo, *D. Lofinsio*, dono dederat, tandem, revolutis multis annis, felici casu ad me delatus, suppellectilis meæ librariæ ingens est ornamentum.

IX. Ex tabulis *Nassireddini*, *Abulfeda*, & *Ulug Beigi* collatis mapas quasdam chorographicas, signatis nimirum secundum debitas regulas & proportionem in plano, civitatum, juxta situm & à se invicem distantias, quas isti describunt, longitudinis & latitudinis gradibus, acti-  
fici & perpolitam manu delineavit *Gravius*: quas dum continente nec prorsus incurioso oculo lustro, frequentique manu verso, *Arabum* observationes minus justas & veras esse, neque cum iis à nostris Mathematicis, hisce sequioribus seculis, sive diligentiori cura sive accuratioribus instrumentis elucubratis, comparandas, satis edoctus, in iis æri incidendis, (quod fecissem, si tanti fuissent) operam & nummos prodigere nefas penè duco. Minoris quoque *Asia* mappam chorographicam construxit & concinnavit rogatu *D. Ufferis Armachani*, qui eruditissimam

nam istam Dissertationem, quæ postea sub hoc titulo prodibat, *Geographica & Historica Disquisitio de Minori Asia propriè dictâ, &c.* tum temporis molitus est.

X. Statuebat quoque (a) Lexicon linguæ *Persicæ* edere, collectâ ingenti vocabulorum, usque ad sex millia, ex *Arabicis & Persicis* Nomenclatoribus copia: ad quod complendum, iter *Leidam*, in cujus publica Bibliotheca quamplurimi codices MSS. linguarum *Orientalium* erant ex legato *Josephi Scaligeri* & procuratione *D. Jacobi Golii* repositi, instituisse copiebat, si per maligna tempora licuisset.

Multa quoque alia, puta de *Geographiæ à gente Arabum*, quos diligentissimè tractavit, quorumque sententias de terræ magnitudine sive de ambitu circuli maximi recensuit: de ponderibus & mensuris *Arabum*, de *Mumii* sive veterum *Ægyptiorum* sepulchris, de characteribus figurisque hieroglyphicis, quarum ingentem variamque copiam in suis pugillaribus prælens ex ipsis obeliscis ac columnis adnotaverat, deque reliquis antiquitatibus illic reportis detectisque, edere proposuit. Quibus tamen omnibus minus ægrè nobis esset carendum, si *inferioris Ægypti topographiam* unâ cum duorum naturalium *Nili* alveorum, qui *Deltam* ambitu suo complectuntur, descriptione, (illorum volo cursum, anfractus, oppida insigniora, quæ illorum ripis insistant imminentque, & ostia apud *Pelusium & Canopum*, recentioribus, ut videtur, *Damiatam & Rosettum*) quod nemo meliùs & accuratius quidem potuit, edidisset.

Sed tantùm abest, ut hoc illi cedat in opprobrium aut famæ diminutionem, ut potius omni laude sit cumulandus, quod, rerum nostrarum temporisque, post ejus reditum in *Angliam*, habita ratione, tot illustria indefessæ industriæ monimenta post se relinquere potuerit. Tunc enim, quod hic necessariò repetendum videtur, ubique ferè erat tumultuatum: mox ingruerat funestum illud bellum, quod omnia loca rapinis, cædibus, incendiis implevit: *Oxonium* præcipua arx belli fiebat, quò serenissimus Rex Regiarumque partium sequaces confugerant, & in quam copię militares Parlamentariæ maximè detonuerunt: perpaucæ horæ, aut à militaribus aut ab aulicis negotiis vacuæ, Academicis supererant, literarum studiis, nisi quas à sonino subripiuissent, impendendæ: (inter enim tubarum clangores, bombardarumque strepitu,

(a) V. illius Epistolam ad *Usserium Armachanum* in Sylloge. pag. 509.

ais, quis locus quieti & otio, suavissimis literarum altricibus, esse poterit? ) iustitiumque Prælectionum, Disputationum, reliquorumque Scholasticorum Exercitiorum, tum in publicis Scholis, tum in Collegiis, erat invecum. Post, à suis muneribus abdicati Academici fere omnes, nisi qui agnita Parlamenti tyrannide à fide, & Deo & Regi solenni juramento præstita, turpiter defecissent.

In hac communi *Anglia* strage tristem sortem, si quis alius, subibat *Gravius*, cujus res privatae inde erant afflictissimæ: utpote *Oxonio* pulsus, omnibus fortunis suis exutus, sola modica hæreditate relicta, &, quod maxime doluit, libraria supellectile spoliatus, barbaris militibus arculas cistasque effringentibus. Hinc schedæ aut disjectæ aut laceratæ, abreptique codices manuscripti: quorum partem, *D. Seldeno*, (qui multum apud Parlamentarios, qui cum perduellibus *Westmonasterii* manserat, licet alias strenuus laborantis Academix *Oxonienfis*, cujus erat in istis Comitibus Burgensis sive Deputatus, contra Visitatorum insultus Advocatus & Patronus) operam suam, tempestivè interponente, recuperavit: pars verò periit. Fixis jam in Urbe sedibus, uxorem duxit in solatium vitæ, interim tamen studiis forti vegetoque animo, quantum humani affectus sinunt, quàm maxime & indefinenter intentus: ut libri isthoc intervallo editi abundè testantur. Tandem, sive inimodicis studiis, sive nimio mœrore, quem ex tenerrimo publicarum Patriæ calamitatum sensu contraxerat, confectus, diem suum, mense *Octobri* A. 1652. cum jam quinquagesimum ætatis annum exegisset, non sine maximo Amicorum luctu, quasi præmaturè obiit. Sepultus jacet in Ecclesia *S. Benedicti*, vulgo distinctionis causâ nuncupata, *Sheerhog*, quæ in fatali incendio *Londinensi* penitus eversa erat. Vir sane longè meliori seculo dignissimus, & inter summa Academix *Oxonienfis*, imò & *Anglia*, decora merito suo annumerandus. Quantus verò Vir futurus esset, imo maximis accensendus, quàm pulcherrimè & optime de Astronomia, de literis *Orientalibus*, imo de universa re literaria meritorus, si vita longior, si fortunatior, si denique ab incommodis & ærumnis, quibus vel mentes optimorum dejici solent, omninò libera, illi contigisset!

*Gravius* fratrem *Nicolaum*, sibi ætate proximum, testamenti, anno ante mortem summa pietate & sapientiâ conditi, *Executores*, ut nostri Jurisconsulti loquuntur, & bonorum omnium, sive mobilium sive immobilium, (demptis nimirum legatis, pecuniisque numeratis, quas dilectissimæ Uxori, præter prædii usum fructum, illi, dum viveret, do-

Ecc

ria

tis rependendæ vice prius assignatum, duobus aliis Fratribus, Fratris filio, & Amicis donaverat) constituit hæredem. Hic verò, sive *Joannis* consilio & voluntati, qui, ut videtur, & forte in privatis ante obitum colloquiis, pro amore erga Academiam *Oxoniensem*, erga *D. Savilium* Fundatorem, & erga publicum, quod insigni cum laude gessit, munus, post instaurandas Ecclesiam, Monarchiam, & Academiam, si quando violenta sœdæque ista tempestas, quæ omnes tunc prostratæ jacebant, Deo misericorditer favente, præterierit, id fieri cupiebat, obsecutus; sive illius immortalis famæ consulturus, totum machinarum instrumentorumque (inter quæ recensentur Telescopia, Quadrantes, Sextantes, Octantes, Astrolabium, & ejusmodi) cœlestium observationum usibus adaptatorum apparatus, tertio Fratre *Thoma* consentiente, & symbolas apud se relictas dante, in Museo *Saviliano*, tanquam loco maximè proprio, repositum, in perpetuum servari ultimis tabellis curavit. Horum index habetur in magno opere Catalogorum *Oxonii* nuper edito: parte I. pag. 302. Utinam in servandis schedis solutis, epistolisque ad *D. Gravium* scriptis, illiusque responsois, quarum perpauca, tanquam ex incendio ereptæ, illic supersunt, ne dicam codicibus MSS. & selectis impressis, potissimum Auctoribus primæ classis, quos passim in margine emendavit, eruditisque illustravit annotationibus, parem curam adhibuisset *Nicolai* vidua. Hos enim, ut accepi, vili admodum pretio sibi comparavit versurus quidam Bibliopola: quorum aliqui in Museis curiosorum, qui, pecuniis abundantes, istis mercibus pretiosis in auctionibus publicis distrahi solitis coemendis inhiant, hodiè reperiuntur.

Fratres tres, Viros & dignitate & eruditionis fama insignes, sibi diu superstites, habuit. Illi erant, supradictus *Nicolaus*, olim splendidissimi Collegii Omnium Animarum *Oxonii* Socius, & Academiæ A. 1640. Procurator, & postea Ecclesiæ Cathedralis *Dromorensis* in *Hibernia* Decanus: *Thomas*, Collegii Corporis *Christi* ibidem Socius, & Ecclesiæ *Petriburgensis* Canonicus meritißimus: Vir linguarum *Orientalium* peritißimus, ut doctissimæ in Pentateuchum & Evangelia *Perfeca* annotationes, in sexto Bibliorum Polyglottorum *Londinensium* tomo editæ, clarissimè demonstrant. Ille verò longè antea ediderat Orationem de linguae *Arabice* utilitate & præstantia *Oxonii* habitam 19. Julii 1637. Et denique *Edwardus*, Collegii etiam Omnium Animarum, & celeberrimi Collegii Medicorum *Londinensium* Socius, Medicus serenissimi Regis *Caroli* ordinarius, & Baronetti dignitate illustris, cujus elegantiss.

fi.

simā exstat oratio in Collegio *Londinensi* 25. Julii 1661. die *Harvai* memoriæ dicato habita.

Commercium literarium cum quibusdam Viris exteris longè celeberrimis habuit, puta *Gmilselmo Schickardo*, *Jacobo Golio*, *Clandio Hardy*, *Francisco Junio*, *Petro Scavenio*, & *Christiano Ravio*: quod tamen flagrante bello identidem exercere vix licebat. Domi, quos impensissimè amavit coluitque, ab iisdem redamatus, & quantum illorum summa dignitas sivit, vicissim cultus, non sine maxima animi voluptate recensere solitus est reverendissimos Præsules, *Laudum & Uffarium*, hunc *Hibernia*, illum verò *Anglia* Primatem, *Joannem Seldevium*, *Gmilselmum Harvaum*, *Gerardum Langbainum*, *Joannem Marshamum*, cui omnia numismata, sive pretiosi sive ignobilioris metalli, ab ipso in *Italia* & in *Oriente* collecta, legaverat, *Edwardum Pocockium*, *Georgium Entum*; *Carolus Scarburgum*, aliosque Viros maxime egregios, quorum omnium nomina hic ingerere ostentabundi esse videretur. Omnes sanè boni, etiam ii, quibus sola fama innotuit, ipsius mortem quasi præproperum acerbumque funus veris lachrymis luxerunt: apud quos magnum sui desiderium reliquit. *Æqua* autem posteritas, & ab omni malo affectu præjudiciiisque libera, dum istorum temporum, in quibus malè erat habitus, impietatem, perfidiam, & malignitatem execrabitur, simul illius (similiumque *Συμπασχόντων*) probitatem, invictam animi vim, nullis malis frangendam, sublime ingenium, & reconditam eruditionem debitis elogiis prædicabit.

## ELOGIA &amp; TESTIMONIA

*Eruditissimorum Virorum*

de JOANNE GRAVIO.



EDWARDUS POCOCKIUS in *Specimine Historia Arabum* Oxon.  
1650. pag. 128.

Atque hæc est Urbis Meccanz (prout Auctoris hujus ævo se habuit) descriptio, quam ut Lectori, quam potuimus, emendatam daremus, duo inter se exemplaria MSS. conferenda curavimus, quorum primum è Syria advexi, alterum ex Ægypto doctissimus Vir, Joannes Gravius, quod meo & antiquius & multò emendatius.

Pag. 158. Quod ad characteres à Moramero effictos, ac diu apud Arabes retentos, satis rudes fuisse constat, quales scilicet Kufenses vocant, quos in librorum titulis ac lapidibus insculptos videri est: nec aliis descriptum olim Alcoranum testantur folia aliquos antiqua, lueris seminuicialibus in pergameno exarata, quæ doctissimus, mihiq; amicissimus, Joannes Gravius, quo nemo integro magis affectu se studiaque sua ac impensas suas publicæ rei literariæ militati dicavit, secum ex Ægypto desulit.

EDWARDUS BERNARDUS in libro de *Mensuris & Ponderibus Antiquorum*. Oxonii 1683.

Pag. 105. Jo. Gravius V. Cl. & justitia Romana diligentissimus indagator.

Pag. 123. Joanni Gravio, amecessori nostro semper memorando.

Pag. 133. Nobis equidem pensitantibus, post Joannem Gravium, rarissima eruditionis apothecam, uncia Romana sustinet grana monetaria Angliæ.

Pag. 134. Joannes Gravius, Cathedra Savilianæ honos, multo experimento exegit.

Pag. 197. Ex pede igitur Anglico Græcoque, ut decet pedes & mensuras aliorum brevis tabula æstimabimus, freti multum experimentis Jo. Gravii, viri probi & docti.

Pag. 203. Semes defendis diligentissimus Gravius monumento Cossutii, Architecti Romæ Athenisq; Pollione judice, laudatissimi.

In Prælectionibus MSS.

In



*In superiori præ-Elione, ut properanti & abituriienti licuit, mentio facta est Joannis Gravii, qui vir hujusce cathedrae ornamentum, Academiae delicia, solertissimus antiquitatis Romanæ, Græcicæ, Orientalis, omnino omnis, explorator, libellum de Denario & Pede Romulidum aureum, imò supra aurum omne & metallorum lucem, pretiosum, luculentum, ingratum, ingrato seculo dedit, atque ut omnibus testatum faceret & compertum se nullis convitiis, injuriis, vel etiam infortunio affectu illo integerrimo ac amore mero, quo erga hanc Academiam semper ferebatur, liberari demum & exui ullatenus potuisse, egregiam suppellectilem, Quadrantes, Obstantes, Sextantes, etiam Tychonicis grandiores & distinctiores, tum Astrolabia, Dioptras, Academiæ huic, ut tunc res erant, moribunda, moriens legavit. Nosmet igitur quod videtur, & tantæ memoriæ viri atque unâ justitiæ hodie litare decet. Pede enim Gravianò hunc nostrum globum, tot imperiis, regnis, rebusque publicis æquè divisum, justissimè metiri datur. Sextante etiam Graviano amplissimas cælorum regiones, extremamque terrarum, quam post Arabum Principes mortalium quispiam accuratius aut solertiùs.*

*In alia Præ-Elione.*

*Diligenter quidem de Pedibus Romano & Græcico, scripsere Agricola, L. Pætus, Villalpandus, Messenius, vix alius: at Joannes Gravius diligentia atque doctrina in isto argumento longè antecelluit; imò plures veteres modos contulit; plura monumenta Romana, pede Anglicano replicato; dimensus est, quam unquam Italoꝝ aliquis fecit, Pætus, Ricciolus, ceteri.*

THOMAS HYDE in præfatione Tabularum longitudinis ac latitudinis stellarum fixarum ex observatione Ulugh Beighi. Oxon. 1667.

*At ne tam celebre nomen neglectum temporumque rudibus sepulchrum jaceret, primò consuluit Vir undequaque doctissimus, Joannes Gravius, in Academia Oxoniensi olim Astronomiæ Professor Savilianus. Ille enim primam partem nostri Auctoris de Epochis Orientalium Gentium, & ejus Tabulam Geographicam de situ quarundam regionum ac urbium Latinitate donavit, & in lucem publicam emisit: ipse idem quoque paulò ante longitudes ac latitudes centum plus minus stellarum ex hisce Tabulis, quas jam edimus, desumptas, unâ cum D. Bainbrigii Canicularia Oxonii edidit, ubi & omnium inerrantium emendatam editionem promisit; mortem autem, ab nimis præpropere! abreptus, fidem liberare non potuit.*

JACOBUS GOLIVS in additamento de Cathaia ad Atlantem Sinicum M. Martini pag. II, III.

*Hinc* (l. e. ex Nasiroddino, patria Tuszo) *ad verbum exscripta fuerunt* : *qua de eadem re ex Ulug Begi traditione Cl. Joannes Gravius Angelus, auditor quondam meus, immaturâ morte Reip. literaria nunc ereptus, publicavi abhinc quadriennium, Epocharum celebriorum nomine inscripto. Quem librum allego propterea, ut cuique liceat, si libet, eorum, de quibus acturi sumus, ibidem testimonia videre.*

GEORGIUS HIERONYMUS VELSCHIUS in *Commentario in Tabulas Aequinoctiales novi Persarum & Turcarum anni*. Augustæ Vindelico- rum 1676. pag. 18.

*De Turcarum Epochis videre poteris tabulas Astronomicas Mogonicas sive Ulug Beigi quas V. Cl. Jacobus Golius Bibliotheca Lugduni Batavorum intulit ex Oriente adlatas, Abdarachmano Salachienſi inscriptas, Præfeto Damasci in Sytia, quas Jo. Gravius Londini in Anglia emisit, eoque ipso immortalem sibi nominis gloriam cum Geographicis quibusdam Abulfedæ peperit.*

STEPHANUS LE MOYNE in observationibus ad *S. Barnabæ Epistolam* pag. 798. 799.

*Occurrunt in Epochis Chataiorum ipsorum, Chorasmiorum, gentium magis barbararum & remotiorum, quas maximo labore adornari curaverat Ulug Begius, Princeps Indiæ, & quas etiam maxima cura vulgavit Joannes Gravius, Angelus doctissimus, & in omnibus linguis Orientalibus egregiè versatus. Occurrunt & eadem nota in libello Ziglarum Astronomicarum Arabum & Persarum, quem edidit idem Gravius, ubi eadem prorsus occurrunt figura & nota numerica, quas modo supra representavimus. Ubi etiam Gravius rectè observat, characteres istos ab Arabibus & Indis nos tandem habuisse.*

A. GALANDUS in præfatione ad *Bibliothecam Orientalem* D. Herbelotii.

*Seldenus, Pocockius, Castel, ceux, qui ont travaillé en Angleterre, à l'édition de la Bible Polyglotte, & le Docteur Hyde Bibliothécaire d'Oxford, qui vit encore aujourd'hui, se sont tous signalez, par des traductions & par d'autres Ouvrages sur la Langue Arabe, & sur la Langue Persienne, dont l'inde a aussi reçu de grands secours par les Livres de Gravius.*

# V I T A

*Illustris Viri , D.*

## PETRI JUNII,

Equitis Aurati, Serenissimi Regis JACOBI  
I. Præceptoris , & magni Scotiæ  
Eleemosynarii,

Scriptore

T H O M A S M I T H O ,

*S. Theologiæ Doctore & Ecclesiæ Anglicanæ  
Presbytero.*



## V I T A

V. C. D.

## P E T R I J U N I I,

Equitis Aurati.



ETRUS JUNIUS natus est *Toaduni* in *Angustâ*, Provincia *Scotia*, xv. die *Augusti* anno *Christi* incarnati MDXLIV. patre *Joanne Junio*, & matre *Margaritâ Scrimgerâ*, utrisque ex antiqua & nobili familia otiondis: de quorum natalibus, felici connubio, & numerosa prole nihil hic dicere attinebit, cum ea omnia ex *Ephemeride Junianâ* in calce hujus breviculæ narrationis reperienda melius & facilius peti possint.

Cum verò vividum illius ingenium, quod in ipsis puerilibus annis eluxit, seduli parentes, pro laudatissimo Gentis suæ more, liberorum famæ, ac, crescentibus annis, felicitatis, non imaginibus majorum, titulivæ honorum, aut amplissimis latifundiis, sed prudentiâ, fortitudine, æquitati animi, eruditione, ac pietate metiendæ studiosissimi, sub idoneis Magistris liberali & severâ educatione excolendum curassent, ex ephebis excessurus, jam sumptâ virili toga MDLXII. exteras regiones petit, non vitæ solutioris aut desidis causâ, quasi semotis arbitris ac juventutis custodibus, quippiam ex pristinâ, cui assueverat, aut virtute aut industriâ esset remittendum, non inani curiositate aut desiderio solos oculos magnificis spectaculis pascendi ductus, sed ritu & exemplo Philosophorum veteris *Græciæ*, ut, familiari cum viris optimis & eruditissimis conversatione habitâ, majorem ingenii cultum caperet, inspectisque aliarum Gentium moribus ac institutis, satisque firmo judicio, quicquid præclarum & laudabile occurrisset, edoctus, quod Patriæ orandæ & juvandæ conduceret, inde suis redditus, tanquam utilissimum suscepti itineris fructum, reportaret.

Fff

Gal-

*Galliâ* tunc temporis intestinis motibus agitâtâ , nullibi meliùs studiorum causâ , quàm *Genevæ* , omni tumultu bellico procul , sibi morandum esse duxit : quò etiam maximè allexit *Theodori Beza* , aliorumque , eruditione ac à corruptelis & superstitionibus *Romanensium* purgatæ Religionis zelo insignium , fama , nec stimulo majori urgeri potuisset , præsertim si V. Cl. & doctissimus , (a) *Henricus Scrimgerus* , avunculus ejus , ab *Italia* , cujus insigniores Bibliothecas , vetustis manuscriptis codicibus diligentissima manu collatis , curiosis oculis lustrarat , cum hac supellectile literariâ redux , isthoc tempore illic sedes suas , indigena futurus , habuisset. Interdùm tamen , aut valetudinis aut animi causâ ad vicinas urbes , præcipuè *Lausannam* , ubi arctam cum *Gulielmo Stuckio* contraxit amicitiam , divertit , eundem studia literarum profsequendi ardorem , quocunque iverit , præ se ferens. Quantam verò spem de se ex vitâ juxta normam virtutis exactâ , in ista labili ætate , & in vitium nimium quantum prouâ , & ex tam præclaris initiis , quando maturioribus annis judicium & experientia indefessæ industriæ essent accessura , excitaverit , quàm charus quoque omnibus , qui in istis Academicis gesserint principatum , fuerit , ex *Beza* aliorumque epistolis inde in *Scotiam* missis constare poterit. Ille enim morum summus candor , non tam ex debita humorum temperie , quàm ex bona indole & sapientia ortus , quem per totum vitæ tenorem integrum servavit , tantam vim , eamque ineluctabilem , in se habuit , ut quotquot illum vel leviusculè nossent , multòque magis , qui intimæ essent admissionis Amici , illius amore & admiratione raperentur.

Post aliquot annos in *Scotiam* reversus est , an parentum , ut senium suum aspectu tam chari filii solarentur , jussu , an negotiorum causâ , incertum , sed non nisi animo repetendi *Galliam* : nondum enim scopum istum , quem peregrinatione priùs susceptâ proposuerat , sibi visus est attingisse. Ex penitiori rerum usu & longiori in isto secessu morâ , ubi Musis & Gratiis extra importunas domesticorum disceptationes , & inutile circumcursitantium amicorum commercium & strepitum , iterum erat litandum , eruditior & sapientior fieri cupiebat , antequam totum se in

(a) Hic vir doctissimus Bibliothecam suam selectam , & præcipuè ob quamplurimos Codices MSS. *Græcos* magni æstimandam , huic sororis per dilecto filio , *Junio* nostro moriens A. C. MDLXXI. legavit : quæ postea , viz. circa annum MDLXXIII. ope *Alexandri* fratris *Genevæ* aucta erat in *Scotiam*. Cujus elogia vide apud *Thuanum* ad A. MDLXXI. & *Casaubon.* Epist. 106. in Appendice.

in Patriam dare vellet, ut sic quoque vel publicis negotiis non prorsus impar, ab iis, qui sub puerulo Rege rerum potiti sunt, tandem aliquando judicaretur.

Sed ecce! cum in procinctu itineris esset, expectato navigandi post sedatas hiemis procellas tempore, necessitas, Deo ita providente, ipsi nec opinanti quidem in patriâ manendi imponitur, felicitate peculiari, & quammaximè optanda, cum ab isthoc momento fortunarum suarum & dignitatis fundamenta jaciendi, & de *Scotiâ*, imò de universis *Britanniis*, optimè merendi commodissimam opportunitatem nactus sit. Nam anno MDLXIX. ineunte, ætatis verò suæ xxv. mandante *Jacobo* Comite *Moravia*, qui post Reginam *Mariam* horrendis calumniis oppressam, & contra omne jus humanum & divinum vi & rebellibus armis sub prætextu Religionis reformandæ deturbatam, à consæderatis Proceribus *Scotia* Regens constituebatur, inter domesticos Regis adscitus est, qui, (a) una cum *Georgio Buchanano* plusquam sexagenario balbutientem Regis, qui adhuc sub Nutricum curâ positus, nuper tertium ætatis annum explevisset, pueritiam, linguam & vocem dirigendo, primis literarum elementis informaret: deinde, prout succrescens ætas magis magisque ferebat, bonis artibus & doctrinâ imbueret, & pietatis ac religionis sensum animo instillaret. Diplomatis, quod in arce *Sterlinensis* accepit, ad hoc præclarissimum munus obeundum, auctoramento pro more munitus, Aulæ quasi affigitur, nunquam illinc, nisi Regis aut regni causâ, deinceps avellendus. *Buchannus* sanè, cui primæ partes ob famam ingenii & eruditionis delatæ erant, *Junium* nostrum in erudiendo Rege Collegam suum semper ingenuè agnovit, nec id laudis sibi soli, hac ex parte invidia & ostentatione vacuus, arripuit, qui vix fortasse tedium istud vel per ingravescentem ætatem vel per tetricos mores tolerare poterat, & maximi erat momenti, quod ad fidem muneris impositi implendam omninò faciebat, si pro arte ista, cui ab ineunte juventute assueverat, monitis, consilio, ac auctoritate senili, tanquam inspector & Ephorus cæteris superpositus, educationi Regis iverit prospectum: sed labor iste, ut fas est credere, Regem docendi, si non unicè, saltem maxime, per omnem teneræ ætatis gradum incumberebat *Junio*: à quo tempore titulum hunc: *D. Junio, Scotorum Regi, à litera-*

Fff 2

rum

(a) De utriusque ingenio, variisque moribus, hujus tetricis, *Junii* verò lenissimis in instituendo Principe, vide *D. Jacobi Melvilli* memorialia de rebus in *Scotia*, sub *Maria* Regina *Scotorum* & *Jacobo VI.* gestis. Pag. 125. Londini 1683.

*rum studiis*, cæteris, quos morum comitas suggessit, amici in fronte epistolæ apponere certatim gestiebant; nec grandiori elogio illum, quasi maxima laus, nec unquam cessatura, inde derivaretur, multis post annis cohonestare noverit doctissimus *Camdenus*, non invidus aut parvus Virorum magnorum laudator; non enim quippiam ex hoc nudo elogio ipsi ad æternitatem famæ desiderandum erat, licet aliis publicis muneribus gestis non innotuisset; Serenissimus verò Rex, cujus id nosse maximè intererat, per totum vitæ curriculum, non sine benevoli animi sensu & prædicatione palam id quoque testatus est.

Quali methodo in erudiendo Rege sibi utendum esse duxerint Præceptores, charta ab ipso *Junio* relicta, clarè indicabit: quæ, si non ob se, saltem ob memoriam tanti Regis, qui omnibus sui temporis Monarchis eruditionis palmam præcipuerit, Lectori curioso non displicebit.

*Ordo, quem Regia Majestas sibi in literarum studiis præscripsit, ac diei partitio.*

1. *Mane primò à precibus auspicabitur, quò Deus Opt. Max. conatus omnes ac studia secundet, provehatque. Absolutis precibus ac placato Numine ad Græcæ se accinget, vel ex Novo Testamento, vel Isocrate, vel ex Plutarchi Apophthegmatibus una cum praxi præceptorum Grammatices.*

2. *A jentaculo Latine aliquid leget vel ex Livio, Justino, Cicero-  
ne, aut ex Chthonicis nostratibus vel externis.*

3. *A merenda scriptioni nonnihil temporis impendet; reliquas horas pomeridianas, quum vacabit, vel Arithmetice, vel Cosmographia, (quæ Geographiam ac doctrinam sphaera Astronomica complectitur) vel Dialectica, vel Rhetorica tribuet.*

*Sed hæc singula sigillatim, non simul omnia tractabuntur.*

Quantum Serenissimus Rex in bonis literis aliisque Regiis dotibus sub tali disciplinâ profecerit, vidit postea Christianus Orbis, & obtupuit.

Rex jam imperiî capax, virilemque habitum ac mentem indutus, rerum administrandarum cura in se suscepta, *Junium*, non tam ex amore erga Præceptorem, quam sagacitate mentis, quæ idoneos Ministros, quorum opera in regni rebus arduis uti posset, eligere norit, inter

ter



ter consiliarios cooptavit. Id verò meruisse videtur *Junii* ingenium, non humi repens, non iniquis Philologiæ spatiis includendum, multò minùs minutis Grammaticorum occupatum, sed quod rebus intentum, & longà & tedulà meditatione & usu exercitatum, Philosophiæ & Politicæ, quæ ad veros vitæ communis usus, & populorum salutem faciunt, mysteria penetrabat, & quæ quid virum sapientem æquè ac eruditum reddere poterat, largo suo ambitu & neutiquam coercendo complectebatur. Ita universi Regis affectum laudantes, & judicio applaudentes, hunc honorem aliis longè majoribus præcludere non vani præfagebant. Mox ergo novo titulo ac munere augendus, magnus fit regi-  
ni *Scotiæ* Eleemolynarius, ne dignitas absque auctis opibus, à quibus apud plebem omnem suum splendorem mutuari illa solet evilesceret.

Quantum verò judicio & dexteritati illius in tractandis publicis negotiis detulerit Rex & Consiliarii, qui sub Rege juvene *Scotiæ* administrabant, legationes illæ, quibus summa cum fide & ingenti tum suorum, tum Regum Principumque, ad quos missus erat, applausu & approbatione, functus est, clarè ostendunt.

Legationes hic ordine recensbo.

Primò sub mensem Augusti A. Ch. MDLXXXVI. Regiis mandatis instructus, *Fridericum* II. Regem *Daniæ* adiit, de *Orcadico* negotio acturus, quo feliciter gesto, post paucos menses rediit. Hinc legationum, crebris occasionibus subinde nascituris, repetendarum omen meritò capiebatur. Rex *Jacobus* jam viginti ætatis annos ferè attigerat, & de hereditario *Scotiæ* regno sibi ab antiquissima Regum serie ad se deducto, uti etiam imperio *Angliæ* & *Hiberniæ*, post R. R. *Mariam*, matrem suam, deplorando prorsus fato in *Angliæ* captivam, & *Elisabetham* innuptam, nuptiasque, dum florenti ætate tot regalibus procis ambiebatur, averfantem, ad seros nepotes in omne ævum transmittendo maximè sollicitus, non alibi, quàm in *Daniâ*, connubium istud, quo vitæ solatium & regnorum tranquillitas stabiliri possent, & tantæ spes, quas pectore regio non sine summa ratione aluit, felicitus & auspiciatius obtineri posse credidit, ubi olim *Jacobus* III. abavus ipsius, *Margaritam*, R. *Christiani* primi filiam primogenitam, in uxorem duxisset. Vicinitas quoque regionum, unde sibi invicem auxilia, si fortè occasio tulerit, suppeditari possent, & eorundem sacrorum, si non in omnibus, communio, saltem in abroganda Pontificis *Romani* potestate, rejiciendisque superstitiosi cultus fraudibus & officijs par zelus & cura, id ex veris civilis prudentiæ rationibus potentissime suaserunt.

Fff 3

Non-

Nondum tamen hanc animi propensionem palam facere consultum videbatur, nec id erat hujus legationis negotium. Restanti momenti maturiori egebat deliberatione, & omnibus rationis politicæ momentis debebat perpendi. Præterea Regis affectus in Virginem principem, licet eam lectissimam & ornatissimam consentiens fama prædicasset, non erat cæco planè impetu abripiendus. Id curæ Junii concreditum erat, ut quasi aliud agens, omnia curiosis oculis rimaretur, & in filiarum Regis, præsertim *Elisabetha* natu maximæ, mores, ætatem, formam, ingenium, cæterasque tum animi, tum corporis dotes sedulo inquireret, an regio thalamo non tantum digna, sed par esset futura, à cujus consortio felicitatis, tum privatæ, ut maritus, ex reciproco illius affectu, tum publicæ, ut Rex, ex superveniente novæ affinitatis contrahendæ commodo incrementum istud, quod sibi pollicitus est, impetrare jure potuerit Regi, cujus pectus blanditiis amoris accendi jam inceperat, non potuit non esse acceptissimus diligens istarum rerum post reditum explorator.

1757.

Idcirco proximo anno alia legatio in *Daniam* decernitur, nec dignior, qui illius honorem & pondus sustineat, habetur, quam *Junius* prænobili Viro, D. *Patricio Vansio* Equiti Aurato adjungendus, ut sociatis consiliis negotium illud, quod Rex tantopere cupiebat, facilius ad felicem exitum perduceretur. Morâ verò interposita, quod in nuptiis inter Principes paciscendis fieri consuevit, in isto tractatu lentè admodum procedebatur, & cum parùm aut nihil profecerint Legati, in *Scotiam* revertuntur: non tamen penitus ab omni commercio hac de re cessatum est, literis ultro citroque alterutrinque comitantibus. Ita moras longas ex industria videntur nexuisse *Dani* sententiâ planè suspensâ, & in neutram partem inclinante, donec tandem anno MDLXXXVIII. rescibunt, *Elisabetham* alteri promissam & desponsatam fuisse, nec de eâ amplius cogitari posse: de sorore verò ipsius *Anna*, ornatissima heroina, & omnibus, quæ Principem decent, virtutibus cumulatissimâ obtinendâ meliùs sperandum esse, modò Rex annuerit. Ille miro affectu erga familiam *Danicam*, quam sanguine attingebat, ductus, sese ab hoc proposito amplectendo non alienum ostendit. Mox *Fridericus* rex mense Aprili extremum clausit diem. Inde nova remora injecta. Incunte anno MDLXXXIX. motus seditiosorum Procerum, rebus novis Religionis prætextu studentium, primò in Aquilonaribus, & deinceps in Australibus regni provinciis, regium animum paci, quæ periclitari tum maximè videbatur, instaurandæ intentum ab istiusmodi cogitationibus

avo-

avocarunt. Quibus sedatis, Rex non amplius cunctandum ratus, rem hæcenus nimis interruptam dilatamque properari urget, & splendidam numerosamque legationem in *Daniam* mittit, (*Junio*, qui viam tum colloquiis antea, tum literis patefecerat, apud se retento, ut aliis negotiis domi intendat prospiciatque) ut pactum istud matrimoniale propositis articulis & conditionibus æqua lance librandis, quam maturimè fieri possit, ex integro stabiliaur. Omnia ex voto Legatorum benè succedunt, nihilque jam ad complendas nuptias præter Regis præsentiam desideratur. Ille ergo promptus & alacer, curâ regni Commissarii delegata, cum jam hiems ingruere inceperit, difficillimo navigandi tempore, quo non potuit affectûs sui aut verius aut grandius indicium dari, 23. Octobris MDLXXXIX. è portu *Leithensi* solvit, cum adversis ventis insanisque fluctibus forti animo conflictaturus. Licet nobili Procerum coronâ stipatus fuerit, maximè tamen conveniebat, ut *Junius* quoque illum in hoc itinere maritimo comitaretur, hisce consiliis, cum primò agitantur admosus, arcanorum particeps, & cujus opera, dum legatione apud *Danos* iteratâ vice fungeretur, in hisce nuptiis procurandis maximi fuisset momenti. Magnorum Virorum è Gente *Scotica* erit, quibus, post *Lesleum* & *Buchananum*, rerum *Scoticarum* historiam ex tabulariis regni aliisque Actis ac monumentis authenticis pertexendi suppetunt & facultas & voluntas, quod sanè amor erga Patriam ab iis jure meritissimo exigere videtur, harum rerum omnium, quas ipse hic carptim delibavi, seriem in omnis ævi memoriam diducere, & consultationes, mandata, disceptationes, articulosque sæderis, & quicquid memoratu dignum, dum Rex in *Dania* aulâ sanè præclarissimo, sed vix imitando, aberat, occurrisset, in amplos commentarios referre. Chartas verò, laudabili huic instituto aliquali saltem modo inservientes, ne iniquo proflus fato supprimantur aut pereant, si commodum videbitur, postea in publicam lucem dabo.

Decimo nono Februarii A. C. MDXCIII. R. *Anna* ex felici puerperio Regem mascula prole beavit, cui nomen (quod gesserat avus paternus) *Henrici*, Regina *Elisabetha* è fonte sacro susceptrice, indebatur. Inde spes lætissima, que materiem gaudii & triumphorum per universam *Scotiam* diffudit, successionis ex recèns nato Hærede ad seros nepotes derivandæ: inde auspiciatissimum omen de futura Regina: post partum validæ fecunditate meritò arreptum: quo læto nuncio, cum *Christianus Danie* Rex, *Sophia*, Regina vidua, *Udalricus Megalopolitanorum*, & *Henricus Julius Brunsvicensium* ac *Luneburgensium*, Duces imper-

tent-

tiendi essent, post duos menses A. C. MDXCIV. id muneris honorificet *Junio*, cujus nomen in illorum Principum aulis maximè percrebuit, erat demandatum; nec gravior quispiam, quam qui Regis optimi mores compoluerit, ingeniumque sapientissimà institutione ad virtutes tam sublimi fastigio dignas finxerit, apud Principes, tum sanguine tum affinitate junctos, eligi poterat.

Anno MDXCVI. *Christiano* IV. *Dania* Rege R. *Jacobum* cum serenissima Consorte, ut ipsius coronationi velint adesse, literis invitatoriis rogante, cum publica rerum administratio Regem è *Scotia* egredi non pateretur, qui id officium, quod tam atcta necessitudo postulaverat, pro more solenni apud Principes cognatos habito, ipsius nomine & vice præstarent, virum nobilissimum D. Baronem *Ogilvium* & *Junium* nostrum, quem adulescentiæ ætate amavit impentius, Legatos suos constituit. Quali autem pompâ & magnificentia augustus ille R. *Christianum* coronandi ritus fuerit peractus, cum virorum nobilioris genii pariter ac profapiz, qui cæremonialia Regum studiosè venantur, & legunt, curiositati hinc aliquali saltem modo satisfieri possit, licet fortasse hujusmodi formulæ in Annalibus *Danicis* alicubi extare, aut saltem ex illius inclytæ Gentis Archivis facile, me planè infcio, peti possint, operæ tamen pretium facturus videbor, si illius historiam, uti videtur, satis accuratam à quodam Legatorum domestico descriptam in futuris collectaneis dederò legendam. Cum verò nemo sagaciori mentis solertiâ aut ingenio negotiis publicis expediendis aptiori polleret, aut fideliori opera legationum munera obiisset, si quis hoc vindice nodus occurreret dignus, sive quid magni momenti negotium cum exteris Principibus esset transigendum, en, *Junius* ad juris Regii tuendi & utilitatis publicæ promovendæ partes advocatus, neutiquam se novis laboribus subducit, sed Regi non tam mancupio & beneficiis, quàm potentissimo amoris & benevolentie vinculo obstrictissimus, Regiis mandatis, omni excusatione, quam aliter interponere potuisset, amota, lubentissimè obsecundatur. Res ista, quam jam Rex animò agitabat, virum sapientem & exquisitis civilis prudentiæ dotibus instructum, & quasi duplicatam fidem & diligentiam postulare videbatur, nec unius curæ & fidei committenda: Virum idèò admodum reverendum, ac subacti judicii, D. *Davidem Cunninghamium*, Episcopum *Aberdonensem*, Collegam & legationis *Danicæ* & *Germanicæ* A. Ch. MDXCVIII. susceptæ socium nactus est. De R. *Jacobi* ad *Angliam* coronam jure; cum id esset, tum *Angliæ*, tum exteris, exploratissimum, utpote à *Margarita*. R. *Henrici* VII.

VII. & *Elisabetha R. Edwardi IV.* filix primogenitæ, filia primogenita recta serie prognati, nihil certi statuere voluit *Elisabetha R.* nec unquam se passa est persuaderi, licet toties à *Jacobo*, toties à subditis rogata, ut id edicto publico in Comitibus Parliamentariis declararetur, utpote ab omni successore nominando averfissima; quasi hinc tum *Scotorum* tum subditorum mentes incertâ expectatione suspensas detentura; ne hi aut illi quippiam novi, se adhuc superstitè, molirentur. Idcirco *R. Jacobo*, ne jus suum, si quid vetulæ Reginæ, infirmitatibus, quæ senectutem comitari solent, subinde laboranti, humanitùs accidisset, sedulò erat cavendum, tum contra Pontificios, qui, mortuâ Reginâ, à tali successore, ejus zelus adversum corruptelas & superstitiones Romani cultûs universo Orbi dudum innotuisset, maximè meruerent, tum contra Puritanæ factionis Antesignanos, aliosque, qui commodum privatum ex turbatis rebus quæsierint. Hinc libelli inter vulgus judicii expers, & studia in contraria Oratorum technis hinc inde abripi solitum, de jure aliorum sparsi: hinc tituli prætextusque à Leguleiis artificiosè sub veri specie excogitati. Ut verò Magnatum in *Angliâ* Rex blandis literis & pollicitationibus animos sibi benevolos clam reddiderat: ita Regem *Daniae*, & fœderatos *Germaniæ* Principes, quorum intererat, Religionem Reformatam contra *Romani* Pontificis, hostis acerrimi, neutrquamque, nisi agnitâ ipsius summâ in rebus sacris, ne dicam, temporalibus, potestate, & projecta libertate placandi, machinas, tutam inconcussamque superesse, pro sapientia sua aggrediendos esse duxit, ut inde nosset, quot militares copias, quot naves, quam pecuniarum aut annonæ vim essent collaturi, si forte, opponentibus aut civibus aut exteris, jus illud suum, quod nulli, præter æmulos vicinos Principes, ne duo regna *Angliæ* & *Scotia*, hæcenus bellis & feralibus discordiis per tot secula inter se commissâ, in unum coalescerent, aut seditiosos subditos, in dubiam vocaverint, vi & armis petere & tueri cogeretur.

Dum verò *Cunninghamius* & *Junius* præcipuum legationis negotium ea diligentia & fide, quâ par fuit, prosequuntur, de re paulò quidem disparis argumenti, sed ex qua familiæ *Stuaridum* fama & decus alterutrinque non parum dependebat, solliciti erant. In *Germaniâ* non ita pridem vir pius & doctus, pacisque Ecclesiasticæ & veritatis in rebus gestis illius ac præcedentium seculorum fideliter enarrandi, quantum ex libris editis privatique amicorum informationibus eam assequi licuit, studiosissimus, *David Chytrani* Historicum quoddam Chronicon edide-

rat, in quo R. *Maria* existimationem indignissimis modis laceravit. Quibus calumniis, ne auctoramento tanti Viri, cujus libri ob candorem mentisque integritatem, quam præ se semper tulisse visus est, per *Germaniam* circumvolitantes, omnium manibus terebantur, munitæ, ut certa metitæ infamæ indicia legitimæque probationes, admitterentur, occurrere sui officii esse censuerunt; honori Regis, quem pro pietate, quam natura & religio ad parentes etiam vita functos extendendam esse docent, maternam famam vindicandi zelus & cura tetigere, hac quoque ex parte consulturi *Rosochio* aberat *Chytræus*, cum illam urbem transirent Legati, quicum de veritate ab illo læsa coram essent expositulaturi. Veruntamen cum illinc discedendi citra omnem moram instaret necessitas, non contenti, colloquio cum ipsius Collegis habito, istam injuriam depulisse, *Chytræum* in literis ad illustres viros D.D. *Bordingum*, & *Bassevitiū Custrini* datis de hoc argumento retractando monuerunt. Facile se ab omni maledicendi studio purgavit *Chytræus*, rejectâ in *Buchananum*, quem nimis oscitanter secutus est culpâ, sanctæque ac ingennè profitetur, se mendacibus illis convitiis, quibus defunctæ Reginæ existimationem, non quidem malitiosè aut consultò, & ex industria, sed ex nimia credulitate & reverentiâ erga *celeberrimi illius Historici* dignitatem, deformasset, expunctis, veriora, cum ea fuerit edocendus, apponere paratissimum. Ad *Scotiam* reversus *Junius* vitæ R. *Maria* compendium, ad *Chytræum* misit, ut illius Historiæ pagellæ, quæ pudendis erroribus nimium quantum scatebant, juxta normam veritatis ostensæ aliqua ex parte reformarentur.

Sed cum nimis parcè, ne dicam, frigide & jejune, aut metûs, ne quorundam Magnatum censuram iramque incurreret, aut prudentiæ, ut istorum scelerum, specie Religionis obduktorum, memoria hoc silentio ex mentibus hominum eximeretur, aut modestiæ, quasi maximo dedecori haberetur, Reginam illorum criminum vel levinsculè suspectam fuisse, causâ, in illis falsissimis & ignominiosis criminationibus depellendis egisse videatur *Junius*, remittendus æst Lector, cui veritatis & justitiæ amor, & innocentiam diris calumniis oppressam & oppugnatam vindicandi cura & studium cordi sunt, ad virum optimum & sapientissimum, *Guilielmum Camdenum*, qui in *Annalibus* suis hujus Heroinæ contra furores & blasphemias G. *Buchanani* patrocinium suscepit, donec vera istorum temporum historia ex Actis authenticis, epistolis, & confessionibus illorum, qui Deo, omnium scelerum & præsertim perfidiæ & perjurii, acerrimo vindici, animas reddituri, res, pro-

ut

ut revera in se erant, coram idoneis testibus sponte, & nulla vi adhibita, cum nullus jam dissimulandi locus superesset, enarrarunt, latius, si Deus dederit, deducatur.

Ita multis, iisque honorificis, legationibus perquam laudabiliter & summo cum totius Gentis *Scotice* applausu defunctus, in Aula mansit, Regi, Reginæ, Magnatibusque, tum ob elegantissimos politissimosque mores, tum ob consummatam civilem prudentiam charus; donec nova, eaque diu expetita, adeundi *Angliam* opportunitas sese obtulisset.

De jure successionis in regnum *Anglie*, nemo, ne ex plebe quidem, paulò altius sapiens, ambigebat, aut ambigere poterat: idque omnes boni, qui publicæ tranquillitati, Religionisque Reformatæ commodo consultum vellent, obnixè & summo quidem cum studio cupiebant. Ideo cum longævam vitam, victoriis & triumphis pariter ac annis cumulatam, explevisset seminarum gloriosissima, Regina *Elisabetha*, R. *Jacobus* à Proceribus, Clero, reliquisque civibus ad illud suum jus, quod leges divinæ & humanæ contulerunt, capessendum invitatur, ut sub ejusdem felicissimis auspiciis, deletis sopitisque feralibus istis, quibus finitimi populi, sive ex invidia, sive ex metu, sive ex innato amore sui, salutisque propriæ contra omnes hostiles impetus curâ, in se invicem solent exardescere, litibus discordiisque, utraque gens in unam coalesceret, & *Britannia*, non amplius à se, uti à reliquo terrarum Orbe, dividenda, æterna pace redintegraretur. Qui olim R. *Jacobum Daniam* ad complendas, cum serenissima *Anna*, R. *Friderici* filia secundogenita, nuptias proficiscentem comitatus est *Junius*, jam in *Angliam*, inter præcipuos, quos tum in pompam dignitatemque Aulæ, tum ob famam sapientiæ, quorum consiliis in rebus ad universam *Britanniam* spectantibus uteretur, secum duxerat serenissimus Rex, venit novus inquilinus: qui mox gratia & elegantia sermonis, morum quasi ingenita suavitate, & sapientiæ, tam in privatis colloquiis, quàm in publicis negotiis tractandis ostensæ, usu, plurimorum benevolentiam & amorem adeptus est. Facile enim perspectum habuere, *Junium* gratiam illam, qua apud Regem pollebat, optimis artibus & fideli longoque ministerio, non turpi adulatione inhonestisque obsequiis meruisse. Quocirca illum frequenter adibant, illiusque amicitiam captabant Viri quidam Ecclesiastici, ob eruditionis famam insignioris notæ, ut ex illius, qui erat intimæ admissionis Aulicus, & mollia fandi tempora noverat, commendatione Regi innotescerent; neque enim cujusquam elogium apud Regem

magis valere, quàm *Junii*, erat compertissimum. Inter hosce eminuerunt *Franciscus Godwinus Landavenfis*, postea *Herefordensis* Episcopus, *Georgius Luydus Cestriensis*, & *Georgius Sodorensis*, de quibus, cum sibi invicem firmissimo amicitia fœdere conjungerentur, optimè mereri voluit: quod ipsi & ore & literis grati agnovere. Sed quod ad cumulum laudis *Juniana* facit, illustrissimus Princeps, *Mauritius, Hassia Landgravius*, istius suavissimæ consuetudinis, quam cum *Junio*, dum ultima legatione *Germanica* fungeretur, habuit, memor, Rege *Jacobo* jam totius *Britannia* Monarchâ facto, illom familiaribus epistolis dignatus est, utpote quem ob præclarissimas animi dotes studiumque pietatis & eruditionis, amore, gratia, & benevolentia, quibus illum complexus fuerat, perquam dignissimum fuisse, & quò nemo inter Consiliarios res ipsius apud Regem aut majori cum successu, aut sinceriori fide procurare potuit, pro sapientia sua judicavit.

Inter hæc publica gaudia continuamque triumphorum materiem, illamque effulgentissimam Regis in *Scotos* luos, quibus aureum istud seculum, quod fingunt Poetæ, de novo illuxisse credebatur, liberalitatem, de revivendis patriis laribus cogitavit *Junius*, in *Angliam* subinde, pro ut officii ratio, debita erga Regem, clementissimum suum Dominum, reverentia, aut rerum suarum cura postulâverit, reversurus. Non enim sedes suas hic perpetuò figendas esse voluit: maximè sollicitus, ut patrimonium, à Majoribus acceptum, ipsiusquæ industria novis redditibus auctum, ad seros nepotes recta serie secundum jus primogenituræ derivaretur: relictis interim in *Anglia* quinque aut sex filiis, maximæ spei juvenibus, non fidei (illa enim erat exploratissima) obsidibus, sed ad absentis vices supplendas, Regiæ munificentia alumnis. Si quispiam ex Aulicis existimari possit alienus ab ambitione, luxu, & avaritia, revera ille est *Junius*, utpote qui neutiquam affectavit aut titulos, aut delicias, aut opes, solo benefaciendi merito & conscientia contentus. Sed cum ipse sibi familiarique suæ deesse videretur, Rex, quanti modestiam animique illam moderationem æstimaverit, insigni Regii favoris indicio palam fecit. Primo enim XIX. die Februarii A. MDCIV. illum in censum Equitum Auratorum mote solenni adseivit, præsentibus Regina, Principe *Henrico*, *Carolo* Duce *Eboracensi*, D. *Elisabetha*, liberis suis, *Udalrico* Duce *Holsatiæ*, nobilissimaque Procerum coronâ, ut inde major collaræ dignitati splendor accederet. Deinde annuam trecentarum librarum sterlingatarum pensionem, tanquam munus honorarium, per reliquum vitæ tempus assignavit, ut lautius splendidiusque viveret.

Cum



Cum verò Rex serenissimus grata mente recoluerit, quam fidelem, quam laboriosam, quam assiduam in illius ingenii culturâ operam impendisset *Junius*, relictos, dum ille natale solum repetiverit, filios pro indole illorum & instituto vitæ sub illius tutela & auspiciis educandos pro Regia bonitate & munificentia curavit, bene merentis Famuli fidem & curam patiter repensurus.

Iusto & acutissimo horum beneficiorum sensu tactus *Junius*, literas ad Regiam Majestatem, obsequii & pietatis plenissimas, è *Scoria* transmissit: quas in perpetuam tum Regiæ beneficentiæ, tum *Junianæ* gratitudinis memoriam hîc apponam.

S E R E N I S S I M O R .

J A C O B O ,

P E T R U S J U N I U S .

*Invictissime ac Potentissime Rex, Domine Clementissime.*

Si quisquam subditus aut servus Rêgi aut Dômino suo unquam devinctus fuit, illum ego me esse multis nominibus profiteor. Tanta enim magnitudo est tuorum erga me beneficiorum, ut tua Majestati Regia post Deum omnia debeam. Quum enim animam & vitam habeam à Deo & parentibus, certè omnia vite tum ornamenta, tum præsidia habere me à tuâ Majestate solâ, secundum Deum, lubens meriti agnosco & accepta fero. Neque his finibus contenta Majestas tua erga me solum hac suâ munificentia uti voluit, quin & liberos quoque meos, ô raram benignitatem! Regis sumptibus in Regiâ alendos & tuendos ad senectutem meam sublevandam dignata est admittere: & quum jam antea ex iis quatuor aut quinque in Antico ministerio versarentur, hunc etiam sextum adjungere placuit, unico domi mihi relicto filio, eoque natu minimo. Quid ego pro tot ac tantis meritis rependam? Accipiam calicem salutis, & te, ô suprema Jehovah, Deum Jacob, supplex invocabo, & votis ardentibus sanguabo, ut JACOBUM Regem, unicum & vicarium suum, delicias humani generis, Dominum, ac patrem meum munificentissimum, cum conjuge lectissimâ Heroinâ, ac sobole Regiâ ab omni periculo protegas, atque Ecclesia

*sua, regnis suis, ac subditis, mihi praesertim, & meis, perpetuò incolamem & florentem praestet. Amen, Amen, Amen. Ex Regià Sancruciana XI. Februarii 1611. aetatis 67. servitutis meae liberrima 42. inchocata.*

Tuz Majestatis Regiæ humillimus & obsequentissimus subditus & servus

PETRUS JUNIUS.

Non tamen ex hac beneficentia erga liberos officio, quod suorum studiorum ab ipsius pueritia moderatori debuit, se prorsus defunctum credidit Princeps piissimus, cum *Trajano, Antoninis*, imò cum præclarissimis & optimæ famæ Decessoribus suis meritò comparandus, si polioris literaturæ & Theologiæ, quam penitus imbiberat, studio reliquas artes verè imperatorias addidisset. Præceptoris sui curæ, fidei ac disciplinæ memoria adeo altas in Regia mente radices egit, ut neutiquam inde ex longinquitate temporis aut qualicunque casu interveniente avelli posset: quod Rex optimus, ætate maximè maturâ & ad senium vergente, præclarissimo confirmavit testimonio. Cum enim ipsius varia opera in unum volumen, studio & cura *Jacobi*, Episcopi *Wintoniensis*, collecta, Latine in publicam lucem ederentur, A. C. MDCXIX. exemplar *Junio* suo jam plusquam septuagenario dono dat Regius Auctor, cum hac inscriptione, propria manu signatâ, quæ omnium aliorum e-logiorum vicem abundè supplebit.

*JACOBUS, Dei gratia Magnæ Britanniæ, Franciæ, & Hiberniæ Rex, Fidei Defensor, Cl. V. Petro Junio à Setoun, Equiti Aurato, Consiliario, & Eleemosynario suo pro regno Scotiæ, hoc operum suorum Systema L. M. Q. offert, charissimo Præceptoris gratius Discipulus, memor formata ab illo adolescentiæ suæ ad virtutis & literarum studia, quæ quantoperè ex eo amaverit, librum hunc, sui profectus indicem & sestem, mittit, bonorum, ut sperat, debitorum more, qui serenâ fronte gratoque animo sortem fœnore multiplicatam creditoribus restitunt.*

Greenici XI. Cal. Jun.  
MDCXX.

Mu.

Munus sanè in se magnificum, & Junio pariter, ut opinari fas est, gratum, ac si gemmas è Regio cimeliarchio accepisset.

Inter *Scotos* sibi habuit *Junius* maximè charos & familiares, *Georgium Buchananum*, Collegam suum, quem loco Parentis reveritus est, & cujus vitam compendio descripsit, *Joannem Skenacum*, doctissimum Jurisconsultum, & *D. Adamum Newtonum*; elegantissimi ingenii virum, qui erat serenissimo Principi, *Henrico*, R. *Jacobi* I. filio primogenito, à literarum studiis, & cui politissimam *Historia Concilii Tridentini*, à sapientissimo viro, *P. Paulo Sarpio Veneto* adornatæ, Latinam versionem debemus. Cum Exteris etiam celeberrimæ famæ magnas coluit amicitias, quales erant *Theodorus Beza*, *Isaacs Casanbonus*, & maximus ille Astronomiæ instaurator, *Tycho Braheus*, quem plusquam semel, primo solus, deinde in comitatu serenissimi R. *Jacobi* apud *Vraniburgum*, plurimis cælestibus observationibus, ope magnorum instrumentorum, summa ut ista ferebant tempora, arte elaboratorum, ab ipso confectis, in omne ævum celebrandum, in insula *Huena*, penè in aditu maris *Baltici* invisebat: ut à cæteris, quorum epistolæ jam edo nominandis prorsus abstineam.

In sua devexâ ætate (hoc est, post annum Christi MDCXX.) sed robusta vegetaque & ab istiusmodi malis, quæ senectutem comitari solent, libera, omnibus quoque sensibus integris manentibus, jam domi conquiescere voluit *D. Junius*, nec de *Anglia* laboriosis itineribus repetenda amplius cogitavit: vir, si quis unquam mortalium, numerosâ prole, & potissimum filiis, quos ad amplas dignitates, aut in Aulâ aut in Ecclesiâ, evectos lætus vidit, moderatis opibus latifundiisque, quæ tamen ad decus & splendorem familiæ in posteros derivandum abundè sufficerent, omnium bonorum, etiam primariæ nobilitatis, Concivium, imo & exterorum Principum, puta *Frederici Regis Danie*, qui illum gemma magni valoris, & poculo ex argento deaurato, insignibus Regiæ familiæ illic incisus, quod adhuc apud *V. Cl. Robertum Young de Albarra*, in *Anglia*, Præneptem servatur, honoris & benevolentiæ causâ impertitus est, *Mauritii*, quem supra memoravi, *Hassiaci*, aliorumque, maximè verò Regis sui, optimi & munificentissimi Patrom, amore admodum felix. Hoc unicum residuo vitæ tempore illius animum gravissimè afflixit dolore penè inconsolebili, quod clementissimo Principi, Discipulo quondam suo, vixerit superstes. Tandem vir optimus senio planè confectus, pabuloque, quo vita fovetur, penitus absumpto, subsidii, quæ

quæ religio Christiana, pietas, fidesque in Deum maximè misericordem & in *Christum* Salvatorem, ad benè beatèque moriendum, conducunt, munitus, ex hoc tempestuoso mari ad portum æternitatis placidè migravit, septimo die Januarii A. *Christi* MDCXXVIII. postquam vitæ suæ annos octoginta tres, serè cum dimidio, explevisset. Sepultus jacet in Ecclesiâ S. *Vigentii*, ab *Aberbrothia* in comitatu *Angusæ* mille passus distitâ: ad cujus memoriam in omne ævum transmittendam, Hæres monumentum pietatis causâ erigi curavit cum hac epigraphe:

PETRUS YOUNG à Seton, *Eques Auratus*, *serenissimo ac potentissimo* Jacobo VI. Britannicæ, Francicæ, & Hibernicæ Regi à *Studiis*, *Consiliis*, & *Eleemosynis*, propter *eruditionem*, *prudens am*, & *morum elegantiam* eximiam domi Regi suo & civibus *charus*, foris Regibus & Principibus, apud quos variis *legationibus* functus est, *celebris*.

*Hic beatorum resurrectionem expectat.*

*Obiit Januarii. VII. A. MDCXXVIII. ætatis suæ LXXXIX.*

## COMPENDIARIA NARRATIO

De Vita &amp; Morte Serenissimæ Principis,

M A R I Æ

SCOTORUM REGINÆ:

Per D. PETRUM JUNIUM.

**M**ARIA Scotia Regina, Jacobi V. Scotorum Regis filia unica, ac regni hæres, ex Mariâ Lotharingâ, Ducis Guisæ filiâ, (quam, defunctâ absque liberis priore conjugè Magdalena, Francisci primi Gallorum Regis primogenitâ, secundis nuptiis sibi copulaverat) anno 1542. mensis Decembris septimo in lucem edita; octo diebus ante Regis parentis, Falcolandia rebus humanis exempti, obitum: undè ingentes tumultus in Scotiâ exorti de Reginæ pupilæ custodiâ ac Regni administratione inter Proceres potentissimos, Matthæum Stuartum, Levinia seu Lennoxia, & Jacobum Hamiltonum Arania, Comites. Sub id tempus cùm ab Henrico VIII. Angliæ Rege, Edwardo sexto filio, Maria Reginæ, non adeo ætate disparis, affinitas studiosissimè ambiretur; deinde aliquot annis post, Henrico fato functo, Somersetensis Dux, Angliæ Protex, à Proceribus Scotiis eandem rursus affinitatem, Gallicâ factione intercedente, frustra urssisset, ex repulsâ gravissimum bellum, & Scotiæ regno calamitosum, exarsit. Maria interim in Galliam abducta sub quintum ætatis annum, ubi ad annos pubertatis educata Francisco secundo, Henrici primogenito, tum Delphino, mox, mortuo Parente Gallie Regi, desponsata fuit: quo fati concedente, Regina vidua in Scotiam suam, multis Principibus Gallis comitantibus, honorificentissimè reducta, quadriennium prudentissimè ac felicissimè summâ suâ cum laude & civium benevolentia regnum avitum administravit: cui ut melius consuleret, Regiamque sobolem ex se relinqueret, ad nuptias secundas animum adjecit, ac Henricum Stuartum, amicum suum, Matthæi supra dicti Lennoxia Comititis ac Domini de Darley, filium natu maximum, staturâ ac specie

Hh

exi-

1566.

eximiâ, ac formæ dignitate præcellentem, Regiâ *Anglorum* stirpe oriundum, (nempe *Margarita Douglassiâ*, quam unicam ac hæredem, secundis cum *Archibaldo Douglassio*, *Angusæ* Comite, nuptiis peperit *Margarita*, *Scotorum* Regina, *Jacobi* quarti conjunx, *Jacobi* quinti mater, *Henrici* septimi filia primogenita) sibi sponsum delegit, quibus ex nuptiis anno Domini 1566. Junii 19. auspiciatissimè ac bono publico natus est *Jacobus* sextus, qui jam sceptris *Scotorum* felicissimè potitur, ejuldem *Henrici* septimi *Anglorum* Regis indubitati abnepos; cujus regnum ut pium, felix, faustum, ac diuturnum sit, faxit Deus Opt. Max. qui pro suo divino arbitrio regna ac diademata dat adimitque. *Henricus* Rex in ætatis flore (vix enim ætatis annum vicesimum excesserat) ab *Jacobo Hepburno*, Comite *Bothuelio*, atque aliis conjuratis nefariè contrucidatus est, sponte inde sibi *Bothuelio*, immani ausu, & Reginæ matrimonium, quod raptu tentavit, & sublato infante Principe, Regium diadema: brevi post conscientie furiis exagitatus Parricida, quod tam atrocium flagitiorum pœnas, quæ ipsi parabantur, evaderet, in *Daniam* profugit: sed ne sic quidem ultrices Numinis manus effugere potuit; ibi enim duro ac diuturno carceri mancipatus, terretimam animam exhalavit. Infecuta est in Reginam ipsam nonnullorum Procerum conspiratio, quâ circumventa, in arcem, in Lacu *Levino* sitam, relegata fuit: unde elapsa ac tumultuariis copiis collectis, cum in perduelles animadvertere, ac prælii aleam experiri statuisset, illorum armis profligata, accedens in *Angliam*, tanquam in tutissimum salutis portum, uti sperabat, se recepit. Ibi post octodecim annorum captivitatem, cum toto hoc tempore de illâ quâvis fraude è medio tollendâ, clandestina competitorum fautores inirent consilia, neque quicquam proficerent; quotidianis tandem calumniis apud Reginam *Elisabetham* palam preinebant, tanquam ipsius vitæ insidiantem, atque, ipsâ sublata, regnum *Angliæ* affectantem: itaque corruptis antè pecuniâ domesticis ministris aliquot, ac præsertim Secretario quodam *Gallo*, ad conjurationem illustrandam productis, insontem Principem, fictis criminibus oneratam, ream peragunt; neque prius destiterunt, quàm damnatam paucos post menses, surrepto ad id Reginæ chirographo, *Mariam* Reginam, innocentiam suam constanter asserentem, neque muliebriter mortem expavescentem, sed invicti animi robore Regum atavorum genus testantem, obtruncandam curarent; Reginâ inficiâ, atque adeo eorum sævitiam detestante. Quod ipsa & literis crebris suâ manu exaratis *Scotorum* Regi sanctè affirmavit, nec non Legatis missis di-

diligenter se purgavit. Reginæ *Maria* hæc vitæ catastrophe fuit, quæ sanguinis cognatione aut affinitate omnes Christiani orbis Reges, omnes penè liberos Principes attingebat. *Henrici* verò septimi *Anglia* Regis proneptis, ac proinde Reginæ *Elisabethæ* agnata proxima, ac, ipsâ decedente, Regni hæres indubitata: *Gallia* Regina dotaria, *Scotia* Regina hæreditaria, utpote *Jacobi* quinti filia unica & hæres, *Jacobi* quarti neptis, *Jacobi* tertii proneptis, *Jacobi* secundi abneptis, *Jacobi* primi adneptis, *Roberti* tertii, filii *Roberti* secundi, omnium *Scotia* Regum, trinceptis.

Princeps meliorem fortunâ digna; omnibus naturæ dotibus, omnibus regiis virtutibus, clementiâ præsertim, ornatissima, formæ venustate incomparabili, liberalitate, contenta, præcipuè animis ac prudentiâ supra sexum, vel testante olim Poëtâ politicissimo hoc carmine, ac verissimo de ipsâ ad seipsam elogio.

*Nympha, Caledonia quæ nunc feliciter ora  
Missa per innumeros sceptræ tuæ avas:  
Quæ sortem antevenis meritis, virtutibus annos,  
Sexum animis, morum nobilitate genus.*

Vide reliqua apud *Buchananum* in Epigrammate, Paraphrasi in librum Psalmorum præfixo.

## EX EPHEMERIDE

CL. V. D.

## PETRI JUNII,

De sui ipsius profapia, legationibus, & prole, excerpta: additis quibusdam breviculis observationibus, Italico charactere notatis, quas ex schedis manuscriptis aut aliunde collegi.

xv. **A** *Ugusti*. Hic dies 1544. natalis fuit *Petri Junii de Setoun*, Equestris ordinis, pientissimo ac potentissimo *Jacobo* sexto *Magna Britannia*, & Regi à prima infantia, pueritia, & adolescentia

Hhh 2

à studiis, postea à consiliis, & variis legationibus ad externos Reges ac Principes, nec non ab Eleemosynis. Natus est *Taoduni* in *Angusia*: servivit Regi suo ac Domino clementissimo quinquaginta quatuor annos, & menses undecim, ac dies undecim, summa cum cura, fide & integritate, teste conscientia, ac testibus omnibus probis, qui cum in Aula noverint.

Dei omnipotentis Numine gubernante, famulorum omnium Regiorum qui adhuc sunt superstites, facile primus, utpote qui Regi suo inservivit ab ipsis penè incunabilis, admotus per Proregem ipsius infantiae statim à trimatu. Hæc est & fuit ambitio *Juniana*. Alii aliud pro se quisque jactent. Hæc scribebat *Petrus Junius* anno Domini 1624. Decembris undecimo in *Juniano* suo, anno ætatis 81. corrente, integris, sit gratia Dei, omnibus sensibus; victurus, quamdiu Deo optimo maximo visum fuerit: hoc tantillum ævi, quod superest, utinam piè ac sanctè transigat, ac sarcinas colligere incipiat, vel potius abjicere, brevi expeditior migraturus, deposita hujus corporis sarcina. En diem beatæ resurrectionis expectat, persuasum habens, mortis diem natalem esse æternæ vitæ.

*Februarii 19.* Hoc die serenissimus Rex ac Dominus clementissimus me dignitate equestri ornavit, unà cum nobili *Anglo*, D. *Henrico Dimock*, ipso natali die Principis nostri *Henrici*, & ipso præsentē, ac Duce *Eboracense Carolo*, ac Domina *Elisabetha*, filia Regis primogenita: aderat & Dux *Holsatiæ Udalricus*, serenissimæ Reginæ nostræ frater germanus, qui gladium Regi præbuit, atque Consilarii Regis ex intimis complures, in penitiori Regis cubiculo, anno 1605, in palatio *Whitshall*.

*Joannes Junius*, pater mihi longè charissimus, in pia Filii Dei invocatione ac confessione.... lentâ febri extinctus placidè obdormivit pridie Cal. Septembr. anno ultimi temporis 1583. ætatis verò suæ 86. Elatus est posttridie, ac sepultus *Taoduni* prope conjugem suavissimam, quæ annis 5. mens. 2. d. 19. cum præcesserat, nempe A.D. 1578. 5. Id. Maii, cum qua conjunctissimè vixerat annos plus minus 46. ac ex ea suscepit liberos... quorum superstites reliquerat mares, *Joannem*, præfectum Ecclesiæ *Desertana*, *Petrum*, Regiæ Majestati à Studiis & Eleemosynis, ac *Alexandrum*..... cubiculi Regis Ostiarium: feminas, *Isabellam* ac *Joannam*: alii in pueritia mortui sunt: præter *Henricum*, qui in *Scania* in bello..... *Sueco* militaret.

*Margarita Scrimger* ex antiqua & nobili *Scrimgerorum* familia, ma-



mater mea charissima, undecimo die Maii A. 1578. vitam hanc mortalem cum aeterna commutavit, ætatis suæ 68. *Taaduni*.

*Alexander Junius*, frater meus natu minimus, serenissimo Regi nostro *Jacobo VI.* interioris cubiculi Ostiarius: in quo munere triginta annos & amplius fideliter se gesserat, 29. Decembris obiit *Taaduni* in ædibus propriis 1603. & ultimo hujus mensis in Templo novo sepultus, meipso curante funus. Vixit ætiæ . . .

*Januarii quarto.* Admissus in clientelam Régis A. 1569. desinente; Comite de *Murray* tunc temporis Gubernatore, anno ætatis meæ vicesimo quinto: huic muneri admotus detentusque dum apud me in *Galliam* reverti animo apud me constitui, & ad idem præstandum authentico scripto auctoratus.

*Vicesimo die Julii.* Hoc die 1586. Legatus primùm à serenissimo Domino meo clementissimo ad invictissimum *Dania* Regem, *Fridericum* secundum, missus, navem *Taaduni* conscendi, atque secundo vento è portu solvens, *Helsingoræ*, Deo propitio, 26. ejuldem mensis sub meridie appuli: usus secundissima tempestate. Hæc fuit sex Legationum prima.

*Tricesimo primo Maii.* Hodie anno 1587. iterum Legatus missus in *Daniam* ad *Fridericum* secundum. Navim *Leithæ* conscendi, una cum generoso & optimo Collega *Patricio Vauso à Barubarraise* Equite.

*Aprilis 27. 1594.* Hoc die è *Lethensi* portu solvi, Legatus in *Daniam* ad *Christianum IV.* Regem, & ad Reginam *Sophiam*, nec non ad illustrissimos Principes Imperii Romani, *Udalricum Megalopolitanorum*, & *Henricum Julium Brunswicensium* ac *Luneburgensium* Duces. A. 1594.

*Vicesimo quinto diè Novembris 1598.* ex *Danica* & *Germanica* Legatione cum Collega Episcopo *Aberdonensi* prope *Inchekeith* in anchoris sterimus: & postmodò *Leitham* appulimus: cum mense Julio præcedente è *Scotia* solvissemus.

Uxorem virginem duxi *Elisabetham Gibb*, 4. Februarii 1577.

*Junii primo* nata est mihi *Maria* filia primogenita ex *Elisabetha Gibb* conjuge paulò post nonam vespertinam A. 1579. in arce Regia *Sterlini*. Nomen serenissimus Rex ipse præfens charissimæ matris suæ Regine imponi voluit; suscipiente ipsius Majestatis mandato ac nomine infantem, ac sacro lavacro admovente, illustri D. *Johne Marria* Comite, ac *Alexandro Hayo*, Archivis Regiis præfecto: matronis nobilibus quamplurimis præsentibus ac solemnitate cohonestantibus. 21. Febr. Nup.

tie *Maria* primogenitæ, serenissimi Regis sumptibus in Regia *Sancru-*  
*cianâ* celebratæ, Reginâ famulam suam ad thalamum ducente.

*Decimo Junii A. 1580.* Uxor *Elisabetha* mihi peperit gemellos *Ster-*  
*lini* in arce Regia: primogenitum *Jacobum* circa horam tertiam pomeri-  
dianam, minorem vero natu *Henricum* hora fere post; quorum sus-  
ceptores fuerunt, dum sacro baptismate initiarentur, Regis nomine, Abbas  
de *Dryburgh*, & *Cabuskynneith* die 16. ejusdem mensis *Sterlini* in eadem  
arce Regia.

*Jacobus* & *Henricus*, gemelli; Ille autem nati maximus, cui,  
quando è sacri baptismatis lavacro susciperetur, nomen suum indi jusserat  
*R. Jacobus*, ab eodem ætate virili Equestri dignitate insigniens, in cen-  
sum Nobilium Regia privata, ut appellatur, Camera erat adsci-  
tus, & postea lausfundis in Comitatu Longfordiæ in Hiberniâ, nipo-  
te in Regiam potestatem, profligatis rebellibus, unâ cum reliquis in Pro-  
vincia Ultoniensî, pridem redacta, mille acras terre continentibus do-  
natus.

*Margarita* filia mihi natâ est 14. Novembris 1581. circa undecimam  
noctis *Setoni* in *Juniano* mœo, & baptizata 5. Decembris, susceptore  
*Jacobo Melvino*, Verbi Dei Ministro.

Uxor mihi iterum gemellos enixa est primo die Julii 1583. paulò an-  
te meridiem 1583. quorum susceptores fuerunt, *Roberti* Comitis *Marn-*  
*tia* nomine, *Gulielmus Ouchterlosury*, D. à *Kelly*, & vicinus meus  
*Gulielmus* item eodem cognomento: atque hi quidem *Roberti* minori  
natu nomen imposuerunt; *Petri* verò primogeniti susceptores fuerunt  
*David Gardin*, Dominus de *Loys* & *Patricius Zubylecius de New-*  
*Grange* die 16. hujus mensis.

*Petrus* & *Robertus* etiam gemelli.

*Petrus*, præcipuus inter Admissionales in Aula serenissimi Regis, *Ca-*  
*roli I. ab eodem A. 1628.* unâ cum nobilissimo Viro, *D. Barone Spense-*  
*ro*, ad *R. Gustavum Adolphum*, Regem Sueciæ, cum insignibus nobi-  
lissimi ordinis *Periscelidis*, in quem erat solenni pompa admittendus, co-  
mitante quoque *Heraldo*, mitebatur. Hic vero Rex fortissimus, *Petri*  
aulicis moribus & prudentia delectatus, Equitem *Auratum* constituit,  
& ut favoris sui perenne superesse posset monumentum, quoddam augmen-  
tum gentilitiis insignibus inferendum jussit. Diem suum obiit. 6. Febr.  
1631. *Robertus*, vir ingenii dotibus ornatissimus, post Galliam Italianam  
perlustratas, itinere in Orientem suscepto, Hierosolyma: aliæque loca  
sacra invisebat. A. C. 1608. Obiit *Westmonasterii* 17. Martii 1620.

cujus prematuram acerbamque mortem ægerimè ferenies Amici illiuslandes Latinis elegis celebrarunt.

Augusti 29. 1584. Circa noctis medium uxor mihi peperit Patri-  
cium, circa initium novi mensis Lunaris: qui quidem sacro baptismate  
initiatuſ est poſtridie in fano *Vigiano*: ſuſcipientibus *Georgio Balfour de Tarry*,  
vicino meo *Gul. Ouchierlowry*, præſente Domina de *Bompton*,  
& mariti ſui nomen infanti imponi rogante.

Hic Vir eruditiffimus erat ſereniffimus *R. R. Jacobo I. & Carolo I. à Bibliothecis*: cujus vitam amplo ſatis commentario illuſtravi.

Joannes filius meus natus ſextus 25. die Junii 1585. Seronî naſcitur cir-  
ca horam ſeptimam vespertinam, ac 7. die Julii ſacro baptismate initia-  
tur: ſuſceptoribus *Joanne Carnegy à Kinnaird*, & *Balfour*, Deca-  
no *Glaſcuenſi*, ac *Joanne Ramsay ab Arbecky*.

Hic tum à *R. Jacobo*, tum à Parente ſuo ſacris Eccleſiaſticis deſti-  
natus, Cantabrigiam juvenili ætate mittebatur, ubi in Collegio *Eiduliano*  
*Sufflexiano* ſedulam utilemque operam Theologia ſtudiis impendit: in qua  
Facultate & *Baccalaureatum* & *Doctōratum* poſtea annis maturis ingenti  
cum laude adeptus eſt. Galliam & Germaniam ſauſto itinere peragravit,  
nobiſſimi juvenis, filii *Baronis Whartoni*, Comes & *Ephoræ*. Tandem  
ad Eccleſie Cathedralis *Wintonienſis* Decanatum à ſereniſſimo Re-  
ge *Jacobo* eveſtus erat & quidem ob pietatem, eruditionem, & ſapientiam  
planè dignus idoneuſque habitus, qui ad generalem Cleri *Scoticani*  
apud *Bertham* conventum *A. 161* de quinq; iſtis articulis, ad cultum  
ſacrum, diſciplinam, ac regimen *Episcopale* iſtius Eccleſie ſpectantibus,  
condendis ſtabiliendiſque, Regio nomine delegaretur. Quam ſapienter iſto  
præclaro munere functus ſit, iſtius celeberrimi conventus hiſtorii, quam  
*V. C. Lindæus* in publicam edidit lucem, clare docet. *A. 1621*. cum  
*Archiepiscopus Spalatensis*, literis ad *R. Jacobum* veniam ex Anglia diſ-  
cedendi petiſſet, miſſus erat cum reverendiſſimis *Episcopis Londinenſi &*  
*Wintonienſi*, à Regia Majeſtate ad diſcepiandam cum illo de iſtarum  
literarum, que ipſi mira videbantur, variis argumentis: cujus colloquii  
plena relatio ab iſdem edita erat *Londini A. 1624*. Ut vero de patria  
Muſique aliquatenus mereretur, Scholam inſtituendis pueris, bonarum li-  
terarum rudimentis deſtinatam in *Academia Andrecopolitanâ* propriis  
impenſis *A. C. 1641*. curavit exſtruendam: ut inſcriptio ſupra portam oſ-  
tendit.

Die 31. Januarii 1587. circa horam . . . pomeridianam uxor mihi  
tertiò gemellos peperit: marem alterum cui 11. Februarii ſequentis ſa-  
cro

cro baptisinate initiato *Friderici* nomen in gratiam optimi & serenissimi Regis *Daniae*, *Friderici*, ejus nominis secundi, inditum est: alteram feminam, *Joannam*. Susceptores fuerunt D. *Alexander Betonn*, Archidiaconus *Landoniensis* & suo & absentis Domini de *Ogilvy* nomine, *Henricus Guthrie à Collisfoun*, *Jacobus Persoun à Carny*. Interfuerunt & horum conjuges, alique nonnulli nobiles vicini. Sed memoranda imprimis illustris Domina, *Joanna Forbes*, Domina de *Ogilvy*: quæ pro *Sophia Joannam* ex suo nomine filiam meam vocari voluit & obtinuit.

*Fridericus* obiit 16. Augusti 1609. sub quintam vespertinam *Setoni* ex pthisi: vixit annos 21. menses 6. & 10. dies.

*Michael*, filius meus octavus, ac natu minimus, nascitur circa horam noctis duodecimam 6. Novembris 1589. dum ego unâ cum Rege serenissimo in *Norvegiam* profectus essem.

*Elisabetha* conjux 16. Febr. 1590. filiam enixa est circa horam pomeridianam *Annam* nomine, ita jubente Regina *Anna*: atque ita duodeima prole me auxit Dominus, undecim reliquis substitutibus.

*Decimo die Maii*. *Elisabetha Gibb*, primæ & suavissimæ conjugis ex hac misera ac fugaci vitâ in cælum migratio sub horam tertiam matutinam *Lethæ* 1593.

*Sexto die Maii* 1596. Nobilem matronam, D. *Joannam Murray de Torpichen*. viduam, secundis nuptiis duxi *Edenburgi* in æde *Cuthberti* sacra.

Conjux mea tertia *Marjoria* 20. die Aprilis 1601. filiam mihi peperit, *Euphemiæ* nomine, primogenitam circa horam sextam matutinam die Lunæ.

*Marjoria* conjux tertia, filiam mihi peperit *Elisabetham* 11. die Febr. circa horam undecimam antemeridianam 1603. Susceptoribus D. *Siennart de Tragnaire*, & D. *Thoma Erskin de Dirlton* & Domina de *Elphinston*, cum filiabus, & *Elisabetha Schaw* ex Regina virginibus nobilibus.

*Marjoria* conjux tertiam filiam peperit 5. Julii 1604. *Nicolaam* nomine circa horam secundam pomeridianam, commatre Domina de *Bonnyton*; compadres *Sandford*, *Kenneth*, & alii nobiles vicini.

*Marjoria* conjux mea peperit 18. Decembr. 1608. *Arbellam* sic nominatam ex D. *Arbella Sinaria*, præstantissimæ heroinæ, nomine circa horam secundam matutinam die Dominica.

## HISTORICA QUÆDAM

D E

## R. JACOBO I. &amp; R. ANNA,

*Illorumque liberis ex eadem Ephemeride collecta.*

**N**ovembris decimo nono die 1566. *Jacobus* Rex *Scotia* natus est paulò ante horam decimam antemeridianam, patre *Henrico Stuardo*, filio *Matthæi Stuardi*, Comitis de *Lenox*, matre *Maria*, filia unica *Jacobi V. Regis Scotorum*, & regni hærede, quæ prius nupta fuit *Francisco secundo, Galliarum Regi*.

*Augusti vicesimo nono. Jacobus D. G. Scotorum* Rex coronatur 1567. natus annum unum & decem dies supra mensem.

*Septembris 29.* Le Roy partit de la ville de *Sterling*, où il avoit été nourri, & séjourna l'espace d'... ans pour s'acheminer à *Edinburg*. 1579.

*Octobris vicesimo tertio 1589.* *Serenissimus Rex, Jacobus sextus*, navem clanculum conscendit *Letha* hora undecima noctis, in *Norvegiam* navigaturus; postridie, qui fuit dies *Veneris*, ventis adversis repulsus, propè *S. Minuens* in anchoris stetit. Inde solvens sub noctem 28. *Flecroen, Norvegia* sinum, subiit, à *Barbario* & me introductus, ubi secundum ventum præstolans dies plusculos, die *Veneris*, qui fuit *Novembris septimus*, postquam in navi nostra pransus esset, vela facere jussit. Sequenti die sub meridiem *Langfundum* appulimus: ubi relictis navibus, *Tunsbergum* & *Afloam*, partim equis, partim trahis, partim scaphis vecti, pervenimus *Hafniam* die... *Novembris*.

Ibi *Regis & Reginæ congressus ac felices nuptiæ*.

*Maii primo 1590. Jacobus VI. Rex Scotorum cum Anna Regina* conjuge ex *Dania* rediens, *Letham* feliciter appulit.

*Augusti quinto.* Hoc die optimi Principis, *Jacobi VI. P. P.* σωτήρια celebrantur, ex patricidarum *Ruthrenorum* fratrum omni ævo teterrimorum manibus, non sine insigni numinis, ὡς ἐκ μηχανῆς, providentia, confossis sicariis, erepti ac servati, summo piorum omnium ac *Reip. Christianæ* bono atque emolumento anno 1600. *Peritha*.

*Julii vicesimo quinto 1603. Jacobus VI. Scotia* Rex serenissimus, *Do-*

minus meus clementissimus, hoc die coronatur *Anglia, Francia, & Hibernia* Rex, *Westmonasterii* per Archiepiscopum *Cantuariensem*.

*Decembris undecimo.* D. *Anna*, Regina nostra, serenissimi ac clementissimi *Friderici* secundi filia secundo genita, hoc die nata est A. 1574. *Henricus* IV. *Gallia* R. eodem die natus A. 1553.

*Maii decimo septimo.* *Anna* Regina coronatur in xde S. *Crucis* prope *Edinburgum* solenni pompa 1590.

*Ejusdem mensis vicesimo.* *Anna* Regina *Edinburgum* ingreditur magno cum applausu & celebri pompa.

### *Liberi Regis Jacobi & R. Annæ.*

*Februarii decimo nono* 1593. Hora tertia matutina Princeps noster, spes *Magna Britannia*, *Henricus* nascitur, primogenitus serenissimi R. *Jacobi* sexti.

*Novembris decimo nono.* *Carolus* Dux *Éboraci* &c. serenissimi R. nostri *Jacobi* filius natu secundus, nascitur hora decima vespertina, A. 1600.

*Jannarii decimo septimo.* *Robertus* Dux *Kintira* &c. serenissimi Regis nostri *Jacobi* filius natu tertius, nascitur hora undecima vespertina 1602. Obiit post brevem lueis usuram vicesimo septimo *Maii* ejusdem anni.

*Augusti decimo nono* 1596. *Elisabetha*, serenissimi Regis nostri *Jacobi* hodie nata est hora secunda matutina.

*Decembris vigesimo quarto.* *Margarita*, filia serenissimi Regis natu secunda in lucem edita est 1598. inter quartam & quintam matutinam. Obiit *Augusti* decimo octavo A. 1600.

*Aprilis nono* 1605. Hoc die serenissima Regina, D. *Anna*, filiam peperit *Mariam*, tertiam natu sub horam quartam matutinam *Grenovici*.

*Junii vicesimo secundo.* Serenissima Regina, *Anna*, quartam *Grenovici* peperit filiam circa horam quartam matutinam, eodem die sacro lavacro ablutam, *Sophiam* nomine, quæ ἡμερόβιος ἀπέδανε.

*Septembris vicesimo septimo* 1582. *Georgius Buchananus* hoc die extremum suum clausit *Edinburgi*: ætatis suæ anno. . . .

*Octobris duodecimo* 1605. Venerandas senex, D. *Theodorus Beza*, *Genevensis* Ecclesiæ Pastor, Præceptor meus observandissimus, nullo morbo, nec dolore, sed senio tantum confectus: quippe annum ætatis agens 86. hoc die in cubiculo togatus obambulans, disertè de Deo disserens, integris omnibus sensibus, uno momento, in spondam lecti sedens, piè ac placidè in Domino obdormivit *Geneva*. Vixit annos 86. menses 3. dies 19.

T E

## TESTIMONIA &amp; ELOGIA

*Præstantissimorum Virorum*

de D. PETRO JUNIO.



CAMDENUS in descriptione *Scotia in Lothiana*, de *Musfelborow* loquens. pag. 688.

Hoc in loco nec tacitus præterire debeo, hanc *Inscriptionem*, quam I. Napier, vir eruditus, in suis ad *Apocalypsim* commentariolis hic effossam prodidit, & clarissimus Petrus Junius *Eques Aurratus*, Regi Jacobo VI. à Studiis, sic verius descripsit.

JACOBUS Episcopus *Wintoniensis* in præfatione R. Jacobi primi operibus præfixa: *Londini* 1619. fol.

— Rex noster serenissimus, quem Deus Opt. Max. eximiis adeo natura dotibus, incredibilique mentis acie beavit, (ita ut literatissimus, mihiq; longè amicissimus, D. Petrus Junius à Seaton, *Eques*, serenissima Majestati suæ olim à Studiis & legationibus, nunc verò à Consiliis & *Eleemosynis* in regno *Scotia*, non immeritò *θεοδιδαντων* vocare soleat) —

Memorata perquam dignum videbitur, *Scotica Etyma* D. Petri Junii, ordine Alphabetico, à Græca lingua deducta, inter manuscriptos codices *Francisci Junii*, viri celeberrimi, in hypero *Bodleiano* n. 74. hodiè superesse.

Nullus dubito, quin D. Junius importunis D. *Thoma Randolphi*, qui crebris in *Scotia* legationibus functus fuerat, aliorumque precibus & postulationibus obsecutus, *Georgii Buchanani*, summi sui Amici, vitam descripserit. Sed ubi lateat, frustra adhuc quæsi. Alii in hoc cimelio reperiendo erunt fortasè, quod opto speroque, longè fortunatiores.

# DISSERTATIO THOMÆ RHÆDI:

Quod Regibus & licitum & decorum sit scribere.

**D**Annabitur fortasse arrogantiae studium meum, quod, dicendi insolens, novae causae & prioribus seculis inauditae patrociniū susceperim; quum reus sit non de plebe aliquis, qui salvā ceterorum dignitate posset cadere, sed qui populi Majestatem unus sustinet, & nisi per Reipub. latus, vulnerari non potest, JACOBUS *Magna Britanniae, Franciae, & Hiberniae* Rex, cujus vita ut praesente Numine non semel ab insidiis asserta est, ita speramus famam, quam vita semper chariorem habuit, caelestis vindici curae fore, ut depulsa olim livoris nube luceat posteris sine lae-  
be, tanquam in speculo representatura, quid fugere debeant, quid sequi. Hujusmodi reus oratorem poscit *Demosthenem*, qui innocentiam ipso periculo nobilitet, non hominem simplicem & inexpertum fori, qui bonam causam male agendo infamet, quod tum magis dices, cum objecti criminis novitatem cognoveris. Nec enim Rex optimus homicidio aut sacrilegio sanctum violavit propositum, nec iis praecipuus actus est, quae ira & avaritia Principibus persuasere; sed insolitum admisit facinus quod nec ipse negare, nec praesens aetas nescire possit, nec futura oblivisci, nempe Librum scripsit, hoc est illud nefas, cui Majores nostri nomen non invenerunt, & ab accusatoribus *Monstrum* meruit appellari.

Ego nascentis juravi in verba Regis, & sacramenti adhuc memor, malo hostem ferire, quam vires excusare, si vicerō, laudabitur facultas; si victus fuero, non improbabitur voluntas: nec flagitio caret silere, ubi aut Deum audieris blasphemari, vel ejus vicarium traduci: & pietatis est innocentem quemcunque à calumniā vindicare, nedum ut Regem destituere liceat, pro quo etiam, ut pro patriā, mori gloriosum habetur. Si natura mihi facundiam non dedit dignam reo, certe indignationem non negavit dignam accusatoribus, quibus ipsis nec conducit ignosci tantam petulantiam, ne spe impunitatis seipsis nequiores evadant. Obsecro enim, quis *Solon* aut *Lycurgus* Reges solos à scribendo jussit abstinere? Quibus  
pæ-



pœnis sancita est lex ista? Quibus exemplis vindicata transgressio? Audivi sæpè, Regibus multa licere, quæ cæteris nefas sunt, & hoc eorum esse privilegium: nunc audio, Regibus nefas esse, quæ cæteris licent. Inversa est igitur hoc plebiscito natura rerum, & à Regibus ad singulos translata est prærogativa, cunctis fruentibus libertate, quam illi amiserunt, quod eò invidiosius dicitur, quia non constat quo scelere amiserint. An natura novercali odio iis negavit, quod aliis maternâ benignitate indulgit? aut Ratio illis obvenit sterilis, manca & inops prudentiæ, ut interdicto cavendum fuerit ne res bonas scribendo vitarent.

His impulsu accusatores, cùm impudentiam suam juris prætextu non possent tueri, quasi illicitum esset Regibus scribere, decorum obtundunt, negantes, utut liceat, decere tamen: & hoc est quod eruditis nebulonibus MONSTRUM appellatur. At ego MONSTRUM duco, non Regem *Britanniae* edentem, cùm res possit, specimen ingenii, quod à sapientissimis vulgo fieri consuevit, sed *Romanam* Papam, puerperii doloribus ejulantem, & parientem in publico sine obstetrice: illicopus erat *Heirusco* Aruspice, cùm Pontifices, qui gignere solebant, nothos parerent, non cùm Reges nihil faciant nisi ordine naturæ, & more Majorum. O si viveres *Orbili*, scutica profectò vindicare tam rudem solœcisinum, non passurus *monstri* nomen impune ab iis usurpari, qui, quid *Monstrum* esset, penitus ignorarent.

Nunc in rebus ipsis accusatorum barbariem cognosce. Prudentiam oculum esse humanæ vitæ, & cæteras virtutes dirigere in confesso est; ejus usus in stylo & voce geminus apparet: sed vocis donum transitorium est, unius ævi locique styli beneficium ad posteros quoque pertinere, locis & temporibus interminatum: quò melius de humano genere mereri videntur, qui omnia secula erudiunt ad virtutem, quam quorum omnis labor cum ipsis exstinguitur. Cùm igitur ex horum sententia, turpe sit Regi & indecorum demereri sibi hoc officio ventura secula, qui nobilissimus est prudentiæ fructus; ipsa prudentia turpis in Rege & indecora judicanda est. Quo pacto enim virtus deceat, cujus usus etiam optimus dedeceat, aut quo modo pulchra erit in Principe prudentiæ possessio, si exercitio ejus longè pulcherrimo infametur? Auscultate itaque, O Principes terræ, & accusatores hujusmodi unico sanè placate obsequio; prudentiam, & quicquid inde nascitur, abjicite; merum enim hoc est sceptrorum dedecus & labes: infantiamque & barbariem primas ducite virtutum & speciosissima Regii apicis ornamenta; ut nec sensa animi iconeis verbis exprimere, nec literarum

monumentis consignare possitis. Nam hæc fecisse vitio jam vertitur vobis & pudori: rum demum criminationem vitabitis, cum ab his inscitæ magistris didiceritis, nihil sapere.

Ignoscant mihi hi Regum Censores; si quod ipsi unice dissimulant, detractâ larvâ, produxero in lucem: faciliorem consiliis autem præbunt Reges, si, quorsum ea spectent, intellexerint. Cur enim Majestatem Principis dehonestari ajunt literis, in quibus ipsi unicum ponunt suæ Reipub. præsidium? quia nempe è re eorum est, omnes gentes ob-  
brutescere inscitâ, & Reges nihil nosse, nisi ipsis obsequi. Seculum illud argenteum vel aureum revocatum cupiunt, quo regalis sapientiae apex habebatur censum omnem in Apostolicos conferre fiscos, & nihil rectum putare, nisi quod Vaticanæ tripodis arbitrio gerebatur.

Ego vobis vitio non verto, Amici, quod literas in adversariis odistis, per quas Occidentis imperio excidistis. Postquam Orbis inscitæ jugum excussit, vester esse desiit; & inciso quasi nervo tyrannidis, liber & suus factus est; itaque nunc eum execramini tanquam alienum: nec sine animi deliquio meminisse potestis accepti vulneris; quod nunquam, nisi diabolo chirurgo, cicatricem obducet, alienatis ab obsequio omnibus *Transalpinis*, avulsis à corpore vestro *Germania*, *Britannia*, *Dania*, *Suecia*, anhelante libertatem *Italia*, leges dante, non accipiente *Hispania*. Quis tam ferrens vobis hic interdicat ad eruditionis nomen gemere? & honestissimas dicendi & scribendi artes, veras vestræ calamitatis causas verniliter insectari? Tantum abest, ut has impatientiæ voces Rex clementissimus ad vivum rescet, ut venia quoque & risu prosequatur. Solent victores in ludorum quoque certaminibus absque stomacho leviora ferre convicia: partis victæ dolori indulgetur protervia. Nec meretur sanè victoriam, qui hoc victis solatiolum invidet. At verò tanti non est Regi *Jacobo* literas abjicere, ut vobis non displiceat; aut virtutem exuere, ut vestram petulantiam vitet: nimis hoc carum putat iracundiæ vestræ hostimentum. Serum est præterea jam dediscere, quod teneris in annis hausit, & difficile prorsus mutare, quod perpetuâ consuetudine illi in naturam jam abiit. Quis nescit ejus adolescentiæ formandæ peritissimos *Europa* artifices adhibitos, quorum alter *Georgius Buchananus* politissimo suo seculo literatior; nulle annis proximis neminem invenit, nisi minorem: ô utinam in eo homine cætera respondissent ingenio, haberet *Scotia* nostra,

tra, quem antiquis æquaret. Alter solis moribus Collegæ dissimilis, *Petrus Junius* plurimarum literarum vegetam memoriam ab ætatis injuria etiamnum vindicat, dignus sanè, qui senio non senesceret, nisi animi sui decus in filios propagasset. Ab his magistris concepit Rex noster honesti verique indelebiles imagines, quas accusatores isti, ut ridiculas & Principe indignas, frustra nunc cupiunt extirpatas. Iis quoque Majoribus prognatus est, qui regale otium Musis oblectare, & publicas curas hac literariâ dulcedine diluere consueverunt. Scitote quod in eo vitium arguitis, jam immedicabile esse, quia hæreditarium est.

Cætera desunt.



*Clarissimi Viri*

PATRICII JUNII,

Serenissimis R. R. JACOBO I. & CARO-  
LO I. Britanniarum Monarchis à  
Bibliothecis

V I T A.

Scriptore

THOMAS SMITHO,

*S. Theologiae Doctore & Ecclesiae Anglicanae  
Presbytero.*

Kkk

THE UNIVERSITY OF CHICAGO

DEPARTMENT OF CHEMISTRY  
OFFICE OF THE DEAN  
CHICAGO, ILL.

ATTENTION

TO THE DEAN OF THE FACULTY  
CHICAGO, ILL.

## V I T A

*Viri Clarissimi*

## PATRICII JUNII.



PATRICIUS YOUNG (quem pro ipsius ac Patris more, habita linguæ *Latine*, quam uterque summo cum studio excoluit, ratione, ac etiam virosum eruditorum superiori præsertim seculo post bonas literas felicissimè renascentes, veterum *Romanorum* cognomina, si idem verborum sensus pateretur, affectantium exemplo & ritu, deinceps *Junium* appellabimus) natus erat XXIX. Augusti anno reparatæ salutis humanæ MDLXXXIV. ut accepi, *Seaton* in *Lothianâ*, *Scotie* Provinciâ, quæ licet, aliis regionibus benigniore sole calentibus ubertate frugum cedat, interim suis contenta bonis, quæ ad vitæ jucunditatem citra luxuriam abundè sufficiunt, omni tempore fortes ac strenuos viros produxit, & fertilis ingeniorum parens meritò habetur: hisce nimirum prærogativis, & civium excellæ mentis dotibus, à quibus, non ab adscititiis commodis extra nostram potestatem sitis, verus honos & laus derivatur, nullis Gentibus, quaquaversum patet orbis terrarum, postponenda.

Patrem habuit virum illustrem *Petrum Junium*, qui antiquæ & splendide stirpi, è quâ erat prognatus, non leve splendoris & gloriæ incrementum superfundebar, de quo, cætera ad oportuniorem locum magisque proprium reservaturus, hoc unicum in præsentî dicam, quod ob acre excelsumque ingenium consummatamque sapientiam & eruditio-nem, qui serenissimi *Jacobi VI. Scotorum* Regis, & post, decedente gloriosâ ac beatæ memoriæ Regina *Elisabethâ*, femina incomparabili, & regiis virtutibus ornatissimâ, primi *Britanniæ* Monarchæ, ætatem puerilem adolescentemque regetet, eumque primis literarum rudimentis, & virtutis pietatisque præceptis formaret, unâ cum *Georgio Buchanan*o, Collega & socio, dignus haberetur: quod Regem per omnem vitæ ætatem grato ore agnovissè, & insigni elogio edito tes-

Kkk 2

ta

tatum fecisse alibi ostendam. Felix ille hoc præclarissimo munere, quo Patriam sibi devinxerat, aliisque dignitatibus, quas virtute suâ adeptus est, pariter quoque felix numerosâ prole masculâ, quæ paternam virtutem referebat: ex octo enim filiis, quos genuerat, sex tanto parente dignos, & quos virtus, quâ singuli peculiaritèr eminebant, longè illustriorès reddiderat, quam natalium splendor, regio favore & omnium bonorum applausu exceptos lætis oculis grandævus videbat: quod non exiguum divinæ benignitatis indicium fuisse omnes cordati faciliè crediderunt; potissimum verò (a) illustrissimus Princeps, *Mammius, Hæstia* Comes, ita pro pietate suâ, ita pro istâ, qua erga illum ferebatur, amicitia interpretatus est.

Ex hisce verò natu quintus erat *Patricius* noster, qui paternâ institutione ac domesticis exemplis, & honestâ, quæ inter fratres oriri solet, æmulatione excitatus, docili ingenio, quod infuserat natura, industriam adjiciens, ingentem, eamque non illætabilem, bonæ frugis, cum crescentibus annis maturuerit judicium, spem in ipsâ pueritiâ dedit. Non possum hâc non laudare *Scotica*. Gentis Nobilium tum affectum tum prudentiam, quæ præcipuè eminet in ingenua filiorum educatione, quibus si non opimas relinquunt hæreditates, hoc sedulò agunt, ut liberalium artium intelligentiâ & familiari linguæ *Latine* usû sint præditi; adeò ut quocunque aut militaris gloriæ ardor, aut peregrinandi studium eos vocaverit, in veteri *Latio* nati videantur. Non enim illos aut molli ignobilique otio, quod in vitium faciliè trahit, assuescere, aut luxuriâ diffuere, aut turpiculis famulantium, qui incautè juventuti insidias sæpè struunt, obsequiis corrumpi patiuntur, severi motum ac studiorum exactores. Quod laudabile institutum, si illi, quibus indulgentior sors mitiusque cælum obrigit, imitari voluissent, inter *filios Heroum tot noxas, tot luditbria, imò tot humani generis propudia* mundus tristi suo damno hodiè non sensisset.

Penè impuber ex paternis ædibus egressus, ad Academiam *Andrea-*  
*nam*, ubi disciplina maximè vigeat, alacri animo concessit, disciplinis Philosophicis sub vigilantissimis Præceptoribus, quibus id curæ maximè fuerit, ne discipuli aut omninò aut impunè otiantur, instruendus: & post quadriennium expletum, laureâ magistrali non tam pro more solenni, quam pro dignitate ac merito ornabatur; anno scilicet hujus seculi tertio.

Pau-

(a) In literis ad D. *Junium* scriptis.



Paulò antè Pater ipsius, à longo tempore inter Regios Consiliarios adscitus, Regem *Jacobum*, in quem, utpote certissimum hæredem, regnum istud summo jure, tam divino quàm humano, nuperrimè devolutum erat in *Angliam* comitatus est; à cujus amplexibus non diu aberat *Patricius*, tum ut ejus ope & consilio in eligendo vitæ genere, cui se esset impendiò addicturus, uteretur, tum ut in hac altera *Britannia* parte fortunarum suarum fundamenta sub auspiciis clementissimi Regis & paternorum meritorum præsidio meliùs poveret.

At Pater guarus, vel igneum mentis vigorem, quem *Scythica* pruina expugnare non poterant, Aulæ blanditiis, quæ juvenum mentibus, nisi solidissimâ virtute obfirmatis, sensim obrependo sese insinuant, tanquam pestilenti halitu obtrudi solitum, tandem planè evanescere, ipsiusque bonam indolem, compositos mores, verecundiam, animumque à rixis, tumultibus, susurris, & clamoribus, quibus Aula & Urbs omni tempore solent circumstrepere, averissimum, perspectum habens, ipsum, quantum in illo erat, Deo & Ecclesiæ devotebat: interim maximè sollicitus, ut cuidam è Theologis magni nominis, ex ordine præsertim Hierarchico, primorum Ecclesiæ Christianæ temporum more, in sacris literis erudiendus traderetur; cujus pio desiderio felix exoptatusque mox respondebat exitus.

Regi, postquam ardua negotia in ipsis novi imperii initiis ingruentia, quo publica tranquillitas firmaretur, aliquatenus expediisset, de pacificâ ad coronam *Angliæ* successione gratulatum coram accedere suâ interesse crediderunt omnes, quos munetum, sive Civilium sive Ecclesiasticorum, quibus erant admoti, dignitas, & natalium splendor extra plebeciorum sortem paulò altiùs extulere. Advenarum quoque, qui gratiâ apud Regem pollebant, amicitiam ambire non sibi indecorum esse putarunt Indigenæ, non tam commodi inde eruendi causâ, quàm ut simulatas istas, quæ olim in internecinum odium erumpentes, vicinas Gentes fatalitèr commisissent, hac beatissimâ unionè penitus extinguere, perpetuumque fœdus amoris, & concordiæ ab universis subditis sub uno Rege inendum esse pro insitâ Nobilium *Anglorum* humanitate & observantiâ testarentur. Inter hosce verò novos hospites *Petrus Junius*, de cujus candore, virtutibus, mentis constantiâ, prudentiâ, & eruditione quidpiam grande & magnificum, consentiente famâ, spargebatur, Viris literarum amantibus longè erat acceptissimus. Illum adire, illius colloquiis de re literariâ gaudere & frui, illius sapientiam, longâ rerum experienciâ domi forisque acquisitam, mirari, illius hu-

manitatem & placidissimos candidosque mores tantoperè celebratos experiri, non infrequentes, non pigri, non inviti gestiebant. Ex hoc animorum consensu mutuus enascebatur amor, observantia, fides; inde quoque contracta intima quædam necessitudo, familiaritas, ac amicitia, vel ipsis naturæ vinculis potentior firmiorque: hinc consiliorum de publicis, de privatis, de rebus ipsis domesticis, amotis omni dissimulatione & metu, communicatio: hinc mutua amoris subsidia promissa, petita, &, quodocunque occasio tulerit, cum fide & sedulitate præstanda, prout viros probos, virtute & amicitia conjunctissimos, decuit.

In ejusmodi colloquiis inter ipsum & *Georgium Sodorensem* Episcopum ultro citroque habitis subinde animo intercorrebat *Patricius*, chari parentis cura, quem studiis Theologicis jam jam addicendum, in ædibus cujuspiam venerandi Præsulis, quo sanctum illud propositum majori cum fructu prosequeretur, exceptum iri maxime cupiebat. Suggestit Episcopus, rem istam non tanti esse, quin levi operâ in effectum dari & procurari posset; neminem ferè hanc modestissimam petitionem, si proponeretur, à se amoliturum, quin faciles manus esset daturus; & speciatim admodum reverendum D. *Georgium Lloidum*, nuperrimè ad Ecclesiæ *Cestriensis* cathedram promotum, ipso rogante pro certo inducendum, ut familia, quæ inde honoratior esset evasura, tam præclaro Juvene augetur. Nec aliter res cecidit, quàm ex condicto fuisset conventum: quod Patri sexagenario perplacuit, ingentis beneficii loco illud habenti, translatâ quasi omni paternâ auctoritate in Patronum, ut filium jam inter domesticos ipsius recensendum pro Anagnostâ habere, aut in curandis libris vel qualicunque in re ipsius operâ & ministerio uti vellet. Anno 1604. tempore æstivo, *Cestriam* petiit *Patricius*, ad pedes hujus *Gamalielis* educandus, tam suo quam Patris & Episcopi *Sodorensis* nomine novo Mæcenati acceptus; nec dubitandum ullatenus videtur, quin, sicut illius amorem quod ille in literis ad Parentem testatur, pauculorum dierum morâ & contubernio, ingenio felici, modestissimis moribus, & excellenti doctrinâ in istâ viridi ætate haud expectandâ, sibi conciliavit ita hujus benevolentiam indies, quamdiu apud ipsam vixerit, imas magisque adauxerit.

Anno 1605. *Oxonium* alacer contendit, ut in istis amoenissimis recessibus, ubi Musæ Gratiaque regnant, sedesque perpetuas fixisse videntur, sacrarum literarum studiis sedulam seriamque navaret operam. Neque quicquam sanè aut menti, quæ tota literarum amore ardebat, ju-

cun-

cundius, & opatius, aut instituto vitæ, quod sibi omni nisu ac contentione sequendum proposuit, utilius magisque accommodum accideret potuit. Præsenferat enim, desiderium istud, quod cum annis creverat, literarum vix alibi terrarum melius aut facilius expleri posse, quàm Oxani, ubi tot Viri eodem desiderio accensi, illustri exemplo ad æternitatem famæ præbant, ac ubi tot Bibliothecæ libris omne genus editis & manuscriptis à nemine defloratis instructissimæ suppetebant. Illorum itaque, quos ab Academicorum vulgo diviniore & excelsior mens discreverat, amicitias sedulò & studiosè coluit: nec quisquam, ut credere fas est, à Viris humaniores literas profitentibus humanius erat exceptus. Quanti autem illum fecerint Academiz Primores, hoc non levi indicio liquet, quod illum 1x. Julii 1605. ad eundem gradum, quem in Scotia obtinuerat, admissum, inter suos adoptaverint. Præcipue charus fuit *Joanni Williams*, Collegii *Jesu* Principali & Decano *Bangorensi*, *Richardo Moketo*, Collegii *omnium Animarum* socio, postea Custodi, & *D. Henrico Savilio*, Collegii *Mertonensis* Custodi, qui sapientiz & eruditionis fastigium, si quisquam alius, licet attigisset, peregrinum Juvenem, quem ad ornandas literas naturâ & ingenio compositum sagaci mente præviderat, sinu suo excipere, & benevolentia ac consilio fovere non dedignatus est.

Tantis subsidiis & quasi iritamentis studiorum circumdatus, noluit tempus, cujus solius usura est honestissima, aliis deliciis impendi aut effluere; noluit ingenium aut socordia aut laxationibus, nisi quas valetudinis curandæ ratio & amicitiz decorique leges postulaverint, deteri: non aliud à studiis, quibus peridius pernoxque invigilaverit, esset abstrahendus: cui ex sapientiz regulis erat exploratissimum, absque industria, eaque non mediocri, mentem, utut capacissimam, ad summa frustra erui & aspirare, illosque, qui per compendia sapere videntur, & non nisi per vices, cum ignaviz suæ tædeat, libris tanquam pulvinatibus incumbunt, inanis subelliis, quæ primâ juventâ occupant, consenscentes stultitiam suam tandem deplorare cogi. Quanti autem stuporis, ut id citra cujusquam offensionem vel levisculam obtreccationis umbram obiter moneam, erit argumentum, quam acri censurâ, imo & scuticâ dignum, saltem qualem mens malè conscia serò poenitentibus solet incutere, isto nobili otio abuti; illumque munificentiz penè immensæ usum fructuum, & istas studiorum commoditates, quas exteri avidè accipiunt, negligere; quasi non nobis, sed illis tot pretiosa κειμήλια, antiqui temporis reliquias, & *Græciæ* olim florentissimæ spoliis, de

Pa-

Patriâ, de Ecclesiâ pientissimi Benefactores, optimè meriti, & si per nos licuerit, optimè in perpetuum meritori, in istis sacris conditoriis reposuissent? Non desunt sanè, nec deerunt unquam, ita enim benè ominari oportet, qui thesaurum istum Codicum manuscriptorum pro sublimi ingenio dignè æstimare, & pro sedulitate laudabili sapientèr in commune humani generis emolumentum, pietatis & doctrinæ propagationem & incrementum, & Patriæ gloriam expromere norint: at nemo diffitebitur, longè plures orituros, si *Francisci Pithæi, Hostomanni, Junii, Capellorum* fratrum, *Cluverii, Holstensis, Bocharti*, ut penè innumeros alios maximi nominis Viros, qui multo sudore ac labore penè infinito opibus è gazophylaciis nostris collectis erutisque reipublicam literariam ditarunt, taceam, industriam nostrates Alumni æmulari velint.

Hic verò, ut minori impensa aletetur, plusculumque subsidii ex quotidiana cum Academicis ad mensam & alibi conversatione habendâ studiis accederet, in numerum Sociorum, seu potius Capellanorum magnifici Collegii, quod Novum appellatur, & quod ante tria secula Vir excelsæ & divinæ mentis, D. *Gulielmus Wiccanus*, Episcopus *Wintoniensis*, fundaverat, cooptatus est. Postea, nimirum A. C. MDCXI. illum in societatem Collegii *Wadhamensis* adsciscendum esse destinavit magnus ille studiorum *Junii* fautor & patronus, D. *Jacobus Montacutus*, Episcopus *Bathoniensis* & *Wellensis*: sed illius auspicii & commendatione, ante absolutam istius Collegii fabricam, longè melius, ut postea videbimus, illi erat prospectum.

Amore *Græcarum* literarum captus, animum quidem ad eas excolendas seriò applicuit, epistolis tum ad Patrem & nostrates, puta *Andream Dononam*, *Græcæ* linguæ in Academia *Cantabrigiensi* Professorem, *Richardum Mocketum*, è Collegio omnium Animarum *Oxon. Edwardum Sylvestrum*, aliosque, qui *Græcè* quoque rescripserunt, tum ad *Græcos* Antistites & sacerdotes, præsertim *Metrophanem Critopulum*, de quo postea plura dicam, istâ linguâ facili & eleganti stylo subinde perscriptis, quas mollities hujus seculi non fert: non neglecto & Antiquitatis & Historiarum studio.

Licèt autem solo Diaconatu fuerit initiatus; tamen quasi pro instituto Theologiæ studiosus, sacras literas, tanquam peculiare vitæ opus, promovendi, uti non facultas, ita neque voluntas neque studium defuere: & sicut illi, qui novam regionem, aut nuper detectam, aut non benè cognitam, descripturi, omnes angulos & recessus non sine

curiosâ & exquisitâ indagine perfruantur, ne quippiam inexploratum relinquantur: ita omnes Bibliothecarum forulos excussit *Junius*, librosque manu exaratos oppidò raros industriâ planè admirandâ rimatus est, illos cum editis conferendo, aut, si nondum editi essent, exscribendo, ut eruditæ *Græciæ* opes, quas Scholasticorum barbaries per tot secula ocululerat, in medium productæ, novâque luce donatæ, in publicos orbis Christiani usus explicarentur. Hisce præclaris initiis tam benè ac sapienter positis, hæc animi solertiâ & pertinaci studio ad solidam eruditionem sibi certam planamque viam præmuniebat.

Relicto *Oxonio*, satis ab ingenio, judicio, subsidiiisque, quæ illinc reportaverat, instructus, Urbem repetivit, secundiores illic ex gratiâ & favore Regis & Episcoporum fortunas, sive pro mercede, sive pro stimulo industriæ, tandem aliquando expetiturus.

Anno MDCVIII. ad finem vergente Pater illum in *Galliam*, studiorum causâ, mittere decrevit, præsertim ut *Isaacum Casaubonum* conveniret. Licet autem nobilissimus Pareus filium ipsius ab illo magno Viro, cum quo non levem ab aliquot annis inierat amicitiam, ut literæ partim editæ, partim etiam edendæ, testantur, hac nudâ commendatione omni cum benignitate excipiendum esse de facili credidisset: tamen quò gravior novi hospitis adventus futurus esset, spondet, se *Swabonem*, ab *Henrico Scrimgero*, illius avunculo, ad codicum MSS. fidem diligenter admodum examinatum, & quem *Casaubonus* de nova illius & emendationi editione sollicitus, tantoperè desideraverit, identidem quoque missurum. Sed nescio quo interveniente casu destinatum illud iter impediabatur: neque enim *Patricium* nostrum *Lutetiam Parisorum*, nisi novennio post labente, petiisse ex illius schedis aut aliunde expiscari hæcenus licuit.

Verùm quantæ spei Juvenis fuerit *Patricius* noster, ne Regem quidem ipsum latere potuit: cui egregiæ animi dotes, non minus quàm Parentis dignitas, non solum in Aulam, sed etiam ad Magnatum & Præsulum amicitias facilem parabant aditum. Maximè verò gavissus est patrocínio Viri admodum reverendi, D. *Jacobi Montacuti*, tunc temporis *Bathoniensis* & *Wellensis* Episcopi, cujus ope & commendatione à Rege annuam quinquaginta librarum Sterlingicarum pensionem tandem obrinuit, non sine justâ spe munus aliquod egregium, quod ipsius studiis & instituto maximè competere videretur, quo securius iidem ab omni anxietate & molestiâ procul invigilaretur, consequendi. Interim, cum ab ipsâ juventute styli exercendi gratiâ *Latinis* compositionibus as-

suetus, ob ornatum, facilitatem, elegantiamque *Latini* sermonis quale quale nomen adeptus fuerit, ejus in scribendis *Latinis* epistolis, & etiam in evolvendis regni archivis, operâ interdum Rex aliquique Magnates usi sunt.

Ex isthoc verò honorario mens non remissior, non degener, non pigra, potius novas vires indè hausit; licet enim in Aulâ quotidie versaretur, horas otiosas, museo inclusus, singulis diebus intentioni diligentia redemit, ne liberalitate Regiâ indignus haberetur, aut justâ expectatione, quam de lè apud omnes excitaverat, aut otiano aut nihil agendo, excideret. Sed & hoc & illud prohibebant tum propriæ existimationis, quam quisque probus sartam rectam servari cupit, cura, tum insitus ille literarum, ad quas ferebatur, amor, indefessæ diligentiae conjunctus. Quibus verò mediis huic proposito optimè satisfaceret, animo volvens, singulis perspectis, prudentissimè judicavit, nihil sibi magis desiderandum aut optabilius fore, quàm ut ipsius curæ celsissimi Principis *Henrici* Bibliotheca in ædibus *S. Jacobi* sita demandaretur: quod munus sibi creptum non sine querelis & indignatione dolebat. Sed novo vigore postea animatus, cùm absque instructissimæ Bibliothecæ, cui comparandæ non suppetebat facultas, ope, se in hoc stadio, quod adeò felicibus auspiciis ingressus est, satis laudabiliter decurrentem, in medio quasi cursu sisti, & quò minus metam attingeret, impediendum esse, metueret, ad Regis Bibliothecæ præfecturam spem & animam altius & ambitiosius erexit; quam tandem, superatis difficultatibus, non sine ingenti prensatione, & potissimum efficaci & sæpe sæpiusque repetitâ commendatione optimi Patroni, *D. Montacuti*, adsecutus est: nec quenquam huic muneri magis aptum aut idoneum esse, aut qui melius thesauro isto literario uti novisset, tum amici tum æmuli agnovērunt.

Ut ea, quæ de Bibliothecâ Regiâ dicenda supersunt, melius intelligantur, pauca de Palatio *S. Jacobi* in gratiam curiosi Lectoris hîc inferere penè necessarium videbitur.

Superioribus seculis, ante vel circa tempora *R. Guilielmi* primi, (neque enim certa quæpiam memoria scripto exstat) Cives *Londinenses* misericordiâ erga Leprosas Virgines admodum piè, & prout Christianos decuit, tacti, in earundem solamen, ut miseram vitam ab omni humano consortio separatæ, æquiori animo tolerarent, Hospitale condendum curarunt, in campis extra Urbem ad Occidentem sitis. Discreverat enim *Londinum* à *Westmonasterio* longa agrorum planities, & inter-

jec-

jectum litus, cujus ripæ accliviores, quæ undas *Tamesinas* ab alluvio coercuere, nondum magnificis ædium ordinibus superbiebant. Hoc nimirum ineunte, quod nostrum antecessit, seculo fieri inceperat: cum ambæ Urbes, novis incolis advenisque tumidæ, jam pomætiis ultra additis, ampliarentur, tandem Avorum nostrorum memoriâ, omni vacuo intervallo novis ædificiis oppleto, conjungendæ. Adhuc tamen supersunt vetera nomina, licet nova rerum inducatur facies. Hinc *the Strand*, & *campi S. Martini*, & *S. Jacobi*; illi ab Ecclesiâ, *S. Martino* sacrâ, hic ab hoc Nosocomio in memoriâ *S. Jacobi* Apostoli exstructo, nuncupati. Nullatenus hic curiosè indagare oportet, undè teterrimus iste morbus, sive à malâ aeris temperie, sive à putridis cibis, sanguinem & vitales spiritus inquinantibus, sive ab Oriente ab hominibus istâ tæbe infectis in *Angliam* invehctus fuerit, qui tot miserorum corpora scedaverat: quorum sortis maximè deplorandæ, ex insitâ *Anglorum* pietate maximè quoque misertum erat. Excipiendis enim elephantiasi laborantibus ædes publicæ destinatæ passim surgebant: in his autem *Jacobais* quatuordecim tantum simul vixere cælibes scæminæ, quibus postea octo Fratres additi: quorum reditus, à quibus alerentur, *R. Edwardus* primus diplomate confirmavit, ut terræ istæ, quas pii Benefactores dederant, in illos legum nostrarum Municipalium vi inde derivandâ transcriptæ, ad alios ejusdem sortis omni tempore transirent: addito hoc, ut in campis prope adjacentibus nundinas singulis annis per septem dies, à festo *S. Jacobi* numerandos, indicendi privilegio, ut nonnihil lucri ab institutibus, qui mercium vendendarum causâ illuc essent confluxuri, percipiendum, quò meliùs sustentarentur, accederet. In istâ verò universâ Monasteriorum cæterarumque ædium sacrarum strage sub *R. Henrico* octavo idem triste fatum hoc Nosocomium subiit, cujus annui reditus valor, prout ex Registris auctoritate publicâ à Regis Visitatoribus confectis patet, erat centum librarum. Jure suo cedere coactæ Sorores, ædes, terras, & quicquid illarum erat Regi *xxiii.* regni sui anno, tradidere, aliò, quo lubebat, amovendæ: sed ne fame cæterisque vitæ incommodis perirent, cautum erat; ut singulis ad quotidianos sumptus per integram vitam pecuniæ assignatæ suppeterent. *R. Henricus VIII.* qui ad ædes magnificas, à conditore *Thomâ Wolsæo*, Cardinale, & Archiepiscopo *Eboracensi*, *Eboracenses* nuncupatas, ab hoc tempore *candida Aula* nomine insigniendas, se receperat, hujus loci vicini amœnissimo situ delinitus, domo, quam infelices scæminæ occuparant, funditus eversâ, splendidum Palatium de novo exstrui, viridariumque præjacentis

muro è latere cocto, circumambiri jussit: quod inter regias ædes ex decreto Parlamenti postea recenscebatur, utpote magni palatii appendix habitum, iisdem sacris juribus ac immunitatibus deinceps muniendum. Hic Regina *Maria*, filia *R. Henrici VIII* natu maxima, nimio mœtore, quem sive ob expugnatum *Caletum*, sive ob longam *R. Philippi*, mariti sui, absentiam, sive ob prolis defectum contraxerat, pariter ac aquâ intercutē confecta, planeque tum sui tum mundi pertæsa, diem obiit. Hic serenissimus Princeps *Henricus*, *R. Jacobi I.* filius primogenitus, Aulicis suis numerosam familiam tanto Principe dignam constituentibus stipatus, splendidissimè habitavit, ibidemque flore juventæ exstinctus, efflavit animam. Hanc sedem quoque, uti quàm maximè aptam & oportunam, elegit optimus Princeps, *R. Carolus I.* in quâ secundo partu levaretur serenissima Regina, *Henrica Maria*: hinc enim serenissimi Principes, *Carolus II.* & *Jacobus II.* nati, & sub nutricum curâ educati. Denique post instauratam monarchiam anno MDCLX. palatium hoc cedebat in ordinarias sedes serenissimi Principis, *Jacobi Ducis Eboracensis*.

Inter verò locupletissimos utriusque Aulæ apparatus diu desiderabatur Bibliotheca: neque ea cura Principes nostros, aut artibus regendi populos, aut rebus bellicis, aut religioni stabiliendæ, aut motibus componendis summo perè intentos, tangebatur, quasi thesaurus iste literarius magis ad privatos spectasset, & in Academiis potius, quàm in Palatiis esset recondendus. Satis nimirum sibi esse gloriæ duxerunt, menrem bonis literis excolere, & literatos Regiâ munificentia & patrocinio fovere: de libris congerendis, nisi qui propriæ delectationi & curiositati, suisque usibus inservituri essent, parum solliciti. Quod de Reginâ *Elisabethâ* potissimum arbitror dicendum, quæ, licet ob accuratum linguarum *Græcæ & Latine*, quibus pro re nata prudentèr, absque vellevisimâ ostentationis umbrâ, aut affectatâ gloriæ cupidine, uti norat, studium, sapientiæ civilis disciplinis felicissimè conjunctum, æternis laudibus sit cumulanda; tamen sive negotiis majoris momenti, in quibus salus populorum vertebatur, impedita, sive id muliebri sexui parum convenisse judicaverit, hoc deens in partem suarum curarum venire haud permisit; (neque Musæum istud, libris quibusdam pretiosisque cimeliis refertum, quod in ædibus *Richmondianis* habuit, gloriosum *Bibliotheca Regalis* titulum & nomen meretur) quod successori Regi *Jacobo*, Regum doctissimo, integrum reliquebatur.



Gnarus occasionum captandarum Rex, quo novæ Bibliothecæ fundamenta auspiciatius jacerentur, libros tum impressos, tum manu exaratos, omnes optimæ notæ, quos nobilissimus D. Baro *Lamleyus* magnis sumptibus & diligentissimâ indagine congefferat, in peculium sibi comparavit, à quo, cum non alibi satis commodus pateret locus, obtinuit Vir elegantissimi ingenii, D. *Adamus Newtonus*, Equestri dignitate ornatus, & qui *Henrico* ab ipsius pueritiâ fuerat à literarum studiis, tum ipsius Principis hoc novo librorum ornatu ad intensiorem literarum amorem alliciendi, tum Sancti cognominis causâ, ut in palatio S. *Jacobi* reponerentur. Non leve postea incrementum accessit ex Bibliothecâ viri clarissimi, D. *Mauritii*, Equitis Aurati, ex *Walliâ* oriundi, qui selectissimos omne genus libros ex *Italiâ* & *Galliâ* conquissierat: ut jam titulo & nomîne digna & verè Regia haberetur.

Hanc surgentem gloriam, hanc novam felicitatem, & Reipub. literariæ & sibi quoque impensè gratulatus est *Junius*, qui in pervolutandis istis libris, quantum per morositatem Custodis, sive ex invidiâ, sive ex ignoratione bonarum literarum, erga illum paulò offensioris redditi, licuit, totus erat & assiduus. Huc omnes ingenii & industriæ contendeat nervos, ut ista librorum moles, quæ confusa jacuit, & penè abscondita, in catalogos, prout Rex jusserat, explicaretur, tandem in publicos usus depromenda. Labor autem iste tam benè collocatus Regi non parum placuit, qui illum de rebus literariis colloquio sæpè dignatus est, monuitque, ut in istâ Provinciâ, cui à naturâ & bonâ indole compositus esse videbatur, ornandâ, eadem, quam hæctenus præ se tulerat, mentis constantiâ perseveraret. Inde desiderium illud, quod diu aluerat, de Bibliothecâ Regiâ benè merendi indies ac fortius accendebatur, ac si id muneris jamdudum ad ipsum spectasset, cujus officiosæ curæ insigne hoc specimen mox dedit.

Cum multos libros è Regiâ Bibliothecâ reverendissimus D. *Richardus Bancroftus*, Archiepiscopus *Cantuariensis*, fortitudine & zelo Ecclesiæ *Anglicanæ* contra *Puritanorum* insultus jura tuendi celeberrimus, mutuo accepisset, ne, illo jam in cælis recepto, in hæredes, tanquam privati peculii legitima pars, transirent, unicè intercessit *Junius*, frequentî interpellatione adhibitâ, eâque nequitiam cessaturâ, donec literas Regias ad D. Episcopum *Londinensem*, cui cura illa demandata fuerat, datas, de iis in integrum jure postliminii restituendis, sibi que tradendis postulasset.

Deinde, ut res diversorum annorum ob similitudinem & cognationem

nem materis connectam, viro maximo, *Isaaco Casaubono*, Londini ex hac vitâ decedente, mensē Junio A. MDCXIV. sagax vidua, cū ab amicis intellexisset, tale genus mercimonii in *Gallia* pluris aestimari, chariusque vendi posse lucro, quod unicè spectabat, inhians, de supellectile librariâ, præsertim codicibus MSS. ipsius, quam in *Angliam* maritus advexerat, convasanda seriò cogitavit: cujus propositi gnarus *Junius*, toties in sinum, toties in Museum *Casauboni*, qui *Juvenem optimum & doctissimum*, uti appellavit, paterno amore complexus est, admissus receptusque, & cui ejusmodi gazæ erant cognitissimæ, non tam sui quàm totius Gentis causâ sibi laborandum esse ex officio ratus, ne tantum dedecus ex nobilissimæ Bibliothecæ jacturâ *Anglicano* nomini inureretur, urger, monet, obsecrat, quasi de fortunis suis & capite esset contendendum, importunisque efflagitationibus apud Episcopum *Bathoniensem & Wellensem*, favore Regio præpollentem, ne tot libros aut scriptos, aut ad manuscriptorum codicum fidem diligenter recognitos, & additis in margine eruditissimis observationibus illustratos, ex *Angliâ* exportari pateretur, sed potius Bibliothecam Regiam hoc insignissimo auctario locupletandam curarer. Nulla enim res dignior aut Regiâ munificentia, aut Episcopali, secundum religionem, dignitate, aut privati hominis literarum amantissimi curâ & studio, unquam visa est: nec in minimâ parte *Juniana* rum laudis, quod huic negotio tantâ cum solitudine sese immiscuerit, tum felicitatis, quod hi conatus, hæc pia vota tam benè in commune literarum commodum cesserint, ponendum est.

Ex hujus verò supellectilis librariæ censu eximuntur Adversariorum Collectaneorumque libri, quos in filii sui *Merici*, iisdem studiis addicendi, usum reservavit mater. Ille autem, prout gratum Academiae *Oxonienfis* alumnum decuit, ea omnia in publicum literarum commodum, ab harum literarum studiosis postea depromenda, moriens anno Ch. MDCLXXI. Bibliothecæ *Bodleianæ* legavit.

Post collatam Bibliothecæ Regiæ præfecturam, quâ omnium judicio erat dignissimus, ut eam aliquâ cum laude, eâque non modicâ cum levi, sustineret, omnibus viribus annisus est: officii ratio & de ipso sparsa fama diligentiam acuebant, nihilque jam prius & antiquius habuit, quàm ut omnes Bibliothecarii partes & numeros impleret, omnia recto ordine disponendo, abdutissimosque recessus rimando, ut nemini sua domus & curta supellex notiores esse potuerint, quàm ipsi amplissimæ librorum struices, jam in loculis suis dispositæ. Dum verò olim

nien-

nienſem, dum alias juſſu regio Eccleſiarum Cathedralium Bibliothecas, (a) dum Regiam hanc luſtraret, multa inedita exſcripſit, quæ in lucem producere apud ſe firmiſſimè conſtituebat, Hiſtoriæ nimirum *Anglicana*, tum civilis, tum Eccleſiaſtica. Scriptores, antiquos Auctores, *Græcos & Latinos*, ni huic præclaro incepto avaritia Bibliopolarum, & iſtorum temporum infelicitas heic in *Anglia*, plerique in ſtudiis Polemica Theologiæ excolendis ſeſe occupantibus, obſtiſſent. Alibi literæ humaniores majori in pretio erant habitæ, magiſque cultæ: eorum cura paucos admodum, præter illuſtrem *Savilium*, *Montacutium*, *Boſſium* &c. tangebant. Cum ergo ejuſmodi merces domi non eſſent extrudendæ anno MDCXII. *Francofurtum* hæc de cauſâ petere in animo habu-  
 buir, ut voti potiretur: quod iſtis in medullis hæſerat, nec facile erat admo-  
 vendum: quinimo his obſtaculis interjectis, & hæc morâ creſcebat magis. Quadriennio enim poſt, (cùm fruſtrâ id iſtius nomine tentaffet *Clu-  
 verius*) iter in *Hollandiam* animo molitus eſt, ſecum *Græcos* ineditoſ af-  
 portaturus, quorum edendi tanto deſiderio flagrabat, ut nullæ difficul-  
 tates, incommoda nulla, vix illum detertere potuerint. Interim amici  
 monent, hunc æſtum animi intra debitos fines contineri oportere; auſpi-  
 cationa tempora aliquando adſutura; domeſticam laudem viro probo  
 & induſtrio abundè ſufficere; iudicium diutino ſtudio maturius reddi,  
 & quò quis tardior in palæſtram, prodeat, eum viribus collectis fir-  
 miùs & majori cum ſolertiâ uti ſolitum; denique non famam, cui ma-  
 gis magiſque inſtabat, cum privatæ rei incommodo conjunctam aliun-  
 de captandam eſſe. Voluit tamen, cum id è re literariâ fore judicave-  
 rit, *Luſetiam Pariſiorum*, ubi bonæ literæ regnabant, anno MDCXVII.  
 æſtavis menſibus, quo tempore Rex valetudinis ſub ſereniori in Provin-  
 ciis cœlo curandæ cauſâ, aut venandi ſtudio pro more *Londino* abeſſet  
 ſeſe conferre, non ut ſplendidiffimam ædium porticumquæ ubivis, poſt  
 diutina civilis belli mala feliciter ſopita, in ſingulis vicis ſurgentium,  
 ſpectaculo oculis paſceret, ſed ut clariffimos Viros, & virtute & doc-  
 trinâ illuſtres, de augendâ *Gallia* gloriâ laudabili & honeſtiſſimâ æmu-  
 latione inter ſe contendentes, coràm alloqueretur, nobileſque Biblio-  
 thecas, quas Urbs iſta meritò oſtentabat, avidiſſimis & penè emiſſiſſiſ  
 oculis luſtraret, tum animi, cui iſtæ deliciæ optimè ſapiebant, tum  
 pu-

(a) Illius diligentix Specimen hæc ex parte habetur in excerptis ex chartu-  
 lario *Wigornienſis* Eccleſiæ, & ejuldem compendio: quæ illius propria manu  
 deſcripta exſtant in Bibliothecâ *Coſtomiana*. ſub *Vitæ* C. 12.

publici boni ac usûs causâ, quò, collatis deinceps & conspirantibus operis, & mutuâ amicâque industriâ, sanctis Patribus, aliisque veteris Ecclesiæ Scriptoribus, qui rem Christianam purâ & integrâ mente felicissimè procurabant, procul omni partium studio, & absque omni labe & corruptelâ edendis melius prospiceretur. Quale institutum sanctum, & maximè Christianum, æternisque laudibus prosequendum, optimè quidem processurum licebat ominari; cum vicinæ Gentes, angusto freto à se invicem interemptæ, hæc merces literariæ à *Graciâ* aut aliundè advectas, quæ, post spoliatum ab immanissimis *Turcis* Orientem, inductamque superioribus seculis apud nos, æquè superstitione & neglecto linguarum & elegantiarum studio enatam, barbariem, salvæ, licet situ oblitæ & tenebris, quasi recrementa, damnatæ, evaserint, essent commutaturæ. Quantum autem opis & commodi ex hoc commercio in Remp. literariam redundaverit, quivis sano judicio præditus ex optimis & accuratissimis librorum vetustioris ævi editionibus, quas hoc seculum produxit, æstimare novit, & æmula posteritas fatebitur, tot tantisque illustribus exemplis ad ejusdem industriæ gloriam excitanda, præsertim cum harum aurifodinarum venæ nondum penitus exhaustæ fuerint, & novæ felici indagatorum ansu detegi possint.

Vir optimus & doctissimus, *Guilielmus Camdenus*, illum Viris magnis, amicis suis, *Petro Puteano*, *Joanni Hottomanno*, & *Theodoro Gothofredo*, literis commendavit, à quibus erat omni cum humanitate & observantiâ exceptus. Id enim mereri *Junii* modestiam & eruditionem, ex congressibus & de re literatiâ colloquiis perspectum habuere. His autem proxenetis, aut potius virtutum suarum famâ, ad Virorum, tum exquisitâ eruditione tum summis in Ecclesiâ dignitatibus præfulgentium, amicitiam facilis parabatur aditus: inter quos eminuere Cardinalis *Peronius* & *Nicolaus Coeffeteau*, *Dardania* Episcopus, qui illum paterno quasi amore complexi sunt. Neutiquam enim dissensus iste in pauculis articulis controversis, quos veterum Christianorum fidei tanquam lacinias & dehonestamenta superaddi querimur, obstabat, quo minus illi, licet dogmatum suorum tenacissimi, & immodico zelo aliàs abrepti, *Junium* eximie humanitatis & tenerrimi affectus officiis auxerint: nec aliter sanè fieri potuit; cum de communi Christianæ religionis causâ, de producendis in lucem primævæ Ecclesiæ, in quibus sædæ hæreses, quas utraque pars damnat feritque anathemate, jacent profligatæ, monimentis; & denique de sacris & humanioribus literis, in quibus nullæ lites intermiscerentur, propagandis ageretur; in cæteris cuilibet senten-

tiendi, prout lubet, relicto arbitrio. Juvabat verò maximè cum Viris clarissimis & eruditissimis, *Frontone Ducao*, & *Jacobo Sirmondo*, præcipuis Societatis Jesu luminibus, qui in Collegio *Claromontano*, licet illic scholam aperire non nisi anno sequente permissum fuerit, debebant, amicitiam colere ob similitudinem studiorum: potissimum cum *Ducao*, ipsi ab hoc tempore usque ad obitum conjunctissimo, cujus laudatissima studia omni cum animi promptitudine adjuvit & in literis amantissimis fasso, se *Junii* consilio & hortatu magis magisque ad edendos *Græcos* Patres excitatum fuisse. Tam erudito & curioso exploratori, qui sola adipiscendæ penitioris rerum Sacrarum & Ecclesiasticarum cognitionis causâ, uti olim *Pythagoras*, *Plato*, alique è veteribus *Græcis* *Aegyptum* & *Orientis* plagas, *Galliam* adiisset, nihil erat inaccessum aut inexploratum. Bibliothecarum, tum Regiæ tum illustis *Thuani*, qui magno *Gallia*, imò & totius *Europa* damno, ab omnibus veri amantibus ob nimis immaturam mortem deflendo, ante paucos menses fatis concesserat, *Pneanorum* fratrum gratiâ & favore, adyta quasi domestico patebant; cui etiam quicquid in cæteris Bibliothecis erat, sive ob antiquitatem, sive ob materiam & argumentum venerabile & in pretio habendum, eâdem facilitate per harum gazarum Custodes licuit evolvere, qui hæc pretiosissimas membranas sacraque aurei seculi reliquias, ab edacissimi temporis rictu ereptas, Viro, illas pro acri judicio & assiduo rerum usu satis dignè æstimanti, & hanc humanitatem pari operâ & studio, quod ex ipsius nitidissimo ingenio & moribus verè augurari possent, repensuro, recludere cætatim gestiebant. Tanti erat *Luætiæ* vidisse: majori enim literas promovendi ardore animatus, ab isto brevi itinere, quod tam auspiciatò, jam annis & judicio maturior, suscepisset, reversus est ut ne quidem memoriam ejus ex animo unquam excidere passus sit.

Ex hoc tempore, licet nondum ob penuriam, sive potius, quod dixi suprâ, ob avaritiam Typographorum, qui neglectis nobilissimis argumenti libris, si *Græcè* scriberentur, extrusque triobolatis ad vulgi captum chartis, suo tantum privato non Reip. literariæ commodo inhæarint, quippiam in lucem emisisset, apud externos parièr ac nostrates inclarescere cœperat: quorum plerique, præsertim si iisdem studiis addicti, quos literarum amor & cura, & ingenii cultus, & Bibliothecas nostras lustrandi desiderium in *Angliam* adduxerant, ejus amicitiam petiere. Tam verò suavis, niveisq; moribus erat compositus, ut procul omnis fastus, *Philætiæ*, sui que ostentatio abesset: nemoque pro-

niore ad excipiendos peregrinos, sive amicorum literis commendati, sive virtute propriâ & ingenio commendabiles, accesserint, animo, nemo propensiore ad illorum studia juvandum voluntate præditus: quem cum, licet nonnisi tremulo gressu, saltem, ex modestiâ, parum firmo adissent, illius pectori ipsam humanitatem, non fictam, non adulatoriis artibus, quasi ad captandam laudem, sed gravitate & sapientiâ temperatam, & ab excelsâ mente, Diis proximâ, quæ sese quaquaversum pro viribus explicandi avidissima, benefaciendo triumphat, provenientem infudisse læti senserunt, & postea gratâ memoriâ, nullis aut locorum aut temporis intervallis delendâ, debitique elogiis profecti sunt.

*Græci* Virum *Græcè* doctissimum Genti, cujus linguam adeò efflictim deperisset, benè quoque velle non vanâ spe afflati, illum frequentes adibant, summam humanitatem, ad quam non sponte tantum, sed naturæ impulsu ferebatur, tantoperè prædicatam coram experturi: per quos nullius nomen sonantiorè plausu in *Oriente* percrebuit, quasi *Græcorum*, si non unicus, saltem maximus fuisset Patronus. Licet enim quorundam ex illis instabilem fidem, ingenium versatile, ad oblectandum plerumque effictum, ingenium mentiendi libidinem, inanisque, quos comminisci ad corradendam faciliore, uti opinantur, operâ à nimium credulis, molliori animo præditis pecuniam & ad ejusmodi narrationes tragicas, quas supra verum exaggerant, inhorrescentibus, prætextus, (nec ab iisdem moribus adhuc diem abhorrent nepotes) satis comperisset: si tamen fortè Præsules & Sacerdotes vel pristinæ virtutis speciem aut eruditione in hac vastitate & barbarie, quâ universam *Græciam* hodiè obvolutam jacentemque ingemiciscimus, venerabiles, si juvenes præsertim, sacris aut addicti aut addicendi, in quibus bonæ indolis & ingenii igniculi exarserint, laborantis Patriæ spes & fulcrum, advenissent, hos omnes benignè admodum fovere, colloquio & mensâ excipere, pecuniis pro facultatum modulo & ope suffulcire, & cum non aliter ipsis esset succurrendum, Regi, Proceribus, Episcopis, Academicis, & honestioris notæ Civibus, tum sermone, tum scripto commendare, & viatico, literisque salvi conductus, quas ipse composuit, procuratis, illorum ex *Angliâ* in alienas regiones exeuntium incolumitati consulere, sibi curæ oportere esse duxit, & volupe habuit: ita ut illum *Græcorum Patriarcham* inde faceret appellaverit *D. Montacutus*. Inter hos insignioris notæ erant *Anastasius Josephus Cappadox*, *Arsenius* Archimandrita, *Chariton* Metropolitæ *Dyrrachiensis*, *Abrahamus* Archiepiscopus *Achridarum*, *Christophorus Angelus*, *Metrophanes* *Crisopolus Berræensis*,  
Ec-

Ecclesiæ *Alexandrina* Protosyncellus, *Gregorius Argyropulus Thessalonicensis*, & *Nathaniel Conopius*, Ecclesiæ *Constantinopolitana* Protosyncellus, postea Episcopus *Smyrnenfis*, ut cæteros omittam. De *Metrophane*, quem præ aliis dilexisse, & de quo optimè merendi, tum literis *Græcè* frequentè scriptis, tum familiari, dum *Londini* ageret, conversatione peculiare studium adhibuisse videbatur facile animo præfagiens, tantis ingenii, industriæ, & eruditionis dotibus, summos in *Gracâ* Ecclesiâ honores meritò deberi, pauca hæc cum veniâ Lectoris inferere libet.

Postquam *Cyrillus Lucaris*, tunc temporis Patriarcha *Alexandrinus*, religionem Ecclesiæ *Orientalis*, superstitionibus & corruptelis mirè scædatam, repurgari, & res *Græcorum* Ecclesiasticas in istâ tristi rerum catastrophen miserrimè collapsas instaurari non posse, nisi ex pietate, zelo, & doctrinâ Præsulum, aliorumque, qui Ecclesiæ præficiendi essent, longâ experienciâ comperisset, iisdem artibus ad illam conservandam, quibus à *Romanensibus* erat oppugnata, uti oportere pro prudentiâ suâ statuit: neque solidiori fundamento opus illud sanctissimum & verè Christianum, quod sagacissimâ mente dudum complexus est, potuit superstrui. Quapropter juvenes bonæ indolis domesticisque institutionibus ac disciplinis satis exercitatos, & de quorum in bonis literis profectu ex certis tyrocinii tam benè collocati iudiciis justas spes aluerat, in *Angliâ & Germaniâ*, ubi veritatis Catholicæ studium maximè viguit, educari jussit, ut accuratâ linguæ *Latine* & purioris Theologiæ cognitione instructi, post reditum laboranti Patriæ succurrerent, mentesque, contritibus ignorantia obductas, suo lumine illustrarent. Ex horum numero (a) *Metrophanes Londinensis* circa vicessimum hujus seculi annum appulit, favori & patrocinio D. *Georgii Abbotti*, Archiepiscopi *Cantuariensis*, commendatus, qui benè gnarus, nusquam, quàm in Academicis nostris, aut meliùs aut fructuosius studiis literarum quenquam vacare posse, illum (b) ad Collegium *Balliolense Oxonii* illicò transmisit, ipsius impendiis alendum. Dum verò *Oxonii* & postea in Urbe vixit, (moram enim quinquennii in *Angliâ* fecit) neminem aut benigniorem amicum, aut fideliores monitorem, aut sui magis amantem, *Junio*

M m m 2

no-

(a) Vide epistolam *Cyrilli* anno 1616. scriptam in *Ægypto*, ad D. *Georgium Abbotum*, Archiepiscopum *Cantuariensem*, in sylloge epistolarum à P. *Colomesio* editarum: *Londini* 1687. pag. 346.

(b) V. pag. 353.

nostro expertus est; quod epistolis sæpenumerò agnovit & semper agnitorum, fide interposità professus est hisce verborum formulis, ὁ σὸς περὶ πολλῶν ὀφειλότης, ὁ τῆς εὐνοίας καὶ Φιλίας, ἐξηρημένος, ὁ μηδέποτε τῷ ἀγαπᾶν σε παυσάμενος μηδὲ παυσόμενος. Nec fidem hæc in re fefellit: postquam enim Patriarcha *Alexandrinus* fuisset constitutus, non istâ eminentissimâ dignitate elatus, neutiâque præ fastu pristinæ conditionis, dum in Christiano orbe peregrinaretur, oblitus, ad ista tempora summo animi gaudio & pio divinæ benignitatis sensu retrospecti, *Junium* literis, quas observantia, quas gratitudo, quas generosæ mentis sublimitas suggererat, salutare dignatus est.

Circa  
A. Ch.  
MDCXXV.

*Angliâ* relicta *Hamburgum* adnavigavit, celebriores *Germania* Academias invisurus. Dum in *Juliacensi* Academiâ moraretur, cum nemo Ecclesiæ *Græcæ* dogmata melius & accuratius intellexerit, rogatus, compendiarium *Confessionem Ecclesiæ Orientalis Græcæ* scripsit, quam V. Cl. *Joannes Hornejus* ferè post XL. annos edidit *Helmsædii*; viz. A. MDCLXI. in quâ se genuinum verumque *Cyrelli* discipulum, ac dogmatum rituumque, qui in istâ Ecclesiâ per multa secula obtinuerant, nondum introductis *Romanensium* καὶ νοδοξίαις, strenuum defensorem ostendit. Hoc τοῖς ἐν τῇ ἐκκλησίᾳ Zelotis etiamnum dolet displicetque, qui illum fautoremque suum spurcissimis convitiis proscindunt, & tanquam *Calvinianos* & ἑτεροδόξους criminantur, quasi penes solos Monachos, qui *Italiam* adeunt, dediscere & ejurare, quod antiqua *Græcia* docuerat, sæpè sæpius aut persuasi aut coacti, Catholicæ doctrinæ studium fuisset, ipsisque fides unice constitisset. Sed utriusque confessionis, tum *Cyrellianæ* tum *Metrophanianæ*, auctoritas illæsa manebit apud omnes, qui meminisse volunt, quantæ labe, quâ violentiâ, quibus versutiis technisque inhonestis parumque ingenuis, ab isthoc tempore *Græcæ* Ecclesiæ adhæserint: neque suæ *Confessioni* fidem postea derogasse putandus est *Metrophanes*, cujus in censurâ *Cyrello*, (modò vera sit) à *Cyrillo Berrheensi*, sacrilego sedis *Constantinopolitana* invalore & ἐπιβότη, aliisque ipsius symmiltis intentatâ, nomen reperitur, quasi mutasset sententiam tantâ cum deliberatione ac studio perscriptam; cum id potius ex vitio humanæ fragilitatis, affectibus, quibus, furentibus in *Græciâ* tumultibus, à potenti *λατινοζώντων* factione invecitis, abreptus fuerat, imputandum jure videatur. Sed ad *Junium* nostrum revertamur.

Cum Serenissimus Rex *Jacobus I.* subcessivas horas ab incunte adolescentiâ literarum studiis, animo pacifico & ab armorum & belli strepitu, nisi summa necessitate id exigente, averissimò continentèr impen-



pendisset, & sibi & aliis, quos arcanorum illius confcios familiari sermone dignatus est, facile constabat, nihil magis honori regie Majestatis, aut ipso vivente, aut apud universam posteritatem, quæ omni malo affectu, invidia, injustisque præjudiciis vacua, bonos Principes, quos pietas, quos amor justitiæ & æquitatis, quos cura populorum sibi commissorum, ne ex illorum delirio & inani ambitione, plecterentur, magis ornare, quàm diademata, trabæ, aliæque summæ dignitatis insignia, æterno maximèque debito prosequetur plausu, conducere potuisse, quàm si omnia ea opera, quæ aut serio elucubraverat, aut ingeniosè luserat, severiori lima ultimisq; eurus denuò adhibitis, iteratâ editione simul, linguâ quidem *Latina*, ab omnibus cultioris literaturæ amantibus legenda, imprimerentur. Compertissimum erat, Regem ipsum *Latine* & elegantè scribere, & expedite loqui novisse: in opusculis autem *Anglicano* sermone conscriptis *Latine* vertendis, ope & opera V. V. Cl. *Thome Rhedi*, & *Patricii Junii* utendum censuit, illius præcipuè, cujus partes in hoc labore subeundo longè potiores erant, qui *Junii* consilio & auxilio fretus, admirabili facundia, & styli facilitate Regis mentem & sensum fideliter reddidit, & explicavit.

*Rhædo* verò ultimum naturæ debitum solvente, *Joannes Gulielmides*, Episcopus *Lincolniensis*, & magni sigilli *Angliæ* tunc temporis Custos in (a) literis, Maii 24. A. MDCXXIV. ad Ducem *Buckinghamiæ*, maxima apud Regem & Principem gratia pollentem, & qui omnia in Aula potuit, scriptis, *Junium* nostrum uti maximè idoneum per universam *Angliam*, qui isti muneri, nempe ut esset Principi à *Latinis* Epistolis, succederet, enixè commendavit.

Opus illud præstantissimum & verè regium, quod in omnem æternitatem doctissimi regum famam propagabit, tandem prodit A. Ch. MDCXIX. cum elegantissima epistola ad Serenissimum *Carolus* Principem *Walliæ*, & præfatione *Jacobi Montacuti*, Episcopi *Wintoniensis*. Ut verò augustissimus Auctor benevolentiam ipsius, affectum, & amorem ad Academicos suos, pulvere scholastico & umbra innutritos, pariter ac ad bonas literas, quas impendio magis, quàm quisquam hominum privatorum, colebat, & religionem, quàm adeo potenti calamo tueri gestiebat, monstraret, utramque Academiam hoc munere pretiosissimo, mense Maio, A. MDCXX. placuit impertiri, ut in Archivis literariis tanquam in sede propriâ, & Musis ita spondentibus, æternâ

M u m 3

re-

(a) *Scrinia sacra Londini 1663. folio. pag. 203.*

reponeretur. Non aptior quisquam videbatur, qui hac quasi splendidâ ad *Cantabrigienses* legatione fungeretur, quàm *Junius* noster, Bibliothecarius Regius, qui illum in frequenti Senatu Academico, præmissâ brevi oratione, cum literis Regiis obtulit, quas additis quoque orationibus *Oxonii* habitis, & istius celeberrimæ Academiæ literis gratulatoriis, in testimonium obsequii, gaudii, & admirationis, quâ ex contemplatione tantæ ac tam divinæ benignitatis erat abrepta, ad Regem transmissis, (libentissimè illas alterius celeberrimæ Academiæ evulgaturus, si modo nancisci licuisset) in appendice apponam.

Hoc anno Virginem lætissimam *Elisabetham* sibi in Uxorem duxit *Junius*, hâc consorte suavissimis moribus & placidissimo ingenio præditâ felix. Illam verò unius lustri circuitu, postquam quatuor liberos peperisset, statim ab ultimo puerperio in flore juventutis xxv. ætatis anno mors eripuit. Quanto verò luctu & qualibus elogiis defunctam prosecutus fuerit mœstissimus conjux, è monumento, quod in perpetuam ipsius memoriam curavit erigendum, satis innotescere potest.

Pensionem istam, quam ob Regiæ Bibliothecæ custodiam singulis annis perceperat, tantis meritis ac industriæ non satis respondere Amici crediderunt. Idèò cum pro istorum temporum statu, & jure, quod tunc obtinuit, nuper ob dignitatem Ordinis Sacerdotalis post restitutam sub *R. Carolo II.* Ecclesiam justissimis de causis abrogato, dignitatum & beneficiorum Ecclesiasticorum capaces fuerint Diaconi, illius Sacri patrimonii non mediocrem portionem, ipsis intercedentibus, facillè obtinuit: duarum Ecclesiarum, tum de *Heighes*, tum de *Llaninny* in Comitatu *Denbighensi* Rectoratu, & opimâ Præbendâ, ad Thesaurarium peculiaritè spectante, in Ecclesiâ Cathedrali *S. Pauli Londini* donatus. Quâ cum *Ludovicus Bailius*, ad sedem Episcopalem *Bangoriensem* promotus, cessisset, disponendi potestas, jure Regiæ prærogativæ, ad Regem devolvitur, qui literis patentibus, *Westmonasterii* ultimo Augusti die, anno regni sui *Anglia, Franciæ, & Hiberniæ* decimo nono, & *Scotiæ* quinquagesimo quinto datis, *Junium* nostrum Ecclesiæ *Paulinæ* Thesaurarium constituebat: ad quam dignitatem à Decano & Capitulo proximo mense admittebatur. Sed ad studia literarum, quod in illius vitâ pertendendâ, cæteris leviuscule tactis, maxime proposui, quibus magis magisque intentus vacavit, redeundum est.

Nondum quicquam publicavit *Junius*, aliorum culpâ, uti supra dixi, impeditus: nemo enim id aut ardentius desideravit, aut laboriosius conatus est, merito suo, tum apud nostros, tum apud externos, erudi-

ditionis famâ celeberrimus: nihil tamen inde de studio & lectione veterum librorum remisit; non animum, quasi literarum pertæsus, despondit; conscientiam industriæ & temporis benè impensæ sari contentus, nomen suum circulis eruditorum plausu excipi & circumferri vix sibi curæ habuit; interim aliorum famæ parum invidens: cum enim nihil suo nomine hætenus in lucem exiisset, aliis idem studiorum genus, pari industriâ, at longè felicioribus auspiciis excolentibus, suppetias ferre, ipsorum gratiâ, aut editos cum manuscriptis codicibus conferendo, aut ineditos describendo, sibi magis adlaborandum esse, quasi ex officio & ex publici commodi intuitu, credebat. Andacèter dico, nec temerè tamen, neminem ejusdem gradûs & instituti, isthoc tempore per universam *Europam* repieriendum fuisse, qui majorem hæc in re laudem fuerit meritus. Hinc à Viris eruditissimis toties consultus operam lubens præstabat: quod sequentes epistolæ, quod elogia in illorum scriptis ubivis exstantia, satis testabuntur. Ex his paucorum nuda tantum nomina in antecessum recensebo; cætera Lectoris in his studiis aliquantulum versati, & hæcæ Epistolas vel stringente oculo aut leviusculè inspecturi, industriæ relicturus. Erant autem *Fronto Duceus*, *Jacobus Sirmondus*, *Dionysius Petavius*, *Lucas Holstenius*, *Joannes Seldenus*, *Joannes Meursius*, *Daniel Heinsius*, *Joannes Albertus*, *Jacobus Gothofredus*, *Hugo Grotius*, *Henricus Valesius*, *Claudius Salmasius*, *Jacobus Usserius*, *Armachanus*, *Isaacus Vossius*, *Joannes Fridericus Gronovius*, *Joannes de Laet*, *Mericus Casaubonus*, *Nicolaus Heinsius*, ut alios taceam, qui Scriptis immortalibus de omnigenâ re literaria præclarissimè meriti sunt. Rogantibus opem operamque non denegavit *Junius*, neque se difficilem præbuit: id enim per totum vitæ curriculum vetuèræ aut illorum merita, aut innata ipsius comitas, aut publici commodi studium, cui magis quàm privatis suis rebus, vacavit.

Cùm Vir illustrissimus, *Thomas Comes Arundellia*, ingens familiar: *Howardiana* decus, & majoribus suis, nobilitate animi, vitæ splendore & magnificentiâ, erga bonas literas artesque amore, heroicisque mentis excelssæ dotibus par, ne dicam præferendus, ex *Oriente* magnis sumptibus, præter codices manuscriptos, statuas, gemmas, aliaque quantivis pretii cimelia, ex barbarorum manibus felicissimo V. Cl. *Gulielmi Petai* ausu & curâ erepta, in *Angliam* advehi curasset, ex hisce admirandæ antiquitatis monumentis novam lucem rebus obscuris, & vetustate temporum obductis, affusum iti, id quidem omnes, qui ejusmodi *Inscriptionum* ulum & valorem in vetustissimorum seculorum his-

to-

toris illustrandis novissent, primo aspectu facile credidère. Hasce verò antiquitates eruendi laborem importuno Viri nobilissimi, Historiæ patriæ studiosissimi, & bonis literis promovendis nati, D. Roberti Cottoni rogatu suscepit V. Cl. Joannes Seldenus, eâ tamen conditione, ut V.V.C.C. Patricium Junium & Richardum Jamesium Oxoniensem, (quem lauto stipendio suis ædibus excepit, cujusque sagaci industriâ in codicum suorum manuscriptorum catalogo pertextendo tunc temporis usus est idem D. Cottonus) adjuutores & socios in apicibus characterum detritis exessisque, & oculorum aciem penè fugientibus revocandis, lacunisque fragminum supplendis, haberet, quorum mutuas collatasque operas ingenue agnovit: non ita tamen se officio, quod amicitia, quod gratitudo, quod fas, julque exigere videbantur, bene defungi potuisse sentiebat Seldenus; quin imò neglecto Magnatum patrocinio, in sinceri affectûs, quem longa amicitia eorundemque studiorum communicatio conciliaverat, perpetuæque observantiæ testimonium, librum Junio nuncupare gestiebat, quasi vix aliud nomen occurrisset, cui aut aprius, aut justius, aut majori cum decore esset inscribendus. Quousque igitur marmora ista, quæ immortali istoc opere Seldeniano extra potestatem fati ponuntur, utpote non nisi pereunte mundo peritura, vigeant, vigeat quoque Junianum nomen, si propriis scriptis ipse non inclaruisset. Veruntamen non diu post felix obtingebat occasio, hæcenus toties incassum expetita, quâ se eruditionemque suam, quam Seldenus tantoperè deprædicaverat, mundo palam ostendere liceret.

\* Circa A. MDCXXVIII. Reversus à legatione Constantinopolitanâ\*, quam summâ cum laude obierat, Vir præstantissimus, D. Thomas Rowens, codicem venerandæ antiquitatis, Græcæ sacrorum Bibliorum versionem à Septuaginta Interpretibus, ex recensione Hesychii, & quâ Christiani per universam Ægyptum usi sunt, adornatam, & integrum N. Testamentum continentem, à Viro maximo, D. Cyrillo Lucari, Patriarchâ Constantinopolitano, qui istud pretiosissimum cimelium ex Ægypti, relicta sede Alexandrinâ, asportaverat, acceptum, illius nomine Serenissimo Regi Carolo primo, beatissimæ memoriæ Martyri, obtulit; munus sanè religiosissimo Principi longè acceptissimum, quod ille in Bibliothecâ suâ, si non tanquam unicum, saltem maximum decus & ornamentum reponi curavit. Quantæ verò futurus esset auctoritatis, quantique in rebus sacris divinisque elucidandis momenti, id Junio, qui illo optimè uti norat, accuratius & cum otio singulas periodos perpendenti, mox facile innotescebat; dum verò diligenti manu sacras tractaret membranas, avi-

avidisque oculis, singulos apices, ingenti gaudio persufus, rimaretur, ex inſperato theſaurus, quaſi theſauro ſuperadditus, ad calcem libri *Epiftoła prima S. Clementis ad Corinthios* penè integra (deſicit enim folium unum & alterum) cum alterius fragmento, quæ per tot ſecula latuerat, iſdem characteribus uncialibus, eadẽque manu exarata, ſeſe prodit. Ad hanc edendam non tam juſſu Regio ac Præſulum hortatibus & conſiliis, licèt vim pondusque maximum, cui neutiquam erat refragandum, in ſe habuerint, quàm flagrantiffimo de univerſo orbe Chriſtiano bene merendi deſiderio animatus, ſeſe accingens *Junius*, totam literis quadratis, prout in Authentico erat, accuratiſſimè exſcribendam eſſe pro prudentiâ ſuâ judicavit, relictis nimirum lacunis & dimidiatis vocibus, quarum reliquæ partes evaneſcente atramento aut uvido aere adeò ſint detritæ, ut vix apiculi reſtent conſpiciendi, aut earum loco ſaltem foraminula ſive cavitates, quas corrodens gummi fecerat, alicubi interſperſæ; deinde formâ, quâ hodiè exſtat, ut veram lectionem meliùs expiſcaretur, lacunaſque, omnibus ritè perpennis, exquisitori judicio expleret. Additamenta verò, non tantum, quæ ſolâ conjecturâ nituntur, ſed quæ erant certiſſimæ & exploratiſſimæ veritatis, ne quicquam temerè mutâſſe videretur, & ad amoliendam cujuſpiam invidi Cenſoris obtrecationem, quaſi ſanctiſſimi Auctoris verba pervertiſſet, ingenioſo planè artificio, ut res ipſa omnibus, vel maxime incurioſis, fieret teſtator, minio ſignari voluit. Longâ tamen deliberatione opus erat; nec præcipiti ſeſtinatione, (quâ judicium præpeditum, nec ſibi ſatis conſtans, ſæpenumero ſolet impingere) liber ille, Editoris cujuſcunque, licèt eruditiffimi, ſummâ curâ vigiliſque digniſſimus, in publicam lucem erat extrudendus. Interea, licèt operi huic, quod pro munere Bibliothecarii incumbere præſtandum, omnium judicio par habitus, aliorum opem, quam ſtudioſè non captavit, ſuis viribus, ingenio, & exquisitiſſimâ linguæ *Græcæ* cognitione, & ſubſidiis ex aſſiduâ veterum Patrum lectione pro ratione ac methodo ſtudioſum antea congeſtiſs fretus, pro ſapientiâ tamen & modeſtiâ duxit non ſibi eſſe, ſi benevolâ mente offerretur, recuſandam. Exemplar manuſcriptum ad Virum doctiſſimum, *Joannem Boiſium*, *Elienſis* Eccleſiæ Canonicum, tranſmiſit ſupra memoratus *Joannes Gulielmiades*, Episcopus *Lincolniensis*, qui multas conjecturas & emendationes pro criticâ ſuâ, quâ pollebat, facultate, rogatus adjecit. Quanti verò hanc venerandi ſenis amicam operam fecerit *Junius*, non parvus illius judicii & *ebatoylas* in aliquibus vocibus reſtituendis laudator, in ſcholiis ſuis ſæpe ſapiùs oſtendit. Tandem ne

longiori morâ virorum harum rerum studiosorum, ubi per *Europam* sparsi erant, quorum aures tam sacri thesauri, nuperrimè è laceris membranis *Aegyptiacis* eruti, fama penetraverat, flagrantissimis votis eum efflagitantium, expectationem fraudare censeretur, *Oxonium* se contulit, typis à Viro summo, D. *Henrico Savilio*, Academiæ dono datis illic usus. Prodiit denique exoptatissimus liber ex typographico illius Academiæ celeberrimæ anno *Christi MDCXXXIII.* pientissimi Regis *Caroli* nomine ornatus munitusque. Omnes genuinum hoc S. *Clementis, Romæ* Episcopi, scriptum, antiquitate, & auctoritate Apostolorum Epistolis proximum, (neque enim isthoc tempore aut S. *Barnaba* Epistola, aut septem illæ S. *Ignatii Antiocheni* epistolæ à fœdis Interpolatorum corruptelis puræ comparuerant) debito plausu, admiratione, honore, ac gaudio certatim amplexi sunt, ejusque *abbevtia* non tam ex sermonis, qui totus pietatem spirat, charactere, omni affectatione vacuo, ex piissimo Auctoris affectu, & zelo ob Christianorum Urbis *Corinthi*, quorum saluti iverit consultum, pacem & concordiam, (quod præcipuum est Epistolæ argumentum ut lites istæ, quæ nuper eruperant, sopirentur) qui ubivis elucet, aut ex dogmatum religionis Christianæ, juxta mentem Apostolorum illic traditorum, simplicitate & puritate, (licet hæc omnia fidem aliquatenus inducere possint) quàm ex Patrum, multa, quæ illic *avrohezi* reperiuntur, citantium testimoniis uno ore prædicaverunt. Gratulati sunt omnes *Junio* hanc penè invidendam felicitatem, cujus diligentæ & eruditioni novam debuit vitam & nitorem aureum hoc scriptum, quod hæctenus pro deperdito & deplorato habebatur.

Hoc præclarissimo opere optimè defunctus *Junius*, de aliis vetustis Scriptoribus in lucem producendis, prout sui muneris & studiorum ratio postulaverit, seriò cogitavit, justâque venerandæ antiquitatis reverentiâ abreptus, maluit Scriptorum, quos prisca ætas celebravit, felicem piamque industriam, sanctosque labores in memoriam & usum hujus ac sequentium seculorum ex pulvere & situ revocare, quàm ingentibus compilationibus aliundè corralis congestisque sub nomine suo edendis inclarescere. Quo studio, omni malâ ambitione & inanis gloriæ cupidine amorâ, nihil prius & antiquius habuit, quod licet minorem pompam & laudem post se apud quosdam insulos homines, quibus *Interpretis, Editoris*, aut *Annotatoris* nomen quippiam mediocriter sonat, trahere videatur; omnes tamen qui norunt, quàm spissa ignorantæ caligo ac barbaries ante redactensum *Græcæ* linguæ, politioris literaturæ,

ac

ac Ecclesiasticæ antiquitatis lumen, hisce terris incubuerit, illud Ecclesiæ Christianæ longè utilissimum esse, nec de religione & veritate Evangelicâ divinisque literis meliùs consuli posse, ultro fatebuntur.

Neminem perpetuò jucundæ ac prosperæ fortunæ tenore accursu gaudere, ex quotidianis vitæ humanæ, malis ineluctabilibus non raro undequè circumseptæ, vicissitudinibus, & ex mutabili rerum sublimitatum conditque, quasi fatalitèr indictâ, cuius fatis constat. Hoc quoque non sine summâ mentis ægritudine expertus est *Junius*, cujus ædes, igni ex ædibus vicini sui erumpente, 7. die Decembris A. MDCXXXVI. dum ille fortè ab Urbe aberat totæ deflagrarunt. Eò tamen minus infelicitèr accidebat, quod absumptâ pleraque ex parte reliquâ supellestile, schedæ codicesque rariores, tanquam tot titiones ex flammis eriperentur. Sed ut ad lætiora, quorum narrationem infelix iste casus paulò interrumpit, revertamur.

Circa id temporis, quod commodum accidebat, reverendissimus in *Christo* Pater, D. *Guilielmus Landus*, cujus ingentia merita erga Academiam *Oxoniensem* & Ecclesiam *Anglicanam*, (quicquid hodiè calumniantur filii Presbyteranorum, qui fanaticâ rabie effertati illum, cruentâ morte impiissimè multarunt, quorumque seditiosas sacrilegasque molitiones in Rege optimo pessundando, inque evertendâ Hierarchiâ, nulla tacebit ætas nullumque obliterabit tempus) propensissimâ promovendi & ornandi bonas literas voluntate & studio, postquam ingentem Codicum omne genus manu exaratorum molein pecuniis largissimè effulis, ubi ubi merx ista literaria erat repertienda, conquisivisset, elegantissimos typos, omnium ferè linguarum, quæ hodiè obtinent, effortari procuravit; hoc consilio, ut optimâ fide & curâ recogniti Patres Scriptoresque antiqui, præsertim è *Græcis*, nitidiùs ederentur. Hujus auspiciis mox prodire, tanquam amplæ securitæ messis, nisi infanda & in æternum lugenda mala universas *Britannias* occupassent, primitiæ, *Theophylacti*, Archiepiscopi *Bulgarie*, *Commentarius in Epistolas*, diligentia & studio *Augustini Lynsfelli* Episcopi *Herefordensis*, publici juris factus, A. C. MDCXXXVI. & *Catena Græcorum Patrum in Jobum*, collectore *Nicetâ*, *Heraclea Metropolitâ*, quam ex duobus MSS. Bibliothecæ *Bodleianæ* codicibus *Græcè* primum *Junius* edidit, cum *Latinâ* versione, ex Typographeio Regio A. C. MDCXXXVII. ac *Laudo*, virtutibus ac magnitudine animi, quam Archiepiscopali pallio, longè eminentiori, qui illum cæterosque de literis benè merentes omni cum humanitate amplecti, illorumque studia aut munificentia

propriâ aut procuratis à benignissimo Rege, apud quem omnia, quæ expectari par & fas erat, potuit, annuis pensionibus, aut dignitatibus beneficiisque Ecclesiasticis, fovere solitus est, non tam ad ambiendam gratiam, quàm antea gavisus est, quàm ex debito grati animi sensu inscripsit. Quàm multum tum illorum tum nostrâ interfit, ut *Græcorum Patrum* scripta & commentarii suâ linguâ legantur, non opus est, ut hic ostendam; cùm illud sit cuius compertissimum: præterquam quod exemplar illud, quo in *Latinâ* suâ versione usus est *Paulus Comitolus, Persinus*, S. J. neutiquam industriæ & ingenii laude fraudandus, in aliquibus locis mancum fuerit, multique errores & παρερμηνείαι, sensum *Tractatorum* istius divinissimi libri sæpenumero intervertentes, ex festinatione & oscitantia interpretum, ut novæ quoque versionis labor necessariò esset subeundus.

Ad calcem hujus *Catena* textum *Jobi*, ut continuâ serie sine aliquâ oculi interruptione legeretur, εὐχρησῆς, eodem prorsus modo, quo, uti ac cæteri libri, qui dicuntur *Pœtici*, in codice manuscripto *Alexandrino* exstat, propriâ manu descriptum apponi curavit *Junius*, cum hoc quidem magnifico elogio, *juxta veram & germanam Septuaginta Seniorum Interpretationem*. Sed hanc non esse puram putam τῶν ὁ versionem, sed mutationes quasdam, sive ab *Hesychio* Presbytero, sive ab alio, collatis, inter se mirè isthoc tempore interpolatorum sive exscriptorum vitio dissentientibus, codicibus, factas passam fuisse, & κοινὴν sive communem esse, ab *Origene* obelis & asteriscis distinctam, epistolâ suâ ad *Junius*, Vir maximus, & hisce studiis accuratissimè verisatus, *Jacobus Usserius Armachanus* certissimis argumentis demonstravit: quod pariter quoque in suis ostendit Vir eruditissimus *Henricus Valesius*.

Anno sequente, nempe MDCXXXVIII. cùm id levioris tum operæ tum impensæ fuit, *Gilberti Folioti*, Episcopi *Londonensis*, *Expositionem in Canticum Canticorum unâ cum Alcuini in idem Canticum compendio*, è Bibliothecâ Regiâ ex eodem typographeio Regio edidit. Cùm multa verò loca Librarii aut imperitiâ aut festinatione mendis inquinarentur, quas ille pro judicio ac sagacitate suâ conjecturis justis, saltem probabilibus, sustulisset, dum liber iste feriis autumnalibus, quibus animi relaxandi & sanitatis firmandæ causâ pro more procul ab Urbe aberat, imprimeretur, emendationes illæ, quarum ope restitui poterat vera lectio, ab operis Typographicis omittuntur; sed ne harum beneficio Lector curiosus omninò fraudaretur, omnes simul ad finem quasi per saturam ingerere cogebatur, quæ si suis locis ad oram libri fuissent appositæ,



tæ, longè ornatior commodiorque prodiisset. Hoc autem pium nec inelegans, si istius sæculi, quo vixit, quod erat sub temporibus R. *Henrici* II. ferè ante quingentos annos, mores contempleretur, scriptum unius ex Antecessoribus ejus reverendissimo Patri, D. *Guiljelmo Juxono*, Episcopo *Londinensi*, & summo *Angliæ* Thesaurario; (qui ferali pegmate R. *Carolo* I. adstibat, quando ex impiissimâ scelestissimorum Partidarum sententiâ capite plecteretur, & post tot tantasque cædes felicissimè superstes, instauratâ Monarchiâ & Ecclesiâ, ad thronum *Cantuariensem* evehctus, sacro illo ungendi & coronandi R. *Carolus* II. 23. Aprilis MDCLXI. in Basilicâ *Westmonasteriensis* munere functus est) tum gratitudinis tum observantiæ ergo dedicavit.

Postquam verò *Catenam Græcam in Jobum* pulchrè & accuratè editam sacrarum literarum amantibus placuisse, & labores hosce Ecclesiæ Christianæ commodo, sacræ Scripturæ, (cujus studium cæteris omnibus præstabilius haberi debet, quanto divina humanis, æterna caducis, sancta profanis, & solida maximèque necessaria frivolis & merè curiosis antecellunt) omni partium studio posthabito, sanctæ explicationi, & veræ religionis pietatisque profectui, quod optimum sanè tum probi, tum eruditi hominis officium est, non parum conducere, ex benevolâ Virorum cordatorum approbatione & applausu intellexerit, eadem formâ iisdemque characteribus *Euthymii Zigabeni* (uti olim *Theodoreti*) in *Psalmos Commentarium*, qui ex *Philippi Sauli*, Episcopi *Brugnatenfis*, versione *Lugduni* MDLXXIII. Latine tantum exstabat, *Græcè*, manuscriptis codicibus inspectis collatisque, cum novâ interpretatione edere apud se constituit. Sed motibus *Scoticanis*, quibus internecinum istud bellum quo *Anglia* paulò post ardebat, & dein trium florentissimorum regnorum eversio, horrendaque innumeratorum civium strages suam in solidum debent originem, mox erumpentibus, & reverendissimo D. *Laudò*, hujus similiumque operum strenuo promotore, calumniis, odiis, & machinationibus Schismaticorum, jam in sacram Ecclesiæ *Anglicanæ* Hierarchiam apertâ armatâque vi grassari incipientium exagitato, propositum istud mærens abiecit, illo codice manuscripto ad prelum destinato inter reliquam supellectilem relictis, quem Vir præstantissimus, D. *Isaacs Vossius*, harum mercium optimus æstimator, unâ cum multis aliis *Judii* codicibus manu exaratis, ad augendam incomparabilem Bibliothecam heu! nobis malo prorsus fato, (ut nil gravius, ne aliquibus convitiari videar, dicam) pecuniis suis comparavit. Nec à quoquam in dubium vocari possit, quin *Catena* quoque *Græca in Psalmos*,

*mos*, *Nicerà* collectore, quam in peculio habuit *Junius*, multique alii *Græci* Scriptores tunc temporis inediti, Archiepiscopi *Lauds* auspiciis, & illius labore & curâ è tenebris, quibus erant sepulti, in publicam lucem emerisissent, si per istorum temporum infelicitatem liquisset. Nemo enim, quam ille, has literas aut benigniori patrocinio aut effusiori munificentia adjuvit: nemo, quam hic, aut feliciori industria aut impensiore studio elaboravit. Vix tanti erit referre illius conjecturas in quædam dubia epistolarum *S. Ignatii* loca, & notas criticas in epistolam *S. Polycarpi* ad *Philippenses*, quas in sua editione protulit *D. Jacobus Usserius Armachanus*: uti & *Photii* libellum de Episcopis, Metropolitibus, &c. cum suâ ipsius versione in Bibliothecâ *Vossianâ* reperendum, cod. 192. & Epistolam *Origenis* ad *Africanum* de *Historiâ Susanne*, Exemplari *Hæscheliano* longè auctiorem in Archivis splendidissimi Collegii *S. & individue Trinitatis Cantabrigiæ*, cui suas conjecturas addidere idem *Junius*, & Vir doctissimus *Herbertus Thorndicinus*, & *D. Gale*: ut hîc quoque nonnisi *ὡς ἐν παρόδῳ* recenscam, illum *Anselmi Roberti* Episcopi *Londinensis*, aliorumque epistolas, uti & *Philostorgii* historiæ Ecclesiasticæ synopsis, *Nicephori* Chronologiam auctiorem & emendatiorem, & *Libanii* Rhetoris τὰ παραλειπόμενα, & *Stratonis* epigrammata edere sibi proposuisse.

At non publica mala, non res domesticæ, non difficultates, quibus erat ingruente bello colluctandum, non ætas ingravescentis illum à proposito editionem *Græcorum* Bibliorum è codice *Alexandrino* publicandi amovere poterant. Hoc enim à longo tempore animo insederat, ne solus ille thesauri incomparabilis aspectu oculos mentemque pascere censeretur, ac si orbi Christiano, cujus intererat, ut omnium manibus versaretur, ipsius usum ac commune illud beneficium invidisset. Quippe hoc erat quorumcunque eruditorum votum & desiderium: quod ipse ante multos annos in stricturis ad *S. Clementis* epistolam excitaverat. Interim Vir maximus, *Hugo Grotius*, sagaci mente prævidens, variantes lectiones hujus antiquissimi codicis sibi, commentarios in sacros *N. T.* libros molienti, utilissimas fore, moræ impatiens, amicis suis in *Angliâ* importunis literis instabat, ut ad ipsum mitterentur. Tanto viro in re tanti momenti, pro literarum sacrarum ac nominis *Grotiani* amore, prompto animo obsecutus *Junius*, eas benevolè admodum communicavit, publici commodi, quàm propriæ famæ, longè studiosior: uti ante plures annos miserat variantes lectiones ex antiquissimo codice Evangeliorum, quem superiore seculo Biblio-

the-

thicæ Academiæ Cantabrigiænsis Theodorus Beza, collectas, ad Petrum Puteanum, qui illas (a) J. Morino communicavit. Has quanti fecerit Grotius, quantumque lumen ad eruendum verum quamplurimorum locorum sensum ex his scintillis accenderetur, cuius commentarios istos leviusculè inspicienti facillè patebit. V. V. Cl. Claudium Salmasium & Danielelem Heinsium, quibus erat compertissimum, ingens subsidium ad S. Scripturarum intelligentiam ex vetustissimis istis membranis suppeditari posse, idem quoque incessebat desiderium, quod si non in totum impleverit, saltem aliquantisper sedare, missis excerptis, aunitis est. Decennium ferè effluerat, ex quo hic labor priùs in mentem venisset, qui usque & usque interposita Cæna in Jobum editione, aliisque, quæ se objecerant impedimentis erat differendas; his autem defunctus, hoc sanctum opus, quod plurium annorum industriam desiderabat, quantum per publica mala licuit, seriò aggressus est, omnes tum industria, tum ingenii nervos contendens, ut, favente Deo, faventibus bonis eruditisque Viris, ipso vivente, ad felicem exitum perduceretur. Collectâ undique ex antiquis Patribus, prioribus editionibus, aliisque libris impressis ad hanc rem quoquomodo spectantibus, variarum lectionum, quibus sacer textus aut firmari aut illustrari queat, mole, de membranis ac chartis, scripturarum sive integros libros sive fragmenta complectentibus, quas edax tempus, aut Christianorum inciticia, aut Turcarum barbaries intactas reliquerat, hætenus ineditis, maximè erat sollicitus, ut cum hoc exemplari, quod commentariorum suorum ἔδνα fore statuebat, diligentissimè collatæ, mutuam sibi invicem lucem aspergerent. Quicquid alicubi in Bibliothecis per Angliam & præcipuè in Academiâ Oxoniensi, latebat, ipsi erat reclusum: nec huic redintegrato labori male respondebatur. En novum prorsus & inusitatum industria hac ex parte specimen & exemplum. Exstat in Bibliothecâ Bodleianâ ex dono D. Gulielmi Landi Exemplar Pentateuchi Arabicum Lemniscis, asteriscis, obelis, cæterisque notis ab Origene excogitatis, ornatum, quod (b) D. Pocockius cum Junio nostro percurrit, ut ille quæ ad Græcæ τῶν LXX. editionem adornandam facerent, exciperet. Tam benè usuro quisque

(a) Vide Morini exercitationes Ecclesiasticas et biblicas de Græci Hebraique textus sinceritate. lib. I. exercit. II. cap. 3. pag. 47. Fol. Paris. 1669. & Epistolam Putæani ad Camdænum: pag. 202. 2011.

(b) V. præfat. D. Pocockii ad variantes lectiones Pentateuchi Arabici in sexto tomo Bibliorum Polyglottorum.

è Noſtratibus ejuſmodi gazas concredere geſtiebat. Inter alia verò κειμή-  
 λια integras *Iſaia* & *Jeremia* prophetias alteriſcis notatas auſpicatò nac-  
 tus eſt. De aliis aliunde conquirendis par quoque erat ſolicitudo. *Holf-*  
*tenium*, imprimis ſibi longo amicitiaꝝ uſu conjunctiſſimum, cui Biblio-  
 thecæ *Vaticane* & *Barberina* adyta reſerata fuerant, crebris literis rogar,  
 ut quicquid inibi elici poſſit, quod editioni ſuæ ornandæ conducat, ac  
 præſertim lectiones admodum vetuſti codicis in Bibliothecâ *Barberinâ*,  
 XII. *Prophetas*, unâ cum veterum Interpretum verſionibus ad oram ap-  
 poſitis, continentis, illico tranſmittantur, quod itidem ex alio codice  
*Prophetarum*, qui olim erat Cardinalis *Rupifucaldii*, in ſui gratiam fie-  
 ri à *Joanne Auberto*, Collegii *Landunenſis* Præſecto, obnixè obteſta-  
 tur. Potuit ſanè ex (a) *Frontonis Ducæ*, S. J. qui idem opus magno a-  
 nimo olim molitus eſt, ſchedis multum profeciſſe; ſed illæ poſt ipſius  
 mortem, juſſu Pontificis & Cardinalium malè metuentium, ne ſcrupu-  
 lis Chriſtianorum mentibus ex tanto variantium lectionum, quas con-  
 geſſerat, cumulo forſan injectis, auctoritati vulgatæ *Latina* editionis  
 quicquam decederet, *Romam*, ne Jeſuitis quidem invitis, tranſmitte-  
 bantur, flammis, neque enim mſtus fatum à tam ſeveris Cenſoribus  
 exſpectare poterant, abſumendæ. Utcunque futuri operis ſpecimen,  
 quod jam præ oculis meis habeo, primum nimirum caput libri *Gene-*  
*ſeos*, unâ cum doctiſſimis Scholiis, edere placuit. Omnes illud certa-  
 tim arripiunt, avidiſque oculis legunt perleguntque, ac optimâ ſpe de  
 promiſſâ editione, quam cum maximo & vix continendo affectu exſ-  
 pectant efflagitantque, conceptâ, quaſi moram pertæſi, Orbem Chri-  
 ſtianum hoc eximio theſauro, quod dudum fuiſſet locupletandus, ni-  
 mium diu hætenus caruiſſe amice queruntur. Aliquanto ante hoc ſpe-  
 cimen editum tempore, conventus iſte (partim è Miniſtris, partim è  
 Laicis conſtitutus) *Presbyteranorum Weſtmonaſterii* de rebus religionis poſt  
 everſam *Eccleſiam Anglicanam* ad fœderis *Scoticani* normam componen-  
 dis conſultantium, procurante D. *Seldeno*, *Junium* ad ſuſceptum hoc  
 opus perſciendum ſtimularat: ne qui ſanctimoniz prætextu Hierarchiana  
 ſacrique cultus officia & ritus everteſſent, ſacrarum literarum ac piæ an-  
 ti-

(a) Vide epistolam ipſius ad nobiliſſimum Virum D. *Robertum Cottonum*, in  
 appendice ad Syllogem epistol. *Camlemi* p. 374. & *Sarravii* epistolam ad *Jacobum*  
*Uſſerium Armachannum* in Sylloge epistoliarum *Aravſioni* 1654. p. 245. & etiam e-  
 piſtolam reſponſoriam D. *Uſſerii* in Sylloge epistoliarum *Uſſerianarum Londini* 1686.  
 p. 527. & ejuſdem aliam ad *Arnoldum Bootium* p. 621.

tiquitatis ofores quoque haberentur. Sed deerat Vir summus, D. *Laudus*, ante biennio martyrio coronatus; deerant auspiciosa tempora: omnia quippe erant seditionum ac tumultum plena.

*Independentes* cæterarumque *Sectarum* colluvies, enthusiastico furore perciti, ac excusso *Presbyteranorum* jugo, rerum potiti, in sacras literas, tanquam religioni maxime inimicas, debacchantur, ut in tantâ rerum confusione grande illud opus, quod tantis sumptibus constaret, edendum in se sulcipere vix quispiam *Typographus* ausus sit. Tandem anno MDCLII. superatis difficultatibus, pactisque inter D. *Junium* & *Cornelium Baum*, insignioris notæ apud *Londonenses* Bibliopolam, conditionibus, extortæ sunt lites, quæ hos conatus, jamjam quam maturimè fieri licuit, ad umbilicum perducendos, retardarunt. Nam intellecto, quod *Junius* à codice *Alexandrino* in multis, ubi Librarius, ipso judice, errasset, aut sensus minus integer aut dictio dubia videretur, sibi discedendum esse statuerit, putam putam versionem Septuagintaviralem, ex (a) editionibus *Complutensi*, *Venetâ*, *Romanâ*, intermissis suis quoque, si fas sit credere, conjecturis, constatam, quasi exhibiturus, intercessere Viri eruditi, qui textum Codicis *Alexandrini* ab omni sive mutatione sive mutilatione integrum, retentis vel ipsis nævis, (si qui fuerint qualicunque modo admissi) manifestis licet, dari cupiebant, præsertim D. *Seldenus*, qui, uti olim à Viro reverendo & eruditissimo, D. *Thomâ Mareshallo*, amico meo integerrimo, τῷ vῦν ἐν ἀγῳαῖς, accepi, *Baum* ipsum in illius ædibus pro more advenientem verbis irarum plenis perstringens, ita profatus est, *Si hæc in re D. Junio morem gesseris, spero me consue victurum, donec te cum libro tuo* (sic pessimè habito) *in flammis apud* (b) *Smithfield conjectum videro.*

Nullus autem dubito, quin *Junius* tantorum Virorum judicio & auctoritate motus, novam editionis fideissimè, juxta seriem venerandi codicis, ne erroribus quidem, sive in verbis, sive in peculiari scribendi modo, qui, cum constans ferè & perpetuus sit, non casu contigisse videri potest, ommissis, rationem, abjectâ alterâ, quæ tantoperè displicuerat, si vixisset, esset initurus. Nam paulò post immodicis studiis, senio, aliisque vitæ incommodis fractus, inagno literarum damno morti succubuit, relictis Scholiis doctissimis usque ad xv. caput libri *Nume-*

O o o

ro-

(a) V. D. *Watsoni* Prolegom. ix. Sect. 33.

(b) Area vicina est, quæ olim sub temporibus Reginx *Mariæ* Protestantibus erant ustulati.

rorum, non enim ultrâ inconditam notatum struem digesserat, (textu nimirum codicis *Alexandrini* in illis Scholiis cum codice *Ebrao*, cum *Aquila*, *Symmachi*, & *Theodotionis* fragmentis, cum editionibus hactenus impressis, cum Patribus, præsertim vetustioris ævi, in Commentariis, Homiliis, aliisque scriptis versionem *Grecam* citantibus, cum denique vetustissimis MSS. heic apud nos & alibi repertis, diligentissimè collato) quæ Vir præstantissimus, *Brianus Waltonus*, in sexto tomo Bibliorum Polyglottorum in immortale nonnisi *Janiani* decus edenda curavit. Ab illo tempore codex ille venerandæ antiquitatis jacet neglectus, cujus licet variantes lectiones aliquomodo collectæ in Bibliis *Waltonianis* existent, dignissimus tamen est, qui per se integer & dignitate suâ conspicuus in lucem publicam exeat: & forsan dudum exiisset, favente, imo jubente, Serenissimo Rege *Carolo II.* nisi istud consilium dirissimæ quorundam hominum, sub quæsitissimo legum & religionis tuendæ prætextu, novis rebus studentium, molitiones intervertissent.

Exercitu Rebellium jam victoriarum, post copias Regias profligatas, successu elato, inque Urbem socordiâ ac perfidiâ Civium admissa, *Cromwellus* alique Antesignani, earundem partium sequaces, perpetrata immani *R. Caroli* cæde, exclusisque, non sine irrisione, suis Dominis, falsi Senatus Adfessoribus, omnia vi planè tyrannicâ occuparunt. Aedes Regiæ scelestis his latronibus, ut splendidiori apparatu viverent, in præmium quasi bellicæ virtutis assignatæ. Eò usque Bibliotheca Regia raptorum manus evaserat, pene indemnis: sed moxamoto *Junio* A. MDCXLIX. libri, numismata, annuli, & geminæ sculptiles, quas olim cum integrâ *Gorlei* dactylitheca, pecuniis suis acquisivit *Henricus*, Princeps *Walliæ*, faciliè in prædam cedebant: quod maxime ipsi doluit, qui de hoc commisso sacrilegio infamem istum *Nebulonem*, & communis incendii facem, *Hugonem Petrum*, cui Bibliothecæ claves à Barone *Greio*, quo nemo in Regem capitalius odium exercuit, conceditæ erant, suspectum habuit. Suspicionem hæc veras iustasque fuisse, casu quodam inopinato, qui rem extra omnem dubitationem posuit, postea compertum habuit *Junius*. Dum enim à *Thoma Borvesio* Equite, quem *D. Simondus Dewesius*, in hisce gazis literariis fatis gnarus, amansque, ultimarum tabellarum Curatorem moriens constituerat, ut iisdem debitum pretium, pro peritia sua, quâ maxime inclaruit, statuere vellet, invitaretur, statim sine laboriosâ indagine, multa ex istis numismatibus, tum aureis, tum argenteis, sibi notissima, ut-

utpote è cimeliarchio Regio surrepta, reperit. Cùm verò jam liqueret, *Dewesum* illa furto sublata, à scelesto illo *Hugone* pecuniis numeratis emisse, Arbitrè ille testamentarius pudore suffusus, & quasi attonitus, annulos gemmasque mirabili arte incisas, in reliquis loculamentis dispositas coram viro oculatissimo in medium producere uolebat. Non minor miriorve codicum erat peculatus & expilatio, cujus quoque manifestus à *Junio* idem *Hugo* postulatur: qui aliquanto post tempore chartis declaratoriis & literis ad *Junium* datis, hoc crimen sibi malè intentari questus, quasi esset omnium mortalium hæc in re innocentissimus, fidem, quam toties ejuraverat, interponit, nullos libros, se conscio, inde fuisse ablatos, exceptis duobus aut tribus, quos *Pavio Amstelodamensi*, Ordinum *Belgii* confederati Legato, tradendos jusserint Commissarii, clavibus post aliquot septimanas *Iretono*, *Cromswelli* socero, redditis. Hoc tamen responso *Junius* sibi, cui homuncionis nequitia & fraudes erant cognitissimæ, parum satisfieri palam professus est.

Ne verò isti peculatui favere, aut omnem supellestilis librariæ curam penitus abjicisse viderentur, *Consiliarii Statûs*, in istâ novâ Republicâ ita nuncupati, *Joannem Duraum*, non incelebris nominis, ob suum unionis inter Ecclesiâs Reformatas transmarinas inducendæ studium, Bibliothecæ *Jacobææ* Custodem constituiebant, ordinatione de libris & numismatibus recensendis additâ, quo tempore duodecim ferè numismatum millia, ut charta recensionis, quam vidi, indicat, in pixidibus reperiiebantur. Sed de his gazis conservandis, quas avari homines, publicum commodum suo postponentes, postea surripuerunt, non satis cautum erat, vix quater mille relictis, quæ Serenissimus Rex *Carolus II.* ab exilio redux, in Cimeliarchio suo reposuit. Idem quoque triste fatum codicibus, præsertim manu exaratis, quos augustissimi Reges, *Jacobus I.* & *Carolus I.* pari curâ & munificentia congesterant, incubabat; ita tamen, ut omnes ex fanaticorum militum lasciviente ingenio & improbitate non simul perissent, prodigio non absimile videatur, pariterque de tantarum ruinarum reliquiis patriæ & Reip. literariæ gratulari debeamus. Non celabo Lectorem id, apud multos dudum percrebuisse, quod *Junius* sagaci mente præsentens, huic optimæ prædæ homines sacrilegos ac literarum ofores inhiare, antequam à munere abdicaretur, plurimos inde codices, cum animo restituendi, in suas privatas ædes transfulisset, qui post ipsius mortem publicè quasi sub hasta venderentur. Sed in re incertâ quicquam pronunciare mihi nec libet nec licet. Constat sanè *Junium* à *Gracis* Episcopis & Presbyteris, quos omni officiorum

28. Octob.

MDCL.

7. April.

MDCLII.

genere sibi devinxisset, & aliunde, suo ære grandem librorum MSS. quorum Catalogum ipsius manu descriptum vidi, cumulum comparavisse; quibus si Regios quosque immiscuisset, malo prorsus fato accidebat, si, quod aliqui criminantur, illi quoque, qui seponi debuissent, tanquam *Juniana* hæreditatis pars, alienarentur. Sed quod fortasse hanc impactam criminationem elucte videbitur, vix hoc candidis & sanctis *Junii* moribus competere posse credo, ut nisi rem habuisset compertissimam, in aliorum peculatum, adhibitis querelis, iisque palam intemperatis, ad eò tragicè inveheretur. Interea verò *Junii*, fama manente intergra, mecum sanè lugebunt omnes, qui Patriæ honori consulunt, hoc triste damnum Bibliothecam Regiam passam fuisse, quod vix seculum reparabit.

Ex nostratibus sibi maximè familiares, & in rebus suis strenuos adjuutores, habuit *Junius*, D. *Robertum Cottonum* Equitem Auratum & Baronettum, *Jacobum Usserium*, Archiepiscopum *Armachanum*, *Joannem Seldenum*, *Joannem Roussem*, Bibliothecæ *Bodleianæ* Præfectum, *Gerardum Langbainum*, Collegii *Reginensis* Præpositum, & Archivorum Academiæ *Oxonienfis* Custodem, D. *Franciscum Kinsastonum* Equitum Auratum, & unum è Regii corporis Satellitibus, sive *Armigeris*, ut loquuntur, qui illi elegantissimum *Chauceri*, vatum nostrorum veteris ævi principis, duorum primorum librorum poematis de *Troili* & *Crescide* amoribus versionem, versibus rhythmicis, in quibus *Latini* sermonis puritas servatur, contextam, inscripsit, præter plures alios non infimæ sortis, quos comitate suâ (hanc enim artem ipse per tot annorum lustra in Aulâ Regia versatus optimè calluit) sibi æterno benevolentiaæ mutuique amoris nexu devinxit. De exteris verò maximi ob eruditionis famam nominis, quibuscum arcta necessitudo & familiaritas intercesserat, omnino superfluum erit hic disserere. Id sequentes epistolæ & elogia satis testabuntur. Non invitum dixerim, nimiam istam comitatem, qua illos cumulavit, penè in crimen degenerasse, utpote Bibliothecæ Regiæ damnosam: dum ex effusissimo de aliorum studiis bene merendi desiderio codices MSS. quantivis pretii ab *Anglia*, aliquando per decennium exulare pateretur.

In illo fatali dissidio inter Serenissimum Regem *Carolus* I. beatæ memoriæ & subditos, qui rebellionem maximè infamem imperitissimo Ecclesiæ reformandæ zelo & auctoritatis Parlamentariæ, quod planè nullum erat, jure & titulo prætexebant, constat, *Junium*, ab ipsa pueritiâ quietis & umbræ amantissimum, militariibusque studiis omnino inassuetum, summisque bene-



neficiis acceptis, optimis Regibus, *Jacobo I. & Carolo I.* obstrictissimum ex innata pietate & indole, si fidei & conscientiae rationes non impedissent, quod tamen maximè impediabant, ne quisquam subditus contra legitimum Regem insurgeret, non procaciter, non perfidè, non impie se gessisse, sed domi in museo manentem, illorum temporum calamitates lachrymis non fictis, gemitibus, ac vero luctu deplorasse. Quod verò Rhapsodus quidam, (cujus tamen, ut id obiter addam, censuræ vel potius convitia, quæ non à judicio aut amore Veritatis, sed ab innatâ feritate, & animo ad maledicendum nimium proclivi pleraque ex parte profisciscuntur, parvi sunt æstimanda) ctiminetur *Junium* Presbyteranorum partibus favisse, utinam maculam hanc pari facilitate eluere liceret. Excusationis, si non justæ, saltem cujuspiam vel leviusculi ad istam censuram minuendam momenti, loco obtendi potest, illum non nisi post eliminatam Ecclesiæ *Anglicanæ* Hierarchiam cum factiosis istis & schismaticis hominibus in gratiam rediisse; ab iisdem captatâ quavis occasione novis beneficiis auctum, & dum rerum potirentur, Bibliothecarii munere adhuc fungentem: novam Independentium factionem protervè grassari cœpisse; hæresesque scdissimas, quæ Religionis Christianæ fundamenta convulsam ivere, plebis incautæ animis subdolè insperfas, jam palam sese ostentantes, scriptis, disputationibus, concionibusque propugnari: (abruptis enim sacri regiminis Episcopalis disciplineque Ecclesiasticæ repagulis, mala hæc, *novæ Reformationis genuini fructus*, tanquam tetra eluvies, impetu quodam ineluctabili obvia quæque prosterrens, universam *Angliam* inundaverant) in hisce denique turbulentissimis temporibus *Junium* operam suam non in defensionem illorum à Rege legitimo aut ab Ecclesiâ apostasiæ, sed bonarum literarum propagandarum studio Presbyteranis Proceribus & Ministrellis addixisse: sed arctam cum *D. Usserio, Walton, Thorndicio, Hammond, Pearson*, qui omnes erant strenui Hierarchiæ Ecclesiasticæ pugiles, & Presbyteraniæ paritatis, quæ est mera *ἀνταρσία* & confusio, osiores, aliisque *ὀμοψύχοις*, amicitiam coluisse, quosque omni debita cum veneratione, summoque honore, quem illorum pietas, dignitas, eruditio, & perpeffiones pro causâ Dei, Ecclesiæ, & Regis vendicaverint, prosecutus est. Quicquid fuerit, (neque enim illum *ἀναμάρτητον* præstare contendero) quilibet veri amans, aut in hisce literis paulò exercitatus, nullo partium studio & amore abreptus, nisi omnem candorem & humanitatem, nisi vim mentis, quæ de rebus sapienter judicare novit, penitus exuat, mihi sponte & facillè dabit, *Junium* ob summam eruditionem, & flagrantis-

funum illud, quod per integrum vitæ curriculum præ se tulerat, & re ipsa mille modis præstiterat, sacras bonasque literas promovendi studium inter præcipua *Britannia* decora recenseri debere.

Sed ad exitum hujus breviculæ narrationis cum vita *Junii* finiendæ propero.

Cum jam vis militaris, conculcatis legibus, ubique per universam *Angliam* grassaretur, omnemque tranquillitati publicæ frustra expetitur aditum interclusisset; *Junius* ad ædes generi sui *J. Arwoods* I.C. qui *Elisabetham* filiam natu maximam duxerat, *Bromfeldam* in provinciâ *Essexiensis*, ineunte autumno repetit, illic familiari apud suos convictu mentis malorum publicorum sensu graviter faucibus & afflictæ, dulce remedium quaesiturus, spe saltem paulò longius producendæ vitæ: quod ab hisce domesticis subsidiis potuit expectari. Sed divinam voluntatem de illo aliter statuisse, tristis eventus docuit. Nam mox præcipiti, eoque gravissimo, morbo correptus, ademptâ ultimas testamenti tabellas condendi opportunitate, septimo die Septembris A. C. MDCLII. piè in *Christo* obdormivit, postquam ante octiduum sexagesimum octavum ætatis suæ annum explevisset. Corpus elatum sine funebri pompâ (neque enim ea tempora ferebant) in superiori vicinæ Ecclesiæ intra cancellos parte, merentibus amicis, reconditur, largâ nigri marmoris laminâ sepulchro superimpositâ, cum hac inscriptione, ab omni fastu alienissimâ, Anglicè conceptâ, quam hic ad verbum *Latine* dabo.

*Subtus jacet reconditum corpus* Patricii Junii, *Armigeri*, filii *Dominici Petri Junii*, *Equitis*, qui reliquit duas filias & coheredes, *Elisabetham*, *Joanni Atwoodo*, *Armigero*, & *Saram*, *D. Samueli Bosxi Equiti nuptam*. Obiit 7. die Septembris 1652.

Frustra quis augustius monumentum, elegantiotemve Epigraphen defuncti laudibus turgentem desideraverit. Istis quasi instabilis & citò periturae famæ subsidiis non eget *Junius*, cujus memoriam libri, quos edidit longè perenniori elogio, quàm quodvis Mausoleum, ad seram posteritatem prorogabunt.

# ELOGIA & TESTIMONIA

*Clarissimorum & doctissimorum Virorum*

## de D. PATRICIO JUNIO.

**I**SAACUS CASAUBONUS in epistolâ ad D. Petrum Junium xv. Kal. Septembr. 1613. p. 98.

*Quævis scpe à filio tuo Patricio, optimo & doctissimo juvene, quid didicisset de tuo itinere. Is mihi paucis diebus, antequam iret Oxonium, confirmavit, & te & uxorem tuam àvâtes nâi ἀπὸ τῶν τῶν in patriam rediisse.*

**PETRUS PUTEANUS** in epistolâ ad G. Camdenum, Paris. 3. Kal. Septembr. 1617. pag. 193. 194.

Patricius Junius, *Vir eruditus, utriusque nostrum amicissimus, has tibi tradit: postea, Patricium Junium vidi libentissimè, & quantum in me fuit, illi favi: patru illi Bibliotheca Ill. Thuani, ut & talibus Philologis eruditus & doctus.*

Idem ad eundem 5. Id. Novembr. 1617. pag. 202.

*Velle autem, quæso, Patricio Junio, eruditissimo Viro; de collatione antiquissimi Codicis MS. Evangeliorum, & ut slet promissis, urge. Nam conjicio ex Epistolis D. Pauli planè antiquis, quæ penes me sunt, Theodorum Beza negligenter librum veneranda antiquitatis vidisse; non vanus eris ejus labor, nec industria nostra.*

**THEODORUS GOTHOFREDUS** ad G. Camdenum, Paris. 30. Augusti 1617. pag. 194.

*Les vôtres m'ont été rendues par Mr. Patricius Junius, homme de mérite, & pour tel reconnu par ceux, qui l'ont vu de deçà, & comme vous l'avez décrit.*

**JOANNES HOTMANNUS** ad G. Camdenum, Paris. 2. Septemb. 1617. pag. 196.

*J'ai été très-aise, que par cette occasion j'ai pris connoissance avec Mr. Junius, Gentilhomme d'une rare vertu & erudition. C'est une obligation, que je vous ai avec toutes les précédentes.*

**FRONTO DUCÆUS** in notis ad Orationem Gregorii Nysseni contra Fornicarios.

Gra-

*Græcus textus nuper editus est, ex Apographo Casaræ Bibliotheca cum altero Patricii Junii, oblato, nunc & emendato.*

DIONYSIUS PETAVIUS in notis ad *Themistii* XIX. orat. p. 728. *Parif.* 1618. loquens de oratione *Juliani* Imp. nondum editâ, quam S. P. Q. *Atheniensium* scripsit.

*Eam nos orationem, cum aliquot aliis, accepimus ab humanissimo eruditissimoque Viro, Patricio Junio Londinenſi, Regia Bibliotheca Prefecto, quas propediem favente Deo, cum reliquis Juliani operibus, publicare decrevimus.*

Et in præfatione ad editionem operum *Juliani* τὸ παραβάτῃ *Parifis* 1630. 4°. loquens de iisdem orationibus & epistolis antea ineditis:

*Hec omnia Londinenſi ex Bibliotheca miſi ad nos Patricius Junius.*

Ita nomen illius, quasi prioris humanitatis & grati officii illum præstituiſſet, nudè absque omni elogio & præfatione laudis profertur, pro absurdissimo more, qui apud plures, seſe pro ſolis Catholicis venditantes (exclufis aliis diverſæ communionis, iſthoc titulo longè meliori jure ornandis) obtinuit, ac ſi morum urbanitas ac ejuſmodi commendationes famæ zeli, quem præ ſe ferunt, & veritati religionis Catholicæ, quam falſo ſibi arrogant, quippiam eſſent detracturæ. Imò *Petavius* ingrati animi poſtulan- dus eſt, qui tractatum *Petri Alexandrini* de noviffimo *Chriſti* Paſchate in *Uranalogio* ſuo editum ſe à *Junio* noſtro accepiſſe reticet.

JOANNES AUBERTUS in præfatione ad I. tomum Operum S. *Cyrilli*, Archiepiſcopi *Alexandria: Parif.* 1638.

Certe prætermitti non debet eximium V. V. Cl. Junii & D. Rouse in editione noſtrâ paranda adornandaque ſtudio, qui *Homilias* aliquot & variantes in eas lectiones ex inſtructiſſimâ Oxon. Academia Bibliothecâ, tanta mihi cum celeritate miſerunt, ut prævertiſſe quodam modo viderentur petitionem meam.

HUGO GROTIUS in epistolâ ad *Franciscum Junium: Parifis* 31. Maii 1638. pag. 434.

*Quod ſi pateris & hoc adjici, meo ut nomine comiter ſalutes Viros egregios, Seldenum, Patricium* ὁμῶνυμῶν *noſtrum, Pettæum, & ſi qui hiſ ſimiles ſunt alii, ad multa merita tua, quibus obſtrictum me habes, novum hoc adjeceris.*

Idem ad eundem 23. Septembr. 1638. pag. 465.

*Beaſti me, quod D. Seldeno, & D. Patricio Junio memoriam mei renovaviſſi. Plurimum ipſis debeo, & publico nomine, ob labores iſtorum, qui-*

quibus humanum genus sunt demerui, & privato, quod multis argumentis comperi eos mihi optime velle. Beneficium, quod ultro offert D. Patricius Junius, facienda mihi copiam lectionum variantium, quas è Græcis codicibus misit Cyrillus, maximi facio, ut debeo; neque tantum gratissimum eris id munus, sed & operam dabo, ut id quamplurimis profuit.

Idem ad eundem 1<sup>o</sup> Januarii 1639. p. 498.

D. Patricius Junius ita est de literis meritis, ut ab amantibus literas omnibus amari debeat. Accedet ad communem causam privata, ex qua me debitorem habeat, si ipsius beneficio, quod & ipsius nomine D. Goffius obtulit, nancisci possim codicis Cyrilliani novi Fœderis excerpta.

Idem ad Samsonum Johnson: Lutetia Septembr. 1638. pag. 466.

Patricium Junium amavi semper, amo nunc etiam, quod postcatenam in Jobum, & Theophylacti quedam, etiam Euthymium, boni judicii ferâ ætate Scriptorem, publici juris facit.

Idem ad eundem 9. Febr. 1639. p. 508.

Plurimum Junius duobus Patricio Franciscoque, debeo pro datis liberaliùr, transmissisque diligenter lectionum discrepantiis. Sunt in illis observationibus digna non pauca, quibus suus eris usus. Sed nunc maxime Evangelia me occupant: quare si cumulare beneficium beneficio velitis, & me earum lectionum, quæ ad Marcum, Lucam, & Joannem pertinent, compotem facere, felicem me tanto munere judicabo. Rogo autem, ut tua comitate & gratie agantur D. Patricio, quod hec mihi præsiterit, & D. Seldeno, quod Vir meo judicio maximus mei vivat memor.

CLAUDIUS SALMASIUS in præfatione ad Achillem Tasiu:  
Lugduni Batav. 1640.

— ubi intellexi exemplar manuscriptum ejusdem Auctoris exstare in Londinensi Regiâ Bibliotheca, à Viro clarissimo præstantissimoque, Bibliotheca istius Curatore, pro eâ, quæ est humanitate & comitate, & pro no ad literas juvandas affectu, facile usum ejus mihi impetravi. Hoc exemplar Calauboni olim fuisse, manus ejus ad oram passim adscripta mihi significavit. Agnovi in eo passim & Henrici Stephani, ejus Soceri, manum, ut ab eo habuisse manifesta sit fides.

Postea; Vir etiam doctissimus & clarissimus Lucas Holstenius — Româ suum codicem transmisit, quem ipse contulerat cum Anglicano illo ex Bibliotheca Regiâ, cui Patricius Junius V. Cl. præst.

Idem in præf. ad libr. de primatu Papæ: Lugd. Bat. 1645.

Ppp

Cla-

- *Clarissimus vir & celeberrimus*, Patricius Junius, nuper mihi significavit Βασιλῆμ Μοναχῶ πρὸς Νικολαον Ἀρχιεπίσκοπον περὶ ἀρχῆς Πάπα in Bibliotheca Regia Londinensi exstare, qui non potest esse alius ab eo, quem hic edidimus.

CLAUDIUS SARRAVIUS ad Jac. Usserium Armachanum: Paris. 9. Novembr. 1648. in Sylloge epistolarum Arantioni 1654. pag. 245.

Εὐφράνῃ ἡ καρδία μὲ καὶ ὑγαλλιᾶσται ἡ γλῶττα, viso specimine Alexandrini exemplaris, quod isthic excudi coepitum est. Sed quare trahitur nobilissimi operis editio? festinato sanè opus esset, & qualemcumque materiam omnes docti & praei impatienter ferunt. Magna quippe in Ecclesiam utilitas inde redundabit, uti & in summum Virum, Patricium Junium, gloria non vulgaris. Cujus in quoque particeps eris, pro ea, quam impendis, opera, cum in prolegomenis adornandis, tum in urgendo laudabili hoc proposito.

GERARDUS JOANNES VOSSIUS, de origine & progressu idololatriæ, lib. III. c. XCIX.

Sed verè hujus avis (Phœnicis) meminit Apostolorum εὐχρηστος, Clemens Romanus, epistola ad Corinthios prior: quæ pauculos ante annos prodiiit in lucem egregiâ V. Cl. Patricii Junii curâ.

ISAACUS VOSSIUS in notis ad epistolam S. Barnabæ pag. 308.

Nunquid in epistola Clementis, quam nobis dedit Vir maximus, Patricius Junius Bibliothecarius Regius, (cui ego tantum debeo, ut plura ei debere non possim) similia occurrunt?

Idem in literis ad Jacobum Usserium Armachanum v. Octobr. 1650. Holmiæ scriptis: in collectione literarum Usserianarum. Londini 1688. pag. 556.

Diu est, quod de Seldeno & Patricio Junio nulli omnino huc perlatis sunt nuntii. Eorum Virorum studiis ex animo favet Regina. In Patricium verò, si quid Regina nostra esset juris, non tam diu textus ille Bibliorum Græcus in tenebris delitesceret. Sed non cuique contingit doctis parere Dominis.

ANDREAS RIVETUS, Critici Sacri lib. I. c. 8.

In eâ (S. Clementis epistolâ) reperiuntur, quæ à nonnullis Veteribus citantur, ut in suis notis ex collatione ostendit eruditissimus Editor, qui veram ac genuinam esse Clementis epistolam existimat, non obstant fabulâ de Phœnice, quam ad illustrationem doctrinæ de resurrectione adducit.

Quod

*Quod postea fecerunt alii plures ex Veteribus. Argumenta Viri doctissimi expendere poterit Lector eruditus.*

DANIEL HEINSIUS in Exercitat. Sacris ad S. Matthæi cap. VII. lib. I. cap. 5. p. 43. editionis *Cantabrigiæ*, locum ex epistola S. Clementis citans, addit,

*Quam stylo scriptam Apostolico, cum qui ad eum proximè accedit, Patricio Junio, summa eruditionis Viro, debemus.*

Idem in *Aristarcho* sacro ad calcem sacrarum exercitationum ad N. T. *Lucd. Bat.* 1639. c. 13. p. 819.

— *Us & de iis, in quos Septuaginta Interpretes Poëticos distinxerant Scriptores: ejus laculentum nobis nuper specimen à clarissimo & eximio Patricio Junio editus exhibuit Jobus.*

Idem in parte alterâ cap. 2. pag. 857.

*Ad quem locum Olympiodorus, quem in præclarâ illâ in Jobum Catenâ Viro eximio summoque amico nostro, Patricio Junio, Serenissimi Magnæ Britannæ Regis Bibliothecario, debemus.*

JOACHIMUS JOANNES MADERUS in præfatione ante editionem epistolæ S. Clementis ad Corinthios, *Helmstedii* 1654.

*Luci illam non ita pridem donavit rursum Vir clarissimus Patricius Junius, Serenissimi, benè quondam! Britanniarum Regis Bibliothecarius, cui propterea maximas certè gratias debemus. Mox — Non erat, quo te amplius morarer; quandoquidem nunquam satis laudatus Patricius, sua ad Lectorem præfatione, Veterum testimonia supra subnexa, in reliquis tibi poterat satisfacere.*

CHRISTIANUS RAVIUS in epistolâ ad *Reyherum* ante libros *Conicarum Sectioinum Apolloniæ Pergæ* in *Graciâ* deperditos. *Kilonii* 1669. 8o.

*Scriptum ejus codicis Goliati erat Mauritanicæ scripturæ; quod non credo Cl. Virum inde attulisse; cum ejus jam olim in Belgio & Anglia fuisset indicia, renunciatum sepe sit à nobilissimo illo Bibliothecæ Regiæ Prefecto, Patricio Junio, qui addebat, mirari se, quomodo jam Cl. Snelh, Mathematici insignis, tempore existeret, quod certo sciat, Leidæ Apollonius integer, & tamen nil ejus tam longo spatio evi prodierit.*

CORNELIUS TOLLIUS in epistola ad *Christianum Ravium Rhe-nis.* Augusto 1647.

*Mitto literas celeberrimo Viro, Patricio Junio, quod & tu monueras, atque illam facio plurimi. Non dubita, quin per te consequar varias il-*

las lectiones Palaeophatorum codicum, quas impetratas multum cupio. Jam quippe festino editionem illius libri; neque subsidium illud habeo, nisi quod nuper suppeditavit magnus Salmasius MS. Londinensis ἀπόγραφοι. Tibi autem acceptum feram, quicquid ulterius hac in re gratificationum mihi fuerit à Cl. Junio.

Auctor vitæ Joannis Morini, Londini 1682. pag. 71.

In Anglia Comberi præsertim & Junii, Virorum doctissimorum, amicitiam coluit, & ad utrumque liberè scripsit, quid de vetusto illo codice Græco LXX. Interpretum Versionis sentiret, qui ab Ægypto in Angliam deportatus fuerat: maxime in epistola ad Patricium Junium, cujus operâ liber Jobi Londini editus fuerat, de codicis illius, quo usus fuerat Junius, vetustate & bonitate fusiùs disserit.

JACOBUS USSERIUS Armachanus in Syntagmate de Græca LXX. Interpretum versione Londini 1655. p. 105.

Geneleos quoque, Levitici, Numerorum, Deuteronomii, Josue, & Judicum fragmenta quadam Græca vetustissima, obelis & asteriscis signata, Claudius Sarravius in Parlamento Parisiensi Consiliarius Regius: integram verò Esaiæ & Jeremiæ Prophetiam, asteriscis insignitam, communicavit Patricius Junius, Regius apud nos Bibliothecarius: quorum alterum per literas tantum nobis notum; alterum amicum intimum & integerrimum, morte nobis ereptum, lucu serio prosequuti sumus.

Idem in præfatione ad Epistolam S. Barnabæ.

Quæ quidem in Barnabâ frustra quaesita, in priore Clementis epistola, (à doctissimo Patricio Junio non ita pridem edita) totidem verbis expressa invenimus.

Idem in Dissertatione de Symbolis: Oxonii 1660. p. 25.

Quò spectat Photii Constantinopolitani Patriarchæ locus, in Dissertatione de Spiritus sancti processione contra Latinos: quam XII. Panoplia sua dogmatica Euthymius Zygabenus inseruit, sed à Francisco Lino in Latinâ versione consultò omissam, ex codice nuper à Græcia allato communicavit mihi amicissimus Patricius Junius.

Pag. 26. Dicit, se Symbolum Athanasianum à Græcis interpolatum dare ex apographo V. Cl. Patricii Junii.

Pag. 38. Ex veteribus membranis Cottonianis (à quibus Auctoris nomen aberat) Rythmos istos elegantissimos (nempe Hildeberti Cenomanensis) descripsimus; & ex altero Bibliothecæ Regiæ codice, ab amicissimo Junio accepto, alicubi emendavimus.

Idem in notis in S. Polycarpi epistolam ad Philippenses pag. 1.

Cum



*Cum* θυσιᾶς αὐτῆς à Clemente, in epistola ad Corinthios, (quam in hac alias etiam non semel Polycarpus est secutus) μωμοσκοποῦν τὸ προσφερόμενον conjunctum cernimus, ubi μωμοσκοπῶν officium fuisse pluribus nos docuit doctissimus Junius, ne quid vitii aut labis sacrificio, priusquam altari imponeretur, subesset, diligenter discipere.

Idem in literis ad Cl. Sarrauinum Parisensis Curie Senatorem 1<sup>1</sup>/<sub>2</sub> Febr. 1641. Londini scriptis in Sylloge epistolarum Londini 1686. pag. 527.

Alexandrini vero exemplaris (quod post Balilii M. tempora descriptum fuisse, prefatio illius, quæ ibi habetur, in Psalmos satis indicat) editionem quæ à te tantopere postulatur, vel flagitatur potius) urgere non cesso. Id oneris in se suscepit Vir doctissimus, Patricius Junius, cujus primum specimen simul cum hisce mitto. Mihi enim præter ἐργαζομένης officium, aliud nihil hic incumbit, nisi, ut de ipsa LXX. Interpretibus adscripta versione, quid sit sentiendum, quadam adneclam prolegomena.

Idem in literis ad Ludovicum Capellum 27. Octobr. 1653. Londini scriptis p. 596.

Codicem τῶν ὁ Alexandria à Cyrillo Patriarcha in Angliam transmissum (quem Theckæ vocant) edere capit eruditissimus Junius. Sed eo ad meliorem vitam translato, nulla illius editionis spes nobis est relicta. Cundum tamen apud nos Biblia Polyglotta, in quibus veteres sacri contextus editiones uno conspectu representata exhibentur. In his Alexandrini illius codicis cum editione Græcâ Vaticanâ collatio instituitur.

Vide quoque epistolam illius Anglicè scriptam ad Arnoldum Bootium. pag. 621.

JACOBUS MONTACUTUS, Episcopus Wintoniensis, in præfatione ad opera R. Jacobi I. Lainè, Londini 1619.

Edwardus sextus, in tanta vita brevitate, quâ eximias animi dotes mundo explicare non potuit, historiam tamen sui temporis scripsit, & tres linguâ Gallicâ, de fide, de idololatria, seu imaginum cultu, & de Papæ primatu, quos Duci Sommersetensi, avunculo suo, inscripsit. Epistolas etiam & Orationes Græcas Latinasque varias conscripsit in Bibliotheca Regiâ superserites, quas eruditus fidusque Bibliotheca Regia Curator, Patricius Junius, regia Auctoris manu conscriptas, mihi monstravit.

JOANNES SELDENUS ad Auctariolum Marmorum Arundellianorum p. 182. Londini 1628.

Orationem Juliani, unde hoc descriptissimus, MS. mecum pridem communicavit, uti solet id genus alia, pro sua humanitate Vir doctrina, &

*morum suavitate insignis, Patricius Junius, Bibliothecarius Regius, & de hoc loco me monuit. Integræ orationem cum duabus aliis Apostat, nondum in lucem editis, ante sexennium transmisi ad V. Cl. doctissimumque, Dionysium Petavium, qui eas publici juris facere pollicitus est.*

Idem in libro de dominio maris lib. 2. c. 6.

— *Uti etiam binis in Bibliothecâ ad D. Jacobi Regiâ, quod adnotavit mihi vir doctissimus amicissimusque, Patricius Junius.*

Idem de Synedriis lib. I. p. 220.

*Locum descripsit Vir eximius, Patricius Junius.*

Vir optimus & doctissimus HENRICUS HAMMONDUS in Dissertationibus de juribus Episcopatus. Dissertat. V. c. 3. p. 264. ubi malam cujusdam periochæ in epistola S. Clementis ad Corinthios interpunctionem & interpretationem rectissime emendat:

*Quod doctissimo Clementis Interpreti, quomodocumque exciderit, certe non placet.*

Editor epistolarum Photii (quas Vir admodum reverendus & doctissimus, D. Richardus Montacutus, Episcopus Norwicensis Latine vertit, & prelo paravit) sub nomine Typographi:

— *Quibus accesserunt epistola alie quinque de rebus in jure canonico Orientalium dubiis: has inter alia plurima ex Oriente secum in Angliam advexit Christianus Ravius, easque cum Cl. Viro, Patricio Junio, communicavit, qui pro summo suo in Reip. literariam studio earum mihi liberam fecit potestatem, eo nimirum animo, ne publici juris fierent.*

Vir eruditissimus, GERARDUS LANGBAINUS, in-notis ad Longinum περὶ ὕψους pag. 115.

Robertelli alteram (editionem Longini) benigne nobis communicavit in Reip. literarie bonum natus, clarissimus Vir, Patricius Junius, Bibliotheca Regie Curator dignissimus: transmisit item & codicem manuscriptorum, ipsissimâ πολυμαθεστάτη Stephani manu exaratum.

MERICUS CASAUBONUS in Prolegomenis ad Marcum Antoninum: Londini 1643.

*Magna tum memini spes animum pertentabat, si fortè exemplar Antonini, quo B. M. parens usus fuerat, adipiscerem, hæc pauca in eo reperiuntur me ad oras (quæ in plerisque veteribus legendis ejus sedulitas & diligentia) notata, quæ magno futura essent auxilio. Sed cum, cum humanissimi juxta ac eruditissimi Viri, Patricii Junii, Bibliotheca Regia Præfecti dignissimi, operâ consequutus essem, quam spe meâ frustratus sim,*

ip-

*ipsum illum testor, optima fidei, nec minoris in his judicii, testem omni exceptione majorem.*

Idem in notis pag. 8.

*Id eò verisimilius mihi sit, quod ante mensem unum aut alterum, quam hac scriberem, indicio V. Cl. de literis & literarum amantibus omnibus indefessa industria meritissimi, Patricii Junii &c.*

JOANNES PRICÆUS in notis ad Apologiam Apuleii. pag. 147. Paris. 1635.

*Imaginem delineationemque ejus (i.e. marmoris in ædibus D. Mauroceni Venetijs) (ut & aliorum quoque) debemus nunquam laudato satis Petito nostro; applicationem ad Historici narrationem Patricio Junio, Serenissimi Regis nostri Bibliothecario, homini ad literatura omnis, duntaxat Græcæ, beneficium nato.*

Idem in præfatione ad Apuleii Metamorphoseos libros. 1650.

*Sequentes libros contulimus cum uno tantum MS. codice, quem à nobis acceptum Gulielmus, nuperus Cantuariæ Archiepiscopus (Vir literis ornandis attentissimus) donavit Oxoniensi Bibliotheca. Ex eo penu instructissimo, intervenit Cl. longèque doctissimi Viri, Patricii Junii, illius ad vos fluxis temporaria usura. Ejusdem Amici beneficio inspeximus Colvianam editionem.*

ABRAHAMUS WHELOCUS in præfat. ad Bedæ Historiam Ecclesiasticam gentis Anglorum. Cantabr. 1644.

*D. Patricius Junius Serenissima Regia Majestati fidelis Bibliothecarius, Vir inclytus, alter inter nos Casaubonus, ut Latinas, sic & patrias literas cum Græcis conjunxisset.*

JOANNES FELLUS Episcopus Oxoniensis in præfat. ad epistolam S. Clementis. Oxonia 1677. loquens de codice Alexandrino in Bibliotheca Regiâ.

*Biblia sacra ad exemplaris istius venerandi fidem se luci daturum spondebat Vir eruditissimus, Patricius Junius, Regia Majestatis Bibliothecarius; Clementis autem editionem re ipsa præstitit, quam nos hic demum repræsentamus.*

— Siquidem ea habetur de eruditione, industria, & fide D. Junii apud omnes existimatio, ut eandem suspitione aliquâ labefactare, non incivile modo, sed iniquum prorsus videatur.

— Denum in editione ista versionem Latinam recensuimus, parcè tamen, & cum debita erga doctissimum Junium ejusque manes reverentiâ.

D. FRANCISCUS KINASTONUS, in epistola dedicatoria ad Jun-

*Junium*, præfixâ suæ versioni primi libri lepidissimi poematis *Galsfredi Chauceri* de amoribus *Troili & Cresseida*, *Oxonia* 1635.

Quare cum ita se res habeat, eroticum hoc poema, cujus frontem tuo amicissimo nomine decoramus, ævi injuria oblitteratum fere, & inter desperata recensendum, ad te & tuum patrocinium inter alia priscorum opera & pegmata non immeritò confugere videtur: cujus duo nomina sunt totidem bona omina, qua Auctori Chaucero & mihi aliquid sancti portendunt. Nam cum tu ob stirpis & stemmatis tui claritatem ex vere nobili & Patricio ordine sis ortus, cum tu ipse propter morum tuorum suavitatem, gestus modestiam vitæ integritatem, doctrinam variam, & in priscorum scriptis & monumentis insignem perspicaciam, in Rep. literariâ merito inter Patres conscriptos habearis: tu identidem pari jure nomen Junii mereris, cum neoterici omnes tibi noti & familiares sint, & plurima indies mediteris, qua apud posteros nominis tui celebritatem augebant; cum tu Regia Bibliotheca non solum Custos, sed ambulans Bibliotheca sis. Sed ut modestiam tue faveam, singula non recensebo: fas tamen sit hoc unum dicere, quod me tacente postera ætas loquetur, non solum S. Clementis epistolam, verè Apostolicam, oblivione diu immersam, per te & tuâ operâ è tenebris erutam fuisse & in lucem datam: verum etiam LXX. Seniorum Græcam versionem ex codice totius orbis vetustissimo, literis majusculis exarato, sed ita à tineis & temporis invidia exeso & oblitterato, ut in omni pagina plurima elementa & verba integra desiderentur, tuis indefessis lucubrationibus indies emendari, & prelo in bonum publicum adornari. Cætera exscribere non vacat.

Idem in epistola ad Joannem Rouse, Bibliothecarium Oxoniensem, præfixâ libro 2.

— Cum appareant rari nantes in gurgite vasto, & inter regia & primi honoris fœdera, vix ullus in nostro horizonte beneficis asterisimus reperiatur, qui Musis sit propitius: felicem me existimo, & illis etiam gratulor, quod Castora & Pollucem adspiciam: nempe lucidos & literatos vos fratres, Patricium Junium atque semet ipsum, lucubrationum mearum censors, non minus doctos & eruditos, quam benevolos & candidos viâctus sim.

V I T A  
JOANNIS DEE,

*Mathematici Angli:*

Scriptore

THOMA SMITHO,

*S. Theologiae Doctore & Ecclesiae  
Anglicanae Presbytero.*

Aaaa

1. The first part of the paper discusses the importance of the study of the history of the United States. It is argued that the study of the history of the United States is essential for a full understanding of the country and its people. The paper then discusses the various methods used by historians to study the past, including the use of primary and secondary sources, and the importance of critical thinking in the study of history.

2. The second part of the paper discusses the importance of the study of the history of the United States. It is argued that the study of the history of the United States is essential for a full understanding of the country and its people. The paper then discusses the various methods used by historians to study the past, including the use of primary and secondary sources, and the importance of critical thinking in the study of history.

3. The third part of the paper discusses the importance of the study of the history of the United States. It is argued that the study of the history of the United States is essential for a full understanding of the country and its people. The paper then discusses the various methods used by historians to study the past, including the use of primary and secondary sources, and the importance of critical thinking in the study of history.

# V I T A

## J O A N N I S D E E.

### *Mathematici Angli.*



**J**OANNIS DEE, (quem in secutura ipsius Vitæ & Studiorum historia ad omnem homonymiam amoliendam vocabulo Linguae Latinae genio magis conformi, *Devum* appellabo) primos vitæ halitus *Londini* decimo tertio die mensis Julii, hora IV. & minutis XI. P. M. A. æterni Verbi incarnati millesimo quingentesimo vicesimo septimo, excepit. Patrem habuit *Rolandum Devum*, Virum probum, & re domestica satis lauta gaudentem, cujus cura pro affectu erga filium suum à natura indito, utpote puerum egregiæ spei bonæque indolis, in illius mente literis *Græcis Latinisque* informanda maxime impendebatur. Studiorum verò, quibus pueri imbui solent, curriculum, partim *Londini*, partim *Chelmsfordiæ* in Provincia *Essexiensi*, feliciter emensus, decimo sexto ineunte ætatis anno *Cambrigiam* in Collegio, D. *Joannis* Evangelistæ memoriz dicato, altioribus disciplinis erudiendus, ab amantissimo Patre, exeunte nimirum anno 1542. mittebatur.

Togam Academicam indutus, sive consiliis & documentis Amicorum, sive propria sponte & virtute, & ardentissimo literarum amore accensus, in ista lubrica ætate, desideriz & luxui nimium quantum obnoxia & deducta, satis gnarus, non nisi magna industria magnam eruditionis famam acquirendam esse, pertinacissimo & quidem propemodum incredibili labore, quasi sacro voto obligatus, & à quo nullis voluptatibus, blanditiis nullis, aut quorumpiam importunis invitationibus se abripi siverit, evolvendis Libris, juxta methodum, in ista Academia juventutem instituendi præscriptam, sub seduli *Tutoris* cura, moderato quatuor horarum singulis noctibus somno contentus, duabusque horis, prandii & coenæ tempore, aliisque laxamentis ad vitam sanitatemque tuendam nec-

cessariis, tantummodo impensis, reliquis octodecim, demptis publicarum precum in Sacello habitarum, quibus interesse oportuit, intervallis, inviolabili pertinacia, alacer devovit & consecravit.

Post susceptum Baccalaureatus in Artibus gradum, idem literarum amor pertinaxque studium mansere, & jam maturesciente cum anni judicio, qualem Scientiam ex encyclopædia, quam totam accuratè complessi, humanas vires longè supergredi compertum habuerat, pressius excolere pro vitæ suæ rationibus commodum videretur, animo perpendens, ex vehementis insitæ indolis propensione, quam sapientia, libratæ omnium rerum momentis, magis magisque firmavit, Mathematicas Disciplinas cæteris longè anteponendas esse facillè sentiebat. Ad hunc scopum melius feliciùsque attingendum, cum pauci è nostratibus illo tempore ista laude emererent, utpote in exercitationibus Theologicis, aut in iuribus coronæ contra Curie Romanæ usurpationes defendendis maximè occupati, mense Maio A. 1547. ex *Anglia* in *Belgium* navigavit, amicitiam cum magnis quibusdam viris, puta *Gemma Frisio*, *Gerardo Mercatore*, *Gaspere à Mirica*, *Antonio Gogava*, aliisque harumce Scientiarum Mystis, initurus, ut illorum consiliis adjutus, quid sibi in isthoc stadio juxta decursuro faciendum esset, auspiciatius intelligeret. Quid enim à talibus Magistris discipulo excelsa indole & ingenio pollenti sperare non licuit? Nec expectationi defuit successus: imò omnia supra votum cessere. Post aliquot menses *Cantabrigiam* redux, secum *Gemma Frisii* radium & annulum Astronomicum, utrumque æreum, ab illo recens fabricatum, duosque ingentes *Mercatoris* globos attulit, quos postea Bibliothecæ Collegii S. Trinitatis in Sociorum Alumnorumque usum donavit. Ille autem orbium cœlestium contemplationi per multos annos addictus, aliquot millenas observationes, horis minutisque pleraque ex parte notatis, factas, in Ephemeridas & Adversaria congestit, tam in siderum motibus distantisque indagandis, quàm in viribus & influentiis in mundum hunc elementarem, moresque & fortunas hominum inde derivatis, fallaci & penitus incerta conjectura erudendis, maximè, ut videtur, occupatus, puriorisque Astronomiæ studio assanias, quas deperibat, Astrologorum, pro lascivia ingenii adjunxit.

Cum autem Rex *Henricus VIII.* magnificum Collegium Sanctæ & individue Trinitatis honori dedicatum in ista Academia condidisset, dignus habitus erat *Deus* noster, qui inter primos socios accenseretur, & mox ibidem Græcæ linguæ secundarius Prælector constitutus. Non multò post *Aristophanis* Comœdiam, cui titulus *Εἰρήνη*, exhibendam curavit,



vit, in qua scarabæi ad *Jovis* Palatium evolutis, cum homine corbe onusto, fiebat repræsentatio: quo viso, obstupuerunt omnes, qui aderant, multique, virium artis Mechanicæ penitus ignari, rumusculos sparsere, quasi *Deus* magicis artibus jam initiatus, ope *Dæmonum* rem istam mirabilem effecisset. Ita ab ipsius juventute infamiam veneficii & magiæ, sive jure, sive injuria, in se contraxit: cujus suspicio plurimorum animis adeo altum infidebat, ut nulla illius excusatione & apologia, nulla, ut ut sacra, obtestatione inde elui potuerit.

A. 1548. laureâ *Magistri* insignitus, mox iterum *Angliam* reliquit, *Cantabrigia* æternum valedicturus, sive se majores in Scientiis abstrusus, quas impigrè venatus est progressus in exteris Regionibus facturum crediderat, sive ut ab amicorum censuris & criminationibus, quasi illicitis artibus operam dedisset, liber, quicquid animo adlibuerit, majori otio minorique incommodo daret in effectum, sibi soli, remotis arbitris consiliisque, vacans, sive aliis de causis, prorsus incertum. Ab hoc enim tempore mihi perquam verisimile videtur, *Deum* spes vanas in animo aluisse, licet sub specioso *puram veritatem, & Thesauros celestis sapientia investigandi* prætextu, se tandem aliquando, quod mortalibus vix datur assequi, allecuturum, & inde ex studio Mathematicarum Scientiarum, Physicæ, & Chymicæ, in arcana naturæ, & rerum tum naturalium tum divinarum profundiora penetrandi, & novam, eamque planè mysticam, Philosophiam, quasi vilesceret & omnino repudianda esset, quæ tunc usu communi obtinuerat, introducendi, & denique sibi ipsi ex indulgentia vanissimæ & prorsus damnandæ curiositatis insignem apud omnes formam addiscendi ardorem crevisse: cujus propositi impietatem sub plausibili Scientiarum Mathematicarum prætextu, tanquam sub speciosis involucris, à quorumvis conspectu occulere voluit. Nemo sanè harum rerum peritus negaverit, *Deum* insignis Geometræ, uti opera edita testantur, elogium meruisse: interim mihi, de illo sæpè sæpius, & quidem mente seria, pendenti, penè constat, conjecturam istam tanquam claverna ad abditos illius mentis sensus, quos subdole intus fovebat, recludendos, admitti oportere, quod postea luculentius patebit.

Hoc animo eodem anno, relicta patriâ, testimonialibus Universitatis *Cantabrigiæ* literis munitus, *Lovaniensem* Academiam, viris omni  
Scientiarum genere excultissimis florentem, profectus est, ubi pro tempore fixis sedibus, opes dotisque ingenii versuta modestia expandens, magnam eruditionis famam sibi comparavit, tum coram magno in honore habitus, tum crebris literis, tanquam oraculum, novusque reconditioris sapientiæ Magister, undiquaque, quò fama de illius admirandis

elogiis spargeretur, consultus. Huic enim illius invifendi gratia viri Nobiles, *Hispani, Itali*, alique ex aula Imperatoris *Caroli* quinti, tum temporis *Bruxellis* splendidissimo Principum & Magnatum comitatu fti-pati, certatim, & quidem non modico numero, confluerunt, an fama, avidissimis attonitisque auribus quotidie ingesta, non hac ex parte deliquisset, & an ex præsentia esset minuenda, experturi: inter quos eminere Dux *Mantuanus*, & D. *Ludovicus de la Cerda*, postea titulo Ducis *Medina Cali* insignitus: ut ab aliorum ædes *Devi* adire solito- rum nominibus, quos aut Cæsarea Majestas ex *Bohemia, Dania*, & alibi, aut Artium excolendarum cura in istas regiones pertraxisset, recensendis abstineam. Ita apud quosvis exteros ipsius fama percrebuit. Nec minorem tamen à suis *Anglis*, in *Belgio* quoque commemorantibus, inibat gratiam; è quibus *Gulielmus Pickeringus*, juvenis ornatissimus, nobili stirpe oriundus, & postea equestri dignitate ornatus, & legationibus *Gallica* & *Germanica* insignis, in ipsius ædibus recipiebatur, ut-pote hospes redditus, ut radii, annuli Astronomici, Astrolabii, & gl-oborum ulum majori commodo edoceretur.

Cùm verò ingenium versatile, & quarumvis disciplinarum capax habuerit, animi causâ, paulisper interruptis studiis Mathematicis, methodum & regulas Juris Civiliis explorare voluit, tanto quidem cum successu, ut in quibusdam *Antinomii* solvendis, & multis obscuris intricatisque legibus enodandis, & novo lumine perfundendis feliciter versari perhiberetur: quod Academia *Lovanensis* publico tellimonio agnovit.

Exacto *Lovanii* biennio, rectâ mensè Julio, 1550. celeri quatuor dierum itinere, se *Lutetiam Parisiorum* proripuit, ubi bonæ literæ omne genus, auspiciis, patrocinio, & munificentia *Francisci* primi, Regis *Gallie*, non ita pridem introductæ, maximè florebat. Sed in ista confertissima Studioforum ex omnibus ferè Orbis Christiani plagis illuc venientium turba, diu celari non potuit, sive per se ex vano ostentandæ arcanorum naturæ & penitioris Philosophiæ, hætenus incognitæ, quam sibi arrogaverat, Scientiæ pruritu, sive per gentiles, ut major inde in communem patriam derivaretur honos, illorum importunis precibus facile expugnatus, *Euclidis* Geometriæ Elementa gratis publicè explicare & interpretari in se suscepit: sed nova planè methodo & à nemine prius tentata, h. e. *Mathematicè, Physicè & Pythagoricè*. Quàm primùm verò innotuit, ejusmodi Prælectiones in *Rhemenfi* Collegio protenus habendas esse, tantus erat Auditorum concursus, ut schola illis capientis non suffecerit; cæteris ob angustiam loci exclusis ad fenestras usque in  
atrio

atrio scandentibus, ne istis acroamatibus fraudarentur. Hi rerum, quas ore rotundo, facilique verborum profluentia, & quidem summa, ut videtur, confidentia, proferebat, sive magnitudine, sive mira novitate percussi, ab hisce laudatissimis initiis (nondum enim vicessimum quartum ætatis annum explevisset) maxima quæque, ab aliis, veteris Philosophiæ jamjam obsolescentis placitis pro more addictis, neutiquam attingenda, bona firmaque spe freti, unanimes ominabantur. Etenim in explicandis *Euclidæ* definitionibus, oculis quod solo intellectu & imaginatione exquisitè & accuratè percipi poterat, repræsentans, majorem, quam olim *Cantabrigiensibus* suis artificio volantis scarabæi, illorum menti inculsit stuporem. Hinc multi, eruditione & ingenio præstantes, cum ex publicis hisce dictatis, privatisque colloquiis crebrò habitis, abundè ipsis satisset, ipsius amicitiam sollicitè ac solleter captarunt, quam postea omni cum obsequio & affectu, literarum commercio coluerunt: quales erant *Oronius Miraldus*, *Petrus Montausreus*, *Ranconetus*, *Danesius*, *Jacobus Sylvius*, *Jacobus Goupylus*, *Turnebus*, *Strafelinus*, *Vicomercanus*, *Paschasius Flamelius*, *Petrus Ramus*, *Gulielmus Pastellus*, *Fernelius*, *Joannes Magnienus*, *Joannes à Pena* & *Petrus Nonius*, quorum plerique omnes scriptis editis inclaruerunt. Nec cum his solis, quorum familiari consuetudine, dum in *Gallia* esset, usus & sed cum aliis doctissimis viris, *Aureliani*, *Colonia Agrippinensis*, *Heidelbergæ*, *Straßburgi*, *Verona*, *Paduæ*, *Urbini*, *Romæ*, aliisque præcipuis Orbis Christiani Academis & Urbibus, *Mathesin* & *Philosophiam* publicè docentibus, idem literarium commercium frequentibus epistolis amoris deinceps exercuit, quæ, si existissent, non modicam illiusmodi Scientiis lucem foenerarentur.

Potuit quidem inter Regios Professores Mathematicos numerari, annuo ducentorum coronatorum salario, urpote muneri proximè vacaturo substituentus, modo præstolari, moramque illic facere vellet: sed planè nolebat indigea *Gallus* fieri, ne aut revertendi in patriam, aut aliò, quò mens potenter inclinaverit, peregrinandi libertas sibi adimeretur. Alias quoque lautas conditiones, ab illusterrimis viris, *Robanio* & *Montucio*, legationem apud Imperatorem *Turcarum* propediem obituro, oblatas, ne à naturali sui jure cessisse videretur, si in alienam clientelam transisset, pari mentis constantia præfractè respuebat. Interim quivis ingenuus hoc, tum excelsi animi, istiusmodi angustis spatiis neutiquam includendi, tum magnæ, quam apud *Gallos*, acquisiverit, existimationis & famæ manifestum esse indicium facillè concesserit.

Anno sequente ad finem vergente, in *Angliam* reversus, non ista studio-

1551.

studiorum præmia, non istos utiles, quos expectarat, fructus sibi collatum iri percepit, sive ope & commendatione Magnatum destitutus, sive ineluctabilibus præjudiciis oppressus: (vix enim honorarium istud centum coronatorum per annum indulgentia R. *Edwardi* sexti concessum memorari merebitur.) Non tamen quicquam de assiduo labore & industria remisit studiis perditus & pernox maximè intentus. Postea verò ad levandas molestias vitamque curis domesticis distractam aliquo modo leniendam, rectoriis *Uptonæ*, non procul à *Sabrina* ripis sitæ & *Long-Lednama* augebatur.

1553.

Post mortem R. *Edwardi* VI. *Maria*, sororillius natu maxima, & filia R. *Henrici* VIII. primogenita, capeffivit solium. In ista verò rerum apud nos fatali conversione, quæ proximè secuta est, mutata per universam *Angliam* Religione, *Deus* aliquantis per mala passus est, tum ob fictum hæreseos crimen, quod mactandis bonis orthodoxisque Christianis, portentosum transubstantiationis dogma amplecti recusantibus, prætexebatur, tum maximè propter longè atrocius flagitium ipsi impactum. Aiebant enim, illum veneficio & magicis quibusdam incantamentis Reginæ vitam tollere molitum fuisse: scælus equidem tortricibus unguis ultricibusque flammis expiandum, si quicquam in istis apud plebem sparsis fabulis adfuisset veri. Hujus enim impii facinoris à duobus delatoribus postulatus, apud *Hamptoniensem* Curiam severum subiit examen, propositis primò quatuor articulis à D. *Joanne Bourne*, Secretario, deinde aliis octodècim à Consiliariis simul coactis, super quibus erat respondendum: aliquandiu sub custodia Lictorum ibi detentus, hinc *Londinum* raptus, sistitur coram D. *Brookio*, Communium Placitorum Justitiario, denuò examinandus. Tandem post aliquot septimanas cum integra res in stellata Camera *Westmonasteriensi*, istiusmodi criminationibus dijudicandis proprio Tribunale, ita strenuè & dilucidè innocentiam suam tutatus est, ut ab omni suspicione læsæ majestatis ab ipsis Adlefforibus absolveretur. Sed cum in aliquibus Religionis capitulis non admodum Catholicè sensitisse habitus esset, à seculari judicio dimissus, ad *Bonnerum*, Episcopum *Londinensem*, sive *Inquisitorem*, quem nostrates ex continuz istius sævitæ in Protestantem exercitæ, à *Marianis* temporibus deducta traditione, sanguinolentum *Bonnerum* usque nuncupant, relegatur, in illius ædibus custodiendus, quo tempore *Bartlettum Green*, postea ob hæresin, uti appellant, ustulatum, habuit contubernalem. Tandem ex speciali gratia R. R. *Philippi & Maria* (cum aliqui illum ergastulo per omnem vitam addicendum esse consuluissent) literis Consiliariorum 29. die Augusti 1553. datis, fidejussione, ut requisitus compa-

re-

reret, & interim se bene gereret, interposita, è diuturno carcere egreditur.

Ante exortam hanc sævam tempestatem, quæ illum penè prostravisset ad fortunarum, libertatis, & vitæ naufragium, à Primoribus Academiæ Oxoniensis ad Scientias Mathematicas ibi docendum invitatus, surdas obvertit aures, nullis efflagitationibus, promissis nullis, ad istam præclaram honorificamque professionem suscipiendam inducendus: quibus de causis incertum, nisi fortè, quod intra angustias unius loci tanquam servituti & glebæ adscriptus, coerceri noller, aut quod vereretur, ne quispiam versuti ingenii, ex inita arcta consuetudine ad familiares congressus omnibus horis admissus, artium illicitarum, quibus indagandis impensissimè incubuit, arcana, quasi aliud agens, irrependo in Musei adyta, emissititiis oculis exploraret.

In medio harum cogitationum æstu, *Devus* rei literariæ, & præsertim Historiæ & Antiquitatum *Angliæ*, curam non neglexit, sed in veteribus codicibus manuscriptis, publicisque instrumentis procurandis & conservandis maximè laudabilem impendit operam. Viderat enim, Monasteriis sub R. *Henrico* octavo everis expilatisque, suppellectilem literariam, aut miserè disceptam, aut flammis ex lascivia indoctorum superstitionumque hominum absumptam, aut in privatorum manibus quaquaversum distractam fuisse, aut cistis intus tegendis, aut excitando, vice aliorum fomitum, foco, aut spurcis usibus inservitutam: paucas tamen reliquias, tanquam pretiosas tabulas ex isthoc naufragio adhuc enatantes nondumque penitus demerlas, ex illa horrenda religionarum ædium strage superesse (non ritè & pro debito suo pretio, regnante R. *Edwardo* sexto, æstimatas, nec aliquo honore, sed potius contemptum & pessimè habitas) gavisus est. Ille rei indignitate acerrimè permotus, quò huic malo magis magisque gliscenti meliùs obviam iretur, ne ex possessorum ignorantia & vesania, aut ex alienigenarum in transmarinas regiones pro more, merces hæc librarías avehere cupientium fraude, totæ interirent, aut hic apud nos tali jacturâ disperderentur, supplicem libellum (a) *Reginæ Mariæ* vicesimo die Januarii A. 1556. porrexit in manus, ut auctoritate regiâ constituti Commissarii, qui per universam *Angliam* diligenti inquisitione facta, spolia hæc, cum iis, quorum peculium, sive ex rapina, sive ex mercatu, sive ex donatione & legato, sive qualicunque jure acquisitum erat, ex æquo pacturi, simul colligerent, ut in Bibliotheca Regiâ, quam mox condendam suadet, in omne ævum ab omni damno, injuria, & raptorum violentia, in isthoc sacrario reposita, in publicos tum Regni, tum totius Reip.

Bbbb

literariæ

(a) Reperitur in Bibliotheca *Cottoniana*: sub vitellio. C. VII.

literarum usus, servarentur. Licet autem negotium istud sacrum, (sic enim appellandum cenfeo) sive non diu post *Maria* è vivis excedente, sive nescio quo tristi obstaculo interveniente, in nihilum planè abierit; nec quicquam hac ex parte, quantum scio, statueretur: nullus tamen dubito, quin omnes boni, quibus hæc studia arriserint, *Dei* in hac *Supplicatione*, quam ex ipsius schedis exscriptam apud me habeo, validissimis argumentis ex Religionis politicæque sapientie rationibus communita, sine fūco pietatem, insignem erga hæc reconditas literas amorem, fortem ac constantem animum, & denique honestum pro honore & communi patriæ bono zelum, mecum sint laudaturi.

Mense Novembre A. 1558. ex hac vita emigrante R. *Maria*, magnis ob excelsas animi dotes elogiis cumulanda, nisi in Protestantes subditos, de se optime meritos, ex cæco immodicoque superstitionis *Romane* more, immanem in modum & capitaliter sævissent, Regale Majorum suorum filia solum ascendit *Elisabetha*, augustissima virgo; R. *Henrici* octavi secundogenita, in cujus solennem inaugurationem dum omnia prisco ritu parata haberentur, *Deus* hac in re, à D. *Roberto Dudley*, postea Comite *Leicestrensi*, consultus, atque ad id audendum rogatus jussusque, dedie auspiciatissimo & maxime proprio, quo illa fausto & amico fidere perageretur, eligendo, schedam, juxta Astrologiæ Judiciariæ; qua dum inclauerit, regulas elaboratam, corrasis insignium istius vanillimæ Scientiæ Magistrorum effatis, exhibuit. Hujus deridendæ stultitiæ veniam ex bona voluntate & obsequio, quibus ad id inductus erat, meruisse visus est. Hoc tamen commodi ipsi inde accrevit quod Reginz, illius Administris, reliquisque præcipuæ dignitatis & notæ Aulicis, innotescere cœpisset. Sed cum post longam expectationem, se omni bona spe stipendium annuum, sive in præmium, sive in suppetias studiorum, obtinendi tandem destitutum vidisset, nec ultra blanda verba incertaque Aulicorum promissiones, quibus nequitiam erat fidendum, procederetur, sive ex rædio, sive ex indignatione, tertio navigavit in *Belgium*, sibi iterum blanditus, in exteris Regionibus fortunas melius augeri, secundioresque rerum eventus enasci aut studia melius promoveri posse, quam domi, ubi de præcipitibus illius novam philosophiam, & eam quidem, ut dixi, mysticam, instituendi consilii sinistra admodum malæque suspiciones indies magis magisque gliscebant. Nec diu hic sibi consistendum esse, pro vehementi animi ardore & desiderio ultra peregrinandi, apud se statuit. Nemo enim eruditorum virorum, ubi ubi de gentium, qui consentiente fama in disciplinis Philosophicis, Mathematicis, Chymicisque præ cæteris eminuissent perhiberentur, amicis

tia.

etiam sollicitius quaesivit: nemo curiosae doctrinae arcana, quacumque essent, in profundis tenebris hactenus demersa, & quae vulgares oculos latuere, pari versutia & diligentia, investigavit. Hic praecipuus videtur tum itinerum tum studiorum finis, reliquis vice *παρέργων* habendis, ne famae suae in laudatissima & utilissima ad humanae vitae usus & delectationem Matheseos parte deesse censetur.

A. 1563. Hac de causa, peragrata *Germania*, *Pozonium* principem post *Budam* à *Turcis* captam, *Hungaria* urbem, mense Septembri, profectus est, ubi *Maximilianus* Secundus, *Romanorum*, *Bohemia* & *Hungaria* Rex, nuper istius diademate redimitus, tunc temporis splendidissimam tenuit aulam. Post reditum, proximo anno ineunte, primum laborantis & iufeliciter foecundi ingenii partum, *Londini* non ita pridem conceptum formatumque, in dias luminis auras A. 1564. *Amuerpia* protrudit, (*Francforti* denuò A. 1591. recusum) eidem Imperatori inscriptum, quem *Monadis Hieroglyphica*, *Mathematicae*, *Magicae*, *Cabbalisticæ* & *Anagogicæque* explicata titulo insignivit: in quo delirus nugator utpote *Judaicorum* *Cabbalistarum* praeiigiis nugisque *Pythagoreorum*, & arcanis adhuc latentibus, numeris variè conjunctis, *Hermes* sigillo, hieroglyphicisque characteribus eruendis additissimus, animo stiloque inflatis, mira cum confidentia enunciat, se *virtutum supercaelestium* *Metaphysicarumque* *insuentiarum* *comprehensionem* & *speculationem*: item *mysteria ex alphabetaria literatura*, *trium nempe linguarum eruditarum*, *eruta*, & *denique rara & excellentissima arcana* revelasse: Nullamque *lucubrationem* *huic similem* & *parem unquam antea existisse*: & planè fanatico furore correptus, & totus entheus, jactabundus fingit, *Deum sibi & voluntatem & potestatem divinam hoc mysterium omnibus patefaciendi dedisse*: Ad amoliciendam qualemcunque censuram adversus hasce vesanas ineptasque affanias, quas quilibet sobriae mentis vel leviuscula inspectione aspernaretur & damnaret, in fronte libelli schema quoddam ovale, sub figuris quatuor sibi invicem perpendiculariter connexis comprehensum, una cum *Elementorum* ad quatuor quadrangulos appositis symbolis, praefigendum curavit, cum hoc lemmate, *Qui non intelligit, aut discat, aut taceat*. Illicò in *Angliam* reversus, opusculum hoc, quasi esset munus à Regia manu excipi & tractari perquam dignissimum, Reginae *Elisabethae* in Palatio suo *Grenewicano* prope *Londinum*, ad evitandos æstivos calores tunc degenti obtulit; quod obiter percurrere, illo praesente, dignata est, dicens, se

*iamjam ipsius discipulam fore, & si istius libelli arcana recludere vellet, & discere & facere se quoque velle.* Interim, ne tristis & æger animi dimitteretur miser *Deus*, se studia illius fovere pro bonitate indolis suæ benevolè & gratiosè promisit. Quidquid autem postea à doctissimis utriusque Academiæ viris objectum fuerit, hoc solo responso, tanquam clypeo impenetrabili, retundere solitus erat, illos librum istum idèd redarguisse & culpasse, eo quod *non omnino intellexerint.* Tanta nimirum obstinatio menti inerat, ut nullis expugnari potuerit argumentis.

Ut mysticus hic liber meliùs intelligeretur, *Deus* suarum partium esse duxit libellum inemendatè ex Typothetarum oscitantia priùs editum, viz A: 1558. jam denuo correctiùs & accuratiùs, *Londini* 1568, 4o. recudere; viz. *Propædæmata Aphoristica de præstantioribus quibusdam Naturæ virtutibus.* Hunc Librum inscripsit veteri amico, *Gerardo Mercatori* in gratitudinis & observantiæ *μνημόσυνον*. In hoc autem opusculo ira sibi mirè placuit, ut illius copiam, tum Proceribus maximæ dignitatis, tum etiam ipsi Reginz, animo præfidenti communicare ausus sit.

Mensè Februarii istius anni ad præsentiam Reginz in Palatio *Westminsterienfi* admissus, privata cum illa Colloquia de magno Chymicorum arcano habuit, quod *Nicolaus Grudius*, olim unus è Secretariis *Caroli* quinti Imperatoris, in solius *Dei* gratiam, involucris perplexisque difficultatibus nudum, reterege in se suscepisset. Quibus autem conditionibus, id celare consultiùs duxit *Deus*, in genere contentus testari, *quæ aut cujuscmodi impedimenta huic rei perficienda intercesserint, Deum optimè nosse*: quasi quod in ista colloocatione fuerit transactum, aut præ metu aut præ modestia, in scriptis proferre omnino puduisset. Ex futura vitæ *Deviana* serie, illum diu antea ad famosum istum pulverem rubrum, *Lapidem Philosophorum* vulgò nuncupatum, investigandum animum & operam applicuisse constabit.

A. MDLXX. D. *Henricus Billingsbeius* in nostratum usum integros elementorum *Euclidis* Libros Anglicè *Londini* edidit, quibus à *Deo* præfigebatur longa quidem, sed & doctissima, præfatio, tum de Univerſo pene omnium Scientiarum Mathematicarum circulo, quæ qualesque sint, tum de illarum utilitate & beneficio, quatenus ad rerum visibilibus intelligentiam, & communes vitæ humanæ usus extendi possint subcilli ingenio & mira sagacitate amplum in modum differit, præclaris documentis Mechanicisque inventis subinde interspersis; nec non variis theorematibus, corollariis, & explicationibus decimo tertio libro insuper ad-



additis. Hac verò occasione famam suam ab illicitarum infamiumque artium suspicionibus vindicandi captata, fremit, indignatur, exclamat contra convitiatores, qui illum, præ imperitia aut malevolentia & animi malignitate, uti contendit, Magiæ accusassent. Inter verò hujusce execrandi sceleris confcios referri, hoc ipsum illius animum quàm maxime urebat, inque gravissimum & vix ferendum cordolium cedebat. Sed frustra id quidem; ut ab aliis apologiis, contra ejusmodi repetitas criminationes ab illo editis, postea videbimus. Dum domestica illius res adhuc incertæ & incompolitæ essent, nec quicquam aliunde, quo defuturis suis fortunis securus esse posset, obtinuilset, animi magis magisque tædere incipiens, & mente irrequieta agitatus, sive ad levandum inde contractum mororem, sive ad percipiendos uberiores ex Peregrinatione arcanorum sapientie fructus, A. 1571. Regio comiteatu reliquoque, 1571. prout nobilem decuit virum, apparatu instructus, literisque commendatitiis Legatorum in Aula publicis suorum Principum negotiis fungentium, si forte illorum ditiones terrasque peragrarè liberet, ob majorem itineris commoditatem & securitatem munitus, comitantibus duobus famulis, equester reliquit patriam. Dum verò in *Lotharingia* moratus esset, ægitudine longa, eaque periculosa, laboravit, ut de eo penè fuerit conclamatum. Quod cum certò constaret R. *Elizabetha*, de illius vitæ longiori usura non parum sollicita, duos Medicos, & quendam nobilem Aulicum, illos ut valetudini illius, consiliis & remediis adhibitis, prospicerent, hunc verò, ut ægrum animum blandis alloquiis solaretur, protenus ex Curia *Hampiomensi* illò properare jussit. Tanti videbatur Deum ex isthoc morbo liberandum esse & superstitem fore. In causam hujusce sollicitudinis inquirere temerarium videbitur: quicquam verò hac de re statuere, illud pro deplorata vecordia habendum planè arbitror.

Reversus, quo tempore incertum, ad ædes suas in oppido *Mortlake* nuncupato, in provincia *Surreiensi* in ripis *Thamesinis* bellè sito, *Londino* octo circiter milliaribus, tribus verò *Richmondia*, palatio regali inclÿta, ubi Regina ruris & purioris cœli delicias æstivis mensibus haurire interdum consueverat, dissiro, se recepit, ut à strepitu & tumultu urbis & visitantium copia in hoc amœno secessu liber, sibi soli musisque, quas continente studio indefessisque vigiliis usque percoluit, procul omni sollicito & importuno inspectore (quod enim maxime cupiebat & impensissimè venatus est, illud clam in pectore tanquam horribile secretum repositum hæcenus celavit) opportunius commodiusque vacaret. Postea verò, paterna hæreditate bonisque, tam in itineribus, quam in

(a) Bibliotheca, libris omne genus, præsertim manuscriptis; quantivis pretii refertissima, ubilibet comparanda, in instrumentis Mathematicis elaborandis, inque Chymiz & occultæ Philosophiæ praxi multum diminutis, quò se verteret, planè dubius, Aulicorumque promissis, in longum frustra productis, jam diffusus, de nuptiis cogitare cœperat, majora subsidia certiusque delinimentum vitæ, quodlibet reperire non potuit, in matrimonio contrahendo quaesiturus, ambita nimirum generosæ indolis, magnæque dotis femina. Cujus voti ut tandem compos fieret, re cum amicis communicata, literas in illius favorem & gratiam ad futuram sponsam scriptas, à Regina, Comite *Leicestria*, & D. *Christophoro Hattono*, postea Cancellario *Anglia*, utrisque florentissimæ existimationis in Aula Proceribus, impetravit.

Anno 1572. apparuit in cœlo in constellatione Cassiopeiæ sidus novum fulgidumque, quod omnium oculos ad se convertebat. Dum verò plerique ex inveterato errore, ab ignorantia & superstitione orto, terrifico de tristissimis ex hoc ostento mox emerisuris eventibus metu percellerentur, cœlestis sôphiæ cultores in admirationem infinitæ sapientiæ & potentiæ conditoris universitatis rerum abrepti, in variis hujus Phænomeni motibus investigandis maxima cum laude erant occupati. Ut summi viri *Tychonis Brahe*, aliorumque labores lucubrationesque reticam, quia ista res non jam hic agitur, adierant in *Anglia*, qui ingenium, industriam, mentemque excellam ad cœlestium contemplationem strenuè exerxerint: inter quos jure merito recensendi sunt (b) *Thomas Diggeus*, *Campanus*, nobili prosapia oriundus, & *Deus* noster. Quorum ambo falsissimum istud dogma, quasi Cometæ instar meteorologicorum vaporum, infra orbem Lunæ subsisterent, hac occasione exdemonstratio-

(a) *J. Seldenus* de Diis Syris: *Lugd. Batav.* 1629. p. 88. *Codex ille Valentis quo utor, est MS. & Christophori Longolii sumptibus olim exaratus, quem ex instructissima, quæ V. Cl. Joannis Dee. Londinenis scilicet fuerat, Bibliotheca, mihi communicavit olim heres ejus, vir amantissimus, Joannes Pontellus, civis Londinenis, bonarum artium amantissimus, & de me optimè meritus.*

(b) *G. Camdenus* in *Historiarum R. Elisabethæ* parte secunda ad A. 1572.

Nescio an opere pretium sit memorare, quòd Historici omnes nostritemporismemoraverunt, mense Novembri, novam stellam, aut si mavis, Phænomenum, conspectum fuisse in cathedra asterismi Cassiopeiæ, quæ Jovem etiam in Perigeo eccentrici & epicycli fulgore superavit, ut ipse observavi: eodemque loco diurno calimatu circumlata, totos sedecim menses basis. In cœlesti, non elementari, regione exstitisse, ex Parallaxica doctrina *Thomas Diggeus* & *Joannes Deus* nobiles apud nos Mathematici, eruditè demonstrarunt, sensimque ascendendo disparere opinati sunt. Per octavum sanè mensem paulatim extenuari omnes senserunt.

tionibus, à situ, distantii, & magnitudinibus novorum siderum & Cometarum petitis debellarunt. Quod ut fieret manifestius, doctrinam Parallaxeos, ex qua istæ demonstrationes pendent, elucidandam primò separatim, nemine conscio aut arbitro, deinde communicatis consiliis susceperunt: ille in *Alis seu Scalis Mathematicis* quibus visibilium remotissima cælorum theatra conscendi, & Planetarum omnium itinera novis & inauditis methodis explorari, tum hujus sortentosi sideris, in mundi Boreali plaga insolito fulgore coruscantis, distantia & magnitudo immensa, situsque protenus tremendus indagari. Deique stupendum ostentum terricolis exposuim; cognosci liquidissimè possit. Hic verò in *Parallactica commentationis* præcepsque nucleo: quem dum Operæ in lucubrationibus *Digressanis* è prelo excludendis distinerentur, transmissum istis annectendum permisit, simulque *Londini* A. 1573. prodire. In utriusque methodus inveniendi Parallaxes Planetarum & siderum brevi quidem compendio, absque aliquo Logisticæ usu, clarè explicatur, & paucis quibuscumque defectibus *Purbachii* suppletis, quod perplexum intricatumque in *Joanne Regiomontano* occurrit, ibi illustratur & redditur intellectu facile, non tamen absque honorifica & justissima laudum hisce duobus primis Astronomiæ instauratoribus debitum celebratione. Præmissio hoc quasi longè majoris operis prodromo, *Devus* argumentum fuscè tractavit eodemque anno absolvit tribus libris, hunc titulum præferentibus, *De stella admiranda in Cassiopeia asterismo cælis demissa ad orbem usque Veneris, iterumque in cæli penetralia perpendiculariter retracta*: quibus tractatulum, *Hipparchus redivivus*, inscriptum, tanquam appendicem necessariam, adjecit. De hoc autem illius præclarissimo proposito, prælaudato *Digressio* omnes ingenuos Astronomiæ scrutatores, tum ex publicæ utilitatis intuitu, tum gratitudinis & observantiæ suum Præceptorem & Amicum ergo, monere, tam in præfatione, quam in procemio, visum fuit; cujus verba, licet fortasse nimium proluxa videbuntur, cum liber iste post centum triginta annos jam sit inventu rarissimus, cum venia, uti spero, eruditi & curiosi Lectoris, hic referre non gravabor.

In Præfatione.

*Sed plura de hujus stellæ historia scribere non decrevi: quia eximius vir, Joannis Dee (quum in reliqua Philosophia admirandus, tum harum Scientiarum peritissimus, quem tanquam mihi parentem aliterum Mathematicum veneror, quippe qui tenerima mea ætate harum suavissimarum semina menti mea inserueris, alia à Patre meo prius sata amicissimè fidelissimèque nutritiverit atque auxeris,) hanc sibi tractandam assumpserit*

maie-

*materiam, quam ita absoluturum esse, ut in Dei Optimi, Maximi gloriam, & Mathematicarum Artium studiorum delectationem, utilitatem, & admirationem summam, brevi prodeat, nihil dubito.*

*In proœmio.*

*Es licet hoc opusculum, fortassis non vulgare, penitus absolverim absque ullo auxilio humano, tamen ut nulli fiat injuria, paucis, quae sequuntur, publicè testificari libuit. Postquam ista mea de Parallaxibus inventa, ordine digesta, & omnibus numeris absoluta in hanc libelli formam redegissem, eruditissimo meo amico, D. Joanni Dee, communicavi, qui protenus mihi etiam de Phenomeni Parallaxibus demonstrationem luculentam, facilem, summaque laude dignissimam, à se nuper inveniam, ostendit, retulitque mihi praeterea sese in animo proposuisse methodis aliis quoque antea inusitatis hujus rarissimi Phenomeni subtilissimas eruere parallaxeis, atque ut id ipsum verissimè expediret, plurima paravit instrumenta, nova & inusitata, nullis parcens sumptibus, nec laboris corporis aut animi, mira industria & incredibili solertia, à prima sua apparitione, noctes diesque, cum videri poterat, Phenomeni locum, motum, altitudinesque varias, miris ingenus subtilissimoque artificio observavit: quibus parallaxium omnium varietates, quae hactenus contingere, exactissimè dare poterit: prout oculatus ipsis verè testificari poterit. At cum tanta rei absoluta Historia parvo temporis intervallo perfici non possit, adeo ut libellus iste jam typis paratus, in lucem primò prodire destinatus esset, ne sua etiam inventionis debita laus hujus mei opusculi maturiore editione paululum fortassis offuscaretur, hac subjungere poscebat, tum nostra animorum & studiorum similitudine, nec non temporis diuturnitate inveterata amicitia, tum lex ipsa natura, quae summumque tribui in maximis & minimis etiam ætissime requirit. Dum igitur rem ipsam digitis, ut ita dicam, ex ejus vigiliis contrèctare poteritis, his scilicet Aethera conscendere, & horum mysteriorum oculati esse testes vos ipsi, quibus mens est sublimior, poteritis, quibus si paululum ad rei veritatem eruendam, contendere volueritis, perspicaciores & idonei magis iudices ad ejus labores verè Herculeos in hoc Olympico certamine perpendendos eritis.*

*Cum admodum favorabilis fama de illius Bibliotheca instructissima, deque admirandis illis curiosarum rerum tum naturæ, quas inter peregrinandum collegerat, tum artis, quas ingenio suo fabricaverat, collectaneis spargeretur, Regina illam videndi desiderio non leviter tacta, magno* 1575. *Aulicorum satellitio stipata, A. 1575. illius ædes adibat: ac mox gnara, funus uxoris ante paucas horas elatum fuisse, nolbat ingredi, nec*

*re-*

redire quidem re profus infecta placuit; antequam *Devum* ad se vocasset, jubens, coram jamjam produci artificiale illud vitrum, sive orbem, sive speculum concavum, sive dioptram, (neque enim nomine speciali designat, neque illius formam figuramve describit Inventor) mirasque illas proprietates, quas inibi esse prædicaverit, aliquatenus repræsentari, si non oculis, saltem ita explicari, ut præ se quandam veri speciem ad fidem faciendam ferre possent. Refert *Devus*, ex cujus schedis autographis hæc scribo, illo monstratore, Reginæ hac ex parte abundè satisfactum fuisse, illamque non modica voluptate perusam, gratiis actis, jucundam discessisse. Mihi quidem videtur, hæc *βαυματουργήματα*, quæliacunque aut quantacunque essent, non ab artis circulatoriæ lusu & præstigiis, neque à Dæmonum energia, sed à summa sive versutia sive peritia practicæ Matheseos provenisse. Nec hac unica vice illius ædes adire contenta, iterum tertiumque pro summa, qua illum dignata est, benevolentia, sequentibus annis, dum pro more ad captandas refrigerantes auras, vesperi, aut equo, aut curru, rectà illac transire solita erat, illum, cujus alloquio non parum delectabatur, accersiri jussit, penè infra dignitatem regiam nisi eximie animi illius dotes, summaque eruditio, hanc insignem gratiam meruissent, & ut crebrius, quàm pro modestia ausus fuerit, Aulam accederet, penè invitando benignissime hortata est. De hac Bibliotheca pauca hic interponere libet.

Bibliothecam aut numerosiorem, si librorum copiam, aut instructiorem, si materiem & argumenta de omni re scibili, præsertim Philosophica, Mathematica, & spagyrica, spectemus, vix quæpiam privatæ fortis, etiam inter Nobilissimos quidem, in universa *Anglia*, tunc temporis habuisse fortasse jure dixerim. Constat enim ex quater millenis codicibus, quos incredibili industria sumptibusque pro facultatum suarum modulo, maximis per quadraginta annos hic & alibi terrarum conquisitos collegerat. Ex iis septingenti manu variis linguis exarati erant. Accessere ingentes veterum Chartarum & Instrumentorum ad familias Principum & Magnatum, tum *Wallia*, tum *Hibernia*, cum authenticis submissionum, quibus se in clientelam & obsequium nostrorum Regum dediderunt, formulis, appensis sigillis: item ad Antiquitates *Anglicanas* & Monasteriorum fundationes & redditus spectantium strues, & aliorum veterum sigillorum in cistâ separatim positorum acervus. Quanta & quàm dives libraria supellex, vel Principibus invidenda! Horum pretium insignemque usum optime æstimare norant nostrates Heraldî, Regionumque Archivorum in Turre *Londinensi* repositorum Custodes, qui in iis explorandis & exscribendis integros dies in ædibus *Devianis* terere soliti erant.

Cccc

Lll

Hæc omnia publicis Regni archivis, tandem aliquando ingerenda, ut inibi in omne ævum inque perpetuum Antiquariorum usum servarentur, pro amore erga patrias antiquitates magno animo destinavit. Sed generosiùs pioque huic proposito intercellit triste fatum, quod postea suo loco memorabo.

Ad nobilem Bibliothecæ apparatus pertinere non modica Instrumentorum Mathematicorum & machinarum congeries: tum ea, quæ vulgari usus, non ita pridem adinventæ fuerant, tum quæ ingenio suo restructa & reformata in meliorem ordinem redegerat, inter quæ, ut cætera omittam, erant quadrans & radius, illius semidiameter quinque pedum, hujus verò decem, divisionibus accuratè notatis, globi *Mercatoris*, novarum observationum ope emendati auctique, quibus inferuerat loca motusque Cometarum, qui suo tempore apparuere, sphaerarum octavæ, novæ & decimæ juxta hypothesin *Purbachianam* Theoricæ, horizonte & meridiano æreo ornata; pyxides nauticæ, varii generis, & ad invenientiam variationem fabricatæ; & denique horologium, quod isthoc ævo penè pro miraculo artis habendum erat, ad metienda secunda horæ minuta adaptatum. De Laboratoriis sive officina Chymica postea dicendum erit.

1577. Anno 1577. in cœlo fulsit Cometa, in quo observando impigram *Deus* impendebat operam: sed observationes istæ omnino periere, fortasse absque aliquo Scientiæ Astronomicæ damno, nullatenus post *Brabenanus* desiderandæ. De illius verò peritia in doctrina cœlesti, adeò altum in pectoribus Amicorum insedit opinio, ut neminem hujus ostenti præsignificationes illo meliùs interpretari posse putaverint, & de quo dissentientem R. *Elisabetta* non sine ingenti voluptate sæpè audivit: cum panicus terror ferè omnium animos occupasset, quasi, si non certa perniciës humano generi, saltem exitialia *Angliæ* reliquisque regionibus illius malignis influentiis propiùs subiacentibus mala tristissimique rerum eventus inde portenderentur.

1578. Anno sequente viz. 1578. Cùm Regina acerrimis doloribus ex immo-dico humorum fluxu ortis laboraret, & vix quicquam levaminis à Medicis suis percepiisset, *Deus* ad quosdam celeberrimos Medicinæ Professores, tum in vicinis, tum in extremis *Germania* provinciis degentes, ut cum illis de Reginæ salute redintegranda verba & consilia haberet, viatico & regiis literis munitus, mitrebat, centum diebus itineri complendo præcisè assignatis. Quo autem successu, cùm *Deus* id sibi celandum esse, pro prudentia sua judicaverit, faciliè inducor, ut credam, Reginam ante illius reditum ex integro convaluisse. Qualitercunque se

res habuerit promptus *Devi* animus ad jussionibus Reginz obsequendum non potuit non esse gratissimus.

*Deus* omni modo studioque, prout res quaquaversum circumspicienti sagax ingenium suggerebat, Reginz favorem & benevolentiam sibi magis magisque conciliare & augere satagens, duos amplos rotulos, pulchre in membrana descriptos, Hydrographicam & Geographicam quarundam transmarinarum Regionum chartam continentes, Reginz in manus in Palatio *Richmundano* mense Octobris A. 1580. exhibuit: quarum possidendi jus ex scriptis testimoniisque in medium productis, atque argumentis inde deductis ibat assertum. Negotium istud, cum quippiam magni momenti in se complecti videretur, sapientissimo & illustrissimo viro, Baroni *Burliao*, Thesaurario *Angliae*, tunc praesenti, explorandum & examinandum demandabatur. Ille vero ut primo intuitu illi proposito parum fuisse aut benevole indulgisse coram visus est, ita maturius strictiusque examen illius sententiam prius prolatam, iudiciumque haud praeceptum & temerarium postea firmavit. Rotulos igitur post paucos dies *Devo* reddi curavit: non tamen sine ingenti illius industriae & zeli laude & commendatione, quam sane optime promeritus est Inventor. Tanti autem alii, maritimas *Africae* & *Americae* oras exploratissimas habere, quantum Nautarum & Mathematicorum experientia & peritia suppedicare poterant, cupientibus videbatur, ut istius chartae graphicam delineationem, oblato centum librarum sterlingarum munere, redimere vellent: quod tamen ille generose reculavit. Hanc ipsam autem chartam post mortem *Devi* acquisivit vir maximus, D. *Robertus Costonius*, Eques auratus & Baronettus, diligentissimus, si quis unquam, *Britanicarum* Antiquitatum, aliorumque quantivis pretii cimeliorum indagator & promus condus, in sua incomparabili Bibliotheca reponendam; ubi jam exstat sub Augusto I. quam hoc titulo in Catalogo, *Oxonii* A. 1696. edito praenotavi: *Tabula Geographica Americae, Africae, & Regionum intra polum Arcticum sitarum: per Joannem Dec, anno 1580.*

Stabilita, conjunctis *Liliis* aliorumque Mathematicorum operis consiliisque ex auctoritate & jussu *Gregorii* decimi tertii, Pontificis *Romani*, A. 1582. Calendarii emendatione, cum certo constaret ex praecellionibus Aequinoctiorum, quas Patres *Niceni* & *Alexandrini* penitus ignorarunt, & lunationum in singulis cyclis decem novennialibus recurrentium, & cum veris annis solaribus collatarum disparitate, novilunia & plenilunia, ex quibus solenne Paschatis festum unice pendet, coelestibus apparentiis in omnium oculos incurrentibus non respondere, *Deus* ean-

dem computi Ecclesiastici rationem, & si fieri posset, subductis accuratius calculis iniri oportere ratus, ut illa in *Angliam* admissa in communem publicumque usum adhiberetur, & flagrantissime cupiit & intentissimo studio conatus est. Qua de causâ Regio jussu auctoratus, ille brevem librum, sanè perquam eruditum Anglicano idiomate scriptum, è certis Astronomiæ principiis deductum, (cujus exemplar integrum, una cum schematicis & tabulis, apud me habeo) *de vulgaris Kalendaris* 1583. (a) *reformatione in anno civili & Juliano Regina Elisabethæ A. 1583.* exhibendum curavit methodo proposita ut undecem isti dies à tempore Epochæ Christianæ, quibus versus anteriora anni prægressum anticipabat æquinoctium vernum, non simul omnes eximerentur, sed ad evitandam confusionem, nimiumque hiarum, qui non sine gravi incommodo contingere potuit, ut istorum dierum imminutio sensim fieret quinque mensibus decurtatis hoc modo, ut Maius tantum viginti octo dies contineret, Junius viginti novem, Julius viginti octo, totidem Augustus, September denique viginti novem, absque aliqua dierum festorum, sive mobilium, aut fastorum, in quibus forenses causæ in termino, uti appellatur, *S. Trinitatis* proximè sequente, è suis sedibus mutatione. Propositum hoc, sive documentum, sive consilium, cum Regii Consilarii neque ex præcipiti festinatione admitti, neque prorsus rejici debere pro prudentia sua statuissent, illud tribus præclaris Mathematicis, viz. *Thoma Diggesio, Henrico Savilio, & Joanni Chambero*, discutien-

(a) Titulus ita se habet.

*A plain discourse and humble Address, for our gracious Queen Elisabeth, her most excellent Majesty to peruse and consider, as concerning the need full reformation of the vulgar Kalendar, for the civil yeares and dayes accompting of verifying according to the time truly spent.* Inscriptus est nudè sine aliqua Epistola dedicata, honoratissimo Baroni *Burleio*, *Angliæ Thesaurario*. In fine adduntur supplices libelli ad Reginam *Elisabetham*; in quibus humillimè petit, ut reformatio ista, edito ex auctoritate publica edicto, stabiliretur. Deinde extat separatim typus anni reformationis, incipientis à Majo 1583. appositis varâ πλάτῃ singulis diebus, & festis, unâ cum locis Solis & Lunæ in Zodiaco, & utriusque ad invicem aspectibus & syzygiis. Olim erat peculium *Thoma Aleni*, Mathematici *Oxonienfis* *Devi* familiaris Amici, qui illum celeberrimo Equiti *D. Kenelm Digbeso*, Equiti aurato, unâ cum reliquis codicibus Manuscriptis, quorum non modica erat copia, ultimis tabellis moriens legavit. Horum verò magnam partem *D. Digbesus* Bibliothecæ *Bodleianæ* in publicum literarum usum postea dono dedit: aliquibus sibi in proprios usus reservatis: inter quos librum hunc *Joanni Barbevo* A. 1635. benevolè largitus est. Jam verò in magna præclarissimorum Collectaneorum mole *Elia Asmolei* Armigeri, qui *Devianus* Jucubationes, quæ reperiri poterant, aut pecuniis redemit, aut exscribi curavit, in Musci, suo nomine jure merito nuncupati, Archivis reponitur.



tiendum eommissere. Hi verò longè meliùs fuisse, si æquinoctium vernum ad tempus & statum, quo circa natalem Christi annum consistebat, reductum fuisset, præfati, unanimes censuere, dies tantum decem ex reverentia Synodi *Nicæna* (quæ hanc Paschalem solemnitatem statuto tempore observandam sacra sua auctoritate sancivit, & ne, dempto ex mense Septembri superfluo die isto undecimo, communis ratio Kalendarii in reliquis Orbis Christiani regionibus recepti turbaretur) demeritè statui, & cum cœlestium motuum ab Astronomis supputatorum veritate congruere, & formam typumque Kalendarii pro isto anno viz. 1583. exceptis excipiendis, à D. *Devo* compilatum, admodum verè admitti posse, sine aliquo manifesto in futurum errore, modò regulæ quædam de annis bissexilibus in quibusdam integris centenariis, ne æquinoctium jam ad pristinam sedem restitutum, in longa annorum serie iterum inde dimoveatur, omittendis, certa supputatione sancirentur. Cætera, quæ hujus loci non sunt, exscribere superfedeo. Quorum (a) censuram & judicium D. *Burleus* socii Consiliariis retulit, qui frequentî consultatione habita, politicis rationibus inducti, malebant inveterato errori adhærescere, ubi tamen nihil, ut puto, incommodi aut periculi metuendum erat, quam cum *Romana* Ecclesia in re innocentissima rectè (sic enim salva omni reverentia erga viros hosce sapientissimos, quasi quicquam in favorem arrogatæ in universam Ecclesiam Christianam Papæ potestatis inde accederet, dicendum arbitror) sapere. Ita erant decreta & placitis ejusdem, pariter ac superstitionibus, corruptis, quibus Religionis Christianæ veritas fidesque immanem in modum læduntur, dogmatibus, & denique tyrannidi & usurpationibus in Principum & Episcoporum jura maximè infesti, & planè irreconciliabiles.

De hoc autem opusculo ita magnificè sentiebat Auctor, ut postea neglectum sui Episcopis exprobrare ausus sit, quasi munus istud, quod erat ipsis ex veteri Ecclesiæ instituto proprium, & quibus ex officio incumbere, res quoquo modo ad eandem spectantes curare, expendere & moderari, vicaria opera explevisset.

Cum verò *Deus* in curiosis Artibus & secretionibus Philosophiæ naturalis arcanis venandis, præcipuè in elixire conficiendo, inque mysticis cœlestis sapientiæ, supraquam mortalibus aspirare licuit, investigandis hæcenus solus occuparetur, ineunte superiori anno aut circiter, ut

Cccc 3

cx

(a) Hanc relationem, unà cum viri doctissimi, *Joannis Gravii*, Astronomix in Academia *Oxonienfi* Professoris *Saviliani*, in illam animadversionibus, in Actis Philosophicis *Londinensibus* pro mense Octobri A. 1699. curavi inferendam.

ex collatis temporum circumstantiis conjecturam facere par est, (neque enim tempus præcisè definire possum) *Edwardus Kellius*, juvenis viginti quinque aut sex annorum, *Devi* fama accitus, illius amicitiam ambiebat, ad quam ex similitudine studiorum, hujus novi advenæ fide, industria, & peritia, præsertim in Chymicis operationibus & experimentis, quam supra vulgus Philosophorum magna cum ostentatione quem spiritus artificem sive operatorem natura, inspectis terræ conclavibus, fore postea prædixerunt, præ se tulerat, prius exploratâ, hospes, quasi de cœlo dilapsus, brevi admitteretur. Jam ergo *Devus* socium, genio & vitæ instituto, quod per tot vitæ retro actæ annos continenter sectatus est, maximè conformem & opportunum auspicatò nactus, nihil inaccessum, impervium nihil conjunctis operis consiliisque fore, gratissimo mentis errore, & noxiæ impiæque curiositatis præstigiis irretitus, somniavit. De *Kellio* autem, qui in hoc dramate planè obstupescendo non minimam egit partem, quædam, quasi per saturam hic necessario interponenda sunt. Reliqua autem, quæ ad illum spectant, ad calcem hujus narrationis reservabuntur.

1555. *Edwardus Kellius* natus erat *Wigornia* primo Augusti A. 1555. Hunc aliqui Pharmacopolam in urbe natali, alii verò quod mihi minus verisimile videtur, professione scribam ordinarium esse volunt. Ad scribas verò syngraphas, obligationes, & testamenta describendi facultas pertinet. Hic ingenio suo malè usus, & manifestæ fraudis reus, præcisarum aurium poenam *Lancastria* luebat: quâ præ dedecore relicta, aliò divertens, se ad studium Chymix, ex qua immensas opes accumulandas esse sibi blanditus est, utpote artis Chrysopoeticæ studiosus, applicuit. Nec intra fines honesti & recti substituit illius curiositas. Constat enim illum (a) cadavere cujusdam recens mortui è sepulchro suscitato, spiritum infernalem immissum de rebus, quæ proponerentur, an essent eventuræ, consuluisse, ut de pacto cum dæmone inito nihil dubii reliquum sit. Ab hoc autem tempore, ex quo se in *Devi* amicitiam insinuaverat, crebræ apparitiones malignorum spirituum, utrisque præsentibus factæ erant, quos *Devus* horrendum in modum delusus, pro fatuitate summa, per totam deinceps vitam duravit, bonos esse *Dei Angelos*, ad mentem illius clarioribus divinæ sapientiæ radiis & futurorum eventuum cognitione illuminandam, cœlitus dimissos credidit. Deum enim ferventissimis orationibus repetitis deprecari solebat, ut *sapientia donatus*

ar-

(a) Vide præclarum clarissimi Viri *Joannis Weavari* librum, cui titulus, *Antient funeral Monuments*, Londini A. 1631. editum pag. 45. 46. ubi ad fidem, eamque indubiam huic rei faciendam multæ probationes & documenta existant.

*arcana natura, hominibus nondum revelata, intelligendi facultatem acciperet; nec palam profiteri abſiſtebat, Deum ipſius veritatis zelum & inſatiabile deſiderium ab illius juventute cordi indidiſſe; hunc eſſe ſuorum ſtudiorum ſcopum & finem, ut tandem, Deo inſpirante, veram Philoſophiam edoſtus, cœleſtis ſapientia theſaurum, puraque veritatis ſcientiam attingeret.* Hinc ſe divinæ voluntatis hominibus de novo revelandæ fore nuncium & adminiſtrum, ſuis indefeſſis vigiliis, ingenio, ſtudiis Philoſophicis, & Mathematicis, ignò & pietati, aſſiduifque precibus, non Dei gloria, uti clamorè, & inſtanter obtendebat, ſed potius ſui ipſius quæſita, nimium quàm conſiſus, facilè ſibi intolerabili arrogantia perſuadens, juſto Dei judicio, cùm intra modum, juxta rectæ Rationis & ſacrarum ſcripturarum dictamina ſapere noluiffet, ſed humanæ mentis vires ſupergredi illicita & impia ambitione expetiiffet, ſibi reliſtus, & in arbitrio voluntatis propriæ poſitus, dæmonum fiebat luſus, ludibrium, & præda, quorum præſtigiis & illuſionibus, ſine aliqua diſſidentia, imò avidiſſimè amplectendis, ſe prorfus aptum & facilem tanta præſentatione reddidiſſet.

Actiões iſtæ, (quo nomine collationes cum malis ſpiritibus habitæ nuncupantur) viceſimo ſecundo die Decembris A. 1581. incipiebant, quinque libris *myſteriorum* adhuc ineditis, in quibus *Deus* modum ſacræ menſæ fabricandi & accuratè efformandi à Spiritibus didiciſſet, delineandi *Sigillum*, ut appellatur, *Dei*, & quibus præviis ritibus & præparationibus viſitationes & colloquia obtinere poſſent exertim & ſingillatim deſcribit, comprehenſæ, unà cum appendice, quæ viceſimo tertio die Maii A. 1583. deſinit. Schedas hæc in ſecreto cujuſdam ciſtæ, quæ à fatali illo urbis incendio ſalva evaſerat, ut mihi, D. *Elias Aſſmole*, ejusmodi rerum avidiſſimus investigator, olim retulit, loculo abditas, neſcio quo caſu, ille adeptus; ſtudioſè conſervavit: quæ jam in Muſeo *Oxonienſi* ſervantur. In hiſce verò, ut in reliquis ſchedis, quæ in Bibliotheca *Cottoniana* reperiuntur, & quas Vir reverendus & doctiſſimus, D. *Mericks Caſaubonus*, *Iſaaci* filius, *Londini* 1659. edidit, iſtorum annorum hiftoriam, ſingulis accuratè pro more adnotatis tum rerum, tum temporis circumſtantiis, *Deus*, propria manu deſcripſit: *Cottoniana* autem ſchedæ, quibus præfigitur hic titulus, *Libri ſextus Myſteriorum & ſancti parallelus novaliſque*, initium à viceſimo octavo Maii A. 1583. ſumunt, quintiduo poſt ultimam actionem, viceſimo tertio die ejusdem menſis, appendicem paulò ſupra memoratum recto ordine ſequentes. Hæ autem, non ſimul in unum volumen compactæ, ſed in varias partes diverſæ pro ratione materiæ ibi tractatæ &

& excussæ, seorsim consuuntur, situ & madore sparsim deturpatæ, utpote subtus terram in cistula diu prius reconditæ, & vix legibilibs futuræ, nisi eas nescio quis casus opportunus in apricum protulisset.

In harumce præcedentium Actionum una, (a) quæ vicesimo primo die Novembris A. 1582. continebat, lapidem lucidum & diaphanum orbicularis formæ, ut sæpè appellat, sive crystallum, in quo apparitiones in futurum faciendæ, & voces, pro oraculis venditatæ, proferendæ erant, ab Angelo hisce mystis traditum fuisse perinacissimè contendebat *Devus*. Idem *Praga* A. 1584. sanctissimum Numen sub horrendo anathemate obtestatus, summa cum fiducia, coram *Rodolpho* Imperatore, adseveravit: addens, *Crystallum istud tantis valoris & virtutis fuisse, ut nullius terrestris regni opes cum illo equiparari & pro dignitate conferri possent.* Quod postea D. *Gulielmo de sancto Clemente* Legato Regis *Hispaniarum*, producto quoque libro quarto manuscripto, in quo quibus modis, donante Angelo, in illius potestatem devenisset, fusè & singillatim pro more literis mansuris consignarat, itemque librum sextum mysticum: uti & *Jacobo Curtzio*, Consiliario *Cæsareo*, ostendit. Qualem ambitum habuerit, non describit *Devus*, sed largiusculè se habere, in quo tot & tam variz figuræ, variis motibus agitatæ, tantæque spectacula interdum simul repræsentarentur, à verisimilitudine non abludit. Si verò non prorsus idem esset, saltem illi par & geminum, iisdemque diabolicis, (sic enim tunc præsens credidi) usibus destinatum videbatur, quod cum multiplice supellectile magica librisque magicis in auctione publica *Londini* Novembre 1694. habita expositum venditumque, me vidisse memini, forsan ejusdem cum vasculo vitreo, in sua cavitæ dimidium gallonz, si ita loqui liceat, continente, intumescenscens & rotunditatis solis ritè initiatis, non omnibus promiscuè, si quid intus apparuerit, intuendi facultatem dari posse, horum horribilium mysteriorum Magistri pertendunt: cui muneri apprimè idoneus *Kelleus* videbatur, à *Devo*, jam insulsißima credulitate & deliratione inde menti inducta correpto, in conjunctissimum comitem sociumque assiduam, monente *Uriele*, mutua sponcione inita, & annua pensione quinquaginta librarum assignata, adscitus est, ministerium & officium *Inspectoris*, Anglicè *Seeror Skryer*, in actionibus futuris obiturus.

Æsta-

(a) Ad finem quarti libri mysteriorum. Dicit ibi se isto die Angelum, magnitudine pueri, versus occidentalem Musei fenestram, manu Lapidem istum tinentem vidisse: à quo, ut illic eundo acciperet, jussus, illum *frigidum & durum, sed splendidum, clarum, & gloriosum* esse sentiebat.

1583.

Ætate A. 1583. in *Angliam* venit *Albertus à Lasco*, *Polonus*, *Polatinus Siradiensis*, ex antiqua & illustri stirpe prognatus, & egregiis animi dotibus literarumque studiis excultissimus, R. *Elisabetham*, cujus summæ sapientiæ laudes consentiens fama per universam *Europam* propagaverat, visurus, & illius admirandas virtutes submississimis obsequiis propè & coram veneraturus. Ab illa omni honore comitate & gratia, quam aut jura hospitalitatis erga nobiles Peregrinos exhiberi solita, aut leges decori moreque Principum vendicaverint, erat exceptus: cujus sive exemplum sive jussionem, secuti *Oxonienſes*, illum eruditis elegantibusque colloquiis, & orationibus, exercitationibusque Scholasticis, thesauris ingenii & eruditionis, in bibliothecis reconditæ, in tanti Hospitis gratiam, itidem promptissimè referatis, pro illius dignitate & merito, ne dicam, supra meritum, cumularunt. At ex omnibus doctrinæ famæ tunc in *Anglia* inclarescentibus, neminem pluris, quam *Deum*, æstimavit, aut cujus amicitiam impensiori opera excoluit, si-ve illius blanditiis, si-ve immodico arcanorum naturæ, quæ *Deus*, idoneum Auditorem jam nactus, sibi comperta esse jactaverat, amore irretitus. Dum verò *Deus* in Aula duodecimo die Julii fortè adesset, illum adortus Comes *Leiceſtriensis*, se post biduum, unà cum D. *A Lasco* apud ipsum pransurum dixit; *Deus* illicò non sibi pecunias, quibus epulum tantis convivis dignum erat apparandum, nisi argentea suppellectile prius oppignerata aut vendita, suppetere ingenuè fallus est. Quod quàm primùm Regina rescivisset, illa citra omnem moram quadraginta aureos, vulgò *Angelos*, ob effigiem Angeli olim in aversa parte impressam, nuncupatos, quò lauti prandii expensas meliùs sustineret, pro regia sua liberalitate elargita est. Ab hoc tempore *Lascovius Deus* blanditiis, ut dixi, irretitus, vel potius præstigiis dementatus se totum in illius potestatem dedit, qui inde mox venia à Spiritibus priùs impetrata, in hanc mysticam impiamque Societatem admissus, actionibus *Morlakienſibus* interfuit. Adeo verò præ credulo errore jam factus sui impos, & mente captus, ut Dæmones, quo arctiùs horrendis hisce Sacris adhæresceret illius ambitioni vana summæ potestatis in Patria adipiscendæ spe & expectatione lenocinantes illum non *solius* *Poloniæ* sed *alterius* quoque *regni*, id est primò *Poloniæ*, deinde *alterius*, viz. *Moldaviæ Regem fore*, & sub quo magna universi mundi mutationes incepturas esse, *Judeos convertendos*, & ab illo *Saracenos* & *Ethnicos vexillo crucis superandos*, facile ludificarentur.

p. 17.

Postquam *Deo* ex metu, ne, sicut illi à seductoribus spiritibus persuasum fuerat, structis à D.D. *Cecilio* & *Walsinghamo*, quem adversus

Dddd

illum

illum uti & adversus *Lascovium*, capitali odio ferri fingunt, insidiis, morti adjudicaretur, de itinere in *Poloniam* simul instituendo cum supra dicto Palatino convenisset, ille clam sine veniâ exeundi è regno prius impetrata, *Mortlaco* Septembris 21. 1583. discessit, unâ cum uxore altera, *Jana Fromonda*, femina generosæ indolis & prolapsæ, quam secundis nuptiis Februarii quinto 1578. duxerat, filio (a) *Arihuro* puero quadrienni, aliisque liberis, *Kellao* symmysta illiusque uxore, quam *Mortlaci* isthoc anno duxerat, famulisque; D. *Lascovio* ejusque affectis in medio *Thamesi*, prout condictum erat, (b) ad fugam melius celandam, in cymbas unam & alteram receptis, *Londinum*, mox intempesta nocte *Grenovicum* petit, deinde septem aut octo milliariibus ultra *Gravendam*, ubi naves ex *Anglia* illinc soluturæ sistunt, à Portitoribus pro more explorandæ, navim *Danicam* (altera famulis, farsinis, equisque majori cum commodo recipiendis destinata, comitante quam etiam conduxerat) ascendit, in *Hollandiam* illicò trajectory. Navibus verò adversis ventis in Syrtis penè impactis, naufragium, quod imminerebat, non sine summo nautarum labore evaserunt. Illinc in Ostio Sinus *Queensburgensis* in oris *Cantii* maritimi siti, scaphis piscatoriis vecti, cum à latere navis essent discessuri, velis illius, in qua confederat *Devus*, *Lascovius*, & *Kellaus*, ex agitatione utriusque antennæ alteri in-nexis, mutuoque implexis, parum aberat, quin omnes simul demersi fuissent; scapha aquis ad illorum genua surgentibus, quas *Kellaus* vase quodam exhaurire & effundere conatus est, oppleta: tandem verò magna cum difficultate nec minori cum periculo, oppidum, in quo, donec deservierit tempestas, erat conquiescendum, salvi lætique appulere: Post quinque dies *Brielam* in *Hollandiâ*, peragrato freto, attigerunt.

Non longè post *Devi* discessum, incolæ & vicini, quibus de beneficio & Magia magis magisque suspectus reddebatur, in illius ædes irruebant; quorum aliqui Bibliothecam, & creptis quamplurimis codicibus, typo exclusis & manu exaratis; aliqui Laboratorium ejusdemque conclavia, effractis fornacibus vasisque coctilibus, vitreis, & metallicis, expilarunt. Gravissimum hoc damnum, ex ista barbara spoliatione illatum, nunquam

(a) Natus erat *Mortlaci* Julii 13. 1559. hora 4. 36.

(b) *Cambdenus* in *Annalibus* regnante *Elisabethe* ad A. 1583. E *Polonia* Russica vicina hac æstate venit in *Angliam*, ut *Reginam* inviseret. *Albertus* à *Lasco*, *Palatinus* *Siradiensis* vir eruditus, corporis lineamenti, barba promississima, vestitu decore & pervenusto, qui perbenignè ab ipsa Nobilibusque magno honore & lautissimis, & ab *Academia* *Oxonienſis* eruditis oblectationibus atque variis spectaculis exceptus, post quatuor menses ere alieno oppressus, clam recessit.

nunquam non amarissimè deplorabat ille, qui immodicis sumptibus, & improbo labore per tot annos bellum istum collegerat apparatus: dolebat verò maximè, utrem continentem quandam dulcem substantiam quadrilibrem, instar gummi, subfusci coloris, ibi tunc periisse: an Medicamentum, aliosve in usus paratam, penitus tacet. Tanta indignatione in illum præexecrandi sceleris, sub cujus infamia laborabat, odio exarserunt, ut vix ipse præfens salvus vivusque evasisset. Ita nimirum effratæ plebis furori in primo æstu frustra obstititur. Interim ille sibi temerariæ ex patria fugæ malè conscius, quid Regina & Consiliarii de illa statuissent, nosse maximè sollicitus, oraculum crystallinum, quod secum tulerat, jam in alienæ ditionis regionem transvectus, *Briela* consulere gestiebat.

Non hic totius itineris à *Briela* ad *Cracoviam* continuandi rationem exscribam, neque urbes locosque, per quos necessariò transeundum esset, referam aut adnotabo: cùm ea omnia ex propria ipsius *Devi Relatione* edita quivis petere possit: ex qua tantum, quæ sunt præcipuè notæ, & quæ ad illius vitæ historiam illustrandam non parum conducunt, brevi compendio recensere & memorare proposui: hoc unicum præmonere contentus, festinatum istud iter, modo alicubi duos tresve dies, prout res tulere, erat consistendū, quo minus hæ sacerrimæ actiones à *Deo* sociisque peragerentur, neutiquam obstitisse.

Tandem post quatuor menses, magnis difficultatibus periculisque, quibuscum in aspera hieme erat necessariò consistendum, defunctus, *Devus* castellum de *Lasco*, sedem hæreditariam *Lascovii* Feb. 3. 1584. apulit, ubi cùm per quinque septimanas non sine ingenti tædio & incommodo, pecuniis à *Lascovio*, ære alieno oppresso, qui nondum prædia oppignerata redemerat, parcè admodum suppeditatis, substitisset, *Cracoviam*, urbem Regiam, Martii 9<sup>o</sup>. petit, ibi majora vitæ commoda novasque revelationes præstolaturus. Hæc quoque, ut alibi, frequentantur actiones, in quibus dæmones illum vocibus barbaris prolatis, deinde consuetis altissimi sensus ambiguis, omnemque intellectum exsuperantibus, oraculis, miserrimè deludere, multa de universi Orbis terrarum distributione sub ductu & regimine duodecim Angelorum, & præsertim de variis, qui aeris triginta regiones incolunt, Angelis, illorumque numero & de ejusmodi fictis mysteriis è quibus cuncta naturæ arcana erant eruenda, referentes: & quò illum præstigiis hucusque irretitum magis magisque captarent, quicquid olim in *Enochi* libro exstabat, denuò exponere & explicare in se suscipiunt. Ne verò *Lascovius* sive exerta Ratio- nis vi, & interiori mentis sensu ab hoc vetermo expergefactus, ab illo-

rum laqueis se expediret, promissum istud de illius futura regia dignitate in *Anglia* prius factum, iterum iterumque repetivere. Interim licet hæc horrenda sacra, illo & *Kello* solis præsentibus in secretissimo conclavi peragerentur, ex illusione apparente, quasi quispiam è malignis spiritibus crystallum exerto brachio erepturus esset, valde metuebat *Deus* ne illo indicante Regi *Polonia*, qui tum in urbe aderat, hæc omnia patefierent; sed hunc metum ex mente ipsius protenus exegit personatus *Gabriel*, quicquid ab ipsis in hisce apparitionibus & colloquiis actum fuerat eundem penitus latere spondens. Cùm autem nihil hic profecissent Diaboli præstigiatores, nec quicquam in hac urbe & aula quod illorum consiliis promovendis conducere, aut sperandum aut expectandum erat, ut *Pragam*, ubi *Rodolphus*, Imperator *Germania*, cum splendidissimo Aulicorum comitatu stipatus tunc temporis commorabatur, propere contenderet, jubetur *Deus*, qui pecunias reliquumque commeatum sibi itineri isti apparando, non suppetere, nec illò sine *Lascovio*, juxta prioris mandati formam ire aut posse aut debere caussatus, moram aliquamdiu traxit, donec ille & *Kellaus*, sæpe repetitis jussibus non sine opprobrio, quasi stultè & perversè egissent tamdiu cunctando, promodum inviti protruderentur.

1584.

Relicta igitur *Pracovia*, *Pragam* nono Augusti 1584. appellant, in qua tanquam in nova scena, res planè nūras, versutia dæmonum transactas fuisse proximo in loco videbimus.

Quò *Deus* malignorum spirituum jussibus de adeundo *Rodolpho* II. Imperatore citius & commodius obsequi posset, non longè post adventum in urbem *Gulielmo de Sancto Clemente*, Regis *Hispaniarum* Legato, cujus amicitiam captaverat, postquam horribile illud arcanum de apparitionibus Angelorum in crystallò, una cum colloquiis & dictatis in Acta propria ipsius manu relatis, retexisset, *Rodolpho* literas obsequiosas, unà cum libello de Monade Hieroglyphica, *Maximiliano* illius patri inscripto, in manus tradendas commisit; ejusdem nimirum, qui illius de harum revelationum veritate obtestationibus, mira cum confidentia repetitis, nimium faciles aures pro imbecillitate judicii adhibuisset, ope, patrocinio, & consiliis fretus. Ultraque, tum ad Imperatorem, tum ad Legatum in Appendice exhibebo. Imperator literis *Devi* delinquit, ne dicam suasionibus Legati expugnatus, illum ad Aulam accersiri jussit, ad audiendum id quod *pro sua utilitate esset*, ut *Devi* nomine præ se tulerat Legatus, indicto tempore, paratus. *Deus* igitur ab *Osca-vio Spinola* Cubiculario in privatam cameram introductus, seclusis omnibus, admissus, primoque accessu ab Imperatore benevolè exceptus,

Ora



orationem suam exorsus est, cujus summam hic dabo: nimirum se, licet tum domi, tum foris, quadraginta annos in sapientia doctrinaque studiis multo labore impendisset, veritatem quasitam & investigatam, neque ex libris, neque ex familiari cum viris eruditis colloquio, ubi ubi peregrinatus fuerit, expiscari potuisse, inde totum ad Deum, omnis sapientia scaturiginem, conversum, continuis intensissimisque precibus exoravisse, ut illum divino lumine ad naturas rerum certius intelligendum, in ipsius gloriam impetiri dignaretur. Deum flagrantissimis votis tandem annuisse, Angelosque suos biennio, abhinc ultra dimidium, ad illius mentem celestium mysteriorum scientia & documentis, qua chartis perpetuo duraturis illo ipso eodemque tempore mandaverat, illuminandam, de cælo misisse: quod effectum erat beneficio lapidis crystallini, nimirum tanta virtutis & preii, quod omnes totius mundi gazas longè exsuperet, utpote in quo ista apparitiones fierent, & ex quo divina oracula eaderentur. Deinde, rem ita se verè habere, invocato sanctissimo Namine, obtestatus est, cujus iussu in præsentia illius tunc comparuit, sacra legatione functurus: monendo, Angelum Domini illum ob peccata admissa objurgare; illum, si huic celesti nuncio credat, triumphaturum; sin aliter, Dei pede in illius pectus impacto, à folio precipitandum: ex initio fadere, Deum hac omnia certissime præstiturum: si delictis abre-nunciare, & ad Deum converti vellet Imperator, sedem ipsius omnium, quotquot unquam fuerit, maximam & gloriosissimam fore; & diabolum, hoc est, ut Deus interpretatus est, magnum Turcam, pro captivo tradendum se hac omnia speciali Dei mandato protulisse, nihil comminisci, non hypocritam agere, nulla ambitione aut opum cupiditate affari, non vanis insomniis illudi, non delirare: denique, si quippiam dixisset secus quàm oportuit, se omnem spem æternæ salutis, illo ipso momento repudiaturum. Finita hac verbosa & impia oratione, ad quam æquo & miti animo, nulla interruptione isti verborum profluvio opposita, attendisset, sine aliquo vel minimæ displicentiz indicio, replicavit Imperator, se illi non dissidere; opinari quoque Deum sibi benè velle, nec tantis tamque crebris, quibus inter perorandum ad pedes procubuisse, genuflexionibus opus esse. Quo lenissimo responso animatus Deus, superaddebat, se Imperatori omnem ab ipsis initiis Angelicarum actionum seriem, integramque hystoriam, prout in mandatis habuisset, imò & sanctam visionem, si interesse cuperet, ostensurum. Respondebat Imperator, se alio tempore plura de hisce rebus audieturum & intellecturum, & illum de ipsius gratia & benevolentia securum esse iussit. Et sic post longam horam, ex hac illustri scena exiit famosus iste Dæmonum Legatus.

Vix dubitandum est, quin *Devus* hac mira Imperatoris comitate & indulgentia hinc discesserit elatus lætusque, illum novæ Religionis in mundum sub divinarum revelationum prætextu; sicut olim *Mohammedes* deliria sua introduxerat mox introducendæ strenuum patronum & fautorem, tandem aliquando fore, sibi blanditus. Sed eventus expectationi & votis planè contrarius hanc gratissimam mentis insaniam repres-  
sit & castigavit.

Interim per Aulam & urbem percrebuerunt rumores, *Anglum* quendam *Alchymisticum decoctorem*, *Magum*, & *Necromanticum*, ad reparandas fortunas & Imperatoris loculos pecuniis emungendos illò nuperrimè venisse. Quod convitium *Devus* concoquere non poterat, imò & iniquissimè & summa cum indignatione tulit, qui famam ipsius ab omni scelere illæsam hæcenus apud omnes tum in *Germania*, tum alibi terrarum, integram mansisse acerrimè contendebat, quasi vel quippam mali de illo suspicari piaculum fuisset. Cùm verò per biduum nullam ab Imperatore adfuturas colloctiones invitationem factam fuisse, animi valde anxius, sensisset, longioris moræ prorsus impatiens, *Spinola* literas dedit, obnixè orans, ut modum, quo Imperator iterum esset faciliùs adeundus, excogitare, & suggerere vellet: sed excessit ex urbe Imperator venandi causâ, unaque cum illo aberat *Spinola*: literæ verò prius scriptæ, mutatis mutandis, post septimanam illi tradebantur, qui *Devi* nuncio postero die retulit, *Imperatorem*, tum quod linguam *Latinam* (hac enim inter colloquendum usi fuerant) non probè calleret, tum quod per multiplices maximi momenti occupationes, quovis tempore audientiam concedere non liceret, ideo totum istud negotium, *Doctori* *Jacobo Curtzio*, qui erat ab illius consiliis, (viro quidem ob sapientiam penitentioremque Scientiarum Mathematicarum peritiâ celeberrimo) quocum *Devus* apertissimè & omni cum libertate agere posset, transigendum commississe, si illi ita videretur: sin aliter, *Imperatorem*, quo modo illius desiderio satisfieret, provisurum. Ad editam Relationem, tibi hac aliaque quamplurima, quæ censo omitenda, speciatim recensentur, curiosum Lectorem remitto, summa rerum capita, in hac brevicula narratione, quæ in magnam molem excreceret, si idagerem, delibare contentus. Ad ædes *Curtzii* protenus Septembris decimo quinto se recepit *Devus*, quò crystallum librosque octodecim manu propria exaratos deferendos curavit, repetere gestiens, se per misericordiam Dei, à Michaelæ, Gabriele, Raphaelè, Urielè, aliisque bonis Angelis, quicquid in istis libris jam coram expositis comprehenderetur, edoctum fuisse; quibus leviusculè evolutis, & accuratiùs quidem postremò, qui ad *Rodolphum* propius

piùs spectabat, post sex horas domum redibat, pollicente *Curzio*, se ea omnia Imperatori nudè, sincerè, & fideliter nunciaturum. Proxima conversatione, quæ ad vicesimum septimum diem dilata erat accessit ædes *Devianus Curzianus*, Imperatorem illa, de quibus differuisset, omnem fidem exsuperare, & nequitiam fieri posse planè dijudicasse, relaturus: ideoque ut actiones Latine versas, & præsertim illam, quæ paraphrasim in Symbolum Apostolorum complectitur, coram illo, ut de illis maturius rectiusque judicium, quantum per otium licebat, fieret, producere vellet: replicavit *Devus*, se originales libros, de manibus suis tollendos nequitiam passurum; istarum verò actionum apographum, quod petebatur, describi curaturum. Deinde querelis de tam longæ moræ tædio ingestis, causatas, se alteras ad Imperatorem literas dare in animo propoliuisse fatetur, quas quidem, instigantibus spiritualibus suis Magistris & Directoribus, ante aliquot dies conscripserat. Has verò postea amico suo, Legato *Hispanico*, tradendas concedere consultius judicabat: In hisce autem, quò *Rodolphum* chymicis experimentis, si ita loqui fas sit, quam pro dignitate decuit, additiorem, ad partes suas potentiùs protraheret, Dei nomine asseverabat, sibi *Lapis illius benedicti*, vulgo nuncupati *Lapis Philosophorum*, consiciendi artem modumque infallibilem innotescere, opulque illud Philosophicum ore & corde pollicetur, sanctèque coram Deo omnipotente vovet, se illicò communicaturum, sola hac mercede proposita, ut *Cæsarei Philosophi & Mathematici* titulo insigniretur. Veruntamen huic grandiloquentiæ & pompæ verborum, aut hisce speciosissimis, blandissimisque promissionibus de immensis opibus, usu, & vi pulveris chrysopoetici accumulandis, nequitiam cedebat Imperator, de quo tamen postea præstigiis suis expugnando, *Devus*, ut videtur, licet vix aliqua spes in præsens affulserit, non prorsus desperavit.

Octobre hujus anni, *Devus Cracoviam* ad uxorem, familiam, suppellectilemque inde deducendam excucurrit, ubi post duorum præter propter mensium rebus componendis impensorum moram, *Pragam* reversus est, *Lascovii* ad Legatum *Hispanicum* ad amicitiam prius initam arctius confœderandam literis auctoratus. Dum verò post reditum ab Imperatore & *Curzio*, omni commercio de arcanis, sive Philosophicis, sive cœlestibus, cum illo penitus abjecto, nullaque illius jam ratione habita, magis magisque negligere, admonitus quoque à spiritibus seductoribus de imminente carceris periculo, nī clam præcipiti fuga sibi consulere, equis consensu, *Praga* relicta, *Kellao* ac famulo comitatus, iter versus *Vratislaviam* capessivit. Cum autem *Limburgum*, sex

27. Feb.  
1585.

sex milliaribus Germanicis ventum esset, proximo mane, consulto oraculo, (hoc enim quocunque se verteret, ad quod quavis occasione data confugere consueverat, semper secum tulit) à personato fictoque *Michaele* jussus est reverti: cùm nihil jam ab ira pravisque consiliis *Rodolphi*, quem post annum miserrimè periturum, inque illius solum *Stephanum* Regem *Polonia* brevi substituendum esse pronunciat, ultra metuendum esset; simulque omni metu excusso post reditum palam per urbem prodire. Ita nimirum spiritibus, huc illuc ire pro lascivia & protervia, jubentibus, cæco impetu promptissimè morem gessit. Versutè quidem tum reconditæ eruditionis ostentatione, tum placidissimis moribus, in quorundam Procerum magni nominis & præcipuè in Aula auctoritatis gratiam antea sese insinuas, ex hoc manifesto indicio constat, quod cùm infans, recens natus, sacro baptisinate tingendus esset susceptores comparuere, *Gulielmus de Sancto Clemente*, *Hispaniarum* Regis apud Cæsarem Legatus, *D. Romfius* summus Cæsareæ Majestatis Cubicularius & Consiliarius\*, & nobilissima femina, Domina de *Dittrech-*

\* Mayor-  
Domo.

*stain*, *D. de Dittrechstain*, Palatū Seneschalli \*, uxor, ritus sacros in arcis *Pragensis* majori templo, Martii decimo quarto administrante Imperatoris Capellano, ut vix quicquam publicè, quod magis *Devo* in honorem cederet, præstari potuisse videretur. Nomen verò infanti, illo rogante, *Michaelis* Archangeli in gratum observantiæ erga ipsius benefici Directoris & Defensoris, uti delirabat, *μυμύδων* impositum erat.

Ne fidei violatæ crimen Spiritibus grande illud auri conficiendi arcum toties promissum hætenus non revelantibus exprobraret *Devus*, tandem ludicram cujusdam chymicæ præparationis, ex qua *benedictum istum, rubrum, gloriosumque pulverem* extrahere, formulam tanta vocum barbararum perplexitate involutam, quam neque ille neque Symmista intellexerint, dictavit *Levanuel*, quæ licet ab omnibus aliis sub ejusmodi involucris celanda, illis saltem explicari debuit: Sed totus processus ad obtusefaciendam distrahendamque, quam ad informandam mentem compositus videretur. Dum verò in summa ista rerum omnium egestate, ad quam deficiente pecunia redigebatur, animum languentem latrantemque stomachum hisce aureis insomniis sustinuerit, materfamilias, non aliter de rebus quotidiani usus ad vitam necessariis, nisi vendita suppellectile, aut oppigneratis vestimentis, providendum esse, conscia, jam penè imposui, miserrimum in modum excruciat. Puduit quidem maritum, utpote Philosophum, domestica hæc mala fateri, aut Magnatibus aliisque, quorum studiose captaverat amicitiam, pauperiem, qua laboravit, reterege. Hoc nimirum cum Philosophicæ professionis & instituti digni-

gnitate parum conveniebat. Emori & fame enecari, quàm hoc turpi modo, quasi emendicando, duræ necessitati subvenire maluit. Uxor autem, imbellis femina, summaque erga parvulos suos, ne esuritione contabescerent, miseratione tacta, tanta duritiæ & obstinatione pectus obfirmare non potuit. Quid ergo? Illa pro ingenio & solertia, ad misericordiam exorandam, affectumque Angelorum, quos prorsus immites fore nefas duxit suspicari, concitandum, supplices libellos nomine suo signatos conscripsit, in proxima actione legendos, ut illorum consiliis, quo pacto & à quibus istiusmodi subsidia, quorum isthoc tempore erant egentissimi peti possent, edocerentur. Illa vero ob temeritatem & audaciam se coram *testimonio voluntatis Dei* sistendi objurgatâ, questionibus propositis, inter alia, responderunt, *necessitati parendum esse, adiumque a:paratum & ornatum, corporisque cooperationem ad averiendam famem, pecuniis commutari debere*; hoc solamine addito, *se illi libersque bene velle, & tandem prospecturos*: deinde maritum illinc versus Poloniam ad Stephanum & Lascovium properare monent. At cum ille per septimanam destinatum istud iter ingredi, negotiis domesticis occupatus, distulisset, post impetratam breviculæ moræ indulgentiam, unâ cum Kellao, perpetuo comite duobusque famulis, relicta Praga, Cracoviam Aprilis duodecimo profectus est,

Post paucos dies, Lascovio intercedente, & facilem aditum procurante Deus ab eodem ad R. Stephani præsentiam introductus, illum 17. brevi compellavit, dicendo, se *divina accepta admonitione*, ipsissima illius verba sunt, *de iis, quæ ipsi divinitus injuncta essent, cum omni fidelitate & sinceritate cum Regia sua Majestâte tractare, & deinde, mysteriorum historiarum de ordine in ordinem referre, prout occasio dabitur, paratissimum*, isthuc venisse: cui Rex, de ipsius gratia, favore & patrocinio præmissa sponcione, replicavit, quod tempore de illis rebus disserendi magis opportuno, nimirum post festos dies (tunc enim instabant solennia Palcharis) accersendum curaret. Jam exactis viginti diebus, quibus crystallo cortina intus obducto, ex arbitrio spirituum, dum Praga aderant, oraculum obmutuit, actiones intermissæ redintegrantur.

Vicesimo tertio Maio Lascovio & Devo coram R. Stephano in interiori Aula camera comparentibus, hic Deum in primis hujus congressus initiis ita affatus est, *egisse mecum D. Palatinum, ut vos audirem, de rebus istis magnis & raris; quod libenter feci: & tamen hoc considerari debet, quod Propheta omnes & revelationes jam diu & in tempore Christi cessaverunt: attamen si nihil in istis contra Dei sui honorem, eo lubentius audienda, & ego quidem haud dubito, quin Deus nunc*  
Eccc

pos-

possit multis modis secreta quadam hominibus detegere, ad hac usque tempora inauditis & inusitatis. Ad omnem scrupulum è Regis animo examinandum, singulis articulis propositis, vafri ingenii vires, hac pulchra occasione data, explicaturus, respondere, longa oratione habita, conatus est: quam in Appendice curiosus Lector inveniet, illam enim in compendium redigere omninò tædet. Cujus tamen ex ore & pectore illius mirabili promptitudine & fervore, quem argumenti gravitas zelusque falsus concitaverat, profluentis lenociniis derepente capiebatur, ut actioni proximæ, in illius gratiam Latina lingua instituendæ, interesse neutiquam recusaverit. Illa autem, quam producto crystallo, aliisque ritibus adhibitis, ac oratione ad Deum pro re nata, verbis prius conceptis seriò fusa, inchoavit *Devus*, vicesimo septimo ejusdem mensis die, peragebatur: Sed hisce diabolicis incantamentis non se amplius illudi, adjunctrice divina gratia, passus est *Stephanus*, nec unquam posthac horrendis istis mysteriis interesse voluit. De illo tamen expugnando non prorsum desperavit *Devus*; illum ergo, prout maligni spiritus mandaverant, proposito arcano conficiendi Lapidis Philosophici, ipsi, ut nuperrimè *Rodolpho*, communicando, denuò aggressus est. Sed jam prudentior factus *Stephanus*, obfirmato animo, fallaces ejusmodi promissiones constantissime repudiavit. Itaque cùm nihil in propagandis blasphemis impiisque suis opinionibus apud *Stephanum* profecisset, desinente Julio, *Pragam* redire festinavit.

Non multò post, in mysticam hanc Societatem *Franciscus Puccius Florentinus*, Vir subtilis ingenii, literarum studiis innutritus, Artibusque curiosis deditissimus, admissus est, quem malæ fidei suspectum, & pro exploratore habitum, ab hac sacerrima communione, sequente anno penitus rejecit & abdicavit *Devus*, nullis, ut ut blandis adulatoriisque epistolis, nullis renovari fœderis & sinceræ amicitiae professionibus coram factis, illi postmodum conciliandus.

Interea temporis censuris, dictæque, contumeliisque susque deque habitis, *Devus*, licet penè vulgi fabula habitus, *Praga* usque morari, domiciliumque fixum ibi habere constituit, animo, si non, læto, saltem non despondente, novos amicos, fautores, & patronos sedulò (nemo enim hominum mores melius novit, aut subtilioribus strophis insidiisque incautos aggredi & expugnare solebat) quæsiturus. Inter hos eminebat nobilissimus vir, *Gulselmus Urfinus*, Dominus *Rosenburgi* Eques aurei velleris, supremus regni *Bohemia*, Burgravius, hujus planè illecebris irrecitus, se totum in illius, quasi arcanorum Dei particeps, & Angelorum familiaris amicus fuisset, disciplinam dedit, cujus auspiciis & pa-

tro-

trocinio, quod hæcenus in irritum cecidisset, & *Deus* pro insanabili mentis infania & obstinatione, & Magistri tandem effici posse sperabant. De hoc novo Alumno inter Mystras mox adscribendo, maligni Spiritus quasi jam jam triumphos acturi, quo illum mundanæ gloriæ cupiditate & effreni ambitione afflatum magis magisque dementarent, & inexplicabilibus illigarent nodis, in longè majores honoris quàm per nascendi sortem, ut ut valdè illustrem sperare licuerit, gradus efferendum, illum nimirum fore *Polonia* Regem postea annuntiarunt. Interim cum *Rosenbergius* nuptiis contrahendis animum advertisset, animi tamen dubius, qualis femina ducenda esset, illi *agnam*, i. e. virginem, *nentiquam spoliando vicini pauperis grege*, (nam, ut videtur, solutioribus moribus & luxui antea nimium indullerat) assumendam esse in uxorem monent. Post hanc actionem 30 Aprilis 1586. factam, iisdem ita volentibus, *visitationes* per sex menses futuros intermittendæ erant & cessaturæ.

Justitio hoc ac feriacione concessis, *Deus* de rebus suis in *Anglia* impendit sollicitus, post paucos dies *Lipsiam* descendit, ab *Anglis* pro more ad Nundinas ibi celebrari solitas, mercaturæ gratia illò euntibus, quid domi, quod ad illum peculiariter spectabat, accidisset, ab illorum ore edocendus.

Hac occasione arrepta, fidum nactus *Γραμματοφύρον*, in *Angliam* citò rediturum, longam ad D. *Walsinghamum* Secretarium decimo quarto Maii datam scripsit epistolam (sicut anno superiori ad ipsam Reginam de eodem argumento scripserat) in qua multa de rerum suarum statu congestit, viz. *Imperatorem* aliosque *præcipuos ex Romani Pontificis clientela*, sensu doloris de injuriis illatis tactos, de malis erroneisque opinionibus, adversus ipsum prius conceptis, multum remississe: illos quibuscunque modis, tum vi tum metu inensso, ut in partes, quas alterutri secuti sunt pertraheretur, niti: se ab incunda cum Nuncio *Apostolico*, *Malaspina*, per annum oblata & quasi palpo obtinisa, amicitia penitus abhorruisse; hisce novis rebus turbata & territa *Roma*, mortem violentam ipsi insigendam esse, inde minis additis denunciari: sibi de adibus, bibliotheca, & supellectile post ipsius discessum spoliatis, redditibusque interceptis ex aquo satisfaciendum esse; *Thomam Diggesium*, utpote virum idoneum, veteri amicitia conjunctissimum, quocum de arcanis maximi momenti *Regina* communicandis apertissime ageret, in *Germaniam* mitti oportere; & denique illam longè melius rationibus suis consuluisse, si decies centena millia auri, sive in elemosynis, sive qualitercunque profudisset, quam non consiliis ipsius auscultando, quasdam opportunitates elabi fuisse: Non tamen spem, quod *Deus* misericorditer faciendum statuisset,

re dimendi, omnino decollasse. Ita ille confidentissimè, quasi hæc omnia à spiritu sancto fuissent pectori & calamo immissa. Interim dum ille aberat, Episcopus *Placentinus* nuperrimè *Roma* missus ut alteri Nuncio succederet, calidissimo Pontificis ad hæc novitates ubique propalatas, planè attoniti, jussu auctoratus, Imperatori libellum supplicem exhibuit, in quo *Devum* Magiæ Artiumque necromanticarum postulavit, interpositis consiliis ne ex indulgentia hac tamdiu concessa, aut Religio Christiana aut publica tranquillitas læderetur; petens quoque, ut ad *Romam* amandaretur. *Devus* autem mali, quod capiti imminabat, ignarus, cum *Pragam* reversus, quid sibi metuendum esset, non sine horrore & summa tristitia didicisset, literas tum ad D. *Rosenbergium*, tum ad Imperatorem, ad grande illud periculum quod jamjam instabat, avertendum, protenus dedit: sed omninò frustra. Neque enim hujus avertentis precibus & intercessio quicquam valere, nec illius pietas & prudentia diutius expugnari potuit; cum cuivis ejusmodi præstigias, nisi obice temporis posito, latius evagaturas, & funestum exitum habituras, facillè constaret. Decretum enim erat 29. Maii in secretiori Imperatoris consilio, ut post sex dies extra Imperatoris Majestatis ditiones *Devus* & *Kellus*, cum tota familia, discederent sub summi discriminis subeundi periculo, si contra venissent. Convasatis ergo omnibus rebus, ille se summa cum festinatione extra proripuit, tutiori loco nova, quid jam hic importuno & molesto tempore præstari oportuerit, consilia initurus.

*Erphurdiam*, *Thuringia* urbem, profectus, cum in ista urbe ædes conducturus esset, à Senatoribus, ad quos exilii fama pervenerat à tali hospite metuentibus, licèt illis à D. *Rosenbergio* commendatus, repulsam tulit, illic tamen venia, donec aliò commodiùs eundum foret, commorandi concessa. Huc autem *Puccius*, habitis priùs cum Nuncio colloquiis, & à quo Syngrapham, in qua *Devum* sociumque individuum, si *Romam* ire vellent, ibi omni cum humanitate ac charitate tractandos esse, fide data, suscepit, accepisset, post mensem aut circiter appellens, multa de istius Nuncii erga illos benevolentia præfatus de itinere *Romam* incundo, multis argumentis in medium productis & præsertim hoc palmario, quod *Deus* in actione quadam illos *Romam* ituros pronunciaisset, persuasum volebat. Sed *Devus* non ita desipiebat, ut sese in insidias ab hoc exploratore structas daret præcipitem. Altercationes alterutrinque agitatae hic immiscere planè piget. Cum verò *Devo* perfidia *Puccius* magis magisque ex hisce alloquiis innotescere cœpisset, illum, tum ob hanc, tum ob alias causas, putà ob acrem disputandi impetum contentiosumque prurium, ob futilitatem & imprudentiam in arcanis, nulla venia impe-



trata, retegendis temerè admissam, ob indebitum in res neutiquam ad illum pertinentes penetrandi desiderium & curiositatem, & denique ob mores, uxoribus illorum neutiquam gratos, prorsus indignum, qui in ista sancta societate diutius maneret, & meritò, juxta monitum prius ab Angelis acceptum, exciendendum esse judicavit. Ne verò illum malo animo à se prorsus alienum redderet, literas Nuncio tradendas ipsius curæ commisit. *Cassellis* postmodum divertens, ignominiosam hanc proscriptionem, *Rosenbergis* tum literis refocillatus, tum pecuniis adjutus, æquo animo tulit, & talem nactus Patronum & Advocatum, plurimaque apud Imperatorem gratia pollentem, de futuro in *Bohemiæ* reditu bonam in animo spem alere perrexit. Quod tandem ejusdem repetitis intercessionibus ex parte effectum erat, decreto eoque revocato, ut *Devo* reverti liceret, modò intra fines ambitumque terrarum D. Burgavii deinceps continendus, non aliorum & ultra vagaretur. Benignissimè igitur ad arcem *Trebonæ*, hæreditariam *Rosenbergis* sedem, uti ad tutissimum asylum, invitatus, mense Septembri, latus preperat ibi, Dæmonum consortio, jam longum intermisso, summa cum libertate gavissurus.

1386.

Finitis sex, in quibus ex jussu Magistrorum nullæ apparitiones factæ fuerant, mensibus, actiones consuetæ denuò renovari cœperant, in quibus dæmones ludos & delicias facientes, *Rosenbergium*, horrendis hiæce sacris admotum, & præ nimia mentis facilitate non amplius sui compotem, vanis promissionibus effascinarunt, foedus nimirum cum illo ab isthac die quo primùm aderat, ineundum, & cœleste mysterium illi quoque revelandum esse. Sed cum munus istud, quod apud Imperatorem cui erat à secretioribus consiliis, gessit, aliaque publica negotia illum inde advocaverint, & in Aula Cæsarea protenus adesse jusserint, si qua difficultas, si quod dubium, è quo sibi non esset facilè expediendum, putà de successione *Polonica*, & mediis, quibus illud regnum facilius obtineri posset, de chryfopoetico, quo donatus erat, pulvere & an quippiam istius thesauri Cæsari esset communicandum, aliisque rebus gravissimi momenti occurrisset, hæc oracula sciscitari consulissimum duxit, ut quomodo se gerere deberet, certissimè informaretur. Has quæstiones aliasque de usu & multiplicatione istius pulveris, *divinitus*, ut credidit, *concessi*, deque illo *ex methodo Dunstani* conficiendo, item de quibusdam privatis domesticisque rebus è charta coram oraculo prælectas proposuit *Deus*: *væstra* autem & ambigua responsa, solutiones, consilia, quibus illius vesaniæ illusum erat, hic referre planè piget. Ita pro more mendacis diabolicis fasciatus in erroribus insomniis suis amplexandis & reti-

nendis obduruir *Deus*. Non negaverim, illum hæcenus à turpi scelere purum, probitati studuisse, orationibus ad Deum intentum, ingentem sanctimoniam, & Christianæ religionis reverentiam in mediis hæcæ, quibus circumveniebatur, illusionibus, præ se tulisse. Sed en obstupescendum deploratissimi ingenii & diabolicæ tyrannidis in illum exercitæ specimen & exemplum! Apparuit in crystallo columna candida, super cujus scapo *Devi, Kellai*, uxorūque capita sub eadem corona imminente adunabantur, corporibus intus inclusis, in signum arctissimæ unionis inter illos hoc emblemate sancientæ, quam Christiano & pio sensu intelligendam esse voluit *Deus*, contra verò mentem pseudo-angelorum, qui ista de re consulti, non de solo spiritali amore & unitate animorum, sed de carnali quoque & promiscua conjunctione & concubitu interpretati sunt, &, ut id fieret, expressissimè mandarunt. Exhorruit *Deus*, dicendo, illam manifestam divinæ legis & Evangelii violationem fore: sed reprehensus, quod de hoc novo mandato, an à Deo esset, dubitare ausus esset, tandem post longam disceptationem cessit. Uxor, hujus propositi particeps facta, lacrymabunda contremuit, in istud flagitiosum facinus nunquam consensura: sed strophis mariti expugnata, *arcanis Dei consiliis*, sic delecta sensit, obsequi penè invita statuebat. Interim cum reluctarentur, nec animo quieto esse possent, repetitis jussibus à suis Præceptoribus, & præsertim à personato *Raphael*e nomine Dei, imò & ab ipso *Christo*, quæ horrendum est dictu, consilium istud Angelorum illis dictatum & traditum in illorum fidei probationem, ab illo produsse asserente, neutiquam verò doctrinam, quæ ad illos solos spectabat, aliis mortalibus, publicari oportere; & istud, quod illi ἀνομιαν, sive *iniquitatem* nuncupant, cum *laticia persequendum & faciendum esse*, pro summa auctoritate mandante, ita enim impiissimè blasphemavit, incitati, quatuor hi solenne cum Deo, subscriptis nominibus tertio Maii 1587. inibant fœdus, iram offensi Numinis deprecantes se, non ex lascivia carnisque stimulis, sed ex solo divini mandati intuitu, ex fide & obedientia, prout *Abrahamus* in proposita filii mactatione olim fecerat, consensisse. O deplorandam stupiditatem! O execrandam insaniam! Incredibile videretur, hominem Religionis Christianæ institutionibus instructum, imò aut levi moralium virtutum sensu imbutum, adeò cæcutiisse, & ad extremam hanc fatuitatis & vecordiz lineam pervenire potuisse, nisi id *Deus* amplo commentario explicatum mirisque elucidatum circumstantiis literis mandasset. Tantum verò pudit hujus promiscuæ conjunctionis, ut, quod certius & firmitus, ne cuiquam mortalium unquam pateret, caveretur, omnes in hoc eodem fœdere impiè ineundo, dira impre-

catione coram Deo solenniter habita cuicumque ex istis quatuor revelanti, & singulis quoque aliis quibus hoc horribile secretum revelabitur, subitaneam mortem in illo ipso momento infligendam esse obtestati sint.

Hactenus ex itineris & actionum Diario, publici juris facti: schedæ, quæ sequi debuerant, rerum post *Trebona* vicinisque locis (ibi enim *Devus* ultra per sesquiannum moratus est) gestarum variationem complexæ, interciderunt.

Regina *Elisabetha* miserta *Devi*, qui aut præ pudore aut præ metu, patriam, à qua se clam subduxerat, repetere non ausus est, nolensque labem Genti *Anglicana* ex facinoribus unius aut plurium transfugarum ulterius inuri, illum in *Angliam* reverti, nulla interposita exultatione aut mora, literis per nuncium missis, iussit. Ille verò natale solum domesticosque lares ex favore & indulgentia Principis revivendi cupidissimus, lætus capessit iter, & magnis periculis & expensis defunctus, anno 1589. desinente, post sex annorum absentiam ædes suas *Morilakianas* feliciter attigit.

Cum verò *Devus* post reditum, non sine mœrore expertus vidisset, ex una parte memoriam rerum anteaotarum ex animis eorum, quibus prius innotuisset, non exolevisse, suspiciones, parum, dum aberat, sopitas, jam denuò erumpere & redaccendi; atroces censuras & criminationes sibi in Aula impactas; diſteria in triviis à vulgo in ipsum jactata; à quo, si forte occurrisset, pueri in plateis ludentes, tanquam à Mago, quem Anglice appellamus *as conjurer*, quasi territi, aufugere solebant: Præfules autem aliosque Ecclesiasticos ob illicitas, quibus se à juvenilibus annis devoverat, artes, maxime infensos; ex altera parte, reditus imminutos; nullam damni, à tumultuante plebe invec̄ti, reparationem adhuc factam; rem domesticam in pejus ire: se primo accessu à Regina placido vultu exceptum, nondum aut pensionis annuæ aut cuiuspiam opimæ dignitatis compotem; denique omni ad alendam familiam subsidio mox destituendum, & fame periturum, ni Reginz, & amicorum benevolentia, submissis pecuniis, subinde subvenisset; quò hisce malis ingruentibus commodius obviam iretur, supplicibus libellis 9. Novembris 1592. utpote tridiosa per triennium expectatione fatigatus, & ad incitas redactus, Reginz exhibitis obnixissime petiit, ut duos tresve Commissarios, qui de rebus illius ipsi ex æquo repræsentandis, summa exploratione & rigido, examine habito, cognoscerent, delegare dignaretur. Annuente illa & jubente, duo clarissimi viri, D. *Joannes Wolleius* Secretarius ab Epistolis Latinis; & D. *Thomas Gorgius* à Vestuario Reginz, post septimanam unam aut alteram in ædibus *Devi* comparuere, qui-

quibus vitæ & studiorum per quinquaginta annos transactionum compendium, (a) à se antea elaboratum, inque capita methodicè digestum, documentis, probationibus & testimoniis ad rerum fidem, quando opus erat, faciendam è libris, literis, schedisque in mensa præjacentibus, in medium productis, prælegebat. In quo, passim de meritis erga patriam, bonas literas, ipsamque Reginam, de frustratis violatisque promissis toties repetitis, de damno, quod ex ædium & Bibliothecæ direptione sustinuerit, & de præsentis rerum ferè omnium inopia, amplum in modum disserens, tandem nomine ipsius, Uxoris, septemque Liberorum humillimè & obnixissimè exorat, ut apud Reginam vellent intercedere, ut pro clementia, benignitate, & misericordia ipsius par remedium huic intollerabili malo adhiberetur.

Sed neque Regina, neque Consilarii, neque Præfules ex præjudiciis, alta mente repositis, hisce importunis precibus quicquam concessere. Perspectum igitur habens *Deus*, unde durities ista originem duxerit, quo se ab omni Magiz, qua laboravit, criminatione, & suspicione purgaret, literas Apologeticas ad D. Archiepiscopum *Cannuariensem* ineunte anno 1595. scriptas edi curavit, in quibus coram Deo & coram illo Archipræsule solennem in modum, *periculo damnationis anima se sola bona, licita, honesta, Christiana, & divinitus præscripta ratione & methodo in studiis Philosophiæ* (hoc enim nomine impiam suam curiositatem obtegere usque placuit, uti longè antea se *pro bono Christiano Philosopho* venditare solitus fuerat) prosequendis hætenus usum fuisse, & etiamnum uti: se hac Apologia agere, *non tam ut ore oblatrantium obturato, stultis, impiis, falsisque rumoribus, calumniis, & fabulis ubique per Angliam sparsis, irretur obviam, quam ut bonis probisque viris, ex longo studiorum curriculo, & ex serie, numero, & argumentis librorum*, quos per quadraginta annos conscriptos ibi recenseret, *inde satisficeret*. Interim ne unicum quidem verbum de commercio cum *spiritibus*, sive in *Anglia*, sive extra *Angliam*, habito præferti; librisque sua manu exaratis de doctrinis & revelationibus *Angelorum* vastre celat. Aliter suam ipsius tum stultitiam & vecordiam, qui sibi adeò crasse imponi passus est, tum impietatem, qui horrenda ista arcana, in illis libris comprehen-

sa,

(a) Exstat MS. in Bibliotheca *Cottoniana*, sub Vitellio. C. VII. quod, dum in conscribendo istius celeberrimæ Bibliothecæ Catalogo occupatus reperissem, illico ab Amanuense meo exscribendum curavi: hinc hujus vitæ describendæ prima occasione derivata: utpote tunc temporis penitus nescius, aliud hujus autographi exemplar alibi extitisse.

sa, Deo bonisque Angelis adscribere ausus fuit, aperit prodidisset. Unde nemini mirum subelle debet, si ex hac persuasione, licet falsissima ineptissimaque, in imis medullis defixa, in istam vecordiam prolapsus, ad tremendam istam adjurationem, qua æternam animæ suæ perniciem devovet, nisi verum dixerit, adhibendam, in læsæ famæ defensionem impelleretur.

Regina verò, sive speciosa hac apologia emollita, sive potius, summa erga senem penè septuagenarium (quem *Philosophum suum* appellare facere solebat) jam ad incitas redactum, & numerosam familiam, miseratione tacta, illum isthoc anno literis patentibus vicesimo die Maii 1595. datis, sigilloque Regio munitis, ad præfecturam Collegii *Mancestrensis* in provincia *Lancastrensi*, *Hugone Beloto*, illius Decessore, paulo antè Episcopo *Cestrensi* constituto, provexit.

Hic non tantum commodè, sed lautè jam per septennium vixit, magna quidem famâ, sed non æque bona, utpote atris censuris, infamibusque suspicionibus, ex arcanæ Philosophiæ, quod continenter præ se ferebat, studio exagitatus: muneri obeundo, tanta cum industria, prudentia, & manifesta religionis professione, ut nullus inde de scandalo dato criminandi pateret locus, intentus. Non enim in hunc censum rixæ, quas cum fociis, sive de pecuniis, ex annuis redditibus succrescentibus, inter se partiendis, sive de regimine, non ex solo ipsius arbitrio, sed mutuis consiliis moderando habuit, quod sæpe inter optimos quoque usu venire solet, referri debent. Municipales autem & agricolæ de illo adeo insulsè, dicam, an altum, præter morem sentiebant, ut siquos crederent in ista regione obsessos aut sagarum fascino tortos, ad illum tanquam ad potentissimum Exorcistam, salutaris ope implorata, confugerent, donec hoc credulæ plebis elogio in probrum verso, hanc potestatem in Dæmonas sibi adscriptam procul a se eliminaverit; interim benignè monens, ut de providendis tantorum malorum, junctis precibus & jejuniis expugnandorum, remediis *Ministros* Sacrorum irent consultum. Ne verò suspiciones istæ ubique creditæ, nulla versutia, obtestationibus nullis hæctenus obtinendæ, fidem quoque apud novum Regem adipiscerentur, quod ipsi in magnum tum dedecus tum damnum cessurum *Deus* non potuit non arbitrari, libellos supplices, simul cum Apologeticis literis, jam denuò recusis, 50. die Junii 1604. R. *Jacobo* in manu exhibendos curavit, in quibus se ab omni magis crimine purum & integrum esse iterum maximo studio obtestatur: sese coram ipso, Consiliariis, ordinibusque regni tum coactis examinandum offerens de illis rumoribus & suspicionibus, quibus per universam *Angliam*

*gliam* usque laborabat, ac, si aliquid cum Dæmonibus commercium habuisset, sub poena mortis aut vivicomburio, aut lapidatione, aut vivi corporis sepelitione immisericorditer infligenda, si magis objectæ reus calculis Adversorum & Judicium deprehenderetur. Ita in falsissimâ impiaque sui opinione, de familiaribus suis Amicis, quos bonos esse Angelus à Deo missos credidit, non isthoc infami Dæmonum titulo dehonestandos, pertinacissimus deirusque persistabat. Sed serenissimus Rex, quo nemo artes Diabolicas, qualicunque velo obtectas, aut solidiori iudicio, vel aciori zelo, execratus est de illo ejusque vitæ instituto & studiis à D. Roberto Cecilio, Comite Salisburie, & Angliæ Thesaurario, cujus sapientissimis consiliis, in arduis regni negotiis innitebatur, informatus, hominem, ut videtur, despexit, planeque indignum Regali gratia & favore, pro pietate & eruditione sua judicavit.

Tandem igitur, siue ex tædio, siue consecræ ætatis malis fractus, siue potius improprie dictionisque, ipsi petulanter ingestis, obrutus, *Mancestriam* mense Novembre A. 1604. reliquit, reservatis sibi, licet absenti, solvendo, Præfecturæ proventu & salario, ædes proprias *Mortlaci* sitas repetiturus.

Mense Martio A. 1605 Devo calculo aliisque ægritudinibus laborante, extrema paupertate oppresso, perplexisque sauciz mentis angoribus agitato, qui novum horumce oraculorum interpretem & *Inspectorem*, *Bartholomæum Hickmannum*, jam nactus fuerat, (in cujus locum, si forte abesse, aut in *Anglia* non morari contingerit, intimus *Devo* amicus, *Joannes Pontesius*, nuper ex *Polonia* redux, chymicis experimentis, curiosisque artibus addictus, substitui obnixè rogavit) personatus *Raphael*, solus, uti in sequentibus actionibus, comparens, illum bono esse animo, & de recuperanda valetudine securum fore iussit, & mox promissionibus de certa Lapidis Philosophici & libri S. *Dunflani* cognitione & intelligentia renovatis, item de miraculis ab ipso edendis, ut de aliis divinæ sapientiæ mysteriis & arcanis ipsi revelandis; neminem mortaliū aut unquam præter *Enochum*, habuisse, aut habiturum, tales tantosque celestium rerum scientiæ gradus, quos de futuro sponderet, iteratis actionibus, ut Patriâ relicta, exterarum regiones, rebus compositis, quàm primum potuerit, peteret Dei nomine mandavit se in ipsius perpetuum comitem, sicut olim fuerat *Tobia*, destinari; *Sarisberiensē* Comitem à Diabolis, quos nominat, exagitatū in illum pro Mago habitum, implacabili odio ferri, insidiasque ad illius certam perniciem frueri; ideo ex *Anglia* festinandum esse, si salvus esse veller. Interim *Devo* multa dubia solvenda proponit, puta de alienis pecuniis, deque  
suis

suis vasis argenteis furto sublati, de thesauro abscondito inveniendū, de commeatu comparandū, de focii itineris, & præsertim de regione & urbe, quæ eundem, & maximo commodo consistendū esset: cui inter cætera, quæ planè omittenda censeo, responsum erat, totum illud, siue *Germaniam*, siue quamcunque aliam regionem elegerit, soli ipsius arbitrio referendū esse: ubicunque esset, sibi prorsus & prospectum fore, & quicquid faciendū maximè conveniret, ibi edocendū esse. Harum actionum, quæ Martio præcedente cœperant, ultima septimo<sup>o</sup> Septembris peragebatur. Sed non longè post, dum omnia itineri instituendo necessaria pararet, miserrimus *Devus*, adhuc propriis ædibus adfixus, morbo magis magisque recrudescente, vitæ cursum, octogesimo primo ætatis anno, explevit. Ita quidem fatalibus istis illusionibus, quibus animum per quinquaginta annos innexuisset, absque aliquo deploratissimæ fatuitatis sensu, immortalis videtur, & intra cancellos Ecclesiæ parochialis, de cujus fabrica & reparanda & ornanda benè meruerat sepultus jacet. Cujus nomen, apud omnes posteros mansurum, alii ob summam in Mathematicis peritiam cum honore legent; alii ex intuitu humanæ infirmitatis, & ex nimis credulitatis exultatione miserabuntur; alii verò ob impium novæ religionis in mundum invehendæ, zelum studiumque odio, horrore & execrationi habebunt.

Hactenus historiam vitæ & studiorum *Joannis Devi* strictim quidem & pressè descripsi. Cùm verò multa, quæ utrisque illustrandis suppetant, ne hæc narratio, iis passim insertis, interrumperetur, prudens & de industria omiserim, ea in hac appendice, uti in commodiori loco, brevi quoque compendio, recensere.

Quod ad genus patrum attinet, de nobili & antiqua stirpe, originem è *Wallia* ducente, cum excusatione, imò & jure merito, prout moris est, gloriari potuit *Devus*, si *Rodericum* magnum, & *Hoelem Dha*, i. e. *bonum*, *Wallia* Principes utrosque celebratissimæ apud Gentem suam famæ, & immortalis memoriz, deinde *Rhesum*, alioque magni nominis viros, longa serie, (si schemati genealogico ab ipso producto fides sit adhibenda) ad usque *Davidem*, *Joannis* nostri proavum, continuatos, inter majores ritè numeraverit. Hic verò cognomentum *Dey*, quod Britannicè significat *Niger*, in familiam primus transtulit: quod mox molliori sono prolatum *Dæe*, ad filium *Bedonem* signiferum, nepotem *Rolandum*, & pronepotem *Joannem* transibat. Sed cùm supervacanei esset laboris, & à re prorsus alienum, in horum omnium studiis, gestis, vitæque accidentibus, si justa suppeteret materia, indagandis recensendisque diutius immorari, unicum tantùm è seris nepotibus me-

morabo. Is est *Franciscus Dee*, *Bedonis* abnepos, olim Collegii *S. Joannis* Evangelistæ in Academia *Cantabrigiensi* socius, qui per aliquos Ecclesiasticarum dignitatum gradus, factus Decanus Ecclesiæ *Cicestriensis*, tandem ad sedem Episcopalem *Petroburgensem* regnante *R. Carolo* primo, promovebatur. Vir quidem verè venerabilis, de sede sua, & de Collegio, quo educatus fuerat, præclarè meritus, piamefflaviv animam *A. 1638*. De *Arthur*o, filio nostri *Joannis* natu maximo, postea dicendum erit.

Licet *Devus* à quibusdam in libris editis & à nostratibus in familiaribus colloquiis de illo habitis communissimè appellatus sit *Doctor*, sive, Medicinæ, sive, ut aliqui somniant, Theologiæ: certò tamen constar, illum laurea, quam olim in Academia *Cantabrigiensi* consecutus fuerat, Magistri contentum, superiorem gradum & titulum in Academiis, sive nostris, sive exteris, neque ambiisse, neque capessivisse. In iumentis de prædiorum ad Collegium, cui præfuit, attinentium elocutionibus, ut ex Registro patet, semper nuncupatur *Magister Artium*: nec obstat, quod in rotulo membranaceo in quo omnium Custodem istius Ecclesiæ Collegiatæ, à *D. Thoma LaWare* Sacerdote, & postea Fratrem natu seniore absque prole mascula ex vita decedente, Barone Parlamentario sub *R. Henrico* quinto, fundatore, usque ad *Joannem Devum*, nomina & insignia gentilitia coloribus depicta longa serie continentur, supra propria ipsius familiæ Anglicè inscriptum sit, *M. Joannes Dee, Doctor in Mathematicis*, ex altera parte: *Ille est hoc tempore Custos, uti per aliquot antecedentes annos: Ille est Mathematicus Regius*: cùm hic titulus, honoris causa, ob summam illius in scientiis Mathematicis peritiam delatus, nunquam publica auctoritate, qua aliarum facultatum Professores Doctoratu insigniuntur, illi cesserit.

Cùm *Devus* orbiculum istum crystallinum, quem interdum *Anglicè the Shew-stone, or Skry-sone*, interdum *Lapidem Manifestationis, Lapidem Sacrum*; & mysticum, ac denique receptaculum nuncupat, post finitas actiones intus læpissimè in adversa parte aurea cortina, interdum etiam albo velo dæmonum præstigiis obductum, sibi ab Angelo in manus traditum fuisse insulè credidisset, nemini mirandum videbitur, illum cœlestè hoc munus, gemmam suam, uti paulò ante mortem appellavit, summo honore & reverentia habuisse: ne igitur temerè & quasi impuris manibus, dum huc illuc pro re nata transferri oportuerit, tangeretur, aut in pavementum ex rotunditate materiæ, aut ex lævore vitri fortè caderet, machinulis ex auro compàctis, quibus sedi suæ infixum manebat, affabrè adaptatis, maximè cavebat. Fide verò priùs data & quidem concep-



ceptis verbis, *Neminem ex malis spiritibus*, quorum fraudibus & illusionibus aliter obnoxii esse potuissent, illum *ingressurum esse*, quando *Kellens* cum Angelis extra crystallum in liquido aëre quasi fluitantibus seseque librantibus sermones conferere maluisset, hac de causa, ne ipsis fraus inde fieret, intercessit *Deus*, qui tamen postea falsus est, quendam dæmonem forma magni molossi nigri coloris, se pro bono Angelo ostentantem, intus apparuisse: quem ideo ingestis convitiis *canem inferni* nuncupavit. Sed hisce dubitationibus subinde in animo admissis, & toties fraude dæmonum evanescentibus, promissione à ficto *Michaele*, nullam rem immundam vas istud unquam in futurum subituram, renovata, *Deus* in pristinam relabitur vesaniam, licet mox quidam Dæmon filii, in quo populi terra erunt maledicti, i. e. *Antichristi*, ut ipse interpretatur, parens se in eodem crystallo visendum exhibuisset.

Proximo loco memoranda venit *mensa Fæderis*, Anglicè *League Table*, or *Table of Covenant*, cujus totam fabricam, quoad formam & dimensiones, unà cum variis lineis, figuris, & characteribus, in plana superficie inscribendis, prout ab Angelis directoribus, præsertim à *Gabriele* edoctus fuerat, fuscè describit. Figura autem ista, quæ centrum mensæ occupat; ex quadris oblongis, in quarum singulis decussatis ignoti characteres signantur, constans, appellatur *sigillum Dei*, nunquam nisi cum ingenti reverentia inspiciendum, cui in omnibus actionibus Lapis mysticus erat superimponendus. Illa ipsa mensa, quam *Magicam* verè appellare poterimus, in Bibliotheca *Cottoniana* etiamnum existat: nec ulteriori illius descriptione opus erit, cujus icon æri incisa ante harumce actionum historiam, à D. *Causabono* editam habetur.

Ad hanc mensam spectabat peculiaris sacer, uti appellatur, *apparatus*, putà stragulum, candidum linteamen instratum, pluteus, candelabrum, cereus, in tempore actionis ardens, pulvinaria, quibus rubræ cruces intextæ, quæ omnia Oratorio hisce horrendis sacris devoto pro more reposita erant: quod nemini præter mystas impunè ingredi liceat, si illorum fabalis aures faciles adhibeamus. Cùm enim in *Devi* sacellum in ædibus *Mortlakianis* hisce usibus destinatum quidam *Lascovii* famulus temerè irrupisset, ob hanc impiam *Sanctuarii* prophanationem, illum post paucos menses submergendum esse horum rituum violatorum irati vindices denunciant.

Præter famosum istud crystallum supra memoratum, quod *primo sanctificatum* & *præcipuum* appellatur, verisimile videtur, alios etiam vitreos orbes minoris formæ, quorum frequens usus apud Magos, uti fertur, obtinet, *Devo* suppetiisse: an verò arte facti, aut unde allati

fuerint, non quicquam, quantum sciam, in opere edito indicavit.

Si mores exteriorumque vitæ cultum contempler, non quicquam ipsi in probrum & ignominiam verti possit: utpote sobrius, probus, affectibus sedatis, compositisque moribus, ab omni luxu & gula liber, justus & æqui studiosissimus, erga pauperes beneficus, vicinis facilis & benignus, quorum lites, utrisque partibus contendendum ad illum tanquam ad sapientem arbitrum appellancibus, moderari & decidere solebat: in publicis sacris cœtibus & in orationibus frequens, articulorum Christianæ fidei, in quibus omnes Orthodoxi conveniunt, strenuus assertor, zelo in hæreses, à primitiva Ecclesia damnatas, flagrans, inque *Puccium*, qui virginitatem B. *Maria* ante partum *Christi* in dubium vocavit, acerrimè invehens: licet de controversiis inter Romanenses & Reformatos circa reliqua doctrinæ capita non adeo scrupulosè sollicitus, quin sibi in *Polonia* & *Bohemia*, ubi religio ista dominatur & viget, Missæ interesse & communicare licere putaverit; in *Anglia*, uti antea, ita post reditum, omnibus Ecclesiæ *Anglicanæ* ritibus conformis. Omnes igitur non sine causa mirabuntur, virum ejusmodi dotibus moribusque præditum in tantam, quam insanivit, insaniam prolabi potuisse. Sed quod supra dixi, & hic iterum necessariò repetendum videtur, immodicum sapientiæ studium, indebitusque scientiæ arcanorum Dei & naturæ amor illum hisce malignorum Spirituum illusionibus maximè obnoxium reddidere. Hos pro suis *Magistris* & *Institutoribus* agnovit: Deo solenne ob ipsius ad hunc *beatorum statum* & conditionem, ipsi peculiarem, *vocationem* & *electionem* gratias agit: oratque Deum, ut *sam sanctis hospitibus dignus sit*. Tam altum nimirum in ipsius medullis infederat, hæc impia fallaxque opinio, quod essent boni Angeli, ut nullis rationibus, argumentis nullis, evelli unquam potuerit. *Kellus* hac ex parte sapienter, qui interdum disertim asseruit, illos esse *dæmonas*, & sæpè quidem dubius animi, quicquam commercii cum iis habere nolebat; imo & omni futuræ interpellationi obsignatis tabellis renunciavit: sed toties à *Deo* reprehensus, quod hisce cœlestibus revelationibus diffidisset, & ejusdem animà in pignus & vadimonium oblata, importunis precibus & obsecrationibus, ægrè & penè invitus, ad impium istud, quod obibat, ministerium retractus. Non diffidendum est, *Devum* istiusmodi malas suspensiones in animo subinde aluisse. Norat enim, Pseudo-Angelos, virum illustrissimum, D. *Hemicum Sidneium*, R. *Elisabethæ* à secretioribus consiliis, qui *Hibernia* regnum, illius nomine & auctoritate, prudentissimè & felicissimè gubernaverat, fatis concessisse, cum adhuc in vivis esset, & per multos annos postea superstes, tanquam ex certissimo

&c

& infallibili oraculo proferentes, turpiter mentitos: quod crimen falsi cum illis objecisset, hac excusatione, aut *Kellæum* illorum verba malè intellexisse, aut quendam malignum spiritum, dum illi aberant, vitream spheram occupantem, hanc fabulam & mendacium distasse, in legitimam illorum innoxie veritatis probationem & argumentum accepta, facilè cum hisce impostoribus redibat in gratiam. Noverat miserimus *Devus*, & quamplurimis exemplis convictus, falsus est, malos spiritus, in aliis, quibus miris officiis horrendum in modum illuderetur, operari solere: horumque quoque apparitiones in crystallo suo, contra quam ab initio promissum fuerat, antea factas fuisse: in quibus miros jocularisque ludos, instar circulatorum & agyrtarum, egere: quorum unum pro per ridiculo & stolido dæmone habitum, *mendacem* ipse appellavit: quem prolato in opprobrium proverbio, *mendacem oportet esse memorem*, illinc abire jussit: & tamen hæc omnia fraude, dæmonum menti de veritate actionum scrupulos subtili artificio injicere cupientium, ipsis objecta fuisse insulsiſſimè statuit; nec quicquam mali, de *Amicis suis spiritualibus*, uti appellat, suspicari voluit. Hi verò, ne qualicunque modo ab hac fatuitate liberaretur *Devus*, magnoperè sibi laborandum esse censuere; sæpenumerò enim, ingestis asseverationibus, ad omnem dubitationem eximendam, inculcant, *se esse bonos Angelos & nuncios Dei administratos*, in quorum societatem ille & *Kellæus* admissi erant, & demum hæc illuminationes à vocibus & præsentia sanctorum Angelorum fluere: imo Pseudo-Uriel ad fidem certius faciendam, invocato Dei nomine, *per cælum & terram* jurat, *se esse verum Urielem, lumen & servum Dei*: de hisce divinis revelationibus, ipsi & *Kellæo*, quos Prophetas & in adventum Domini sanctificatos esse dicebat, traditis, certissimè fide constare; quodcunque ab ipsis communicatum fuerit, certò eveniturum: nec unam libri hujus prophetia literulam perituram: itemque, ex hisce libris veram Apostolorum & Prophetarum doctrinam colligendam esse. Identidem dixere & Pseudo-Raphael, *quamdiu cælum & terra durabunt, harum actionum memoriam nunquam abolendam*; & Pseudo-Gabriel, *doctrinam hanc ipsis traditam & tradendam, in universarum Gentium usum ad usque finem mundi conscribendam esse*.

Hæc falsissima persuasione inductus *Devus*, non oscitanter, non temerè, subitove aut præcipiti impetu, actionibus se ingessit, sed pio, ut videtur, & sedato affectu, ac mente sobria paratus accessit, & si quando actio quæpiam insignis peragenda esset, qualis illa erat, cui interfuit *Stephanus Rex Polonia*, confessione, ut pacatam mundamque conscientiam haberet, & coelestibus hisce mysteriis capiendis aptior redderetur,

deretur, prius facta, ter feriis Paschalibus communicavit : oratione ad Deum semper præmissa, interpositis piis ejaculationibus, & sententiis, & post finem solenni doxologia & gratiarum actione trinuni Deo red-dita.

Quibus autem versutiis strophisque illum dæmones deluserint, quod antea innuebam, hic diductiùs indicabo.

Ut *Devo* divinæ Sapientiæ arcanis avidissimè inhianti, majori certiorique cum successu palpum obtruderent impostores Angeli, obtendunt, res ejusmodi, *qua justos & sanctos hætenus latuere, ipsi resectas fuisse & retegendas*; barbaras quasdam voces ex varia literarum connexione constatas, ex lingua, cujus familiarem usum & notitiam in suo innocentiz statu habuit *Adamus*; qua post lapsum deperdita, & ex memoria ipsius penitus deleta, Protoplastes ille ex Paradiso depulsus, planè obmutescens, linguam Ebræam discere coactus fuerit, nulli mortalium, præterquam illi & *Kellao*, antea cognita, haustas esse, triginta regiones, situ discreto dispositas, inter spiritus, qui aërem ab elemento ignis ad terram usque expansum incolunt, dispersitas, & universum mundum duodecim Angelorum, qui totidem tribubus præsunt, ministerio regi inde tabulas tum literarum, tum numerorum, quas *claves apothecarum Dei* esse fingunt, componi mandant, numero XLIX. in quibus mysticæ voces Angelorum continentur : unde quoque *perfecta creaturarum Dei cognitio & Cabbala natura* erant addiscendæ : quibus recludendis adaptatas *claves Angelicas* tradendas esse : *Enochi librum*, mysticis figuris coopertum, inque tenebras ex humano visu subductum, *verum creaturarum Dei & universæ terræ usum completentem*, in quo componendo, Angelo dirigente & instituyente, per integros quinquaginta dies laboravit, *Devo* per *Urielem* replicandum multa quoque alia arcana coelestia posthac revelanda, & præsertim librum continentem *varias nominum Dei invocationes*, lingua sancta conceptas, describendum esse pollicentur : ita ut *Deus* præstigiis hisce planè & omnino dementatus, sibi que revelationes à Deo factas fuisse insulsißimè persuadens, quasdam tum Veteris tum Novi Testamenti periochas ad istas visiones & diabolicas enarrationes, sicut olim divinitus S. *Joanni* Apocalyptræ & *Esdra* contigisset, comprobandas impiè detorserit.

Cùm verò *Deus* prænoscenti futura, quorum certæ cognitioni assequendæ humani ingenii & sagacissimæ mentis vires planè deficiunt, desiderio incenderetur, huic vanissimæ curiositati aliqua ex parte blandiri moremque gerere, aut divinando, aut mentiando, voluere idem impostores. Prædictionum enim in actionibus ubivis sparsarum ingens pro-

stat

stat copia, ex qua numero paucas, nullo servato ordine temporis, excerpam: nempe, *Rodolphum* Imperatorem anni revolventis ambitu violenta morte interitum: *Ernestum*, illius fratrem in imperatoria dignitate successorem fore, familiamque istam non nisi ad tertiæ generationis prolem mansuram: *Stephanum* Regem *Polonia* prælio iniuncto occidendum mense Septembri A. 1585. Imperium *Turcicum* prorsus evertendum, & vexillum in media *Constantinopoli* erigendum, A. 88. centenario quidem omisso; solem motum in contrarium cœli punctum deinceps mutaturum, quasdamque stellas de cœlo casuras: Antichristum ante tres annos evolutos venturum, (*Devo* interim subdubitante, an vaticinium illud de naturalibus annis, an verò de mysticis, ex quadraginta duobus mensibus consistentibus, intelligendum esset) *Romanque* penitus evertendam, ne altero quidem lapide supra alterum superstire & relicto: Papam in solennibus Missæ vitæ exuendum, illumque qui substituendus fuerit, decimum quintum nominis assumendi futurum: Regem *Hispania*, duobus annis nondum finitis, è vita excessurum: & circa idem tempus *Elisabetham* Reginam ictu cœlitus immisso perimendam: *Curtizum*, qui de *Devo* malas suspiciones aluerat, miserè periturum: & *Emericum Sontagium*, Secretarium *Lascovii*, ob fidem læsam, seipsum propria manu interempturum: denique (piget enim plura ex hisce portentis referre) ipsum quoque *Devum* & *Kellaum* è medio tollendos, sed statim à mortuis resurrecturos. Hæc omnia splendida mendacia fuisse, nec cuiquam ex istis prophetiis parem eventum, præstituto tempore, vitæque sequentis curriculo respondisse cum manifestissima experientia edoctus comperisset *Devus*, quis non expectaverit, illum ab ista absurda & impia credulitate, qua tamdiu occæcatus fuerat, jamjam revocandum, tandem istiusmodi demonstrationibus convictum, à diaboli strophis laqueisque, quibus per tot annos ad illius voluntatem & arbitrium detineretur captivus, resipuisse? Sed proh deplorandam hominis cæcitate & vecordiam! Ille planè obbrutescens, omnique vero rerum divinarum sensu & intelligentia vacuus, in suis fatalibus erroribus usque & usque obduruir.

Cùm supra dictum fuerit, *Devum* sanum rectumque de præcipuis fidei Christianæ articulis iudicium servasse, nemo mirabitur, Impostores in asserendis sanctissimæ Trinitatis & divinitatis *Jesu-Christi* mysteriis, occasione data, & frequentes & impigros fuisse: aliter enim illum repulissent, seque ipsos reddidissent valde suspectos. In reliquis verò dogmatibus Theologicis, puta de transubstantiatione, confessione, penitentia, inter Pontificios & Reformatos controversis, doctrinam Ecclesiæ

*Romana* propugnant, in *Lutherum*, *Calvinum*, aliosque in genere *desectores*, ut statuunt, animadvertentes, monentque illi adharendum esse, scripturas etiam legendas, sed non mala interpretatione pervertendas, aut privato sensu intelligendas. Quod *Devo* non displicuit, qui se *bonum Romanum Catholicum*, utpote in solennibus sacri cultus officiis, dum hac longâ commoratione procul à patria abesset, seque & socium *obediuntissimos & humillimos sacrosanctæ Ecclesiæ filios & summi Pontificis Romani observantissimos*, in epistola ad Episcopum *Placentinum* obtestatus est.

In aliis rebus Theologicis varii argumenti facile est intueri in singulis actionibus, quotiescunque de mysteriis revelandis agitur, multa impia & falsa verbis turgidis conceptibusque, à veritate tam naturæ, quàm religionis maximè alienis, obiecta, ne mystas suos faciliùs securiùsque fallerent, intermiscuisse. Interim in Geographia naturalisque Philosophiæ scientia parum versati, & Linguarum *Græcæ & Latinæ*, qua in actionibus frequenter uti consueverint, saltem earundem proprietatis & elegantiz rudes, ut *face pro fac*, *Angele mee*. Et tamen illi, illi sunt, quos *Deus*, tanquam omnium Scientiarum, tam naturalium, quàm divinarum, promotos condos summo cum affectu & obsequio coluit, & pro infallibilibus Magistris pro fuituræ suæ habuit.

Huic obstinationi fortiùs inducendæ duo memorandi casus non parum conducere videntur.

Actiōe decimo die Aprilis A. 1586. *Praga* habita, iussus est *Deus*, ut libros omnes, numero viginti octo, in quibus, ut supra memoravi, revelationum, ipsi ab initio ad istud tempus factarum, historiam accuratè propria manu descripserat, afferret, & deinde simul congestos in ardentem fornacem prope positum conjiceret, flammis penitus absumendos. Huic mandato contra ire neuitquam ausus, quod imperatum fuerat, animo licet maximè reluctante, citra moram præstabat, & quidem perquam diligenter, ne aliter violatæ divinæ voluntatis reus perageretur. Ita omnis iste labor per tot annos in colligendis hisce arcanis impensus, paucis momentis coram ipsius oculis periisè visus est. Procul dubio irreparabile hoc damnum luctu, gemitibus, lachrymisque deploravit *Deus*, tanquam manifestum irati Numinis indicium: omni spe aut easdem revelationes redipiscendi, aut novas obtinendi, evanescere & excisa. Verumtamen decimo nono ejusdem mensis die, monitus à spiritu, habitum formamque hortulani, qui vineam ædibus vicinam coluit, induto ut illuc cum *Kelleo* descenderet, postquam loco commodo aliquantulum simul consedisent, *Deus* phylax candidæ papyri huc illuc

illuc vento agitatam juxta videns, properoque pede illò contendens, tres è libris combustis, ibi sub amygdala humi stratos, non sine ingenti stupore & læticia reperit, viz. *Enochi librum, quadraginta claves Angelicas*, utpote linguæ Angelicæ conscriptas, & Anglicè versas, & librum *collectionis triginta aërum, cui titulus, Liber scientiæ terrestres auxiliis & victoriæ*. *Kellæ* statim accedente, ambo flexis genibus summas Deo, ob hoc *miraculum & factum*, uti appellant, *memorandum in perpetuum*, gratias agunt, planè obstupefacti, quod absque omni coloris aut odoris inducti mutatione ab igne intacti, illæsi & integri servarentur.

Paulò post, *Kellæ*, præeunte eodem spiritali hortulano, ad ædes primùm, januis camerarum, ut obtenditur, ultro apertis, & deinde ad fornacem ductus, ab illo, facie versus illius ostium obversa, reliquos omnes libros, præter unum & alterum mox restituendos, ipsi à tergo porrectos acceptosque *Devo*, hujus apparitionis eventum præstolanti, reportavit. Hæc omnia in commentarios suos, omnibus circumstantiis accuratissimè adnotatis, exemplò retulit *Deus* illiusque rei præcipua cåpita & summam postea in literis sequente Julio ad supra memoratum Nuncium Apostolicum transmisit.

Alterum ostentum, vel quocunque nomine appellandum est, quod *Devo Trebona* A. 1587. commoranti contingebat, ita se habet.

Dum ille vicesimo quarto Aprilis die in Oratorio actioni interfuit, *principale illud Crystallum*, de quo tanquam de coelesti munere gloriari consuevit; una cum aureo sustentaculo, à quodam spiritu paulò ante in sublime elevatum, extra abripiébatur. At post mentem, *Devo & Kellæ* in horto ambulanti, hic duos juxta ripas fluvii vidit gladiis pugnantes, quorum alter alterum objurgat ob neglectum ipsi de restituendo Lapide inunctum munus, jubetque, ut eundem subter cervical lecti uxoris *Devi* quàm citissimè reponeret. Dictum factum, quo intellecto, *Deus* ad cubiculum suum sese proripuit, explorato lecto, quo uxor ægra tunc temporis decubuit, sublatoque cervicali, *pretiosum suum Lapidem* lætissimis oculis vidit reperitque. Ita hisce Dæmonum fraudibus & præstigiis sibi crasse imponi passus est.

Vix quidem dubitandum videtur, aliquam saniosi pulveris chrysopoeitici portionem *Devo & Kellæ* suppetiisse: unde verò habuerint, non adeò clarè liquet: neque enim artem hanc mirificam aut hic aut ille, licet ambo chymiz studiosissimi, grande istud arcanum aut propria industria, aut à seductoribus spiritibus fallacibus processibus instructi, per multos annos investigare conarentur, unquam adepti sunt. Ferunt, nec quidem ab omni similitudine & specie veri, vasculum quoddam, in quo

pulvis iste inclusus erat, in effodiendis *Abbatia Glasconienſes* in agro *Sommerſerſenſi* ruderibus olim repertum fuiſſe; juxta oppoſito libro figuris hieroglyphicis oppleto: in quibus interpretandis & explicandis *Devi* fruſtra deludavit induſtria. Ad fidem verò faciendam ille ſincerè & coram Deo, reſpectu ad theſauri iſtius ſive quantitate ſive pretium & valorem habito, *omnes Regum Chriſtianorum opes ſimul collectas congeſtaſque non decima iſtius parti equiparandas eſſe obteſtatur.* At poſtea Aprile 1587. cacodæmon, nomine *Ben*, pulveris in manus *Kellæ* tradendi honorem ſibi aſſumit.

Quicquid fuerit, D. *Rosenbergium*, quandam hujusce pulveris portionem, (circiter duas uncias) ab iisdem accepiſſe, ex illius quæſitis in Appendice reperiendis conſtat. Comitem etiam *Averſpergenſem*, elixiris, ut videtur, iis communicantibus, compotem, diſcis argenteis, ex vasis ſtanneis inde tranſmutatis, pro more luſiſſe reſert *Devus* filius, de quo mox dicam, qui ultra in familiari cum celeberrimo & eruditiffimo viro, D. *Thoma Bruno, Norwici*, ubi utrique longo uſu & amicitia conjunctiſſimi, artem Medicam profeſſi ſunt, converſatione olim habitæ, ſæpè aſſeruit, idque quidem interpoſito juramento, ſe hanc *projectionem bis factam viſiſſe*: ut alia ſive *τεταυδεύματα*, ſive commenta, à noſtratibus, pyrotechniam ad inſaniam uſque excolentibus, in medium produci ſolita, hic omittam. Nolo in rem facti rigide nimis inquirere: ſolummodo reſpoſiturus, filium tunc temporis nonum ætatis annum haud attigſſe, & prorsus ab omni ratione & fide abhorre videri, Patrem, ſi iſtiusmodi ingentem theſaurum ſecum ex *Anglia* detuliſſet, ad ſummam inopiam & incitas redigi potuiſſe, aut adeo improvidum fuiſſe, ut non ſibi aliquantulam partem ad neceſſitatibus, quibus poſtea premebatur & laborabat, anguſtiſque rebus domeſticis commodè ſubveniendum, in patriam redux reſervaverit.

*Kellæum* Necromanticum, & à longo tempore artibus Magicis initiatum fuiſſe, ex ſupra dictis conſtat; quod hoc duplici argumento ulterius confirmari poteſt: tum quod, *Laſcovio* præſente, dæmonas vilibili forma apparituros, ſive illius curioſitati gratificaturos, ſive ex vaniſſimo poteſtatis, quam habuit, in illos exercendæ pruritu, ſuſcitare in ſe ſuſciperet. Sed *Devus* interceſſit, neque horrendum iſtud ſcelus perpetrari ſivit: tum quod reprehenuſ à *Devianis* ſpiritibus, quod cum dæmonibus commercium habuiſſet, tantum abſuit, ut id aut excuſaverit, aut negaverit, ut id ſibi omnino licere quaſi gloriabundus acriter contendere. Moribus erat ſolutis, ingenio effero, turbulento, & ad rixandum maximè proclivi: ſi vel leviuſculè provocatus, ſive ſi res contra votum

&amp;c



& expectationem accidissent, in furorem & rabiem actus: viq̃ indulgens, technis dolique malis oculos incautorum, quos verbis fallacibus tefellerat pecuniis & gemmis emungens, de cudenda adulterandaque publica moneta suspectus, adeo ut scitum de illo deprehendendo è foro judiciali fuerit emissum: denique omni vero probitatis & religionis sensu vacuus. Hæc omnia tristis vidit & exploratissima habuit *Deus*, animo consternatus, tum ne in ipsius dhonestamentum & dedecus cederet, quod hominem, ejusmodi moribus spurcis incompolitisque infamem, sibi in socium adscivisset, tum ne *sanctum illud opus*, cui, ita ille apertis oculis somniavit, *ambo simul & conjunctim destinati erant*, abrumperetur, abiretque in nihilum. Hac de causa, licet perpetuis contentionibus rixisque vexatus, & flagitiis in oculos incurrentibus gravissimè offensus, illum blandis sermonibus lenissimisque consiliis & hortatibus ad sanam sobriamque mentem reducere sæpè, & quidem maximo opere, annisus est. Ita de *Kellai* ad Deum conversione & poenitentia, & de proposito vitæ juxta virtutis & religionis normam instituendæ suscepto, & de dæmonibus ex corpore illius ejectis plusquam semel triumphare videtur *Deus*: sed falsum esse animi repetita experientia comprobavit. *Kellæus* enim, habitū & longo usu quasi in naturam mutatis, in pristinos mores relabitur. Interim lucidis intervallis, quod hîc repeti oportet, sæpè numero de visionibus in crystallo factis, an bonorum Angelorum essent, dubitat: imo omnia ista portenta Dæmonum præstigiis fieri asseverat, *Deo* contra cum majori acritate asserente: tandemque abdicato *Inspectoris* munere, nihil cum illis deinceps acturum, seria deliberatione habita, apud se firmissimè statuit, ob id, cùm muneris tamdiu administrati primo tæderet, voce cœlitus emissa, objurgatus. Quo audito *Deus* totus mœsticia & horrore oppletus, quasi jam actionibus futuris finis esset imponendus, spiritualibus suis Magistris de novo *Inspectore* consultis, illorum consiliis & jussu, ad istud munus obeundum, *Kellæique* vices supplendæ filium *Arthurum* Puerum, anno ætatis octavo nondum exaceto, Septembre MDLXXXVII. substituit, utpote prius, *Kellæo* juxta assistente, initiandum, & per tres dies continuos, iteratis vicibus, oratione ad Deum, quâ novus Symmysta *in exercitiis suis mysticis uti debuit*, præmissa, huic sacro ministerio consecravit. Sed omninò frustra: spiritus enim illi, quos *fideles servos Dei* appellat *Deus*, licet invitati, neutiquam comparuere. Tandem tertio die *mirabilis fortuna sive fato divino*, verba *Deus* sunt, accessit *Kellæus* ad illos, nondum aliqua apparitione puero facta, & ad abdicatum munus reversus est. Inde mox secuta est execranda ista actio de communi & promiscuo uxorum concubitu admittendo, quam supra retuli.

Dr.

*Devum* jamjam in patriam reverfurum *Kellens* comitari noluit, sive criminum suorum conficius, sive spe longiori mora reparandi fortunas concepta. Ideo *Pragam* se citò proripuit, *Rodolphi* gratiam quoquam modo conciliaturus: quam & facile obtinuit, sive ex pulvere aurifico, quem à *Devo* surreptum clam apud se retinuisse perhibetur. Imperatori, chymicis experimentis addictissimo, in manus tradito, sive ex exquisita artis Chymicæ, & ex ignobilioribus metallicis fossilibus, quibus *Hungaria* & *Bohemia* abundant, aurum & argentum faciliori methodo extrahendi periticia. Hinc ipsius Chymicus constitutus, titulo & dignitate Baronis in regno *Bohemico* A. MDXC. augebatur. Sed felici hac prosperaque rerum conditione ac vice benè uti nesciebat: quippe qui animo elatus, magnas opes, ut quibusdam placet, Elixiris beneficio acquisitas & congestas, luxu & vanissima magnificentiæ & pompæ affectatione prodegit. Postea autem fraudis, qua Imperatorem, benignissimum Patronum & Fautorem ludificari pro versutia sua voluit, manifestus, in arcem conjicitur, ibi perpetui carceris poenam luiturus. Tandem à Regina *Elisabetha* in *Angliam* invitatus, aliis elabendi modis frustra quæsitis, ex alto ope funis secus muros descendere dum aggressus fuerit, in terram decidit & fractis ossibus contusisque lumbis A. M D XCV. post paucos dies miserè periit.

Supereſt, ut de *Arthur* *Joannis* nostri primogenito, pauca dicam, de reliqua numerosa illius prole parum sollicitus.

Ille nuptiis cum lectissima femina è nobili familia oriunda, *Manceſſaria*, durante Patris præfectura, feliciter initis, matureſcente cum annis judicio, Medicinæ & Chymicæ studiis, nunquam deinceps intermittendis, se totum devovit. Aliquanto post tempore ingenio & eruditione pollens, peregrinandi avidus, *Cæsari Moscovitico*, qui Medicum *Anglum* eò mittendum expetiverat, à serenissimo Rege, *Jacobo* primo *Britanniarum* Monarcha, commendatus, in ista Aula per octodecim annos summa cum laude moratus est. Post reditum inter Medicos juratos serenissimi Regis *Caroli* I. recensitus, fixas sedes sequioribus vitæ annis in civitate *Norwicenſi* habuit, ibique confecta ætate septuagenario major, diem suum ultimum circa A. 1650. obiit, & in Ecclesia S. *Georgii* sepultus jacet. Dum *Moscu* vixit, libellum, in quo collectanea præcipui momenti è scriptis S. *Dunſtani*, *Artephii*, *Raymundi Lullii*, *Arnoldi de Villanova*, *Riplei*, *Dastini*, *Bernardi Comitis Trevisani*, aliorumque selectorum acutissimorumque Hermeticæ Philosophiæ Magistorum, quos perfectam grandis istius naturæ arcani cognitionem sublimi ingenio, & indefessa industria, afflatu divino adjutus, adeptos fuisse adhuc

dum

dum crepant illorum filii & discipuli, ordinata & distincta methodo digesto, corollariis singulis capitibus explicationis causa annexis, continentur, lingua Latina A. 1629. composuit, eo fini, ut hujus *divina artis*, uti appellat, studiosi in perscrutandis naturæ arcanis, ut ut sub parabolarum, ænigmatum, æquivocarumque phrasium involucris, pro more, oblectis, & in investigandò & consiciendo desideratissimo lapide meliùs & faciliùs dirigerentur. Ita sibi in formandis & per universam vitam fovendis istis conceptibus mirè placuit indulgitque, ut famosissimum quendam Chymicum; gente *Hungarum*, relicta *Anglia*, adiisse duobus ante mortem annis, animo planè haberet, ni senectus incommoda intercessissent, hac sola de causa, ut *solemnem hujus magni operis processum*, ut ille loqui amavit, aggrediretur. *Fasciculum* hunc Chymicum V. C. *Elias Astmolinus* sub anagrammatismo celans nomen, assumptoque etiam *Mercuriophili Anglici* titulo, vernaculo nostro sermone A. 1650. edendum curavit, accumulatis in præfatione sua in Auctorem magnificis elogiis, quasi, edito hoc egregio ingenii & industriz fortu, omnes artis Spagyricæ cultores & alumnos sibi in æternum obstrinxisset. Interim non possum satis mirari, *Deum* patrem filio tantæ spei & in illius pueritia horrendis sacris initiato, quando in virilem ætatem adoleverit & idoneus videretur istorum mysteriorum auditor, schedas, *actiones*, & *consultationes cum spiritibus habitas* complectentes, non ostendisse, aut legendas permisisse; neque enim quicquam ex istis sibi compertum fuisse, præfate D. *Bruno* supra memorato, professus est) nisi forte dici possit, illum *Relationes* istas mox post reditum ex *Bohemia* subtrasteram aut alibi abscondisse, nunquam se vivo in lucem producendas, ne si quoquam casu comparuissent, isthoc prætextu & ex istiusmodi claris indiciis, in illum tanquam Magum & diabolicæ doctrinæ propagatorem, capitali poena; juxta legum rigorem exigendâ animadvertere-tur.

*Index librorum , quos partim Latinè , partim  
Anglicè , scripsit Joannes Devus.*

*Impressi.*

1. **P**ropozdeumata Aphoristica , de præstantioribus quibusdam naturæ virtutibus Aphorismi 120. *Londini* anno 1558.
2. Monas Hieroglyphica ad Regem Romanorum Maximilianum , *Antuerpia* 1564.
3. Epistola ad eximium Ducis Urbini Mathematicum , Fredericum Commandinum , præfixa libello Machometi Bagdedini de superficierum divisionibus , edito opera Devi & ejusdem Commandini Urbinatis *Pisauri* 1570. Exstat MS. in Bibliotheca Cottoniana sub Tiberio B. IX. Post prælationem hæc habet D. *Usserius* Archiepiscopus Armachanus. *Notandum est autem , Auctorem hunc Euclide usum in Arabicam linguam converso , quem postea Campanus Latinum fecit. Auctor igitur propositionum videtur fuisse Euclides : demonstrationum , in quibus Euclides in Arabico codice citatur , Machometus Bagded / sive Babylonius.*
4. The British Monarchy , othewise called the petty-Navy Royal. A. 1576. Reperitur MS. in museo Ashmoliano.
5. Preface Mathematical to the English Euclide published by Sir Henry Billingsleg Knight : where he sayes many more arts are wholly invented by name , definition , property , and use , than either the Grecian or Roman Mathematicians have left to our knowledge. A. 1570.
6. Divers and many Annotations and Inventions , dispersed and added after the tenth book of English Euclide. A. 1570.
7. Epistola præfixa Ephemeridibus Joannis Feldi. A. 1557. cui rationem declaraverat Ephemerides conscribendi.
8. Parallacticæ commentationis praxeosque Nucleus quidam. *Londini* 1573.

*Inediti , quorum aliquot reliquit imperfectos.*

1. The great volume of famous and rich discoveries : wherein also is the history of King Solomon , every three years his Ophirian voyage : the originals of Presbyter Joannes , and of the first great Cham and his suc-

successors for many years following : the description of divers wonderful isles in the Northern, Scythian, Tartarian, and the other most Northern seas, and neere under the North-Pole ; by record written 1200 yeares since, with divers other rarities. A. 1576. Exstat in bibliotheca Cottoniana sub Vitellio : C. VII.

2. The British Complement of the perfect art of Navigation. A great volume, in which are contained our Queen Elisabeth her tables gubernautick for navigation by the paradoxall compass (invented by him A. 1557.) and Navigation by great circles : and for longitudes and latitudes, and the variation of the compass finding most easily and speedily, yea if need be, in one minute of time, and some time without sight of sun, moone, or starres : with many other neu and needfull inventions gubernautic. 1576.

3. Her Majesties title royal to many forraigne countryes, kingdoms, and Provinces, by Good testimony and sufficient prooffe recorded, and in twelue volume skins of parchment fair written for her Majesties use, and at her Majesties commandment. A. 1578.

4. De Imperatoris nomine, auctoritate, & potentia : dedicated to her Majesty : in English A. 1579.

5. Prolegomena & Dictata Parisiensia in Euclidis Elementorum Geometricorum librum primum & secundum, in Collegio Rhemenfi. A. 1550. Vide præfationem ad R. Maximilianum Monadi Hieroglyphicæ præfixam. pag. 20.

6. De usu globi cœlestis ad R. Edwardum sextum. A. 1550.

7. The Art of Logic in English. A. 1547.

8. The thirteen Sophisticall fallacies, with their discoveries, written in English meeter. A. 1548.

9. Mercurius cœlestis. Libri 24. written at Louvaine. A. 1549.

10. De nubium, Solis, Lunæ, ac reliquorum Planetarum, imo ipsius stelliferi cœli ab infimo terræ centro, distantii, mutuique intervallis, & eorundem omnium magnitudine liber ἀποδεικνύς ad Edwardum sextum, Angliæ Regem. A. 1551.

11. Aphorismi Astrologici 300. A. 1553.

12. The true cause and account (not vulgar) of floods and ebbes : written at the request of the right honourable Lady, Lady Jane, Duchesse of Northumberland. A. 1553.

13. The Philosophical and Poetical Original occasions of the configurations and names of the heavenly asterismes : written at the request of the same Duchesse. A. 1553.

Hhhh

14 The

14. The Astronomical and Logistical rules and canons, to calculate the Ephemerides by, and other necessary accounts of heavenly motions: written at the request, and for the use of that excellent Mechanicien, Master Richard Chancellor, at his last voyage into Moscovia. A. 1553.

15. De acrobologia Mathematica volumen magnum, sexdecim continens libros. A. 1555.

16. Inventum Mechanicum, paradoxum, de nova ratione delineandi circumferentiam circulem; unde valde rara alia excogitari perficique poterunt problemata. A. 1556.

17. De speculis comburentibus libri 6. A. 1557. Aliquantilla pars exstat in bibliotheca Cottoniana sub Vitellio C. VII.

18. De Perspectiva illa, qua peritissimi utuntur Pictores. A. 1557. Idem fortasse libellus cum illo, qui adhuc superest in Bibliotheca Cottoniana sub Vitellio. C. VII. sub hoc titulo: *Perspectiva, sive elegans & utilis libellus de arte mensurandi cum circino & regula.*

19. Speculum unitatis, sive Apologia pro Fratre Rogerio Bacon Anglo: in quo docetur, nihil illum per demoniorum fecisse auxilia, sed Philosophum fuisse maximum, naturaliterque & modis homini Christiano licitis, maximas fecisse res, quas indoctum solet vulgus in demoniorum referre facinora. A. 1557. (a)

20. De Annuli Astronomici multiplici usu. A. 1557.

21. Trochilica inventa. Lib. 2. A. 1558.

22. *Περὶ ἀναβιβασμῶν θεολογικῶν.* lib. 3. A. 1558.

23. De tertia & præcipua Perspectivæ parte, quæ de radiorum fractione tractat. lib. 3. A. 1559.

24. De itinere subterraneo. lib. 2. A. 1560.

25. De triangulorum rectilineorum arcibus lib. 3. demonstrati ad excellentissimum Mathematicum, Petrum Nonium, conscripti. A. 1560.

26. Cabbalæ Hebraicæ compendiosa tabella. A. 1562.

27. Reipublicæ Britannicæ Synopsis: in English. A. 1565.

28. De trigono circinoque analogico opusculum Mathematicum & Mechanicum: lib. 4. A. 1565. Exstat in Bibliotheca Cottoniana sub Vitellio C. VII.

29. De Stella admiranda in Cassiopeicæ asterismo, cœlitus demissa ad orbem usque Veneris: iterumque in cœli penetralia perpendiculariter retracta post decimum sextum suæ apparitionis mensis. A. 1573.

30. Hipparchus redivivus: Tractatulus. A. 1573.

31. De

(a) Meminerat longè antea *Drusus* in præfatione ad Regem *Maximilianum*, Monadi Hieroglyphicæ præfixa. pag. 11.

31. De unico Mago & triplice Herode, eoque Antichristiano A. 1570.

32. Ten sundry and very rare Heraldical blasonings of one crest or cognisance, lawfully confirmed to certain ancient armes. lib. 1. A. 1574.

33. Atlantidis, vulgariter Indiæ Occidentalis nuncupata, emendatior descriptio Hydrographica, quàm ulla alia adhuc evulgata. A. 1580.

34. De modo Evangelii Jesu Christi publicandi, propagandi, stabilien-  
diq; inter infideles Atlanticos: volumen magnum libris distinctum  
quatuor; quorum primus ad serenissimam nostram potentissimamque Re-  
ginam Elisabetham inscribitur: secundus ad summos privati suæ sacræ  
Majestatis Consilii Senatores: tertius ad Hispaniarum Regem Philippum:  
quartus ad Pontificem Romanum, A. 1581.

35. Navigationis ad Cathayam per septentrionalia Scythiæ & Tarta-  
riæ litora delineatio Hydrographica, Arthuro Pett & Carolo Jackmanno  
Anglis, versus illas partes navigaturis, in manus tradita, cum admiran-  
darum quarundam insularum annotatione in illis subpolaribus partibus ja-  
centium. A. 1580.

36. Hemisphærii Borealis Geographica atque Hydrographica descrip-  
tio, longè à vulgatis chartis diversa: Anglis quibusdam versus Atlanti-  
dis Septentrionalis litora, navigationem instituentibus dono data A. 1583.

37. The originals and chieftpoints of our antient British histories  
discoursed upon and examined. A. 1583.

38. An advise and Discourse about the reformation of the vulgar Ju-  
lian year, written by her Majestyes commandment, and the Lords of  
the privie Councill. A. 1582.

39. Certain considerations and conferrings together of these three  
sentences, antiently accounted as oracles: *Nosce teipsum: Homo homini  
Deus: homo homini lupus.* A. 1592.

40. De hominis corpore, spiritu, & anima: sive microcosmicum to-  
tius naturalis Philosophiæ compendium. lib. 1.

41. The compendious Rehearsal of John Dee his dutifull declaration  
and prooffe of the course and race of his studious life for the space of  
halfe an hundred yeares, &c. A. 1592. Exstat MS. in Bibliotheca  
Cottoniana sub Vitellio C. VIII.

42. De horizonte æternitatis. 3. libr. 1. de horizonte: liber Mathe-  
maticus & Physicus. 2. de æternitate: Liber Theologicus, Metaphysi-  
cus, & Mathematicus. 3. de horizonte æternitatis: liber Theologicus,  
Mathematicus, & Hierotechnicus.

43. Thalatrocratia Britannica, sive de Britannico maris imperio Col-  
lecta.

Hhhh 2

lectanea extemporanea, quatuor dierum spatio, celeri conscripta calamo. A. 1597. Septembr. 20. Manceltrize.

Hactenus librorum *Dei* titulos ex ipsius indicibus propria manu exaratis, quos etiam ipse in Epistola apologetica ad reverendissimum D. *Joannem Whiggesium*, Archiepiscopum *Cantuariensem*. A. 1595. edidit, recensui. Exstant autem in Bibliotheca Cottoniana ii, qui sequuntur.

Correctiones & supplementa Sigeberti ex MSS. Codicibus per Joannem Dee sub Vitellio. C. IX.

De coni recti atque trianguli sectione illa, quæ *Parabola* ab antiquis Geometris vocabatur sub Vitellio. C. VII.

Several letters and papers between John Dee and Roger Edwards of a Theological argument. Sub Vitellio. ibid.

His bookes and papers concerning his conversation and actions with spirits: with the original letters of several Princes and great mento him. In a box. These printed by Dr. Meric Casaubon. A. 1559.

Vix operæ pretium videbitur heic addere, versus quosdam nullo ingenii sale aut grato sapore resperfos, interdum à Deo Anglicano sermone compositos fuisse, & ab ipso subinde, ætate pene delira, editos. Ne verò *Nortono*, *Ripiao*, reliquisque artis Chrysopoeticæ celebratissimis Magistris, qui istiusmodi arcana sub parabolis involuta rhythmicè publicarunt prorsus dissimilis haberetur: ille quoque *Testamentum* (sic enim improprie appellatur) sive potius breve consilium quatuordecim versibus comprehensum, ad *Joannem Guyne* A. 1568. transmitti voluit: quod in Theatro Chymico Britannico servari curavit *Elias Asmolinus*: ubi quoque exstant duo *Edwardi Kellai* Opuscula Rhythmica de lapide Philosophorum.

*In museo Asmoliniano reponuntur tria volumina variis argumenti.*

### In Primo Volumine.

1. **C**ompendious rehearsal of John Dee, his dutifull declaration and race of his studious life for the space of fifty yeares.
2. Præfatio Latina in actionem primam ex septem habitam X. Aprilis Pragæ, & jam in Latinam conversa sermonem. A. 1586.
3. Epistola ad Gulielmum Camdenum, data Mortlacj, VII. Augusti 1574.

4. The



4. The Contents of the Chapters of Dr. Dees booke, entitled, *Of famous and rich discoveries.*

5. A supplication to Q. Mary for the recovery and preservation of antient Writers and Monuments.

6. A letter from Dr. Aubrey, one of the Masters of Requests to Q. Elisabeth, to Dr. Dee, upon his perusal of his booke of *the British Monarchy.*

7. Bartholomæi de Rekingen, dicti Caricter, Medici Cæsarei Epistola ad D. Joannem Dee Londinensem de cancro curando, data Viennæ pridie natalis Domini 1564.

8. A letter from John Dee then Warden of Manchester College, to Sir Robert Cecil, Secretary of State, about some disorders and injuries done to that College, dated at Manchester 18. June.

9. Duplex schema nativitatis Joannis Dee: unum ex ephemeridibus Tubingæ, alterum ex J. Strecti tabulis calculatum: Londini ab E. Ashmolio, in privatum, ut puro, sui & amicorum usum, editum.

10. Schema natalitium *Edwardi Kellæ* à Devo formatum erectumque (ab Elia Ashmolio in Theatro Chymico pag. 479. Londini editum, & illius observationibus illustratum) una cum aliis schematibus ejusdem generis.

11. Several letters and papers concerning some notes of the life of Dr. Dee.

## Vol. II.

1. A plain discourse and humbl advise for Q. Elisabeth to peruse and consider: as concerning the needfull reformation of the vulgar Calendar for the civil yeares and dayes accompring or verififying according to the time fully spent.

2. A letter of Dr. Aubrey to John Dee about his booke of the British Monarchy, written 1577.

3. General and rare memorials pertaining to the perfect art of Navigation: annexed to the paradoxall compais in plaine. This written A. Ch. 1577. sola pagina (si in pugillaribus rectè annotavi) titulo tenus hinc reperitur.

4. An advertisement to the Reader concerning an Apology for and the praises of Dr. Dee written in the yeare 1577.

5. A discourse about the British Monarchy: where there is a project about a petty navy royall and the benefits of it: with several remarks

out of Records of the sovereignty of the British seas in the time of K. Edgar. This book inscribed to Mr. Christopher Hatton, Captaine of her Majestyes guard, and Gentleman of her privy Chamber. Written in 1576. and printed in the following yeare.

## Vol. III.

Several miscellaneous papers, relating to *John Dee* and *Edward Kelly*, collected by Mr. *Ashmole*, with several charmes and magical papers, and oddcures of diseases, with several prayers.

Præter hæc in eodem Museo quidam alii tractatuli & Epistolæ tum *Devi*, tum *Kellai*, reperiri possunt, variis libris sparſæ, quas in censum referre vix operæ pretium videbitur.

## ELOGIA DE JOANNE DEVO.

THOMAS DIGGESIUS in Epistola ad Lectorem præfixa *Joannis Dee Nucleo*. De *Devo* loquens,

*Vix in omni doctrinarum genere celeberrimus; tum in abditissimis Philosophia mysteriis admirandus.*

G. CAMDENUS in Britannia Londini 1607. in descriptione Comitatus Lancastriensis, pag. 611.

*Hanc alteram (Inscriptionem) mihi descripsit, qui vidit, Cl. Mathematicus, J. Dee, Collegii Mancestriensis Custos.*

NAUDÆUS in the History of Magic by way of Apology translated out of French, London 1657. pag. 38.

\* Dee. To him add John Denys \*, an excellent Mathematician an of our time, who printed an Apology for him self in the year 1570. and pleaded his own cause in London.

Pag. 229.

*Had wee the book, which John Dee, Citizen of London a very great Philosopher and Mathematician, sayes he had written in defence of Roger Bacon, where he shewes, that whatever was said of his miraculous operations, is rather to be attributed to the knowledge of nature and the Mathematicks, than to any commerce or conversation, hee ever had with Demons. I should have as little to say of him, as of Apuleius, who cleared himselfe from the like accusationes in two Apologies.*

## APPEN-

# APPENDIX,

A D

## JOANNIS DEE VITAM

*Serenissimo ac potentissimo Principi ac Domino, Domino  
RUDOLPHO, Dei gratia Romanorum Imperatori  
semper Augusto, ac Germaniæ, Hungariæ, Bohemiæ,  
&c. Regi, Archiduci Austriæ, Duci Burgundiæ, Sti-  
riæ, Carinthiæ, &c. Comiti Tyrolis, &c. Domino  
meo Clementissimo.*

OMNIPOTENTIS nostri Creatoris, Christianorum omnium Impe-  
ratorum Felicissime, O RUDOLPHE, tam est hominibus incog-  
nita illa, quæ cuncta disponit perficitque, Providentia, rataque ipsa re-  
rum series, & coordinatio, à primo ad ultimum, quòd à plerisque te-  
merè, fortuitò, vel casu, hoc illo evenire modo, existimentur omnia, Ne di-  
cas coram  
Angelo  
non est  
Providen-  
tia. Eccle-  
siastes  
cap. 5.  
quæ extra præterve suorum consiliorum designationes fieri conspiciant.  
Verùm, quibus est mens divinæ veritatis lumine collustrata, & ad mul-  
tiplices longisque intervallis distinctas rerum consecutiones considerandas  
attentior, evidentissimè deprehendent illi quidem, quæ, quibus præcur-  
rissè, tanquam causas occasionisque necessarias, alio priori, & interdum  
longè diversissimo, tempore, oportuerat. Atque ut varietatem nunc  
omitam exemplorum, quæ ex aliorum hominum inter se collatis vitis,  
conditionibus, factisque adferre possim, exemplum satis conspicuum hoc  
unicum fieri possit: Nimirum illa, incredibilis ferè, quæ inter Sacram  
Cæsaream Majestatem vestram & humillimum in Deo mancipium me  
vestrum, ex multiplicibus utrinque præcurrentibus occasionibus, jam  
quasi instare videtur, in unum idemque admirandum quid combinatio  
divinaque conspiratio. Ambiverunt me (Juvenem) illustrissimi Impe-  
ratores duo: victoriosissimus ille CAROLUS QUINTUS, & ejusdem  
frater, FERDINANDUS, vestræ Cæsareæ Majestatis Magnificentissimus

mus Avus. Hic, *Pofonio, Hungaria*: ille verò, *Bruzella, Brabantia*. Hic, Anno 1563. Ille autem, Anno 1549. Aft clementiffimum Imperatorem MAXIMILIANUM, Cæfareæ vestræ Majestatis patrem, immortalis gloriâ dignum, jam tum *Hungaria* coronatum Regem, invictiffimo quidem ipfo Tyranno *Turcico*, eodem in *Pofonio*, eodemque Anno 63. in deliciis habere cœpi: illiusque rariffimas virtutes, cum fideliter colere, tum posteritati easdem reddere commendatiffimas, opere quodam conabar Hieroglyphico.

\* Libelli  
Mons.  
dis Hiero-  
glyphica  
Theore-  
mate 20.  
jam ante  
20. annos  
editi.

Quo etiam in labore exantlando, animus mihi præfagiebat, *Austriacæ* \* familiez alium fore aliquando aliquem, in quo maxima mea spes, & publico Christianorum Statui, res confirmaretur, vel confirmari poterit, optima, maximaque. Vestræ igitur Cæfareæ Majestati, Imperatorum *Romanorum*, ex *Austriacorum* Principum nobiliffimâ familiâ, meâ ætate florentium, *Quarto*, adsum, & ego, Triplicis Alphabeti, Litera † Quarta. Atque ita adsum, ut meipsum ad pedes Cæfareæ Majestatis vestræ demissè osculandos offeram: plurimum gavifurus, si quâ in re Christianæ Reipublicæ, Imperatori tanto talique gratus utilisve esse potero.

† D }  
A }  
T }

Vestræ Sacræ Cæfareæ Majestati soli si hæc aliquandiu constare patiemini, neminique detegere velitis, rem facietis valdè necessariam.

CÆSAREÆ MAJESTATIS VESTRÆ.

Humillimus & Fidelissimus Clientulus

JOANNES DEE.

Pragæ, Anno. 1584.  
Augusti 17.

*Illustrissimo Domino, Domino Don GULIELMO DE  
SANCTO CLEMENTE, Serenissimi atque Ca-  
tholici Hispaniarum Regis, Negotiorum apud Sa-  
cræ Cæsareæ Majestatem, &c. Præsæcto, Domino  
meo observandissimo.*

**E**A est hominum in terris conditio, Nobilissime vir, ut sibi soli nul-  
lus natus esse videatur: immo neque sibi ullus omnia sponte nati-  
centia, vel ulro ab aliis oblata, quæ sibi maximè sunt necessaria, reci-  
piat. Mutuæ inde hominum emerferunt Societates, mutuæ amicitie, mu-  
tuæ operæ, mutuæ dona, rerum commutatio, & emptionis, rerumque  
venditionis contractus: alique diversi hominum existunt Status, unde  
hominum inter homines, & cum hominibus, multiplicia procurantur  
officia commerciaque. Neque omnium istorum sola est utilitas, vel  
quæ peribit, voluptas, scopus ille, vel finis, quem attingere conantur  
& student: sed aliud aliquibus est propòsitum, quod divinius quidem  
est, quod virtutem vel honestatem nominare possumus, quæ cœlis de-  
missa, hominum informet mentes & ornet, sibi que coarpet: adeo ut se-  
dibus illas reddat cœlestibus dignas. Illud, illud ergo est, illustrissime  
vir, quod Excellentiam vestram tam mihi pridie reddidit attentam, be-  
nignam, & perhumanam. Illud est, quod vestram reficitur memò-  
riam, & vestrum insigniter acuet ingenium, in causâ meâ suæ Cæsareæ  
Majestati tam proponendâ, quàm commendandâ: eoque tractanda mo-  
do, quo illa tractari arcana debeant, quæ à paucis credantur, & à pau-  
cioribus intelligantur: verissima licet sint, & ex sese utilissima. Quò  
citius Cæsarea sua Majestas mirabilem hanc & maximam Dei, non pro-  
videntiam solùm, sed bonitatem etiam amplexus fuerit, eò citius &  
abundantiùs meæ ad illum legationis constabit sinceritas, bonitas, & u-  
tilitas.

Voluissẽ equidem hunc inclusum libellum, litrasque inclusas ves-  
træ excellentiæ ipsẽmet attulisse. Sed (cum veniã sit dictum) ex digi-  
ti pedis mei, offensâ cuticulâ, non tam commodè possum hodie pedes  
venire: proinde amico meo hoc onus imposui, ut cum vestræ Excellen-  
tiæ manuum deosculatone omnia mea vobis offerat servicia: hocque quic-  
quid est, pro sua Cæsareâ Majestate, tradere munusculi.

Praga 24. Augusti 1584.

*Illustri & Magnifico Domino, Domino OCTAVIO SPINOLÆ, Sacræ Cæsareæ Majestatis à Stapulis & Cubiculis, Domino suo observandissimo.*

**I**LLUSTRIS ac Magnifice Domine, Non possum satis condignas vestræ Magnificentiz agere gratias, pro singulari illâ, quâ me heri amplecti celsis, humanitate & benevolentia: hominem quidem vobis incognitum; sed tamen Virtutis & Veritatis studiosissimum; quique omne reliquum meæ vitæ curriculum (Deo sic volente) in hoc eo consumere decrevi, ut sacra sua Cæsareæ Majestas clarè percipiat, sibi, incredibiliter ferè propitiam fore Dei omnipotentis tremendam Majestatem. Atque quavis videam, multiplicibus multarum regionum negotiis suam sacram Cæsaream Majestatem occupatissimam teneri; neque aliis, quicquid à me suæ sacre Cæsareæ Majestati proponendis, causis, commodè vacare, vel posse, vel evidenti aliquâ ratione deberet: tamen, si aliquis excogitari possit modus, pro loci, temporis & rerum occasione; quo sua sacra Cæsareæ Majestas, ea ponens me: videre, vel ex me intelligere dignaretur, quod illi forent grata: ea in re vestræ illustrissimæ Magnificentiz libentissimè audirem vel recipere informationem atque judicium. Nam in hoc totus ero, ut tempore debito appareat; omnipotentis Dei & suæ sacre Cæsareæ Majestatis servitio, maxime autem pro: sacrosanctæ, orthodoxæ, catholicæ, & Apostolicæ fidei illustratione, ac Reipublicæ Christianæ defensione amplificationeque addictissimum, fidelissimumque me esse, ac fore sacre suæ Cæsareæ Majestatis Servitorem.

*Illustrissimæ Magnificentiz vestræ  
paratissimus,*

**JOANNES DEE.**

Opportunitatis flos maturè colligi debet:  
citò enim fiet marcidus.

4. Septembris.  
1584.

*Episto-*

*Epistola altera JOANNIS DEE ad RUDOLPHUM  
Imperatorem.*

**M**ULTIS, ô serenissime Cæsar, & permagnis forè omnium creaturarum Dei, immò ipsius Dei, & cœlestibus haud paucis Myſteris arcanisque vestrz Cæsareæ Majestatis jussu, per me (sant, aîre quatuordecim dies) fideliter, sincerè, & diligenter, quantum sex horarum fieri poterat spatio, declaratis ac manifestatis eidem, cui, eadem penès me videnda, audienda, intelligendaque esse voluistis: inde nunc, quæ sit vestrz Cæsareæ Majestati simplex, tanquam ab æquo rerum Arbitratore, facta relatio; vel quod cum relatione adjunctam Judicium: vel, qualis totius processus excogitata censure: vel qualis mecum procedendi vobis persuasa cautio; vel quale pro Cæsarei vestri responsi formâ, initum caprumque consilium, non sum tam immodestè curiosus, ut expiscar; neque aliter vel aliâ ratione de sacrz vestrz Majestatis Cæsareæ prudenti & gratiosâ in præmissis resolutione sum sollicitus, quam, me fidelem, sincerum, & devotum Dei omnipotentis, & in Deo, propterque Deum vestrz sacrz Cæsareæ Majestatis Servitorum deceat: Video tamen, me (dum nullum adhuc ad præmissa receperim responsum) per tam aîi silentii (quasi) stimulum aliquantulum impelli, ut secundo vestram Cæsaream Majestatem admoneam, ne divinam hanc, & divinitus oblatam misericordiam, tam inexpectatam, tam magnam, tam inauditam, tam admirandam, tam multiplicem, tam Statui Imperatorio Christianæque Reipublicæ necessariam, tam certam, tam paratam, eamque per Dei omnipotentis Cæsareæque Majestatis vestrz fidelem servitorem re ipsâ vobis confirmandam & administrandam, (si sacra vestra Cæsareæ Majestas voluisset) parvi momenti negotium, vel inventum aliquod humanum, aut fraudem Diabolicam, esse, fuisse, vel fore, ullo modo suspicemini, vel credatis. Tali enim & tam gravi vestrz Cæsareæ Majestatis errore omnipotentis Dei incendi posse furorem vehementer vereor: & ne hanc Dei misericordiam respuentes, ejusdem indignationi provocetis vindictam, valde metuo. Quapropter, cum videam, Cœlum ipsum, & cœlestia talia myſteria, non tali tantæque curæ vestrz sacrz Majestati Cæsareæ adhuc esse, quali quavâque optassent equidem: ego potius, quam ut vel Deus hujus lux prius inauditz misericordiz, ultroque vestrz Cæsareæ Majestati oblât, prorsus nullum penès homines haberet conspiciunt Judicium, argumentum, testimonium vel experimētum: & potius

tius quàm mea sæpe nominata fidelitas, sinceritas, & devotio, siue votum erga Deum & vestram Cæsaream Majestatem, omni apud posteros nostros careret fide, & veritatis manifestæ robore: in Dei nomine, & ad ejus laudem, honorem, & gloriam, & ut vestræ serenissimæ Cæsareæ Majestatis satisfaciàm desiderio heroico, de lapide illo benedicto: (*Philosophorum* vocato *Lapide*) infallibiliter videndo, possidendo, & utendo: assero vestræ sacræ Cæsareæ Majestati, lapidem eundem me auxilio favoreque divino consecrare posse. Et propterea, si vestra Cæsarea Majestas, me velit interim sibi intimè charum habere, & si pro dignitate tanti mysterii & beneficii, sibi à me liberalissimè & humillimè exhibendi, gratiolè me tractare dignabitur, (non tamen alio quidem vel altiori me insigniens titulo, quàm qui vestræ Cæsareæ Majestatis Philosopho & Mathematico conveniat, his literis ore & corde polliceor, sancteque coram Deo omnipotenti voveo: opus illud Philosophicum, omnibus suis numeris perfectum, in manus vestras Cæsareas, & sine sumptibus vestris ad illud opus perficiendum requirendis, ac brevissimo, quo fieri poterit, tempore, nutu Dei, me daturum. De aliis præterea arcanis, adhuc mihi silendum esse video. Nunc autem sacræ Cæsareæ Majestatis vestræ gratiosam, liberam, constantemque voluntatem in præmissis, non aliter, nisi ex vestro proprio gratiolo ore, vel ex vestris Cæsareis Literis propriis, intelligere cupio. Nullum enim jam nosco dignum & aptum, qui in istis aliisque naturæ & artis Secretis meus penes vestram Cæsaream Majestatem fieri deberet *Mercurius*.

---

*Illustrissimo Domino, Domino Don GULIELMO DE SANCTO CLEMENTE, Serenissimi atque Catholici Hispaniarum Regis apud sacram Cæsaream Majestatem, &c. Legato, Domino suo observandissimo.*

**I**LLUSTRIS & Magnifice Heros, multis hoc probari potest testimoniis & exemplis, quòd illa, quæ præter vulgarium artium & Scientiarum decreta, nova, & supra vulgariè studiosorum expectationem, hominibus, licet piis & candidis quidem, divinitus revelantur mysteria, cum summâ difficultate vel intelligantur à paucissimis, vel vix sine suspensione admittuntur, aut creduntur à pluribus. Ast qualis in nostris, (si rectè pièque informata nostris adhibeatur Judicium) esse potest suspi-



picio? Nam à Deo omnipotente, per multos jam annos, fideliter, ardentè, & constanter per preces requisita Sapientia, una, scilicet, quæ penès nos quidem, videtur esse radix & occasio tanti istius doni obtinendi. Alit in cœlesti suo Palatio, ante conditum mundum, determinata & assignata erga nos misericordia & gratia omnipotentis Dei, præcipuum, solidum, immobileque hujus tanti Mysterii est censendum fundamentum: in quo Mysterio talis relucet per potentes fidelesque Angelos isagogica informatio de arcanis Dei consiliis, tam in mundi creatione, creaturarumque naturis & vero usu, quàm in mundi præsentis, moxque futuri, Statu: & præterea, de unius Catholicæ Ecclesiæ, charissimæ *Jesu-Christi* sponsæ, nostræque piæ matris, sanctitate, dignitate, & auctoritate, veluti in quâ etiam est Sanctorum communio, & peccatorum remissio, & de multis nondum per nos revelandis Dei arcanis, mag-nalibus, & determinationibus: quod tantum abest, ut aliquis sanæ mentis Christianus, actiones nostras mysticas diabolicas esse fraudes, contendere, immò ne suspicari quidem conetur aut possit: ut potius tale Arcanum Dei propositum incredibiliter admirari, Rationem humanam in eisdem examinandis subjugare, & Dei erga electos suos admirandam misericordiam in istis esse manifestam, humillimè & cum summo tremore fateri velit. Ego quidem hæcenus in istis aliud ferè nihil me esse invenio, nisi calamum Scribæ, velociter per me scribentis. Nam visâ audi-taque in meâ præsentia, fidelissimè, de literâ interdum ad literam, interdum verbatim, interdum pluribus simul receptis verbis, ipso eodem temporis momento, quo traduntur, annotare sum solitus. Alit jam in quàm multa excrevit noster talis labor volumina? Ex quibus omnibus illum fructum successumque expectamus, qualem præfixit ille, cujus nutui cuncta obediunt. Istas autem ad suam sacram Cæsaream Majestatem liceras meas, cum vestra Magnificencia opportunitatem inveniet primam, si meo nomine humillimè eidem exhibere dignabitur, tum magno mihi divinitus, inuncto levatus ero onere, tum magno à vestrâ Magnificencia affectus beneficio. Interim verò, dum suæ sacræ Majestatis Cæsareæ ad istas responsum dabitur, (nimirum si ad 14. vel 16. dies prius expectandum esset) vel, statim post acceptum responsum, si tam expedite illud recipere possum, quàm quod recepi ultimò, ad iter me accingere debeo, propter familiam, libros, & aliquam meam Supellestem, huc ante hycmis asperitatem transferendam. Ubi, cum Cæsareæ Majestatis gratiofo favore, & sub ipsius protectione Imperatoriâ, voluntatem omnipotentis Dei implere pro viribus, & suæ sacræ Cæsareæ Majest-

tati infervere, tanquam ejusdem *Philosophus & Mathematicus* fidelissimè, de tempore in tempus, paratus esse potero.

Illustri vestræ Magnificentiæ addictissimus;

J O A N N E S D E E.

## POST-SCRIPTUM.

**M**Earum esse partium & consuevit esse dixi vestræ Magnificentiæ paucissimis verbis significare, quod heri, manè, horà nonà, vir egregius & suæ Majestatis Cæsareæ fidei Consiliarius D. Doctor *Curisus*, me humanissimè invisebat in meo ergastulo & hypocausto, juxta *Bethlehem*, ubi videre poterat Bibliothecam præsentem meam, nullam ferè aliam esse, præter sancta Dei Evangelia & Biblia sacra, ipsosque nostrorum mysteriorum libros. Ego autem quodam humili modo, in cæteras querelas meas, de tam longâ interpositâ morâ conquerebar, inter ejusdem de meis rebus factam relationem & Cæsareum de eisdem recipiendum responsum. Ille verò se simplicissimè Cæsareæ Majestati visa auditaque penes me retulisse asseruit, nullo suo de eisdem adhibito judicio. Verum, Cæsari dixit, quasi impossibilia vel incredibilia fuisse visa. Et de responso mihi in hac parte dando secum adhuc suam deliberare velle Majestatem Cæsaream. Unde ego de literis meis istis, suæ Majestati mittendis, mentionem feci, & summatim earundem tenorem eidem enarravi. Ille easdem statim habere voluit, ipsi Cæsareæ Majestati à meridie mittendas, ego quidem Cæsaris me velle ad pauculos dies expectare adventum dixi. Deinde de rebus Mathematicis brevissimè inter nos habito sermone, illique ad pervidendum dato libello quodam Geometrico, per me & *Federicum Commandinum Urbinatem* in lucem olim dato, & mutuis, post utrinque promissis officiis humanitatis & benevolentiae, abiit.

1584. Sept. 18.

*Episto-*

*Epistola tertia JOANNIS DEE, ad Legatum Regis Hispaniæ.*

**I**LLUSTRISSE & magnifice Heros, Licet mea nondum privata curaverim negotia, pro quibus ordinandis multos interim, dum hinc abfuerim, & labores pertulerim, & sumptus fecerim: tamen nolui literas, ad vestram Magnificentiam à Nobilissimo illo Domino *Palatino Syriadenfi*, missas, in multas horas à reditu meo retinere penès me: ne aliquà ex parte officio viderer deesse meo, tam erga vestram Magnificentiam, quàm ipsum Dominum *Palatinum*. Quantum verò ad mysteriorum incredibilibus progressum, habeo & quæ dicam, & sunt, quæ audiam, multa ad veritatis causam, invitissimis ejusdem adversariis quibuscunque elucidandam. De quibus quando opportunum erit, paratissimus ero, cum audire, tum audiri: eo quidem modo, quo sinceritati & fidelitati meæ erga Cæsarem suam Majestatem erit convenientissimum. Interim aliquot dierum intervallum liberum requiro, ut tam ædes mihi meisque conducam, si fieri possit, accommodas, quàm ut alia ad rem familiarem spectantia disponam. Deus optim. Max. Magnificentiam vestram ornare beareque dignetur.

Illustrissimæ Magnificentiæ Vestræ  
Obsequentissimus,

JOANNES DEE.

*Pragæ Ukimâ Decembris. 1584.*

---

*Illustri & magnifico viro, D. JACOBO. CURTZIO  
Sacra Cæsareæ Majestatis ab arcanis Consiliis, Domino meo plurimum colendo.*

**I**LLUSTRIS & Magnifice Vir, Majorine gaudio affici debeam ex bonâ vestrà valetudine, & salvo meo ad *Pragam* reditu, an ex contumeliis hâc interim, dum abfuerim, contra me confectis, & variis ejacula-

latis reprehensionibus & quasi minis, dolore torqueri, penè incertum videri possit. Ego quod statui, hæcenus feci: Supellectilem scilicet ex *Cracovia* meam, cum tota familia mea, huc jam adduci curavi, cum magnis quidem laboribus meis; & sumptibus haud modicis. *Ædes* (ex quo jam veni) tales quales etiam cum aliqua difficultate conduxì. Et hac præsentì Septimanà, omnia hìc nostra ad easdem citissimè transferri, remque familiarem & Oeconomicam quodam crasso modo disponi, negotiorum meorum requirit ratio. Interim vestram Magnificentiam enixè oratam habere velim, ne ullo modo ægrè ferat, quòd eandem nondum inviserim, officioque meo, in hac parte accuratè satisfecerim. Spero, quòd unà mecum sentire velitis, jure merito in proverbium hoc abiisse dictum,

*Satis citò, modò satis benè.*

Non solum literæ ad me vestræ in habitu meo mihi magno interim fuere solatio: sed & ablente me, sæpe testificata bona vestra de me concepta opinio magno me delinivit gaudio: de contumeliis igitur, & literis vestris, & vestrà de me opinione, sive judicio, cum opportunum fuero nactus otium, prædictis negotiis meis confectus, vestræ Magnificentiæ adero, ut aliquid dicam: & paratissimus futurus, ut omnia, quæ poterò, faciam, quò vobis & posteritati constet, fideliter & sincerè, prout statueram, ad sacræ suæ Cæsareæ Majestatis egregia servitia animum me applicasse meum.

*Praga Januarii 6. Anno 1585.*

*Allocutio JOANNIS DEE ad Stephanum Regem  
Poloniæ.*

CONSOLATIO, pax, & misericordia Dei sit tibi, ô Serenissime Rex: coram quo divinitus recepi admonitionem, ut me sisterem, quod nunc humillimè facio: paratissimus cum omni fidelitate & sinceritate eà cum Regià vestrà Majestate tractare quæ mihi divinitus injungantur. Quotum Mysteriorum historias de ordine in ordinem, referre, prout occasio dabitur, non recusabo, aliaque omnia peragere quæ Deo & vestræ Majestati Regiæ grata fore intellexero.

R E-

## REGIS RESPONSUM.

UT de vestrà Personâ multa bona audiui absente, ita jam mihi gratus valdè est adventus vester, & si quod sit, in quo vobis mea gratia & favor possit esse commodo, non deero me vestrum fautorem & protectorem existere. Atque de istis & aliis majoribus rebus aliquid magis opportuni loquendi tempus post festos istos dies: quo tempore vos ad me accersî curabo.

† *Nyepolonicze in Aula Regis Poloniae.*

Anno 1585. Maii 23. A Meridie hora circiter 6.

*Allocutio brevis Regis Stephani ad J. DEE.*

**E**GIT mecum Dominus *Palatinus*, ut vos audirem de rebus istis magnis & raris fusiùs loquentes: quod libenter feci: & tamen hoc considerari debet, quòd Prophetæ omnes & revelationes jamdiu & in tempore Christi cessaverunt. Tamen si nihil in istis contra Dei sit honorem, eò lubentius sunt audienda: & ego quidem haud dubito, quin Deus nunc possit multis modis secreta quædam hominibus detegere, ad hæc usque tempora, inauditis & inusitatis.

*Responsum J. Dee ad Regem Stephanum.*

Δ Considero in oratione vestrà Regia tria quasi capitula, in quibus totius oratio vestræ est medulla. *Primum* de Prophetiarum & revelationum cessatione. *Secundum*, an aliquid in nostris actionibus vel Exercitiis insit contra Dei honorem: & *Tertium* (quod animo meo est valdè gratum) quòd Deo non præscribatis certos aliquos modos vel tempora, quibus sua hominibus velit aut debeat secreta detegere. De *Primo*, hoc possumus vestræ Majestati Regiz asserere quod ille Scripturæ locus haud rectè à plurimis intelligitur: & ab illis pessimè, qui velint omnimodæ Dei potentiz & misericordiæ & sapientiæ præscribere certos modos, & tempora certa: asserendo nullorum his temporibus esse Prophetiam, vel post *Christum* fore: quia omnes in *Christo* cessavere: hoc est, quia omnes de illo quæ erant Prophetiæ scilicet, de Dei filio in carne venturo, & Messia vero, & redemptore generis humani futuro, & de totâ illâ,

Kkkk

quam

quam nos agnovimus & confitemur Christiani, completam & consummatam esse, *Christi* historia, jam cellavere: adeo quòd illa neque jam futura sunt, ut putant Judæi, neque repetenda sunt, cùm jam sunt consummata & peracta, quemadmodum Prophetæ prænuñciabant: Nam ob hanc causam, cùm *Christus* Jesus in Cruce pendens scivisset, quòd omnes de eo Prophetiæ completæ fuissent, & præcipuus scilicet omnium Prophetiarum (ante Christum) scopus jam esset collimatus, & juxta præscientiam & propositum Dei redemptionis humanæ consummatum esset Mysterium, ipse dixit, *consummatum est*: Nam & *Paulus* dixit ad Judæos, nam cùm consummassent omnia quæ de eo scripta erant, deponentes eum de ligno, posuerunt eum in monumento.

- Joan. 19. Et post Resurrectionem suam implemet *Christus* suis discipulis (pergentibus versùs castellum *Emaus*, & de illius morte & Resurrectione dis-  
Ev.  
Act. 13. ferentibus & dubitantibus) dixit, *O stulti & tardi corde ad credendum in omnibus, quæ locuti sunt Propheta: nonne hæc oportuit pati Christum, & ita intrare in gloriam suam; & incipiens à Moysè & omnibus Prophetis interpretabatur illis in omnibus Scripturis, quæ de ipso erant, &c.* Et paulò post iterum ad eisdem vobiscum: *quoniam necesse impleri omnia quæ scripta sunt in lege, Moysè, & Prophetis, & Psalmis de me.*

Sed quantum ad alium sensum, quòd post *Christum* nulli essent Prophetæ vel revelationes, ipsæ Scripturæ planissimè contrarium docent. Nam quid dicendum erit de Revelatione, sive notabili illà Beati *Joannis Apocalypsi*, quæ post *Christum* erat? quæ & ab eodem *Joanne Pro-*

- \* Cap. 1. phetia vocatur, dicendo \* *Beatus, qui legi & audit verba Prophetiæ hujus, & servat ea, quæ in eâ scripta sunt; & in ultimo capite ejusdem Apocalypseos sive Revelationis ter eandem vocat Prophetiæ librum.*  
Apoc.  
Quare manifestum est post *Christum* esse Revelationes & Prophetias. Præterea quæ erat illa *Paulo* facta revelatio in ejus vocatione & conversione per ipsum *Jesus Christum*, ut in Apostolicorum apparet *Actuum*  
\* Act. 10. libro cap. 9. quid de illa dicemus? *Cornelio* Centurioni? Quid de illà *Petro* de animalibus mundis & immundis. Et *Paulus* ipse dicit *si gloriarier oportet, (non expedit quidem) veniam autem ad visiones & Revelationes Domini &c.* & paulò post: *Et ne magnitudo Revelationum extollat me, datus est mihi stimulus carnis meæ, Angelus Satana, qui me colaphizet; & notum mihi factum est Sacramentum, sicut supra scripsi: prout potestis legentes intelligere prudentiam meam in mysterio Christi, quod aliis generationibus non est agnitus filiis hominis, sicut nunc revelatum est sanctis Apostolis & Prophetis in Spiritu &c.* ubi etiam Pro-  
phe-

phetas post *Christum* esse apparet: & cap. 4. *Et ipse dedit quosdam qui-* Ad Ephe-  
*dem Apostolos, quosdam autem Prophetas, alios verò Evangelistas,* <sup>fios.</sup>  
*alios autem Pastores & Doctores, ad consummationem Sanctorum, in*  
*opus Ministerii, in adificationem corporis Christi, donec occurramus*  
*omnes in unitate fidei in mensuram aetatis plenitudinis Christi &c.* ubi  
 tam diu Prophetas fore in Ecclesia Christi post Christum apparet, *donec*  
*occurramus omnes in unitate fidei, &c.* quod nondum post *Chris-*  
*tum* factum fuisse benè scimus, & jam hac ætate nostrâ maximè  
 sumus circa negotium fidei discordes, maximè videntur esse necessariæ  
 non Prophetæ solum, sed etiam Revelationes valdè expressæ de Mysteriis  
 divinis. Et de locutione Angelica \* ad *Philippum*, & ejus de loco in  
 locum invisibili quasi translatione per spiritum Domini, quid putandum <sup>cap. 8.</sup>  
 est? Et de Prophetis post *Christi* tempora testificatur *Actuum* undeci- <sup>Philippus</sup>  
 mum caput, ubi legimus, quod eodem tempore, quo primùm discipu- <sup>defertur</sup>  
 li *Christi Antiochia* cognominarentur CHRISTIANI, *supervernerunt* <sup>à loco in</sup>  
*ab Hierosolymis Propheta Antiochiam, & surgens unus ex eis nomine* <sup>locum</sup>  
*Agabus, significabat per spiritum famem magnam futuram universo or-* <sup>per spiri-</sup>  
*be terrarum, quæ facta est sub Claudio.* Ad secundum autem vestræ <sup>tum Dei</sup>  
 Majestatis Regiæ capitulum, sic respondeo, quod coram Deo & beatis  
 ejus Angelis assero, quod Conscientia mea nihil adhuc deprehendit, no-  
 tavit, vel dijudicare potuit, neque possit in omnibus nostris Actionibus,  
 vel illarum aliquâ, quod sit, contra Dei honorem vel gloriam, immo,  
 quod ad Dei honorem & gloriam valde spectent, poscimus.

Denique tertio in loco, quòd cum magnâ & verè piâ Regiæque discre-  
 tione existimetis Deum omnipotentem iis temporibus posse modis suis vari-  
 iis, hominibus quibusdam sua manifestare mysteria & secreta, valdè  
 lætor: & eò magis, quòd tam ex nostris præteritis id constare potuerit  
 multis actionibus, quam ex futuris: quibus interesse & adesse præsens  
 (si ita illi visum fuerit) vestra possit Majestas Regia. Et præteritarum  
 nostrarum actionum libros 24. paratus sum (quocunque vestræ serenif-  
 simæ Majestati placuerit tempore) videndos exhibere, quorum quæ-  
 dam *Latina* linguâ, *Græcâ* aliæ, aliæ *Anglicâ* linguâ, sed ex maximâ  
 parte *Anglicâ* sunt conscriptæ ipsæ actiones: Angelorum viz. Dei bo-  
 norum instructiones, admonitiones, exhortationes, conciones, Pro-  
 phetæ & quocunque alio sunt censendæ nomine nobis factæ Revelationes,  
 reales vel verbales, & per spatium jam trium ferè annorum à no-  
 bis receptæ & annotatæ.

*Oratio ad Deum, qua usus est in Actione, cui interfuit  
Rex Poloniæ.*

† *Nyepo-*  
*lonizæ* in  
Aula Re-  
gia præ-  
sente ipso  
*Stephano*  
Rege.

Die Lunæ Maii 27. mane, horam 7. circiter, in camerâ  
privatâ Regis.

**O**MNIPOTENS, sempiternæ, vere, & unæ Deus, ô tu misericors  
Pater mi, qui me de patriæ meæ funestâ contra me conceptâ ma-  
litiâ, per Angelos tuos bonos admonuisti, & per eosdem, inde me cum  
uxore, liberis, & familiam mea istisque \* Duobus, egredi iussisti, &  
egredientes nos ex Syrtibus Maris, quasi miraculose liberâsti: Et qui ex  
Homicidarum & Hæreticorum manibus & fraudibus variis nos expedi-  
visti: & qui multis nos modis (partim nobis cognitis, partim incogni-  
tis) à periculis & morte protexisti, ab eo tempore, quod ad tua secre-  
ta judicia & negotia testificanda, tractanda & promovenda nos vocâ-  
sti: ideo propter hanc tuam tantam & tam admirabilem misericordiam,  
immortales tibi à nobis deberi laudes & gratias humillimè agnoscimus.

\* A. I. E. Ot tu Pater noster clementissime qui † Nos Duos vinculo tuo divino  
arctissime copulâsti: & quasi unum ex duobus esse voluisti: ô tu fortissi-  
me Deus meus, qui hunc tuum *Lasky*, quasi Athletam meum cautis-  
simum, amosum, & meum amantissimum, nobis adjunxisti: verum  
catholicæ tuæ & orthodoxæ religionis amantissimum, & Anti-Christia-  
nismi omnis acerrimum hostem; denique ô Sapientissime, potentissime,  
& optime Deus, & Pater meus, qui tuis mox incipiendis Regiis, mag-  
nis, mirificis conatibus, quem faciebas, Regem, tandem invenisti *Ste-*  
*phanum*, tuum futurum bellatorem; qui tuo Nutui & iussis ex animo  
toris suis viribus, & maximo zelo obedire velit: & cui nos honorem &  
obedientiam ut exhibeam, in mandatis dedisti: & propter quem labores  
(tibi notos) ut subiremus & sustineremus, statuisti: & ad quem, post  
laboriosas Peregrinationes nostras multiplices quidem, per 7 Menses  
factas, directas aliquas, alias autem (humano iudicio) quasi retrogra-  
das, tua maxima gratia, favore, & auxilio incolumes & salvos nos  
perduxisti: nos quasi hic tuos, tuo nomine & una mente convenientes,  
tuâ digneris paterna misericordia, à totius vitæ meæ omnibus purgare  
spurcitius: & charissimi tui filii Domini & Redemptoris nostri *Jesu Chris-*  
*ti* intercedentibus meritis, nobis condona, quicquid contra leges tuas  
sanctas & iustas, volentes, vel nescii, vel negligentes, verbo, facto,

vel



vel cogitatione ad hanc usque horam offenderimus, omnes & singuli, ut tibi jam possumus massa pura & azyma offerri: una divina & abundantissima fermentanda; & tuæ charitatis igne in cordibus nostris per te accenso, quasi quidam propositionis & sacri in templo tuo efficiamur panes. Et sit nobis interim Filius tuus Dominus noster *Jesus Christus* Panis vitæ: quem gustando suavissimum, & fidei viribus transglutiendo vivacissimum Manna eundem habeamus nobiscum in perpetuum. Mitte igitur nunc lucem & veritatem tuam, ô Deus omnipotens sempiternæ, vive, & vere, & tuo *Stephano* (nostro autem Serenissimo, gratiosissimoque Regi) appareat, Te Deum nostrum verum, vivum, omnipotentem, Doctorem Nostrum in iis Actionibus & Mysteriis esse, me autem (licet peccatis obnoxium) voto & conatu magno, fidelem tuum & sincerum esse servum: omniaque tua jussa mihi maximè esse curæ: Nosque singulos singularibus in te ante mundi exordium præordinatos esse muneribus in tuo sancto servitio tractandis.

### *Epistola D. ROSENBERGII ad J. DEE.*

Magnifico Domino JOANNIS DEE, ad manus proprias.

*Magnifice Domine, Pater observande, & Charissime.*

**L**ÆTATUS sum in his, quæ mihi dixisti. Cognovi enim quoniam exaudivit deprecationem meam pius pater & misericors Dominus. Itaque maximopere desideravi, ut quàm sapissimè ea mihi legere, perlegere, & semper ob oculos habere possem: per amorem Dei oro, ut saltem eorum, quæ mihi perlecta, & ad me pertinent, verborum mihi transmittas descriptionem. Non tantum mihi multum gratificabitur, sed & consolabor plurimum,

Obsecro præterea Dominationem vestram, assidue pro me orare velit, ut confirmet hoc Deus, quod operatus est in nobis: & dirigat omnia Consilia, opera, actiones, immò & cogitationes nostras ad laudem & gloriam sanctissimi nominis sui, commodum multorum, & animæ nostræ salutem. Neque desinat, pro amore suo paterno, quo, uti spero, Dominatio vestra prosequitur me, semper in omnibus, quæ pro ho-

nore Dei & commodo vestro à me fieri & debent & possunt, admonere & significare. Rem summoperè mihi gratam & expectationi meæ dignam & consentaneam faciet. Et cum his me commendo suis precibus & orationibus, nec non paterno suo amoris & cordi. Optimè valeat Magnifica Dominatio vestra. Dominica, cantate, Anno 1586.

Filius & Amicus vester ex animo

WILLIELMUS V. *Manu propria*

Rogo, ut meliùs intelligat Dominatio vestra ea quæ scripta sunt, ut consideret plus mentem meam, quàm verba. Quia mihi in usu non fuit à multis annis Lingua Latina, & nemini in hac re confidere volo.

*To the right Honourable, Sir FRANCIS WALSINGHAM Knight, her most Excellent Majesty's principal Secretary, my singular good Friend and Patron.*

*With Speed.*

RIGHT HONOURABLE SIR.

**A**lbeit I have (almost) in vain come a hundred Miles (from *Prage* to this *Leipsich* Mart) hoping either to meet my Servant there, with answer to my former Letters, sent in November last to her Majesty, (when also I wrote unto your Honour, and divers other) and so with speed from this *Leipsich* to have sent again most speedily, as occasion should have served; and now, I find, neither Servant, neither Letter from him, neither word of mouth: yet all this notwithstanding, and whatsoever the hindrance or delay hereof be, (whether the keeping back of my Letters from her Majesty, or the manifold and importune, most weighty affairs publick hindring or delaying her Majestie's most graci-

ous,

ous, discreet and wise resolution herein: or what other occasion herein: or what other occasion else hath and doth cause this long and wonderful delay of Answer receiving: all this notwithstanding, I thought good, before I set up to my Coach, to visit, and most humbly to salute your Honour very faithfully, dutyfully, and sincerely, with great and the same good Will, that my Letter some years since written to your Honour, (but then, a stumbling block unto your Honour and other, for the strangeness of the Phrases therein) doth pretend; so it is, right Honourable, that the merciful providence of the Highest, declared in his great and abundant graces upon me and mine, is so wonderfull and mighty, that very few, unless they be present Witnesses, can believe the same. Therefore how hard they are to be believed there, where all my life and doings were construed to a contrary sense: and processe of death contrived and decreed against the Innocent, who cannot easily judge?

I am forced to be briefe. That which *England* suspected, was also here, for these two yeares, almost (secretly) in doubt, in question, in consultation Imperial and Royal, by Honourable Espies, fawning about me, and by other discoursed upon, pryed, and peered into. And at length, both the chief Romish Power, and Imperial Dignity are brought to that point resolutely, that partly they are sorry of their so late reclaiming their erroneous judgement against us and of us, and seek means to deal with us, so as we might favour both the one and the other; and partly to *Rome* is sent for as great Authority and Power, as can be devised, and likewise here all other means and wayes contrived, how by force, or for fear, they may make us glad to follow their humours. But all in vain; for force humane we fear not: as plainly and often I have to the Princes declared: and otherwise than in pure verity and godlincks, we will not favour any (my words may seem very marvelous in your Honour's ears: but mark the end, we have had and shall have to deal with no babes) I have full oft and upon many of their requests and Questions, referred my selfe to her Majestie's Answer, thus in vain expected. *Nuncius Apostolicus Germanicus, Malaspina* after his year's suite unto me to be acquainted with me, at length had such his Answer, that he is gone to *Rome* with a flea in his ear, that disquieteth him, and terrifieth the whole State Romish and Jesuitical: secretly they threaten us violent death, and openly they fawn upon us. We know the sting of envy and the fury of the fear in Tyrannical minds, what desperate attempts they have and do often undertake. But the God  
of

of heaven and earth is our light, leader, and defender. To the Worlds end his mercies upon us will breed his praises, honour, and glory. Thus much very rhapsodically, ( yet faithfully) *tanquam dictum sapienti*, I thought good to commit to the safe and speedy conveyance of a young Merchant here, called *Lawrence Overton*: which if it come to your Honour's hands, before my Servant have his dispatch, I shall or may by your Honour be advertized. Your Honour is sufficient from her Majesty to deal and proceed with me, if it so be thought good. But if you make a Council-Table-cake of it, *quot homines, tot sententia*: and my commission from above is not so large. *Qui potest capere, capiat*.

Sir, I trust, I shall have justice for my house, library, goods and revenues, &c. Do not you disdain, neither fear to bear favour unto your poor innocent neighbour. If you send unto me Master *Thomas Diggs*, in her Majesty's behalfe, his faithfulness to her Majesty, and my well liking of the man, shall bring forth some piece of good service. But her Majesty had been better to have spent or given away in Alms, a *Million of Gold*, than to have lost *some opportunities past*. No humane reason can limit or determine God his marvellous means of proceeding with us. He hath made of *Saul* (E. K.) a *Paul*: but yet, now and then, visited with a pang of humane frailty. The Almighty blest her Majesty both in this world, and eternally: and inspire your heart with some conceiving of his mercifull purposes, yet, yet, not utterly cut off from her Majesty, to enjoy.

Your Honour's faithful well-willer to use  
and command for the honour of God,  
and her Majesty's best service:

J O H N D E E.

From *Leipsich* this 14. of May 1586.  
at *Peter Hans Swarts* Houle.

*Epiſ.*

*Epistola* JULII ASCANII ad JOANNEM DEE  
& EDWARDUM KELLÆUM.

*Illustrissimis & Magnificis D. Joanni Dee & Edwardo  
Kellæo, &c. Dominis & Amicis meis colendissimis.*

*Illustris. & Magnifi. D. mei colendissimi.*

**B**ENEDICTIO Dei Patris & mera gratia, & misericordia per unicū meritum *Jesu Christi*, illuminatio Spiritus Sancti confirmet nos cum omnibus Christianis, qui magno cum zelo, propter gloriam ejus, crucem, tribulationem, & persecutionem à rancido atque putido scorto *Babylonico* in turbulentissimo hujus mundi oceano patimur, ut exemplo *Jesu Christi*, qui est in Patre, virtute & auxilio Spiritus Sancti, hæc omnia perferre patienter valeamus ad nominis sui gloriam & animarum nostrarum salutem. Amen.

Mirum fortassis videbitur Dominat. V. quod ignotus ad ignotos scribo: imputabitis bonam hujus culpæ partem iustissimo dolori, quem ex rumore sparso, & ad me delato, propter D. V. concepī: mirari enim non satis possum pertinax studium bellæ istius *Babylonica*, quæ nihil intentatum relinquit, nullum non movendo lapidem, quo hominibus vestræ nationis, præcipuè piis & amantibus Dei, non solummodo nocere, sed & funditus perdere studet. Elapso enim undecimo die hujus mensis Legatus Pontificius Libellum Supplicationum, ut vocant Rom. Cæsar. Majestati obtulit, quo D. V. Necromantiæ & aliis artibus prohibitis infimulat, aliisque calumniis graviter accusat. Copias hujus libelli habere potuissim, sed nimis serò hac de re sum certior factus, nec tutum & absque suspitione est, ab illo qui illum ex Italico in Latinum sermonem transtulit, petere. Quare cum hæc omnia vana à D. V. ut hominibus Christianis & Philosophis, certò sciam, epistolam hanc tum leniendi tum admonendi causa exarare libuit, ut promptiores & paratiores D. V. ad respondendum offendant. Peto itaque ut eo animo suscipiatis, quo scripta est, scilicet Christiano, integro, & candido. Valete meque precibus vestris *Christo* commendate.

## POST-SCRIPTUM.

**A**Nte aliquot dies transmissem D. V. Literas, sed D. V. peregrè profectas esse mihi significatum fuit: postquam autem à servitore generoso D. à *Bikerstein*, cognovissem (*Ferdinando Harnik*) D. V. ad hanc nostram patriam rediisse, literis istis significarem.

Prof. A.

JULIUS ASCANIUS VERDEMAN.

*Illustrissimo Principi & Domino, Domino Willielmo Urliño, Hereditario Domino inclytæ Domûs à Rosenberg, Domino in Crommaw, Equiti aurei velleris, Cesareæ Majestatis intimi Consilii Consiliario, & Regni Bohemix supremo Burgravio, &c. Domino & Patrono meo colendissimo.*

**I**LLUSTRISSE PRINCEPS, Nihil mihi gratius à Magnifico Domino *Schombergio* narrari poterat, quàm vestram Celsitudinem prospera interim frui valetudine, dum ego vario, diverso, & intricato quodam fuerim jactatus itinere, per montes, per valles, per sylvas densissimas, per apertos campos, & per nivem profundam, & nobis ferè imperviam: & (semper tamen nos protegente Altissimo) tandem sani salique illatis tam equis quam curru Celsitudinis vestræ, reversi sumus. Pro quo prospero successu summas Altissimo agimus gratias, & vestræ Celsitudini infinitas à nobis deberi fateamur. Dum absum, contra nos nescio quid falsi incipit iste Apostolicus Nuncius vel leviter nimis credere, & temerè conqueri, vel à seipso excogitare perversè: verè, si ita pergant, (habito jam nostri per biennium experimento satis accurato) illi quidem, qui pietate & sapientia, saltem vulgares, deberent superare homines omnes, omnium hominum semet declarare maximè invidos, malitiosos, perversos, sanguinis humani appetentes, superbos, innocen-

tum

tum carnifices, & piorum in Christo calumniatores exitiosos, &c. Verè dico, cogemur pulverem ex calceis nostris excutere, & alias inmundi partes nos conferre. Et nisi vestrz Celsitudinis haberemus eam, quam debemus, considerationem, & nisi nos ipsos vestrz Celsitudinis præsidio quocunque armato (quasi) munitos existimarem (præter illud invincibile Dei Opt. Max. agmen invisibile) statim abire ex hoc regno conarer. Curare etiam debet sua Cæsarea Majestas, ut aliquo modo, & citissimè, perspectum toti huic Regno esse possit, nos duos non solum verè Catholicos esse, sed etiam verè pietatis & pacis Christianæ esse amantissimos. Per literas istas non est opus, ut plura effundam Spiritus mei fervore quodam. Sed diligentissimè & circumspèctissimè respiciamus nos utrique inestimabile Dei, quod nobis utrisque contulit, donum. Sumus enim quasi tres, sed in uno Deo, unus quasi vir esse debemus. Mysterium hoc notate J. D. E. K. W. R. Nam qui me habet, habet & E. K. & quem ego meum habeo, ille etiam ipseus mei E. K. censendus est esse. Omnipotens ille Deus, qui cuncta creavit, vestram Celsitudinem illustrissimam suæ divinæ justitiæ & gloriæ ministrum & cooperatorem nobis conjungat & diutissimè conservet.

Illustrissimæ Celsitudinis vestrz fidelissimus in Christo servitor,

JOANNES DEE.

Pragæ, Maii 26.  
Anno 1586.

*Epistola J. DEE ad RUDOLPHUM Imperatorem.*

*Invictissima potentissimaque sacra sue Cæsareæ Majestati, Hungariæ, Bohemiæ &c. Regi &c. &c. Domino meo clementissimo, & Patrono incomparabili.*

ad manus proprias  
expeditissimè.

**P**ER aliquot jam hebdomadas, Invictissime & gratiosissime CÆSAR, aures nostras circumsonabant Rumores varii, quasdam contra me & socium meum præparari accusationes graves & exitiosas, vestrz sacræ

Cæsareæ Majestati offerendas fore, vel jam oblatas esse: & præterea sacram vestram Cæsaream Majestatem quorundam persuasionibus penè eductam esse, ut aliquam malam, & nobis periculosa, de nobis conciperet opinionem. Vestræ igitur sacræ Cæsareæ Majestati humillimè supplicamus, ut auctoritate suâ Cæsareâ interpositâ, illius, cujuscunque contra nos exhibitæ Libelli, copiam, accurate & verbatim exscribi, nobisque tradi, mandare, gratiose dignaretur. Sic enim nostris responsis ad accusationis contra nos confictæ collatis articulos, citissimè & clarissimè intelliget sua sacra Majestas Cæsarea, quid in præmissis, cum justitia, ad Dei honorem & Reipublicæ Christianæ utilitatem, arbitrari vel statuere possit aut debeat. Et de hoc certissimi nos sumus, favente Deo, (quod adhuc, & nimis diu, aliquorum negligentia, & contra nostram voluntatem, vestram sacram Cæsaream latet Majestatem.) Nos, cum vestræ sacræ Cæsareæ Majestatis personæ, tum Reipublicæ Christianæ, per vos longè utiliores gratioresque esse posse, quàm omnes, & quotcunque hic nostri præsentis adversarii: veluti ipsa docebit veritas, si penes vestræ Cæsareæ Majestatis aures proprias cum possit habere favorem, ut gratiose audiri queat. Deus Opt. Max. sacram vestram Cæsaream Majestatem sua divina abundantissimè illustret gratia, brachioque suo extento contra Christi atrocissimos hostes Imperatorem reddat triumphantissimum.

Amen.

Sacræ vestræ Majestatis Cæsareæ  
humilis & fidelis Servitor, ad  
Dei promovendam gloriam.

JOANNES DEE.

28. Mæi 1586.

*Iluf.*



*Illustrissimo reverendissimoque Domino, Domino Episcopo Placentino, apud potentissimum & invictissimum Romanorum Imperatorem Rodolphum, ejus nominis secundum, Apostolico Nuncio, Domino mihi in Christo colendissimo.*

*Illustrissime & reverendissime Domine, mihi colendissime.*

IN nomine sanctæ, beatæ, & individuae Trinitatis, vestram illustrissimam reverendissimamque Dominationem, eâ quâ virum Christianum decet, animi affectione & humilitate, saluto, non præsumptione aliqua, vestris manibus oculisque istas meas obtrudens literas, sed ex istius Nuncii vestri verbis admonitus, non gratas solum, sed (ferè) expectatas fore, hæcæ aliquot, haud invitus, exaravi lineolas. Quibus cum non potero 40. annorum continuum & ardentissimum vitæ meæ cursum in tam limatioris quàm vulgaris veritatis philosophicæ indagatione transactum, describere, vel adumbrare saltem, satis præsentî nostro esse possit instituto, si præsentî rerum metamorphosi, & admirandæ negotiorum nostrorum actioni, itinerumque circuitiioni multiplici, aliquid exprimam, quod maxime quadret.

Divinctus ante aliquot annos \* informati, & deinde ex *Anglia* evocati, non solum fortissima Dei omnipotentis manu, & miraculosè, ex multis magnisque evasimus maris periculis: sed etiam, ex variis hominum fraudulentis & truculentis contra nos & vitam nostram consiliis & conatibus, liberati hætenus, eidem Deo nostro gratias laudesque canimus mente gratâ, mente lata, mente profectò Christianæ, Catholicæ, Apostolicæque religionis amantissimâ, & (Dei nos confirmante gratia) tenacissima futura. Ast suz, tamen, qui ejusdem nostræ piæ matris, sanctæ Ecclesiæ Catholicæ, legiimi etiam censentur esse filii, nos, fratres suos, in omni modestia, quiete, pace, & civili justitia, inter illos, & coram illis, *Præga* conversantes, subitò in exilium quoddam sive exterminium, Cæsareo emitti mandato procurabant, nulla nobis, nulla protus, neque privatim neque publicè declarata tam violenti Mandati causa, sed vulgari solum, & aulica relatione nobis facta, intelleximus ex libello quodam, per vos sacræ Cæsareæ Majestati exhibito, constatam contra nos fuisse maximam Cæsaris indignationem & quasi ex candescen-

\* Ab anno 1581.  
Δ Anno 1583.

\* Anno tiam: unde ex Cancellaria *Bohemica*, acerbissimum ad nos sacræ suæ  
 1586. 30. Cæsareæ Majestatis nomine missum sit \*mandatum (nulla in eodem ex-  
 Mail. prella ejusdem mandati causa, vel ratione legitimâ) ut infra tunc sex  
 proximos sequentes dies, ego, consors meus, uxores nostræ; liberi mei  
 omnes, immò & ipse infans noster *Michaël Pragensis* natus, & bapti-  
 zatus, atque ad matris adhuc pendens mamillas, famuli etiam mei, &  
 ancillæ, mei denique omnes, & domestici, ex ipsa *Praga*, atque ita  
 consequenter, ex universo regno *Bohemia*, & aliis quibuscunque sacræ  
 Cæsareæ Majestatis regnis, ducatibus, & terris migraremus nunquam ea-  
 dem vel eadem reversuri, sub terribili infligendæ poenæ periculo. Nos  
 autem, nullâ interpolatâ morâ, huic mandato Cæsareo fideliter & hu-  
 militer obedire nosmet accinximus, bonaque nostra mobilia, peregrina-  
 tionis nostræ supellestem, tam librariam quàm domesticam, in duos  
 magnos Currus conjici curavimus: reliquorum nostrorum bonorum par-  
 tem unam, amicis dedimus, & pauperibus dispersimus & distribuimus:  
 partem autem, de facie terræ, propter causas Deo non ingratas, pridie  
 ante exitum istum nostrum, per nos deletam esse sciatis. Ast optimam  
 partem, divino jussu, decima die Aprilis (quando etiam, de tota hac  
 afflictione & persecutione nostrâ, & aliis adhuc futuris eramus divinitus  
 Anno 1586. 10. præmoniti) ignis luculentissimis flammis commisimus: quando illa, ejus-  
 Aprilis. dem optimæ partis, quæ nullus unquam naturalis vulgarisque ignis pote-  
 rat lædere vel consumere, visibili angelici ministerio, ex ipsis summis  
 flammis in divinam, angelicamve invisibilem recipiebantur custodiam.  
 Ast librorum divinatorum thesaurus maximus, tunc, & ibidem, duorum  
 adhuc viventium testium diligenti opera, ab ipsis flammis in cineres fa-  
 villamque conversus est totus: renovationem, restaurationem, & quasi  
 regenerationem vel resurrectionem quandam, per divinam manum, op-  
 portuno recepturus tempore. Sacellum denique cum altari, quod om-  
 nipotenti Trinitati consecrandum fore cupiebamus, media ex parte ab-  
 solutum, intactum relinquimus. Ego verò, cum consorte meo, Ulxo-  
 ribus nostris, liberis meis, & reliquis exulibus, sive exterminatis, no-  
 stris rhedis tribus avecti, transmigrationem hanc, nobis injunctam, die  
 præfinitâ ingressi sumus. Atque nondum ex Imperii *Romani* finibus  
 Anno 1586. egressi, ita gressus nostros disponimus & de cætero, Deo favente & gu-  
 bernante, disponemus: ut toti orbi Christiano clarè apparere poterit,  
 Junii 4. patienter nos hæc qualiacunque tolerare posse, aut saltem velle: & para-  
 tissimos esse nos, reddere Deo, quæ Dei sunt, & Cæsari, quæ sunt  
 Cæsaris. Obedientissimos etiam nos esse, & humillimos sacro-sanctæ  
 Catholicæ Ecclesiæ filios, & summi Pontificis Romani, & aliorum Ec-  
 clesi;

clericalium Præfulum Catholicorum, in Christo & propter Christum tam esse observantes & fore, quàm ipse, qui Judex futurus est vivorum & mortuorum, variis nos esse modis haud raro admonuit. Vestræ verò illustrissimæ reverendissimæque Dominationi hoc à Deo optamus bonum, ut per secundas vestras de tota causa nostra meditationes, nostræ innocentie, sinceritatis & fidelis coram Deo & hominibus in illa Republica *Bohemica* conversationis nostræ iusta habeatur ratio: Mezque honestæ famæ, existimationisque (sine quâ ne vivere quidem cupio) ea fiat in integrum restitutio, ut talis posthac esse indicetur indubitatè, qualis ante vestrum Cæsareæ Majestati exhibitum contra nos Libellum, per 30. Annos & plures, in omnibus penè Christiani Orbis tam Academicis, quàm regnis & provinciis, ex Dei immensa bonitate, gratia abundantissimâ, & singulari providentia existisse, haud obscuris confirmari possit testimoniis. Ex his igitur paucis historiarum ipsius veritatis scintillis, vestræ illustrissimæ reverendissimæque Dominationis prudentia magnum sibi lumen allicere sive accendere potuit: ad nos, nostrorum animorum affectiones, nostrorum ita mirabilium & adhuc incredibilium negotiorum progressum & statum dijudicandum, & denique de ipso futuro horum omnium exitu haud leves sibi contexendas conjecturas: cum nos ex solo Deo omnipotentæ, & vero, & vivo, in omnibus nostris pendeamus, & ab ipso dirigamur & protegamur. Cui soli nos ipsos, nostraque omnia, animæ, corporis, & fortunæ nuncupata bona, tanquam holocaustum, quotidianis nostris humillimis & spontaneis offerimus precibus: cui denique soli sit omnis laus, honor, gloria, & gratiarum actio nunc & semper. Amen.

Fidelis in Christo, & propter  
Christum Servulus,

JOANNES DEE.

Datæ *Erphurdia*

Anno 1586. die  
16. Julii.

*Epist.*

*Epistola Episcopi PLACENTII ad J. DEE.**Magnifico Domino JOANNI DEE, Anglo, &c.**Magnifice Domine,*

**L**ECTIS tuis literis, fui miratus, quodd intelligerem te illius esse opinionis & sententiz, me apud Cæsarem tibi ac consorti tuo officii ræis non parum obfuisse; quod sciam ita me & religione & natura comparatum, ut omnibus quam maximè cupiam prodesse, nemini autem obesse. Quod autem præstiterim, quod mei erat officii, mihi vitio verti non debet. Cæterum cum inter summum Pontificem & Cæsarem merus sim interpret, non video, quid in hoc vestro negotio præstare possim. Consulo autem, ut vestram innocentiam, de fide Catholicâ sensum, & de Angelorum conversatione & assistentiâ, quam visibilem habere dicitis, juxta Concilii *Lateranensis* in undecimâ Sessione decretum, coram summo Pontifice & Sede Apostolica deducatis, & ita exponatis, ut non possit cuiquam esse dubium, quid sentiat; quin, Sede Apostolicâ approbante, fides turd ab omnibus Angelicis assertionibus vestris præstari possit, & tum demum & obtreclatoribus, si qui sunt, ora obcludentur. Nec, ut arbitror, grave vobis videbitur consilium meum; Si enim ea vobis est in fide Catholica puritas atque constantia, ea in præsentî Angelorum communione sinceritas, vitæ integritas & innocentia, ut asseritis; me etiam tacente, occasionem queritis declarandæ vestræ fidei & bonitatis, & hac una ratione honori vestro, (cujus vos rationem habendam dicitis, & cui tantum abest, quod per me aliquod sit detractum, ut illum etiam pro viribus, quantum officii mei & injuncti muneris ratio patietur, fovere sim paratus, ut Domino *Paccio* pluribus dixi) & omnibus vitæ commodis vel maximè consuleatis. Deus gratiâ sua vos ita regat, ut Angelorum conversationem in cœlis aliquando habere possitis.

Vale. *Praga*, die  
28. Julii 1586.

*Magnific. D. V.*

Ex corde in Christo frater, PHILIPPUS  
Episcopus *Placentinus* Nuncius.

*Epi-*

*Epistola* FRANCISCI PUCCII ad J. DEE  
& E. KELLÆUM.

FRANCISCUS PUCCIUS præstantissimis ac Deo dilectis viris, DD. JOANNI DEE & EDWARDO KELLÆO, generosis *Anglis*, majoribus in Christo fratribus, & ipsis tanquam patribus colendis, precatur gratiam & pacem à Deo Patre nostro, & Domino Jesu Christo, *Amen.*

EX quo à vobis discessi, toto illo itinere, quod octo diebus confeci, vendito *Lipsiæ* equo, haud parum vexatus fuit meus Spiritus, dum animo meo voverim, quot modis Satanas divinum opus retardare & nostram conjunctionem dirimere, adhibitis exterioribus & interioribus machinis & armis, tentaverit, & adhuc tentare non cesser. Neque enim possum, nisi ab eo, agnoscere afflatus illos dissidentiar, rumores ab invidis hominibus sparsos, suspensiones nobis injectas, absque certis indicis, adversus fidem non levibus argumentis probatam, atque hujusmodi impedimenta & offendicula, quibus cursum nostrum impedire, ac sanctam amicitiam, divinis auspiciis inter nos ceptam, convellere ac labefactare malignus ille Spiritus aggressus est. Itaque in illa lucta, ne ullo modo manus illi darem, aut fatiscerem, decrevi me magis ac magis munire certa fide in Deum, ac spe & promissionum ejus, quas illum servaturum non dubito, tum precibus frequentioribus magis instare apud Summum Patrem, ut nos quamprimum donare velit illo Spiritu, quo nostri humeri montibus ferendis, ut ille inquit, pares evadent; ad hæc austeriorem vitam instituere, nec mensas lautas amicorum adire, sed panem doloris solus comedere decrevi, ne sim meliore conditione, quam vos, qui tantoperè affligimini, ut benignissimus Dominus quamprimum vos in integrum restituat, atque ad solita colloquia piaque exercitia nos unà revocet, & eventu, consentaneo suis sanctissimis dictis, singulos nostrum exhilaret. Hanc viam sequenti Domini mihi spem facit fore, ut vobis & aliis facilius meam fidem probem, & multas tentationes vitæ, quæ apud hujus mundi homines facile nos invadunt. Ideo, nisi necessitate urgente, aut communibus negotiis, familiaritatem omnem & convictum cum Aulicis fugio, & me hoc modo minùs ineptum precibus

M m m m

cibus

cibus sentio, meamque vitam & mores in dies emendare conor, ne videar omnino indignus ea Scholâ, in quâ Dominus me erudire dignatus est; nec interim cum Publicano illo precari obliviscor, ut Deus propitius sit mihi peccatori. Vos, non dubito, me vestris votis & supplicationibus juvabitis, ut vocationi meæ respondeam, & in opere Domini vobis adjumento & consolationi esse possim: & benignissimus ille pater propediem hoc adverso vento ignem suum magis excitari curabit, ac nos majori, quàm unquam antea, jucunditate recreabit. Ac de his hæcenus. Quod verò ad nostra negotia attinet, perveni huc die 24. Julii sub yesperam, ac statim adivi illustrissimum Dominum Nuntium, cui vestras tradidi, quas læto vultu accipere visus est: Sed colloquendi non fuit otium, cum, parata cœna, jam discumbere vellet. In posteriore diem igitur rejectus, ad Dominum *Carpionem* me conferebam, cum didici eum ad vos missum, quatrduo antè hinc discessisse. Dolui admodum eum non esse mihi obviam factum, tum ratione vestrarum, tum mearum literarum, quoniam fasciculum quandam ad me quoque ferebat. Sed quod maxime me torquebat, erat cura de literis illustrissimi Domini *Rosenbergii*, quas sciebam inclusas Domini *Carpianis* literis, nec eas aperire, aut alii tradere audebam; cum discretè esset Scriptum, illud ad manus proprias. Dum itaque occasionem quero & exspecto, ea sese obtulit, quam mox audietis. Reversus sequenti die ad illustrissimum Dominum Nuntium, invenio apud illum Jesuitam *Italum*, qui mihi fuit à Confessionibus; blandè ab ambobus accipior, sedere jubeor, à Jesuita nomine candoris & ingenuitatis non parum laudor. Tum lepidè moneor ab illustrissimo Domino Nuntio, ut ipsi adsum in convertendo Jesuità illo: (is enim erat, quicum exposulaverat, quod nimis facilè mihi dedisset, testimonia triumphantis Ecclesiæ non subijci judicio militantis.) Respondeo, me fecisse, quod in me erat, ut docerem eum præferre cœlum terræ, ac tribunal superius inferiori; sed cum id mihi minimè successisset, ejus esse, sua doctrina & auctoritate, hominem de sententia illa dejicere. Illustrissimus Dominus Nuntius haud gravatè nostram sententiam, hæc in parte, probat, & exemplis confirmat, atque ita concludit, ut statuat, certitudinem videntis & audientis Dominum, aut ejus Angelum, non pendere à probatione ecclesiasticâ, neque ab illo esse rationem repetendam suæ revelationis, dum nihil publici muneris exercere audeat: Sed si incipiat palam profiteri, se à Deo doctum & missum, ita ut non ipsius solum, sed aliorum quoque intersit scire, quo Spiritu agatur, tunc Ecclesiasticorum manus esse, illius Spiritum examinare & probare, neque ipsum jure posse examen hoc detestare, licet suas revelationes eis subijcere minimè teneatur.

Nam.

Nam si ordinaria auctoritas eum admiserat, bene habebit, nihilque turbarum excitabitur: Sin per injuriam aut inficiam aliquam, aut per aliam hujusmodi causam rejicietur, suum erit appellare superiorem Dominum, qui ipsum misit, quo suum servum & legatum defendat, aut ordinario judice commonefacto, aut alia ratione: quod probabat decreto *Lateranensis* Concilii, cujus mentionem facit in suis literis; ac præterea historia S. *Francisci*, qui primum expulsi ab *Innocentio* Pontifice, mox revocatus fuit, cum per quietem apparuisse Pontifici pannosus ille, qui *Lateranense* templum suis humeris fulciret. Addebat præterea, viros Dei non esse solitos deterreri una aut altera repulsa, & hoc repellendi modo dicebat Præfules aliquando usos esse, ut probarent spiritum, & constantiam eorum, qui res novas magnasque proponerent. Ego verò inquam, ut hæc ita se habeant, vos hæcenus publicum munus exercere non tentastis, & intra privatos parietes, summa modestia vos continuistis. Tum ille, longiori ambitu verborum, sic de vobis disseruit, ut ex vestris verbis ad serenissimum *Polonia* Regem, ad invictissimum Cæsarem, & ad illustrissimum Legatum *Hispanicum*, jam constare diceret, vos aliquid amplius, quam privatum, moliri, ac summo Pontifici, sedenti in specula super totam Christianam Rempublicam, potuisse meritis suspectas esse vestras personas, hoc modo Principum animos & interiores aularum recessus scrutantes: idque ratione vestræ Reginæ, infensissimæ Apostolicæ sedi, & cum ipso *Turcæ* conspirantis, nec non spiritus familiares habentis, ac præterea ratione vestræ summæ peritiæ in artibus & scientiis reconditis, quibus facile plebi & imperitis imponi potest. Cum enim sitis magni Astrologi, dicebat ille, & facile vobis sit habere geneses Principum, nec non magicas artes calleatis, haud difficulter possitis bonorum Angelorum nomine ea proponere, quæ à Spiritu Ecclesiæ hoste manarent. Idem summum Pontificem, (cui duo illi Principes sunt maxime observandi, utpote qui inter hæreticos vivant & regnent) prudenter fecisse, qui jussit, ut in vestros mores & doctrinam inquireretur. Accidisse autem præter ejus postulatam & voluntatem, ut, indictâ causâ, expelleremini. Se verò vicem nostram dolere, & paratum esse ad curandum, ut vos justificare possitis, idque sibi esse in votis, non semel asseruit. Quapropter hortatus est me, ut ad illustrissimum Dominum *Rosenbergium* contenderem, atque ipsius bonam propensionem erga vos ei significarem. Nam ille à summo Pontifice facile impetrabit, ut causâ vestra hîc cognoscatur; & si ille vobisnaverit, ut hæcenus fecit, se quoque ad futurum vobis omnibus officiis, ac primum fore, qui se vestris genibus obvolvar, si tales eritis, quales vos

nonnulli prædicant. Eo igitur recta ad illustrissimum Dominum *Rosenbergium*. Sed quater redeundum mihi fuit, antequam admitterer. Die 27. tandem admissus, exposui meum studium erga vos resque vestras, ac quomodo illustrissimus D. Nuncius affectus erga vos esset; ac tandem oravi, ut non defereret patrocinium & defensionem illam, quam suscepisset, peregrinorum pietissimorum, qui à Cæsare minus bene informato ad Cæsarem melius informatum provocarent, ac suam innocentiam Deo & hominibus probatam cuperent. Ille humaniter respondit: vos non admodum sibi notos esse; se bis cum seniore, semel tantum cum juniore collocutum; judicasse vos doctos & pios, & præclaris donis instructos: existimare vobis hoc accidisse malâ aliquâ relatione, cui incommodo res Principum sunt obnoxie: vestrum esse id æquo animo ferre: non se poenitere, quod vobis faverit, & si sciret, quid potissimum à se peteretis, daturum operam, ut vestris votis responderetur. Tunc mihi visum est nonnulla dicere de optima spe, quam de ipso concepissetis, & quomodo me non dimiseratis sine literis ad illum: sed erant inclusæ fasciculo D. *Joannis Carpionis*, quem statim protuli, atque eo instante ac respondente, D. *Carpionem* non ægrè laturum, si ipsi dedissem, tradidi fasciculum ei, qui dixit se per otium lecturum; ac, sequenti die, mihi responsurum. Discedo igitur ab illo ad illustrissimum Dominum Nuntium, atque otium nactus, tum per me, tum per illustrissimum Legatum *Florentinum*, pluribus cum eo agere instituo de insigni injuria vobis factâ: expono, quantoperè laboraveritis, ut considere possitis apud Catholica templa, & quam inhumaniter in hospitibus & civitatibus ratione hujus præjudicii Cæsarei tractaremini; doceo, quàm sordido & angusto loco vestras familias reliqueritis, ita ut vestram suppellectilem & libros explicare nequiveritis; moneo, ut Domini *Dee* jam grandis natu, aut potius senis, & nihil tale hæcenus passi, vicem debeat; ejus ærumnas non tanquam simplicis hominis considerandas esse, cum vir sexagenarius, quatuor tenellis suavissimisque liberis (quorum major septimum annum vix exceßerit) ac dilectissimæ conjugi adjunctis, longè gravius affligatur, ratione uxoris suæ, lectissimæ foeminae, & pignorum charissimorum, quàm sui ipsius; ostendo, quanto offendiulo hoc futurum sit Catholicis *Anglis*, ac cæteris, & quanta ansa præbeatur hæreticis invahendi in Ecclesiasticum ordinem: declaro periculum imminens ordini illi, si fortè Deus facultatibus vestris ad eos plectendos eorum inimicos armari permitteret: demonstro, Deum aliàs per *Israëlitas* hæreticos Catholicos *Judaos* punire consuevisse: ac denique declaro, quàm absurdum sit vos indictâ causâ condemnari, si id meriti sitis: quanto absurdius,

fi



si non meriti sitis quicquam tale: absurdissimum verò, cùm à catholica Ecclesia honor potius vobis deberetur. Ac cùm non petatis, nisi ut vobis vos purgare liceat, nihil magis consentaneum rationi excogitari, nullo alio modo errorem admissum emendari, atque hoc negotium bene dirigi & redintegrari posse.

Ille mihi legit vestras literas, id est, D. Dee; sed de rebus, ambobus vobis, aliquo modo, communibus: dicit, se non credere ea, quæ de divinis monitis & miraculis in illis continentur; petit, ut ipse declarem obscuriorem locum de libris combustis: audit à me testimonium oculatum de illis concrematis, & quomodo vobis audiverim eos esse coelitus restitutos, ac denique concludit illis literis esse multa laudabilia, multa admirabilia, multa itidem incredibilia; sed cùm non sint Deo impossibilia, se sustinere assensum, nec velle quicquam certi, re non penitus explorata, pronunciare: vobis tamen responsurum humaniter, ac daturum mihi literas, quod fecit postea die 28, quas literas ad vos cum hisce mitto. Et quia legendi eas mihi fecit copiam, satis jejunas & frigidas mihi esse visas, haud dissimulo. Tamen quia mentionem aliquam mei fecit, tanquam hominis, cum quo fusiùs de suo animo erga vos egerit, visum est mihi accuratè & particulatim exponere, quid inter nos actum dictumve sit, ut verba cum factis conferre possitis, & pro vestra prudentia & pietate consilium capere, & si operæ pretium videbitur, rescribere. Quantum enim ex ejus sermonibus colligo, videtur ipsi necessarium novum mandatum à summo Pontifice, antequam quicquam vobiscum agat; nec se scripturum dicit de vobis *Romam*, nisi prius petatis, quod ab ejus sanctitate cupiùs: utpote qui, in hac causa, fuerit merus interpret inter Pontificem & Cæsarem nec possit, nisi verbis sui Domini, quicquam promittere & statuere. Idcirco, quantum videre possum, res diutiùs protrahetur, quam vellemus, nisi Dominus noster & Pontifex cœlestis alio modo nobis providerit. Die 28. & 29. inveni illustrissimum D. *Rosenbergium* tam occupatum, ut admitti non potuerim, sed per cubicularium significavit, se valdè cupere, ut colloqueremur, itaque redirem die 30. Interim fui rursus cum illustrissimo D. Nuncio, mox discessuro ad sancti *Caroli* Monasterium, ubi commorabitur, quamdiu hi æstus sævient. Et cùm commodo cecidisset in colloquendo, visum est mihi interrogare hominem an probaret meam sententiam de discernendo ex certis notis & terminis verum verbum Dei à ficto & fucato; cùm possit Angelus malus transformare se in Angelum lucis, & Apostata falli non raro se transfigurent in Apostolos Christi.

Dicebam enim duo mihi videri necessaria, ut hoc judicium ritè fiat,

Mmm 3

pri-

- primum quidem, in homine audiente, bona propensio & animus bene affectus ad Creatorem, totusque ex eo ita pendens, ut nihil antiquius habeat, quam ei placere; & qui de ejus benignitate aut veritate non dubitet erga eos, qui ad ipsum confugiunt, ut bonum spiritum hauriant. Deinde in sermone nomine Dei proposito requiri eas proprietates, quæ
- Heb. 4. tantum auctorem deceant; quas graphicè describit *Paulus*, cum dicit,
12. 13. *vivus est enim Sermo Dei & efficax, & penetrabilior omni gladio accipiti, & pertingens usque ad divisionem animæ ac Spiritûs, compagum quoque ac medullarum, & discretor cogitationum & intentionum cordis, & non est ulla creatura invisibilis in conspectu ejus.* Cui ad stipulatus.
- Jer. 23. Deus, qui apud *Jeremiam* dicit; *Propheta, qui somnium habet, somnium narret, & qui verba mea habet, verba mea narret. Quid paleis cum tritico? dixit Dominus. Nunquid non verba mea sunt quasi ignis? dicit Dominus, quasi malleus conterens petram?* Concludebam igitur, hominem Deo fidentem ex efficacia & ardore illo, quo affici se percipit, deprehendere sermonis Dei veritatem. Nam vox lupi & alieni pastoris non potest permovere veram ovem, ut ipsum diu sequatur; & hanc esse regulam qua judicarem divinas sententias à non divinis distinguere posse. Ille probabat meam sententiam, atque addidit, sine bono studio auditorum non apparere efficacitatem divinarum sermonum, ut constet ex Christi historia. Dum enim simplices *Israelitæ* dicebant, *nunquid sic loquutus est homo*, & similia de Christi doctrina, *Pharisæi* & perversi Sacerdotes eum deridebant & contemnebant. Tunc ego, si contingeret igitur, ut cum congregiemur, fieret ad te verbum Domini, num hujuscemodi regula uteris? Hic ille inquit, cum posset accidere, ut mihi de hac re judicandum esset, nolo hoc tempore, meam sententiam declarare, sed hujuscemodi ratio non mihi mala videtur. Ex quibus verbis nescio quid mihi visus sum odorari minus candidum, quam in re tantæ opus esset. Sed Dei esto judicium de ejus interiori sensu. Ego bona fide colloquia nostra exposui, ut vobis usui esse possint, ratus hoc vobis gratum, sicut foret mihi, si vestro loco essem. Reverfus die 30. ad illustrissimum D. *Rosenbergium*, vidi eum tandem exeuntem ex cubiculo ad quosdam Nobiles, & dixit, se tantopere districtum esse, ut necum colloqui non posset, sicut cuperet. Ego verò inquam, me S. Celsitudinis monitu toties reversum expectare ejus responsum, & an vobis rescribere vellet. Tunc ille inquit, prius tecum colloquendum est mihi; itaque (ut ejus verbis utar) habeas patientiam aliquot dies, donec ego pro te mittam, & sic me dimisit. Docui igitur *Venceslaum* cubicularium nostras ædes, qui dixit se optime callere locum, ac suo tempore me-

memorem fore mei, cum Dominus me accerseret. Exspectans igitur aut responsum illustrissimi D. *Rosenbergii*, aut aliquid aliud dignum vestris auribus, non visum est mihi ad vos expressum nuncium mittere: monente præsertim Domino *Seuembergio*, vobis esse patatas nescio quas ædes in oppido *Naitu*, in Comitatu *Suarreburgensi*, & ut expectarem reditum Domini *Carpionis*, quem propediem reversurum sperabat, ne sine magna causa atque incertus de loco vestrae Sedis ad vos literas dirigerem. Igitur non parum sollicitus de vobis & de reditu D. *Carpionis*, se mei ad minimum in die ejus ædes adeo, atque interrogo, si quid de illo significetur, nec quicquam, per multos dies audio. Tandem die 12. Augusti sciscitor D. *Millerum*, an aliquid mihi de Amico dicere possit. Respondet, se quoque expectare hominem, atque admodum mirari tam diuturnam moram, præsertim cum D. *Gregorius*, qui cum ipso *Carpione* ad vos venerat, sit triduo ante reversus. Ego igitur, qui nihil prius de D. *Gregorio* aut itinere aut reditu noveram, ad illum rectè contendo. *Gallus*, ejus contubernalis humaniter me admittit, jubet expectare D. Doctorem, & ad illum accersendum currit. Sed cum diutius moraretur, ego jam discessurus, video D. *Gregorium* seorsum cum ipso colloquentem, & me torvo vultu intuentem. Saluto illum, & gratulor reditum, ac demum de vobis interrogo. Ille respondet, se nihil quicquam de vobis aut rebus vestris scire, nec vobiscum fuisse. Tunc ego aliquantulum hæreo, ac tandem dico, si nolit quicquam dicere, me æquo animo laturum; sed jam mihi constare, eum vobiscum fuisse. Ille stomachatur vestrum nomen, ac totius mundi fallacias & imposturas; dicit sua sibi esse curæ, non vestra; vos multa quidem promittere, sed parum præstare; nescire se, quare conqueramini; se per sesquiannum vana spe lactatum, vobis adhæsisse, ut aliquod è minoribus vestris arcanis disceret, nec quicquam alicujus momenti percepisse. Hic ego: an parvum tibi videtur arcanum illud contra luem venerem? Ille verò subridens, à D. *Sconso*, inquit, longè præstantiorem habeo. Denique his omissis, librum meum *Pestelli* repeto: ille negat se habuisse; interrogat, à quo audiverim; ac me laudante D. *Dee*, ille rursus negat se vidiisse; nisi forte, inquit, ex manibus D. *Seuembergii*, vis dicere librum nescio quem sine titulo: ac denique de relictigendo nullam spem facit. Ego, qui cum illo verba commutare nollem, abeo: ac puerum vestrum *Stanislaum* in atrio offendo, & ab illo intelligo; vos *Erfordiam* usque cum D. *Gregorio* & D. *Carpione* venisse, ante octiduum D. *Carpionem* illinc *Bambergam* ad exigendas nescio quas pecunias, profectum; se cum D. *Gregorio* nunc venisse. Interrogo an literas aut aliquod verbulum à vobis ad me

for-

ferret; respondet, nihil prorsus; quia fortè putabant, inquit, te hîc non esse: se post triduum aut quadriduum ad vos reverfurum. Laudo ejus consilium & constantiam in serviendis Dominis, ac doceo meas ædes, ne sine meis literis ad vos veniat: promittit se non discessurum, me insalutato. D. *Gregorius* interim percipit, me cum illo colloqui, atque iratus (quantùm ex voce clamantis judicare possum) puerum revocat. Ego cogitabundus discedo. Die quinto decimo hujus mensis, tandem nactus servulum vestrum *Stanislaum*, in loco libero, eum accuratius de vestris rebus ac statu examino, atque non sine magnâ animi mei voluptate audio vobis concessas esse ampliores ædes: illustrissimum D. *Langravium* præstantissimo D. *Dee* multùm tribuere & favere, & summo Deo pro tanto munere magnas gratias ago, atque puerum ad meum cubiculum duco, ostendoque illi literas ad vos paratas, ne sine ipsis ad vos revertatur. Sed paulo postea pater *Carpionis* me monet, se velle ante noctem ad vos unicum expressum mittere, & ut scribam, si velim: nam se à D. *Kellæ* monitum hoc mihi significare. Ingentes gratias ago D. *Kellæ*, qui mei non sit omnino oblitus, & hæc, per hunc, quem vobis spero fidum, nuncium, significare statuo, scripturus rursus per *Stanislaum*, si operæ pretium videbitur.

Oro vos atque obtestor per Deum illum vivum, qui auctor est nostræ amicitiz, & qui disertè præcepit, ut nos invicem ac mutuò amemus, ne obliviscamini mei, cum datur vobis occasio invisendi me per literas aut per internuncios, & reddendi me certiorum de statu vestrarum nostrarumque rerum; nam ego certè vestri non obliviscar, & officia mea id testabuntur, non solum coram Deo, sed etiam coram omnibus hominibus. Si vester reditus aliquandiu differetur, invisam vos proximo mense Septembri; longè enim à vobis vix vivere possum, immo si propriè loquendum sit, me vitæ tædet: ac præsens agam de nonnullis rebus, quas scribere minimè decet.

Jam elapsi sunt 18. dies, ex quo illustrissimum Nuncium Apostolicum non vidi; & cum satis superque satisfecerim obedientiz non adibo illum, ne verba nobis dare sibi tam facile fore persuadeat. Ostendit literas D. *Dee* Legato *Veneto* & *Florentino*, & uterque mihi summo opere eas laudavit, dixitque sibi visas disertas, graves, & plusquam vulgaris spiritus, & optassent exemplum illarum. Sed ego offerre non poteram, & dubito, ne illustrissimus Nuncius eas supprimat; nam haud obscurè innuit, se timere vestrum congressum, præsertim æquum & rationalem, & id quærere videtur, ut vobiscum agere possit more *Hisp.* &c. D. *Joan. Carpio* nondum revertitur, & D. *Rosenbergius* cras dici-

citur discessurus, & nescio, an recuperare potero literas ad eundem *Carpiorem*, in quibus de pecuniolis illis agebatur. Si dubitatis, ne ille diutius, quam par sit, solutionem differat quæso curetis, ut aliquo alio modo mihi prospiciatur. D. *ab Ossa* per 20. dies non vidi, ac Jesuitis palam dixi, & dico, quodocunque occasio se offert, vobis factam ab ipsis insignem injuriam; eos plus pendere ab aulis terrestribus, quam à cœlesti; timere collationem æquam cum vobis, ac suæ causæ animum haud obscurè diffidere; itaque jam sum eis minus gratus.

Saluto Uxorem D. *Dee*, lectissimam foeminam, ac mihi non minus quam matrem venerandam; nec non conjugem D. *Kellai*, rarum exemplum juvenilis sanctitatis, castitatis, atque omnium virtutum. Saluto omnes alios vestros domesticos sanctos, vosque inprimis D. D. *Joan.* & *Ed.* desiderabilia mihi nomina, felices ac beatos in Domino cupio ac precor. Quantum tribuam, & tribuere debeam vestris precibus, notis, eis oro atque obsecro me apud D. Deum juvetis, ut vocationi meæ respondeam, & cursum meum hilari animo ac firmo corpore perficiam. Sanctissimus ille pater, qui nobis jam suscitavit Pastorem illum magnum D. *Jesum*, filium suum, mox reversum ad subigendos omnes inimicos ejus sub pedibus suis, atque extremam manum impositurum renovationi rerum, nos omnes suo spiritu foveat ac recreet, ut latè adventum ejus præstolari, atque nuptialibus vestibus lampadibusque accensis ornati, ipsi occurrere possimus.

Idem Dominationibus vestris  
addictissimus, atque ex animo  
Frater.

Puccius.

Praga xv. Kal. Octobr.  
M.D. LXXXVI.

Nann

Epi.

*Epistola D. ROSENBERGII ad J. DEE & E. KELLÆUM.*

*Magnificis viris, Domino Joanni Dee & Domino Edwardo Kellæo,  
& ad manus proprias.*

**M**AGNIFICI Viri, fratres & amici charissimi. Hodie hora 9. ante meridiem istæ mihi allatæ sunt literæ à Domino *Schembergio*, quæ datæ sunt 5. Martii, & debebant jam devenisse in manus meas antea. Ex quibus intelligo, ipsum cum Domino *Halek* expectare responsum *Munsterbergii*. Quandoquidem omnipotens ille omnium rerum moderator, & rector vos delegaverit ad hoc Ministerium & opus perficiendum: Ego nihil scio, quid agendum, nec ullum meum consilium eò accedere potest, ut disponere aliquid possim, sciam, aut velim, nisi quod sapientissimo illi moderatori visum fuerit. Proinde omnia vobis transmittito. Orate sedulo, & quod placuerit Altissimo & Potentissimo Domino, hoc fiat, & me etiam in omnibus informate, & in tantis libenter obedire cupio & volo; & ita polim neque diem istam prætermittere, quin statim rursus ad vos transmittam. Interim vos & meipsum Dei omnipotentis bonitati immensæque misericordiæ commendans.

Vester amicus & frater,

G U L I E L M U S.

*Manu propria.*

Dat. *Cromovie, 16. Martii.*  
Anno 1587.

---

*Alia Epistola ejusdem ad eosdem.*

**M**AGNIFICI Domini, Charissimi amici & fratres. Ad literas vestras nihil respondere potui, quandoquidem per suas mihi literas D. *Schemberg*, de suo & Socii ipsius adventu significaveras, volui primum quæ mihi. . . . . dicentur audire. Et si aliqua nova essent vel non audita, dominationem vestram magnificam denuò certiore reddere. Hæc non solum ad me venit D. à *Schemberg* relicto socio in Monasterio meo

Co-

*Coroniensis* dimidium abhinc milliare, & negotiis mihi multa exposuit, de quibus, uti intellexi, ex ipso & Dom. vestris mag. significaverit, utipote intelligere, satis circumspectè & providè negotia sunt tractata usque huc, & spero etiam fideliter. Ad omnia ista respondi, prout sapissimè à me intellexisti, & nuper etiam literis, quæ illi dicenda putabam, Dominationi vestræ scripti. Tota res videtur consistere in adjuvandis aliquibus personis pecuniarum aliquo auxilio, & prout & scriptum sive. . . memoriale mihi tradidit, quod transmitto Dom. vestris perlegendum & considerandum, & post, mihi remittatur oro. Charissimi Domini, scitis, quæ sit voluntas Domini; si proxima actio & aliæ (mihi videtur) annunt ipsos adiutandos, fiat secundum ipsius, cujus omnia sunt voluntatem & misericordissimam dispositionem, & expediantur eò celerius, prout cum Domino *Edwardo* locuti sumus. Ipsi respondeant Domino altissimo & potentissimo de fide, quam ipsi præstabunt; sin verò aliter visum fuerit omnipotenti Domino, fiat ita. Rogo Dom. vestras Magn. quàm amantissimè piis suis ad Deum orationibus & mediis à Domino vobis traditis & concessis promovere, & adjuvetis Domini Dei nostri opus & voluntatem exequi.

Socius remansit in Monasterio, ut supra dictum, & conclusi cum Domino *Schombergro*, ut neque videam neque tractem cum illo, certis de causis, quas vobis significabit, & à me etiam intelligetis; tamen ut edisit melius contentus de duobus vel tribus millibus tallerorum, ipsi procurabit ad quedam sibi necessaria comparanda in lucro sperat ipsum benè fore contentum pro tempore, modo cætera, quæ majora sunt, propter reliqua, ut supra scripti, procurentur.

Ego non sum ab Imperatore vocatus, sed meam de aliquibus expetivit sua Majestas sententiam, de quibus rescripti, ut decessit.

De actione intellexi Dominationes vestras paratas ad præscriptum diem esse veite; bene est. Semper nos paratos esse decet & convenit. Ipse benignissimè, quæ in nobis desunt, sua misericordia & clementia inenarrabili perficiat. Placet mihi sententia Dominationum vestrarum; & quæ initio & in proœmio actionis proponere velletis, de quo me informabitis, ad hoc me componam, & expectabo humiliter responsum.

*Qua proponenda putabam, nulla sunt alia, nisi illa.*

1. Si Imperator de rebus *Polonicis* à me quicquid sciscitari vester, aut suspicione aliqua de me concepta aut fingendo sibi aliquid, quomodo me gerere debeat?

2. Si Imperator de successione Regni hujus pro fratre aliquid tractare vellet, quomodo me gerere debeat?

3. Si electio *Polonica* successura sit, quid de bonis meis paternis disponat Dominus, & mihi quid faciendum?

Nnnn 1.

4. De

4. Debeo-ne de negotio *Polonico* aliqua cum Electore *Brandenburgico*, aut aliquo Principe Imperii confidenter conferre, vel non? Cum quibus, quando, & quâ ratione?

5. Si miles aliquis conducendus, & quando?

6. Si Pontifex aut Imperator de personis Dominationum vestrarum vellet aliquid attentare, vel eas iterum relegare, vel quovismodo perturbare, quid agendum & ipsis respondendum?

7. Si de thesauro nobis concedito, aliquid Cæsari sit communicandum, quando, quomodo, & quantum?

8. Si Imperator meâ operâ uti vellet pro agendis Comitibus in *Moravia* & *Silesia*, si hoc suscipere munus debeam?

De cæteris humiliter supplicent ut me ita disponere dignetur altissimus ut sibi soli placeam, & serviam fideliter & constanter ad sui nominis æternam gloriam & Reipublicæ Christianæ salutem.

Si Dominationes vestræ putant aliqua omittenda, aut quæ offendere possent, per amorem Dei oro bene considerent: omittant aut emendent sua pietate & prudentiâ.

Unum est, quod omisi de propositionibus. Quod constitueram in animo de Thesauro Domini benignè concesso aliquas fundationes hic in patria istâ constituere. Deus scit mentem meam, quem nihil latet. Si placeat hoc meum misericordissimo Domino propositum, vel non?

Et præsertim si mihi aliud (divinâ ita disponente gratiâ) sit commigrandum, vellem Patria mea cognoscat, & tota posteritas, quod amaverim illam, & optimè de salute ipsorum & posteritatis senserim.

Vester ex animo & frater & amicus sincerus

GULIELMUS.

*Mann propriâ.*

Dat. *Cromevia* feria Sta. post  
Pascha Anno 1587.

*Qua in quadam actione proponenda statuit J. DEE.*

**I**N nomine Patris, & Filii, & Spiritûs Sancti. Amen.

Gloria Patri, & Filio, & Spiritui Sancto: sicut erat in principio & nunc & semper & in secula seculorum. Amen.

*In Actione Tertia, proponenda.*

1. Deo omnipotenti, Patri, Filio, & Spiritui Sancto, offerimus nos humillimè, paratos ad divina Oracula, Monita, instructiones, informatio-



tiones, & alia quæcunque in hac generali Actione, suscipienda, intelligenda, & exequenda, quæ sua divina Majestas pro sua gloriâ & nostrâ consolatione maxima fore præviderit & decreverit.

2. Humiliter requirimus, an hic plenaria hæc transigetur Actio: vel an nobis ad *Cromoviam*, cum necessariis nostris rebus, (& quibus illis quidem) properandum fuerit.

3. Has nostri Domini *Rosenbergii* Quæstiones 12. generales, & alia, quæcunque in eisdem particulariter continentur, humiliter offerimus, tam ejus quàm nostri nomine, illa & talia expectantes responsa, quæ & quæ hia à sede Majestatis Divinæ in suorum Servorum consultationibus procedere, & olim & semper solent.

4. Et quia in eisdem Quæstionibus, nulla facta est mentio de usu pulveris, quem sibi divinitus concessum habet, & aliquoties prius dictum fuerit, quod in hac Actione informaretur de illius pulveris usu, nos jam humiliter illam desideramus informationem.

5. Et quia extraordinarius iste vehemens favor *Moschevitici* Principis erga me incognitum jam est mihi & multis aliis contestatus & manifestus. (ago Deo Optimo Maximo gratias quantas possum maximas) & quia incertus sum, ad quem finem Deus illum ejus favorem erga me dirigere velit: humiliter peto, ut mihi à te, omnipotens Deus, informatio deur de isto sine, & voluntate tuâ in hac parte, & quomodo ejusdem Nuntiis respondere debeam, si qui jam venerint de cætero.

6. An non debeamus nosmet disponere, (ut aliàs aliquoties præmonitum est) ut hic *Lapidem Philosophorum* ex methodo *Dunstani* conficiamus: quæ methodus, quia mihi non constat, sæpe me hæcenus fecit videri quasi in hoc labore tardum, otiosum, vel ignavum. Ubi contra, quàm est paratus animus meus, & manus, & pedes, & omnes vires tam animi quàm corporis mei, tu nosti, tuque, ô Deus, testis esto meus.

7. Illa praxis, cum poculo ferreo, canali vitreo, calce &c. nondum nobis succedit; ideirco, ad illius quoque conclusionis veritatem prælicam obtinendam libenter sciremus, quid est, quod nos hæcenus impedivit, vel quid nobis deest ad veram intelligendam, & perficiendam praxim illam.

8. *Thome Kellei* decumbentis valetudinem & sanitatem tibi, ô Deus, commendamus, & supplicamus, ut illi nobisque propitius esse velis: illumque sanum & saluum nobis reddere & confirmare digneris ad nominis tui laudem, honorem & gloriam, ex fideli ejusdem posthac servitio & officio erga divinam tuam Majestatem. Amen.

9. *Joanna*, uxor *Ed. Kellei* nostri, omnipotenti divinæ Majestati tuæ supplicat per me, & ego humillimè, (ejusdem *Joannæ* nomine) tibi (ô Deus) supplico, ut illi velis esse misericors, clemens, & benignus; & ut ejus multiplices ad te preces pro fecunditate cum hoc ejus marito obtinendâ paternâ respicias charitate: & ut illi hoc contribuere velis gaudium, & quasi sui fidelis Servitii (erga hunc suum maritum) præmium,

ut prole per eundem & cum eodem gaudere possit beata: respice, quaesumus, hanc nostram petitionem, ut à multis olim piis forminis & viris eandem accepisti, & etiam concessisti petitionem, misericordissime Pater, per filium tuum, Dominum nostrum Jesum Christum. Amen.

10. Pro mea *jama* (ò Deus) humillimè gratias ago, quòd hætenus tam clementer & piè illam liberaveris à suæ radicalis infirmitatis contagione: contra quam & medicinam facere me docuisti: & me, ut facerem, adjuvisti. factæque eam virtutem concessisti, ut illa remedii optati nobis præberet signa, qualia nostra imperitia magis sperat esse bona & certa, quàm recta ratione dijudicare potest; hoc igitur symptoma egestionis languinolentæ, quid sit, nescimus, an morbi alterius indicium, an dictæ medicinæ, adhuc in sua virtute & efficaciâ procedentis, operatio. Tuum, ò Deus, ne dedigneris impertire mihi consilium: & de fluxu illo frequenti ex ejusdem *jama* auribus libenter audire vellemus remedium aliquod.

De *Anglia* & Reginæ ejusdem statu, si aliquid scire nobis expedit, libenter audiemus.

FINIS.









148.  
7.  
33.

